

হোখা দ্বিঃ



হাম্বিদিয়া লাইব্রেরী

চকবাজার - ঢাকা - ১১

५२ ९३

ব্যাখ্যাত্মক শব্দার্থ

(বাংলা ভাষায় ও বিস্তারিত ব্যাখ্যা)

দ্বিতীয় খণ্ড

মোঃলাল শামসুল হক ফরিদপুরী (রঃ)

প্রাক্তন প্রিন্সিপাল জামেয়া কোরআনিয়ার

ফয়েজ ও বরকতে

মোঃলাল আজিজুল হক সাহেব

মোহাদ্দেছ জামেয়া কোরআনিয়া লালবাগ, ঢাকা

কর্তৃক অনূদিত।

হামিদিয়া লাইব্রেরী

চকবাজার - ঢাকা - ১১

প্রকাশনায় :

আল্‌হাজ্জ মোহাম্মদ গোলাম আযম

হামিদিয়া লাইব্রেরী

৬৫, চক সারকুলার রোড, ঢাকা—১১

দূর.লাপনী : ২৪৪৪০৮

(বাংলাদেশ)

পঞ্চম সংস্করণ :

১৩৯৮ হিজরী, ১৯৭৯ ই.স.রাজী।

হাদিয়া : ৪৩[✓]৫০ পয়সা মাত্র 43/50

সর্বস্বত্ত্ব সংরক্ষিত

মুদ্রনে :

এম. আজিজুর রহমান চৌধুরী

হামিদিয়া প্রেস

৫০, হরনাথ ঘোষ রোড, ঢাকা—১

(বাংলাদেশ)

بِسْمِ اللَّهِ الرَّحْمَنِ الرَّحِيمِ

শায়খুল-ইসলাম মাওলানা শাক্বীর আহমদ ওসমানী (রঃ)-এর

—একটি আশার বাস্তব রূপ—

আল্লাহ তায়ালার লাখ লাখ শোকর যে, ১৯৫৭ সালের শেষ দিকে বোখারী শরীফের বাংলা তরজমা প্রথম খণ্ড আত্মপ্রকাশ করে। ধর্ম পিপাসু পাঠক সমাজে যেকোন দ্রুত গতিতে উহার প্রসার লাভ হয় এবং যেকোন ব্যাপকভাবে উহা বাংলার মোসলমান ভাইদের নিকট সমাদৃত হয় তাহা সাধারণ দৃষ্টিতে বিশ্বয়ের সৃষ্টি করে। শত চেষ্টা সত্ত্বেও দীর্ঘ দিন যাবৎ উহার চাহিদা পূরণ করা সম্ভব হয় নাই। ইহা দ্বারাই অপরিসীম জনপ্রিয়তার কথঞ্চিৎ ধারণা করা যায়।

এতস্তিন্ন সর্বোপরি বিশ্বয়ের বিষয় হইল—আমার ছায় বিচ্ছা-বুদ্ধিহীন, জ্ঞানশূন্য অযোগ্য লোকের হাতে উহার সঞ্চলন কার্য সমাধা হওয়া। আমার বাংলা ভাষা শিক্ষার শেষ সীমা শুধুমাত্র গ্রাম্য মসজিদের প্রভাতী মুন্সিয়ানা মক্তবে কলা পাতার শ্রেণী পর্য্যন্ত। এই শ্রেণীর শিক্ষিত মানুষের পক্ষে বোখারী শরীফের ছায় মহান কিতাবের বিষয়বস্তু সমূহকে বাংলা ভাষার শুধু রূপদান করাই একটি বিশ্বয়কর ব্যাপার। অতএব যাঁহারা আমার বাংলা ভাষার যোগ্যতা সম্পর্কে ওয়াক্কেফহাল রহিয়াছেন তাঁহাদের জ্ঞান আর বিশ্বয়ের সীমা থাকে নাই।

এইরূপে চতুর্দিক হইতেই কিছু কিছু বিশ্বয়ের বাড় ও আলোড়ন সৃষ্টি হইয়াছে। এইসব বিশ্বয়কর বিষয়সমূহ আমি লক্ষ্য করি নাই এমন নহে, কিন্তু আমি তাহাতে মোটেই বিম্বিত হই নাই, বরং এই সবার অন্তরালে সীমাহীন রহমতের অতল সমুদ্রে উত্তাল তরঙ্গ সৃষ্টি করিতে পারে এমন একটি বস্তুর প্রতিক্রিয়াকে আমি নিবিড়ভাবে নিরীক্ষণ করিতেছিলাম।

বিগত ১৯৪৪ সনের ঘটনা—আমি স্বদেশ হইতে সুবিজ্ঞ ওস্তাদগণের অধ্যাপনায় ছেহাহ্-ছেত্তা তথা আরবী বিদ্যালয় সমূহের সর্বশেষ ক্লাশ হইতে উত্তীর্ণ হইয়া পুনরায় কেবলমাত্র ছেহাহ্-ছেত্তা হাদীছসমূহ বিশেষরূপে অধ্যয়নের উদ্দেশ্যে দেশ হইতে বাহির হই। তখনও আমি শায়খুল-ইসলাম মাওলানা শাক্বীর আহমদ ওসমানী রহমতুল্লাহ আলাইহের দর্শন লাভ করিয়াছিলাম না। কিন্তু তাঁহার অসাধারণ ব্যক্তিত্ব, প্রতিভা ও জ্ঞান-সূর্য্যের কিরণসমূহ যাহা তাঁহার এতাবলীর পাতায় পাতায় বিরাটমান ছিল এবং তাঁহার অতুলনীয়

মনোমুগ্ধকর গুণাবলীর প্রতিভা যাহা পাক-ভারত বরং বিশ্ব-আলেম সমাজকে মুগ্ধ করিয়া রাখিয়াছিল; এই সবার আকর্ষণে আমি তাঁহার প্রতি ছুটিয়া যাইবার আকঙ্কায় ধৈর্য্যের সীমা অতিক্রম করিয়া ফেলি। অতঃপর যখন তাঁহার দেওবন্দস্থিত বাস ভবনে উপস্থিত হইয়া তাঁহার দর্শন লাভের সৌভাগ্য আমার হইল তখন আমার অন্তরের যে অবস্থা হইয়াছিল তাহা বর্ণনাতীত।

তারপর তথা হইতে আমি বোম্বাইর নিকটস্থিত সুরাত জিলার অন্তর্গত 'ডাভেল' নামক স্থানে অবস্থিত সুবিখ্যাত মাদ্রাসায় পৌঁছিলাম। মনে বড় আশা যে, শায়খুল-ইসলাম (রঃ)-এর নিকট বোখারী শরীফ অধ্যয়নের সৌভাগ্য লাভ করিব, কারণ তিনি সেই মাদ্রাসায় এই মহান কিতাবখানার অধ্যাপক। কিন্তু আল্লার কুদরতের শান যে, অবলীলাক্রমে আমার সে আশা পূরণে নানারূপ বাধা-বিপত্তি ও দীর্ঘ সূত্রিতার সৃষ্টি হইতে লাগিল যাহা কিছুতেই শেষ হইতে ছিল না। এমনকি সেই দীর্ঘ সূত্রিতার কারণে তথা হইতে ফিরিয়া আসার দুশ্চিন্তা আসিতে লাগিল। প্রায় দীর্ঘ চার মাস কাল এইরূপে আশা-নিরাশার তরঙ্গ দোলায় হাবুডুবু খাইতেছিলাম। কিন্তু আল্লার শোকর যে, এরই মধ্যে নানাপ্রকার শুভ স্বপ্ন আমার ঐসব দুশ্চিন্তার লাঘব করিয়া আমাকে স্থায়ী আশা-আকঙ্কা হইতে পদঙ্কলনে প্রবলরূপে বাধা প্রদান করিতেছিল।

একটি স্বপ্ন ত আমার শুভ ভবিষ্যতের সুস্পষ্ট সুসংবাদ বহনে আশ্চর্য্যজনক ভাবে বাস্তবায়িত হইয়া আমাকে সান্ত্বনা দিল। যাহার বিবরণ এই—

দেওবন্দ মাদ্রাসার হাদীছ শিক্ষক মাওলানা হৈয়্যাদ আছগর হোসাইন (রঃ) যিনি একজন সুপ্রসিদ্ধ প্রবীণ ওলীউল্লাহ বুজুর্গ ছিলেন। মোজাদ্দেদে-জমান মাওলানা আশ্রফ আলী খানভী (রঃ) এবং শায়খুল ইসলাম মাওলানা শাক্বীর আহমদ (রঃ) শ্রেণীর ওলীউল্লাহগণের সময়ে তাঁহাকে বিশেষ শ্রদ্ধার পাত্র মুরব্বী শ্রেণীর ওলীউল্লাহ বুজুর্গ গণ্য করা হইত। আমার দেশীয় ওস্তাদগণের এবং দেওবন্দী সমস্ত আলেমগণের তিনি ওস্তাদ ছিলেন। তাঁহাদের শ্রদ্ধাপূর্ণ আলোচনায় আমি নরাধমেরও তাঁহাকে দেখার পূর্ব হইতেই তাঁহার প্রতি ভক্তি শ্রদ্ধা ও মহব্বৎ ছিল। তিনি ওলামাদের মুখে হযরত মিঞা সাহেব বলিয়া পরিচিত ছিলেন। দেশ হইতে "ডাভেল" যাওয়ার পথে কিছু দিন আমি থানাভবন খানকায় ছিলাম; তখন মাওলানা খানভী রহমতুল্লাহে আলাইহের ওফাত হইয়াছে অল্প কিছুদিন পূর্বে। খানকায় অনেক অনেক বুজুর্গেরই গমনাগমন; হযরত মিঞা সাহেবও তথায় তশরীফ আনিয়াছেন। এই সর্বপ্রথম আমি তাঁহার দর্শনের সৌভাগ্য লাভ করিলাম। খানকার

মসজিদে তিনি নামায পড়িতেছিলেন আমি তাঁহাকে পাখার বাতাস দেওয়ারও সুযোগ পাইয়াছিলাম। খানকায় অবস্থানরত “তুরশাহ” নামক এক মজযুব বুজুর্গ আমার হাত হইতে পাখা ছিনাইতে চাহিলে হযরত মিঞা সাহেব তাঁহাকে বাধা দিলেন এবং পাখা করার সৌভাগ্য আমার জন্যই থাকার আদেশ করিলেন।

“ডাভেল” মাদ্রাসায় পৌঁছিয়া শায়খুল-ইসলাম (রঃ)কে পাইবার আশা-নিরাশার টানা-হেঁচরায় জীবনের সর্ব্বাধিক ব্যকুলতায় কাল কাটিতেছিলাম। তখন একদিন রাত্রে স্বপ্নে দেখি, আমি ডাভেল যাত্রার পথে এক মসজিদে উপস্থিত হইয়াছি এবং হাতের স্টকেস সম্মুখে রাখিয়া ছুই রাকাত নামায পড়িয়াছি। নামাযান্তে মসজিদের এক প্রান্তে কিছু লোক জামায়েত দেখিয়া জিজ্ঞাসা করিলাম ঐ স্থানে কি? এক ব্যক্তি বলিল, ঐ স্থানে হযরত মিঞা সাহেব আছেন। আমি স্টকেসটা ফেলিয়াই তথায় যাইয়া বসিলাম। মজলিস শেষ হওয়ার পর আসিয়া দেখি, আমার স্টকেসটা চুরি হইয়া গিয়াছে। তৎক্ষণাৎ ছুটিয়া যাইয়া হযরত মিঞা সাহেবকে বলিলাম, আমি ডাভেল যাইতেছি; আপনার মজলিসে বসিয়াছিলাম; আমার স্টকেসটা চুরি হইয়া গেল; ডাভেল যাত্রা অশুভ মনে হয়। হযরত মিঞা সাহেব স্বপ্নে যে উত্তর দিয়াছিলেন আজও উহার শব্দ আমার কাণে ধ্বনিত মনে হয়। তিনি বলিলেন **يا و؛ شے فہل ہاں ہئیوے** “যাও; শেষ ফল ভাল হইবে।”

এই শুভ স্বপ্নের আলিঙ্গনে আশার প্রাবল্য নিরাশাকে পরাস্ত করার উপক্রম; এরই মধ্যে একদিন দেখি, ডাভেল মাদ্রাসার ছাত্র-শিক্ষক ছুটিয়া চলিয়াছে। জিজ্ঞাসায় জানিলাম, ডাভেল গ্রাম সংলগ্ন “নিম্লক” গ্রামে হযরত মিঞা সাহেব আসিয়াছেন। আজ আমি নিদ্রায় নহি, বাস্তব দেখিতেছি। আমিও ছুটিলাম; হযরত মিঞা সাহেবের মজলিসে যাইয়া বসিলাম। কিছু সময় পর লোকজন চলিয়া যাইতে লাগিল; সর্ব্বশেষে মাদ্রাসার মোহতামেয সাহেব এবং আমার পালা; তখন তথায় অণু কেহ নাই। মোহতামেয সাহেব হযরত মিঞা সাহেবের খেদমতে আমার প্রতি ইশারা করিয়া অভিযোগ পূর্ব্বক বলিলেন, হযরত এই ছেলেটি মাওলানা জফর আহমদ সাহেবের ছাত্র, আমাদের মাদ্রাসায় আসিয়াছে; সে চলিয়া যাইতে চায়; তাহাকে একটু নছিত করুন। হযরত মিঞা সাহেব মাওলানা জফর আহমদ সাহেবের প্রশংসা করতঃ আমার প্রতি স্মিত তাকাইয়া বলিলেন, **يا و؛ شے فہل ہاں ہئیوے** যাইও না; ভাল হইবে।

স্বপ্ন আর বাস্তবের এই অপূর্ব্ব মিল; আমি ইহাতে অভিভূত হইয়া আশার আনন্দে ডাভেল মাদ্রাসায় স্থির পদ হইয়া রহিলাম।

আমার আশার প্রভাত উদীয়মান হইতে দেখা যাইতে লাগিল। শায়খুল ইসলাম (রঃ) তথায় তশরীফ আনিলেন। মাদ্রাসার ছাত্রবৃন্দ আমরা সকলেই আনন্দে আত্মহারা। আমরা তাঁহার সাক্ষাৎ লাভ করিলাম এবং সকলে মোছাফাহা করিলাম। সকলের মধ্যে তিনি আমাকে ঠাহর করিতে পারিলেন না, কিন্তু আমার পরম সৌভাগ্য যে, পূর্বের অনেক চিঠিপত্র লেখার দরুন নরাধমের নামটা তাঁহার মনে গাঁথা ছিল। রাত্রিবেলা অত্যাশ্চর্য ছাত্রদের নিকট তিনি জিজ্ঞাসা করিলেন—আজিজুল হক নামের তালেব-এলম এখানে আছে কি? সকলেই বলিল—জী হাঁ। তাঁহার খেদমতে উপস্থিত হওয়ার সংবাদ আমাকে দেওয়া হইল। শায়খুল-ইসলামের মুখে আমার নাম। আমার আনন্দের সীমা রহিল না। আমি তাঁহার খেদমতে উপস্থিত হইলাম। স্নেহভরে তিনি আমার প্রতি তাকাইলেন। তখন হইতেই তাঁহার আন্তরিক স্নেহ আমাকে সৌভাগ্যশালী করিল।

সেই জীবনে শায়খুল-ইসলাম রহমতুল্লাহ আলাইহে বিভিন্ন সময়ে কয়েকটি স্নেহপূর্ণ বাক্য আমাকে সম্বোধন করিয়া বলিয়াছিলেন। বাক্যগুলির প্রতিটি অক্ষর আমার অন্তরে খচিত রহিয়াছে। উহার প্রতিটি অক্ষর কিরূপে বাস্তবে রূপায়িত হইতে দেখিয়াছি তাহা পাঠকবৃন্দের সম্মুখে তুলিয়া ধরার জন্তই উল্লিখিত ইতিহাস সংক্ষেপে ব্যক্ত করিয়াছি। একদা তিনি আমাকে বলিলেন—

”بہت اچھا ہوا کہ تم اس سال میرے پاس پڑھنے آئے ہو
میں اس سے پہلے غالباً دس دفعہ بخاری شریف پڑھا چکا ہوں
میرا خیال ہے کہ پچھلے تمام سالوں کا مجموعہ میں اس سال
پڑھاؤنگا اور شاید یہی میرا آخری پڑھانا ہے“

অর্থ—“এই বৎসর আমার নিকট অধ্যয়নে তোমার আগমন অত্যন্ত শুভ ও সময়োচিত হইয়াছে। ইতিপূর্বে আমি অন্ততঃ আরও দশবার বোখারী শরীফ পড়াইয়াছি। আমার ইচ্ছা—বিগত দশ বৎসরের সমুদয় অভিজ্ঞতার সমষ্টি আমি এই বৎসর শিক্ষাদান করিব। মনে হয়, ইহাই আমার শিক্ষাদানের শেষ বৎসর।”

ফার্সী ভাষায় একটি প্রবাদ আছে—گوید دیدہ گوید—
“আম্রার প্রিয় বান্দাগণ যাহা বলিয়া থাকেন তাহা যেন চাক্ষুস দেখিয়াই বলিয়া থাকেন।”

শায়খুল-ইসলাম (রঃ) সান্ত্বাব্যাকারে যে কথাটি প্রকাশ করিলেন যে, “মনে হয়—ইহাই আমার শিক্ষাদানের শেষ বৎসর” তাঁহার উক্তিটি যেন নির্দ্বারিত সত্যের ভবিষ্যদ্বাণী ছিল যাহা অক্ষরে অক্ষরে রূপায়িত হইয়াছে।

আল্লাহ তায়ালা লাখ লাখ শোকর—তিনি ঐ বৎসর বিশেষ যত্নের সহিত বোখারী শরীফের অধ্যাপনা শেষ করিলেন। অতঃপর বৎসর শেষে মাদ্রাসা বন্ধ হইলে তিনি দেওবন্দস্থিত স্বীয় বাস-ভবনে প্রত্যাবর্তন করিলেন। আমিও তাঁহার সঙ্গে সঙ্গে রহিলাম, এমনকি আমাকে তিনি অতি যত্ন ও আদরের সহিত স্বীয় বাস-ভবনেই রাখিলেন। আমি প্রায় এক বৎসর তাঁহার স্নেহ মমতার সাহচর্যে থাকিলাম। অধ্যাপনার সময় তাঁহার বর্ণিত তথ্যপূর্ণ ব্যাখ্যা ও অমূল্য বর্ণনা সমূহ যাহা আমি পাণ্ডুলিপি করিয়া রাখিয়াছিলাম উহার পুনর্লিখন কার্য্য করিতে ছিলাম এবং তাঁহার সংশোধনও গ্রহণ করিতে ছিলাম। ইতিমধ্যেই তিনি অসুস্থ হইয়া পড়িলেন, যেই রোগে তিনি দীর্ঘ এগার মাস রোগ শয্যায় শায়িত রহিলেন। এই দিকে সমগ্র দেশে রাজনৈতিক পরিবর্তনের বাড় বহিতে লাগিল। মোসলেম সমাজের নেতৃস্থানীয় লোকগণ তাঁহাকে রোগ শয্যায় অবসর দিলেন না। ধীরে ধীরে তিনি মোসলেম সমাজের রাজনৈতিক জীবন-মরণ সমস্তার একমাত্র সমাধান পাকিস্তান আন্দোলনকে জয়যুক্ত করার সংগ্রামে জড়িত হইয়া পড়িলেন এবং জাতিকে রক্ষা করার দায়িত্ব পালনে সক্রিয় অংশ গ্রহণকারী অগ্রদূতগণের অত্যন্ত প্রধানরূপে তিনি কার্য্য চালাইয়া যাইতে লাগিলেন। অতএব দীর্ঘ এগার মাস কাল পর তিনি রোগযুক্ত হইলেন বটে, কিন্তু তাঁহার গোটা জীবন রাজনৈতিক যুদ্ধে মোসলেম জাতিকে রক্ষা করার কার্য্যে উৎসর্গ হইয়া গেল। পাকিস্তান কায়ম হইল, তিনি পাকিস্তানের সর্ব প্রথম সর্বভৌম গণপরিষদের প্রধানতম সদস্য নিয়োজিত হইলেন।

এইরূপে তাঁহার জীবন-সমুদ্রের গতি অধ্যাপনার দিক ছাড়িয়া অল্প দিকে প্রবাহিত হইতে বাধ্য হইল। জীবনের শেষ মুহূর্ত্ত পর্য্যন্ত তিনি পাকিস্তানের শাসনতন্ত্রে ইসলামী আদর্শ প্রতিষ্ঠার চেষ্টা হইতে অবকাশ পাইলেন না। ঐ উদ্দেশ্য সাধনের চেষ্টার তিনি ভাওয়ালপুর সফর করিলেন। তথায় হঠাৎ হৃদরোগে আক্রান্ত হইয়া চিরতরে এই জ্যোতির্ময় সূর্য্য ১৯৪৯ সনে অন্তমিত হইয়া গেল।

১৯৪৪ সনে তিনি যাহা বলিয়াছিলেন যে, “মনে হয়—এই বৎসরের অধ্যাপনাই আমার শেষ অধ্যাপনা।” তাঁহার সেই ধারণাই বাস্তবে রূপায়িত হইল—
 قلندر هرچه گوید دیدار گوید — “আল্লার অলিগণ যাহা কিছু বলিয়া থাকেন তাহা যেন চাক্ষুশ দেখিয়াই বলিয়া থাকেন”। বাস্তবিকই ১৯৪৪ সনের পর তাঁহার অধ্যাপনার যুগ আর ফিরিয়া আসে নাই।

১৯৪৪ সনে তিনি এই নরাদমকে লক্ষ্য করিয়া আরও একটি কথা বলিয়া ছিলেন, সেই কথাটিই এখানে বিশেষরূপে উল্লেখ যোগ্য। তিনি বলিয়াছিলেন—

أُمِيدُ هَيْ تَهْمَارِ ذِيْعَةِ سَيِّدِ بَزْكَالِ مِيْنِ مِيْرِي دَجْجَهْ بَاتِيْنِ دِهِيْلِي كِي
 “আমি আশা করি আমার বণিত কিছু বিষয়বস্তু বাংলাদেশে তোমার দ্বারা
 প্রসার লাভ করিবে।” দীর্ঘ ১৪ বৎসর পূর্বে ১৯৪৪ সনে শায়খুল-ইসলাম
 রহমতুল্লাহে আলাইহে উল্লেখিত উক্তিটি আমার কানে এখনও ধ্বনিত মনে হয়।
 ১৯৫৭—৫৮ সন হইতে বোখারী শরীফের বাংলা তরজমা বাংলার মোসলমান ভাই-
 বোনদের হস্তে সমাদৃত হওয়া আরম্ভ করিলে পর শাইখুল-ইসলাম রহমতুল্লাহে
 আলাইহে উল্লেখিত উক্তিটিরই বাস্তবরূপ আমার চোখে ভাসিয়া উঠিল।

বোখারী শরীফে বণিত একটি হাদীছে-কুদসীতে বণিত আছে-আল্লাহ তায়ালা
 বলিরাছেন, “কোন বান্দা যখন আমার প্রিয় হইয়া যায় তখন সে আমার নিকট
 যাহাই প্রত্যাশা করে আমি তাহাই তাহাকে দান করিয়া থাকি।”

রসূল ও নবীগণ মানবের হেদায়েতের প্রতি কিরূপ লালায়িত থাকেন কোরআন
 শরীফের একাধিক আয়াতে উহার আভাস পাওয়া যায়। আল্লাহ তায়ালা
 রসূলুল্লাহ (দঃ)কে বলেন— لَعَلَّكَ بِاِخْرَاجِ ذٰلِكَ نَفْسًا اَنْ لَا يَكُوْنُوْا مُؤْمِنِيْنَ
 “মকার ধুরন্ধর কাফেররা ঈমান আনিতেছে না সেই অনুতাপে আপনি নিজেকে
 হালাক করিয়া দিবেন মনে হয়।” রসূল ও নবীর নায়েব—আল্লার ওলী ও
 খাটী আলেমগণ সাধাণতঃ সেই স্বভাব ও প্রকৃতিরই হইয়া থাকেন।

শায়খুল-ইসলাম রহমতুল্লাহে আলাইহে অন্তরে বাংলার মোসলেম সমাজের
 প্রতি আকৃষ্টতার উদয় হইল, কিন্তু তিনি বাংলাভাষী ছিলেন না। সুতরাং তাঁহার
 মনের এই আকর্ষণের অছিলায় আমি নরাধমের অদৃষ্ট-নক্ষত্র চমকিয়া উঠিল।

শায়খুল-ইসলাম (রঃ) আল্লাহ তায়ালা দরবারে কিরূপ প্রিয় পাত্র ছিলেন,
 এখানে উহার সম্যক পরিচয় পাওয়া যায়। তিনি নেহাত মামুলী ও স্বাভাবিক
 ভাবে যে উক্তিটি করিয়াছিলেন আল্লাহ তায়ালা সর্বশক্তিমান তাঁহার সেই উক্তি
 নিফল ও প্রতিক্রিয়াহীন যাইতে দিলেন না। বরং তাঁহার সেই উক্তি ও আশাকে
 বাস্তবে রূপায়িত করিয়া তুলিবার বাস্তব ব্যবস্থা ও অছিলা সৃষ্টি করিলেন।
 কি আশ্চর্যজনক ব্যবস্থা! আমার শ্রায় অযোগ্য নরাধম যাহার বাংলা ভাষা
 শিক্ষার শেষ সীমী ও বিছার দৌড় সম্বন্ধে পূর্বেই উক্ত হইয়াছে; এতদসত্ত্বেও
 এই অযোগ্য নরাধমকে আল্লাহ তায়ালা স্বীয় অপার করুণাবলে এতটুকু তৌফিক
 দান করিলেন যে, নিতান্ত মামুলী সাধারণভাবে হইলেও বাঙ্গালাভাষী মুসলিম ভাই-
 বোনদের বোধগম্য বাংলা ভাষার মাধ্যমে মহান কিতাব বোখারী শরীফের বাংলা
 অম্বুবাদ পেশ করিতে সক্ষম হইলাম। (সমস্ত প্রসংসা আল্লাহ তায়ালায়।)

মান-মর্যাদার ভাষা বলিতে আমার অনুবাদে মোটেই নাই, কিন্তু আমার ছায় অযোগ্য, বাংলা ভাষায় দখলহীন ব্যক্তির পক্ষে বোখারী শরীফের মত মহান কিতাবকে বাংলা ভাষার রূপদানই নিঃসন্দেহে এক বিস্ময়কর ব্যাপার।

এতদ্ব্যতীত বোখারী শরীফের এই অনুবাদ বাংলার মুসলিম ভাই-বোনদের নিকট যেরূপ সমাদৃত হইয়াছে এবং যে প্রকার বিদ্যুৎ গতিতে ইহার প্রসার লাভ ঘটিয়াছে তাহাও কম আশ্চর্যের বিষয় নহে। কিন্তু এই সবই সম্ভবপর এবং সহজ-সাধ্য হইয়াছে এই কারনে যে, এই সবার মূলে ছিল বিগত ১৯৪৪ সালে শায়খুল-ইসলাম রহমতুল্লাহ আলাইহের আশা আকাজ্জা মূলক বাক্যের রূপায়ণ। রসুলুল্লাহ ছাল্লাল্লাহু আলাইহে অসাল্লামের হাদীছ বোখারী শরীফে বর্ণিত আছে—

ان من عباد الله من لواقسم على الله لا ير

অর্থাৎ “আল্লাহ তায়ালার বান্দাদের মধ্যে অনেক ব্যক্তি আছেন যাহারা (নিজ উক্তিতে) কোন কথা বলিয়া ফেলিলে আল্লাহ তায়ালার তাহা পূরণ করেন।”

শায়খুল-ইসলাম রহমতুল্লাহে আলাইহে যে সেইরূপ বান্দাদের একজন, বোখারী শরীফের বাংলা তরজমার ঘটনাবলী উহার একটি প্রকৃষ্ট নিদর্শন ও প্রমাণ।

প্রত্যেক পাঠক পাঠিকা সমীপে আমার বিনীত নিবেদন, তাঁহারা যেন শায়খুল ইসলাম রহমতুল্লাহ আলাইহের পবিত্র আশ্রায় প্রতি ছওয়াব রেছানী এবং দোয়া করিয়া তাঁহার হুক আদায় করিতে সচেষ্ট হন; প্রত্যেক পাঠকেরই তিনি ওস্তাদ।

সঙ্গে সঙ্গে আরও একটি অনুরোধ স্মরণ করাইয়া দিব যে, আমার পিতা মরহুম হাজী এরশাদ আলীকে দোয়ার সময় ভুলিবেন না। তাঁহার অছিলা ও আপ্রাণ চেষ্টা এবং খালেছ নিয়োতের বদৌলতে আল্লাহ তায়ালার আমাকে আপনাদের খাদেম হওয়ার তৌফিক দান করিয়াছেন। আখেরাতের দৌলত ও সৌভাগ্য লাভের অছিলা—দোয়া ইত্যাদি লাভ করার সুযোগ দেখিলেই মরহুম মাতা-পিতার কথা আমার মনে জাগিয়া উঠে এবং মনে চায় সেইরূপ সুযোগের সম্পূর্ণ টুকুই মরহুম মাতা-পিতার জন্ত উৎসর্গ করি। বোখারী শরীফ বাংলা তরজমার পাঠক পাঠিকাগণের প্রাণে আমি নরাধমের প্রতি স্নেহ-মমতার উদয় হইবে বলিয়া আমি আশা পোষণ করি, তাই তাঁহাদের নিকট আমার বিনীত প্রার্থনা, প্রত্যেকেই আমার মরহুম মাতা-পিতার রুহের প্রতি ছওয়াব-রেছানী ও দোয়া করিবেন।

হে আল্লাহ! আমি নরাধমের এই নগণ্য খেদমতটুকু কবুল কর, ইহার দ্বারা মোসলেম সমাজকে উপকৃত কর এবং ইহাকে আমার ও আমার মরহুম মাতা-পিতার মাগফেরাতের অছিলা বানাইয়া দাও। আমীন—আমীন—আমীন।

মুচী-পত্র

বিষয়	পৃষ্ঠা	বিষয়	পৃষ্ঠা
নবম অধ্যায়		দান-খয়রাত করা মোমলমানের কর্তব্য	৬৯
যাকাত	১	কি পরিমাণ মালে যাকাত ফরজ	৭০
কাফেরদের পরিত্রাণ ও মুক্তি নাই	৭	যে কোন বস্তু দ্বারা যাকাত আদায় করা	৭১
রম্বলুগার উপর ঈমান না আনিলে	১২	যাকাতে অপকৌশল করিবে না	৭১
কোরআনের প্রতি ঈমান না আনিলে	১৬	উটের যাকাত	৭২
একমাত্র ইসলামেই মুক্তি	১৮	বকরীর যাকাত	৭২
মোমেন হওয়ার জন্য কি কি আবশ্যক	২০	বৌপ্যের যাকাত	৭৩
আমল গ্রহণীয় হওয়ার জন্য ঈমান শর্ত	২০	আত্মীয়-স্বজনকে যাকাত দান করা	৭৪
কাফেরের ভাল কর্ম নিষ্ফল	২০	ঘোড়া এবং ক্রীতদাসের যাকাত ফরয নয়	৭৬
যাকাত আদায়ের অস্বীকার গ্রহণ	৩২	যে ধন-দৌলত অশুভ	৭৬
যাকাত না দেওয়ার গোনাহ ও শাস্তি	৩৩	ভিক্ষাবৃত্তি হইতে নিবৃত্ত থাকা	৭৮
যে ধন সম্পদের যাকাত দেওয়া	৪১	লিপ্সা ছাড়া কোন কিছু হাছেল হইলে	৮০
মালের হক আদায়ে মাল ব্যয় করা	৪৮	ধন-সম্পদ বাড়াইবার জন্য ভিক্ষা করা	৮০
লোক দেখানো দানের পরিণতি	৫০	কেমন মিসকীনকে দান করিবে	৮১
হারাম মালের দান-খয়রাত	৫১	উৎপন্ন দ্রব্যের যাকাত	৮৩
দান-খয়রাতের প্রতি অগ্রণী হওয়া চাই	৫৩	ফল কাটার সময় যাকাত আদায় করিবে	৮৫
দান-খয়রাত অন্ন হইলেও প্রতিফল বেশী	৫৬	দানকৃত বস্তু পুনঃ ক্রয় করা	৮৬
ধনের আকর্ষণ থাকাকালীন দান প্রশংসণীয়	৫৮	দানকৃত বস্তু দান গ্রহণকারীর নিকট হইতে	
প্রকাশে দান-খয়রাত করা	৬০	আসিলে সাধারণ মালের গণ্য হইবে	৮৬
গোপনে দান-খয়রাত করা	৬০	বাধ্যতামূলক যাকাত আদায় করা	৮৭
অজ্ঞাতসারে অপাত্রে দান করা	৬০	যাকাত দাতার জন্য দোয়া করা	৮৮
অজ্ঞাতসারে পুত্রকে দান করা	৬১	কতিপয় বস্তুর উপর বাইতুল মালের হক	৮৮
প্রয়োজনাতিরিক্ত হইতে দান করিবে	৬২	সরকার কর্তৃক যাকাতের হিসাব লওয়া	৮৯
দান করিয়া খোটা দেওয়া	৬৪	যাকাতের বস্তুসমূহ চিহ্নিত করা চাই	৯০
দান-খয়রাতের জন্য সুপারিশ করা	৬৪	ছদকায়ে-ফেৎর	৯০
অমুসলিম থাকাকালীন দান-খয়রাত	৬৫	দশম অধ্যায়	
দান-খয়রাত কার্য পরিচালকের ছওয়াব	৬৬	হজ্জ	৯৪
স্ত্রী কর্তৃক স্বামীর ধন দান করা	৬৭	শুদ্ধ হজ্জের ফজিলত	৯৫
দান-খয়রাতের সুফল	৬৭	মিস্কাত বা এহরামের স্থান	৯৫
দাতা ও কৃপণের দৃষ্টান্ত	৬৮	হজ্জের সফরে পাথেয় গ্রহণ	৯৬
উত্তম জিনিষ দান করা	৬৯	এহারাম অবস্থায় সুগন্ধযুক্ত কাপড় ব্যবহার	৯৭

বিষয়	পৃষ্ঠা	বিষয়	পৃষ্ঠা
এহরামের পূর্বকণ্ঠে স্নগন্ধি ব্যবহার করা	৯৮	তওয়াফ করাকালীন কথা বলা	১৩৮
রহুল্লার এহরামের স্থান	৯৯	ফজর ও আছরের পরে তওয়াফ করা	১৩৯
এহরাম অবস্থায় নিষিদ্ধ কাপড়	৯৯	কিছুতে আরোহণে তওয়াফ করা	১৩৯
হজ্জের কার্য সম্পাদনে যানবাহন	৯৯	তওয়াফ ও উহার নামায়ের মছআলাহ	১৪১
এহরাম অবস্থায় পরিধেয়	১০০	হাজীদেৱে পানি পান করানো	১৪২
এহরাম বাঁধিতে তলবিয়া বলা	১০২	যমযমের পানি দাঁড়াইয়া পান করা	১৪৩
তলবিয়া	১০২	ছাফা ও মারওয়ার ছায়ী ওয়াজেব	১৪৩
এহরাম বাঁধিবার সময় আল্লার প্রশংসা	১০৩	৮ই জিলহজ্জ জোহরের নামায	১৪৬
কেবলামুখী হইয়া এহরাম বাঁধা	১০৪	আরফায় অবস্থানের দিন রোযা না রাখা	১৪৬
হায়েজ-নেকাছ অবস্থায় এহরাম	১০৪	মিনা হইতে আরফা যাওয়ার পথে	১৪৭
অন্তরে এহরামে এহরাম নির্ধারণ	১০৫	আরফার ময়দানে	১৪৭
হজ্জের সময়	১০৮	আরফায় অবস্থান আবশ্যক	১৪৯
হজ্জের প্রকার	১০৯	আরফা হইতে মোযদালেফা	১৫০
মক্কা শরীফে প্রবেশের পূর্বে গোসল	১১৩	মোযদালেফায় নামায়ের সময়	১৫২
কোন পথে মক্কায় প্রবেশ করিবে	১১৪	মোযদালেফা হইতে মিনা রওয়ানা	১৫৩
বাইতুল্লাহ শরীফের প্রতিষ্ঠা	১১৪	তামাত্তো' হজ্জ	১৫৫
হরম শরীফের ফজিলত	১১৮	কোরবানীর জানোয়ারের উপর আরোহণ	১৫৬
হরম শরীফে সকলের সমান অধিকার	১১৯	কোরবানীর জানোয়ারকে চিহ্নিত করা	১৫৬
মক্কাস্থিত হযরতের বাড়ী	১১৯	কোরবানীর জানোয়ার সংশ্লিষ্ট অব্যাদি	
হযরত ইব্রাহীমের (আঃ) দোয়া	১২০	খয়রাত করা	১৫৭
কাবা শরীফ ইহজগতের ধারক	১২২	স্ত্রীর পক্ষে স্বামী কর্তৃক কোরবানী	১৫৮
বাইতুল্লাকে গেলাফে আচ্ছাদিত করা	১২২	হাজীদের কোরবানী মিনায় হইবে	১৫৮
কাবা শরীফের বিনাশ সাধন	১২৪	নিজ হস্তে কোরবানীর জানোয়ার জবেহ	১৫৯
হজ্জ-রে-আসওয়াদ চুষন করা	১২৬	কোরবানীর অংশ কসাইকে দিবে না	১৫৯
কাবার ভিতরে নামায পড়া	১৩০	যে কোরবানীর গোশত কোরবানী দাতা	
বাইতুল্লাহ ভিতরে প্রবেশ না করা	১৩১	খাইতে পারে	১৬০
বাইতুল্লাহ ভিতরে তকবীর বলা	১৩১	হজ্জের কার্যসমূহে অগ্র-পশ্চাৎ করা	১৬০
তওয়াফের মধ্যে রমল করা	১৩২	এহরাম খুলিতে মাথা কামানো	১৬১
ছড়ির সাহায্যে হজ্জ-রে-আসওয়াদ চুষন	১৩৪	কঙ্কর নিক্ষেপ করার মছআলাহ	১৬২
বাইতুল্লাহ কোণকে ভক্তিভরে স্পর্শ করা	১৩৫	বিদায়-তওয়াফ	১৬৪
হজ্জ-রে-আসওয়াদ চুষন করা	১৩৭	তওয়াফের পূর্বে ঋতু আরম্ভ হইলে	১৬৪
মক্কায় পৌছিয়া সর্বাপেক্ষে তওয়াফ করিবে	১৩৭	মোহাচ্ছাবে অবতরণ করা	১৬৫
নারী-পুরুষ একই সময়ে তওয়াফ করা	১৩৭	জু-তুয়া স্থানে অবতরণ	১৬৮

বিষয়	পৃষ্ঠা	বিষয়	পৃষ্ঠা
রসুলুল্লাহ (দঃ) বিদায়-হজ্জ	১৬৯	নারীদের হজ্জ করা	২১৬
হজ্জ উপলক্ষে ব্যবসা-বাণিজ্য করা	১৯০	হাটিয়া কাবা শরীফে যাওয়ার মান্নত	২১৯
ওমরা করা আবশ্যক	১৯০	পবিত্র মদীনার ফজীলত	২২০
হজ্জের পূর্বে ওমরা করা	১৯১	৯৫৩নং হাদীছ আলী (রাঃ)-এর নিকট	
রমজানে ওমরা করা	১৯২	কোন বিশেষ এলম ছিল কি ?	২২২
'তানীয়ম' হইতে ওমরা করা	১৯৩	মদীনার বৈশিষ্ট্য	২২৫
কি কি কার্যে ওমরা পূর্ণ হয়	১৯৪	মদীনার অপর নাম তায়বাহ	২২৭
হজ্জ বা জেহাদ হইতে প্রত্যাবর্তন কালে	১৯৬	মদীনার বসবাস ত্যাগ করা দুঃখজনক	২২৭
হাজীদের প্রত্যাবর্তনে সন্মুখীনা	১৯৮	মদীনাবাসীকে ধোকা দেওয়া	২৩২
হজ্জ হইতে প্রত্যাবর্তনে বাড়ীতে	১৯৮	দজ্জাল মদীনায় প্রবেশ করিতে	
এহরামের পর প্রতিবন্ধকের সন্মুখীন	১৯৯	পারিবে না	২৩২
চুল কাটিবার পূর্বে কোরবানী করিবে	২০৩	মদীনা অসং লোকদিগকে বাহির করে	২৩৪
হজ্জের সফরে সংযমশীল হওয়া আবশ্যক	২০৪	মদীনার জগ্ন হযরতের দোয়া ও অনুরাগ	২৩৫
এহরাম অবস্থায় বহুজীব বধ করিলে	২০৫	ঈমান মদীনায় প্রতি ধাবিত হয়	২৩৬
এহরামযুক্ত ব্যক্তি অস্ত্রের শিকার করা		বেহেশতের বাগান সোনার মদীনায়	২৩৭
বহুজীবের গোশত খাইতে পারিবে	২০৬	৯৭০নং হাদীছ—মদীনায় মৃত্যুর আকাঙ্ক্ষা	২৪১
এহরামযুক্ত ব্যক্তি জীবিত বহুজীব			
এহরণ করিবে না	২০৭	একাদশ অধ্যায়	
এহরাম অবস্থায় হরম শরীফে যে জীব		রমজানের রোযা ফরজ	২৪৪
বধ করা জায়েয	২০৮	রোযার ফজিলত	২৪৪
হরম শরীফের ঘাস-পাতা কাটিবে না	২০৯	রমজান মাসের মর্যাদা	২৫০
এহরাম অবস্থায় রক্তমোক্ষণ করা	২১০	রোযা অবস্থায় মিথ্যায় লিপ্ত হওয়া	২৫২
" " বিবাহ করা	২১০	রোযাদারের আনন্দ	২৫৩
" " নিষিদ্ধ বস্ত্রসমূহ	২১০	যৌন উত্তেজনা রোধে রোযা	২৫৪
" " গোসল করা	২১১	চাঁদ দেখার উপর রোযা ও ঈদ নির্ভরশীল	২৫৪
" " চাদর না থাকিলে	২১২	রমজানের চাঁদ দেখার পূর্বে রোযা রাখা	২৫৭
" " অস্ত্র সঙ্গে রাখা	২১২	রমজানের রাত্রে পানাহার জায়েয	২৫৭
এহরাম ব্যতীত হরম শরীফে প্রবেশ করা	২১৩	তাহাজ্জুদের আজান সেহেরী খাওয়ার	
এহরাম অবস্থায় অজ্ঞাতসারে জামা পরা	২১৪	প্রতিবন্ধক নহে	২৬০
হজ্জের পথে মৃত্যু হইলে	২১৪	বিলম্বে সেহেরী খাওয়া	২৬০
মৃত ব্যক্তির পক্ষে হজ্জ করা	২১৫	সেহেরী খাওয়া ও কজরের নামাযের	
ভ্রমণে অক্ষম ব্যক্তির পক্ষে হজ্জ করা	২১৬	মধ্যকার ব্যবধান	২৬০
অপ্রাপ্ত বয়স্ক হলে-মেয়ের হজ্জ	২১৬	সেহেরী খাওয়ায় বরকত লাভ হয়	২৬১
		দিনে রোযার নিষ্যত করিলে	২৬১
		রোযাদারের জানাবত অবস্থায় প্রভাত	২৬২

বিষয়	পৃষ্ঠা
রোযা অবস্থায় জীর সহিত দাম্পত্য ব্যবহার করা	২৬২
রোযা অবস্থায় গোসল করা	২৬৩
রোযা অবস্থায় ভুলবশতঃ পানাহার	২৬৪
রোযা অবস্থায় মেছওয়াক করা	২৬৫
রোযা অবস্থায় নাকে পানি দেওয়া	২৬৫
রোযা ভঙ্গকারী কার্য করা	২৬৬
রোযা অবস্থায় রক্তমোক্ষণ করা বা বমি আসা	২৬৮
ছফর অবস্থায় রোযা রাখা বা না রাখা	২৬৯
রোযা কাজা করার অনুমতি	২৬৯
ছফর অবস্থায় অধিক কষ্টে রোযা নিষিদ্ধ	২৭০
সামর্থ্যবান লোককে রমজানের রোযা রাখিতেই হইবে	২৭১
রমজানের কাজা রোযা আদায়ের নিয়ম	২৭২
হায়েয অবস্থায় পরিত্যক্ত রোযার কাজা করিতে হইবে	২৭৩
কাজা রোযা আদায় করার পূর্বে মৃত্যু ঘটিলে	২৭৩
এফতারের সঠিক সময়	২৭৪
এফতারে বিলম্ব না করা	২৭৪
এফতারের পর সূর্য দেখা গেলে	২৭৪
ছেলে-মেয়েদের রোযা রাখা	২৭৫
রোযার দিনে সূর্যাস্তের পরে পানাহার করা চাই	২৭৫
সেহেরীর সময় পর্যন্ত রোযা রাখা	২৭৭
বন্ধুকে নফল রোযা ভঙ্গের কসম দেওয়া	২৭৭
শাবান মাসে রোযা রাখা	২৭৮
নফল রোযা রাখার নিয়ম	২৭৮
নফল রোযা রাখিতে দেহের প্রতি লক্ষ্য রাখিবে	২৭৯
কাহারও খাতিরে নফল রোযা ভঙ্গ করা	২৮৪
প্রতি মাসের শেষ ভাগে রোযা রাখা	২৮৫

বিষয়	পৃষ্ঠা
শুধুমাত্র শুক্রবার রোযা রাখা	২৮৬
কোন দিন ও বারকে রোযার জন্য নিদিষ্ট করা	২৮৮
ইয়াওমে আরফা—৯ই জিলহজ্জের রোযা	২৮৮
ঈদের দিন রোযা রাখা	২৮৮
আশুরা—মহরমের দশ তারিখের রোযা	২৯০
তারাবীর নামায	২৯২
তারাবীর নামাযের রাকাত-সংখ্যা	২৯৪
লাইলাতুল-কদরের ফজিলত	২৯৮
লাইলাতুল-কদরের সম্ভাব্য সময়	২৯৯
রমজানের শেষ দশ দিন	৩০০
এ'তেকাফের বয়ান	৩০০
এ'তেকাফে বাড়ীতে আসিবে না	৩০০
রাতে এ'তেকাফের মান্নত মানিলে	৩০০
এ'তেকাফে মসজিদে জায়গা ঘেরাও	৩০১
এ'তেকাফরত স্বামীর সহিত জীর সাক্ষাৎ	৩০১
রমজানের কুড়ি দিন এ'তেকাফ করা	৩০২

দ্বাদশ অধ্যায়

(তেজারত বা ব্যবসা-বাণিজ্য)

ভূমিকা	৩০৫
হালাল হারামের বিচার	৩১২
ব্যবসায়ীদের দান-খয়রাত আবশ্যক	৩১৭
রিজিক কোশাদার আমল	৩১৮
নিজ উপার্জনে জীবিকা নির্বাহ করা	৩১৮
ক্রয়-বিক্রয়ের সময় নম্র ব্যবহার করা	৩১৮
সকম খাতককে সময় দেওয়া	৩১৯
অসকম খাতককে মাফ করা	৩১৯
ক্রেতা ও বিক্রেতার সত্যবাদী হওয়া	৩১৯
ভাল-মন্দ মিশাল বস্তু বিক্রি করা	৩২২
সুদ নিষিদ্ধ বর্জনীয় ও হারাম	৩২২
সুদদাতা, গ্রহীতা, সাক্ষী, লিখক প্রত্যেকেই গুনাহের ভাগী	৩২৭
ক্রয়-বিক্রয়ের সময় কসম খাওয়া	৩২৯

বিষয়	পৃষ্ঠা	বিষয়	পৃষ্ঠা
দুধী বস্তুর ক্রেতা উহা রাখিতে চাহিলে	৩২৯	কোন স্বাধীন মানুষ বিক্রি করার পরিণতি	৩৫৫
রক্তমোক্ষণের ব্যবসা করা	৩৩০	মৃত-বস্তুর ক্রয় এবং বিক্রি করা নিষিদ্ধ	৩৫৬
খাণ্ডজব্য গুদামজাত করা	৩৩০	কুকুর বিক্রয়ের ব্যবসা	৩৫৭
ক্রয়-বিক্রয় নাকচের ক্ষমতা রাখা	৩৩২	অগ্রিম ক্রয়-বিক্রয়	৩৬২
একই বৈঠকে কথা হইতে ফিরিতে		হকে-শোফার বিবরণ	৩৬৫
চাহিলে	৩৩৩	হকে-শোফার অধিকারীকে প্রথমে	
জিনিষ হস্তগত হওয়ার পূর্বের বিক্রি করা	৩৩৪	আহ্বান করা	৩৬৬
একজনের পক্ষ হইতে ক্রয়ের কথা চলাকালীন		পারিশ্রমিকে কাজ নেওয়া	৩৬৭
অন্ত্র জনের কথা বলা নিষিদ্ধ	৩৩৫	অমোসলেম শ্রমিক নিয়োগ করা	৩৬৭
নিলাম প্রথায় বিক্রয় করা	৩৩৬	শ্রমিক মজুরী না নিয়া গেলে তাহার	
ক্রেতাকে ধোকা দেওয়া	৩৩৮	প্রাপ্য থাকিবে	৩৬৭
স্পর্শের দ্বারা বিক্রি সাব্যস্ত করা	৩৩৯	ঝাড়-ফুক ইত্যাদির বিনিময় গ্রহণ করা	৩৬৯
পশু বিক্রির পূর্বের ওলানে ছন্ধ জমা করা	৩৪০	রক্তমোক্ষণ কার্যের পারিশ্রমিক	৩৭১
গ্রাম্য ব্যক্তিকে শহরে বস্তুর বিক্রয়ের		ষাঁড়ের পাল ও প্রজননের মজুরী	৩৭১
সুযোগ প্রদান করা চাই	৩৪০	একজনের দেনা অন্ত্র জনের উপর দেওয়া	৩৭৩
আমদানীকারকগণ কর্তৃক পণ্য বিক্রি		মৃত ব্যক্তির ঋণের ভার গছিয়া লওয়া	৩৭৩
করার মধ্যে অন্তরায় সৃষ্টি করা	৩৪১	ঋণ ইত্যাদির ব্যাপারে জামিন গ্রহণ করা	৩৭৪
এক জাতীয় বস্তুর মধ্যে বিনিময়	৩৪৩	১১৩৫নং হাদীছ—আশ্চর্য ঘটনা	৩৭৭
স্বর্ণ-রৌপ্যের বিনিময়ে বাকি ক্রয়-বিক্রয়	৩৪৫	ভ্রাতৃত্ব ও বন্ধুত্ব বন্ধনে আবদ্ধ হওয়া	৩৭৯
ফল-ফসল অনুমান করিয়া সেই জাতীয় তৈরী		কৃষিকার্য্য সম্বন্ধীয় বিষয়াবলী	৩৮১
বস্তুর বিনিময়ে বিক্রি করা	৩৪৫	বৃক্ষ রোপণের ফজিলত	৩৮২
কোন বৃক্ষের ফল ব্যবহারোপযোগী হইবার		লাঙ্গল-জোঁয়াল লোকদের মান	
পূর্বে ক্রয়-বিক্রয় করা	৩৪৮	নিম্নস্তরে নিয়া যায়	৩৮৩
ধারে ক্রয়-বিক্রয় করা	৩৪৯	বাগানের সেবার বিনিময়ে উৎপন্নের অংশ	৩৮৪
এক জাতীয় বস্তুর ভাল-মন্দে বিনিময়	৩৪৯	বর্গা প্রথা জায়েয	৩৮৪
ফলযুক্ত বৃক্ষ বিক্রি করা হইলে	৩৫১	টাকা-পয়সার বিনিময়ে জমি কেয়ারা	
শুক ফল-ফসল কাঁচার বিনিময়ে	৩৫১	দেওয়া	৩৮৮
শস্য-ফসল পুষ্ট হওয়ার পূর্বে বিক্রি	৩৫২	জমিনের নিদিষ্ট স্থানের শস্যের শর্তে	
অমোসলেমের সঙ্গে ক্রয়-বিক্রয় করা	৩৫২	বর্গা শুদ্ধ নহে	৩৮৯
মৃত পশুর কাঁচা চামড়া বিক্রি করা	৩৫৩	নিদিষ্ট অংশের বিনিময়ে বর্গা দেওয়া	৩৮৯
মৃত পশু-পক্ষীর চৰ্ম্ম বিক্রি করা	৩৫৩	যত দিন আল্লাহ রাখেন তত দিনের	
ছবির ব্যবসা করা	৩৫৪	জন্তু বর্গা	৩৯০
শরাব তথা মদের ব্যবসা করা হারাম	৩৫৫	বেহেশতে যাইয়া জমিদারের বটনা	৩৯২

বিষয়	পৃষ্ঠা	বিষয়	পৃষ্ঠা
অনাবাদ ভূমিকে যে আবাদ করে	৩৯৩	অগ্নায় অত্যাচার ও অবিচারের পরিণতি	৪২২
সেচ ও পানি সম্পর্কীয় বিষয়ের বিবরণ	৩৯৪	বেহেশত লাভকারীদের পরস্পর অগ্নায়	
পানির স্বত্বাধিকারী স্বীয় প্রয়োজন পূরণে		অবিচার সমূহের কর্তন ও পরিণোদ	৪২৪
অগ্রাধিকারী গণ্য হইবে	৩৯৫	মোসলমান পরস্পর জুলুম ও অত্যাচার	
আবশ্যাকারিতরিক্ত পানি হইতে পৃথিককে		করিতে পারে না	৪২৪
বঞ্চিত করা	৩৯৭	মোসলমান ভ্রাতার সাহায্য করা	৪২৫
আবশ্যক বোধে প্রবাহমান নদী-নালার		অত্যাচারী হইতে প্রতিশোধ গ্রহণ করা	৪২৫
গতি রোধ করা	৩৯৮	অত্যাচারিত হইয়াও ক্ষমা করা	৪২৫
পিপাসা নিবারণ করার ফজিলত	৩৯৯	অত্যাচারের বিষময় ফল	৪২৬
পতিত জমির কোন অংশ নির্দিষ্ট		মজলুমের বদদোয়াকে ভয় করা	৪২৭
করিয়া নেওয়া	৪০০	অতের হক মাফ করাইয়া লওয়া	৪২৭
পতিত জমি কাহাকেও দেওয়া	৪০১	জায়গা-জমি অত্যাচারে দখল করা	৪২৯
ঋণ গ্রহণ ও পরিশোধের বয়ান	৪০২	অনুমতি লইয়া অতের হক ভোগ করা	৪৩০
প্রাপকের তাকাদায় ক্ষুদ্র না হওয়া	৪০৩	বাগড়া-বিবাদকারী ব্যক্তির পরিণতি	৪৩০
দেনা মাফ লইতে পারিলে রেহাই		মিথ্যা মোকদ্দমার পরিণতি	৪৩০
পাওয়া যাইবে	৪০৪	অত্যাচারে আত্মসাৎকারীর ধন হইতে	
ঋণ হইতে আল্লার আশ্রয় প্রার্থনা করা	৪০৬	স্বীয় হক ওয়াসিল করা	৪৩১
ঋণ পরিশোধে টাল-বাহানা করা	৪০৬	প্রতিবেশীর প্রতি সহানুভূতি প্রদর্শন	৪৩৩
দেউলিয়া ঘোষিত ব্যক্তির নিকট		রাস্তা-ঘাটে বসা	৪৩৩
কাহারও মাল থাকিলে	৪০৬	পথ হইতে কষ্টদায়ক বস্তু অপসারণ করা	৪৩৩
ধন-সম্পদের অনিষ্ট সাধন নিষিদ্ধ	৪০৮	পথের পরিমাপ	৪৩৪
মামলা-মকদ্দমা সম্পর্কে	৪১৩	কাহারও মাল লুট করা ও ছিনাইয়া	
বিচারকের নিকট অভিযুক্তের দোষ বলা	৪১৬	নেওয়া	৪৩৪
স্বীয় প্রাপ্য ওয়াসিলের তাগাদা করা	৪১৮	মদের পাত্র ইত্যাদি ভাঙ্গিয়া ফেলা	৪৩৪
পথে পাওয়া বস্তু সম্পর্কে	৪১৯	স্বীয় ধন রক্ষার্থে মৃত্যু হইলে ?	৪৩৫
অপরের পশুর ছুঁ দোহন করা	৪২২	অপরের বর্তন পেয়ালা ভাঙ্গিয়া ফেলিলে	৪৩৫

আরস্ত

بِسْمِ اللَّهِ الرَّحْمَنِ الرَّحِيمِ

اَلْحَمْدُ لِلّٰهِ رَبِّ الْعَالَمِينَ • وَالسَّلَامُ وَ

সমস্ত প্রশংসা একমাত্র আল্লাহ তায়ালারই জন্ত যিনি সারা জাহানের
প্রভু-পরওয়ারদেগার। দরুদ এবং

السَّلَامُ عَلَىٰ جَمِيعِ الْأَنْبِيَاءِ وَالرُّسُلِينَ •

সালাম সমস্ত নবী ও রসূলগণের প্রতি

خُذُوا عَنِّي سَبْدَهُمْ وَأَفْضَلَهُمْ نَبِيِّنَا

বিশেষতঃ নবী ও রসূলগণের সর্বপ্রধান ও সর্বশ্রেষ্ঠ যিনি—যিনি
আমাদের নবী এবং

خَاتِمِ النَّبِيِّينَ • وَعَلَىٰ آلِهِ وَأَصْحَابِهِ أَجْمَعِينَ •

সর্বশেষ নবী—তাঁহার প্রতি দরুদ ও সালাম এবং তাঁহার পরিবারবর্গ
ও সমস্ত ছাহাবীগণের প্রতি

وَالَّذِينَ اتَّبَعُوهُمْ بِإِحْسَانٍ إِلَىٰ يَوْمِ الدِّينِ •

এবং কেয়ামত পর্যন্ত তাঁহাদের যত খাটি ও পূর্ণ অনুসারী হইবেন—
তাঁহাদের প্রতি।

اَللّٰهُمَّ اجْعَلْنَا مِنْهُمْ بِرَحْمَتِكَ يَا اَرْحَمَ الرَّاحِمِينَ •

আয় আল্লাহ! আমাদিগকে সেই অনুসারী দলভুক্ত বানাও তোমার
কৃপাবলে, হে দয়াময় সর্ববাধিক দয়ালু!

أَمِينَ! أَمِينَ! أَمِينَ!!!

আমীন! আমীন!! আমীন!!!

بِسْمِ اللَّهِ الرَّحْمَنِ الرَّحِيمِ

রহমানুর রহীম আল্লাহ তায়ালার নামে

নবম অধ্যায়

যাকাত

নামায যেমন ইসলামের একটি স্তম্ভ ও অপরিহার্য ফরজ, যাকাতও তদ্রূপ ইসলামের একটি স্তম্ভ ও ফরজ। আল্লাহ তায়ালা কোরআন শরীফের বহু আয়াতে ফরমাইয়াছেন—“أَقِيمُوا الصَّلَاةَ وَآتُوا الزَّكَاةَ”—তোমরা নামায কায়েম বর অর্থাৎ উহাকে অতি উত্তমরূপে আদায় কর এবং যাকাত দান কর।”

যাকাতও নামাযের ছায় হিজরতের পূর্বেই ফরজরূপে নির্ধারিত হইয়াছিল। বোখারী শরীফ প্রথম খণ্ডে ৬নং হাদীছের মধ্যে এই দাবীর প্রমাণ রহিয়াছে। আবু সুফিয়ানের বর্ণনার মধ্যে ছিল—يَا مَرْءَانَا بِالصَّلَاةِ وَالزَّكَاةِ—অর্থাৎ ঐ নবী হওয়ার দাবীদার ব্যক্তি “আমাদিগকে নামায ও যাকাতের আদেশ করিয়া থাকেন।” আবু সুফিয়ান হিজরতের পূর্বের অবস্থাই বর্ণনা করিতেছিলেন।

৭২৮। হাদীছঃ— قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ لِمَعَاذِ بْنِ جَبَلٍ حِينَ بَعَثَهُ إِلَى الْيَمَنِ

إِنَّكَ سَتَأْتِي قَوْمًا أَهْلَ كِتَابٍ فَإِذَا جِئْتَهُمْ فَادْعُهُمْ إِلَى أَنْ يَشْهَدُوا أَنْ لَا إِلَهَ إِلَّا اللَّهُ وَأَنَّ مُحَمَّدًا رَسُولُ اللَّهِ فَإِنْ هُمْ أَطَاعُوا لَكَ بِذَلِكَ فَاخْبِرْهُمْ أَنَّ اللَّهَ قَدْ فَرَضَ عَلَيْهِمْ خَمْسَ صَلَوَاتٍ فِي كُلِّ يَوْمٍ وَلَيْلَةٍ فَإِنْ هُمْ أَطَاعُوا لَكَ بِذَلِكَ فَاخْبِرْهُمْ أَنَّ اللَّهَ قَدْ

فَرَضَ عَلَيْهِمْ مَدَقَّةً تَتَوَخَّدُ مِنْ أَغْذِيَاَتِهِمْ فَتُرَدُّ عَلَى فُقَرَاءِهِمْ
فَإِنْ هُمْ أَطَاعُوا لَكَ بِذَلِكَ فَأَيْتَكَ وَكَرَأْتُمْ أَسْوَالَهُمْ وَاتَّقِ
دُعَاةَ الْمَظْلُومِ فَإِنَّهُ لَيْسَ بَيْنَهُ وَبَيْنَ اللَّهِ حِجَابٌ ۝

অর্থ :—ইবনে আব্বাস (রাঃ) হইতে বর্ণিত আছে—রসুলুল্লাহ ছালাল্লাহু আলাইহে অসাল্লাম মোয়াজ্জ (রাঃ)কে ইয়ামান দেশে (শাসনকর্তারূপে) পাঠাইতে ছিলেন ; তখন তিনি তাঁহাকে তাঁহার কার্য্যধারার উৎকৃষ্ট পন্থা শিক্ষাদান পূর্বক কতকগুলি উপদেশ ও সতর্কবাণী দান করিলেন। হযরত (দঃ) বলিলেন, তুমি এমন এক দেশে চলিয়াছ যে দেশবাসী কেতাবধারী কাক্ষের—ইহুদী-নাছারা ; (তাহাদিগকে সহজ উপায়ে দীন ইসলামের প্রতি আকৃষ্ট করিতে) প্রথমে তাহাদিগকে ধর্ম-বিশ্বাসের ভিত্তি অর্থাৎ তৌহীদ ও রেছালাতের বিশ্বাসকে দৃঢ় করার প্রতি আহ্বান জানাইবে, তথা কলেমা—**لا إله إلا الله محمد رسول الله**—“একমাত্র আল্লাহই মাবুদ, আল্লাহ ব্যতীত কোন মাবুদ নাই এবং মোহাম্মদ (ছালাল্লাহু আলাইহে অসাল্লাম) আল্লাহর বাণীবাহক সাক্ষা রসুল” এই স্বীকারোক্তির প্রতি আহ্বান জানাইবে। যদি তাহারা ইহা নীরোধার্য্য করিয়া মানিয়া লয় তবে (তাহারা মোসলমান জামায়াতে ভুক্ত হইল।) তৎপর তাহাদিগকে এই শিক্ষা দিবে যে, আল্লাহ তায়ালা (সকল মোসলমানের হায়) তাহাদের উপরও প্রতি দিন-রাতে পাঁচ ওয়াক্ত নামায ফরজ করিয়াছেন। যদি তাহারা ইহা গ্রহণ করিয়া লয়, তবে তাহাদিগকে জানাইবে যে, আল্লাহ তায়ালা (সকল মোসলমানদের হায়) তাহাদের উপরও মালের যাকাত ফরজ করিয়াছেন ; যাহা তাহাদের (ধনীদের) হইতে উশুল করিয়া গরীবদিগকে দান করা হইবে।

রসুলুল্লাহ ছালাল্লাহু আলাইহে অসাল্লাম মোয়াজ্জ (রাঃ)কে এইরূপ সতর্কও করিয়া দিলেন যে, তাহারা যাকাত দানে স্বীকৃত হইলে খবরদার ! কখনও তাহাদের ধন-সম্পত্তির মধ্য হইতে ভাল ভালগুলি বাছিয়া লইও না।

তিনি আরও সতর্ক করিয়া দিলেন যে, (খবরদার ! কাহারও প্রতি কোন বিষয়ে কোনরূপ জুলুম বা অত্যাচার যেন না হয়। কারণ,) মজলুমের (আ...হু ও) বদ-দোয়া বিনা বাধায় সরাসরি আল্লাহর দরবারে তৎক্ষণাৎ পৌছিয়া যায়। (সাধারণতঃ ট্যাক্স আদায়কারীগণ জুলুম করিয়া থাকে ; সেই জুলুমের কারণেই রাষ্ট্রের এবং জাতির পতন আসে ; উহার প্রতিরোধের জন্তই এই সতর্কবাণী।)

ও মুখের বাচনিক আনুগত্য ও স্বীকৃতির স্তর, যাহাকে “ঈমান” বলা হয় ; ইহা পরিব্রাজকের মূল ভিত্তি । দ্বিতীয়টি হইল আমল বা কর্ম ও জীবন-যাপন পদ্ধতির স্তর । প্রথম স্তরের বিষয়সমূহের বিস্তারিত বিবরণ ঈমানের অধ্যায়ে এবং মোটামুটি বিবরণ ৪৬নং হাদীছে বর্ণিত হইয়াছে । মোমেন ও মোসলমান মাত্রই এই প্রথম স্তরের বিষয়সমূহের সম্পর্কধারী হইতে হয় ; অতঃপর তাহার দ্বিতীয় স্তরে আজীবন বিরামহীন সাধনা করিয়া চলিতে হয় ।

আলোচ্য হাদীছে প্রশংসারী ব্যক্তির অবস্থা দৃষ্টে প্রথম স্তরের বিষয়বস্তু বর্ণনা করা অনাবশ্যক, কারণ তিনি ইতিপূর্বেই ঈমানের দৌলত হাছিল করিয়াছেন । তাই হযরত (দঃ) এখানে শুধুমাত্র দ্বিতীয় স্তরের কার্যাবলী বর্ণনা করিয়াছেন । তাহাও অতি সংক্ষিপ্তরূপে । প্রথমতঃ জীবনের প্রতিটি স্তর ও পদক্ষেপকে প্রতি মুহূর্তে সংযত রাখার সুদূর প্রসারী এবং সুগভীর ও বিস্তীর্ণ ক্রিয়াবিশিষ্ট একটি সংক্ষিপ্ত বাক্য বলিলেন যে, কর্ম জীবনের প্রতি ক্ষেত্রে ও প্রতি মুহূর্তে নিজেকে এক আল্লার দাস ও গোলামরূপে পরিচালিত করিবে । কোন ব্যক্তি বা শক্তি বা স্বীয় নফছের খাহেস ও প্রবৃত্তির দাসত্ব ও গোলামী করতঃ তাহার বাধ্যতায় চলিয়া বা তাহার পূজা করিয়া আল্লার শরীক সাব্যস্তকারী হইবে না ।

অতঃপর নামায, যাকাত, আজ্জীয়তা রক্ষা এই তিনটি বিষয়কে এক প্রকার বিশেষ সতর্ককরণ উদ্দেশ্যে উল্লেখ করিয়াছেন ; তাহা এই যে, আল্লার দাসত্ব ও গোলামী শুধু নিয়ত-এরাদা ও উদ্দেশ্যের পর্যায়ে করিলে চলিবে না । অর্থাৎ আল্লার দাসত্ব এইরূপে করিলে চলিবে না যে, কর্ম ও কর্মপন্থা এবং আদর্শ স্বীয় মনগড়ারূপে গ্রহণ করিয়া উহাকে আল্লার দাসত্বের এরাদা ও উদ্দেশ্যযুক্ত করিয়া দিবে—এই পন্থা মোটেই চলিবে না, বরং এরাদা, উদ্দেশ্য, কর্ম এবং কর্মপন্থা ও আদর্শ সর্ব পর্যায়েই আল্লার দাসত্ব শুদ্ধভাবে আবদ্ধ হইতে হইবে । আল্লাহ তায়ালা স্বয়ং স্বীয় কিতাবে ও স্বীয় প্রতিনিধি বা রসূল মারফৎ মানবের জন্ত আল্লার দাসত্বের প্রতীক স্বরূপ যে সব কার্যক্রম নির্দিষ্ট করিয়া দিয়াছেন এবং কর্মপন্থা বাতলাইয়া দিয়াছেন এবং মানব জীবনের জন্ত স্বীয় রসূলের মারফৎ যে সব আদর্শ শিক্ষা দিয়াছেন, আল্লার দাসত্বের উদ্দেশ্যে সেই সব কার্যক্রমগুলিকে ঐ কর্মপন্থার মাধ্যমে পূর্ণরূপে আদায় করিয়া স্বীয় জীবনকে ঐ আদর্শে পরিচালিত করিতে হইবে ; ইহাই হইল প্রকৃত প্রস্তাবে আল্লার দাসত্ব বা আল্লার এবাদত । ঐ সমস্ত কার্যাবলী ও কর্মপন্থা এবং আদর্শ বিভিন্ন বিভাগীয় । কারণ মানুষের জীবন-সম্বন্ধ বিভিন্ন স্তরের ; যেমন—পারিবারিক ও সামাজিক এবং ব্যক্তিগত । ব্যক্তিগতের মধ্যে আবার দৈহিক-আধ্যাত্মিক এবং

আর্থিক-আধ্যাত্মিক। ইহা ছাড়া আরও বহু বিভাগ আছে, কিন্তু এই তিনটি বিভাগ প্রত্যেক মানুষের জীবনেই প্রতি মুহূর্তে উপস্থিত হইয়া থাকে। প্রত্যেক বিভাগে আবার বিভিন্ন কার্যাবলী আছে। এইখানে উদাহরণ স্বরূপ এক একটি উল্লেখ করা হইয়াছে। যেমন ব্যক্তিগত জীবনের দৈনিক আধ্যাত্মিক পর্যায়ের কার্যক্রমের মধ্যে নামায। এই পর্যায়ের কার্যক্রম আরও আছে, যেমন রোযা, জেকের ইত্যাদি, কিন্তু উহাদের মধ্যে নামাযই প্রধান এবং প্রত্যহ বার বার উহা উপস্থিত হইয়া থাকে এবং যে ব্যক্তি প্রত্যহ পাঁচবার নামায পড়িবে স্বভাবতঃ সে রোযা, ইত্যাদিও পালন করিবে। তাই এই বিভাগের মধ্যে নামাযই উল্লেখযোগ্য। এইরূপে ব্যক্তিগত জীবনের আর্থিক-আধ্যাত্মিক পর্যায়ের কার্যক্রমের মধ্যে যাকাতকে উল্লেখ করিয়াছেন এবং পারিবারিক ও সামাজিক পর্যায়ের কার্যক্রমে আত্মীয়বর্গের হক রক্ষা করার আদর্শ উল্লেখ করিয়াছেন।

মূলকথা এই যে, প্রশ্নের উত্তরে পূর্ণ শরীয়ত বর্ণনা করা কখনও সমীচীন বা সংগত নহে, কিন্তু রসুলুল্লাহ (দঃ) এখানে চারিটি বিষয়ের মাধ্যমে পূর্ণ শরীয়তের প্রতিই ইঙ্গিত দিয়াছেন এবং অতি সুন্দররূপে ইঙ্গিত দিয়াছেন। প্রথমতঃ অতি সংক্ষেপে এমন একটি বাক্য বলিয়াছেন যাহার প্রভাব জীবনের প্রতিটি স্তর ও পদক্ষেপকে প্রতি মুহূর্তে সংযত রাখিবে। অতঃপর একটি বিশেষ আবশ্যকীয় বিষয়ের প্রতি ইঙ্গিত করিয়াছেন যে, আল্লাহ দাসত্ব করার একমাত্র অর্থ ও নিয়ম এই যে, তাঁহারই নির্দেশিত কার্যাবলী তাঁহারই নির্ধারিত পন্থায় তাঁহারই দাসত্বের উদ্দেশ্যে করিয়া যাইবে এবং তাঁহারই বর্ণিত আদর্শে নিজেকে পরিচালিত করিবে। এসবের সমষ্টির নামই হইল ইসলাম বা শরীয়ত এবং এখানে যে তিনটি বিষয়ের উল্লেখ করিয়াছেন তাহা ঐ শরীয়ত বা ইসলামের বিস্তীর্ণ কার্য-বিভাগসমূহের এক একটি উদাহরণ মাত্র। অতএব বেহেশত লাভের আকাঙ্ক্ষাপূরণ মাত্র উল্লিখিত তিনটি কার্যের মধ্যে সীমাবদ্ধ মনে করা অজ্ঞতা বই আর কিছুই নহে।

বিশেষ দ্রষ্টব্য :—অধুনা কোন কোন লোককে অজ্ঞতা বা ভ্রান্তধারণা বশতঃ এরূপ উক্তি করিতে শুনা যায় যে, তৌহীদ—একত্ববাদ এবং এক আল্লাহর উপাসনা মানবের নাজাত ও পরিত্রাণের জন্ম যথেষ্ট। হযরত মোহাম্মাদ্রর রসুলুল্লাহ ছালাল্লাহু আলাইহে অসাল্লামের উপর ঈমান আনার কোন বাধ্য-বাধকতা নাই। কেহ কেহ আরও পরিকার সুরে বলিয়া ফেলে যে, পরকালে পরিত্রাণ বা ভাল কর্মের ভাল ফল পাইবার জন্ম ইসলাম ধর্মের কোনও বাধ্য-বাধকতা নাই, বরং যে কোন ধর্মে বা অবস্থায় থাকিয়া আল্লাহর উপাসনা

আরাধনা করিলে পরকালে পরিত্রাণ পাওয়া যাইবে এবং ভাল কাজ করিলে বেহেশত লাভ করা যাইবে।

মোসলমান ভাইগণ! সাবধান ও সতর্ক থাকিবেন—এইরূপ মতবাদ ও বিশ্বাস পোষণ স্পষ্ট কুকুরী। এইরূপ মতবাদ পোষণকারী নামায, রোযা, হজ্জ, জাকাত ইত্যাদি এবং হাজার এবাদত-বন্দেগী করিলেও তাহার জীবনের সমস্ত নেক আমল ঐ একটি মাত্র তুল মতবাদের দরুন ভস্মীভূত হইয়া যাইবে, যেরূপ স্তম্ভীকৃত ছন ও খড়-কুটা একটি মাত্র অগ্নিশুলিঙ্গ দ্বারা ভস্মীভূত হইয়া যায়। ফলে তাহার চিরজাহান্নামী ও নরকবাসী হওয়া অবশ্যসত্তাবী।

বিধর্মী অমোসলেম কাফেররা অবশ্য ঐরূপ আকিদাধারী হইয়া থাকে, নতুবা কাফের থাকিবে কেন? কিন্তু অত্যন্ত পরিতাপের বিষয়, কোরআন ও হাদীছের প্রতি বিশ্বাসী মোসলমান হওয়ার দাবীদার কোন কোন মানুষও ঐরূপ উক্তি করিয়া ফেলে। সেজন্য মোসলমানদের সাবধান ও সতর্ক থাকা কর্তব্য।

এ বিষয়ে যুক্তির দিক দিয়া সংক্ষেপে এতটুকু বলা যথেষ্ট যে, চৌদশত বৎসরকাল হইতে স্পষ্ট ও অকাট্য প্রমাণে প্রমাণিত আছে যে, কোরআন শরীফ আল্লার কলাম তথা সমগ্র বিশ্ববানীর প্রতি প্রেরিত আল্লার বাণী কিতাব ও ফারমান এবং হযরত মোহাম্মদ ছাল্লাল্লাহু আলাইহে অসাল্লাম সমগ্র বিশ্বের প্রতি প্রেরিত আল্লার রসূল ও প্রতিনিধি। বিশ্বের-বুকে আল্লার প্রেরিত ও নিয়োজিত এই মহান ব্যক্তি ও মহাবানীর আবির্ভাবকালে বিশ্ববানীর প্রত্যেক শ্রেণীর মানুষ—বৈজ্ঞানিক-দার্শনিক, ধার্মিক-অধার্মিক, সবল-দুর্বল, বড়-ছোট, রাজা-প্রজা প্রত্যেকেই নিজ নিজ কায়দা কোশলে উক্ত দাবীর বিরুদ্ধে সকল প্রকার চেষ্টাই করিয়াছে, কিন্তু ইতিহাস সাক্ষী আছে, কেহই উহাকে বানচাল করিতে সক্ষম হয় নাই। উক্ত দাবীদ্বয়ের প্রামাণ্যতা অটুট ও অক্ষুণ্ণ রাখার যথেষ্ট প্রমাণ সর্বদার জন্তও বিদ্যমান রহিয়াছে এবং কেয়ামত পর্যন্ত থাকিবে। মোসলেম সমাজ ঐ দাবীদ্বয়ে যে কোন তর্কের প্রতিউত্তর দানে সর্বদা প্রস্তুত; সুতরাং উল্লেখিত বিষয় ও দাবীদ্বয় স্থিরীকৃত ও অবধারিত।

অতঃপর ইহাও অতি সুস্পষ্ট যে, কাহাকেও স্বীয় মনীষ স্বীকার করিয়া তাহার ফরমান ও প্রতিনিধিকে অস্বীকার করিলে সেই মনীষের সন্তুষ্টি ভাজন হওয়া এবং তাহার নিকট পুরস্কৃত হওয়াকে কোন যুক্তিই সমর্থন করে না।

যুক্তির দিক দিয়া আর অধিক কিছু না বলিয়া মুসলমান সমাজকে সতর্ক রাখার জন্ত তাহাদের প্রাণ বস্তু কোরআন ও ছহীহ হাদীছের আলোতে নিম্ন লিখিত কতিপয় মোটামুটি বিষয় প্রমাণিত করা হইতেছে। যদ্বারা পূর্বোল্লিখিত ভ্রষ্টতাপূর্ণ মতবাদের অসাড়া উজ্জ্বলাকারে প্রতীয়মান হইবে।

(১) কাফের ব্যক্তির জন্ত কশিনকালেও পরকালের মুক্তি ও পরিভ্রাণ নাই। কাফের হওয়ার অপরাধ ও পাপে সে অনন্তকাল আজাব ভোগ করিবে।

(২) যে ব্যক্তিই হযরত মোহাম্মদ রসূলুল্লাহ ছালাল্লাহু আলাইহে অসাল্লামের উপর ঈমান না আনিবে সে অনিবার্যতঃ কাফের পরিগণিত হইবে এবং অনন্তকালের জন্ত নরকবাসী হইয়া আজাব ভোগ করিবে।

(৩) যে কোন ব্যক্তি কোরআন শরীফের উপর ঈমান না আনিবে সে কাফের হইবে এবং চিরকাল দোযখের আজাব ভোগ করিবে।

(৪) একমাত্র মোমেনের জন্তই পরকালের মুক্তি ও পরিভ্রাণ এবং একমাত্র ইসলাম ধর্মই আল্লাহ তায়ালায় নিকট মনোনীত এবং পছন্দনীয় ও গ্রহণীয় ধর্ম; অথ কোন ধর্মই আল্লাহ নিকট গ্রহণীয় নহে।

(৫) মোমেন বা মুসলমান পরিগণিত হওয়ার জন্ত রসূল ও কোরআন উভয়ের প্রতি, বরং আরও কতিপয় বস্তুর প্রতি ঈমান ও স্বীকারোক্তি আবশ্যক।

(৬) যে কোন নেক আমল তথা ভাল কর্ম আল্লাহ নিকট গ্রহণীয় অর্থাৎ পরকালে বেহেগতের নেয়ামত-বাহক ও পরিভ্রাণের সূত্র হওয়ার জন্ত ঐ আমলকারী ব্যক্তির মোমেন মোসলমান হওয়া আবশ্যিক।

(৭) কাফের ব্যক্তির ভাল কর্ম পরকালীন মুক্তির ব্যাপারে একেবারেই নিষ্ফল প্রতিপন্ন হইবে। এমনকি ছওয়াব ও পুণ্যের উদ্দেশ্যে যত ধন-দৌলতই খরচ করুক পরকালের মুক্তি ও পরিভ্রাণে সে উহার কোন সুফলই পাইবে না।

এই সব স্বয়ং সৃষ্টিকর্তা মুক্তিদাতা ও প্রতিফল দানের মালিক আল্লাহ তায়ালায় নির্দ্ধারিত আইনের সুস্পষ্ট ধারা। এই ধারাসমূহ কোরআন শরীফের বহু সংখ্যক আয়াত ও অনেক অনেক হাদীছে স্পষ্টরূপে উল্লেখিত আছে। এখানে উদাহরণ স্বরূপ প্রত্যেকটি ধারার সহিত কতিপয় প্রমাণ উল্লেখ হইবে।

১। কাফেরদের পরিভ্রাণ ও মুক্তি নাই:

إِنَّ الَّذِينَ كَفَرُوا وَمَاتُوا وَهُمْ كُفَّارٌ أُولَٰئِكَ سَلِيمٌ لَّعْنَةُ [১]
 اللَّهِ وَالْمَلَائِكَةِ وَالنَّاسِ أَجْمَعِينَ - خُلِدُوا فِيهَا - لَا يُخَفَّفُ
 عَنْهُمْ الْعَذَابُ وَلَا هُمْ يُنْظَرُونَ ০

অর্থ:—নিশ্চয় জানিও, যাহারা মৃত্যু পর্যন্ত কাফের রহিয়াছে তাহাদের উপর আল্লাহ তায়ালার লা'ন ও অভিশাপ এবং সমস্ত ফেরেশতা ও সমস্ত লোকদের পক্ষ হইতে (পরকালে) অভিশাপ বর্ষিত হইবে। সেই অভিশাপের (আজাবের) মধ্যে তাহারা চিরকাল থাকিবে; মুহূর্তের জন্তও তাহাদের আজাব বিন্দুমাত্র হ্রাস করা হইবে না এবং তাহাদিগকে একটুও অবকাশ দেওয়া হইবে না। (২ পাঃ ৩ কঃ)

وَالَّذِينَ كَفَرُوا أُولَئِكَ هُمُ الطَّاغُوتُ يُخْرِجُوهُمْ مِّنَ الدُّنْيَا [২]
إِلَى الظُّلُمَاتِ ۚ أُولَئِكَ أَصْحَابُ النَّارِ - هُمْ فِيهَا خَالِدُونَ ০

অর্থ:—যাহারা কাফের তাহাদের বন্ধু শয়তান; শয়তানের দল তাহাদিগকে (ঈমানের) আলো হইতে (কুফুরীর) অন্ধকারের দিকে নিয়া যায়; তাহারা নরকবাসী; চিরকাল তাহারা সেই নরকেই থাকিবে। (৩ পাঃ ২ কঃ)

إِنَّ الَّذِينَ كَفَرُوا لَنْ تُغْنِيَ عَنْهُمْ أَمْوَالُهُمْ وَلَا أَوْلَادُهُمْ مِّنَ [৩]
اللَّهِ شَيْئًا - وَأُولَئِكَ هُمُ وَقُودُ النَّارِ ০

অর্থ:—কাফেরদের ধন-জন তাহাদিগকে আল্লাহর আজাব হইতে বাঁচাইবার জন্ত বিন্দুমাত্র সাহায্য করিতে পারিবে না এবং তাহারা দোজখের আলানী হইয়া থাকিবে। (৩ পাঃ ১০ কঃ)

إِنَّ الَّذِينَ كَفَرُوا وَمَاتُوا وَهُمْ كُفَّارٌ فَلَنْ يُّغْفَلَ مِنْ [৪]
أَحَدِهِمْ مِّلءُ الْأَرْضِ ذَهَبًا وَلَوِ افْتَدَىٰ بِهِ ۚ أُولَئِكَ لَهُمْ
عَذَابٌ أَلِيمٌ وَمَالُهُمْ مِّنْ نَّصِيرِينَ ০

অর্থ: যাহারা কাফের এবং কাফের অবস্থায়ই মৃত্যু হইয়াছে তাহাদের এক এক জন জগৎভর্তি স্বর্ণও যদি মুক্তি পাইবার জন্ত আল্লাহর রাস্তায় খরচ করে তাহাও গ্রহণ করা হইবে না। তাহাদের জন্ত ভীষণ কষ্টদায়ক আজাব নির্দ্ধারিত রহিয়াছে, তাহাদের জন্ত কোন সহায়তাকারী থাকিবে না। (৩ পাঃ ১৭ কঃ)

إِنَّ الَّذِينَ كَفَرُوا لَنْ تُغْنِيَ عَنْهُمْ أَمْوَالُهُمْ وَلَا أَوْلَادُهُمْ مِنَ [৫]
 اللَّهِ شَيْئًا - وَأُولَئِكَ أَصْحَابُ النَّارِ - هُمْ فِيهَا خَالِدُونَ ০

অর্থ:—নিশ্চয় যাহারা কাফের তাহাদের ধন-জন আল্লাহর আজাব হইতে তাহাদিগকে রক্ষা করিতে বিন্দুমাত্র সাহায্য করিবে না এবং তাহারা নরকবাসী হইবে, তথায় তাহারা চিরকাল থাকিবে। (৪ পাঃ ৩ কঃ)।

إِنَّ الَّذِينَ أَشْكَرُوا الْكُفْرَ بِالْإِيمَانِ لَنْ يَضُرُوا اللَّهَ شَيْئًا [৬]
 وَلَهُمْ عَذَابٌ أَلِيمٌ ০

অর্থ:—নিশ্চয় যাহারা ঈমানের পরিবর্তে কুফরী অবলম্বন করিয়াছে তাহাদের কার্যকলাপে আল্লাহ বিন্দুমাত্র ক্ষতি হইবে না, পরন্তু তাহাদের জন্ত ভীষণ কষ্টদায়ক আজাব নির্দ্ধারিত রহিয়াছে। (৪ পাঃ ৯ কঃ)

لَا يَغُيِّرُكَ تَقَلُّبُ الَّذِينَ كَفَرُوا فِي الْبِلَادِ - مَتَاعٌ قَلِيلٌ ০ [৭]
 ثُمَّ مَا لَهُمْ مِنْ جَهَنَّمَ - وَبِئْسَ الْمِهَادُ -

অর্থ:—শহরে-বন্দরে কাফেরদিগকে (জাকজমকের সহিত) চলাফেরা করিতে দেখিয়া দোকা খাইও না; ইহা অতি সল্পকালীন সুখ, অতঃপর তাহাদের স্থায়ী বাসস্থান হইবে জাহান্নাম, উহা অতি কষ্টের বাসস্থান। (৪ পাঃ ১১ কঃ)

وَأَعْتَدْنَا لِلْكَافِرِينَ عَذَابًا مُهِينًا ০ [৮]

অর্থ:—আমি কাফেরদের জন্ত ভীষণ অপমানজনক শাস্তি ও আজাব প্রস্তুত করিয়া রাখিয়াছি। (৫ পাঃ ৩ কঃ)

إِنَّ اللَّهَ أَعَدَّ لِلْكَافِرِينَ عَذَابًا مُهِينًا ০ [৯]

অর্থ:—আল্লাহ তায়ালা কাফেরদের জন্ত ভীষণ অপমানজনক শাস্তি ও আজাব প্রস্তুত করিয়া রাখিয়াছেন। (৫ পাঃ ১২ কঃ)

إِنَّ الَّذِينَ كَفَرُوا وَظَلَمُوا لَمْ يَكُنِ اللَّهُ لِيَغْفِرْ لَهُمْ وَلَا لِيَهْدِيَهُمْ [১০]
 طَرِيقًا - إِلَّا طَرِيقَ جَهَنَّمَ خَالِدِينَ فِيهَا أَبَدًا -

অর্থ :—যাহারা কুফুরীরা ছায়া অথায় করিয়াছে, আল্লাহ তাহাদের জন্ত ক্ষমাকারী হইবেন না এবং জাহান্নামের পথ ব্যতীত অন্য পথ তাহাদিগকে দিবেন না; জাহান্নামের মধ্যেই তাহারা চিরকাল অনন্তকাল থাকিবে। (৬ পাঃ ৩ কঃ)

إِنَّ الَّذِينَ كَفَرُوا لَوَ أَنَّ لَهُمْ مَانِيَ الْأَرْضِ جَمِيعًا وَمِثْلَهُ [১১]
مَعًا لَيَفْتَخِرُوا بِهِ مِنْ عَذَابِ يَوْمِ الْقِيَامَةِ مَا تُقْبَلُ مِنْهُمْ -
وَلَهُمْ عَذَابُ أَلِيمٌ - يُرِيدُونَ أَنْ يُشْرَوْا مِنْ الدَّارِ وَمَا لَهُمْ
بِبَشَارِ جِنَّةٍ مِنْهَا - وَلَهُمْ عَذَابٌ مُّقِيمٌ ০

অর্থ :—কাফের ব্যক্তিরা যদি সমস্ত জগৎব্যাপী ধন-সম্পত্তির বিপণনের মালিকও হয় এবং উহা খরচ করিয়া পরকালের আজাব হইতে রক্ষা পাওয়ার চেষ্টা করে তাহাদের সেই চেষ্টাও বৃথা হইবে; তাহাদের জন্ত ভীষণ কষ্টদায়ক আজাব নির্ধারিত রহিয়াছে। তাহারা দোষখ হইতে বাহির হওয়ার জন্ত লালায়িত থাকিবে, কিন্তু কিছুতেই বাহির হইতে পারিবে না। তাহাদের জন্ত এমন আজাব নির্ধারিত রহিয়াছে যাহার সমাপ্তি নাই। (৬ পাঃ ১০ কঃ)

وَالَّذِينَ كَفَرُوا إِلَىٰ جَهَنَّمَ يُحْشَرُونَ ০ [১২]

অর্থ :—যাহারা কাফের তাহাদিগকে জাহান্নামের দিকে হাঁকাইয়া লইয়া যাওয়া হইবে। (৯ পাঃ ১৮ কঃ)

وَأَنَّ جَهَنَّمَ لَمْ يَبْلُغْ بِالْكَافِرِينَ ০ [১৩]

অর্থ :—কাফেররা জাহান্নামের দ্বারা পরিবেষ্টিত থাকিবে। (১০ পাঃ ১৩ কঃ)

وَمِنْهُمْ قَلِيلًا لَّمْ يَصْرُوهُ إِلَىٰ عَذَابٍ غَلِيظٍ ০ [১৪]

অর্থ :—আমি কাফেরদিগকে সন্নিকালের জন্ত ক্ষণস্থায়ী জীবনের সুযোগ সুবিধা দান করিব, অতঃপর তাহাদিগকে ভীষণ কষ্টদায়ক আজাবের মধ্যে গতিত হইতে বাধ্য করিব। (২১ পাঃ ১২ কঃ)

وَالَّذِينَ كَفَرُوا لَهُمْ نَارُ جَهَنَّمَ - لَا يُقْضَىٰ عَلَيْهِمْ فَيَمُوتُوا [১৫]
وَلَا يُخَفَّفُ عَنْهُمْ مِنْ عَذَابِهَا - كَذَلِكَ نَجْزِي كُلَّ كَافِرٍ ০

অর্থঃ—কাফেরদের জন্ত জাহান্নামের অগ্নি নির্ধারিত রহিয়াছে; তথায় তাহাদিগকে মরিতে দেওয়া হইবে না—মৃত্যুকে অনুমতি দেওয়া হইবে না তাহাদের স্পর্শ করিতে, সুতরাং মৃত্যু তাহাদিগকে স্পর্শ করিতে পারিবে না এবং জাহান্নামের আজাব তাহাদের উপর বিন্দুমাত্র হ্রাস করা হইবে না। প্রত্যেক কাফেরকেই আমি এইরূপ প্রতিফল দান করিব। (২২ পাঃ ১৬ রঃ)

وَكَذَلِكَ هَتَّئْتُ لَكُم مَّوَدِّعَاتِي يَوْمَ يُصْعَقُونَ فِي الْبُحْرِ وَيَسْفَوْا فِي الْيَمِّ وَكَذَلِكَ هَتَّئْتُ لَكُم مَّوَدِّعَاتِي يَوْمَ يُصْعَقُونَ فِي الْبُحْرِ وَيَسْفَوْا فِي الْيَمِّ [৬.]

অর্থঃ—কাফেরদের প্রতি তোমার প্রভুর প্রবর্তিত বিশেষ নির্দেশ (Ruling) ইহাই যে, তাহারা নরকবানী। (২৪ পাঃ ৬ রঃ)

[১৭] وَالْكَافِرُونَ لَهُمْ عَذَابٌ شَدِيدٌ

অর্থঃ—কাফেরদের জন্ত ভীষণ আজাব নির্ধারিত রহিয়াছে। (২৫ পাঃ ৪ রঃ)

وَيَوْمَ يُعْرَضُ الَّذِينَ كَفَرُوا عَلَى النَّارِ أَلَيْسَ لَكُم بِطَبِيعَةٍ فِي [১৮] حَيْثُ كُنتُمُ الدُّنْيَا وَالْآخِرَةِ فَأَنْتُمْ فِي الْآخِرَةِ يَكْفُرُونَ بِنَارِ الْآخِرَةِ وَبِمَا كُنتُمْ تَفْسُقُونَ ۝

অর্থঃ—কাফেরদিগকে দোষখের সন্নিহিতে দাঁড় করাইয়া বলা হইবে, তোমরা দুনিয়ার কণস্থায়ী জীবনে বহু উৎকৃষ্ট বস্তুসমূহের মজা উড়াইয়াছ এবং আরাম-আয়েশ উপভোগ করিয়াছ; এখন তোমাদিগকে প্রতিফল স্বরূপ অপমানজনক আজাব ভোগ করিতে হইবে; যেহেতু তোমরা দুনিয়াতে অনধিকাররূপে অহঙ্কারে মত্ত হইয়া (সত্য ধর্ম হইতে) ঘাড় মোড়াইয়া ছিলে এবং (আমার নির্ধারিত) সীমা লঙ্ঘন করিতেছিলে। (২৬ পাঃ ২ রঃ)

[১৯] وَالَّذِينَ كَفَرُوا يَتَمَتَّعُونَ وَيَأْكُلُونَ كَمَا تَأْكُلُ

الْأَنْعَامُ وَالنَّارُ مَثْوًى لَهُمْ

অর্থঃ—যাহারা কাফের তাহারা (হয়ত দুনিয়াতে কিছু) সুখ ভোগ করিবে এবং চতুষ্পদ জন্তুর আয় পানাহার করিয়া ঘুরিয়া বেড়াইবে, কিন্তু শেষ ঠিকানা ও বাসস্থান রূপে দোষখই তাহাদের জন্ত নির্ধারিত। (২৬ পাঃ ৬ রঃ)

[২০] اِنَّا اَتَيْنَا لِلْكَافِرِينَ سُلْسِلًا وَاَغْلَالًا وَسَعِيرًا

অর্থ:—কাফেরদের জন্য আমি অসংখ্য শিকল, গলগণ্ড এবং প্রজ্জ্বলিত ভীষণ অগ্নি প্রস্তুত করিয়া রাখিয়াছি। (২৯ পাঃ ১৯ কঃ)

২। রসুলুল্লাহ (দঃ)এর উপর ঈমান না আনিলে ?

[১] وَمَنْ يَعْصِ اللَّهَ وَرَسُولَهُ وَيَتَعَدَّ حُدُودَ مَا يَدْخُلُهُ نَارًا خَالِدًا فِيهَا وَلَهُ عَذَابٌ مُهِينٌ ۝

অর্থ:—যাহারা আল্লাহর নাফরমানী করিবে এবং আল্লাহর রসুলের নাফরমানী করিবে এবং আল্লাহর নির্দ্বারিত সীমা লঙ্ঘন করিবে আল্লাহ তাহাদিগকে জাহান্নামে দাখেল করিবেন। তথায় তাহারা চিরকাল থাকিবে এবং তাহাদের জন্য ভীষণ অপমানজনক শাস্তি ও আচ্ছাব নির্দ্বারিত রহিয়াছে। (৪ পাঃ ১৩ কঃ)

[২] وَمَنْ يُشَاقِقِ الرَّسُولَ مِنْ بَعْدِ مَا تَبَيَّنَ لَهُ الْهُدَىٰ وَيَتَّبِعْ غَيْرَ سَبِيلِ الْمَوْذِينَ نُؤْتِهِ مَا تَوَلَّىٰ وَنُصْلِهِ جَهَنَّمَ ۝

অর্থ:—যে ব্যক্তি রসুলের বরখেলাফ চলিবে—হেদায়েতের পথ তাহার সম্মুখে উজ্জ্বল হওয়ার পরে, অর্থাৎ মোমেনদের পথ ভিন্ন অন্য কোন পথ অবলম্বন করিবে; (পরীক্ষা ক্ষেত্র ছুনিয়াতে) আমি তাহার জন্য তাহার অবলম্বিত পথে বাধার সৃষ্টি করিব না, কিন্তু (ফল ভোগের সময় পরকালে) তাহাকে জাহান্নামে পৌছাইব (৫ পাঃ ১৪ কঃ)। আয়াতটি কত স্পষ্ট ও বিস্তারিত!

[৩] وَمَنْ يَكْفُرْ بِاللَّهِ وَمَلَائِكَتِهِ وَكُتُبِهِ وَرُسُلِهِ وَالْيَوْمِ الْآخِرِ فَقَدْ ضَلَّ ضَلَالًا بَعِيدًا ۝

অর্থ:—যাহারা আল্লাহর সঙ্গে কুফরী করিবে, তাঁহার ফেরেশতাদের সম্বন্ধে কুফরী করিবে, তাঁহার কিতাব সমূহ সম্বন্ধে কুফরী করিবে, তাঁহার রসুলগণ সম্বন্ধে কুফরী করিবে, পরকালের দিন সম্বন্ধে কুফরী করিবে নিশ্চয় তাহারা পথভ্রষ্ট হইয়া সত্য পথ হইতে বহু দূরে সরিয়া পড়িয়াছে। (৫ পাঃ ১৭ কঃ)

[৭] اِنَّ الَّذِيْنَ يَكْفُرُوْنَ بِاللّٰهِ وَرُسُلِهٖ وَيُرِيدُوْنَ اَنْ يُفْرِقُوْا
 بَيْنَ اللّٰهِ وَرُسُلِهٖ وَيَقُوْلُوْنَ نُوْمِنُ بِسَبْعٍ وَّ نَكْفُرُ بِبَعْضٍ وَيُرِيدُوْنَ
 اَنْ يَّتَّخِذُوْا بَيْنَ ذٰلِكَ سَبِيْلًا - اُولٰٓئِكَ هُمُ الْكَافِرُوْنَ حَقًّا -
 وَاعْتَدْنَا لِلْكَافِرِيْنَ عَذَابًا مُّهِينًا ۝

অর্থ :—যাহারা আল্লাহ এবং আল্লাহ রসূলগণের সঙ্গে কুফরী করে এবং চায় যে, আল্লাহর মধ্যে এবং তাঁহার রসূলগণের মধ্যে (ইমানের ব্যাপারে) পার্থক্য প্রবর্তন করে এবং এইরূপে উক্তি করে যে, আমরা কতকের উপর (যেমন আল্লাহর উপর) ঈমান রাখি এবং কতকের উপর (যেমন, রসূলের উপর) ঈমান রাখি না এবং এইরূপে (কাটছাঁট করিয়া কতকে বাদ দিয়া কতকে রাখিয়া) মাঝামাঝি রাস্তা অবলম্বন করার অভিপ্রায় রাখে তাহারা নিঃসন্দেহে কাফের। এসব কাফেরদের জন্ত আমি এমন আজাব প্রস্তুত করিয়া রাখিয়াছি যেই আজাবে তাহারা চিরকাল লাঞ্চিত ও অপমানিত হইতে থাকিবে। (৬ পারা ১ রুকু)

يٰۤاَيُّهَا النَّاسُ قَدْ جَاءَكُمْ الرَّسُوْلُ بِالْحَقِّ مِنْ رَبِّكُمْ فَاٰمِنُوْا خَيْرًا
 [৮] لَّكُمْ - وَاِنْ تَكْفُرُوْا فَاِنَّ لِلّٰهِ مَا فِى السَّمٰوٰتِ وَالْاَرْضِ.....

অর্থ :—হে মানব! তোমাদের সৃষ্টিকর্তা পালনকর্তার পক্ষ হইতে সত্য (ধর্ম) নিয়া তাঁহার রসূল ও তাঁহার প্রতিনিধি তোমাদের নিকট পৌছিয়াছেন। এখন তোমাদের কর্তব্য এই যে, তোমরা (সেই রসূলকে এবং তিনি যে সত্যধর্ম নিয়া আসিয়াছেন উহাকে) মানিয়া ও গ্রহণ করিয়া লও। তাহাতেই তোমাদের মঙ্গল নিহিত রহিয়াছে। আর যদি তোমরা তাঁহাকে অমান্য ও অগ্রাহ্য কর তবে তাহা হইবে কুফরী। কুফরী করিলে স্মরণ রাখিও, (আল্লাহর শাস্তি হইতে রক্ষা পাওয়ার উপায় নাই। কারণ,) জমিন-আসমানের মালিক আল্লাহ; এবং আল্লাহ সব কিছু জানেন। (কে, কোথায়, কবে কুফরী করিয়াছে সব তিনি অবগত। অবশ্য হয়ত শাস্তি-বিধান যখন তখন করেন না বা অথ কাহারও মতামত অনুযায়ী করেন না; যেহেতু তিনি) সর্বাধিক বুদ্ধিমান (তাই অশ্রের

প্রভাবে তিনি শাস্তি-বিধান করেন না। তিনি যে নিয়ম ও সময় নির্ধারিত রাখিয়াছেন সেই অনুসারে শাস্তি দিবেন।) (৬ পাঃ ৩ রূঃ)

[৬] وَمَنْ يُشَاقِقِ اللَّهَ وَرَسُولَهُ فَإِنَّ اللَّهَ شَدِيدُ الْعِقَابِ ذَلِكُمْ
فَذَوْقُوهُ وَأَنَّ لِلْكَافِرِينَ عَذَابَ النَّارِ

অর্থ:—যে ব্যক্তি আল্লাহর বরখেলাফ চলিবে এবং আল্লাহর রসুলের বরখেলাফ চলিবে, (তাহার জন্ত) আল্লাহ ভীষণ শাস্তিদাতা। (শাস্তি ভোগে বাধ্য করার সময় তিরস্কার স্বরূপ এই শ্রেণীর লোকদেরে বলা হইবে,) এই শাস্তি ভোগ করিতে থাক এবং জানিয়া রাখ, (তোমাদের ঈশ্বর) কাকেরদের জন্ত দোষখের আজাবই নির্ধারিত রহিয়াছে। (৯ পাঃ ১৬ রূঃ)

[৭] أَلَمْ يَعْلَمُوا أَنَّهُ مِنَ الْيَحَادِدِ اللَّهُ وَرَسُولُهُ فَأَنَّ لَهُ
نَارَ جَهَنَّمَ خَالِدًا فِيهَا ۝

অর্থ:—তাহারা কি জানে না যে, যে কেহই আল্লাহর বরখেলাফ চলিবে এবং তাহার রসুলের বরখেলাফ চলিবে তাহার জন্ত জাহান্নামের আগুন নির্ধারিত রহিয়াছে, অনন্তকাল সে সেই জাহান্নামের আগুনে থাকিবে। (১০ পাঃ ১৪ রূঃ)

[৮] وَيَوْمَ يَعِضُ الظَّالِمُ عَلَى يَدَيْهِ يَقُولُ يَلِيَّتَنِي اتَّخَذْتُ
مَعَ الرَّسُولِ سَبِيلًا ۝

অর্থ:—এ দিনকে স্মরণ কর, যে দিন অত্যাচারী কাকের স্বীয় কৃতকর্মের উপর অন্তঃপ্রাপ্ত ও হুঃখিত হইয়া নিজের হাত কামড়াইতে থাকিবে এবং বলিবে, আ...হু! যদি আমি রসুলের সঙ্গে থাকার পথ অবলম্বন করিতাম। (১১ পাঃ ১ রূঃ)

[৯] إِنَّ اللَّهَ لَعَنَ الْكَافِرِينَ وَأَعَدَّ لَهُمْ سَعِيرًا - خَالِدِينَ فِيهَا أَبَدًا -
لَا يَجِدُونَ وَلِيًّا وَلَا نَصِيرًا - يَوْمَ تَقْلُبُ وُجُوهُهُمْ فِي النَّارِ يَقُولُونَ

يَلِيَّتَنَا أَطَعْنَا اللَّهَ وَأَطَعْنَا الرَّسُولَ ۝

অর্থ :—আল্লাহ্ তায়ালা কাফেরদের প্রতি অভিশাপের ঘোষণা জারী করিয়াছেন এবং তাহাদের জন্ত ভীষণ প্রজ্জ্বলিত অগ্নি প্রস্তুত করিয়া রাখিয়াছেন। তাহারা চিরকাল অনন্তকাল উহার মধ্যে থাকিবে। সেখানে তাহারা কোন পক্ষ সমর্থনকারী বা সাহায্যকারী পাইবে না। যে দিন দোযখের মধ্যে তাহাদের চতুর্পার্শ্ব অগ্নি দগ্ধ করা হইবে, সে দিন তাহারা অন্ততপ্ত হইয়া বলিবে, আ...হু। যদি আমরা আল্লাহর ফরমাবরদারী—বশ্যতা স্বীকার করিতাম এবং রসুলের ফরমাবরদারী করিতাম। (২২ পাঃ ৫ কঃ)

[১০] **إِنَّ كُلَّ الْكَاذِبِ الرُّسُلَ ذَهَبُوا بِغَابٍ**

অর্থ :—যুগে যুগে কাফেরদের অবস্থা একই রূপ হইয়াছে—তাহারা সকলেই রসুলের সত্যতা অস্বীকার করিয়াছিল ফলে তাহাদের উপর আজাব ও শাস্তি প্রবর্তিত হইয়াছে। (২৩ পাঃ ১০ কঃ)

[১১] **وَسِيقَ الَّذِينَ كَفَرُوا إِلَىٰ جَهَنَّمَ زُمَرًا ۖ فَمِنْهُمْ شِقَاقٌ ۚ إِذَا جَاءَهُمْ**

فَقَعَتْ أَيْدِيهِمْ وَنُذِرَتْ لَهُمْ آثَارُ نَارٍ ۖ فَكَلِمَةً يَمْسُرُ بِهَا الْمَرْءُ رُسُلًا مِنْكُمْ يَتَّبِعُونَ

عَلَيْكُمْ آيَاتِ رَبِّكُمْ وَيُنذِرُونَكُمْ لِقَاءَ يَوْمِكُمْ ۚ هَٰذَا ۖ نَالُوا بِأَيْدِي

وَلَكِنْ حَقَّتْ كَلِمَةُ الْعَذَابِ عَلَى الْكَافِرِينَ ۖ قَبْلَ أَنْ يَدْخُلُوا أَبْوَابَ

جَهَنَّمَ خَالِدِينَ فِيهَا ۖ نَبِّئُكَ مِثْلُ الْكَاذِبِينَ ۚ

অর্থ :—কাফেরদিগকে দলে দলে জাহান্নামের দিকে হাঁকাইয়া নেওয়া হইবে। তাহারা জাহান্নামের সম্মুখে আসিয়া উপস্থিত হইলে পর উহার দরওয়াজা খোলা হইবে এবং জাহান্নামের কার্যপরিচালকগণ তাহাদিগকে তিরস্কার করিয়া বলিবেন, তোমাদের নিকট তোমাদেরই স্বজাতি (মানুষ) লোক রসুলরূপে আসিয়াছিলেন না কি? তাহারা তোমাদিগকে তোমাদের প্রভুর (কিতাবের) আয়াত সমূহ পাঠ করিয়া শুনাইয়াছিলেন না কি? এবং তোমাদের সম্মুখে এই দিনটি উপস্থিত হইবে বলিয়া তোমাদিগকে সতর্ক করিয়াছিলেন না কি? তাহারা উত্তর করিবে—হাঁ, আসিয়াছিলেন বটে, কিন্তু আল্লাহর আজাবের

আইন (আমাদের তায় বদ-নছীব) কাফেরদের উপর প্রয়োগ হওয়ার ছিল তাহা হইয়াছে। অতঃপর তাহাদের প্রতি আদেশ জারী হইবে যে, দোষখের ফটক সমূহে প্রবেশ কর, তোমাদের দোষখেই থাকিতে হইবে। (রসুলের প্রচারিত সত্য ধর্ম হইতে) অবজ্ঞা প্রদর্শনকারী অহকারীদের জন্ত জাহান্নামই উপযুক্ত স্থান; জাহান্নাম অত্যন্ত খারাপ এবং কষ্টের স্থান। (২৪ পাঃ ৫ কঃ)

وَمَنْ يُطِيعِ اللَّهَ وَرَسُولَهُ يُدْخِلْهُ جَنَّاتٍ تَجْرَى مِنْ تَحْتِهَا الْأَنْهَارُ - [১২]

وَمَنْ يَتَّبِعِ يَتَّبِعْهُ عَذَابُهَا أَلِيمٌ ۝

অর্থ:—যে ব্যক্তি আল্লাহর ফরমাবরদারী করিবে, আল্লাহর রসুলের ফরমাবরদারী করিবে আল্লাহ তাহাকে জান্নাতে পৌঁছাইবেন, সেখানে আরামের জন্ত নদী ও নহর সমূহ প্রবাহিত থাকিবে। পক্ষান্তরে যে ব্যক্তি ফরমাবরদারী হইতে বিরত থাকিবে তাহাকে আল্লাহ তায়ালা কষ্টদায়ক আজাব দিবেন। (২৬ পাঃ ১০ কঃ)

وَمَنْ يُعْصِ اللَّهَ وَرَسُولَهُ نَجِّنَا لَهُ نَارَ جَهَنَّمَ خَالِدًا فِيهَا أَبَدًا - [১৩]

অর্থ:—যাহারা আল্লাহর নাফরমানী করিবে এবং তাঁহার রসুলের নাফরমানী করিবে তাহাদের জন্ত জাহান্নামের অগ্নি নির্দ্ধারিত রহিয়াছে, সেখানে তাহারা চিরকাল অনন্তকাল থাকিবে। (২৯ পাঃ ১২ কঃ)

মোসলেম শরীফ ৮৬ পৃষ্ঠায় একটি হাদীছ আছে—হযরত রসুলুল্লাহ ছালাল্লাহু আলাইহে অসাল্লাম ফরমাইয়াছেন, যেই আল্লাহর হাতে আমার প্রাণ সেই আল্লায় শপথ করিয়া বলিতেছি, আমার যুগের বিশ্বমানবের যে কোন সম্প্রদায়ভুক্ত এমনকি ইহুদ ও নাছারা (যাহারা আল্লাহ-প্রেমিত ধর্ম আল্লাহর রসুল ও কিতাবের অনুসারী বলিয়া দাবী করিয়া থাকে) তাহাদের মধ্যে হইতেও যে কোন ব্যক্তি আমার আবির্ভাবের সংবাদ অবগত হইয়া আমার আনীত দীন ও ধর্মের প্রতি ঈমান না আনিয়া মৃত্যুবরণ করিবে সে অনিবার্যরূপে দোষখী হইবে।

৩। কোরআনের প্রতি ঈমান না আনিলে ?

[১] إِنَّ الَّذِينَ كَفَرُوا بِآيَاتِ اللَّهِ لَهُمْ عَذَابٌ شَدِيدٌ

অর্থ:—যাহারা আল্লাহর (কোরআনের) আয়াতসমূহকে স্বীকার না করিবে তাহাদের জন্ত ভীষণ আজাব নির্দ্ধারিত রহিয়াছে। (৩ পাঃ ৯ কঃ)

[২] الَّذِينَ كَفَرُوا بِآيَاتِنَا سَوْفَ نُصْلِيهِمْ نَارًا - كُلَّمَا نَفِثَتْ
جُلُودُهُمْ بِدَلْهِمْ جُلُودًا غَيْرَهَا لِيَذُوقُوا الْعَذَابَ

অর্থ:—যাহারা (কোরআনের) আয়াতসমূহকে স্বীকার করিবে না অচিরেই আমি তাহাদিগকে দোষথের আগুনে পৌঁছাইব। যতবার তাহাদের চর্ম দন্ধ হইয়া পাকিয়া যাইবে—পাকিয়া যাওয়ার সঙ্গে সঙ্গে উহার পরিবর্তে নূতন চামড়া আমি বদলাইয়া দিব। এইরূপ এই জন্ত করা হইবে, যাহাতে তাহারা আজাবের কষ্ট ভালরূপে ভুগিতে থাকে। (৫ পাঃ ৫ রঃ)

[৩] وَمَنْ لَّمْ يَهْجُمْ بِمَا أَنْزَلَ اللَّهُ نَاوَلَتْكَ هُمُ الْكَافِرُونَ ۝

অর্থ:—আল্লাহ (কোরআনে) যাহা কিছু অবতীর্ণ করিয়াছেন তদনুযায়ী যাহারা রায় দান না করিবে তাহারা নিশ্চিতরূপে কাফের। (৬ পাঃ ১১ রঃ)

[৪] نَمِنْ أَظْلَمَ مِمَّنْ كَذَبَ بِآيَاتِ اللَّهِ وَمَدَفَ عَنْهَا - سَنَجْزِي

الَّذِينَ يَسْتَدِفُونَ عَنْ آيَاتِنَا سُوءَ الْعَذَابِ بِمَا كَانُوا يَصْدِفُونَ ۝

অর্থ:—যাহারা আল্লাহ (কোরআনের) আয়াতসমূহকে স্বীকার করে না এবং উহা হইতে ফিরিয়া থাকে তাহাদের চেয়ে বড় অত্যাচারী আর কেহ নাই, তাহাদের চেয়ে বড় জালেম আর কেহ নাই। যাহারা আমার (কোরআনের) আয়াতসমূহ হইতে ফিরিয়া থাকিবে তাহাদিগকে আমি তাহাদের এই ফিরিয়া থাকার দরুণ প্রতিফল স্বরূপ কঠিন আজাব ভোগাইব। (৮ পাঃ ৭ রঃ)

[৫] وَمَنْ يَكْفُرْ بِهِ مِنَ الْأَحْزَابِ نَالُوا لَمَّا رُمُوا ۝

অর্থ:—যে কোন দলের লোক কোরআনকে না মানিবে তাহাদের জন্ত দোষথ নিদ্ধারিত রহিয়াছে। (১২ পাঃ ২ রঃ)

[৬] إِنَّ الَّذِينَ لَا يُؤْمِنُونَ بِآيَاتِ اللَّهِ لَا يُعَذِّبُهُمُ اللَّهُ وَلَهُمْ عَذَابٌ أَلِيمٌ ۝

অর্থ:—যাহারা আল্লাহর আয়াতসমূহের প্রতি ঈমান না আনিবে এবং উহাকে স্বীকার না করিবে আল্লাহ তাহাদিগকে হেদায়েত দান করিবেন না, অর্থাৎ

অনিবার্যতঃ তাহারা পথ ভ্রষ্ট থাকিয়া যাইবে এবং তাহাদের জন্ত কষ্টদায়ক শাস্তি ও আজাব নির্দ্ধারিত রহিয়াছে। (১৪ পাঃ ২০ রূঃ)

وَإِذَا تُتْلَىٰ عَلَيْهِ آيَاتُنَا وَلَّىٰ مُسْتَكْبِرًا كَانَ لَنَا بِسَمْعِهَا كَانَ
(৭) فِي أُنْفُسِهِمْ وَتَرَاهُمْ فِي عَذَابٍ أَلِيمٍ ০

অর্থঃ—যখন তাহাকে আমার কোরআনের আয়াতসমূহ পাঠ করিয়া শুনান হয় তখন সে উহা গ্রহণ না করিয়া উহার প্রতি অবজ্ঞা প্রদর্শন করতঃ এইরূপে পাশ কাটিয়া চলিয়া যায় যেন সে উহা শুনেই নাই, যেন তাহার কানের মধ্যে ডাট পুরিয়া রাখা হইয়াছে। (এই ধরনের লোক যাহারা) তাহাদিগকে ভীষণ কষ্টদায়ক আজাবের সংবাদ শুনাইয়া দিন। (২১ পাঃ ১০ রূঃ)

وَالَّذِينَ كَفَرُوا بِآيَاتِ رَبِّهِمْ لَهُمْ عَذَابٌ مِّن رَّجْزٍ أَلِيمٍ ০
(৮)

“যাহারা স্বীয় প্রভুর আয়াত সমূহকে অস্বীকার করিবে তাহাদের জন্ত যুগিতি ও ভীষণ কষ্টদায়ক শাস্তি নির্দ্ধারিত রহিয়াছে।” (২৫ পাঃ ১৭ রূঃ)

وَالَّذِينَ كَفَرُوا وَكَذَّبُوا بِآيَاتِنَا أُولَٰئِكَ أَصْحَابُ الْجَحِيمِ
(৯)

অর্থঃ—যাহারা আমার কোরআনের আয়াত সমূহকে অস্বীকার করিয়াছে এবং উহাকে মিথ্যা বলিয়াছে তাহারা দোষখী। (২৭ পাঃ ১৮ রূঃ)

وَالَّذِينَ كَفَرُوا وَكَذَّبُوا بِآيَاتِنَا أُولَٰئِكَ أَصْحَابُ النَّارِ ۖ خَالِدِينَ فِيهَا
(১০)

অর্থঃ—যাহারা আমার (কোরআনের) আয়াত সমূহকে অস্বীকার করিয়াছে এবং উহাকে মিথ্যা বলিয়াছে তাহারা দোষখী হইবে, চিরকাল তাহারা দোষখে থাকিবে। (২৮ পাঃ ১৫ রূঃ)

৪। মোমেনদের জগুই মুক্তি—একমাত্র
ইসলাম ধর্মই আল্লার নিকট গ্রহণীয়।

وَالَّذِينَ آمَنُوا وَعَمِلُوا الصَّالِحَاتِ أُولَٰئِكَ أَصْحَابُ الْجَنَّةِ ۖ
هُمْ فِيهَا خَالِدُونَ ০
(১১)

অর্থ :—যাহারা ঈমান আনিয়াছে এবং নেক কাজ করিয়াছে একমাত্র তাহারা ই বেহেশতবাসী, তাহারা চিরকাল সেখানে থাকিবে। (১ পাঃ ৯ কঃ)

(২) $\text{الَّذِينَ كَفَرُوا لَهُمْ عَذَابٌ شَدِيدٌ - وَالَّذِينَ آمَنُوا وَعَمِلُوا الصَّالِحَاتِ لَهُمْ مَغْفِرَةٌ وَأَجْرٌ كَبِيرٌ}$

অর্থ :—যাহারা কাফের তাহাদের জন্য ভীষণ আজাব নিৰ্দ্ধারিত রহিয়াছে। পক্ষান্তরে যাহারা ঈমান আনিয়াছে এবং নেক আমলসমূহ সম্পাদন করিয়াছে একমাত্র তাহাদের জন্যই রহিয়াছে ক্ষমা এবং অতি বড় পুরস্কার। (২২ পাঃ ১৩ কঃ)

(৩) $\text{إِنَّ الدِّينَ عِنْدَ اللَّهِ الْإِسْلَامُ}$

ইহা নিশ্চিত যে, আল্লার নিকট গ্রহণীয় ধর্ম একমাত্র ইসলাম। (৩ পাঃ ১০ কঃ)

(৪) $\text{وَمَنْ يَبْتَغِ غَيْرَ الْإِسْلَامِ دِينًا فَلَنْ يُقْبَلَ مِنْهُ - وَهُوَ فِي الْآخِرَةِ مِنَ الْخَاسِرِينَ}$

অর্থ :—যে কোন ব্যক্তি ইসলাম ব্যতীত অন্য কোন দীন—ধর্ম অবলম্বন করিবে তাহার সেই অবলম্বিত ধর্ম কস্মিনকালেও গ্রহণীয় হইবে না এবং সে পরকালে সর্বহারা ধ্বংস প্রাপ্ত হইবে। (৩ পাঃ ১৭ কঃ)

বোখারী শরীফ ৪৩১ পৃষ্ঠায় একটি হাদীছ উল্লেখ আছে—বেলাল (রাঃ) হযরত রসূলুল্লাহ ছালাল্লাহু আলাইহে অসাল্লামের আদেশক্রমে ঢোল-শোহরতের সহিত এই ঘোষণা প্রচার করিয়াছেন যে, $\text{لَا يَدْخُلُ الْجَنَّةَ إِلَّا ذُوُّ مَسَلَمَةٍ}$

“ইসলাম ধর্ম গ্রহণ করিয়া মোসলমান হইয়াছে—কেবলমাত্র সেই মোসলমান ব্যক্তি ব্যতীত অন্য কেহই বেহেশতে যাইতে পারিবে না।”

মোসলেম শরীফে ৫৪ পৃষ্ঠায় একটি হাদীছ আছে, হযরত (দঃ) বলিয়াছেন—

$\text{وَالَّذِي نَفْسِي بِيَدِهِ لَا تَدْخُلُونَ الْجَنَّةَ حَتَّى تُنَاصِرُوا}$

অর্থ :—যে আল্লার হাতে আমার জ্ঞান তাঁহার শপথ করিয়া বলিতেছি, মোমেন না হওয়া পর্য্যন্ত তোমরা বেহেশতে যাইতে পারিবে না।

৫। মোমেন ও মোসলমান হওয়ার জন্য কি কি আবশ্যক?

(১) يَا أَيُّهَا الَّذِينَ آمَنُوا آمِنُوا بِاللَّهِ وَرَسُولِهِ وَالْكِتَابِ

الَّذِي نَزَّلَ عَلَى رَسُولِهِ

অর্থ:—হে ঈমানের দাবীদারগণ! তোমাদিগকে ঈমান আনিতে হইবে আল্লাহর প্রতি, আল্লাহর রসুলের প্রতি এবং ঐ কেতাবের প্রতি যে কেতাব আল্লাহ স্বীয় রসুলের উপর নাযেল করিয়াছেন। (৫ পাঃ ১৭ রঃ)

(২) الَّذِينَ يَتَّبِعُونَ الرَّسُولَ فَالَّذِينَ آمَنُوا بِهِ وَعَزَّرُوا

وَعَزَّرُوا وَاتَّبَعُوا النُّورَ الَّذِي أُنْزِلَ مَعَهُ أُولَئِكَ هُمُ الْمُفْلِحُونَ

অর্থ:—যাহারা রসুলে-উম্মীর প্রতি ঈমান আনিবে এবং তাঁহার প্রতি যথাযথ সম্মান প্রদর্শন করিবে এবং তাঁহার সহযোগিতা করিবে এবং ঐ আলোর অনুসরণ করিবে যে আলো তাঁহার প্রতি অবতীর্ণ করা হইয়াছে; একমাত্র তাহারাই মুক্তি এবং জীবনের সফলতা লাভ করিবে (আলো অর্থাৎ কোরআন)। (৯ পাঃ ৯ রঃ)

আলোচ্য ৫নং বিষয়টির বিস্তারিত বিবরণ বোখারী শরীফ ১ম খণ্ডে ৪৬নং হাদীছে বর্ণিত আছে। উক্ত হাদীছের মধ্যে স্বয়ং হযরত রসুলুল্লাহ ছালাল্লাহু আলাইহে অসাল্লাম জিব্রাইল ফেরেশতা কর্তৃক জিজ্ঞাসিত হইয়া ঈমান ও ইসলামের বিবরণ দান করিয়াছেন। উক্ত হাদীছকে হাদীছে-জিব্রাইল বলা হয়। বোখারী শরীফ মোসলেম শরীফ প্রত্যেক কিতাবেই ঐ হাদীছখানা বর্ণিত আছে।

৬। যে কোন আমল গ্রহণীয় হওয়ার জন্য ঈমান শর্ত।

فَمَنْ يَعْمَلْ مِنَ الصَّالِحَاتِ وَهُوَ مُؤْمِنٌ فَلَا كُفْرَانَ لِسَعِيدٍ وَإِنَّا لَهُ كَافٍ

অর্থ:—যে কোন ব্যক্তি যে কোন ভাল কাজ—নেক আমল করিবে, যদি সে মোমেন হয় তবেই তাহার সেই সং কার্যগুলি গ্রহণযোগ্য হইবে এবং তাহার সে সাধনা বৃথা যাইবে না এবং আমি তাহা লিখিয়া রাখিব। (১৭ পাঃ ৭ রঃ)

৭। কাফের ব্যক্তির ভাল কর্ম আখেরাতে নিষ্ফল হইবে।

(১) مَثَلُ مَا يُنْفِقُونَ فِي هَذِهِ الْحَيَاةِ الدُّنْيَا كَمَثَلِ رِيحٍ فِيهَا مِرٌّ

أَدَّابَتْ حَرْثَ قَوْمٍ ظَلَمُوا أَنْفُسَهُمْ فَا تَلَذَّتْهُمْ - وَمَا ظَلَمَهُمُ اللَّهُ
وَلَكِنْ أَنْفُسُهُمْ يَظْلِمُونَ

অর্থ :—কাফেরগণ (পুণ্য ও পরকালের ভাল প্রতিদানের আশায়) যাহা কিছু দান করিয়া থাকে (তাহাদের কাফের হওয়ার দরুণ এই দান-খয়রাত পরকালে নিফল ও বরবাদ প্রতিপন্ন হওয়ার ব্যাপারে) উহার অবস্থা এই ফসলে পরিপূর্ণ জমীনের আয় যাহার মালিক কাফের এবং এই জমীনের উপর ভীষণ হীমবায়ু প্রবাহিত হওয়ায় বরফ জমীয়া সমুদয় ফসল ধ্বংস হইয়া গিয়াছে। (কাফেরদের দান-খয়রাতের এই পরিণতি সংক্রান্তে) আল্লাহ তাহাদের প্রতি অশ্রদ্ধা বা জুলুম করেন নাই, বরং তাহারাই নিজেদের উপর জুলুম করিয়াছে—নিজেরাই নিজেদের ক্ষতি সাধন করিয়াছে। (৪ পাঃ ৩ রূঃ)

পাঠকবর্গ ! কি উজ্জল দৃষ্টান্ত ! ফসলে পরিপূর্ণ জমীনের সমুদয় ফসল বরফ-বায়ুর দরুন নষ্ট হইয়া যায় ; উহা হইতে একটি দানাও লাভ করার সুযোগ পাওয়া যায় না। তজ্রপ কাফের ব্যক্তির সমুদয় দান খয়রাত তাহার কাফের হওয়ার দরুণ নষ্ট ও নিফল প্রতিপন্ন হইবে।

দৃষ্টান্তের মধ্যে ধ্বংসপ্রাপ্ত ফসলের জমীর মালিক কাফের উল্লেখ করা বিশেষ তাৎপর্যপূর্ণ। যেহেতু মোসলমানগণ আপদে-বিপদে ছওয়াব ও পুণ্য লাভ করিয়া থাকে, সুতরাং কোন মোসলমান ব্যক্তির জমির ফসল নষ্ট হইলে ছনিয়ার দিক দিয়া যদিও সে ক্ষতিগ্রস্ত হয় এবং এই ফসল জন্মাইতে তাহার শ্রম ও তাহার চেষ্টাসমূহ নিফল হয়, কিন্তু পরকালে সে এই ক্ষতির প্রতিদানে ছওয়াব লাভ করিবে। পক্ষান্তরে কোন কাফের ব্যক্তির জমির ফসল নষ্ট হইয়া গেলে সে ঐরূপ প্রতিদানের উপযুক্ত নয় বলিয়া এই ফসল জন্মাইতে তাহার যত চেষ্টা ও পরিশ্রম করিতে হইয়াছে, তাহার সমুদয় পরিশ্রম ও চেষ্টা সর্বদিক দিয়াই বৃথা ও নিফল হইয়া যায়—ছনিয়া ও আখেরাত উভয় দিক দিয়া। অতএব, কাফেরদের দান-খয়রাত পরকালে সম্পূর্ণরূপে বৃথা ও নিফল প্রতিপন্ন হওয়া বুঝাইবার জন্য উল্লিখিত দৃষ্টান্তে জমির মালিক কাফের বলিয়া উল্লেখ হইয়াছে।

উল্লিখিত দৃষ্টান্ত দ্বারা কাফেরদের দান-খয়রাত বৃথা ও নিফল প্রতিপন্ন করিয়া স্বয়ং আল্লাহ তায়ালা বলেন—“(তাহাদের দান-খয়রাত বৃথা ও নিফল প্রতিপন্ন হওয়ার ব্যাপারে) আল্লাহ তাহাদের প্রতি কোন অশ্রদ্ধা করেন নাই, বরং তাহারা নিজেরাই নিজেদের ক্ষতি সাধন করিয়াছে।” (যেহেতু তাহারা দান-খয়রাত ইত্যাদি আল-এহগীয় হওয়ার অন্তিম শর্ত ঈমান অবলম্বন করেন নাই।)

وَمَنْ يَكْفُرْ بِالْإِيمَانِ فَقَدْ حَبِطَ عَمَلُهُ وَهُوَ فِي الْآخِرَةِ مِنَ الْخَسِرِينَ - (২)

অর্থ:—যে ব্যক্তি ঈমানকে প্রত্যাখান ও অস্বীকার করিবে তাহার সমুদয় আমল ও নেক কার্য্য বরবাদ যাইবে এবং সে পরকালে সর্ব্বহার। ক্ষতিগ্রস্তদের শ্রেণীভুক্ত হইবে (৬ পাঃ ৫ রূঃ) ।

مَثَلُ الَّذِينَ كَفَرُوا بِرَبِّهِمْ أَعْمَالُهُمْ كَرَمَادٍ اشْتَدَّتْ بِهِ الرِّيحُ (৩)
فِي يَوْمٍ عاصِفٍ لَا يَقْدِرُونَ مِمَّا كَسَبُوا عَلَى شَيْءٍ ۝

অর্থ:—যাহারা স্বীয় প্রভু-পরওয়ারদেগারকে অস্বীকার করিয়া কাফের হইয়াছে তাহাদের সমুদয় আমল এবং সংকাজ সমূহের অবস্থা এইরূপ, যেমন—কতগুলি ছাই-ভস্ম যাহার উপর প্রবল বাফা বায়ু প্রবাহিত হইয়া গিয়াছে। (এমতাবস্থায় যেৰূপ ঐ ছাই-ভস্মের অণু-পরমাণুগুলি কোথাও কাহারও হাতে আসিতে পারে না, তদ্রূপ) কাফেররা স্বীয় কৃতকর্ম্মের সুফল লাভ করার কোন সুযোগই পাইবে না। (১৩ পাঃ ১৫ রূঃ)

الَّذِينَ كَفَرُوا أَعْمَالُهُمْ كَسَرَابٍ بِقِيعَةٍ يَحْسَبُهُ الظَّمَانُ مَاءً (৪)

অর্থ:—কাফেরদের কৃতকর্ম্ম সগৃহ মরুভূমির মরীচিকার আয় ; যাহাকে তৃষ্ণাতুর ব্যক্তি দূর হইতে পানি মনে করে, কিন্তু দৌড়িয়া সেখানে উপস্থিত হইলে তখন উপলব্ধি করিতে পারে যে, ইহা পানি নয় যাহা পান করিয়া সে প্রাণ রক্ষা করিবে বরং সেই মরুভূমির ভীষণ উত্তাপ তাহার মৃত্যুর কারণ হইয়া দাঁড়ায়। (তদ্রূপ কাফের ব্যক্তি এই জগতে অনেক কার্য্য এক্রূপ করিয়া থাকে যাহাকে সে সুফল প্রদায়ক মনে করে, কিন্তু পরকালে হাশরের ময়দানে উপস্থিত হইয়া দেখিতে পাইবে যে, উহা তাহার জন্ত কোন প্রকার সুফল প্রদায়কই নয়, বরং সে সেই কঠিন সময়ে ধ্বংসপ্রাপ্ত তথা চির আজাবের সম্মুখীন হইবে।) (১৮ পাঃ ১১ রূঃ)

وَقَدْ مَنَّ اللَّهُ عَلَى النَّاسِ إِذْ أَنْشَأَ لَهُمْ أَهْلَ عَادٍ ذَرْبَهُمْ فَأَتَتْ شَارِقَةَ وَقَدْ مَنَّ اللَّهُ عَلَى النَّاسِ إِذْ أَنْشَأَ لَهُمْ أَهْلَ عَادٍ ذَرْبَهُمْ فَأَتَتْ شَارِقَةَ وَقَدْ مَنَّ اللَّهُ عَلَى النَّاسِ إِذْ أَنْشَأَ لَهُمْ أَهْلَ عَادٍ ذَرْبَهُمْ فَأَتَتْ شَارِقَةَ (৫)

অর্থ:—আল্লাহ বলেন—(কাফেররা যাহা কিছু আমল তথা ভাল কর্ম্ম করে উহা আমার নিকট গ্রহণীয় নয় বলিয়া) আমি তাহাদের আমল বা ভাল কর্ম্ম সমূহকে ধূলা-বালুর অণু-কণার আয় বিলীন করিয়া দিব—ধর্তব্যের আওতা হইতে বাদ দিয়া দিব ; (উহার উপর প্রতিফল দানের প্রশ্নই উঠিবে না।) ১১ পাঃ ১ রূঃ

ذَلِكَ بِأَنَّهُمْ كَرِهُوا مَا أُنْزِلَ إِلَيْهِمْ فَحَبِطَ أَعْمَالُهُمْ ۝ (৬)

অর্থ:—কাকেরদের আজাব ও দুর্দশা এই জন্ম হইবে যে, তাহারা ঐ কেতাবকে অগ্রাহ করিয়াছে যে কেতাব আল্লাহ তায়ালা নাজেল করিয়াছেন ; মদ্রুগ আল্লাহ তায়ালা তাহাদের সমুদয় আমল এবং সং কার্যাবলীকে নিষ্ফল বলিয়া ঘোষণা করিয়া দিয়াছেন । (২৬ পাঃ ৫ রঃ)

পাঠকবর্গ! উল্লিখিত দীর্ঘ আলোচনায় কোরআনের বহু আয়াত ও বিভিন্ন হাদীছ দ্বারা স্পষ্টরূপে প্রমাণিত দেখিতে পাইলেন যে, পরকালের মুক্তি ও পরিত্রাণের জন্ম রসুলুল্লাহ ছালাল্লাহু আলাইহে অসাল্লাম এবং কোরআনের প্রতি ঈমান অপরিহার্যরূপে আবশ্যক ; বরং আল্লাহর কোরআন ও রসুলের হাদীছ দ্বারা প্রমাণিত আরও কতিপয় বস্তুর প্রতিও ঈমান আবশ্যক। বস্তুতঃ রসুলের হাদীছ ও আল্লাহর কোরআন ইহাই ইসলাম ; আর ইসলাম ব্যতিরেকে পরিত্রাণ নাই।

● কোরআন ও হাদীছের কোন কোন স্থানে ঈমান ও ইসলাম সম্বন্ধে বিস্তারিত বর্ণনা আসিয়াছে এবং কোন কোন স্থানে অল্প বিষয়ের বর্ণনা প্রসঙ্গে ঈমানের কথা উল্লেখ হইয়াছে। এই দ্বিতীয় শ্রেণীর স্থানে ঈমানের বিষয়বস্তুগুলিকে সামগ্রিকভাবে উল্লেখ না করিয়া শুধু ঈমান বা ঈমানের শুধু মূল জিনিষ উল্লেখ করা হইয়াছে। ঐরূপ কোন আয়াত বা হাদীছের বাক্য দেখিয়া কোন কোন লোক ধোকায় পড়িয়াছে। যেমন কোরআনের ১ম ছিপারায় একটি আয়াত আছে—

إِنَّ الَّذِينَ آمَنُوا وَالَّذِينَ هَادُوا وَالصَّابِئِينَ مِنَ
 آمَنَ بِاللَّهِ وَالْيَوْمِ الْآخِرِ وَهُمْ عَلَىٰ مَا لَهَا فَلَهُمْ أَجْرُهُمْ عِنْدَ رَبِّهِمْ
 وَلَا خَوْفٌ عَلَيْهِمْ وَلَا هُمْ يَحْزَنُونَ ۝

এই আয়াতটি দ্বারা এমন অনেকে ধোকা খাইয়া থাকে, যাহারা নিজকে তফছীরকাররূপে প্রকাশ করে, অথচ তাহারা অভিজ্ঞ শিক্ষকের মাধ্যমে কোরআনের শিক্ষা লাভ করে নাই। বরং অভিধান বা অনুবাদ দেখিয়া এবং শব্দার্থের অনুবাদের সাহায্যে তফছীরকার সাজিয়াছে। ফলে তাহারা মানুষ-মারা ডাক্তারের ছায় তফছীরকার হইয়াছে—যে ডাক্তার অভিজ্ঞ ডাক্তার-শিক্ষকের মাধ্যমে শিক্ষা লাভ না করিয়া শুধু অভিধান ও অনুবাদের সাহায্যে চিকিৎসা ক্ষেত্রে নামিয়াছে। ঐরূপ কার্যের কুফল যে কি মারাত্মক তাহা অতি সুস্পষ্ট।

আর এক শ্রেণীর তফছীরকার আছে যাহারা সাত অন্ধ কর্তৃক হাতীর আকার নির্ণয়ের আয় মুক্তি ও পরিত্রাণের মূল শর্ত ঈমানকে শুধুমাত্র এইরূপ সংক্ষিপ্ত দুই চারিটি আয়াত দ্বারাই বুঝিতে ও বুঝাইতে চেষ্টা করে। কিন্তু এসব অগণিত আয়াত ও হাদীছ সমূহের প্রতি লক্ষ্য করে না, যে সবেয় দ্বারা ঈমান রত্নের বিস্তারিত বিবরণ উপলব্ধি করা যাইতে পারে।

মোসলমান সমাজের ঈমান রক্ষার্থে উক্ত আয়াতটির বিস্তারিত বিবরণ সহ তফছীর করা হইতেছে। যে তফছীর শুধু আজই নয়, বরং শত শত বৎসর পূর্ব হইতে বহু বহু তফছীরকারগণের সঙ্কলনে বিদ্যমান রহিয়াছে। প্রথমে ভূমিকা স্বরূপ নিম্নলিখিত বিষয়গুলি ভালরূপে হৃদয়ঙ্গম করিয়া লউন।

এই আয়াতটি মদীনায তথা হিজরতের পরে নাজেল হইয়াছে। অর্থাৎ ইসলামের দীর্ঘ তের বৎসর অতিবাহিত হইবার পরে যখন মোসলমানগণ একটি স্বতন্ত্র জাতিক্রমে পরিচিত হইয়াছিলেন তখন নাজেল হইয়াছিল। তখন মদীনা শরীফে ইহুদী সম্প্রদায়ের লোকেরাই শিক্ষা-দীক্ষায় অধিকতর উন্নত ছিল। ইহুদীগণের এই আকিদা ও দাবী ছিল যে, আমরা (ইহুদী—বনীইস্রাঈলগণ) নবীর বংশ, তাই আমরা আল্লাহর অতি আদরণীয় এবং প্রিয়পাত্র। এই আকিদা সূত্রে তাহারা এই দাবীও করিত যে, আমরা কোন অবস্থাতেই দোষেথ্যে যাইব না। যদিই বা একান্ত যাইতে হয় তবে মাত্র অল্প কয়েক দিন সেখানে থাকিতে হইবে; তৎপর আমরা বেহেশত দখল করিব।

উল্লিখিত আকিদা ও দাবীর দ্বারা স্পষ্টতঃই আভাস পাওয়া যায় যে, তাহারা যেন আল্লাহ তায়ালার সঙ্গে ওরস বা মীরাস জাতীয় সম্বন্ধের আয় কোন সম্বন্ধের মালিকানায় বিশ্বাসী। এমনকি তাহারা নিজকে “ٱلْمِلَّةُ ٱلْأُولَىٰ”—আব্‌নাউল্লাহু” আল্লাহর সন্তান-সন্ততি বলিয়া আখ্যায়িত করিত। এই বিশ্বাসের কুফল এই ফলিয়াছিল যে, ইহুদীবাদের সমাপ্তি এবং হযরত মোহাম্মদ ছালাল্লাহু আলাইহে অসলামের নবুওয়াত অকাট্য ও স্পষ্ট প্রমাণে প্রমাণিত হওয়া সত্ত্বেও তাহারা বুক ফুলাইয়া তাঁহার বিরোধিতা করিতে প্রয়াস পাইত এবং তাঁহার আনীত দীনকে গ্রহণ না করার বিষময় ফলের আইনগত শাস্তির ঘোষণা যখন দেওয়া হইত, তখন উহার প্রতিবাদে তাহারা নির্ভীক চিত্তে উল্লিখিত দাবী ও আকিদা প্রকাশ করিয়া থাকিত। লক্ষ্য করুন—ঐ ভুল ধারণা ও আকিদার ফলাফল কত মারাত্মক ছিল। তাই ইহুদীদের ঐ দাবীর অসারতা প্রকাশার্থে আল্লাহ তায়ালা মুক্তি ও পরিত্রাণের ব্যাপারে স্বীয় নীতি উল্লেখ করতঃ এই আয়াতখানা নাজেল করেন এবং এরূপ ব্যাপক আকারের ভাষা ও শব্দ

ব্যবহার করেন, যাহাতে বিশ্বের সকল ব্যক্তি ও সকল সম্প্রদায়ের মুখ বন্ধ করিতে এই নীতিই যথেষ্ট হয়। কেহই যেন আর ঐ ইহুদীবাদের ত্রায় শুধু জন্মগত, বংশগত, বর্ণগত, ভাষাগত বা দলগত ভরনায় বসিয়া না থাকে, বরং প্রত্যেকেই যেন তাহার নাজাত এবং সাফল্য নিজের দৈমান ও আমলের উপর নির্ভরশীল বলিয়া উপলব্ধি করে।

সেই সনাতন নীতিটি হইল এই যে, কোন সম্প্রদায়-বিশেষের সঙ্গেই আল্লাহ তায়ালা এমন কোন সন্ধক নাই যাহার ভিত্তিতে তাহাদিগকে মুক্তি দিয়া দেওয়া হইবে, বরং মুক্তির জন্ত দুইটি গুণ অর্জনের আবশ্যক। একটি হইল দৈমান, দ্বিতীয়টি হইল আমলে-ছালেহ বা সংকাজ। এই দুইটি গুণের উপরই নির্ভর করে মানুষের মুক্তি এবং জীবনের সাফল্য। অবশ্য যে যুগে এই গুণদ্বয় যে সম্প্রদায়ের মধ্যে সীমাবদ্ধ থাকিবে, মুক্তিও সেই সম্প্রদায়ের মধ্যে সীমাবদ্ধ থাকিবে। কিন্তু মুক্তির এই সীমাবদ্ধতা এই জন্ত কখনও হইবে না যে, ঐ সম্প্রদায়ের কোন বিশেষ সন্ধক আল্লাহর সঙ্গে আছে—যেমন ইহুদীগণ ধারণা জন্মাইয়া রাখিয়াছে। বরং এই জন্ত হইবে যে, মুক্তির শর্তদ্বয় এই সম্প্রদায়ের মধ্যে সীমাবদ্ধ রহিয়াছে।

এই বর্ণনা হইতে একটি বিষয় ভালরূপে হৃদয়ঙ্গম করিয়া লইবেন যে, কোরআন-হাদীছের দ্বারা প্রমাণিত ইসলাম ধর্মের অতি আবশ্যিকীয় এই আকিদা যে—একমাত্র ইসলাম ধর্মের মধ্যে তথা হযরত মোহাম্মদ ছালাল্লাহু আলাইহে অসাল্লামকে এবং কোরআনকে মানিয়া চলার মধ্যেই মুক্তি ও পরিজ্ঞান লাভ হইতে পারে, অথ কোন পথে ও মতে মুক্তি পাওয়া যাইবে না। এই আকিদা এবং পূর্বোক্ত ইহুদীদের আকিদার মধ্যে বিরাট ব্যবধান ও পার্থক্য আছে। সেই পার্থক্য এই যে, ইহুদীগণ বিশেষ সন্ধকের ভিত্তিতে অর্থাৎ বংশের ভিত্তিতে এবং দলভুক্তির ভিত্তিতে মুক্তির আশা ও আকিদা রাখে এবং এই কারণেই অকাট্যরূপে ইহুদীয় ধর্মমতের যুগের পরিসমাপ্তি প্রমাণিত হওয়ার পরেও তাহারা সত্য ইসলাম ধর্মকে উপেক্ষা করিয়া নিজেদের ইহুদী নামের এবং বংশের জোর দেখাইয়া মুক্তির দাবী করিতে দ্বিধা বোধ করে না। পক্ষান্তরে মোসলমান-গণের আকিদার মূল হইতেছে এই যে, মুক্তির শর্ত ও ভিত্তি হইল দৈমান ও (গ্রহণীয়) আমলে ছালেহ; কোন বংশ, সম্প্রদায় বা দল নহে। অবশ্য সেই শর্ত এই যুগে অর্থাৎ মোহাম্মদ (দঃ) এর আবির্ভাব হইতে কেয়ামত পর্যন্ত মোহাম্মদ (দঃ) কর্তৃক আনীত ও প্রচারিত দীনে-ইসলামের মধ্যেই সীমাবদ্ধ; সে জন্ত কেয়ামত পর্যন্ত মুক্তিও এই ধর্মেই সীমাবদ্ধ থাকিবে। এই উভয় সীমাবদ্ধতার প্রমাণ পূর্বোল্লিখিত সাতটি বিষয়ের প্রতি লক্ষ্য করিলেই স্পষ্ট হইয়া উঠিবে।

অতঃপর আর একটি জরুরী বিষয় জানিয়া রাখিতে হইবে যে, মুক্তি ও পরিব্রাজনের মূল শর্ত ঈমানের বিস্তারিত বিবরণ যাহা কোরআন ও হাদীছের দ্বারা স্পষ্টরূপে প্রমাণিত হইয়াছে তাহা এই যে, আল্লাহ, আল্লার রসূল, আল্লার কেতাব, আল্লার ফেরেশতা এবং পরকাল ও তকদীরের উপর ঈমান স্থাপন করিতে হইবে। যেমন পূর্বলোচিত সাতটি বিষয়ের ২, ৩ ও ৪ নং বিষয়ে বর্ণিত হইয়াছে। কিন্তু কোরআন-হাদীছের কোন কোন স্থানে ঐ ঈমান সংক্ষিপ্ত আকারে উল্লিখিত হইয়াছে। এরূপ হওয়া অতি স্বাভাবিক, কারণ কোন একটি প্রশস্ত বিষয় পুনঃ পুনঃ উল্লিখিত হইলে উহা কোন কোন স্থানে সংক্ষিপ্ত আকারে উল্লেখ হওয়া মোটেই অস্বাভাবিক নহে। তাই সং-নিয়াত ও বুদ্ধিমান লোকের কাজ হইবে মুক্তির ব্যাপারে কোরআন-হাদীছের সমুদয় বিবরণকে সম্মুখে রাখিয়া তৎপর পথ নির্ধারণ করা। পূর্বলোচিত ৫৬টি আয়াত ও ৫ খানা হাদীছের দ্বারা প্রমাণিত সাতটি বিষয়ের পরিপ্রেক্ষিতে গবেষণা করুন, তবেই মুক্তির পূর্ণাঙ্গ পথ নির্ধারণ করিতে সক্ষম হইবেন। আর যদি ঐ বহু সংখ্যক আয়াত ও হাদীছের প্রতি আক্ষেপ না করিয়া শুধু সংক্ষিপ্ত বর্ণনার আয়াতসমূহের প্রতিই দৃষ্টি নিবদ্ধ করিয়া মুক্তির পথ নির্ধারণ করিতে চেষ্টা করেন, তবে আপনি হাতীর আকার নির্ণয়কারী সাত অন্ধের হায় হাশ্বম্পদ একজন অন্ধরূপে পরিগণিত হইবেন এবং গোমরাহীর তিমিরময় গর্তে নিপতিত হইয়া স্বীয় মুক্তির পথ হারাইয়া বসিবেন।

وَمَا عَلَيْنَا إِلَّا الْبَلَاغُ

আমাদের কর্তব্য—সত্য কথা পৌছাইয়া দেওয়া।

আলোচ্য আয়াতের সরল অর্থ:

মোমেন অথাৎ মুসলিম সম্প্রদায়, ইহুদী সম্প্রদায়, নাসারানী সম্প্রদায় এবং ছাবেয়ী সম্প্রদায় (ইত্যাদি বিশ্বব্যাপী-মানব সমাজের মধ্য হইতে) যাহারা আল্লাহ ও পরকালের প্রতি (খাঁচীভাবে) ঈমান স্থাপনকারী এবং সং কার্যাদি অমুষ্ঠানকারী সাব্যস্ত হইয়াছে তাহাদের জন্ত স্বীয় পালনকর্তার নিকট প্রতিদান রহিয়াছে এবং তাহারা পরকালে নির্ভয় ও নিশ্চিন্ত থাকিবে।

এই আয়াতে ঈমানের বিস্তারিত বিবরণ দেওয়া হয় নাই, বরং উহার বিষয়-বস্তু সমূহের প্রতি ইঙ্গিত করা হইয়াছে মাত্র। কারণ এইস্থানে বর্ণনার আসল বিষয়বস্তু ঈমানের বিস্তৃত বিবরণ নহে, বরং এই স্থানের আসল বিষয়বস্তু হইয়াছে ফের্কা-বন্দির এবং দলীয় নাম জারীর ভুল ধারণাকে সংশোধন করা। অবশ্য

কোরআন ও হাদীছের সমুদয় বিবরণের প্রতি দৃষ্টি রাখিলে এই সংক্ষেপের মধ্য হইতেই ঈমান সম্বন্ধীয় সব কিছু ফুটিয়া উঠিবে। প্রধানতঃ রসূলুল্লাহ ছালাল্লাহু আলাইহে অসাল্লামের প্রতি ঈমান আনা; ইহা আল্লার প্রতি ঈমান আনার একটি অবিচ্ছেদ্য অঙ্গ। বিশেষতঃ এই কারণে যে, রসূল আল্লারই প্রতিনিধি। বোখারী শরীফ প্রথম খণ্ডে ৪৮নং হাদীছেও ইহার প্রমাণ বিত্বদান হইয়াছে—উক্ত হাদীছের চতুর্থ পাদটিকা দ্রষ্টব্য। তদ্রূপ কোরআনের প্রতি ঈমানও আল্লার প্রতি ঈমানেরই অবিচ্ছেদ্য অঙ্গ, কারণ কোরআন আল্লারই ফরমান ও বাণী। অতঃপর ফেরেশতাদের প্রতি ঈমানও এই সঙ্গে জড়িত। কারণ, আল্লার বাণী কোরআন তাঁহার প্রতিনিধি রসূলের নিকট ফেরেশতার মাধ্যমেই পৌঁছিয়াছে। তকদীরের প্রতি ঈমানও আল্লার উপর ঈমানেরই অংশ। প্রথম খণ্ডে ৪৬নং হাদীছের বিশেষ দ্রষ্টব্যে প্রতিপন্ন করিয়া দেখান হইয়াছে যে, আল্লাহ তায়ালা দুইটি গুণ বা ছেফতের সমষ্টি হইতেই তকদীর নামক বিষয়ের উৎপত্তি, সুতরাং ঐ ছেফতের উপর ঈমান আনা আল্লার উপর ঈমান আনারই অন্তর্ভুক্ত।

সার কথা এই যে, মুক্তির মূল শর্ত ঈমানের ছয়টি বিষয়বস্তুর প্রথমটি অর্থাৎ “আল্লার প্রতি ঈমান” এর মধ্যেই আরও চারিটি বিষয় অন্তর্ভুক্ত। (১) রসূলের প্রতি ঈমান (২) কোরআনের প্রতি ঈমান (৩) ফেরেশতাদের প্রতি ঈমান (৪) তকদীরের প্রতি ঈমান। এই সবার বিস্তারিত বর্ণনা এই সবও ঈমানের অঙ্গ হওয়া কোরআন-হাদীছের বহু স্থানে উল্লেখ হইয়াছে এবং সংক্ষেপ করার জন্য কোন কোন স্থানে ঐ কতিপয় বস্তুর সমষ্টির উপর একটি শিরোনামার স্থায় আল্লার প্রতি ঈমানকে উল্লেখ করা হইয়াছে—যেহেতু অত্র চারিটি উহারই অন্তর্ভুক্ত। কুচক্রিয়া এই সংক্ষিপ্ততার সুযোগ গ্রহণ করিয়া লোকদিগকে বিভ্রান্ত করার অপচেষ্টা করে।

তাহারা এই আয়াতে আরও একটি প্রতারণার ফন্দি এইরূপে গ্রহণ করে যে, একমাত্র মোসলমানগণের জন্য মুক্তি সীমাবদ্ধ হইলে ইহুদী, নাছারা, ইত্যাদি সম্প্রদায়ের বরাবরে **الَّذِينَ آمَنُوا** “যাহারা মোমেন হইয়াছে” বলিয়া মোসলমান সম্প্রদায়কে কেন উল্লেখ করা হইল? এই প্রশ্নের মীমাংসা পূর্ববর্তী

* এই প্রশ্নের উত্তর দ্বারা আরও একটি বিষয়ের মীমাংসা হইয়া যাইবে যে—ইহুদী, নাছারা, ইত্যাদি সম্প্রদায় সমূহের সঙ্গে **الَّذِينَ آمَنُوا** “যাহারা ঈমান আনিয়াছে” বলিয়া মোমেন সম্প্রদায়কে উল্লেখ করা হইল—অথচ এখানে এই কথার উপর বাক্য শেষ করা হইয়াছে যে, যে কেহ ঈমান ও আমলে-ছালেহ করিবে সে-ই মুক্তি পাইবে। এই বোঝা ইহুদী, নাছারা ইত্যাদি ঈমানহীন সম্প্রদায়গণের প্রতি প্রযুক্ত করা বোধগম্য, কিন্তু পুঙ্খ হইতে যাহারা ঈমানদার তাহাদের প্রতি এই ঘোষণা কেন?

তফছীরকারকগণ সুন্দররূপে ব্যাখ্যা করিয়া গিয়াছেন। কিন্তু কুচক্রিগণ সেই পর্য্যন্ত পৌঁছিতে সক্ষম কোথায়? তাহাদের বিচার সীমা অভিধান বা অনুবাদ।

উক্ত প্রশ্নের উত্তর এই যে, এখানে মোমেন তথা মোসলেম সম্প্রদায়ের উল্লেখ করার মধ্যে অতি বড় দুইটি তথ্যপূর্ণ বিষয় ও উদ্দেশ্য নিহিত রহিয়াছে। প্রথম এই যে, **الَّذِينَ آمَنُوا** “যাহারা মোমেন” ইহার উদ্দেশ্য হইল—যাহারা মোমেন হওয়ার দাবী করিতেছে। এই মোমেন হওয়ার দাবীদার সম্প্রদায়ের মধ্যে কোন কোন ব্যক্তি মোনাফেক ছিল এবং সব যুগেই এরূপ থাকে। মোনাফেকের জন্ত জাহান্নাম অবধারিত। তাহারা প্রকাশ্যে মোমেন ও মোসলেম দলভুক্ত হইলেও ইহুদ-নাছারাদের ত্রায় চিরতরে মুক্তি হইতে বঞ্চিত। তাই ইহুদ-নাছারাদের ন্যায় মোমেন নামধারী মোনাফেকগণকেও সতর্ক করা আবশ্যিক যে, খাঁটিভাবে ঈমান আনিয়া আমলে-ছালেহ করিলে মুক্তি পাইতে পারিবে নতুবা নহে। মোনাফেকগণ কোনও ভিন্ন সম্প্রদায়রূপে নিদ্দিষ্ট থাকে না, বরং বাহ্যতঃ মোমেন সম্প্রদায়রূপেই পরিচিত হইয়া থাকে, তাই ইহুদ-নাছারাদের বরাবরে সতর্কবাণীর আওতাভুক্ত করিয়া মোমেন সম্প্রদায়কেও উল্লেখ করা নিতান্ত সমুচিতই হইয়াছে। বন্ধুত্ব ভিত্তিক সতর্কবাণীর মধ্যে বন্ধুদের উল্লেখ বাহ্যতঃ আবশ্যিক মনে না হইলেও বস্তুতঃ এই জন্য উহার আবশ্যিক রহিয়াছে যে, বন্ধুত্বের মুখোমুখিরা ইহার দ্বারা সতর্ক হইয়া যাইবে।

দ্বিতীয় তথ্যটি আরও গুরুত্বপূর্ণ। তাহা এই যে, এই আয়াত নাজেল হওয়া কালে মোমেন-মোসলমানগণ একটি বিশেষ সম্প্রদায়রূপে পরিচিত ছিলেন। বস্তুতঃ এই সম্প্রদায়ের মধ্যেই মুক্তি ও পরিত্রাণ সীমাবদ্ধ বটে, কিন্তু সেই সমীপবদ্ধতা একমাত্র এই ভিত্তিতে যে, মুক্তি ও পরিত্রাণের মূল শর্ত ঈমান এই সম্প্রদায়ের মধ্যেই সীমাবদ্ধ। ইহুদীদের ত্রায় এরূপ ধারণা যে, আল্লাহ সঙ্গে এই সম্প্রদায়ের কোন বিশেষ সম্বন্ধ ও সম্পর্ক রহিয়াছে তাহার ভিত্তিতে তাহারা মুক্তির হকদার তাহা কখনও নহে। পরন্তু এরূপ ইহুদীদের মূল উচ্ছেদের জন্তই এখানে আল্লাহ তায়ালা স্বীয় নীতি ও মুক্তির আইন ব্যাখ্যা করিয়াছেন এবং এই নীতি ও আইন সকলের প্রতি সমভাবে প্রযোজ্য বিধায় ইহুদীদের সঙ্গে সেই যুগের অত্যাচার সম্প্রদায়সমূহকেও উল্লেখ করিয়াছেন। এমতাবস্থায় এখানে মোমেন বা মোসলেম নামে পরিচিত সম্প্রদায়ের নাম উল্লেখ করাও আবশ্যিক। কারণ এই সম্প্রদায়ও আল্লাহ তায়ালায় ঐ নীতি ও আইনের বহির্ভূত নহে। মোমেন ও মোসলেম সম্প্রদায়ের কোন ব্যক্তি ইহুদীদের ত্রায় ধারণা জন্মাইলে তাহাও বিকৃত গণ্য

হইবে এবং সেই ব্যক্তিও নিঃসন্দেহে গোমরাহ ও পথভ্রষ্ট সাব্যস্ত হইবে।* অবশ্য ইহাও স্মরণ রাখিবে যে, ইহুদীবাদ ভিন্ন কথা এবং মুক্তির শর্ত মোমেন মোসলমান সম্প্রদায়ের মধ্যে সীমাবদ্ধ প্রমাণিত হওয়ায় মুক্তি ও পরিভ্রাণ তাহাদের মধ্যেই সীমাবদ্ধ হওয়া ভিন্ন কথা। এবং ইহাও অতি স্পষ্ট যে, নীতি ও আইন কখনও সীমাবদ্ধাকারে ঘোষিত হয় না বটে, কিন্তু উহার ফলাফল বাস্তব ক্ষেত্রে সীমাবদ্ধরূপেই অস্তিত্ব প্রাপ্ত হয়। যেমন কোন বাদশাহ স্বীয় নীতি ও আইন এইরূপে ঘোষণা করে যে—শত্রু-মিত্র যে-ই আমার খাঁচী অনুগত হইবে আমি তাহাকে পুরস্কৃত করিব। লক্ষ্য করুন, এই ঘোষণা যাহা একমাত্র শত্রুর বিরুদ্ধেই ঘোষিত হইয়াছে, কিন্তু এখানে মিত্রের উল্লেখ কতইনা সুন্দর হইয়াছে। আলোচ্য আয়াতকে এই দৃষ্টিতে বুঝিবার চেষ্টা করুন।

উল্লিখিত বিবরণসমূহের পরিপ্রেক্ষিতে উক্ত আয়াতের সার মর্ম এই—
“যাহার মধ্যে খাঁচী ঈমান ও আমলে-ছালেহ গুণদ্বয় পাওয়া যাইবে, সে-ই মুক্তি পাইবে; চাই সে প্রথম হইতেই মোমেন সম্প্রদায়ভুক্ত আছে বা ইহুদ, নাছার, হনুদ, বৌদ্ধ ইত্যাদি সম্প্রদায়ভুক্ত ছিল; সকলেই খাঁচী ঈমান ও আমলে-ছালেহ-এর ভিত্তিতে মুক্তি লাভ করিবে।”

৭৩০। হাদীছঃ—
 اِنَّ اَعْرَابِيًّا اَتَى النَّبِيَّ صَلَّى اللهُ عَلَيْهِ وَسَلَّمَ
 فَقَالَ لَنْبِيٍّ عَلَىَّ اِذَا عَمِلْتُهُ دَخَلْتُ الْجَنَّةَ قَالَ تَعْبُدُ اللهَ
 لَا تُشْرِكُ بِهِ شَيْئًا وَتُقِيمُ الصَّلَاةَ اَلْمَكْتُوبَةَ وَتُؤَدِّي الزَّكَاةَ
 اَلْمَفْرُوضَةَ وَتَصُومُ رَمَضَانَ قَالَ وَالَّذِي نَفْسِيْ بِيَدِهِ لَا اَزِيْدُ عَلَى
 هَذَا فَلَمَّا وَلَّى قَالَ النَّبِيُّ صَلَّى اللهُ عَلَيْهِ وَسَلَّمَ مَنْ سَرَّهُ اَنْ يَنْظُرَ

* যেরূপ হাদীছে বর্ণিত আছে—হযরত রসুলুল্লাহ (সঃ) স্বীয় ফুফু ছফিয়া (রাঃ)কে এবং স্বীয় কথা ফাতেমা (রাঃ)কে প্রকাশরূপে ভিন্ন ভিন্ন ডাকিয়া ঘোষণা দিয়াছেন—

اَنْقِذِيْ نَفْسَكَ مِنَ النَّارِ لَا اَغْنِيْ عَنْكَ اللهُ شَيْئًا

দোষখ হইতে নিজকে রক্ষা করার ব্যবস্থা তোমার নিজেকেই করিতে হইবে; আমি তোমাকে আল্লাহর আজাব হইতে রক্ষা করায় কোন সাহায্য করিতে পারিব না। অর্থাৎ তুমি নিজের রক্ষা পাওয়ার মূল ব্যবস্থা ঈমান ও আমল অবলম্বন না করিলে শুধু আমি আল্লাহর রক্ষার সন্ধান তোমাকে রক্ষা করিতে পারিবে না। ইসলামের সুস্পষ্ট বিধান ইহাই যে, ঈমান না হইলে কোন সম্পর্কই মুক্তির জন্য ফলপ্রসূ হইবে না।

إِلَى رَجُلٍ مِّنْ آلِ الْبَيْتَةِ فَيَنْظُرُ إِلَىٰ ذَٰلِكَ

অর্থ:—আবু হোরাযরা (রাঃ) হইতে বর্ণিত আছে, একদা একজন গ্রাম্য লোক নবী ছালাল্লাহু আলাইহে অসাল্লামের খেদমতে হাজির হইয়া আরজ করিল—আপনি আমাকে এমন আমল ও কর্ম বাতলাইয়া দিন যাহা অবলম্বন করিলে আমি বেহেশত লাভ করিতে পারি। নবী ছালাল্লাহু আলাইহে অসাল্লাম উত্তরে বলিলেন—এক আল্লার এবাদত ও গোলামী করিবে, কোন বস্তুকেই তাঁহার শরীক ও অংশীদার করিবে না এবং নামায ভালরূপে আদায় করিবে যাহা ইসলাম ধর্মের একটি বিশিষ্ট ফরজ এবং যাকাত আদায় করিবে, উহাও একটি বিশিষ্ট ফরজ এবং রমজান মাসের রোজা রাখিবে। এই ব্যক্তি বলিয়া উঠিল, যে আল্লার হাতে আমার প্রাণ সেই আল্লার শপথ করিয়া অঙ্গীকার করিতেছি, আমি এইসব কার্যগুলি সমাধা করিতে কোনরূপ বেশ-কম করিব না। অর্থাৎ আদেশ পালন করিতে ব্যতিক্রম করিব না এবং তাহা অতিক্রমও করিব না; ত্রুটিহীনরূপে এই কার্যগুলি নিষ্পন্ন করিতে থাকিব। এই বলিয়া যখন সে চলিয়া যাইতে ছিল তখন নবী (দঃ) উপস্থিত লোকদেরে বলিলেন, কাহারও বেহেশতী মানুষ দেখিবার خواهশ থাকিলে এই ব্যক্তিকে দেখিতে পারে।

৭৩১। হাদীছ:—আবু হোরাযরা (রাঃ) বর্ণনা করিয়াছেন, রসুলুল্লাহ ছালাল্লাহু আলাইহে অসাল্লাম ইহজগৎ ত্যাগ করার পর যখন আবুবকর (রাঃ) তাঁহার স্থলাভিষিক্ত হইলেন এবং আরববাসীদের কয়েকটি দল (ইসলাম বা ইসলামের কোন কোন বিধানের) বিরোধিতায় মাতিয়া উঠিল। (তন্মধ্যে একটি দল এরূপও ছিল যাহারা আল্লাহ ও আল্লার রসুলের প্রতি ঠিক ঠিকরূপেই ঈমানদার ছিল এবং ইসলামের সমুদয় বিধি-নিষেধের প্রতি অনুগত ছিল, কিন্তু একটি মাত্র বিধান অর্থাৎ যাকাত আদায় করা ইসলামের বিধানরূপে মান্ত করিতে তাহারা অঙ্গীকার করিল। আবুবকর (রাঃ) তখন গভীর রাজনীতিবিদের সূরু পরিচালনাশক্তির ও তীক্ষ্ণ বুদ্ধিমত্তার পরিচয় দিলেন যে, এসব বিদ্রোহী ও বিরোধীদের প্রতি সৈন্ত পরিচালনার প্রস্তুতি করিতে লাগিলেন। এমনকি যে দলটি সর্বদাঙ্গীন ইসলামের প্রতি অনুগত ছিল শুধু যাকাতের বিষয়ে ভিন্ন মত পোষণ করিত, তাহাদের প্রতিও অভিযান চালাইতে উদ্যত হইলেন।) তখন ওমর (রাঃ) (তাঁহাকে এই অভিযান হইতে বিরত রাখিবার উদ্দেশ্যে) বলিলেন—আপনি এই লোকদের প্রতি কিরূপে অভিযান চালাইবেন (যাহারা যাকাতকে ইসলামের বিধানরূপে না মানিলেও আল্লার প্রতি, আল্লার রসুলের প্রতি পূর্ণ ঈমান রাখে?) অথচ রসুলুল্লাহ ছালাল্লাহু আলাইহে অসাল্লাম

বলিয়াছেন, আমার প্রতি আল্লাহর আদেশ এই যে, আমি যেন জগদ্বাসীর বিরুদ্ধে সংগ্রাম চালাইয়া যাই—যাবৎ না তাহারা "লা-ইলালা ইল্লাল্লাহ"—কলেমা তাইয়েবার অনুগত হইয়া যায়। যে ব্যক্তি উহার আনুগত্য স্বীকার করিয়া লইবে সে ব্যক্তি স্বীয় জ্ঞান-মালের নিরাপত্তার অধিকারী হইয়া যাইবে (তাহার কোন প্রকার ক্ষতি সাধনে উদ্ধত হওয়া কখনও ইসলাম অনুমোদন করিবে না;) অবশ্য ইসলামের বিধান মতেই যদি সে কখনও শাস্তির উপযোগী সাব্যস্ত হইয়া পড়ে তখন তাহার উপর সেই বিধান প্রয়োগ করা হইবে। হযরত রশ্বলুলাহ ছাল্লাল্লাহু আলাইহে অসাল্লাম অ'রও বলিয়াছেন, ইসলামের মূলবস্তু কলেমা তাইয়েবার প্রতি আনুগত্যের প্রকাশ ও বাহ্যিক স্বীকৃতির দ্বারা সে নিরাপত্তা লাভ করিতে পারিবে; তাহার আন্তরিক অবস্থার হিসাব-নিকাশ আল্লাহ তায়ালায় নিকট হইবে। ওমরের এই উক্তি প্রতিউত্তরে আবুবকর (রাঃ) তেজোদ্দৃষ্ট ভাষায় ঘোষণা করিলেন, আমি আল্লাহর শপথ করিয়া বলিতেছি, নিশ্চয় আমি তাহাদের প্রতি সংগ্রাম চালাইব—যাহারা নামায এবং যাকাতের মধ্যে পার্থক্য করিবে। (অর্থাৎ যাকাতকেও নামাযের আয় ইসলামের অপরিহার্য অঙ্গ বলিয়া স্বীকার করিতে হইবে,) এমনকি যদি তাহারা সামান্য একটি বকরীর বাচ্চা বা একগাছ দড়ি যাহা রশ্বলুলাহ ছাল্লাল্লাহু আলাইহে অসাল্লামের নিকট যাকাত রূপে আদায় করিত, এখন যদি উহা আদায় করিতে অস্বীকার করে তবে খোদার কসম—তাহাদের বিরুদ্ধে আমি নিশ্চয় যুদ্ধ চালনা করিব।

ওমর (রাঃ) বলেন, আবু বকরের দৃঢ়তা দেখিয়া আমি উপলব্ধি করিতে পারিলাম যে, ইহা তাঁহার সূচিস্থিত ও সুস্পষ্ট সিদ্ধান্ত। তখন আমিও (গভীরভাবে চিন্তা করিয়া) বুঝিতে পারিলাম যে, ইহাই বিশুদ্ধ ও বাস্তব পন্থা।

ব্যাখ্যা :—আবু বকর (রাঃ)এর সিদ্ধান্ত বাস্তবিক পক্ষে বিচক্ষণতাপূর্ণ ও অত্যন্ত সময়োপযোগী ছিল। কারণ, হযরত রশ্বলুলাহ ছাল্লাল্লাহু আলাইহে অসাল্লামের ইহজগৎ ত্যাগ করার সঙ্গে সঙ্গে বিরোধী শক্তিসমূহ মাথা চাড়া দিয়া উঠিয়াছিল। তাহাদের বিরুদ্ধে মোসলমানদের বিন্দুমাত্র দুর্বলতার আভাস অনুভূত হইলে শত্রু পক্ষের মনোবল উতলাইয়া উঠিত এবং উহার পরিণাম অত্যন্ত ভয়াবহ হইত। এতদ্ব্যতীত শরীয়তের মহাআলাও ইহাই যে, ইসলামের কোন সুস্পষ্ট বিধানের বিরুদ্ধে কোন দল ও শক্তির আবির্ভাব হইলে তাহাদের বিরুদ্ধে সংগ্রাম চালাইয়া যাওয়া মোসলমানদের রাষ্ট্রের অবশ্য কর্তব্য—ফরজ।

ওমর (রাঃ) এখানে যে হাদীছটির প্রতি ইঙ্গিত করিয়াছেন ঐ হাদীছটি এখানে অতি সংক্ষেপে উল্লেখ হইয়াছে। পূর্ণ হাদীছটি আবুবকর (রাঃ)এর সিদ্ধান্ত

ও কার্যধারার অনুকূলে স্পষ্ট প্রমাণ। বোখারী শরীফ প্রথম খণ্ডে ২২ নম্বরে এই হাদীছখানাই বিস্তারিত উল্লেখ হইয়াছে। সেখানে লা-ইলাহা ইল্লাল্লাহ (তৌহীদ বা একত্ববাদ)-এর সঙ্গে “মোহাম্মাদুর রশ্বলুল্লাহ” এর স্বীকৃতি এবং নামায ও যাকাত আদায়ের উল্লেখ স্পষ্টতঃই রহিয়াছে। এতদ্ব্যতীত এই বিষয়টি মোসলেম শরীফে অপেক্ষাকৃত বিস্তৃত আকারেও বর্ণিত হইয়াছে, যথা—

حَتَّى يَشْهَدُوا أَنْ لَا إِلَهَ إِلَّا اللَّهُ وَيُؤْمِنُوا بِى وَبِمَا جِئْتُ بِهِ

অর্থঃ.....“যাবৎ না তাহারা আল্লাহর একত্ববাদের সঙ্গে সঙ্গে আমার উপর এবং (আল্লাহর তরফ হইতে) যে সব আদেশ-নিষেধাবলী আমি নিয়া আসিয়াছি ঐ সবরে প্রতি সম্পূর্ণরূপে ঈমান আনিবে” তাবৎ সংগ্রাম চালাইয়া যাওয়ার আদেশ বলবৎ থাকিবে।

যাকাত আদায়ের অঙ্গীকার গ্রহণ

নবী (দঃ) ঈমানের অঙ্গীকার লওয়ার ছায় নামায পূর্ণাঙ্গে আদায় ও জারী করার এবং যাকাত আদায় করারও অঙ্গীকার বিশেষভাবে লইতেন (৫১নং হাঃ)।

আল্লাহ তায়ালা পবিত্র কোরআনে বলিয়াছেন—

فَإِنْ تَابُوا وَأَقَامُوا الصَّلَاةَ وَآتَوْا الزَّكَاةَ فَخَلُّوا نَفْسَكُمْ فِي الدِّينِ

“অমোসলেমরা যদি শেরেকী-কুফরী বর্জন করতঃ ঈমানের দীক্ষা গ্রহণ করে এবং নামায পূর্ণাঙ্গে আদায় ও জারী করে, যাকাত আদায় করে তবে তাহারা তোমাদের ধর্মীয় ভাই পরিগণিত হইবে।” (১০ পাঃ ৮ কঃ)

উক্ত আয়াতের পূর্ব রূকুতে এইরূপ আরও একটি আয়াত রহিয়াছে (যাহার উদ্ধৃতি প্রথম খণ্ড ২২ নং হাদীছ পরিচ্ছেদে আছে) সেই আয়াতে বলা হইয়াছে, যদি অমোসলেমরা ঈমানের দীক্ষা গ্রহণ, নামায কায়েম ও যাকাত আদায় করে তবে তাহাদিগকে জ্ঞান-মাল ইত্যাদির সর্ব প্রকার নিরাপত্তা দান কর।

উক্ত আয়াতদ্বয়ের মর্মে দেখা যায়, মোসলমান দলভুক্ত ও মোসলমানদের ধর্মীয় ভাই পরিগণিত হওয়ার জন্ত এবং মোসলমানরূপে জ্ঞান-মালের নিরাপত্তার অধিকারী হওয়ার জন্ত আভ্যন্তরীণ ঈমানের সঙ্গে বাহ্যিক আমলরূপে নামাযের প্রয়োজনীয়তার ছায়ই যাকাত আদায়ের প্রয়োজনও রহিয়াছে। যাকাত ফরজ হওয়া অঙ্গীকার করিলে সে মোসলমান দলভুক্ত গণ্য হইবে না এবং যাকাত আদায়ে ভ্রাসমত হইলে সে জ্ঞান-মালের নিরাপত্তা হইতে বঞ্চিত হইবে।

যাকাত না দেওয়ার গোনাহ ও শাস্তি

আল্লাহ তায়ালা বলিয়াছেন—

وَالَّذِينَ يَكْنِزُونَ الذَّهَبَ وَالْفِضَّةَ وَلَا يَنْفِقُونَهَا فِي سَبِيلِ اللَّهِ
فَبِشْرِهِمْ بِعَذَابٍ أَلِيمٍ - يَوْمَ يَحْمَىٰ عَنْهَا فِي نَارٍ جَهَنَّمَ فَنُكْوَىٰ بِهَا
جِبَاهُهُمْ وَجُنُوبُهُمْ وَأُخْرَاهُمْ هَٰذَا مَا كَنَزْتُمْ لِأَنفُسِكُمْ فَذُوقُوا
مَا كُنْتُمْ تَكْنِزُونَ ۝

অর্থ—যাহারা স্বর্ণ ও রৌপ্য* পুঁজি করিয়া রাখে এবং উহা আল্লাহর রাস্তায় খরচ করে না, তাহাদিগকে ভীষণ কষ্টদায়ক আজাবের সংবাদ জানাইয়া দিন। (এই আজাব তাহাদের উপর ঐ দিন হইবে) যে দিন ঐ স্বর্ণ-রৌপ্যগুলিকে জাহান্নামের অগ্নিতে আগুণতুল্য উত্তপ্ত করিয়া উহা দ্বারা তাহাদের কপাল, পার্শ্বদেশ ও পিঠ দাগান হইবে* (এবং তিরস্কার করিয়া বলা হইবে) ইহা ঐসব ধনরাশি যাহা তোমরা নিজ সম্পদ ও উপভোগের বস্তুরূপে পুঁজি করিয়া রাখিয়া ছিলে; (উহার যাকাত পর্য্যন্ত আদায় কর নাই এই ভয়ে যে, কম হইয়া যাইবে।) এখন ঐসব ধনপুঁজি করিয়া রাখার শাস্তি ভোগ কর। (১০ পাঃ ১১ কঃ)

ব্যাখ্যা :—মোসলেম শরীফের বর্ণনায় এই হাদীছের বিষয়বস্তু এইরূপে ব্যক্ত হইয়াছে, রসুলুল্লাহ ছালাল্লাহু আলাইহে অসাল্লাম করমাইয়াছেন—যে সমস্ত স্বর্ণ-রৌপ্যের মালিক ঐ স্বর্ণ-রৌপ্যের (মধ্যে আল্লাহর) হক তথা যাকাত

* স্বর্ণ-রৌপ্য ছাড়া অত্যন্ত মালামালের যাকাত না দিলে উহার জহাও আলোচ্য শ্রেণীর আজাব এইরূপে হইতে পারে যে, উক্ত মালামালের মূল্য পরিমাণের স্বর্ণ-রৌপ্য দ্বারা এই প্রণালীতে আজাব দেওয়া হইবে। অবশ্য পশুপালের যাকাত না দিলে সেক্ষেত্রে পশুপালের দ্বারা ভিন্ন প্রণালীতে আজাব দেওয়ার উল্লেখ সম্মুখের হাদীছে রহিয়াছে।

* যাকাত দানে বিরত রূপন ব্যক্তির এই শাস্তি অত্যন্ত সমীচীন। কারণ কোন গরীব মিছকীন সাহায্য প্রার্থনাকারী তাহার সম্মুখে আসিলেই বিরক্তিতে তাহার কপালের চামড়া কুঞ্চিত হইয়া যাইত। অতঃপর আরও বিরক্ত হইয়া পার্শ্ব ফিরিয়া উপেক্ষা ও তাচ্ছিল্য প্রকাশ করিত। অতঃপর আরও বিরক্ত হইয়া রাগান্বিত অবস্থায় তাহার প্রতি পৃষ্ঠ প্রদর্শন করিয়া অন্ধ দিকে চলিয়া যাইত। তাই শাস্তি দানে এই তিনটি অপ্নের বিশেষ উল্লেখযোগ্য।

আদায় করিবে না তাহাদের শাস্তির জন্ত কেয়ামতের দিন ঐ স্বর্ণ-রৌপ্যকে জাহান্নামের অগ্নি দ্বারা বড় চাদর ও পাতরূপে তৈরী করিয়া উহাকে জাহান্নামের আগুনে অগ্নিতুল্য উত্তপ্ত করা হইবে এবং উহার দ্বারা ঐ মালিকের কপাল, পার্শ্বদেশ ও পিঠ দাগান হইবে। বার বার উহাকে গরম করিয়া দাগান হইতে থাকিবে। তাহার এই শাস্তি দোষে যাইবার পূর্বেই—কেয়ামতের দিন তথা হিসাব-নিকাশের ঐ দিনে হইবে, যে দিনটি পঞ্চাশ হাজার বৎসরের সমান দীর্ঘ হইবে। অতঃপর যখন সকলের হিসাব-নিকাশ ও ফয়ছালা শেষ হইয়া যাইবে তখন ঐ ব্যক্তিকে হয়ত বেহেশতের পথের সুযোগ দেওয়া হইবে। (যদি তাহার এই শাস্তি ভোগ দ্বারা ঐ গোনাহের পরিসমাপ্তি গণ্য হয় এবং সে অল্প গোনাহের দরুণ দোষখী সাব্যস্ত না হয়।) অতঃপর দোষের প্রতি হাঁকানো হইবে।

৭৩২। হাদীছঃ—

سمع أبا هريرة رضي الله تعالى عنه

قَالَ النَّبِيُّ ﷺ دَلَّى اللَّهُ عَابِيَهُ وَسَلَّمَ تَأْتِي الْأَبْلُ عَلَى مَا حَبَرَهَا عَلَى خَيْرِ مَا كَانَتْ إِذَا هُوَ لَمْ يُعْطِ فِيهَا حَقَّهَا نَطَوُّهُ بِأَخْفَانِهَا وَتَأْتِي الْغَنَمُ عَلَى مَا حَبَرَهَا عَلَى خَيْرِ مَا كَانَتْ إِذَا هُوَ لَمْ يُعْطِ فِيهَا حَقَّهَا نَطَوُّهُ بِأَظْلَانِهَا وَتَنْطَحُّ بِقُرُونِهَا قَالَ وَمِنْ حَقِّهَا أَنْ تُحْلَبَ عَلَى الْمَاءِ قَالَ وَلَا يَأْتِي أَحَدُكُمْ يَوْمَ الْقِيَامَةِ بِشَاةٍ يَحْمِلُهَا عَلَى رَقَبَتِهِ لَمْ يَبْعَرْ فَيَقُولَ يَا مُحَمَّدُ فَا قَوْلَ لَا أَمْلِكُ لَكَ شَيْئًا قَدْ بَلَغْتُ وَلَا يَأْتِي بِبَعِيرٍ يَحْمِلُهُ عَلَى رَقَبَتِهِ لَمْ يَرْغَاءَ فَيَقُولَ يَا مُحَمَّدُ فَا قَوْلَ لَا أَمْلِكُ لَكَ شَيْئًا قَدْ بَلَغْتُ ۝

অর্থ ও ব্যাখ্যা—আবু হোরাযরা (রাঃ) বর্ণনা করিয়াছেন, নবী ছালাল্লাহু আলাইহে অসাল্লাম (স্বর্ণ-রৌপ্যের যাকাতদানে বিরত থাকার শাস্তি বর্ণনা করিলে পর জিজ্ঞাসা করা হইল, ইয়া রসুলুল্লাহ ! উষ্ট্রের যাকাত দান না করিলে তখন কি অবস্থা হইবে? নবী (দঃ) এই প্রশ্নের উত্তরে) ফরমাইয়াছেন,

উষ্ট্রপালের উপর আল্লাহ তায়ালা যে হক আছে সেই হক আদায় করা না হইলে ঐ উষ্ট্রের মালিককে কেয়ামতের দিন হাশরের বিশাল ময়দানে শোয়ানো হইবে। তৎপর ঐ উষ্ট্রগুলি এমন অবস্থায় সেখানে উপস্থিত হইবে যে, উহার প্রত্যেকটি উষ্ট্র ছনিয়ায় থাকাকালীন অপেক্ষা অধিক মোটা তাজা হইবে (এবং ঐ উষ্ট্রগুলির একটিও, এমনকি একটি বাচ্চাও বাদ থাকিবে না, সবগুলিই উপস্থিত হইবে।) এবং সারি বাঁধিয়া ঐ মালিককে পদদলিত ও পিষ্ট করিতে থাকিবে এবং (কামড়াইতে থাকিবে)। (অতঃপর গরু ছাগলের বিষয়ও জিজ্ঞাসা করা হইল। উত্তরে রসুলুল্লাহ ছাল্লাল্লাহু আলাইহে অসাল্লাম ঐরূপই ফরমাইলেন যে,) গরু ছাগলের উপর আল্লাহ যে হক আছে সেই হক আদায় করা না হইলে (উহার মালিককে কেয়ামতের দিন এক বিশাল ময়দানে শোয়ানো হইবে এবং ঐ গরু ছাগল পালের সবগুলি অতি মোটা তাজারূপে উপস্থিত হইবে, (প্রত্যেকটি বক্রতাহবীন ধারাল শিংযুক্ত হইবে) এবং ঐ মালিককে পিষ্ট ও পদদলিত করিতে থাকিবে ও শিং দ্বারা ভীষণ আঘাত করিতে থাকিবে।

রসুলুল্লাহ ছাল্লাল্লাহু আলাইহে অসাল্লাম ইহাও বলিয়াছেন যে, এসব পশু-পালের উপর আল্লাহ তায়ালা যে সমস্ত হক আছে তাহার মধ্যে একটি হক এই যে, (গরীব দুঃস্থদিগকে প্রচলিত দেশ-প্রথানুযায়ী প্রাপ্য সাহায্যের সুযোগ দানার্থে) পশুপালকে পানি পানের জন্ত যেখানে একত্রিত করা হয় সেখানেই দুগ্ধ দোহন করিবে (এবং গরীবদিগকে কিছু কিছু দুগ্ধ দান করিবে)।

এই বাক্যটির ব্যাখ্যা এই যে, আরব দেশে সচ্ছল ব্যক্তিগণ পশুপাল রাখিত। ঐ পশুপাল ময়দানে পাহাড়ে চরিয়া বেড়াইত। সে দেশে যেখানে-সেখানে পানি পাওয়ার উপায় নাই। কোন কোন স্থানে পানির ব্যবস্থা থাকে এবং চতুর্দিকের পশুপাল সেখানেই জমা হয়। এইভাবে এক একটি পানির স্থানে বহু পশুপালের ভীড় জমে এবং সেখানে গরীব দুঃখী অনাথ এতিমগণও চতুর্দিক হইতে আনিয়া ভীড় জমাইতে থাকে। তাহাদের আশা এই থাকে যে, এখানে বহু পশুপাল একত্রিত হইবে, তাই প্রত্যেকটি হইতে একটু-আধটু দুগ্ধ পাইলেই গরীবের একটি অছিলা হইয়া যাইবে। পশুপালের যে সমস্ত মালিক উদার প্রকৃতির তাহারা বিশেষভাবে স্বীয় পশুপালের দুগ্ধ দোহনের ব্যবস্থা ঐ পানির স্থানেই করিয়া থাকিত, যেন গরীব দুঃস্থগণ ঐ সুযোগ হইতে বঞ্চিত না হয়। পক্ষান্তরে কুপণ প্রকৃতির মালিকরা উহার বিপরীত—ঐ স্থানে দুগ্ধ দোহন হইতে বিরত থাকিতে সচেষ্ট হইত, যাহাতে দুঃখীদের দ্বারা বিব্রত হইতে না হয়।

রসুলুল্লাহ ছাল্লাল্লাহু আলাইহে অসাল্লাম এই বাক্যটির দ্বারা সেই বিষয়ের প্রতিই ইঙ্গিত করিয়াছেন এবং পশুপালের মালিকগণকে সতর্ক করিয়াছেন যে,

যাকাত দান করা ত ফরজ আছেই ; তদতিরিক্ত গরীব-দুঃখীকে সাহায্য পৌছাইবার উল্লিখিত আকারের রীতিও রক্ষা করিয়া চলা আবশ্যক।

ইসলাম যে কিরূপ জন-দরদী ও গরীব-কান্দালের স্বার্থ সংরক্ষক নীতি সমূহের সমষ্টি, আলোচ্য বাক্যটি উহার প্রকৃষ্ট নিদর্শন। আলোচ্য বাক্যে বর্ণিত অনুশাসনের মূলনীতিটি এই যে, গরীব-কান্দালগণের জন্ত শরীয়ত যে হক ফরজরূপে নির্দিষ্ট করিয়া দিয়াছে, যেমন যাকাত-ফেরা উহা ছাড়াও শরীয়তি আইনের বাধ্য বাধকতা ব্যতীত দেশ-প্রথা ও প্রচলিত রীতি অনুযায়ী গরীব-কান্দালগণ ধনাঢ্যদের ধন হইতে যেসব সাহায্য, সহায়তা ও সুযোগ পাইয়া থাকে, ইসলাম ঐ সমস্ত সাহায্য ও সুযোগকে কায়েম রাখার পক্ষপাতী, শুধু তাহাই নহে বরং ঐ সমস্ত গরীব-তোষণ, কান্দাল-পোষণ রীতি ও প্রথাগমূহকে রক্ষা করিয়া চলার উপর কড়াকড়ি আরোপ করিয়া থাকে। যেমন প্রথম খণ্ড “দৈমানের শাখা-প্রশাখা” পরিচ্ছেদে উদ্ধৃত একটি দীর্ঘ আয়াতের মধ্যে ইহার প্রমাণ রহিয়াছে। এতদ্বিত্তি “হিত ও মঙ্গল কামনা” পরিচ্ছেদেও এই বিষয়ে আরও আলোকপাত করা হইয়াছে।

ইসলাম ধন-দৌলতের ব্যাপারে উদারতা এবং ইনসাফ দ্বারা উভয় পক্ষের সীমা রক্ষা করিয়াছে। গরীব কান্দালের সহায়তার বহুমুখী ব্যবস্থা কায়েম করার নীতি গ্রহণ করিয়াছে এবং মালিকের মালিকানাতেও স্বীকৃতি দিয়াছে। এইরূপ নীতি সমূহই ইসলামের মধ্যপন্থী হওয়ার তথা ছেরাতুল-মোস্তাকীমের স্বরূপ।

পশুপালের যাকাত না দেওয়ার উল্লিখিত শাস্তি দোষখে যাইবার পূর্বে কেয়ামত তথা হিসাব-নিকাশের দিন হাশরের ময়দানেই হইতে থাকিবে। মোসলেম শরীফের রেওয়ায়েতে ইহা স্পষ্ট উল্লেখ আছে।

হাশর-মাঠে হিসাব-নিকাশ ও বিচার পর্বের জন্ত যে দিনটির অনুষ্ঠান হইবে সেই দিনটি পঞ্চাশ হাজার কিম্বা এক হাজার বৎসর পরিমাণ দীর্ঘ হইবে বলিয়া পবিত্র কোরআনেই উল্লেখ রহিয়াছে। সেই দীর্ঘ দিনের আজাবের বর্ণনাই এই হাদীছে রহিয়াছে ; দোষখের শাস্তি ইহার পরে।

পশুপালের যাকাত না দেওয়ার গোনাহের দরুণ ঐ পশুপাল দ্বারাই শাস্তি প্রাপ্তির বর্ণনা প্রসঙ্গে হাশরের ময়দানে উষ্ট্র, গরু, ছাগল ইত্যাদি দ্বারা শাস্তির ঘটনায়ুক্ত অষ্ট একটি হাদীছের প্রতিও এখানে বোখারী (রঃ) ইঙ্গিত করিয়াছেন। হাদীছটি মূল গ্রন্থের ৪৩২ পৃষ্ঠায় বর্ণিত আছে। উহার বিবরণ এই—

রসূলুল্লাহ হাল্লাল্লাহু আলাইহে অসাল্লাম একদা গণীমতের মালে খেয়ানত করার শাস্তি বর্ণনা করিয়া বিশেষ ভাষণ দান করতঃ বলিলেন, “তোমরা প্রত্যেকে

সতর্ক থাকিও—কেহ যেন এই অবস্থার সম্মুখীন না হও যে, কেয়ামতের দিন ঘাড়ের উপর ছাগল চড়িয়া চীৎকার করিতে থাকে বা ঘোড়া চড়িয়া চীৎকার করিতে থাকে। এই অবস্থায় কেহ আমার নিকট সাহায্যের জ্ঞ উপস্থিত হইলে আমি তাহাকে এই বলিয়া তাড়াইয়া দিব যে, আমি এখন কোন সাহায্যই করিতে পারিব না, আমি হুনিয়ায় জীবনে সতর্ক করিয়া দিয়াছিলাম।”

কিন্তু ঘাড়ের উপর উট সওয়ার হইয়া চীৎকার করিতে থাকে, আমার নিকট সাহায্যের জ্ঞ উপস্থিত হইলে আমি ঐরূপই তাড়াইয়া দিব। অথবা অন্য কোন মাল ঘাড়ের উপর চাপিয়া বসে, এমনাবস্থায় আমার নিকট সাহায্যপ্রার্থী হইলে আমি ঐ বলিয়া তাড়াইয়া দিব। কিন্তু ঘাড়ের উপর কাপড় উড়িতে থাকে এমনাবস্থায় আমার নিকট সাহায্যপ্রার্থী হইলেও ঐরূপে তাড়াইয়া দিব।

ব্যাখ্যা :—কাফেরদের বিরুদ্ধে জেহাদের দ্বারা বিজিত মালকে গণীমতের মাল বলা হয়। উহার চার পঞ্চমাংশ জেহাদে অংশ গ্রহণকারী সৈনিকগণের হক, আমীর কর্তৃক উহা তাহাদের মধ্যে বন্টন হইবার পর তাহারা নিজ নিজ অংশের মালিক সাব্যস্ত হইবে। আমীর কর্তৃক বন্টনের পূর্বে উহা হইতে কেহ কোন বস্তু গোপনে হস্তগত করিলে তাহাই গণীমতের মালে খেয়ানত গণ্য হইবে। সেই খেয়ানতের শাস্তিই উপরোক্ত হাদীছে বর্ণিত হইয়াছে। সাধারণ আমানতে খেয়ানত এবং স্বীয় অংশীদারের হকে খেয়ানত করার পরিণতি ইহার সঙ্গে তুলনা করিয়া উপলব্ধি করা অতি সহজ, কারণ এইসব খেয়ানত গণীমতের মালে খেয়ানত করার তুলনায় অধিক জঘন্য। তজ্রপ অন্যের হক গোপনে আত্মসাৎ করা আরও অধিক জঘন্য।

মহুআলাহ :—গরু, ছাগল, উষ্ট্র ইত্যাদি পশুপালের উপর যাকাত ফরজ হয়, কিন্তু এই বিষয়ে কয়েকটি বিশেষ শর্ত আছে, যাহার বিস্তারিত বিবরণ ফেকার কেতাবে বর্ণিত আছে। সাধারণতঃ আমাদের বাংলাদেশে ঐসব শর্ত বিরল।

৭৩৩। হাদীছ :—আবু যর (রাঃ) বর্ণনা করিয়াছেন, একদা আমি নবী ছাল্লাল্লাহু আলাইহে অসাল্লামের নিকট উপস্থিত হইলাম ; নবী (দঃ) তখন কাবা শরীফ গৃহের ছায়ায় বসিয়া ছিলেন। নবী (দঃ) বলিতেছিলেন, কাবার মালিকের কসম—তাহারাই অধিক বিপদগ্রস্ত ও ক্ষতিগ্রস্ত হইবে ; কাবার মালিকের কসম—তাহারাই অধিক বিপদগ্রস্ত ও ক্ষতিগ্রস্ত হইবে। আবুযর (রাঃ) বলেন, আমি আতঙ্কিত হইলাম, যে নবী (দঃ) আমার কোন খারাব অবস্থা দেখিয়াছেন কি ? আমি বসিয়া পড়িলাম। নবী (দঃ) ঐ কথাই বার বার বলিতেছিলেন। আমি আর চুপ থাকিতে পারিলাম না ; আল্লাহ তায়ালাই জানেন, কিরূপ ভাবনা-চিন্তা আমাকে বিহ্বল করিয়া তুলিল। আমি বলিলাম, ইয়া রসূলুল্লাহ। আমার মাতা-পিতা আপনার চরণে উৎসর্গ ঐ লোক কাহারো ?

নবী (দঃ) বলিলেন, যাহাদের ধন-দৌলত বেশী ; (তাহারাই কেয়ামতের দিন অধিক বিপদগ্রস্ত হইবে।) অবশ্য তাহাদের মধ্য হইতে বাহারা সংকার্য্যসমূহে ধন খরচ করিতে থাকে ডানে, বামে এবং সম্মুখ দিকে তাহার বিপদগ্রস্ত হইবে না।) ৯৮২ পৃ:

নবী (দঃ) আরও বলিলেন, কসম ঐ আল্লার যাহার হাতে আমার প্রাণ, যিনি ভিন্ন কোন মাবুদ নাই—যে কোন মানুষ তাহার উটের দল বা গরুর দল কিন্মা ছাগলের দল রহিয়াছে এবং সে ঐ সম্পদের উপর আল্লার যে হক আছে তাহা আদায় করে না ; কেয়ামতের দিন (হাশরের মাঠে) সেই উট বা গরু অথবা ছাগলগুলী সর্ব্বাধিক বড় ও মোটা-তাজারূপে উপস্থিত করা হইবে। ঐগুলি সারিবদ্ধরূপে সেই ব্যক্তিকে পদলিত করিয়া পিষ্ট করিতে এবং শিং দ্বারা আঘাত করিতে থাকিবে। সারির শেষ মাথা যাইতে না যাইতেই উহার প্রথম মাথা ঘুরিয়া পুনঃ আসিয়া যাইবে। (এইভাবে ঐ পশুগুলি দ্বারা হাশরের মাঠে সেই ব্যক্তি আজাব ভোগ করিতে থাকিবে) সমস্ত লোকদের হিসাব-নিকাশ ও বিচার সর্ব্ব শেষ করা পর্য্যন্ত। (তারপর তাহার হিসাব ও বিচারের পর তাহার জন্ত বেহেশত বা দোযখ যাহা হয় সাব্যস্ত হইবে।) ১৯৬ পৃ:

৭৩৪। হাদীছ :— عَنْ أَبِي هُرَيْرَةَ رَضِيَ اللَّهُ تَعَالَى عَنْهُ

قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ مَنْ آتَاهُ اللَّهُ مَا لَا فَلَئِمَ يُؤَدِّ زَكْوَتَهُ مِثْلَ لَيْلَةِ يَوْمِ الْقِيَامَةِ شَجَاعًا أَقْرَعَ لَهُ زَبْيَبَتَانِ يَطْوُقَانِ يَوْمَ الْقِيَامَةِ ثُمَّ يَأْخُذُ بِلَهْزٍ مَتَبِيَةٍ يَعْنِي شِدْقِيَهُ ثُمَّ يَقُولُ أَنَا مَا لَكَ أَنَا كَذُوكَ - ثُمَّ لَا يَحْسَبَنَّ الَّذِينَ يَبْخُلُونَ الْآيَةَ

অর্থ:—আবু হোরায়া (রাঃ) হইতে বর্ণিত আছে—রসুলুল্লাহ ছালাল্লাহু আলাইহে অসাল্লাম বলিয়াছেন, যে ব্যক্তিকে আল্লাহ তায়ালা ধন-দৌলত দান করিয়াছেন, কিন্তু সে উহার যাকাত আদায় করে না ; কেয়ামতের দিন তাহার ঐ ধন-দৌলতকে বিকট আকারের অতি বিষাক্ত অজগররূপে রূপান্তরিত করা হইবে, যাহার মুখের উভয় পার্শ্বে বিষ দাঁত থাকিবে। ঐ অজগরটি কেয়ামতের দিন ঐ ব্যক্তির গলায় গলগণ্ডরূপে পরাইয়া দেওয়া হইবে। অতঃপর ঐ অজগরটি উভয় চিবুক দ্বারা পূর্ণ মুখে ঐ ব্যক্তিকে কামড় দিয়া বিষোদগার করিতে থাকিবে এবং বলিবে ; “আমি তোমারই ধন-সম্পদ ; আমি তোমারই রক্ষিত পুঞ্জি।”

হযরত রসুলুল্লাহ ছান্নাল্লাহু আলাইহে অসাল্লাম এই বক্তব্যের পর ইহার সমর্থনে কোরআন শরীফের নিম্ন আয়াতটি তেলাওয়াত করিলেন—

وَلَا يَحْسِبَنَّ الَّذِينَ يَبْخُلُونَ بِمَا أَنَّهُمْ آتَوْهُم مِّنَ اللَّهِ مِنْ فَضْلِهِ هُوَ خَيْرٌ لَّهُمْ -
بَلْ هُوَ شَرٌّ لَّهُمْ - سَيُطَوَّقُونَ مَا بَخُلُوا بِهِ يَوْمَ الْقِيَمَةِ - وَلِلَّهِ مِيرَاثُ
السَّمَوَاتِ وَالْأَرْضِ - وَاللَّهُ بِمَا تَعْمَلُونَ خَبِيرٌ -

অর্থ:—যাহারা আল্লাহ তায়ালাকে দয়াদেওয়া ধন-সম্পদে কুপণতা করে তাহারা যেন এরূপ ধারণা না করে যে, তাহাদের এই কুপণতা বা এই ধন-সম্পদ তাহাদের জন্য হিতকর ও মঙ্গলজনক হইবে। বরং ইহা তাহাদের জন্য অতি জঘন্য ও বিষময় ফলদায়ক হইবে। অচিরেই কেয়ামতের দিন এই কুপণতার ধন-সম্পদকে তাহার গলায় গলগণ্ড করিয়া দেওয়া হইবে। (তোমরা কেন কুপণতা কর? অথচ—) বিশ্বের সব কিছু আল্লাহ তায়ালাকে ক্ষমতাবীনে থাকিয়া যাইবে (তুমি দ্বিত্ব হস্তে চলিয়া যাইবে, সঙ্গে কিছুই নিতে পারিবে না)। আল্লাহ তায়ালা তোমাদের প্রতিটি কর্মের খোজ রাখেন। (৪ পাঃ ৯ কঃ)

৭৩৪। ছাদীছ:—তাবেয়ী আহ্নাফ-ইবনে-কায়েস (রঃ) বর্ণনা করিয়াছেন, একদা আমি (পবিত্র মদীনাতে মসজিদের মধ্যে কোরায়েশ বংশীয় কয়েকজন লোকের মজলিসে বসিলাম, এমন সময় অতি সাধারণ বেশধারী একজন লোক মজলিসের সম্মুখে আসিয়া দাঁড়াইলেন এবং সালাম করিলেন। তিনি বলিলেন— “যাহারা ধন-দৌলত পুঞ্জি করিয়া রাখে তাহাদিগকে এই সংবাদ জানাইয়া দাও যে, তাহাদের প্রত্যেককে পরকালে এই শাস্তি দান করা হইবে যে, এক খণ্ড পাথর জাহান্নামের অগ্নিতে ভীষণ উত্তপ্ত করিয়া উহাকে বৃকের উপর স্তনস্থলে রাখা হইবে; সেই পাথর খণ্ড বৃকের হাড়ি-মাংস ইত্যাদি ভক্ষণ করতঃ সব কিছু ভেদ করিয়া পিঠের দিকে বাহির হইয়া আসিবে। পুনরায় পিঠের দিকে রাখা হইবে এবং এরূপ ভেদ করিয়া বৃকের দিকে বাহির হইয়া আসিবে।”

এই বলিয়া ঐ লোকটি সে স্থান হইতে দূরে সরিয়া মসজিদের একটি খামের নিকটবর্তী যাইয়া বসিলেন, আমিও তাঁহার নিকটে যাইয়া বসিলাম। আমি

■ এই বরাবরই অন্তর বা হৃদয় অবস্থিত। এই শাস্তির জন্য উক্ত স্থানটির বিশেষ অতি সমীচীন, কারণ যাকাত না দেওয়া ও দান-খয়রাত না করার মূল হেতু ধন-দৌলতের মোহ। এবং উহা এই অন্তরেই জড়ানো থাকে।

কিন্তু তখনও তাঁহার পরিচয় জ্ঞাত নহি। (লোকদের নিকট জিজ্ঞাসা করিয়া জানিতে পারিলাম, তিনি প্রসিদ্ধ ছাহাবী আবু-জর গেফারী (রাঃ)। তখন আমি বিশেষভাবে তাঁহার সন্নিগটবত্তী হইয়া জিজ্ঞাসা করিলাম, আপনি কি বর্ণনা করিয়াছেন? তিনি বলিলেন, আমি নবী ছালাল্লাহু আলাইহে অসাল্লামের মুখে যাহা শুনিয়াছি কেবলমাত্র তাহাই বর্ণনা করিয়াছি।) আমি বলিলাম, আপনার বক্তব্যের প্রতি উপস্থিত লোকদিগকে বিশেষ সন্তুষ্ট মনে হইল না। তিনি বলিলেন, এই সকল ব্যক্তির নিরর্থক। (অতঃপর এই প্রসঙ্গে তিনি বর্ণনা করিলেন যে, একদা) আমার মাহবুব নবী ছালাল্লাহু আলাইহে অসাল্লাম আমাকে বলিয়াছিলেন, হে আবু-জর! তুমি ওহোদ পাহাড় দেখিতেছ কি? আমি আরজ করিলাম, হাঁ—দেখিতেছি। রসুলুল্লাহ (দঃ) বলিলেন, এই ওহোদ পাহাড় পরিমাণ স্বর্ণ আমার নিকট হইলে তাহাও আমি আমার জন্ত জমা রাখিব না, উহার সম্পূর্ণ (আল্লামার রাস্তায়) দান করিয়া দিব, শুধু মাত্র তিনটি মুদ্রা রক্ষিত রাখিব—(একটি পরিবারবর্গের খরচের জন্ত, একটি দেনা পরিশোধের জন্ত, একটি গোলাম আত্মদ করার জন্ত)।

(আবু-জর (রাঃ) বলিলেন,) এ সমস্ত ব্যক্তির জ্ঞান-শূণ্য বুদ্ধিহীন; এরা টাকা জমা করিতেছে। আমি শপথ করিয়া বলিতেছি, আমার জীবনের শেষ মুহূর্ত পর্যন্ত আমি কখনও তাহাদের ধনের প্রত্যাশী হইব না (তাই আমি তাহাদের অসন্তোষে ভীত নহি) এবং তাহাদের নিকট আমি ধর্ম বিষয়ও শিথিলে যাইব না (কেননা আমি স্বয়ং রসুলুল্লাহর নিকট হইতে ধর্মজ্ঞান অর্জন করিয়াছি।)

ব্যাখ্যা :—আবু-জর গেফারী (রাঃ) বিশিষ্ট ছাহাবী ছিলেন। তিনি হুনিয়ার ধন-দৌলতের প্রতি অতিশয় বিরাগী ও বিরূপ ভাবাপন্ন ছিলেন, এমনকি হযরত রসুলুল্লাহ ছালাল্লাহু আলাইহে অসাল্লাম স্বীয় উম্মতের মধ্যে উক্ত গুণের প্রতীক রূপে আবু জর গেফারীর নাম উল্লেখ করিয়াছেন। আবু-জর (রাঃ) সাধারণ প্রয়োজনাতিরিক্ত ধন-সম্পত্তির পুঁজিপতি হওয়া নাজায়েয বলিতেন; পূর্ব্বালাচ্য আয়াত ও হাদীছসমূহকে সরাসরি অর্থের উপরই পরিচালিত করিতেন যে, অতিরিক্ত ধন-দৌলতের পুঁজিপতি প্রত্যেকেই শাস্তির উপযুক্ত সাব্যস্ত হইবে। তিনি তাঁহার এই মতের প্রতি অতিশয় দৃঢ় অবিচল ও অটল ছিলেন। এমনকি তিনি সকলকে স্বীয় মতের অনুসারী করার চেষ্টায় সক্রিয় থাকিতেন, যদ্বরূপ সময় সময় বিতর্কের সৃষ্টি হইত। এতদ্রূপে খলীফা ওসমান রাজিয়াল্লাহু তায়ালা আনহুর পরামর্শে তিনি স্বীয় বাসস্থান দামেশ্‌ক, তৎপর মদীনা শহর ত্যাগ করতঃ মদীনার দূরে “রাবাবা” নামক জনশূন্য স্থানে বসবাস অবলম্বন

করিয়াছিলেন এবং জীবনের শেষ মুহূর্ত পর্যন্ত সেখানেই অবস্থান করিয়া ছনিয়া ত্যাগ করিয়াছিলেন। তিনি বলিতেন, খলীফার আদেশ পালন করা ফরয সেই জন্ত খলীফা ওসমানের পরামর্শে আমি লোকালয় পরিত্যাগ করিয়াছি।

কিন্তু শরীয়তে আবু জর (রাঃ)-এর মতামতের ত্রায় কড়াকড়ি আরোপ না করিয়া এই বিধান বলবৎ করা হইয়াছে যে, যাকাত দান করিয়া অবশিষ্ট-অংশ প্রয়োজনাতিরিক্ত হইলেও উহা জমা রাখা জায়েয। পূর্বোল্লিখিত আয়াত ও হাদীছে বর্ণিত শাস্তি ঐ পুঁজিপতিদের প্রতি প্রযোজ্য যাহারা যাকাত ইত্যাদি আদায় না করিবে। এই বিষয়টির ব্যাখ্যা করিয়াই ইমাম বোখারী (রাঃ) পরবর্তী পরিচ্ছেদটি উল্লেখ করিয়াছেন। কিন্তু স্মরণ রাখিবেন যে, যাকাত ভিন্ন গরীব-কান্দালদিগকে আরও বহুমুখী সাহায্য দানের নির্দেশ শরীয়তে বলবৎ রহিয়াছে, ইতিপূর্বে উহার কিছু ব্যাখ্যা করা হইয়াছে। ঐ সব সাহায্য দানের প্রতি সক্রিয় থাকাও ধনাঢ্যদের কর্তব্য। তত্বপরি সদা-সর্বদা দুঃখী-দরিদ্র, গরীব-কান্দালের সাহায্যে অকাতরে ধন লুটাইতে থাকাও শরীয়তের দৃষ্টিতে অতি প্রশংসনীয়। এই বিষয়টির ব্যাখ্যায়ও ইমাম বোখারী (রাঃ) একটি পরিচ্ছেদ উল্লেখ করিয়াছেন যে, সংকার্ষ্যে ধন দান করাতে অগ্রণী হওয়া চাই’ এবং ৬৪নং হাদীছ বর্ণনা করিয়াছেন।

যে ধন-সম্পদের যাকাত দেওয়া হইবে উহা কঠোর

শাস্তির ধন-সম্পদের শ্রেণীভুক্ত নহে

৭৩৬। হাদীছ :—খালেদ ইবনে আসলাম (রাঃ) বর্ণনা করিয়াছেন, একদা আমরা নবী ছালাল্লাহু আলাইহে অসাল্লামের ছাহাবী আবুহুলাহ ইবনে ওমর রাজিয়াল্লাহু তায়ালা আনহুর সঙ্গে ভ্রমণরত ছিলাম। এক গ্রাম্য ব্যক্তি তাঁহাকে জিজ্ঞাসা করিল, কোরআন শরীফের যেই আয়াতে এরূপ বলা হইয়াছে যে, “যাহারা স্বর্ণ রৌপ্য পুঁজি করিয়া রাখিবে এবং উহা আল্লার রাস্তায় খরচ করিবে না তাহাদিগকে উহার দ্বারা দাগান হইবে” এই আয়াতের মর্ম ও উদ্দেশ্য কি? আবুহুলাহ ইবনে ওমর (রাঃ) তত্বতরে বলিলেন, উহার উদ্দেশ্য এই যে—যে ব্যক্তি ধন-দৌলত পুঁজি করিয়া রাখিবে এবং উহার যাকাত আদায় না করিবে তাহার জন্ত ভীষণ শাস্তি; শরীয়ত কর্তৃক যাকাতের নিয়ম বলবৎ হওয়ার পর যাকাতকে ধন-দৌলতের পবিত্রকারক গণ্য করা হইয়াছে।

৭৩৭। হাদীছ :—যায়েদ ইবনে ওয়াহ্ব (রাঃ) বর্ণনা করিয়াছেন, একদা আমি “রাবাজাহ্” এলাকা দিয়া যাইতে ছিলাম। তথায় আবু-জর গেফারী (রাঃ)কে দেখিতে পাইলাম। আমি তাঁহাকে জিজ্ঞাসা করিলাম, কি কারণে আপনি এই এলাকায় বসবাস অবলম্বন করিয়াছেন? তিনি বলিলেন, আমি ত দিরিয়ায়

থাকিতাম! সেখানে (তথাকার শাসনকর্তা) মোয়াবিয়া (রাঃ) এবং আমার মধ্যে বিরোধের সৃষ্টি হয়; আমি তথায় এই আয়াত পড়িয়া বেড়াইতাম—

إِنَّ الَّذِينَ يَكْنِزُونَ الذَّهَبَ وَالْفِضَّةَ وَلَا يَنْفِقُوهَا فِي سَبِيلِ
اللَّهِ فَبَشِّرْهُمْ بِعَذَابٍ أَلِيمٍ

মোয়াবিয়া (রাঃ) বলিতেন, এই আয়াত ইহুদ-নাছারা পাণ্ডীদের (হারাম পন্থায় ধন সঞ্চয়ের) ব্যাপারে নাযেল হইয়াছিল। আর আমি বলিতাম, মোসলমানদের ধন সঞ্চয়ের ব্যাপারেও এই আয়াত প্রযোজ্য। আমাদের উভয়ের মধ্যে বিরোধের দরুণ বিতর্কও বাঁধিয়া থাকিত। মোয়াবিয়া (রাঃ) আমার প্রতি অভিযোগ রূপে বিষয়টি খলীফা ওসমানের নিকট লিখিয়া পাঠাইলেন। সেমতে আমি মদীনায চলিয়া আসিবার জন্ত খলীফা ওসমান (রাঃ) আমাকে লিখিলেন। আমি মদীনায চলিয়া আসিলাম। মদীনায আমার নিকট লোকদের ভিড় হইতে লাগিল, তাহারা যেন পূর্বে আর আমাকে দেখে নাই। খলীফা ওসমান (রাঃ)কে আমি এই অবস্থা জানাইলাম; তিনি বলিলেন, আপনি ইচ্ছা করিলে শহর হইতে সরিয়া নিকটবর্তী শহর-তলীতে অবস্থান করিতে পারেন। (আমি বলিলাম, আমাকে রাবাজায় বসবাসের অনুমতি দিন। পূর্বে হইতেই তথায় আবু-জর গেফারী রাজিয়াল্লাহু তায়ালা আনহুর যাতায়াত ছিল। ওসমান (রাঃ) অনুমতি দিলেন। ফতহলবারী ৩—২১২।) এই ঘটনাই আমাকে এই এলাকায় বাসিন্দা বানাইয়াছে। লোকদের নির্বাচনে একটি হাব্-লী গোলামও আমার খলীফা নির্বাচিত হইলে আমি তাঁহার কথা মানিয়া চলিব এবং তাঁহার আদেশের অনুসরণ করিব।

ব্যাখ্যা :—মূল ঘটনা সম্পর্কে কতিপয় জরুরী তথ্য—

● রসুল্লাহ ছাল্লাল্লাহু আলাইহে অসাল্লামের তিরোধানের পর অনেক ছাহাবীর পক্ষেই রসুল্লাহ (দঃ) ছাড়া মদীনায বসবাস অসম্ভব হইয়া উঠিয়া ছিল; তাহারা বিভিন্ন এলাকায় চলিয়া গিয়াছিলেন। বেলাল (রাঃ)কে শত চেষ্টা করিয়াও মদীনায রাখা গিয়াছিল না, তিনি সিরিয়ায চলিয়া গিয়াছিলেন। আবু জর গেফারী (রাঃ)ও তদ্রূপ সিরিয়ায চলিয়া গিয়াছিলেন।

● আবু জর গেফারী (রাঃ) একজন বিশিষ্ট ছাহাবী ছিলেন। তাঁহার একটি বৈশিষ্ট্য এই ছিল যে, তিনি বৈরাগ্য ও সম্মাস-জীবনকে ভালবাসিতেন। নবী (দঃ) তাহার সম্পর্কে বলিয়াছেন—هَذِهِ الْأَمَةُ أَبُوزَرٍّ—আবু জর

এই উদ্ভবের সম্মানী। কোন কোন বস্তু ও অবস্থা ব্যক্তিগত রূপে স্থানে স্থানে উদ্ভব ও ভালই পরিগণিত হয়, কিন্তু ঐ বস্তু ও অবস্থাই ব্যাপক আকারে হওয়া অনুমোদিত হয় না। বৈরাগ্য ও সন্ন্যাস-জীবন তজ্জপই। আবু জর গেফারী (রাঃ) ছাহাবীর জন্ম হযরত (দঃ) উহাকে প্রশংসাক্রমেই উল্লেখ করিয়াছেন, কিন্তু ব্যাপক আকারে এবং নীতিরূপে উহার সম্প্রসারণকে হযরত (দঃ) মোটেই অনুমোদন করেন নাই। হযরত (দঃ) বলিয়াছেন—

لَا سِبَاحَةَ فِي الْأَسْلَامِ — বৈরাগ্য ও সন্ন্যাস-জীবন ইসলামের নীতি নহে।

আবু জর গেফারী রাজিয়াল্লাহু তায়ালা আনহুর জীবনের উপর বৈরাগ্য ও সন্ন্যাস-স্বভাবের অত্যধিক প্রাবল্য ছিল, তাই স্বাভাবিক ভাবেই তিনি সর্বত্র এই অবস্থাকেই দেখিতে চাহিতেন, এমনকি এই অবস্থার সমর্থনে তিনি পবিত্র কোরআনের এই আয়াতটিও ব্যবহার করিতেন—

إِنَّ الَّذِينَ يَكْنِزُونَ الذَّهَبَ وَالْفِضَّةَ وَلَا يَنْفِقُونَهَا فِي سَبِيلِ

اللَّهِ فَبَشِّرْهُمْ بِعَذَابٍ أَلِيمٍ

“যাহারা স্বর্ণ-চান্দ্রি (তথা ধন-দৌলৎ) জমা করিয়া রাখে এবং উহাকে আল্লার নির্দ্ধারিত পথে খরচ করে না তাহাদিগকে ভীষণ যাতনাদায়ক আজাবের সংবাদ শুনাইয়া দাও।” এই আয়াতে আজাবের সাবধানবাণী রহিয়াছে; যেই শ্রেণীর লোকদের জন্ম এই সাবধানবাণী তাহাদের সম্পর্কে আয়াতে স্পষ্টরূপে দুইটি ক্রিয়াপদ উল্লেখ আছে—একটি হইল, “য়াক্বনেয়ুনা” অর্থাৎ ধন-দৌলত জমা করিয়া রাখে। অপরটি হইল, “লা-য়ুনফেকুনাহা ফী ছাবীলিল্লাহ্” অর্থাৎ আল্লার নির্দ্ধারিত পথে তথা আল্লার প্রবর্তিত বিধান ক্ষেত্রে খরচ করে না। আবু জর গেফারী (রাঃ) স্বীয় বৈরাগ্য ও সন্ন্যাস-স্বভাবের অনুকূলে উক্ত আয়াতকে দাঁড় করাইবার জন্ম উল্লেখিত দ্বিতীয় ক্রিয়াপদটির উদ্দেশ্য ব্যাপক আকারের সাব্যস্ত করিতেন—যে, সঞ্চিত ধন আল্লার রাস্তায় ব্যয় তথা সম্পূর্ণ দান-খয়রাত করিয়া না দিলে উহা আজাব ভোগের কারণ হইবে। অপর দিকে আবু বকর (রাঃ), ওমর (রাঃ) হইতে আরম্ভ করিয়া সমস্ত ছাহাবীগণ আয়াতে উল্লেখিত উভয় ক্রিয়াপদের ব্যাখ্যা এই করিতেন যে, যাহারা ধন জমা করিয়া রাখে এবং আল্লার বিধান ক্ষেত্রে খরচ করে না তাহাদের জন্ম আজাবের সাবধানবাণী। সুতরাং ধন জমা রাখিলেই আজাব হইবে না,

বরং আল্লার বিধান ক্ষেত্রে খরচ করা ব্যতিরেকে জমা রাখিলে আজাব হইবে। এতদ্ভিন্ন এই আয়াত সম্পর্কে আর একটি বাহ্যিক সাধারণ দৃষ্টির বিষয়ও ছিল যাহা মোয়াবিয়া (রাঃ) বলিয়াছিলেন যে, ইহুদ-নাহারা পাদ্রীদের হারাম উপায়ে ধন সঞ্চয়ের বয়ান প্রসঙ্গে এই আয়াত বর্ণিত রহিয়াছে।

আবু জর গেফারী (রাঃ) যাহা বলিতেন, উহা আয়াতের প্রকৃত ও বাস্তব তফস্বীর ছিল না, বরং তাঁহার ভাবাবেগের সামঞ্জস্যে আয়াতের মর্ম চয়ন করা ছিল মাত্র। নতুবা যদি কোন অবস্থাতেই ধন জমা রাখার বৈধতা না থাকা এই আয়াতের মর্ম হয় তবে এই আয়াত পবিত্র কোরআনেরই অসংখ্য আয়াতে বর্ণিত যাকাতের বিধান, হজ্জের বিধান ও মীরাছ বা পরিত্যক্ত ধন উত্তরাধিকারীদের মধ্যে বন্টনের বিধান ইত্যাদির পরিপন্থী হইয়া দাঁড়াইবে। কারণ, ধন জমা না থাকিলে যাকাত কিসের হইবে? হজ্জ কাহার উপর ফরজ হইবে? মীরাছ বন্টন কিসের উপর হইবে?

আবু জর গেফারী (রাঃ) স্বীয় ভাবাবেগে অনুমোদিত ধনধারীদের সহিতও বিতর্ক করিতে থাকিতেন, স্থানে স্থানে কঠোরতাও প্রয়োগ করিতেন। তিনি প্রবীণতর ছাহাবী ছিলেন; সকলেরই শ্রদ্ধার পাত্র ছিলেন তাই তাঁহার বিতর্ক ও কঠোরতায় অনেকের সম্মুখে জটিলতার সৃষ্টি হইত। ঐরূপ ঘটনাবলীর পরিপ্রেক্ষিতেই মোয়াবিয়া (রাঃ) খলীফা ওসমানের নিকট সমুদয় ব্যাপার লিখিয়া পাঠাইয়া ছিলেন, কারণ তিনি ছিলেন সকলের উপরে মুরব্বী।

● মোয়াবিয়া রাজিয়াল্লাহু তায়ালা আনহুর সহিত আবু জর রাজিয়াল্লাহু তায়ালা আনহুর বিরোধ ও বিতর্ক শুধু এই একটি আয়াতের ব্যাপারেই ছিল না। আবু জর রাজিয়াল্লাহু তায়ালা আনহুর স্বভাবে অনাড়ম্বরতার সহিত সরলতাও ছিল। হিজরী ২৫ সনে এক ইহুদী বাচ্চা আবুল্লাহ ইবনে সাবা মোনাফেকরূপে মোসলমানদের দলভুক্ত হইয়া মোসলেম জাতীর মূলে কুঠারাঘাত হানার জন্য একটি ষড়যন্ত্রকারী দল সৃষ্টি করিয়াছিল; যে দলটি ইতিহাসে খারেজী দল নামে পরিচিত—যাহাদের ষড়যন্ত্রের বিরাট ইতিহাস সপ্তম খণ্ডের পরিশিষ্টে বর্ণিত হইবে। সেই দলটির অগ্রতম লক্ষ্যবস্তু ছিলেন মোয়াবিয়া (রাঃ)। সেই ষড়যন্ত্রকারী কুচক্রী দলের লোকেরা আবু জর রাজিয়াল্লাহু তায়ালা আনহুর সরলতার সুযোগ লইয়া তাঁহাকে মোয়াবিয়া রাজিয়াল্লাহু তায়ালা আনহুর বিরুদ্ধে অতি সহজেই উত্তেজিত করিয়া তুলিতে সক্ষম হইয়াছিল। কারণ, মোয়াবিয়া (রাঃ) তৎকালীন বৃহত্তম প্রতিবেশী শত্রু রোমানদের সীমান্ত দেশ সিরিয়ার গভর্ণর ছিলেন; সেই শত্রুকে প্রভাবান্বিত

রাখার জন্ত তিনি শাসন পরিচালনার এবং নিজের উপরও আড়ম্বর ও জাঁক-জমকের ব্যবস্থা অবলম্বন করিয়া রাখিয়াছিলেন। তাঁহার এই ব্যবস্থা খলীফা ওমরের সময় হইতে ছিল ; মোয়াবিয়া (রাঃ) খলীফা ওমর কর্তৃকই সিরিয়ার গভর্ণর নিয়োজিত ছিলেন। খলীফা ওমর তাঁহার এই ব্যবস্থার জন্ত কৈফিয়তও তলব করিয়া ছিলেন, কিন্তু তাঁহার উদ্দেশ্যকে বাস্তবের সহিত সামঞ্জস্যপূর্ণ দেখিয়া ওমর (রাঃ) তাঁহাকে তাঁহার অবস্থার উপর ছাড়িয়া দিয়া ছিলেন। তাঁহার সেই আড়ম্বর ও জাঁক-জমকের ব্যবস্থা বৈরাগ্যাভিলাষী সন্ন্যাসী-স্বভাবপূর্ণ আবু জর গেফারী রাজিয়াল্লাহু তায়ালা আনহুর স্বভাবের সম্পূর্ণ বিপরিত ছিল। এতদিন পেছনে খোঁচানেওয়ালা কেহ ছিল না, তাই সেই দিকে তাঁহার লক্ষ্যপাত হয় নাই। আবুজর্রাহ ইবনে সাবা মোনাকেকের ষড়যন্ত্রকারী দলের খোঁচানিতে তাঁহার চক্ষু জ্বালাত হইতেই মোয়াবিয়া রাজিয়াল্লাহু তায়ালা আনহুর বিপুল সংখ্যক দোষ তাঁহার দৃষ্টিতে ভাসিয়া উঠিল। তিনি তাঁহার উপর অভিযোগের পর অভিযোগ আনিতে লাগিলেন। সেই সব অভিযোগ তাঁহার সন্ন্যাস-স্বভাবের দৃষ্টিতে মোটেই অবাস্তব ছিল না। আবার মোয়াবিয়া (রাঃ)ও তাঁহার শাসন-প্রজ্ঞার দৃষ্টিতে ঐ সব ব্যবস্থা অবলম্বনে বাধ্য ছিলেন, যদ্বক্ষণ খলীফা ওমরের স্থায় কর্তার ব্যক্তিও ঐ ব্যাপারে তাঁহাকে অভিযোগমুক্ত রাখিয়া ছিলেন। মোয়াবিয়া (রাঃ)ও আবু জর রাজিয়াল্লাহু তায়ালা আনহুর প্রতি অতিশয় শ্রদ্ধাশীল ছিলেন ; তাঁহার অভিযোগসমূহের দ্বারা জটিলতা সৃষ্টির আশঙ্কায় তিনি সর্বদায় ব্যাপার খলীফা ওসমান (রাঃ)কে লিখিয়া ছিলেন এবং খলীফার পরামর্শ অনুযায়ী বিশেষ সম্মান ও উপঢৌকন ইত্যাদির সহিত আবু জর গেফারী রাজিয়াল্লাহু আনহুর মদীনায় পৌঁছার সুব্যবস্থা করিয়া দিয়াছিলেন।

❶ মদীনায় পৌঁছবার পর আবু জর রাজিয়াল্লাহু তায়ালা আনহুর নিকট লোকদের খুবই ভিড় হইতে লাগিল। কারণ, তিনি পবিত্র কোরআনের একটি আয়াত সম্পর্কে এমন কথা বলিতেছিলেন যাহার সমর্থনে আর কোন ছাহাবীই ছিলেন না। লোকদের ভীড় করায় তিনি নিজেই উত্তাক্ত হইয়া খলীফা ওসমানের নিকট বিরক্তি প্রকাশ করতঃ ঐ অবস্থার আলোচনা করিয়াছিলেন। তখনও খলীফা তাঁহাকে মদীনা ত্যাগের কোন আদেশ মোটেই দেন নাই, বরং আবু জর (রাঃ)কে তাঁহার নিজের ইচ্ছার উপর নির্ভর পূর্বক তাঁহার বিরক্তিকর অবস্থার অবসানের জন্ত পরামর্শ দান-স্বরূপ বলিয়া ছিলেন, যদি আপনি ইচ্ছা করেন, তবে মদীনায় শহর হইতে সিরিয়ার নিকটবর্তী কোন স্থানে বসবাস করিতে পারেন। এখানে লক্ষ্যণীয় বিষয় যে, এই পরামর্শ দান কালেও খলীফা ওসমান (রাঃ) আবু জর (রাঃ)কে মদীনায় সংলগ্ন নিকটবর্তী

স্থানে থাকিবার অভিপ্রায়ই প্রকাশ করিয়াছিলেন। কিন্তু আবু জর (রাঃ) নিজেই উহার বিপরিত অভিপ্রায় নিজের সুবিধার্থে পেশ করিলেন। মদীনা শহর হইতে মক্কার পথে প্রায় ৪০:৫০ মাইল ব্যবধানে “রাবাযা” নামক একটি স্থান ছিল; পূর্ব হইতেই তথায় আবু জর গেকারী রাজিয়াল্লাহু তায়ালা আনহুর যাতায়াত ছিল। তিনি সেইখানে বসবাস করা পছন্দ করিলেন; ইহা খলীফা ওসমানের অভিপ্রায়ের পরিপন্থি ছিল বিধায় আবু জর (রাঃ) খলীফার নিকট উহার অনুমতি চাহিলেন। খলীফা ওসমান (রাঃ) আবু জর (রাঃ)কে তাঁহার নিজের পছন্দের উপর রাখা ভাল মনে করিয়া অনুমতি দিলেন। সেমতে আবু জর (রাঃ) মদীনা হইতে রাবাযায় চলিয়া গেলেন; বাকি জীবনটুকু সেই এলাকায়ই কাটাইয়া তথায়ই চিরনিদ্রা গ্রহণ করিলেন। তাঁহার মাজার এখনও তথায় বিদ্যমান রহিয়াছে।

● মোসলেম জাতির চিরশত্রু আবহুলাহ ইবনে সাবা মোনাফেকের ষড়যন্ত্রকারী দল আবু জর গেকারী (রাঃ)কে সম্মুখে রাখিয়া মোসলমানদের জাতীয় ঐক্যে আঘাত করার কুচেষ্টা অনেকই করিয়াছিল। কিন্তু আবু জর (রাঃ) সরল হইলেও মোসলেম জাতির ঐক্যে ফাটল সৃষ্টির বিষময় ফল ভালভাবেই উপলব্ধি করিতেন। তাই তিনি তাহাদের সেই প্রস্তাবে তাহাদের মুখ কালা করিয়া তাহাদের সম্পূর্ণ নিরাশ করিয়া দিয়াছিলেন। প্রকাশ থাকে, আবহুলাহ ইবনে সাবা মোনাফেকের সৃষ্ট ষড়যন্ত্রকারী দলটির কেন্দ্র ছিল “কুফা” অঞ্চলে।

প্রসিদ্ধ ইতিহাস গ্রন্থ তবকাতে-ইবনে সাআদে বর্ণিত আছে—কুফা অঞ্চলের কতিপয় লোক রাবাযা এলাকায় আসিয়া আবু জর রাজিয়াল্লাহু তায়ালা আনহুর সহিত সাক্ষাৎ করিল। তাহারা তাঁহাকে বলিল, এই লোকটা (অর্থাৎ খলীফা ওসমান) আগনার সহিত কত কত অসৌজন্য ব্যবহার করিয়াছে। আপনি আমাদের পতাকাবাহী হইয়া দাঁড়ান, আমরা আপনাকে কেন্দ্র করিয়া ঐ লোকটার বিরুদ্ধে যুদ্ধ করি। উত্তরে আবু জর (রাঃ) তাহাদিগকে বলিলেন, খলীফা ওসমান (রাঃ) যদি আমাকে দেশান্তরিত করিয়া ছনিয়ার শেষ প্রান্তেও পাঠাইয়া দেন তবুও আমি তাঁহার আজ্ঞাবহ ও অনুগত থাকিব (ফতহুলবারী, ৩—২১২)। বোথারী শরীফের মূল আলোচ্য হাদীছেও সর্ব শেষ বাক্যে আবু জর (রাঃ) অত্যন্ত দৃঢ়তার সহিত সেই শুভ মতবাদ ও সোনালী আদর্শের উক্তিই করিয়াছেন।

বর্তমান যুগে পরের ধন ছিনাইবার মতবাদধারীরা আবু জর গেকারী (রাঃ)কে নিয়া খুব টানা-হেঁচড়া করে, কিন্তু ঐ শ্রেণীর লোক তাঁহার উল্লেখিত আদর্শের প্রতি দৃষ্টিপাতন করে না। এতদ্ভিন্ন ঐ লোকেরা পরের ধন ছিনাইবার জন্য আবু জর (রাঃ)কে আবহুলাহ ইবনে সাবা মোনাফেকের দুই দলের সন্মুখে

পাতাকাবাহীরূপে দেখাইতে চেষ্টা করে, কিন্তু আবু জর গেফারী রাজিয়াল্লাহু তায়ালা আনহুর নিজের জীবনের উপর যেই বৈরাগ্য ও ছুনিয়ার অনাসক্তি ছিল এই লোকদের ব্যক্তিগত জীবনে উহার লেশমাত্র নাই।

আবু জর (রাঃ) নিজের এত অধিক বৈরাগ্য অবলম্বন করিয়া ছিলেন যে, মৃত্যু সময় তাঁহার নিকট কাফনের ব্যবস্থাও ছিল না। মৃত্যুশয্যায় তাঁহার জ্ঞান কান্দিতো ছিলেন। মুসুর্ষ অবস্থায় জ্ঞানকে জিজ্ঞাসা করিলেন, কান্দ কেন ? তিনি বলিলেন, কান্দি এই জন্য যে, আপনি ইহজগৎ ত্যাগ করিলে আগুনকে কাফন দেওয়ার কি ব্যবস্থা করিব ? আবু জর (রাঃ) জ্ঞানকে বলিলেন, সেই চিন্তা তুমি করিবে না। আমার মৃত্যু হইয়া গেলে তুমি পর্বত শিখরে দাঁড়াইয়া সজোরে বলিও—**أَبَا زَرْ قَدْ مَاتَ** হায়! আবু জরের মৃত্যু হইয়া গিয়াছে!! অল্প সময়ের মধ্যেই তাঁহার প্রতীক্ষমান মুহূর্ত আসিয়া গেল। অদ্বিতীয় অলুয়ায়ী তাঁহার জ্ঞান পর্বতশিখরে দাঁড়াইয়া এই ধ্বনি দিলেন। ঘটনা ক্রমে সেই সময় প্রসিদ্ধ ছাহাবী আবু হুরায়রা ইবনে মসউদ (রাঃ) সহ এক দল লোক এই পথে যাইতে ছিলেন, তাঁহাদের কর্ণে এই ধ্বনি পৌঁছিল। তাঁহারা তৎক্ষণাৎ আবু জর রাজিয়াল্লাহু তায়ালা আনহুর বাসস্থানে উপস্থিত হইলেন এবং আবু হুরায়রা ইবনে মসউদ (রাঃ) নিজের পাগড়ী দ্বারা তাঁহার কাফন দিলেন। এই ছিল আবু জর গেফারীর ব্যক্তিগত জীবনে বৈরাগ্য ও সন্ন্যাস-স্বভাবের রূপ। আর তাঁহার জীবনের এইরূপের মূলে যাহা ছিল তাহা ছিল খোদাতীকতার অদমনীয় অগ্নি—যাহার আভাস নিম্নের হাদীছে পাওয়া যায়।

আবু জর (রাঃ) বর্ণনা করিয়াছেন, রশুদুল্লাহ (দঃ) বলিয়াছেন, কদম খোদার—(মৃত্যুর পর মানুষ যে সব অবস্থার সম্মুখীন হইবে) যদি তোমরা উহা জানিতে যেক্রপ আমি জানি তবে নিশ্চয় তোমরা সারা জীবন হাসিতে কম, কান্দিতে বেশী এবং বিবি লইয়া আরামের বিছানায় সুখভোগ করিতে না ; নিশ্চয়ই তোমরা ঘর-বাড়ী ছাড়িয়া মাঠে-ময়দানে চলিয়া যাইতে। আল্লার নিকট চিংকার করিয়া কান্দিয়া দিন কাটাইতে। আবু জর (রাঃ) এই হাদীছ বর্ণনা করিয়া আবেগপূর্ণ দীর্ঘ নিঃশ্বাসে বলিতেন—**يَا لَيْتَنِي كَذْتُ شَجَرَةً تَفْدُ** হায়...! কতই না ভাল হইত যদি আমি একটা গাছরূপে ছুনিয়াতে জন্ম নিতাম বাহা কাটিয়া ফেলা হয়!! অর্থাৎ আখেরাতের হিসাব-নিকাশ মানুষের জন্য ; অতএব তাহার সম্মুখেই সঙ্কট ; বট-বৃক্ষ গাছ-পালারূপে ছুনিয়ায় জন্ম নিলে কোন ভয় বা সঙ্কটের সম্মুখীন হইতে হইত না। উহা কাটিয়া ফেলা হইত ; তাহার উপরই উহার সমাপ্তি ঘটত ; হিসাব-নিকাশের বালাই তাহার সম্মুখে আসিত না। (মেশকাত শরীফ ৪৫৭)

পাঠকবর্গ। লক্ষ্য করুন—এই শ্রেণীর সন্ন্যাস-স্বভাব ও ছুনিয়ার সব কিছু হইতে সম্পূর্ণ অনাসক্ত সরল মানুষের ভাবাবেগ লইয়া ছিনিমিনি খেলা সম্ভব হইবে কি? এবং যেই স্বভাব ও অনাসক্তির প্রতিক্রিয়ায় তাঁহার ঐ ভাবাবেগ সৃষ্টি হইয়াছে সেই স্বভাব ও অনাসক্তিকে আয়ত্ত্ব করা ব্যতীকে ঐ মানুষটির শুধু ভাবাবেগের উক্তি লইয়া মাঠে নামিয়া পড়া ছল-চাতুরী বৈ আর কি হইবে?

বিশেষ দ্রষ্টব্যঃ—আলোচ্য পরিচ্ছেদে এই সুদীর্ঘ ইতিহাস ও ঘটনাবলীর উল্লেখ করিয়া ইমাম বোখারী (রঃ) প্রমাণ করিতে চাহিয়াছেন যে, উক্ত আয়াতের সাবধানবাণী ও আজাবের সংবাদ ঐ লোকদের জন্ত যাহারা আল্লাহ তায়ালা বিধান ক্ষেত্রে খরচ করা ব্যতীকে ধন জমা করে। ইহাই সমস্ত ছাহাবীগণের মত। একমাত্র আবু জর গেফারী (রাঃ) তাঁহার বৈরাগ্য ও সন্ন্যাস-স্বভাবের প্রভাবে উহার ব্যতিক্রম বলিতেন, উহা ইসলামের বিধান ও নীতি নহে। অবশ্য আল্লার বিধানগত মাল খরচের ক্ষেত্র দুই প্রকার—এক প্রকার নির্দ্ধারিত যেমন, যাকাত। দ্বিতীয় প্রকার অনির্দ্ধারিত, যাহার প্রতি ইঙ্গিত দানে ইমাম বোখারী (রঃ) পরবর্তী পরিচ্ছেদে উল্লেখ করিয়াছেন—উহা বিশেষ লক্ষণীয়।

মালের উপর যে হক আছে (সেই হক আদায়ের ক্ষেত্রে মাল খরচ করা

পূর্বেই বলা হইয়াছে স্বীয় ধন হইতে দান করার ব্যাপারে আল্লার বিধানগত ক্ষেত্র দুই প্রকার—নির্দ্ধারিত, যেমন যাকাত; আর এক হইল অনির্দ্ধারিত। আলোচ্য পরিচ্ছেদে দ্বিতীয় তথা মাল দানে আল্লার বিধানগত অনির্দ্ধারিত ক্ষেত্রের আলোচনাই উদ্দেশ্য। এই সম্পর্কে পবিত্র কোরআনের দুইটি আয়াত বিশেষ লক্ষণীয়।

وَلَكِنَّ الْبِرَّ... وَأَتَى الْمَالَ عَلَى حُبِّهِ ذَوِي الْقُرْبَىٰ وَالْيَتَامَىٰ (১)
وَالْمَسَاكِينَ وَابْنَ السَّبِيلِ وَالسَّائِلِينَ... وَأَتَى الزَّكَاةَ.....

ইসলাম ও ঈমানের চাহিদা বা দাবী এবং কর্তব্যাবলীর বর্ণনায় ইহা একটি বিশেষ আয়াত। আয়াতটির পূর্ণ তফসীর প্রথম খণ্ডে ঈমানের অধ্যায়ে “ঈমানের শাখা-প্রশাখা” পরিচ্ছেদে বর্ণিত হইয়াছে। এস্থলে শুধু একটি বিষয় উল্লেখ্য যে, ইসলামের কর্তব্যরূপে প্রথম দিকে বলা হইয়াছে—“ধনের মহৎ স্বভাবতঃ অন্তরে গ্রথিত থাকা সত্ত্বেও ধন দান করিবে আত্মীয়দেরকে, এতীমদিগকে, দরিদ্রদিগকে, নিঃসম্বল পথিককে এবং ভিক্ষুককে, আর দাসকে

আবদ্ব মানুষকে মুক্ত করিতে ।” তারপর শেষের দিকে আর এক কর্তব্যরূপে বলা হইয়াছে—“যাকাত আদায় করিবে ।” এই বর্ণনায় ইহা অতি সুস্পষ্ট যে, ধন দানের প্রথমোক্ত কর্তব্যটি যাকাত নামের নির্দ্ধারিত কর্তব্য হইতে পৃথক কর্তব্য । এই তথ্যটি এই আয়াতের বরাত দানে হযরত রসুলুল্লাহ (দঃ)ও বর্ণনা করিয়াছেন । তিরমিজী শরীফের এক হাদীছে আছে—নবী (দঃ) বলিয়াছেন, নিশ্চয় ধনীদেব মালের উপর যাকাত ভিন্ন অত্ৰ হকও রহিয়াছে । নবী (দঃ) তাহার এই উক্তির প্রমাণে আলোচ্য আয়াতটি তেলাওয়াত করিয়াছেন ।

(২) وَفِي أَمْوَالِهِمْ حَقٌّ لِّلسَّائِلِ وَالْمَرْءُومِ (২৬ পাঃ ১৮ কঃ)

ঠিক এই শব্দাবলীর মাধ্যমেই ২৯ পারা ৭ ককূতেও একখানা আয়াত রহিয়াছে । উভয় স্থানেই আল্লাহ তায়ালা কোন্ শ্রেণীর লোক বেহেশত লাভ করিবে উহার বর্ণনা দানে বিভিন্ন গুণাবলীর মধ্যে এই গুণটিও উল্লেখ করিয়াছেন, “তাহাদের ধনের মধ্যে ভিক্ষুক ও বঞ্চিতদের হক রহিয়াছে—সেই লক্ষ্য তাহারা রাখে ।”

প্রথম আয়াতটির মর্শ বর্ণনায় রসুলের মুখেই “হক” শব্দ উচ্চারিত হইয়াছে—যাহা মালের উপর যাকাত ভিন্ন প্রবঞ্চিত ; দ্বিতীয় আয়াতেও আল্লাহ কালামেই “হক” শব্দ ব্যবহৃত আছে । ধনীদেব মালের উপর সেই হকের আলোচনায়ই বোখারী (রঃ) আলোচ্য পরিচ্ছেদটি বর্ণনা করিয়াছেন । উক্ত হকের ক্ষেত্র প্রথম আয়াতে ছয়টি উল্লেখ হইয়াছে এবং দ্বিতীয় আয়াতে উহা হইতেই দুইটির উল্লেখ হইয়াছে—ভিক্ষুক এবং বঞ্চিত ; বঞ্চিত বলিতে প্রথম আয়াতে উল্লেখ্য দরিদ্রই উদ্দেশ্য । এই ক্ষেত্র সমূহে মাল দান করার দুইটি পর্য্যায় আছে—একটি হইল মোস্তাহাব তথা অধিক ছওয়াব লাভ ও আল্লাহ তায়ালাব নিকট প্রশংসনীয় পর্য্যায় । এই পর্য্যায়ের সর্বদা দান-খয়রাত করার প্রতি ইসলামে বিশেষভাবে উৎসাহিত করা হইয়াছে । দ্বিতীয় পর্য্যায় হইল ফরজ তথা শরীয়ত কর্তৃক বাধ্যতামূলক ; এই পর্য্যায়টি বিশেষ অবস্থায় প্রযোজ্য । যথা—কেহ অনাহারে বা অভাবের দরুন কিম্বা অত্ৰ কোন এমন কারণে যাহার প্রতিকার টাকা-পয়সা দ্বারা হইতে পারে যত্নর সন্মুখীন হইলে সে ক্ষেত্রে সামর্থবান ব্যক্তির উপর ফরজ হইবে তাহার প্রাণ রক্ষার ব্যবস্থা করা । এমনকি দেশে এরূপ অবস্থা ব্যাপক আকার ধারণ করিলে উহার প্রতিকারের জন্ত শৃঙ্খলরূপে ধনধারীদের উপর প্রয়োজন পরিমাণ কর আরোপের বিধানও ইসলামে আছে । অবশ্য এক্ষেত্রে শরীয়তের অত্ৰ দুইটি বিষয় বিশেষরূপে পালনীয় ।

প্রথম :—দেশের জলজ, বনজ ও খনিজ ইত্যাদি সমুদয় প্রাকৃতিক সম্পদের মধ্যে ইসলামী বিধানে গরীব কান্দালের জন্য এক বড় অংশ রক্ষিত ও নির্ধারিত আছে ; তদুপরি রাষ্ট্রীয় বিভিন্ন আয় ও অধিকারে গরীব-কান্দালের জন্য অংশ রক্ষিত আছে । প্রথমতঃ দেশের দারিদ্র দূরীকরণে এবং উহার প্রতিরোধে ঐ সব নির্ধারিত অংশ সমূহ নিয়মিত উহার পাত্র সমূহে ব্যয়িত হইতে থাকিবে । আর দেশের সকল সামর্থ্যবান হইতে নিয়মিত যাকাত এবং খামারের মালিকদের হইতে নিয়মিত ওশর উহার পাত্র সমূহে ব্যয়িত হইতে হইবে । এতদ্বিত্ত জাতীয় ধনভাণ্ডার বাইতুল-মালকে ইসলামী বিধান মতে জনগণের অভাব মোচনে নিয়মিত চালু রাখিতে হইবে ।

দ্বিতীয় :—বেকারদিগকে কাজ করিতে এবং রোজগারীদেরকে তাহাদের আয় অপচয় ও অপব্যয় হইতে রক্ষা করিতে বাধ্য করিতে হইবে ।

দেশের সম্পদ ও রাষ্ট্রীয় আয় রাষ্ট্রপ্রধান ও মন্ত্রী মণ্ডলী এবং হোমরা-চোমরাদের বড় বড় বেতন-ভাতা, গাড়ী-বাড়ী, বিভিন্ন এলাউন্স ও ভোগ-বিলাসে খরচ করা হইবে ; দেশের বাজেটে গরীব-কান্দালের কোন খাত থাকিবে না, আর দেশের অভাব মোচনের জন্য বৈধ ধনধারীদের ধন কাড়িয়া আনা হইবে—ইসলাম এই নীতি সমর্থন করে না । তদ্রূপ কার্যক্রম ব্যক্তি কাজ না করিয়া কিম্বা স্থায়ী উপার্জন মদ-তাড়ি, সিনেমা-থিয়েটার ইত্যাদি পথে ব্যয় করিয়া বঞ্চিত সাজিবে ; আর তাহাদের অভাব মোচনে বৈধরূপে ধন সঞ্চয়কারীদের ধন ছিনাইয়া আনা হইবে—ইহাও ইসলাম সমর্থন করে না ।

খ্যাতি অর্জন ও লোক-দেখানো উদ্দেশ্য

দান-খয়রাত করার পরিণতি

আল্লাহ তায়ালা কোরআন শরীফে বলিয়াছেন—

يَا أَيُّهَا الَّذِينَ آمَنُوا لَا تَبْطُلُوا صَدَقَاتِكُمْ بِالْمَنِّ وَالْأَذَى كَالَّذِي يُنْفِقُ
مَالَهُ رِيقًا وَالنَّاسُ لَا يُؤْمِنُونَ بِاللَّهِ وَالْيَوْمِ الْآخِرِ فَمَثَلُهُ كَمَثَلِ
صَفْوَانٍ عَلَيْهِ ثَرَابٌ فَأَصَابَهُ وَابِلٌ فَتَرَكَهُ صَلْدًا - لَا يَقْدِرُونَ عَلَى
شَيْءٍ مِّمَّا كَسَبُوا - وَاللَّهُ لَا يَهْدِي الْقَوْمَ الْكَافِرِينَ ٥

অর্থ—হে ঈমানদারগণ। তোমরা স্বীয় দান-খয়রাতকে বিনষ্ট করিও না—
উপকার গ্রহণকারীকে কষ্ট দিয়া বা তাহার উপর কটাক্ষ পূর্বক উপকার করার
বুলি আওড়াইয়া; এই ব্যক্তির হায যে রিয়া—খ্যাতি অর্জন বা লোক-দেখানো
উদ্দেশ্যে দান করিয়া থাকে এবং আল্লাহ ও পরকালের প্রতি ঈমানও রাখে না।
(তদ্রূপ তাহার দান-খয়রাত বিনষ্ট হইয়া পরকালে নিশ্চিহ্ন ও অস্তিত্বহীন হইয়া
যায়।) তাহার দান-খয়রাতের অবস্থা এরূপ যেমন—একটি মসৃণ পাথরের
উপর কিছু ধূলা-বালু জমিয়াছে, অতঃপর উহার উপর প্রবল বারিপাত হইয়া
এ পাথরটিকে পরিষ্কার ভাবে ধৌত করিয়া দিয়াছে। (এ ক্ষেত্রে যেদ্রুপ এই
পাথরের উপর ধূলা-বালুর নাম-নিশানও বাকি থাকিতে পারে না যাহার উপর
কোন উদ্ভিদ জন্মিতে পারে—তদ্রূপ পরকালে এই ব্যক্তির দান-খয়রাতেরও কোন
নাম-নিশান থাকিবে না যাহার উপর সে ছওয়াব লাভ করিতে পারে, তাই)
এ ব্যক্তি স্বীয় কৃত দান-খয়রাতের ফলাফল কিছুই লাভ করিতে সক্ষম হইবে না।
যাহারা আল্লাহর নীতি ও নির্দেশকে অস্বীকার করিবে আল্লাহ তাহাদিগকে
(বেহেশতের) পথ দান করিবেন না। (৩ পাঃ ৪ রূঃ)

এই আয়াতের দ্বারা প্রমাণিত হইল যে, চারিটি কারণে দান-খয়রাত নিষ্ফল
ও বিনষ্ট হয়। যথা—(১) যাহাকে দান করা হইয়াছে তাহার প্রতি অত্যাচার
উৎপীড়ন করতঃ তাহাকে কষ্ট দেওয়া। (২) যাহাকে দান করা হইয়াছে তাহার
উপর কটাক্ষ করতঃ দান করার ও উপকার করার বুলি আওড়ান—খোঁটা
দেওয়া। (৩) রিয়া—খ্যাতি অর্জন করা বা লোক-দেখানো উদ্দেশ্যে দান করা।
(৪) দান-খয়রাতকারী ব্যক্তি ঈমানহীন কাকের হওয়া।

হাবাস মালের দান-খয়রাত আল্লাহর নিকট গ্রহণীয় নয়

একমাত্র হালাল উপায়ে অর্জিত ধন-দৌলতের দান-খয়রাত আল্লাহ তায়ালা
নিকট গ্রহণীয় হইয়া থাকে। কোরআন শরীফে আল্লাহ তায়ালা ফরমাইয়াছেন—

قَوْلٌ مَّعْرُوفٌ وَمَغْفِرَةٌ خَيْرٌ مِّنْ مَّدَقَةٍ يَتَّبِعُهَا أَزَى - وَاللَّهُ غَنِيٌّ حَلِيمٌ

অর্থ—যাক্ষাকারীকে মিষ্ট ভাষায় কিরাইয়া দেওয়া এবং তাহার উৎপীড়নে
ক্ষমা প্রদর্শন করা এরূপ দান-খয়রাত হইতে উত্তম, যদ্বারা কাহাকেও কষ্ট দেওয়া
এবং মর্মান্বিত করা হয়। আল্লাহ কাহারও প্রত্যাশী নহেন (তবুও মানুষকে শুধু
তাহাদের নিজ স্বার্থেই দান-খয়রাতের প্রতি আহ্বান করিয়া থাকেন) এবং তিনি
অতি সহিষ্ণু; (তাই তিনি অনেক সময় স্বীয় বিরুদ্ধাচরণকারীকে তৎক্ষণাৎ
পাকড়াও করেন না (৩ পাঃ ৩ রূঃ))। আল্লাহ তায়ালা আরও বলিয়াছেন—

يَمْحَقُ اللَّهُ الرِّبَا وَيُرْبِي الصَّدَقَاتِ - وَاللَّهُ لَا يُهْبُ كُلَّ كَفَّارٍ أَتِيمٍ -
 إِنَّ الَّذِينَ آمَنُوا وَعَمِلُوا الصَّالِحَاتِ وَأَقَامُوا الصَّلَاةَ وَآتَوْا الزَّكَاةَ
 لَهُمْ أَجْرُهُمْ عِنْدَ رَبِّهِمْ - وَلَا خَوْفٌ عَلَيْهِمْ وَلَا هُمْ يَحْزَنُونَ ০

অর্থ—সুদে অজ্জিত মালকে আল্লাহ ধ্বংস করিয়া দিয়া থাকেন। আর দান-খয়রাতকে আল্লাহ তায়ালা বহুগুণে বদ্ধিত করিয়া থাকেন—অর্থাৎ পরকালে উহার প্রতিদান ও প্রতিফল দান করিবেন এবং সেই প্রতিফল সম পরিমাণ হইবে না, বরং বহুগুণ বেশী হইবে। আল্লাহ কোন অকৃতজ্ঞ পাপাচারীকে পছন্দ করেন না। নিশ্চয় যাহারা ঈমান আনিয়াছে এবং নেক কাজ করিয়াছে বিশেষতঃ নামায উত্তমরূপে আদায় করিয়াছে, যাকাত দান করিয়াছে তাহাদের জন্য প্রতিফল নিদিষ্ট রহিয়াছে তাহাদের পালনকর্তার নিকট এবং তাহারা কোন আশঙ্কার সম্মুখীন হইবে না এবং চিন্তিত হইবে না। (৩ পাঃ ৬ রূঃ)

এই আয়াতে প্রমাণিত হয় যে, সুদে অজ্জিত ধনের দান-খয়রাত গ্রহণীয় নহে। কারণ সুদ ধ্বংসের সম্মুখীন, আর দান-খয়রাত আল্লাহ তায়ালা নিকট রক্ষণাবেক্ষণের বস্তু। তদ্রূপ কোন প্রকার হারাম মালের দান-খয়রাত গ্রহণীয় নহে।

৭৬৮। হাদীছ :—

عَنْ أَبِي هُرَيْرَةَ رَضِيَ اللَّهُ تَعَالَى عَنْهُ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ مَنْ تَمَدَّقَ بِعَدَلٍ ثَمَرَةً مِّنْ نَّسَبٍ طَيِّبٍ وَلَا يَتَقَبَّلُ اللَّهُ إِلَّا الطَّيِّبَ فَإِنَّ اللَّهَ يَتَقَبَّلُهَا بِمِثْلِهَا ثُمَّ يَرْبِيهَا لِمَا حَبَا كَمَا يَرْبِي أَحَدُكُمْ فَلَوْهَ حَتَّى تَكُونَ مِثْلَ الْجَبَلِ ০

অর্থ—আবু হোরায়া (রাঃ) হইতে বর্ণিত আছে, রসূলুল্লাহ ছালালাহু আলাইহে অসাল্লাম বলিয়াছেন, যে ব্যক্তি হালাল উপায়ে অজ্জিত একটি খুরমা তুল্য বস্তু দান করিবে; স্মরণ রাখিও, আল্লাহ তায়ালা একমাত্র হালালকেই গ্রহণ করিয়া থাকেন। আল্লাহ তায়ালা তাহার ঐ দানকে অতি আদরের সহিত গ্রহণ করিয়া দানকারীকে প্রতিফল দানের নিমিত্ত উহাকে অতি যত্নের সহিত লালন-পালন ও রক্ষণাবেক্ষণ করিতে থাকেন। যে রূপ তোমাদের মধ্যে ঘোড়ার মালিক স্বীয় ঘোড়ার বাচ্চাকে সযত্নে প্রতিপালন করিয়া থাকে। এমনকি ঐ সামান্য দানের ফলাফল পাহাড় সমতুল্য হইয়া যাইবে।

দান খয়রাতের প্রতি অগ্রণী হওয়া চাই ; এক সময়
দান গ্রহণকারী লুপ্ত হইয়া যাইবে

৭৩৯। হাদীছ : - رَضِيَ اللَّهُ عَنْهُ قَالَ سَمِعْتُ
النَّبِيَّ صَلَّى اللَّهُ عَلَيْهِ وَسَلَّمَ يَقُولُ تَمْدَقُوا فَإِنَّهُ يَأْتِي عَلَيْكُمْ زَمَانٌ
يَمْشِي الرَّجُلُ بِمَدَقَتِهِ فَلَا يَجِدُ مَنْ يَقْبَلُهَا يَقُولُ الرَّجُلُ لَوْ جِئْتُ بِهَا
بِمَا مَسَّ لَقَبِلْتُهَا فَمَا الْيَوْمَ فَلَا حَاجَةَ لِي بِهَا -

অর্থ—হারেছ ইবনে ওহাব (রাঃ) বর্ণনা করিয়াছেন, নবী ছালাল্লাহু আলাইহে
অসাল্লাম বলিয়াছেন—যথাসাধ্য তোমরা দান-খয়রাতের প্রতি অগ্রণী হও ;
তোমাদের সম্মুখে এমন এক সময় আসিবে যখন এক একজন দাতা স্বীয় দানের
বস্ত্র লইয়া ঘোরা-ফেরা করিতে থাকিবে, কিন্তু উহা গ্রহণকারী পাইবে না।
কাহাকেও গ্রহণ করার অনুরোধ করিলে সে উত্তর করিবে, গতকল্য এই দান
আমি গ্রহণ করিতাম ; অত ইহার প্রতি আমার কোন আকর্ষণ নাই।

৭৪০। হাদীছ : - عَنْ أَبِي هُرَيْرَةَ رَضِيَ اللَّهُ تَعَالَى عَنْهُ
قَالَ النَّبِيُّ صَلَّى اللَّهُ عَلَيْهِ وَسَلَّمَ لَا تَتَّبِعُوا السَّاعَةَ حَتَّى يَكْثُرَ
فِيكُمْ الْمَالُ فَيَفْغِيزَ حَتَّى يَهُمَّ رَبُّ الْمَالِ مَنْ يَقْبَلُ مَدَقَتَهُ وَحَتَّى
يَعْرِضَهُ فَيَقُولَ الَّذِي يَعْرِضُهُ لِيْلَيْهِ لَا أَرَبَ لِي ۝

অর্থ—আবু হোরায়ারা (রাঃ) হইতে বর্ণিত আছে—নবী ছালাল্লাহু আলাইহে
অসাল্লাম বলিয়াছেন, কেয়ামতে তথা মহাপ্রলয়ের পূর্বকণে নিশ্চয় এই অবস্থা
হইবে যে, তোমাদের নিকট ধন-দৌলতের আধিক্য হইয়া যাইবে। এমনকি,
ধনাঢ্য ব্যক্তিগণ চিন্তিত হইবে যে, তাহাদের দান গ্রহণকারী কে হইবে ?
কাহাকেও দান গ্রহণের অনুরোধ করিলে সে বলিবে, আমার প্রয়োজন নাই।

৭৪১। হাদীছ : - আ'দী ইবনে হাতেম (রাঃ) বর্ণনা করিয়াছেন, একদা
আমি নবী ছালাল্লাহু আলাইহে অসাল্লামের দরবারে উপস্থিত ছিলাম। দুই
ব্যক্তি সেখানে উপস্থিত হইল। তন্মধ্যে একজন দারিদ্রের অভিযোগ করিল,
অপর ব্যক্তি রাস্তা নিরাপদ না হওয়ার অভিযোগ জানাইল। রসূলুল্লাহ (দঃ)

বলিলেন, রাস্তা নিরাপদ না হওয়ার ক্লেশ সত্ত্বরই দূরীভূত হইবে। অল্প দিনের মধ্যেই (ইসলামের প্রভাব বিস্তারের দ্বারা) দেখিতে পাইবে যে, মদীনা হইতে সুদূর মক্কা নগরী পর্য্যন্ত বণিক দল নিরাপদে ভ্রমণ করিয়া যাইবে, পথের নিরাপত্তার অভিজ্ঞতা সম্পন্ন গোপন খবর সরবরাহকারী প্রহরী স্বরূপ কোন ব্যবস্থারও প্রয়োজন হইবে না। দরিদ্রতার বিষয়ে স্মরণ রাখিও যে, কেসামতের পূর্ববন্ধে নিশ্চয় একরূপ অবস্থার সৃষ্টি হইবে যে, এক এক ব্যক্তি স্বীয় দানের বস্তু লইয়া ইতস্ততঃ ঘোরাফেরা করিতে থাকিবে, উহা গ্রহণকারী পাইবে না।*

আর একটি বিষয় ভালরূপে জানিয়া রাখিও, তোমাদের প্রত্যেককে আল্লাহ তায়ালার সম্মুখে দণ্ডায়মান হইতে হইবে এবং দোভাষী বা উকিলের মারফৎ নয়, বরং সরাসরি আল্লাহ তায়ালার প্রশ্নমুহের উত্তর তোমার নিজেরই দিতে হইবে। আল্লাহ তায়ালা প্রশ্ন করিবেন, আমি তোমাকে ধন-দৌলত দিয়াছিলাম নয় কি? প্রত্যেকেই উত্তর দিবে, হাঁ—নিশ্চয় নিশ্চয় দিয়াছিলেন। অতঃপর প্রশ্ন করিবেন, আমি তোমার প্রতি রসূল পাঠাইয়া ছিলাম নয় কি? প্রত্যেকেই উত্তর দিবে—হাঁ। ঐ সময় ডানে বামে তাকাইয়া দোষখের আঙুন ভিন্ন আর কিছুই দেখিতে পাইবে না। (একরূপ কঠিন সময়কে স্মরণ করিয়া) প্রত্যেকের আশু কর্তব্য—সাধ্যানুযায়ী দান-খয়রাত করিয়া দোষখ হইতে পরিত্রাণ লাভের চেষ্টা করিয়া যাওয়া। একটি খুরমার অংশমাত্র দান করার সামর্থ্য থাকিলে তাহাও করিবে। কোন কিছু দানের সামর্থ্য না থাকিলে, অন্ততঃ উপকারজনক কথা বলিয়া একরূপ ছওয়াব হাঙ্গল করিবে। (যেমন—উপদেশ মূলক কথা, বিবাদ মিটানোর কথা, কাহারও ক্রোধ প্রশমিত করার কথা ইত্যাদি।)

৭৪২। হাদীছঃ—

عَنِ ابْنِ مُوسَى رَضِيَ اللَّهُ تَعَالَى عَنْهُ

عَنِ النَّبِيِّ صَلَّى اللَّهُ عَلَيْهِ وَسَلَّمَ لِبَيَّانَيْنِ عَلَى النَّاسِ زَمَانٌ يَطُوفُ

الرَّجُلُ نِيَّةً بِاللَّيْثَةِ مِنَ الذَّهَبِ ثُمَّ لَا يَجِدُ أَحَدًا يَأْخُذُهَا مِنْهُ

* রসূলুল্লাহ ছালাল্লাহু আলাইহে অসাল্লামের উত্তরের সারমর্ম এই যে, ধন-দৌলত অস্থায়ী বস্তু এবং ধন-দৌলত সংশ্লিষ্ট সুখ-দুঃখও অস্থায়ী। তাই এসবের সমাধানে মগ্ন না হইয়া আখেরাতের নাজাত, কামিয়াবী ও সুখ-শান্তির জন্ম সচেষ্ট হওয়া আবশ্যিক। এই উদ্দেশ্যেই হযরত রসূলুল্লাহ ছালাল্লাহু আলাইহে অসাল্লাম এখানে আখেরাতের জীবনের একটি অবস্থাকে বিশেষরূপে হৃদয়স্পর্শী ভাষায় বর্ণনা করিয়াছেন যে, তোমাদের প্রত্যেককেই আল্লাহর সম্মুখে উপস্থিত হইতে হইবে এবং সরাসরি প্রশ্নোত্তরের সম্মুখীন হইতে হইবে ইত্যাদি ইত্যাদি।

وَبَرَى الرَّجُلُ الْوَاحِدَ يَتَّبِعُهُ أَرْبَعُونَ امْرَأَةً يُلْذَنَ بِهِ مِنْ قِلْدَةٍ
الرِّجَالِ وَكَثْرَةِ النِّسَاءِ ۝

অর্থ—আবু মুছা (রাঃ) নবী ছালাল্লাহু আলাইহে অসাল্লাম হইতে বর্ণনা করিয়াছেন, মান্ননের সম্মুখে এমন এক সময় উপস্থিত হইবে যখন এক একজন লোক স্বর্ণের বোঝা লইয়া দান-খয়রাত করার জন্ত ছুটাছুটি করিবে, কিন্তু উহা গ্রহণকারী খুজিয়া পাইবে না এবং পুরুষের সংখ্যা লোপ পাইয়া নারীর সংখ্যা এত অধিক হইবে যে, এক একটি পুরুষের ভরণ-পোষণে চল্লিশজন নারী আশ্রিতা হইবে।

ব্যাখ্যা :—উল্লিখিত হাদীছ সমূহে দান-খয়রাত গ্রহণকারী পাওয়া যাইবে না বলিয়া যে ভবিষ্যদ্বাণী করা হইয়াছে, উহা কেয়ামতের নিকটবর্তী সময়ে বাস্তবায়িত হইবে এবং ধন-দৌলতের আধিক্যের ভবিষ্যদ্বাণীও তখনই প্রকাশিত হইবে। অন্তিম শয্যায় মুগ্ধ ব্যক্তি যেরূপ মৃত্যুর পূর্বক্ষণে স্বীয় জীবনী শক্তির সর্বশেষ অবশিষ্টাংশটুকুর সর্বস্ব একযোগে প্রকাশ করিয়া দেয় ; যদ্বন্ধন ঐ ব্যক্তিকে মুহূর্তের জন্ত সুস্থবৎ দেখা যায়, কিন্তু বস্তুতঃ উহাই তাহার অবলুপ্তির সর্বশেষ নিদর্শন। কারণ, জীবনী শক্তির কণামাত্রও তখন আর তাহার দেহান্তরে অবশিষ্ট নাই, সে উহার সবটুকুই বাহির করিয়া দিয়াছে। তজ্জপ ভূমণ্ডলও তাহার অন্তিম সময় স্বীয় বন্ধে প্রোথিত স্বর্ণ, রৌপ্য, হীরা, জহরৎ ইত্যাদি খনিজ ধন-দৌলত এবং উদ্ভিদ উৎপাদনের শক্তি ও ক্ষমতার সমগ্র অবশিষ্টাংশটুকু একযোগে প্রকাশ ও বাহির করিয়া দিবে। যাহার ফলে উদগীর্ণ বস্তুর দ্বায় স্বর্ণ রৌপ্যের পাহাড় উদ্ভাসিত হইয়া উঠিবে। ভূমির উর্বরতা শক্তির প্রতিক্রিয়ায় উদ্ভিদের এতদূর উন্নতি ও প্রাচুর্য্য হইবে যে, এক একটি আনার চল্লিশ জনের আহারের জন্ত যথেষ্ট হইবে ইত্যাদি ইত্যাদি। (যাহার বিস্তারিত বিবরণ ইনশা-আল্লাহ তায়ালা ষষ্ঠ খণ্ডে বর্ণিত হইবে।) এমতাবস্থায় কে দান-খয়রাতের প্রত্যাশী হইবে ? এতদ্ব্যতীত তখন বিশ্বমানব ভয়-ভীতি ও বিভিষিকাবস্থায় জর্জরিত ; তেমন অবস্থায় ধন-দৌলতের স্পৃহার স্থান কোথায় ?

এই সকল অবস্থা স্মরণ করতঃ ধন-দৌলতের স্পৃহার গতিরোধ করিয়া দান-খয়রাতের প্রতি অগ্রণী হওয়াই বুদ্ধিমত্তার পরিচায়ক।

দান-খয়রাত অল্প হইলেও নিয়্যত খালেছ হইলে উহার
প্রতিফল অনেক বেশী

আল্লাহ তায়ালা কোরআন শরীফে ফরমাইয়াছেন—

وَمَثَلُ الَّذِينَ يُنْفِقُونَ أَمْوَالَهُمْ ابْتِغَاءَ مَرْضَاتِ اللَّهِ وَتَثْبِيتًا مِّنْ أَنفُسِهِمْ كَمَثَلِ جَذَّةٍ بِرَبْوَةٍ أَصَابَهَا وَابِلٌ فَآتَتْ أُكُلَهَا ضِعْفَيْنِ فَإِن لَّمْ يُسْبِغْهَا وَابِلٌ ذُطِّلَ - وَاللَّهُ بِمَا تَعْمَلُونَ بَصِيرٌ ০

অর্থ—যাহারা স্বীয় ধন-দৌলত দান করিয়া থাকে আল্লাহর সন্তুষ্টি লাভের উদ্দেশ্যে এবং নিজকে নেক কার্যে অভ্যস্ত করার উদ্দেশ্যে, তাহাদের দানকৃত বস্তুর অবস্থা ঐ বাগিচার হায় যে বাগিচা পাহাড়ি অঞ্চলের কোন উচ্চ টিলার উপর অবস্থিত, (যাহার উর্বরাশক্তি অত্যন্ত বেশী হয়) এবং উহার উপর পর্যাপ্ত পরিমাণে বারিপাত হইয়াছে, ফলে উহার উৎপাদন দ্বিগুণ বাড়িয়া গিয়াছে। ঘটনাক্রমে কোন সময় যদি উহার উপর প্রবল বারিপাত না হইয়া অল্প বৃষ্টিও হয় তবুও উহাতে যথেষ্ট উৎপন্ন হইয়া থাকে, (যেহেতু ঐরূপ জমি অতিশয় উর্বরা)। আল্লাহ তায়ালা তোমাদের সমুদয় কর্মের খোঁজ রাখেন। (৩ পাঃ ৪ রূঃ)

ব্যাখ্যা :—আয়াতের তাৎপর্য এই যে, খালেছ নিয়্যতে আল্লাহর রাস্তায় দান-খয়রাত উল্লিখিত জমি তুল্য। তাই খালেছ নিয়্যতে অধিক পরিমাণে আল্লাহর রাস্তায় দান করিলে অত্যধিক প্রতিফল লাভে কোন সন্দেহই নাই। আর অল্প পরিমাণ দান খালেছ নিয়্যতে করিলে উহাতেও প্রতিফল লাভ হইবে, যেরূপ উর্বরা জমিতে বৃষ্টি কম হইলেও ফসল যথেষ্ট লাভ হইয়া থাকে।

৭৪৩। হাদীছ :—আবু মসউদ (রাঃ) বর্ণনা করিয়াছেন, যখন দান-খয়রাতের বিশেষ ছওয়াব ও ফজিলত বর্ণিত আয়াত সমূহ নাজেল হইল, তখন আমরা দান-খয়রাতের প্রবল আগ্রহে মাতিয়া উঠিলাম। এমনকি, বোঝা বহন ইত্যাদি গায়ে খাটা পারিশ্রমিক দ্বারা দান-খয়রাতের সুযোগ লাভে সচেষ্ট হইলাম। (আবদুর রহমান ইবনে আউফ (রাঃ) নামক ধনী ব্যবসায়ী ছাহাবী) একদা অনেক মাল খয়রাত করিলেন। মোনাফেকরা দোষারোপ করিয়া বলিতে লাগিল, সে লোক-দেখানো উদ্দেশ্যে দান করিতেছে। (আবু আকীল (রাঃ) নামক আর এক ছাহাবী বোঝা উঠাইয়া সেই হাড়ভাঙ্গা খাটুনির পারিশ্রমিক দ্বারা) প্রায় চারি সের খাদ্যবস্তু খয়রাত করিলেন। তখন মোসাফেকরা ঐরূপ বিজ্ঞপোক্তি করিল যে, আল্লাহ তায়ালা তোমার এই অল্প পরিমাণ দানের প্রত্যাশী নহেন।

মোনাফেকদের ঐরূপ কু-উক্তির নিন্দায় এই আয়াতটি নাজিল হইল—

الَّذِينَ يَلْمِزُونَ الْمُطَّوِّعِينَ مِنَ الْمُؤْمِنِينَ فِي الْإِصْدَاقِ وَالَّذِينَ

لَا يَجِدُونَ إِلَّا جَهْدَهُمْ يُنْفِخُونَ مِنْهُمْ - سَخِرَ اللَّهُ مِنْهُمْ - وَلَهُمْ

عَذَابٌ أَلِيمٌ ০

অর্থঃ—উহারা মোনাফেক, যাহারা এসব মোমেনগণের প্রতি দোষারোপ করিয়া থাকে, যাহারা মনের খাহেশ ও উৎসাহে সন্তুষ্টচিত্তে (অধিক মাল) দান-খয়রাত করিয়া থাকে এবং ঐ মোমেনগণের প্রতিও কটাক্ষ করে যাহারা অতি কষ্টে অজ্জিত (অল্প পরিমাণ) পারিশ্রমিক হইতে অধিক কিছু দান করিতে সক্ষম না হওয়ায় ঐ অল্প পরিমাণ পারিশ্রমিকই দান-খয়রাত করিয়া থাকে ; ছুরাচার মোনাফেকরা তাহাদের প্রতি বিক্রপোক্তি করিয়া থাকে। আলাহ তায়ালা এসব ছুরাচারদিগকে তাহাদের এই কু-কর্মের প্রতিফল ভোগে বাধ্য করিবেন এবং তাহাদের জন্ত ভীষণ কষ্টদায়ক শাস্তি রহিয়াছে। (১০ পাঃ ১৬ কঃ)

৭৪৪। হাদীছ :—আবু মসউদ (রাঃ) বর্ণনা করিয়াছেন, রসুলুল্লাহ ছাল্লাল্লাহু আলাইহে অসাল্লাম স্বীয় ছাহাবীদের মধ্যে কোন ব্যক্তিকে দান-খয়রাতের প্রতি উৎসাহিত করিলে সে উৎসাহে মাতিয়া উঠিত ; এমনকি হাটে বাজারে যাইয়া মোট বহন ইত্যাদি পরিশ্রমের কাজ করিয়া সামান্য কিছু উপার্জন করিয়া আনিত। (এবং উহা দান করিত ; সেই যমানায় সাধারণতঃ ছাহাবীদের জমা করা ধন-দৌলত ছিল না।) আজ এক একজন মোদলমান লক্ষপতি। (কিন্তু দান-খয়রাতের সেই আগ্রহ ও উৎসাহের শিথিলতা পরিলক্ষিত হইতেছে।)

৭৪৫। হাদীছ :—আয়েশা (রাঃ) বর্ণনা করিয়াছেন, একদা একটি ভিখারিণী দরিদ্রা নারী আমার ঘরে আদিল, তাহার সঙ্গে তাহার দুইটি শিশু কন্যাও ছিল। আমি তাহাকে একটি মাত্র খুরমার অধিক আর কিছুই দিতে পরিলাম না। ঐ খুরমাটি পাইয়া সে নিজে উহার একটু অংশও খাইল না, কন্যাদ্বয়কে দিয়া দিল ; অতঃপর সে চলিয়া গেল। এমতাবস্থায় নবী ছাল্লাল্লাহু আলাইহে অসাল্লাম আমার গৃহে তশরীক আনিলেন। আমি তাঁহাকে ঐ ঘটনা শুনাইলাম। নবী (দঃ) বলিলেন, যে ব্যক্তি মেয়েদের ভরণ-পোষণ জোটানোর জন্ত কষ্ট সহ করিয়া যাইবে ঐ ব্যক্তির জন্ত সেই মেয়েগণ দোষহ হইতে পরিত্রাণের অবলম্বন হইবে।

ধানের প্রতি আকর্ষণ ও প্রয়োজন থাকাবস্থায় দান করা অধিক প্রশংসনীয়

অর্থাৎ—অনেক সময় মানুষ এমন অবস্থায় পতিত হয় যে, তখন ছনিয়ার প্রতিটি বস্ত্র হইতে সে বিচ্ছেদ ও বিদায় অতি স্নিকটে দেখিতে থাকে। এমতাবস্থায় কোন বস্ত্রের প্রয়োজন বা কোন বস্ত্রের প্রতি আকর্ষণ তাহার অন্তরে স্থান পায় না। তেমন অবস্থায় দান-খয়রাত করিলেও ছাওয়াব হইতে বঞ্চিত হইবে না বটে, কিন্তু এরূপ অবস্থার পূর্বেই দান-খয়রাত করা অধিক প্রশংসনীয়, ইহার কারণ অতি সুস্পষ্ট। আল্লাহ তায়ালা কোরআন শরীফে বলিয়াছেন—

اَتَّقُوا مِمَّا رَزَقَكُم مِّن قَبْلِ اَنْ يَّاتِيَ اَحَدَكُمُ الْمَوْتُ فَيَعْلَمَ رَبُّهُ
لَوْلَا اَخْرَجْتَنِيْ اِلٰى اَجَلٍ قَرِيْبٍ فَاَمْدَقَ وَاَكُن مِّنَ الصَّالِحِيْنَ - وَلَنْ
يُّؤَخَّرَ اللّٰهُ نَفْسًا اِذَا جَاءَ اَجَلُهَا وَاللّٰهُ خَبِيْرٌۢ بِمَا تَعْمَلُوْنَ ০

অর্থ—তোমরা আমারই প্রদত্ত ধন হইতে আমার রাস্তায় দান কর মৃত্যু উপস্থিত হইবার পূর্বে। নতুবা মৃত্যু উপস্থিত হইলে পর তখন অন্ততপ্ত হইয়া এক একজন এই উক্তি করিবে, হে পরওয়ারদেগার! কেন আমাকে আরও কিঞ্চিৎ সময় ও সুযোগ দান করিলেন না, তবেই ত আমি দান-খয়রাত করিতাম এবং নেক কাজ করিয়া নেক লোকদের দলভুক্ত হইতাম? স্মরণ রাখিও—কোন প্রাণীর মৃত্যু-সময় উপস্থিত হইলে পর তাহাকে আর (বাঁচিয়া থাকিবার জগ) এক মুহূর্ত সময়ও দান করা হইবে না। আল্লাহ তায়ালা তোমাদের সমুদয় কৃত কর্মের খোঁজ রাখেন (২৮ পাঃ ১৪ রূঃ)। আল্লাহ তায়ালা আরও বলিয়াছেন—

يٰۤاَيُّهَا الَّذِيْنَ اٰمَنُوْا اَنفِقُوْا مِمَّا رَزَقَكُم مِّن قَبْلِ اَنْ يَّاتِيَ يَوْمٌ
لَّاۤ يَبْعُ فِيْهِ وَا لَا خَلَّةٌ وَّلَا شَفَاعَةٌ ০

অর্থ—হে মোমেনগণ! আমার দেওয়া ধন হইতে আমার রাস্তায় খরচ কর ঐ দিন আসিবার পূর্বে যে দিন কোন প্রকার খরিদ-বিক্রী তথা ব্যবসায়ের সুযোগ থাকিবে না এবং শুধু বন্ধুত্ব বা সুপারিশ কার্য্যকরী হইবে না। (৩পাঃ ২রূঃ)

৭৪৬। হাদীছ :- আবু হোরায়া (রাঃ) বর্ণনা করিয়াছেন, একদা এক ব্যক্তি নবী ছালাল্লাহু আলাইহে অসাল্লামের খেদমতে উপস্থিত হইয়া জিজ্ঞাসা করিল, কিরূপ দান-খয়রাতের ছওয়াব বেশী বড়? নবী (দঃ) বলিলেন, এমন অবস্থায় দান-খয়রাত কর যখন তুমি সুস্থ সবল আছ, ধনের প্রতি তোমার আকর্ষণ বিद्यমান আছে, দরিদ্র অভাবগ্রস্ত হওয়ার ভয় ভীতিও আছে এবং তুমি ধনাঢ্য হওয়ার প্রতি লালায়িত আছ—এইরূপ অবস্থায় দান করার ছওয়াব বেশী।

দান-খয়রাত করিতে এরূপ বিলম্ব করিও না যে, যখন তোমার শেষ নিঃশ্বাস কণ্ঠনালী পর্য্যন্ত আসিয়া গিয়াছে, তখন তুমি (দরিদ্র-মিছকীনদের নাম লইয়া) বলিতে থাক, অমুককে এত দিলাম, অমুককে এত দিলাম। অথচ তুমি যে অবস্থায় পৌঁছিয়াছ সে অবস্থায় স্বীয় ধন-দৌলতের উপর হইতে তোমার কতৃৎসের অবসান ঘটয়! উহার উপর উত্তরাধিকারিগণের স্বত্ব স্থাপিত হইয়া গিয়াছে। (এমতাবস্থায় তুমি সমুদয় ধন দান করিয়া ফেলিলেও তাহা গ্রাহ্য হইবে না)।

মছআলাহ :- মানুষ মৃত্যুশয্যায় পতিত হইলে পর তাহার সৎস্বাদিকার ও কতৃৎ স্বীয় ধন-সম্পত্তির মাত্র এক তৃতীয়াংশের মধ্যে সীমাবদ্ধ হইয়া যায়, বাকি দুই তৃতীয়াংশের সঙ্গে উত্তরাধিকারিগণের স্বত্বের সম্পর্ক স্থাপিত হইয়া যায়। উল্লিখিত হাদীছে এই বিষয়ের প্রতিই ইঙ্গিত করা হইয়াছে।

৭৪৭। হাদীছ :- আয়েশা (রাঃ) বর্ণনা করিয়াছেন, একদা নবী ছালাল্লাহু আলাইহে অসাল্লামের এক বিবি তাঁহার নিকট জিজ্ঞাসা করিলেন, (আপনি যদি আমাদের পূর্বেই ইহলোক ত্যাগ করিয়া যান তবে) আপনার সঙ্গে মিলিত হওয়ায় আমাদের মধ্য হইতে অগ্রগামিনী কে হইবে? নবী (দঃ) বলিলেন, তোমাদের মধ্যে যাহার হস্ত অধিক লম্বা সে-ই আমার সহিত মিলনে অগ্রগামিনী হইবে। এতদশ্রবনে বিবিগণ প্রত্যেকেই নিজ নিজ হাত কক্ষি দ্বারা মাপিলেন। দেখা গেল, ছওদা রাজিয়াল্লাহু তায়ালা আনহার হস্ত সর্বোচ্চ লম্বা। (তখন সকলেই ভাবিলেন, তিনিই সর্বোচ্চে মিলন লাভে সৌভাগ্যবতী হইবেন), কিন্তু পরে আমরা বুঝিতে পারিলাম, নবী ছালাল্লাহু আলাইহে অসাল্লামের বাবো— “যাহার হস্ত অধিক লম্বা” এর উদ্দেশ্য ছিল অধিক দানশীলতা। কারণ হযরতের ইহজগত ত্যাগের পর বিবিগণের মধ্য হইতে যিনি সর্বোচ্চে হযরতের মিলন লাভ (অর্থাৎ মৃত্যু বরণ) করেন তিনি (হইলেন যয়নব (রাঃ); অথচ যয়নব (রাঃ) বিবিগণের মধ্যে খর্বকায় ছিলেন, তাঁহার হস্তও খাট ছিল। কিন্তু তিনি সর্বোচ্চ দানশীল ছিলেন। (তিনি নানাবিধ হস্ত কার্যের দ্বারা উপার্জন করিয়া তাহা দান-খয়রাত করিতে অভ্যস্তা ছিলেন। দান-খয়রাতের প্রতি তাঁহার হৃদয় অনুরাগিণী আর কেহই ছিলেন না)।

প্রকাশ্য দান-খয়রাত করা

আল্লাহ তায়ালা কোরআন শরীকে বলিয়াছেন—

الَّذِينَ يُنْفِقُونَ أَمْوَالَهُمْ بِاللَّيْلِ وَالنَّهَارِ سِرًّا وَعَلَانِيَةً فَلَهُمْ أَجْرُهُمْ عِنْدَ رَبِّهِمْ وَلَا خَوْفٌ عَلَيْهِمْ وَلَا هُمْ يَحْزَنُونَ ০

অর্থ—যাহারা স্বীয় ধন (আল্লার রাস্তায়) দান করিয়া থাকে রাত্রিকালে এবং দিনের বেলায়, গোপনে এবং প্রকাশ্যে, তাহাদের জন্য তাহাদের (কর্মের) পুরস্কার তাহাদের পরওয়ারদেগারের নিকট নির্দ্ধারিত রহিয়াছে এবং তাহারা কোন ভয়ের সম্মুখীন হইবে না এবং দুশ্চিন্তারও সম্মুখীন হইবে না। (৩ পাঃ ৬ রূঃ)

গোপনে দান-খয়রাত করা

আল্লাহ তায়ালা কোরআন শরীফে বলিয়াছেন—

إِنْ تُبْدُوا الصَّدَقَاتِ فَنَنْعِمَ هِيَ - وَإِنْ تُخْفَوْهَا وَتَوَثُّوْهَا الْفُقَرَاءُ فَهُوَ خَيْرٌ لَّكُمْ - وَيُكَفِّرُ عَنْكُمْ مِنْ سَيِّئَاتِكُمْ - وَاللَّهُ بِمَا تَعْمَلُونَ خَبِيرٌ ০

অর্থ—যদি তোমরা প্রকাশ্যে দান-খয়রাত কর তবে তাহা অত্যন্ত ভাল কাজ, আর যদি গোপনভাবে গরীব দুঃস্থকে দান কর তবে তাহা অধিক উত্তম। দান-খয়রাত তোমাদের গোনাহের বিলুপ্তি সাধন করিবে। আল্লাহ তায়ালা তোমাদের সমুদয় কৃতকর্মের খবর রাখেন। (৩ পাঃ ৫ রূঃ)

এখানে ইমাম বোখারী (রঃ) ৪০০নং হাদীছ খানার প্রতি ইঙ্গিত করিয়াছেন।

অজ্ঞাতসারে অনুপযুক্ত পাত্র দান করিলে

৭৪৮। হাদীছঃ—আবু হোরায়া (রাঃ) হইতে বর্ণিত আছে, একদা রসূলুল্লাহ ছালাল্লাহু আলাইহে অসাল্লাম একটি ঘটনা বর্ণনা করিলেন—এক ব্যক্তি একদা রাত্রিবেলায় এই পণ করিল যে, এই রাত্রে আমি কিছু দান-খয়রাত করিব। এই পণ করিয়া সে দানের বস্তু লইয়া ঘর হইতে বাহির হইল এবং একজনকে দান করিল। ঘটনাক্রমে ঐ দান গ্রহণকারী একজন চোর ছিল। ভোর হইলে পর সকলেই বলাবলি করিতে লাগিল, রাত্রিবেলায় এক চোরকে খয়রাত দান করা হইয়াছে। ঐ দানকারী ব্যক্তি ইহা জানিতে পারিয়া আল্লার প্রশংসা ও শোকরিয়া আদায় করিল (যে, এরচেয়ে অধিক জঘন্য পাত্র তাহার দান প্রদত্ত

হয় নাই)। পরদিন রাত্রে পুনরায় সে ঐরূপ পণ করিল এবং দানের বস্তু লইয়া বাহির হইল। আজ তাহার দান একটি পতিতা নারীর হাতে পড়িল। ভোর হইলে পর সকলেই বলাবলি করিতে লাগিল, অতঃপরে এক অসতী পতিতা নারীকে খয়রাত দান করা হইয়াছে। ঐ ব্যক্তি এই ঘটনা জানিতে পারিয়া আল্লাহ প্রশংসা ও শোকরিয়া অ'দায় করিল (যে, এরচেয়ে অধিক জঘন্য পাত্রে তাহার দান প্রদত্ত হয় নাই)। পরদিন রাত্রে আবার সে ঐরূপ পণ করিয়া দানের বস্তু লইয়া বাহির হইল। আজ তাহার দান এক ধনাঢ্য ব্যক্তির হাতে পড়িল (যে দান-খয়রাতের যোগ্য পাত্র নহে)। ভোর হইলে লোকের মুখে এই বলাবলি হইতে লাগিল যে, অতঃপরে এক ধনাঢ্য ব্যক্তিকে খয়রাত দান করা হইয়াছে। এইবার ঐ দানকারী ব্যক্তি ঘটনা জানিতে পারিয়া এই উক্তি করিল যে, হে আল্লাহ! আমার দান চোরের হস্তে, অসতী নারীর হস্তে এবং দানের অযোগ্য ধনাঢ্য ব্যক্তির হস্তে অর্পিত হইয়াছে—সর্ববাবস্থায়ই তোমার প্রশংসা ও শোকর যে, তুমি আমাকে তৌফিক দান করিয়াছ। (কিন্তু সে ভাবিল, তাহার দান যোগ্য ও শুদ্ধ পাত্রে প্রদত্ত না হওয়ায় তাহার দান নিষ্ফল হইয়াছে।) স্বপ্নের মধ্যে কেহ আসিয়া তাহাকে সান্ত্বনা দান করতঃ বলিয়া গেল, স্মরণ রাখিও। তোমার যে দান চোরের হস্তে প্রদত্ত হইয়াছে (তাহা আল্লাহ দরবারে কবুল হইয়াছে, কারণ) উহা দ্বারা এই সুফল ফলিতে পারে যে, ঐ চোর এই ধন পাইয়া চুরি পরিত্যাগ করতঃ সাধু হইয়া যাইতে পারে। তদ্রূপ যে দান পতিতার হাতে প্রদত্ত হইয়াছে (তাহাও কবুল হইয়াছে, কারণ) উহার এই সুফল ফলিতে পারে যে, ঐ পতিতা এই ধনের অছিলায় স্বীয় পতিতাবৃত্তি ত্যাগ করিয়া সং হইয়া যাইতে পারে। অতঃপর যে দান ধনাঢ্য ব্যক্তির হস্তে পড়িয়াছে (উহাও কবুল হইয়াছে, কারণ) উহার দ্বারা এই সুফল ফলিতে পারে যে, ঐ ধনাঢ্য ব্যক্তি দান করার অনুপ্রেরণা ও শিক্ষা লাভ করিয়া সে স্বীয় ধন আল্লাহ রাস্তায় খরচ করায় অভ্যস্ত হইতে পারে।

অজ্ঞাতসারে স্বীয় পুত্রকে দান-খয়রাত করিলে

৭৪৯। হাদীছ :- ইয়াযীদ (রাঃ) নামক ছাহাবীর পুত্র মাযা'ন (রাঃ) বর্ণনা করিয়াছেন, আমি এবং আমার পিতা ও পিতামহ আমরা সকলে একত্রেই রসুলুল্লাহ ছাল্লাল্লাহু আলাইহে অসাল্লামের হস্তে ইসলাম গ্রহণে অঙ্গীকারাবদ্ধ হইয়াছিলাম। রসুলুল্লাহ (দঃ) স্বয়ং আমার বিবাহ প্রস্তাব দান করিয়াছিলেন এবং বিবাহ পড়াইয়াছিলেন। (অর্থাৎ হযরতের সঙ্গে আমাদের প্রগাঢ় সম্পর্ক ছিল।) একদা আমি তাঁহার খেদমতে নালিশ করিলাম যে, আমার পিতা কতগুলি স্বর্ণ-মুদ্রা

খয়রাত করার নিয়তে (যোগ্য পাত্রে উহা দান করার জন্ত) মসজিদের মধ্যে এক ব্যক্তির নিকট রাখিয়া আসিলেন। ঐ ব্যক্তি আমার পরিচয় জানিত না এবং আমিও এই মুদ্রাগুলি আমার পিতা কর্তৃক প্রদত্ত বলিয়া জ্ঞাত ছিলাম না। আমি নিঃশব্দ গরীব ছিলাম; নিজস্ব কোন সম্পদ আমার ছিল না, তাই ঐ ব্যক্তি ঐ স্বর্ণ-মুদ্রাগুলি আমাকে দান করিলেন, আমিও উহা গ্রহণ করিলাম। আমার পিতা এই ঘটনা জানিতে পারিয়া আমাকে বলিলেন, এই মুদ্রা তোমাকে দান করার আমার আদৌ ইচ্ছা ছিল না। (অর্থাৎ আমার নিয়তেই পরিপন্থি হওয়ায় উহা ফিরাইয়া দিতে হইবে।) আমি উহা ফেরৎ দিতে রাজি না হইয়া রশ্বনুল্লাহ্ ছাল্লাল্লাহু আলাইহে অসাল্লামের দরবারে এই বিষয়ে অভিযোগ দায়ের করিলাম। হযরত (দঃ) আমার পিতাকে ডাকিয়া বলিলেন, তুমি যে, দান করার নিয়তে করিয়াছ তাহার ছওয়াব পূরাপুরিই লাভ করিবে (যদিও অজ্ঞাতসারে উহা তোমারই পুত্রের হস্তগত হইয়াছে) এবং আমাকে বলিলেন, তুমি যাহা লইয়াছ তুমি উহার মালিক সাব্যস্ত হইয়া গিয়াছ।

মহুআলাহ ৪:—যাকাত, ফেৎরা ইত্যাদি ফরজ ওয়াজেব দান অবশ্যই শরীয়ত কর্তৃক নিৰ্দ্ধারিত পাত্রে দিতে হয়। যাকাত গ্রহণের অযোগ্য পাত্র যেমন—নেছাব পরিমাণ মালের মালিক বা স্বীয় সন্তান-সন্ততি বা পিতা-মাতা ইত্যাদিকে যাকাত, ফেৎরা দিলে আদায় হইবে না। আলোচ্য হাদীছের দান যাকাত ছিল না, নফল ছদকা ছিল; নফল ছদকা নিজের গরীব সন্তানকে দেওয়া যায়।

স্বীয় প্রয়োজনাত্তিরিক্ত বস্তু হইতে দান করিবে

শরীয়ত অনুমোদিত দান-খয়রাত উহাই যদ্বন্ধনু নিজে কাঙ্গাল হইতে না হয় বা কোন ওয়াজেব হক আদায় করিতে ব্যঘাত না ঘটে। দান-খয়রাত করিয়া নিজে ভিখারী হওয়া বা স্বীয় পরিবারবর্গকে ভিখারী করা শরীয়ত বিরোধী কাজ। তদ্রূপ ঋণ পরিশোধ না করিয়া খয়রাত করা, দান করা ইত্যাদি শরীয়ত বিরোধী। এমনকি, কোন ব্যক্তি ঋণে পূর্ণ পরিবেষ্টিত হইয়া পড়িলে অর্থাৎ তাহার সম্পূর্ণ সম্পত্তির সমান ঋণ থাকিলে মহাজনদের অভিপ্রায় অনুসারে শাপন পরিচালক কাজী ঐ ব্যক্তির উপর দান-খয়রাত ইত্যাদি হস্তান্তর কার্যে নিষেধাজ্ঞা প্রবর্তন করিবেন। এমতাবস্থায় ঐ ব্যক্তির দান-খয়রাত ইত্যাদি প্রণোদ্য গণ্য হইবে না, বরং মহাজনের হক রক্ষার্থে এইরূপ ব্যক্তি কর্তৃক কৃত দান-খয়রাতের বস্তু ফেরত লওয়া হইবে। কারণ, যে ব্যক্তি ঋণ পরিশোধ না করিবে রশ্বনুল্লাহ (দঃ) তাহার প্রতি ধ্বংস হওয়ার বদ-দোয়া করিয়াছেন।

আলোচ্য বিষয়ের দলীল এই—কাআ'ব ইবনে মালেক (রাঃ) ছাহাবী এক ঘটনায় রসুলুল্লাহ ছাল্লাল্লাহু আলাইহে অসাল্লামের নিকট অভিপ্রায় জ্ঞাপন করিলেন যে, আমি স্বীয় গোনাহ হইতে তওবা করার সঙ্গে ইহাও করিতে চাই যে, আমার সমুদয় ধন-সম্পত্তি আল্লার রাস্তায় দান করিয়া দিব। রসুলুল্লাহ (দঃ) তন্নুত্তরে বলিলেন, সমুদয় ধন দান না করিয়া কিছু সম্পত্তি নিজের জন্তও রাখ, ইহাই তোমার জন্ত উত্তম ও শ্রেয়ঃ পন্থা। তখন তিনি তাহাই করিলেন।

কোন ব্যক্তি যদি আল্লাহ তায়ালায় উপর তাওয়াক্কুল করার শীর্ষস্থানের অধিকারী হয় এবং তাহার ধৈর্য্যগুণ অত্যন্ত দৃঢ় ও প্রবল হয় তবে এরূপ ব্যক্তি-বিশেষের জন্ত এরূপ দান-খয়রাত করা জায়েয আছে যে, নিজের খাবার ব্যবস্থা না রাখিয়া গরীবের প্রতি লক্ষ্য করতঃ সর্বদা দান করিয়া দেয়। একদা রসুলুল্লাহ ছাল্লাল্লাহু আলাইহে অসাল্লামের আস্থানে সাড়া দিয়া আবু বকর (রাঃ) এইরূপ করিয়াছিলেন। (যথাস্থানে এসব ঘটনার পূর্ণ বিবরণ বর্ণিত হইবে)।

৭৫০। হাদীছ :— قَالَ أَبُو هُرَيْرَةَ رَضِيَ اللَّهُ عَنْهُ عَنْ النَّبِيِّ صَلَّى اللَّهُ عَلَيْهِ وَسَلَّمَ : وَأَبْدَأُ بِمَنْ تَعُولُ قَالَ خَيْرُ الصَّدَقَةِ مَا كَانَ عَنْ ظَهْرِ غِنًى

অর্থ—আবু হোরাযরা (রাঃ) বর্ণনা করিয়াছেন—নবী ছাল্লাল্লাহু আলাইহে অসাল্লাম বলিয়াছেন, উত্তম দান-খয়রাত উহা—যাহা প্রয়োজনাতিরিক্ত বস্তু হইতে করা হইয়া থাকে। স্বীয় ধন প্রথমে উহাদের জন্ত ব্যয় কর যাহাদের ভরণ-পোষণ তোমার জিম্মায় রহিয়াছে।

৭৫১। হাদীছ :— عَنْ حَكِيمِ بْنِ حَزَامٍ رَضِيَ اللَّهُ تَعَالَى عَنْهُ عَنْ النَّبِيِّ صَلَّى اللَّهُ عَلَيْهِ وَسَلَّمَ أَيْدِي الْعُلِيَّا خَيْرٌ مِنَ أَيْدِي السُّفَاةِ وَأَبْدَأُ بِمَنْ تَعُولُ وَخَيْرُ الصَّدَقَةِ مَا كَانَ عَنْ ظَهْرِ غِنًى وَمَنْ يَسْتَعْفِفْ يَغْفِرْهُ اللَّهُ وَمَنْ يَسْتَغْنِ يَغْنَهُ اللَّهُ

অর্থ—হাকিম ইবনে হেযাম (রাঃ) হইতে বর্ণিত আছে—নবী ছাল্লাল্লাহু আলাইহে অসাল্লাম বলিয়াছেন, উপরের (অর্থাৎ দানকারী) হস্ত নীচের (অর্থাৎ গ্রহণকারী) হস্ত অপেক্ষা উত্তম। অর্থাৎ তুমি দানকারী হইবার চেষ্টা কর; দান গ্রহণকারী হইও না।

স্বীয় ধন প্রথমে উহাদের প্রতি ব্যয় কর যাহাদের ভরণ-পোষণের দায়িত্ব ভার তোমার উপর হস্ত।

উত্তম দান-খয়রাত উহা—যাহা প্রয়োজনাতিরিক্ত বস্তু হইতে করা হইয়া থাকে।
যে ব্যক্তি ভিক্ষা করা এবং নিম্ন হস্ত তথা দান গ্রহণকারী হওয়া এড়াইয়া
চলায় সচেষ্ট হইবে, আল্লাহ তায়ালা তাহাকে সাহায্য করিবেন যেন সে ঐ সব
মলিনতা হইতে পরিচ্ছন্ন থাকিতে পারে।

যে ব্যক্তি মানুষের প্রতি প্রত্যাশা পরিহার করায় সচেষ্ট হইবে, আল্লাহ
তায়াল তাহাকে অপ্রত্যাশী থাকার ব্যাপারে সহায়তা করিবেন।

৭৫২। হাদীছ :—আবদুল্লাহ ইবনে ওমর (রাঃ) হইতে বর্ণিত আছে,
রসূলুল্লাহ ছালাল্লাহু আলাইহে অসাল্লাম মিস্বরের উপর দাঁড়াইয়া দান-খয়রাত
করা ও ভিক্ষা না করার আলোচনা প্রসঙ্গে বলিয়াছেন, উপরের হাত নীচের হাত
হইতে ভাল। উপরের হাত দানকারীর হাত এবং নীচের হাত ভিক্ষকের হাত।

দান করিয়া খোঁটা দেওয়ার পারিণতি

আল্লাহ তায়ালা বলিয়াছেন—

الَّذِينَ يُنْفِقُونَ أَمْوَالَهُمْ فِي سَبِيلِ اللَّهِ ثُمَّ لَا يُتَّبِعُونَ مَا أَنْفَقُوا
مَنْ لَا أَرْزَى لَهُمْ أَجْرُهُمْ رَبِّهِمْ وَلَا خَوْفٌ عَلَيْهِمْ وَلَا هُمْ يَحْزَنُونَ ۝

অর্থ—যাহারা আল্লাহর সন্তুষ্টি লাভে তাহাদের মাল (দান করায়) ব্যয় করে
তারপর সেই দানের উপর খোঁটা না দেয় এবং উৎপীড়ন না করে তাহাদের জন্ত
তাহাদের প্রভু-পরওয়ারদেগারের নিকট প্রতিদান রহিয়াছে এবং আখেরাতে
তাহাদের কোন ভয় থাকিবে না এবং চিন্তারও কারণ থাকিবে না।—(৩পাঃ ৪৯ঃ)

ব্যাখ্যা :—এই আয়াত দ্বারা স্পষ্টতঃই প্রমাণ হয় যে, কাহাকেও দান করিয়া
তাহাকে খোঁটা দেওয়া হইলে বা উৎপীড়ন করা হইলে সেই দানের কোন ফল
আল্লাহ তায়ালা নিকট পাওয়া যাইবে না।

এই মর্মে আরও একখানা আয়াত ৩ পাঃ ৪ ৯ঃ হইতে পূর্বের বর্ণিত হইয়াছে।

দান-খয়রাতের জন্ত সুপারিশ করা

৭৫৩। হাদীছ :—আবু মুছা (রাঃ) বর্ণনা করিয়াছেন রসূলুল্লাহ ছালাল্লাহু
আলাইহে অসাল্লামের নিকট কোন ভিক্ষুক বা অভাবগ্রস্ত প্রয়োজনপ্রার্থী ব্যক্তি
আসিলে তিনি উপস্থিত লোকদেরকে আদেশ করিতেন, তোমরা এই ব্যক্তির
অভাব মোচনের জন্ত আমার নিকট সুপারিশ ও অনুরোধ কর, ফলে তোমরাও
ছওয়াব লাভ করিবে। অবশ্য আল্লাহ তায়ালা আমাকে যেক্রপ তৌফিক দান

করিবেন (সর্ববাস্তায়—তোমাদের সুপারিশ ব্যতিরেকেও) আমার মুখে ঐরূপ উত্তরই বাহির হইবে। (কিন্তু তোমরা স্বীয় কার্যের ছওয়াব লাভ করিবে।)

ব্যাখ্যা :—হযরত রসুলুল্লাহ ছালাল্লাহু আলাইহে অসাল্লাম সর্বদা ঐরূপ উপায় উদ্ভাবন করিয়া থাকিতেন যদ্বারা তাঁহার উন্নতগণ অতি সহজে পুণ্য ও ছওয়াব হাসিল করিতে পারে। উল্লিখিত হাদীছে বর্ণিত শিক্ষাটি ঐরূপ একটি ছওয়াব হাসিলের অমূল্য উপায়। কত সুন্দর উপায়! একজন লোক মনস্থ করিয়াছে দশটি টাকা এক ভিক্ষুককে দান করিবে। এমনাবস্থায়ও যদি কেহ সুপারিশকারী হয় এবং সুপারিশের পরেও সে দশ টাকাই দান করে, এ-স্থলে ঐ সুপারিশের দ্বারা কোন অতিরিক্ত ফলোদয় না হওয়া সত্ত্বেও সুপারিশকারী ছওয়াবের ভাগী হইবে। এমনকি, কোন স্থলে দানকারী স্বীয় দান হইতে বিরত থাকিলেও সেস্থলে সুপারিশকারী ছওয়াব লাভ করিবে। ইসলামের বিধান এই যে, নেক কাজের প্রতি আহ্বানেও ছওয়াব লাভ হয়। উল্লিখিত হাদীছের শিক্ষানুযায়ী একটি দানের অছিলায় অনেক লোক ছওয়াব লাভে সক্ষম হইবে।

৭৫৪। হাদীছ :—আছমা (রাঃ) বর্ণনা করিয়াছেন, আমি নবী ছালাল্লাহু আলাইহে অসাল্লামের নিকট আসিলে তিনি আমাকে বলিলেন, তোমার ধনের খলিয়া গরীব-দুঃখী হইতে বাঁধিয়া রাখিও না, নতুবা আল্লাহ তায়ালাও স্বীয় ধন-ভাণ্ডার তোমার জন্ত বন্ধ করিয়া দিবেন। আল্লাহ রাস্তায় খরচ করা বন্ধ করিও না এবং কড়া-ক্রান্তি হিসাব করিও না, নতুবা আল্লাহ তায়ালাও তোমার প্রতি ঐরূপ ব্যবহার করিবেন। যথাসাধ্য আল্লাহ রাস্তায় খরচ কর।

অমুসলিম থাকা অবস্থায় কৃত দান-খয়রাত

৭৫৫। হাদীছ :—হাকীম ইবনে হেযাম (রাঃ) বর্ণনা করিয়াছেন, একদা আমি জিজ্ঞাসা করিলাম—ইয়া রসুলুল্লাহ (দঃ)! আমরা ইসলাম গ্রহণের পূর্বে ছওয়াব ও পুণ্য লাভের উদ্দেশ্যে যে সব দান-খয়রাত ইত্যাদি করিয়া থাকিতাম, আমরা কি উহার ছওয়াবের অধিকারী হইব? তদন্তরে নবী ছালাল্লাহু আলাইহে অসাল্লাম বলিলেন **أَسْلَمْتُمْ عَلَىٰ مَا سَأَلَ مِنْ خَيْرٍ** “ইসলামের প্রতিক্রিয়া পূর্ববর্তী ভাল কার্য সমূহের উপর প্রযুক্তি হইয়া থাকে।”

ব্যাখ্যা :—আল্লাহ তায়ালা অপার রহমত ও অসীম করুণা যে, কোন ব্যক্তি জীবনের এক বড় অংশ তাঁহার বিদ্রোহীতায় কাটাইবার পর যখন সে তাঁহার প্রতি ফিরিয়া আসে—তথা ইসলাম গ্রহণ করে, তখন তাহার জন্ত ইসলামের দুইটি দ্বিমুখী প্রতিক্রিয়া প্রতিকলিত হইয়া থাকে—(১) ইসলাম

এহণের পূর্বে সে যে সকল আল্লাহদোহীতা ও গোনাহের কাজ করিয়াছে ইসলামের বদৌলতে সে সবই মাফ হইয়া যাইবে—**إِلَّا سَلَامٌ يَهُدَىٰ مَا كَانَ قَبْلَهُ**—“ইসলাম পূর্ববর্তী গোনাহসমূহের বিলুপ্তি সাধন করে। (২) এই অধ্যায়ের প্রারম্ভে বহু প্রমাণাদির দ্বারা ইহা প্রতিপন্ন করা হইয়াছে যে, দান-খয়রাত ইত্যাদি যে কোন নেক ও ভাল কাজ আল্লাহ তায়ালা দরবারে গ্রহণীয় হইবার এবং উহার ছওয়াব ও সফল পাইবার জন্য প্রথম শর্তই হইল ঈমান। ঈমানহীন ব্যক্তির কোন ভাল কাজই গ্রহণীয় নহে। অমুসলিম ব্যক্তি দান-খয়রাত ইত্যাদি ভাল কাজ যতই করিয়া থাকুক, ঐ শর্তানুসারে সবই নিফল প্রতিপন্ন হইয়াছে। কিন্তু সে ব্যক্তি ইসলাম ধর্ম গ্রহণ করার সঙ্গে সঙ্গেই তাহার পূর্বকৃত এসব নিফল ভাল কাজসমূহ সজীব, সতেজ ও সফল হইয়া উঠিবে এবং সে উহার ছওয়াব ও প্রতিদানের অধিকারী হইবে। উল্লিখিত হাদীছের তাৎপর্য ইহাই।

দান-খয়রাত কার্য পরিচালকের ছওয়াব

মালিকের অনুমতি ও আদেশানুযায়ী দান-খয়রাত কার্য স্তূৰূপে পরিচালক ব্যক্তিও ছওয়াবের অধিকারী হইয়া থাকে।

৭৫৬। হাদীছ :— **عَنْ عَائِشَةَ رَضِيَ اللَّهُ تَعَالَى عَنْهَا قَالَتْ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ إِذَا تَمَدَّدْتَ الْمَرْدَّةَ مِنْ طَعَامِ زَوْجِهَا غَيْرَ مُفْسِدَةٍ كَانَ لَهَا أَجْرُهَا وَلِزَوْجِهَا بِمَا كَسَبَ وَلِلْمَخَازِنِ مِثْلُ ذَلِكَ**

অর্থ—আয়েশা (রাঃ) হইতে বর্ণিত আছে, রসুলুল্লাহ ছাল্লাল্লাহু আলাইহে অসাল্লাম বলিয়াছেন—কোন স্ত্রী যদি স্বীয় স্বামীর খাদ্য সামগ্রী হইতে উহার অনিষ্ট ও ক্ষতিহীন পর্যায়ে দান-খয়রাত করে তবে স্বামী যেকোন মালিকানা স্বত্ব ছওয়াবের অধিকারী তদ্রূপ স্ত্রীও দান কার্য পরিচালিকারূপে ছওয়াবের অধিকারিণী হইবে। এমনকি, কোষাধ্যক্ষ পর্যন্ত ঐ দানের ছওয়াব লাভ করিবে।

ব্যাখ্যা :—অনেক স্থলে দেখা যায়, প্রকৃত মালিক দান-খয়রাতের আদেশ বা অনুমতি দিয়া থাকে, কিন্তু কোষাধ্যক্ষ ম্যানেজার বা কার্য পরিচালকগণ স্বীয় কুপণাত্মক প্রবৃত্তি বা অথ কোন অজুহাতের দরুণ উহাতে বিরক্তি অনুভব করিয়া থাকে, ফলে সে স্থলে দান-খয়রাত কার্যে ব্যাঘাত ঘটে। অতএব, যদি তাহারা ঐ কু-প্রবৃত্তি মুক্ত হইয়া মালিকের আয় উদারতার সহিত দান-খয়রাত কার্য পরিচালনা করে তবে তাহারাও ছওয়াব লাভ করিবে।

৭৫৭। হাদীছ :— عَنْ أَبِي مُوسَى رَضِيَ اللَّهُ تَعَالَى عَنْهُ

عَنِ النَّبِيِّ صَلَّى اللَّهُ عَلَيْهِ وَسَلَّمَ قَالَ أَلْخَازِنُ الْمُسْلِمِ الْأَمِينُ الَّذِي يُعْطِي مَا أُمِرَ بِهِ كَامِلًا مَوْفِرًا طَيِّبًا بِهِ نَفْسُهُ ذِيْدٌ ذُوهُ إِلَى الَّذِي أُمِرَ لَهُ بِهِ أَحَدُ الْمُتَمَدِّقِينَ ॥

অর্থ—আবু মুছা (রাঃ) হইতে বর্ণিত আছে, নবী ছালাল্লাহু আলাইহে অসাল্লাম বলিয়াছেন, যে আমানতদার মোসলমান কোষাধ্যক্ষ স্বীয় মনীষের আদেশানুযায়ী উৎসাহ উদ্দীপনা ও প্রকৃষ্টতার সহিত আদেশকৃত পাত্র আদেশকৃত পরিমাণ পুরোপুরিরূপে দান-খয়রাত কার্য পরিচালনা করে, সেই কোষাধ্যক্ষও একজন বিশেষ দানশীলরূপে গণ্য হইয়া থাকে।

শ্রী কর্তৃক স্বামীর ধন দান করা

৭৫৮। হাদীছ :— عَنْ عَائِشَةَ رَضِيَ اللَّهُ تَعَالَى عَنْهَا

قَالَ النَّبِيُّ صَلَّى اللَّهُ عَلَيْهِ وَسَلَّمَ إِذَا أَطْعَمْتَ الْمَرْؤَةَ مِنْ بَيْتِ زَوْجِهَا غَيْرَ مُفْسِدَةٍ لَهَا أَجْرُهَا وَلَهُ مِثْلُهُ وَلِلْخَازِنِ مِثْلُ ذَلِكَ لَهَا بِمَا أَكْتَسَبَ وَلَهَا بِمَا أَنْفَقَتْ ॥

অর্থ—আয়েশা (রাঃ) হইতে বর্ণিত আছে, নবী ছালাল্লাহু আলাইহে অসাল্লাম বলিয়াছেন, যখন কোন শ্রী স্বীয় স্বামীর ঘর হইতে গরীব দুঃখীকে অন্ন দান (বা অর্থ দান) করে, অনিষ্ট ও ক্ষতি সাধন পর্যায়ে নহে, তখন সেই শ্রী স্বীয় দান-কার্যের ছওয়ারের অধিকারিণী হয় এবং স্বামীও স্বীয় অজ্ঞিত অন্ন বা ধন খরচ ছওয়ার ছওয়ার লাভ করে। এমনকি, সেই ধনের কোষাধ্যক্ষও ছওয়ার লাভ করে।

দান-খয়রাতের সফল

আল্লাহ তায়ালা কোরআন শরীফে বলিয়াছেন—

فَمَا مِنْ آتٍ أَعْطَى وَاتَّقَى وَصَدَّقَ بِالْحُسْنَى فَسَنُيَسِّرُهُ لِلْيُسْرَى وَأَمَّا مَنِ بَخِلَ وَاسْتَغْنَى وَكَذَّبَ بِالْحُسْنَى فَسَنُيَسِّرُهُ لِلْعُسْرَى ॥

অর্থ—যে ব্যক্তি দান-খয়রাতকারী হইয়াছে, (আমার) ভয় ভক্তি অর্জন করিয়াছে এবং ভাল বস্তু (দীন-ইসলাম)কে সত্যরূপে গ্রহণ করিয়াছে, আমি অচিরেই তাহার জ্ঞান দীন-হুনিয়ার) উন্নতি ও সুযোগ সুবিধার পথ সুগম ও সহজ-সাধ্য করিয়া দিব। পক্ষান্তরে যে ব্যক্তি কুপণতাবলম্বী হইয়াছে (আমার) ভয় ভক্তির আওতা বহির্ভূত হইয়াছে এবং ভাল বস্তু (দীন-ইসলাম)কে মিথ্যা সাব্যস্ত করিয়াছে, অচিরেই আমি তাহাকে (দীন-হুনিয়ার) অবনতি ও কষ্ট-ক্লেশে নিপতিত করিব। (৩০ পাঃ ছুরা অল-লাইলে)

৭৫৯। হাদীছ :— **عن أبي هريرة قال النبي صلى الله عليه وسلم**
مَا مِنْ يَوْمٍ يُسَبِّحُ الْعِبَادُ فِيهِ إِلَّا مَلَكَانِ يَنْزِلَانِ يَقُولُ أَحَدُهُمَا
اللَّهُمَّ آعِطْ مُتَدِفًا خَلْفًا وَيَقُولُ الْآخَرُ اللَّهُمَّ آعِطْ مُتَدِفًا تَلَفًا ۝

অর্থ—আবু হোরাযরা (রাঃ) হইতে বর্ণিত আছে, নবী ছাল্লাল্লাহু আলাইহে অসাল্লাম বলিয়াছেন, মানবের জাগতিক জীবনের প্রতিটি দিনে দুইজন ফেরেশতা ভূপৃষ্ঠে অবতীর্ণ হইয়া থাকেন এবং তাঁহারা এক প্রকার বিশেষ দোয়া করেন। একজন বলেন—“হে আল্লাহ! তোমার রাস্তায় দানকারীকে উত্তম প্রতিফল দান কর।” অপরজন বলেন—“হে আল্লাহ! কুপণ ব্যক্তির জ্ঞান ধ্বংস নির্দ্বারিত কর।”

দানশীল ও কুপণ ব্যক্তিদ্বয়ের বিশেষ দৃষ্টান্ত

৭৬০। হাদীছ :— আবু হোরাযরা (রাঃ) হইতে বর্ণিত আছে, নবী ছাল্লাল্লাহু আলাইহে অসাল্লাম বলিয়াছেন, কুপণ ও দানশীল ব্যক্তিদ্বয়ের দৃষ্টান্ত একরূপ—যেমন দুই ব্যক্তি তাহাদের প্রত্যেকের গায়ে কড়া-বিশিষ্ট লোহার জামা, যাহা তাহাদের গর্দান ও গলা হইতে সীনা ও বক্ষস্থল পর্য্যন্ত পৌঁছিয়াছে। (যে রূপ পাঞ্জাবী, পিরহান গায়ে দেওয়ার প্রাথমিক অবস্থায় হয়।) অতঃপর এক ব্যক্তির অবস্থা একরূপ যে, তাহার জামার কড়াগুলি আবশ্যক মত শিথিল ও টিলা হইতে থাকায় জামাটি প্রশস্ততর হইয়া সঠিকরূপে তাহার পূর্ণ শরীরকে আবৃত করিয়া লইয়াছে। এমনকি হাতের দিকে নখগুলিকে ঢাকিয়া ফেলিয়াছে এবং পায়ের দিকে মাটি পর্য্যন্ত ঝুলিয়া পড়িয়াছে। ইহা হইল—দানশীল ব্যক্তির দৃষ্টান্ত। তাহার দানশীলতার স্বভাব তাহার হস্তকে সম্প্রসারিত করে; সে পর্য্যায়ক্রমে ধাপে ধাপে দান-খয়রাতের প্রতি অধিক অগ্রণী হইতে থাকে।

অপর ব্যক্তির অবস্থা এই যে, তাহার জামার কড়াগুলি কঠিন শক্ত ও সন্ধীর্ণ হইতে থাকায় তাহার জামা তাহাকে আড়ষ্ট করিয়া চাপিয়া রাখিয়াছে। তাহাতে

সে স্বীয় হস্ত প্রসারিত করিতে পারিতেছে না এবং তাহার জামাও প্রশস্ত হইতেছে না। ইহা হইল—কৃপণ ব্যক্তির দৃষ্টান্ত; সে কোন সময় খুশী-অখুশী ইচ্ছা-অনিচ্ছায় দান করার প্রতি একটু আগ্রহের হইতে চাহিলেও তাহার কৃপণাত্মক প্রকৃতি তাহাকে অগ্রণী হইতে দেয় না, বরং তাহার হাত-পা চাপিয়া রাখে।

স্বীয় ধন হইতে উত্তম জিনিষ দান করা চাই

আল্লাহ তায়ালা কোরআন শরীফে বলিয়াছেন—

يَا أَيُّهَا الَّذِينَ آمَنُوا أَنْفِقُوا مِنْ طَيِّبَاتِ مَا كَسَبْتُمْ وَمِمَّا أَخْرَجْنَا لَكُمْ مِنَ الْأَرْضِ - وَلَا تَيَسَّمُوا الْخَبِيثَاتِ مِنْهُ تُنْفِقُونَ وَلَسْتُمْ بِأَخَذِيهِ إِلَّا أَنْ تُغْنُوا نَفْسًا - وَاعْلَمُوا أَنَّ اللَّهَ غَنِيٌّ حَمِيدٌ ۝

অর্থ—হে ঈমানদারগণ। তোমরা স্বীয় অজ্ঞিত হালাল মাল হইতে এবং জায়গা-জমিতে যাহা কিছু আমি তোমাদের জন্য উৎপাদন করি উহা হইতে উত্তম জিনিষ (আমার রাস্তায়) ব্যয় কর। এসব মাল-সম্পদ হইতে নিকৃষ্ট বস্তুকে দান-খয়রাতের জন্য বাছিয়া লইও না। (বড়ই অনুতাপের বিষয় হইবে যে, তুমি নিকৃষ্ট বস্তুকে আল্লাহর সন্তুষ্টির জন্য ব্যয় করিতে বাছিয়া লও) অথচ ঐরূপ বস্তু কেহ তোমাকে অর্পণ করিলে তুমি তাহা কস্মিনকালেও বিনা দ্বিধায় খুশী মনে গ্রহণ করিবে না; হাঁ-নেহায়েত অনিচ্ছাকৃতভাবে। স্মরণ রাখিও আল্লাহ তায়ালা কাহারও মুখাপেক্ষী নহেন এবং তিনি সমস্ত প্রশংসার অধিকারী মহাজন। (৩ পাঃ ৫ রূঃ)

দান-খয়রাত প্রত্যেক মোসলমানের কর্তব্য। ধনের সামর্থ্য

না থাকিলে অন্য উপায়ে উপকার করিবে

৭৬১। হাদীছঃ—

عَنْ أَبِي مُوسَى رَضِيَ اللَّهُ تَعَالَى عَنْهُ
عَنِ النَّبِيِّ صَلَّى اللَّهُ عَلَيْهِ وَسَلَّمَ قَالَ عَلَى كُلِّ مُسْلِمٍ صدقةٌ فَقَالُوا
يَا نَبِيَّ اللَّهِ مَنْ لَمْ يَجِدْ قَالَ يَعْمَلْ بِبِدَةٍ فَيَنْفَعُ نَفْسَهُ وَيَتَصَدَّقُ قَالُوا
فَإِنْ لَمْ يَجِدْ قَالَ يَعِينُ ذَا الْحَاجَةِ الْمَلْهُوفُ قَالُوا فَإِنْ لَمْ يَجِدْ
قَالَ لِيَعْمَلْ بِالْمَعْرُوفِ وَلِيُمْسِكَ مِنَ الشَّرِّ ذَا نَهْلَةٍ صدقةٌ ۝

অর্থ—আবু মুছা আশয়ারী (রাঃ) হইতে বর্ণিত আছে—নবী ছালাল্লাহু আলাইহে অসাল্লাম বলিয়াছেন, দান-খয়রাত করা প্রত্যেক মোসলমানের কর্তব্য। ছাহাবীগণ আরজ করিলেন, হে আল্লাহ নবী; যাহার সামর্থ্য নাই সে ব্যক্তি কি করিবে? নবী (দঃ) তত্ত্বতরে বলিলেন, শারীরিক পরিশ্রম করিবে এবং সেই পারিশ্রমিক দ্বারা নিজেও উপকৃত হইবে এবং দান-খয়রাতও করিবে। ছাহাবীগণ আরজ করিলেন, যদি সেরূপ কোন সুযোগ না পায়? নবী (দঃ) বলিলেন, কষ্ট-ক্লেশে পতিত বিপদগ্রস্ত অসহায়কে সহায়তা করিবে। ছাহাবীগণ আরজ করিলেন, যদি সেরূপ ক্ষমতা, শক্তি এবং সুযোগও না পায়? নবী (দঃ) বলিলেন, সৎ ও ভাল কাজ (নিজেও) করিবে (অপরকেও উহার প্রতি আহ্বান জানাইবে, অসৎ কার্যে বাধা দান করিবে) এবং (ততটুকু ক্ষমতা না থাকিলে নিজে) মন্দ ও অসৎ কার্য হইতে সংযমী হইবে, ইহাই তাহার জন্ত দান গণ্য হইবে।

ব্যাখ্যা :—মারুফ প্রতি মুহূর্ত্তে আল্লাহ তায়ালার শত শত নেয়ামত উপভোগ করিতেছে, তাই আল্লাহ বন্দাদের উপকার করা তাহার উপর অবশ্য কর্তব্য। এক হাদীছে বর্ণিত আছে—“তুমি জগদ্বাসীদের প্রতি সদয় হও, সর্বক্ষমতার অধিকারী আল্লাহ তায়ালা তোমার প্রতি সদয় হইবেন।”

অন্তের উপকার করার বিভিন্ন শ্রেণী আছে যথা—টাকা পয়সা দান করা। কাহারও কোন কার্য উদ্ধার করতঃ তাহার কষ্টের লাঘব করিয়া দেওয়া। নিজে সৎপথ অবলম্বন করতঃ অতীকে সৎপথের প্রতি আহ্বান করা। অসৎ কার্যে বাধা প্রদান করা। এমনকি, সর্বশেষ পর্যায়ের পরোপকার হইল—অসৎ কার্য হইতে নিজে বিরত থাকা ও সংযমী হওয়া, কারণ তাহাতে অতী সকলে তাহার পক্ষ হইতে সর্ব-প্রকারের অনিষ্টতা হইতে রক্ষা পাইবে।

কি পরিমাণ মালে যাকাত ফরজ হয়

৭৬২। হাদীছ :—**ابو سعيد الخدري رضى الله تعالى عنه قال قال رسول الله صلى الله عليه وسلم ليس فيما دون خمس ذود من الابل صدقة وليس فيما دون خمس اواق صدقة وليس فيما دون خمسة اوسق صدقة**

অর্থ—আবু সাঈদ খুদরী (রাঃ) বর্ণনা করিয়াছেন, রসূলুল্লাহ ছালাল্লাহু আলাইহে অসাল্লাম বলিয়াছেন, উট পাঁচটির কম হইলে উহার উপর যাকাত ফরজ হইবে না এবং (কাহারও নিকট অতী কোন মাল না থাকিয়া শুধু মাত্র

রৌপ্য থাকিলে) পাঁচ উকিয়া অর্থাৎ দুইশত দেবহাম (সিকি পরিমাণের সামান্য উক্কির রৌপ্য মুদ্রা) পরিমিত রৌপ্যের কম হইলে উহাতে যাকাত ফরজ হইবে না এবং পাঁচ অহক্ (প্রতি অহক্ ছয় মণের উক্কি)-এর কম উৎপন্ন দ্রব্যে ছদকা—ওশোর* (দশমাংশ বা তদু-অর্দ্ধ) দান করা ফরজ হইবে না।

যে কোন বস্তু দ্বারা যাকাত আদায় করা

মোয়া'জ রাজিয়াল্লাহু তায়ালা আনহু হযরত রসুলুল্লাহ ছাল্লাল্লাহু আলাইহে অসাল্লাম কর্তৃক নিযুক্ত ইয়ামন দেশের শাসনকর্তা ছিলেন। তিনি ইয়ামনবাসীকে এই নির্দেশ দিলেন যে, তোমাদের উৎপন্ন দ্রব্য—যব, চীনা ইত্যাদির যাকাত রূপে দেয় অংশের পরিবর্তে তোমরা জামা চাদর ইত্যাদি কাপড় দান কর। ইহা তোমাদের জন্য সহজ সাধ্য (কারণ তৎকালে সে দেশে বস্ত্র শিল্পের আধিক্য ছিল) এবং (এই সব জিনিষ যাকাত গ্রহণকারী) মদীনাবাসী—রসুলুল্লাহ ছাল্লাল্লাহু আলাইহে অসাল্লামের ছাহাবীগণের জন্যও অধিক উপযোগী। (কারণ মদীনা কৃষি প্রধান দেশ হওয়ায় তথায় কাপড়ের অভাব ছিল।)

যাকাতের ব্যাপারে অপকৌশল অবলম্বন করিবে না

৭১৩। হাদীছ :- আনাছ (রাঃ) বর্ণনা করিয়াছেন, খলীফা আবু বকর (রাঃ) হযরত রসুলুল্লাহ ছাল্লাল্লাহু আলাইহে অসাল্লাম কর্তৃক নির্দ্ধারিত যাকাতের যে সনদ-পত্র লিখিয়া দিয়াছেন উহাতে ইহাও ছিল যে—যাকাতের ভয়ে ভিন্ন ভিন্ন মালকে একত্রিত করিবে না এবং একত্রিত মালকে ভিন্ন ভিন্ন করিয়া দিবে না।

ব্যাখ্যা :- যাকাত এড়াইবার জন্য কোন প্রকার অপকৌশলের আশ্রয় লওয়া অত্যন্ত জঘন্য ও গহিত কার্য। যথা—দুই ভ্রাতা প্রত্যেকের নিকট চল্লিশটি করিয়া বকরি আছে, উভয় ভ্রাতা ভিন্ন ভিন্ন; এমতাবস্থায় দুই ভাই-এর উপর যাকাত দুইটি বকরি আসিবে। বকরির যাকাতে এই বিধান আছে যে, চল্লিশ হইতে একশত বিশ পর্যন্ত একটি বকরিই আসে; উক্ত ভ্রাতাদ্বয় এই বিধানের সুযোগ গ্রহণার্থে উভয়ের চল্লিশ চল্লিশটি বকরি একত্রে আশিটি একত্রিতভাবে দেখায় যেন উহাতে দুইটির স্থলে একটি বকরি যাকাত হয়। কিম্বা কাহারও নিকট এই পরিমাণ টাকা আছে, যাহার উপর যাকাত ফরজ হইবে; উহা এড়াইবার জন্য কিছু টাকা বোনামারূপে অস্থকে দিয়া রাখিল যেন নেছাব পূর্ণ না হয় এবং যাকাত ফরজ না হয়—এরূপ কোন অপকৌশলে যাকাত এড়াইতে পারিবে না।

* কৃষি ক্ষেতের উৎপন্ন ফসলের দশ ভাগের এক ভাগ আল্লার রাস্তায় দান করার বিধান শরিয়তে আছে—উহাকে ওশোর বলে।

বিভিন্ন বস্তুর যে পরিমাণের উপর যাকাত ফরজ হয়

৭৬৪। হাদীছ :- প্রথম খলীফা আমীরুল-মোমেনীন আবু বকর (রাঃ) আনহ (রাঃ)কে বাহরাইন দেশের শাসনকর্তারূপে প্রেরণ করাকালে তাঁহাকে যাকাত বিষয়ে নিম্নরূপ একটি সনদ-পত্র লিখিয়া দিয়াছিলেন—*

বিহমিল্লাহির রাহমানির রাহীম

আল্লাহ তায়ালা কর্তৃক স্বীয় রসুলের প্রতি নির্দেশিত এবং রসুলুল্লাহ ছাল্লাল্লাহু আলাইহে অসাল্লাম কর্তৃক বিশ্ব মোছলেমের উপর নির্দ্ধারিত যাকাতের হার ও বিধান নিম্নরূপ। মোসলমানগণ এই নির্দেশ অনুযায়ী যাকাত দানে বাধ্য থাকিবে এবং এই হারের অধিক দাবী করা হইলে সেই দাবী অগ্রাহ্য হইবে।

উটের যাকাত**

(পাঁচ হইতে) চব্বিশটি পর্য্যন্ত উটের যাকাত বকরী দ্বারা আদায় করা হইবে—প্রতি পাঁচটি উটে একটি বকরী দিতে হইবে।

পঁচিশ হইতে পয়ত্রিশটি পর্য্যন্ত উটের জন্য পূর্ণ এক বৎসর বয়সের একটি মাদী উট দিতে হইবে।

ছয়ত্রিশ হইতে পয়তাল্লিশ পর্য্যন্ত পূর্ণ দুই বৎসরের একটি মাদী উট দিবে।

ছয়চল্লিশ হইতে ষাট পর্য্যন্ত পূর্ণ তিন বৎসরের একটি মাদী উট দিতে হইবে।

একষট্টি হইতে পচাত্তর পর্য্যন্ত চার বৎসরের একটি মাদী উট দিতে হইবে।

ছিয়াত্তর হইতে নব্বই পর্য্যন্ত দুই বৎসরের দুইটি মাদী উট দিতে হইবে।

অতঃপর প্রতি চল্লিশটিতে একটি দুই বৎসরের এবং প্রতি পঞ্চাশটিতে একটি তিন বৎসরের এক একটি হারে বন্ধিত হইতে থাকিবে।

শুধুমাত্র চারটি উট থাকিলে উহার কোন যাকাত দিতে হইবে না, হাঁ—পাঁচটি পুরা হইলে পর উহাতে একটি বকরী যাকাত দিতে হইবে।

বকরীর যাকাত

দলবদ্ধ ভাবে মাঠে-জঙ্গলে চরিয়া বেড়ায় এরূপ বকরীর জন্য চল্লিশ হইতে একশত বিশ পর্য্যন্ত একটি (এক বৎসর বয়সের) বকরী দিতে হইবে।

• সনদ-পত্রের অংশগুলি ইমাম বোখারী (রঃ) বিভিন্ন স্থানে বর্ণনা করিয়াছেন, সমস্ত অংশগুলি একত্র করিয়া একস্থানে অনুবাদ করা হইল।

•• উট, গরু, ছাগল ইত্যাদি পালিত পশু পালের উপর যাকাত ফরজ হইবার জন্য কতিপয় শর্ত আছে। সেই সব শর্ত আমাদের দেশে সাধারণতঃ বিরল। অবশ্য পশুপাল যদি ব্যবসায়ের জন্য হয় উহার যাকাতের নিয়ম অত্যাশ্চর্য্য ভব্যের তায় হইবে।

অতঃপর দুইশত পর্য্যন্ত দুইটি বকরী দিতে হইবে। তিনশত হইলে তিনটি বকরী দিতে হইবে।

অতঃপর প্রতি শতে একটি করিয়া বন্ধিত হইবে। চল্লিশ হইতে একটি কম হইলে উহার উপর যাকাত ফরজ হইবে না, মালিক ইচ্ছা করিলে কিছু দান করিবে।

রৌপ্যের যাকাত

রূপা চল্লিশ ভাগের এক ভাগ হারে যাকাত দিতে হইবে। কিন্তু (যাকাতের অথ কোন দ্রব্য না থাকিয়া শুধুমাত্র রৌপ্য থাকিলে দুইশত দেবহাম (তথা ৫২ তোলা) হইতে মাত্র এক কম—একশত নিরানব্বই দেবহাম ওজনের হইলেও উহাতে যাকাত ফরজ হইবে না। অবশ্য মালিক ইচ্ছা করিলে কিছু দান করিবে।

কোন ব্যক্তির উপর এক বৎসর বয়সের একটি মাদী উট যাকাতরূপে ফরজ হইয়াছে, (অর্থাৎ তাহার নিকট পচিশটি উট আছে) কিন্তু ঐরূপ উট তাহার নিকট নাই, বরং তাহার দুই বৎসর বয়সের একটি মাদী উট আছে, এমতবস্থায় ঐ দুই বৎসর বয়সের উটটি তাহার নিকট হইতে গ্রহণ করা হইবে, কিন্তু বিশ দেবহাম (রৌপ্য মুদ্রা) বা দুইটি বকরী তাহাকে ফেরত দিতে হইবে। কিন্তু দুই বৎসর বয়সের উটটি মাদী না হইয়া নর হইলে উহাকে গ্রহণ করা হইবে এবং কিছুই ফেরত দেওয়া হইবে না। (কারণ নর উটের মূল্য মাদী উট অপেক্ষা কম। তাই নরের বড় এবং মাদীর ছোট সমান সমান গণ্য হইবে।) এইরূপে তিন বৎসর বয়সের স্থলে চার বৎসর বয়সের থাকিলে তদ্রূপই করা হইবে এবং যদি ইহার বিপরীত হয় অর্থাৎ বড় স্থলে ছোট থাকে তবে ছোটই গ্রহণ করা হইবে এবং উহার সঙ্গে বিশ দেবহাম বা দুইটি বকরীও ওয়াসিল করা হইবে।

মালিক কর্তৃক যাকাতের পরিমাণ কম করার উদ্দেশ্যে বা যাকাত আদায়কারী কর্তৃক যাকাতের পরিমাণ বেশী করার উদ্দেশ্যে (হিসাবের মধ্যে কোন প্রকার হের-ফের বা হিলা-বাহানা) সংযোগ বা বিভক্তি-করণ জায়েয হইবে না।

যদি দুইজনের এজমালী মাল হইতে যাকাত ওয়াসিল করা হইয়া থাকে, তবে উহা প্রত্যেকের অংশ অনুযায়ী হইবে। সেই হিসাব অনুসারে একে অণ্ডের নিকট কিছু পাওনা হইলে পরস্পর উহা আদায় ওয়াসিল করিয়া লইবে।

যাকাতের জন্ত নর ও বৃদ্ধা বা কোন প্রকার দোষক্রটিযুক্ত পশু গ্রহণ করা হইবে না, অবশ্য—যদি যাকাত ওয়াসিলকারী ঘটনাস্থলে বাস্তব দৃষ্টিতে উহাকেই গ্রহণ করা যুক্তিযুক্ত মনে করে, তবে সে তাহা করিতে পারিবে।

আনাছ (রাঃ) বর্ণনা করিয়াছেন, আবু বকর (রাঃ) উল্লিখিত সনদ-পত্রটি লিখিয়া নিজে রসূলুল্লাহ ছালাল্লাহু আলাইহে অসাল্লামের সীলমোহর আংটি দ্বারা ছাপ দিয়া দিলেন। যাহার উপর “মোহাম্মদ, রসূল, আল্লাহ” শব্দ কয়টি খচিত ছিল।

আত্মীয়বর্গকে যাকাত দান করা

৭৬৫। হাদীছ :—আবুহুলাহ ইবনে মসউদ রাজিয়াল্লাহু তায়ালা আনহুন্নী যয়নব (রাঃ) বর্ণনা করিয়াছেন, একদা আমি মসজিদে ছিলাম, তখন শুনিতে পাইলাম নবী ছাল্লাল্লাহু আলাইহে অসাল্লাম নারীদিগকে বিশেষ ভাবে লক্ষ্য করিয়া বলিতেছেন—স্বীয় অলঙ্কারাদি দিয়া হইলেও তোমরা দান-খয়রাত কর। যয়নব (রাঃ) (হস্ত শিল্পীনী ছিলেন—যদ্বারা তিনি কিছু ব্যক্তিগত ধন-সম্পদ উপার্জন করিতেন। তাঁহার রক্ষণাবেক্ষণে তাঁহার কতিপয় এতিম অসহায় ভাগিনা-ভাগিনী ছিল এবং তাঁহার স্বামী আবুহুলাহ ইবনে মসউদও রিক্তহস্ত ছিলেন। তাই তিনি স্বীয় ব্যক্তিগত ধন) স্বীয় স্বামী আবুহুলাহ (রাঃ) ও পোষ্য এতিমগণের জন্ত খরচ করিয়া থাকিতেন। যয়নব (রাঃ) মসজিদে রসূলুল্লাহ ছাল্লাল্লাহু আলাইহে অসাল্লামের উক্ত আদেশ শুনিয়া পরে স্বীয় স্বামীকে বলিলেন, আপনি হযরতের নিকট জিজ্ঞাসা করিয়া আসুন যে, আমি আপনার এবং আমার লালন-পালনাধীন এতিমগণের জন্ত যে ব্যয় বহন করিয়া থাকি উহা কি আমার প্রতি দান-খয়রাত করার আদেশ পালনে যথেষ্ট হইবে? আবুহুলাহ (রাঃ) বলিলেন, তুমি নিজেই যাইয়া হযরতের নিকট এ বিষয়ে জিজ্ঞাসা করিয়া আইস। যয়নব (রাঃ) বলেন, সেমতে আমি হযরতের গৃহাভিমুখে রওয়ানা হইলাম। তাঁহার গৃহের ফটকের নিকট উপস্থিত হইয়া দেখিলাম, মদীনাবাসীনী একজন নারী সেখানে দাঁড়াইয়া আছে; সেও আমার ঐ জিজ্ঞাস্য বিষয়টিই জিজ্ঞাসা করিতে আসিয়াছে। আমরা ফটকের নিকট অপেক্ষারত ছিলাম এমন সময় আমাদের নিকট দিয়া বেলাল (রাঃ) যাইতেছিলেন। আমরা তাঁহাকে অনুরোধ করিলাম, আপনি আমাদের এই বিষয়টি হযরতের নিকট জিজ্ঞাসা করিয়া আসুন, কিন্তু আমাদের নাম বলিবেন না। বেলাল (রাঃ) হযরতের নিকট পূর্ণ বিষয় ব্যক্ত করিলে পর তিনি জিজ্ঞাসা করিলেন, মূল জিজ্ঞাসাকারিগণের কাহারা? বেলাল বলিলেন, যয়নব। হযরত জিজ্ঞাসা করিলেন, কোন্ যয়নব—আবুহুলাহর স্ত্রী যয়নব? বেলাল (রাঃ) উত্তর করিলেন—হাঁ। তখন নবী (দঃ) মূল প্রশ্নের উত্তরে বলিলেন, হাঁ—স্বীয় স্বামী ও এতিমগণের প্রতি ব্যয় করাও দান-খয়রাতের আদেশ পালনের ব্যাপারে যথেষ্ট হইবে, বরং এইরূপ ব্যয়ে দ্বিগুণ ছওয়াব হইবে; দানের ছওয়াব এবং আত্মীয়তা রক্ষার ছওয়াব। (১৯৮ পৃঃ)

৭৬৬। হাদীছ :—আনাছ (রাঃ) বর্ণনা করিয়াছেন, আবু তালহা (রাঃ) মদীনাবাসী ছাহাবীগণের মধ্যে সর্ববাধিক দিত্তশালী ছিলেন। তাঁহার সর্বোত্তম সম্পত্তি ছিল “বাইরুহা” নামক খেজুর বাগানটি। ঐ বাগানটি রসূলুল্লাহ ছাল্লাল্লাহু

আলাইহে অসাল্লামের মসজিদের সম্মুখে অবস্থিত ছিল। রসুলুল্লাহ ছালাল্লাহু আলাইহে অসাল্লাম সময় সময় এই বাগানে তশরীফ লইয়া যাইতেন এবং উহার কূপের সুস্বাদু মিঠা পানি পান করিয়া থাকিতেন।*

আনাছ (রাঃ) বলেন, যখন কোরআন শরীফের এই আয়াত নাযেল হইল—

لَنْ تَنَالُوا الْبِرَّ حَتَّى تُنْفِقُوا مِمَّا تُحِبُّونَ অর্থাৎ— “তোমরা পূর্ণ ছওয়াব

লাভ করিতে পারিবে না, যাবৎ তোমাদের স্বীয় পছন্দনীয় ভালবাসার বস্তু আল্লাহর সন্তুষ্টি লাভে ব্যয় না কর।” আবু তালহা (রাঃ) রসুলুল্লাহ ছালাল্লাহু আলাইহে অসাল্লামের খেদমতে উপস্থিত হইয়া আরজ করিলেন, ইয়া রসুলুল্লাহ! আল্লাহ তায়ালা ঘোষণা দিয়াছেন, ভালবাসার বস্তু দান না করিলে পূর্ণ ছওয়াব লাভ হইবে না। আমার সর্ব্বাধিক ভালবাসার সম্পত্তি এই “বাইরুহা” বাগানটি। আল্লাহ তায়ালা সন্তুষ্টি লাভের উদ্দেশ্যে আমি বাগানটি দান করিয়া দিলাম। আমি উহার প্রতিদান ও প্রতিফল একমাত্র আল্লাহ তায়ালা নিকটেই লাভ করিবার আকাঙ্ক্ষা রাখি (এখন এই বাগানটিকে আপনি আল্লাহ তায়ালা মজ্বি ও খুশী অনুযায়ী ব্যয় করুন।) রসুলুল্লাহ ছালাল্লাহু আলাইহে অসাল্লাম এই কথা শুনিয়া আনন্দিত হইয়া বলিলেন, বেশ বেশ; উহাত অতিশয় লাভজনক সম্পত্তি।

তোমার উক্তি আমি শ্রবণ করিয়াছি। আমার অভিমত এই যে, তুমি উহাকে স্বীয় আত্মীয়বর্গের মধ্যে ব্যয় কর। আবু তালহা (রাঃ) আরজ করিলেন, তাহাই করিব। অতঃপর আবু তালহা (রাঃ) এই বাগানটিকে স্বীয় চাচার বংশধর এবং অগ্রাণ্ড আত্মীয় স্বজনদের মধ্যে বন্টন করিয়া দিলেন।

৭৬৭। হাদীছ :—ইবনে মসউদ রাজিয়াল্লাহু তায়ালা আনহুর স্ত্রী যয়নব (পুনরায়) একদা রসুলুল্লাহ ছালাল্লাহু আলাইহে অসাল্লামের গৃহদ্বারে আসিয়া প্রবেশের অনুমতি প্রার্থনা করিলেন। রসুলুল্লাহ (দঃ)কে জ্ঞাত করা হইল যে, যয়নব ভিতরে প্রবেশের অনুমতি চাহিতেছে। রসুলুল্লাহ (দঃ) জিজ্ঞাসা করিলেন—কোন যয়নব? বলা হইল সে ইবনে মসউদের স্ত্রী। রসুলুল্লাহ (দঃ) বলিলেন, আসিতে বল। সে হযরতের খেদমতে উপস্থিত হইয়া আরজ করিল, হে আল্লাহ নবী! আপনি অল্প (পুনরায়) দান-খয়রাত করার আদেশ করিয়াছেন। আমার নিকটে কিছু অলঙ্কার আছে আমি উহা দান করার ইচ্ছা করিয়াছি। আমার স্বামী ইবনে মসউদ রিক্তহস্ত মানুষ। স্বামী বলিতেছেন,

• বর্তমানে ঐস্থানে বাগান নাই; দালান-কোঠায় পৰিপূর্ণ, কিন্তু কূপটি উত্তম অবস্থায়ই রহিয়াছে। বহুবার উহার পানি পানের সৌভাগ্য আল্লাহ তায়ালা আমাকে দান করিয়াছেন।

তিনি এবং তাঁহার সন্তানগণ আমার দানের অগ্রাধিকারী। (তাঁহার এই দাবী বস্তুতঃ সঠিক কি—না; তাহা ভালরূপ উপলব্ধি করার জন্য আমি আপনার খেদমতে পুনরায় আসিয়াছি।) তৎপরে রসুলুল্লাহ (দঃ) বলিলেন, ইবনে মসউদ ঠিকই বলিয়াছে। তোমার স্বামী ও সন্তানগণ তোমার দানের সর্ব্বাংশে হকদার।

৭৬৮। হাদীছ :—উম্মে ছালামা (রা.) বর্ণনা করিয়াছেন, একদা আমি রসুলুল্লাহ ছাল্লাল্লাহু আলাইহে অসাল্লামের নিকট জিজ্ঞাসা করিলাম—আমার পূর্ব্ব স্বামী আবু ছালামার পক্ষে আমার যে সন্তানগণ আছে, তাহারাও আমারই সন্তান; তাহাদের জন্য যদি আমি কিছু ব্যয় করি, তাহাতে কি আমার ছওয়াব হইবে? রসুলুল্লাহ (দঃ) তৎপরে বলিলেন, তুমি তাহাদের জন্য ব্যয় কর; তাহাদের জন্য যাহা কিছু ব্যয় করিবে উহার পূর্ণ ছওয়াব তুমি লাভ করিবে।

মছআলাহ :—স্বীয় অভাবগ্রস্ত সন্তান-সন্ততি তথা ছেলে-ময়ে ও তাহাদের বংশ এবং স্বীয় পিতা-মাতা ও তাঁহাদের পিতা-মাতা পূর্ব্বপুরুষ—নিজের এই দুই ধারার কাহাকেও যাকাত, ফেৎরা ইত্যাদি ফরজ এবং ওয়াজেব দান হইতে দেওয়া হইলে উহা আদায় হইবে না, কিন্তু নফলরূপে দান করিলে পূর্ণ বরং দ্বিগুণ ছওয়াব পাওয়া যাইবে। স্বামীও স্ত্রীকে নিজের যাকাত-ফেৎরা দিলে তাহা আদায় হইবে না। স্ত্রী স্বামীকে দিতে পারে কি না—মতভেদ আছে; ইমাম আবু হানিফা (রঃ) বলেন, দিতে পারে না; ইমাম আবু ইউসুফ ও মোহাম্মদ (রঃ) বলেন, দিতে পারে—দিলে আদায় হইয়া যাইবে। (শামী ২—৮৭)

ঘোড়া এবং ক্রীতদাসের যাকাত ফরজ নয়

৭৬৯। হাদীছ :—আবু হোরাযরা (রাঃ) হইতে বর্ণিত আছে, নবী ছাল্লাল্লাহু আলাইহে অসাল্লাম বলিয়াছেন, কোন মোসলমানের উপর তাহার ক্রীতদাস ও ঘোড়ার যাকাত ফরজ হয় না। (১৯৭ পৃঃ)

যে ধন-দৌলত হইতে দান করা না হয় উহা অশুভ

৭৭০। হাদীছ :—আবু সাযীদ খুদরী (রাঃ) বর্ণনা করিয়াছেন, একদা নবী ছাল্লাল্লাহু আলাইহে অসাল্লাম মিন্বরের উপর উপবিষ্ট হইলেন এবং আমরা তাঁহার সম্মুখে জমায়েত হইয়া বসিলাম। তিনি বলিলেন, আমার ইহকাল ত্যাগ করার পর তোমাদের জন্য আমি যে বস্তুকে বিশেষরূপে ভয় ও আশঙ্কার কারণ মনে করি, তাহা হইল—ছনিয়া, তথা ধন-দৌলতের আধিক্য ও জাঁকজমক; যাহা তোমাদের উপর বিস্তৃত ও প্রসারিত হইবে। এক ব্যক্তি আরজ করিল, ইয়া রসুলুল্লাহ! (ধন-দৌলত ত) ভাল জিনিষ (তাহা) কিরূপে মন্দের (তথা

আশঙ্কা ও ভয়ের) কারণ হইতে পারে? নবী (দঃ) কোন উত্তর না দিয়া নীরব রহিলেন। কেহ কেহ প্রশংসারী ব্যক্তির প্রতি তিরস্কার করিয়া বলিল, তুমি কেন নবী ছালাল্লাহ্ আলাইহে অসাল্লামের কথার উপর কথা বলিলে? তিনি ত তোমার কথার কোনই উত্তর দিলেন না। অতঃপর আমরা অনুভব করিলাম, হযরতের প্রতি অহী নাযেল হইতেছে। তৎপর তিনি ঘর্গ মুছিয়া জিজ্ঞাসা করিলেন, প্রশংসারী কোথায়? হযরত (দঃ) উক্ত প্রশ্নকে প্রশংসার যোগ্য গণ্য করিলেন এবং বলিলেন, ভাল জিনিষ মন্দের কারণ হয় না সত্য, কিন্তু একটি দৃষ্টান্ত লক্ষ্য কর। বসন্তকালের জ্বননীশক্তিবাহী মলয় বায়ু ও তদসহ বৃষ্টিপাতের দ্বারা যে নুতন ঘাস-পাতা, তৃণ-লতা জন্মিয়া থাকে, উহা পশুপালের জন্ত (কতই না ভাল ও উত্তম বস্তু। কিন্তু কোন পশু যদি উহাকে সুস্বাদু পাইয়া কেবল খাইতেই থাকে, নিয়মানুবর্তিতার ধার না ধারে, তবে ঐ উত্তম, ভাল ও সুস্বাদু বস্তুই সেই পশুর জন্ত) পেট ফাঁপিয়া মৃত্যু বা মৃত্যুর সন্নিকটবর্তী হওয়ার কারণ হইয়া দাঁড়ায়। অবশ্য যে পশু নিয়ম মাস্তিক সর্ব্ব্ব্ব ঘাস খায় এবং যখন পেট ভরিয়া আসে তখন পশুপালের প্রাকৃতিক ও স্বভাবগত অভ্যাস অনুযায়ী সূর্য্যমুখী হইয়া বসে এবং (Ruminant) রোমন্থন—চবিতচর্বণ করিয়া জাবর কাটিয়া ভক্ষিত বস্তুসমূহ হজম করতঃ মলমূত্র ত্যাগ করিয়া অতঃপর পুনরায় ঐ ঘাস খাওয়া আরম্ভ করে; (সেই অবস্থায় ঐ পশুর জন্ত ঘাস-পাতা কোন ক্ষতি ও অনিষ্টের কারণ হয় না।) স্মরণ রাখিও! ধন-দৌলত অতিশয় লোভনীয় এবং চিত্তাকর্ষক বস্তু। যে মোসলমান ব্যক্তি এতিম, মিছকিন, অসহায় পথিককে দান করায় অভ্যস্ত তাহার জন্ত ঐ ধন-দৌলত অতি উত্তম সহায়ক ও সাথী। কিন্তু (প্রথম প্রকারের পশুর হায়) যে ব্যক্তি উহা অনিয়মিতরূপে হাসিল করিতে ও পূঞ্জি করিতে থাকিবে, তাহার ভাগ্যে কখনও তৃপ্তিলাভ জুটিবে না (তাই ইহকালের শাস্তি হইতে সে বঞ্চিত হইবে) এবং পরকালে ঐ ধন-দৌলতই তাহার বিরুদ্ধে সাক্ষী হইয়া দাঁড়াইবে। (১২৭ পৃঃ)

৭৭১। হাদীছ :- আবু হোরাযরা (রাঃ) হইতে বর্ণিত আছে, রসূলুল্লাহ্ ছালাল্লাহ্ আলাইহে অসাল্লাম যাকাত ওয়াসিল করার জন্ত এক ব্যক্তিকে পাঠাইলেন। সেই ব্যক্তি হযরতের নিকট অভিযোগ জানাইল যে, ইবনে জমীল নামক ব্যক্তি যাকাত দেয় নাই এবং খালেদ (রাঃ) এবং আব্বাহ (রাঃ)ও দেন নাই। (ইবনে জমীল মোসলমান দলভুক্ত হইবার পূর্ব্বে দরিদ্র ছিল। রসূলুল্লাহ্ ছালাল্লাহ্ আলাইলে অসাল্লামের বিশেষ চেষ্টায় সে বাহিররূপে ইসলাম কবুল করে এবং আল্লাহ তায়ালা বাহিক ইসলাম গ্রহণের অছিলায় তাহাকে ধন-দৌলতের মালিক বানান, কিন্তু সে ছিল মোনাফেক। তাই সে যাকাত দিতে

গড়িমসি করে।) হয়ত (দঃ) (তাহার এই আচরণে ক্ষুব্ধ হইয়া) বলিলেন, ইবনে জমীল কর্তৃক যাকাত না দেওয়ার কারণ এই যে, সে পূর্বের দরিদ্র ছিল, আল্লাহ তায়ালা স্বীয় রসুলের অছিলায় তাহাকে ধনাঢ্য বানাইয়াছেন, (তাই সে এখন আল্লাহ ও আল্লার রসুলের আদেশকৃত যাকাত দিতে চায় না। অর্থাৎ তাহার নিমকহারামী ব্যতীত যাকাত না দেওয়ার অন্য কোন কারণ নাই)।

খালেদ (রাঃ)-এর বিষয়ে বলিলেন, তোমরাই (হয়ত কোন) অত্যাচার করিয়া থাকিবে; নতুবা খালেদ ত স্বীয় ব্যবহার্য অস্ত্র-শস্ত্র পর্যন্ত আল্লার রাস্তায় ওয়াক্ফ করিয়া দিয়াছে। আব্বাছ (রাঃ)-এর বিষয়ে বলিলেন, তিনি আমার মুরব্বি—চাচা; (তাহার ব্যাপারে চিন্তা নাই। এমনকি স্বয়ং রসুলুল্লাহ ছালাল্লাহু আলাইহে অসাল্লাম তাহার যাকাতের জিন্মা নিজের উপর লইয়া লইলেন)।

ভিক্ষাবৃত্তি হইতে বিরত থাকা

৭৭২। হাদীছ :—আবু সাঈদ খুদরী (রাঃ) হইতে বর্ণিত আছে, একদা কয়েকজন মদীনাবাসী ছাহাবী রসুলুল্লাহ ছালাল্লাহু আলাইহে অসাল্লামের নিকট কিছু সাহায্য প্রার্থনা করিলেন। রসুলুল্লাহ (দঃ) তাহাদিগকে দান করিলেন। তাহারা পুনরায় সাহায্য চাহিলে রসুলুল্লাহ (দঃ) এবারও দান করিলেন। এমন কি, তাহার নিকট যাহা কিছু ছিল বারংবার দান করিয়া তাহা সম্পূর্ণ নিঃশেষ করিয়া ফেলিলেন। এইবার তিনি তাহাদিগকে লক্ষ্য করিয়া বলিলেন, আমার নিকট টাকা-পয়সা কিছু থাকিলে তাহা তোমাদিগকে না দিয়া আমি নিজের নিকট কখনও জমা রাখি না; (অর্থাৎ বারংবার একরূপ করার কোন প্রয়োজন হয় না।) স্মরণ রাখিও—যে ব্যক্তি যাক্স ও ভিক্ষাবৃত্তি হইতে বিরত থাকায় সচেষ্ট হইবে, আল্লাহ তায়ালা তাহাকে উহা হইতে নিবৃত্ত থাকার সুযোগ ও তৌফিক দান করিবেন। যে ব্যক্তি কাহারও মুখাপেক্ষী না হইবে আল্লাহ তায়ালা তাহাকে পরমুখাপেক্ষীতা হইতে বাঁচাইয়া রাখিবেন। যে ব্যক্তি কষ্ট-ক্লেশে আপদে-বিপদে দুঃখ-যাতনায় ধৈর্য্যধারণে সচেষ্ট হইবে, আল্লাহ তায়ালা তাহাকে ধৈর্য্যাবলম্বনে সাহায্য করিবেন। ধৈর্য্যের আয় প্রশস্ত ও উত্তম নেয়ামত হুনিয়াতে আর কিছুই নাই।

৭৭৩। হাদীছ :—عن أبي هريرة رسول الله صلى الله عليه وسلم قال والذي نفسي بيده لا يأخذ أحدكم حبله فيحتطب على ظهره خيرة من أن يأتي رجلاً فيسأله أعطاه أو منعه

অর্থ—আবু হোরায়ারা (রাঃ) হইতে বর্ণিত আছে, রসুলুল্লাহ ছালাল্লাহু আলাইহে অসাল্লাম বলিয়াছেন, তোমাদের জন্য অশ্বের নিকট হাত পাতা অপেক্ষা দড়ি লইয়া জঙ্গলে যাওয়া এবং তথা হইতে কাঁধে করিয়া আলানী কাষ্ঠ বহন করতঃ উহা দ্বারা উপার্জন করা অতি উত্তম। অশ্বের নিকট হাত পাতিলে সে দিতেও পারে, নাও দিতে পারে। (এই অপমান বরণ করা উচিত নয়।)

৭৭৪। হাদীছ :— عَنْ الزُّبَيْرِ بْنِ الْعَوَّامِ رَضِيَ اللَّهُ تَعَالَى عَنْهُ

عَنِ النَّبِيِّ صَلَّى اللَّهُ عَلَيْهِ وَسَلَّمَ قَالَ لَأَنْ يَأْخُذَ أَحَدُكُمْ حَبْلَهُ فَيَأْتِيَ بِهِ زِمَةً حَلَبٍ عَلَى ظَهْرِهِ فَيَبِيعَهَا فَيَكْفِيَ اللَّهُ بِهَا وَجْهَهُ خَيْرٌ لَّهِ مِنْ أَنْ يَسْأَلَ النَّاسَ أَعْطَوْهُ أَوْ مَنَعُوهُ

অর্থ—যোবায়ের ইবনুল আওয়াম (রাঃ) হইতে বর্ণিত আছে, নবী ছালাল্লাহু আলাইহে অসাল্লাম বলিয়াছেন, দড়ি লইয়া জঙ্গল হইতে আলানী কাষ্ঠ কাঁধে বহন করিয়া আনা এবং উহা বিক্রয়লব্ধ অর্থের অছিলায় আল্লার সাহায্যে স্বীয় মান ইচ্ছিত রক্ষা করা মানুষের নিকট হাত পাতা অপেক্ষা অনেক উত্তম। কারণ মানুষের নিকট হাত পাতিয়া হয়ত কিছু পাইতেও পারে আবার নাও পাইতে পারে (কিন্তু অপমান অনিবার্য)।

৭৭৫। হাদীছ :—হাকীম ইবনে হেযাম (রাঃ) বর্ণনা করিয়াছেন, একদা আমি রসুলুল্লাহ ছালাল্লাহু আলাইহে অসাল্লামের নিকট সাহায্য চাহিলাম; তিনি আমাকে দান করিলেন। পুনরায় চাহিলাম; পুনরায় দান করিলেন। আবার চাহিলাম; আবার দান করিলেন এবং বলিলেন, হে হাকীম! স্মরণ রাখিও, ধন-দৌলত অতিশয় লোভনীয় ও চিত্তাকর্ষক বস্তু। লিপ্সা ও কৃত্রিম ক্ষুধা মুক্ত হইয়া যে ব্যক্তি উহা আহরণ করিবে সে-ই উহাতে বরকত (সৌভাগ্য, অল্পে তৃপ্তি ও অল্পে প্রাচুর্য) লাভ করিবে। পক্ষান্তরে যে ব্যক্তি লিপ্সা ও কৃত্রিম ক্ষুধার বশীভূত হইয়া উহা আহরণে লিপ্ত হইবে, সেই ধনের দ্বারা তাহার ভাগ্যে বরকত লাভ জুটিবে না। তাহার অবস্থা এই হইবে যে, খাইতেছে কিন্তু তৃপ্তি ও তৃপ্তি লাভ হইতেছে না। স্মরণ রাখিও। উপরের হাত (অর্থাৎ দানকারী) নীচের হাত (অর্থাৎ গ্রহণকারী) অপেক্ষা উত্তম।

হাকীম (রাঃ) বলেন, এতচ্ছবণে আমি আরজ করিলাম, ইয়া রসুলুল্লাহ! আমি ঐ মহান আল্লার শপথ করিয়া বলিতেছি যিনি আপনাকে সত্য ধর্মবাহক

রূপে প্রেরণ করিয়াছেন—অতঃপর জীবনের শেষ মুহূর্ত্ত পর্য্যন্ত আমি কাহারও নিকট কিছু চাহিব না। (আমার হাত কাহারও হাতের নীচে আসিবে না।)

হাকীম (রাঃ) স্বীয় সংকল্প ও প্রতিজ্ঞার উপর এরূপ দৃঢ় রহিলেন যে, আবু বকর (রাঃ) খলীফা হইয়া বায়তুল-মাল হইতে তাঁহার প্রাপ্য অংশ লইবার খবর দিলেন; তিনি উহা গ্রহণে অস্বীকৃত হইলেন। অতঃপর ওমর (রাঃ) খলীফা হইয়া পুনরায় তাঁহাকে উহা গ্রহণের অনুরোধ জানাইলেন, তিনি এবারও উহা গ্রহণে সম্মত হইলেন না। এমনকি, ওমর (রাঃ) সর্বসাধারণকে সাক্ষী করিয়া বলিলেন, হে মোসলমানগণ! আমি হাকীম (রাঃ)কে বাইতুল-মাল হইতে তাহার প্রাপ্য অংশ পৌছাইতে চেষ্টা করিয়াছি, তিনি উহা গ্রহণে সম্মত হন নাই।

রসুলুল্লাহ ছালাল্লাহু আলাইহে অসাল্লামের অবর্ত্তমানেও হাকীম (রাঃ) এইরূপে জীবনের শেষ নিঃশ্বাস ত্যাগ করা পর্য্যন্ত স্বীয় প্রতিজ্ঞা ও সংকল্পে অটল থাকিয়া ইহজগত হইতে বিদায় গ্রহণ করিয়াছেন।

লিপ্সা ও যাত্ৰা ব্যতিরেকে বৈধরূপে কোন কিছু
হাসিল হইলে তাহা গ্রহণ করিবে

৭৭৬। হাদীছ :—ওমর (রাঃ) বর্ণনা করিয়াছেন, কোন কোন সময় এরূপ হইত যে, রসুলুল্লাহ ছালাল্লাহু আলাইহে অসাল্লাম আমাকে কিছু দান করিতেন; আমি আরজ করিতাম, ইহা এমন ব্যক্তিকে দান করুন যাহার প্রয়োজন আমার অপেক্ষা অধিক। তখন রসুলুল্লাহ ছালাল্লাহু আলাইহে অসাল্লাম বলিয়াছেন—ইহা গ্রহণ কর। ধন-সম্পদ যখন লিপ্সা, প্রত্যাশা এবং প্রার্থী হওয়া ব্যতিরেকে কোন শুদ্ধ সূত্রে লাভ হয়, তখন উহা গ্রহণ কর এবং নিজেকে এরূপ অভ্যস্ত কর যে, কোন ক্ষেত্রে ধন-সম্পদের কোন স্বেযোগ হাত-ছাড়া হইয়া গেলে যেন বিচলিত ও অস্থির হইয়া উহার পিছনে ছুটাছুটি না কর।

ধন-সম্পদ বাড়াইবার জন্য ভিক্ষা করার পরিণতি

৭৭৭। হাদীছ :— قَالَ عَبْدُ اللَّهِ بْنُ عُمَرَ رَضِيَ اللَّهُ تَعَالَى عَنْهُ قَالَ الذِّبْيُ صَلَّى اللَّهُ عَلَيْهِ وَسَلَّمَ مَا يَزَالُ الرَّجُلُ يَسْأَلُ النَّاسَ حَتَّى يَأْتِيَ يَوْمَ الْقِيَمَةِ لَيْسَ فِي وَجْهِهِ مَرْعَةٌ لَحْمٍ وَقَالَ إِنَّ الشَّمْسَ تَدْنُو يَوْمَ الْقِيَمَةِ حَتَّى يَبْلُغَ الْعَرَقُ نَفْخَ الْأُذُنِ فَبَيْنَمَا هُمْ كَذَلِكَ

اسْتَفْثُوا بِآدَمَ ثُمَّ بِمُوسَىٰ ثُمَّ بِمُحَمَّدٍ صَلَّى اللَّهُ عَلَيْهِ وَسَلَّمَ فَيُشْفَعُ
لِبَيْتِي بَيْنَ الْخَلْقِ فَيَمْشِي حَتَّى يَأْخُذَ بِحُلَّةِ الْبَابِ فَيَوْمَئِذٍ
يُجْعَلُ اللَّهُ مَقَامًا مَحْمُودًا

অর্থ:—আবুল্লাহ ইবনে ওমর (রাঃ) হইতে বর্ণিত আছে, নবী ছালাল্লাহু আলাইহে অসাল্লাম বলিয়াছেন, মানুষ যাক্কা ও ভিকাবুত্তিতে অভ্যস্ত হইয়া যাক্কা ও ভিক্কা করিতে থাকে (যদ্বারা ছুনিয়াতে তাহার মান-ইজ্জৎ বিনষ্ট হয় এবং মর্যাদাশূন্য ও সম্মতহীন হইয়া পড়ে। ইহারই প্রতিক্রিয়া পরজগতেও তাহার উপর পরিলক্ষিত হইবে।) কেয়ামত দিবসে যখন সে উপস্থিত হইবে তখন তাহার মুখমণ্ডলের হাড়গুলি উন্মুক্ত অবস্থায় দেখা যাইবে; উহার উপর গোশত কিম্বা চর্মের আবরণ থাকিবে না।

অতঃপর নবী ছালাল্লাহু আলাইহে অসাল্লাম কেয়ামতের দিনের ভীষণ সঙ্কটপূর্ণ অবস্থারও কিঞ্চিৎ বর্ণনা দান করতঃ বলিলেন, সে দিন সূর্য্য তাহার বর্তমান অবস্থান অপেক্ষা অতি নিকটবর্তী হইবে। (যদ্বারা অত্যধিক উত্তাপে মানুষের শরীর হইতে ঘামের স্রোত বহিবে।) এমনকি, এক এক ব্যক্তির অন্ধ কান পর্যন্ত ঘামের স্রোতে ডুবিয়া যাইবে এবং মানুষ অধীর ও অস্থির হইয়া আদম (আঃ), মুহা (আঃ) প্রমুখ নবীগণের প্রতি ছুটাছুটি করিবে। অবশেষে মোহাম্মদ ছালাল্লাহু আলাইহে অসাল্লামের নিকট সমবেত হইবে। তিনি হিসাব-নিকাশ আরম্ভের জন্ত আলাহ তায়ালার নিকট সুপারিশ করিবেন। তাঁহার সুপারিশে হিসাব আরম্ভ হইলে আদি হইতে অন্ত পর্যন্ত বিশ্বের মানব মণ্ডলী তাঁহার প্রশংসা মুখর হইবে।

কমত মিসকীনাতে দান করিবে?

আল্লাহ তায়ালার কোরআন শরীফে বলিয়াছেন—

لِلْفُقَرَاءِ الَّذِينَ أَحْسَرُوا فِي سَبِيلِ اللَّهِ لَا يَسْتَطِيعُونَ ضَرْبًا فِي الْأَرْضِ
يَسْأَلُهُمُ الْجَاهِلُ أَغْنِيَاءَ مِنَ التَّعَفُّفِ - تَعْرِفُهُمْ بِسِيمَاهُمْ لَا يَسْأَلُونَ
النَّاسَ الْكَافًا - وَمَا تُنْفِقُوا مِنْ خَيْرٍ فَإِنَّ اللَّهَ بِهِ عَلِيمٌ

অর্থঃ—দান-খয়রাতের উপযুক্ত পাত্র ঐ গরীব দরিদ্রগণ যাহারা আল্লাহর দীনের খেদমতে আবদ্ধ রহিয়াছে; (যদ্বর্ণ) তাহারা (জীবিকা অর্জনে) কোথাও যাইতে পারে না। তাহারা কাহারও নিকট হাত পাতে না বলিয়া অজ্ঞ লোকেরা তাহাদিগকে ধনাঢ্য মনে করে, প্রকৃত প্রস্তাবে তাহারা ধনাঢ্য নহে, বড়ই দরিদ্র। (এমনকি,) তোমরা প্রত্যেকেই লক্ষ্য করিলে তাহাদের চেহারার অবস্থা দেখিয়া তাহাদের দারিদ্র্য অনুভব করিতে পারিবে। তাহারা (স্বীয় অবস্থার উপর ধৈর্যধারণ করিয়া থাকে;) হঠকারী হইয়া কাহারও নিকট হাত বিছায় না। তোমরা যাহা কিছু ধন ব্যয় করিবে উহা আল্লাহ তায়ালা নিশ্চয় জানিবেন। (৩ পাঃ ৫ রূঃ)

৭৭৮। হাদীছঃ— عَنْ أَبِي هُرَيْرَةَ رَضِيَ اللَّهُ تَعَالَى عَنْهُ

إِنَّ النَّبِيَّ صَلَّى اللَّهُ عَلَيْهِ وَسَلَّمَ قَالَ لَيْسَ الْمِسْكِينُ الَّذِي تَرُدُّهُ الْأَكْلَةُ وَالْأُكْلَتَانِ وَلَكِنَّ الْمِسْكِينِ الَّذِي لَيْسَ لَهُ غَنَى وَيَسْتَحْيِي ۝

অর্থঃ—আবু হুরায়রা (রাঃ) হইতে বর্ণিত আছে, নবী ছাল্লাল্লাহু আলাইহে অসাল্লাম বলিয়াছেন, ঐ ব্যক্তি বস্ততঃ মিসকীন নয় যে এক-দুই লোন্মা (এস) পাইবার জন্ত দ্বারে দ্বায়ে ঘুরিয়া বেড়ায়। প্রকৃত মিসকীন ঐ ব্যক্তি যাহার অভাব আছে, কিন্তু মাহুষের নিকট হাত পাতায় লজ্জা বোধ করিয়া উহা হইতে বিরত থাকে।

৭৭৯। হাদীছঃ— قَالَ الْمَغِيرَةُ بْنُ شُعْبَةَ رَضِيَ اللَّهُ تَعَالَى عَنْهُ

سَمِعْتُ رَسُولَ اللَّهِ صَلَّى اللَّهُ عَلَيْهِ وَسَلَّمَ يَقُولُ إِنَّ اللَّهَ كَرِهَ لَكُمْ ثَلَاثًا قِيلَ وَقَالَ وَإِضَاعَةَ الْمَالِ وَكَثْرَةَ السُّؤَالِ

অর্থঃ—মুগীরা ইবনে শো'বা (রাঃ) বর্ণনা করিয়াছেন, নবী ছাল্লাল্লাহু আলাইহে অসাল্লামকে আমি বলিতে শুনিয়াছি, আল্লাহ তায়ালা তিনটি বিষয়কে অত্যধিক নাপছন্দ করেন। (১) অতিরিক্ত এবং ভিত্তিহীন কথা বলা ও অযথা তর্ক-বিতর্ক করা। (২) ধন-সম্পদ অপব্যয় ও বিনষ্ট করা। (৩) অনাবশ্যক প্রশ্নের অবতারণা করা বা (অভাবের তাড়নায় হইলেও প্রয়োজন হইতে) অতিরিক্ত যাক্ষা করা।

৭৮০। হাদীছ :- عَنْ أَبِي هُرَيْرَةَ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ :
لَيْسَ الْمِسْكِينُ الَّذِي يَطُوفُ عَلَى النَّاسِ تَرْدُهُ الْقِمَّةُ وَاللَّقَمَتَانِ
وَالْتَّمَرَةُ وَالتَّمْرَتَانِ وَلَكِنَّ الْمِسْكِينِ الَّذِي لَا يَجِدُ غُذًى يُغْنِيهِ
وَلَا يَظُنُّ بِهِ فَيَتَمَدَّقُ عَلَيْهِ وَلَا يَقُومُ فَيَسْأَلُ النَّاسَ ۝

অর্থ :- আবু হোরাযরা (রাঃ) বর্ণনা করিয়াছেন, রসূলুল্লাহ ছালাল্লাহু আলাইহে অসাল্লাম বলিয়াছেন, এই ব্যক্তি মিসকীন নহে যে এক-দুই লোক্‌মা বা এক-দুইটি খুরমার জন্ত লোকদের নিকট ঘুরিয়া বেড়ায়। প্রকৃত মিসকীন এই ব্যক্তি যাহার অভাব আছে, কিন্তু তাহা প্রকাশ পায় না, যাহাতে তাহাকে দান-খয়রাত করা যাইতে পারে। নিজেও লোকদের নিকট ভিক্ষা চাহিতে দাঁড়ায় না।

৭৮১। হাদীছ :- عَنْ أَبِي هُرَيْرَةَ قَالَ النَّبِيُّ صَلَّى اللَّهُ عَلَيْهِ وَسَلَّمَ :
لَا يَأْخُذُ أَحَدُكُمْ حَبْلَةً ثُمَّ يَسْعُدُ إِلَى الْجَبَلِ فَيَحْتَطِبُ فَيَبِيعُ
فَيَأْكُلُ وَيَتَمَدَّقُ خَيْرَ لَهٗ مِنْ أَنْ يَسْأَلَ النَّاسَ ۝

অর্থ :- আবু হোরাযরা (রাঃ) হইতে বর্ণিত আছে, নবী ছালাল্লাহু আলাইহে অসাল্লাম বলিয়াছেন, দড়ি লইয়া পাহাড় হইতে আলানী কাঠের বোঝা বহন করিয়া আনিয়া উহা বিক্রয়লব্ধ উপাৰ্জন হইতে নিজে খাওয়া এবং অন্তকে দান করা লোকদের নিকট ভিক্ষা চাওয়া অপেক্ষা অনেক বেশী উত্তম।

ভূমি হইতে উৎপন্ন দ্রব্যের যাকাত

ভূমির উৎপন্ন দ্রব্য ফল-ফুলাদি, শাক-সজ্জি, তরি-তরকারী, খাণ্ড-শস্ত ইত্যাদি—সবের উপরও যাকাত আছে। উহাকে পরিভাষায় “ওশর” বলা হয়। “ওশর” অর্থ দশমাংশ। এই সকল বস্তুর উপর যাকাত অধিকাংশ ক্ষেত্রে দশমাংশ হারে নির্দ্ধারিত হইয়া থাকে তাই উহাকে “ওশর” বলিয়া অভিহিত করা হয়।

“ওশর” ফরজ হওয়ার জন্ত বিভিন্ন শর্ত আছে এবং উহাতে ইমামগণের মতভেদও রহিয়াছে। মোহক্কেক আলেম হইতে বিস্তারিত বিষয় অবগত হওয়া আবশ্যক।

কাহারও ক্ষেত্রে শস্ত উৎপন্ন হইলে বা বাগানে ফল জন্মিলে উৎপন্ন দশমাংশ যাকাতরূপে বাইতুল মাল—জাতীয় ধন-ভাণ্ডারে দিতে হইবে। কিন্তু উহা আদায় ওয়াসিল করা হইবে, উৎপন্ন দ্রব্য কাটিয়া আনার পর। তাই এই স্থলে দুইটি

সমস্তা দেখা দেয়—প্রথম এই যে, এই দীর্ঘ সময়ের মধ্যে কোন মালিক উৎপন্নের কিছু অংশ লুকাইয়া ফেলিতে পারে। দ্বিতীয় এই যে, ফল-ফুলাদি পরিপূর্ণ রূপে পাকিবার পূর্বেও মালিকগণের খাওয়ার প্রয়োজন হয়। অথচ যাকাত হয় পূর্ণ উৎপন্ন এবং এই সময় ফল পাকিলে সম্পূর্ণ এক সঙ্গে কাটা হইবে।

অতএব, শরীয়তের বিধান এই যে, সরকারের পক্ষ হইতে পরিমাণ নির্ধারণে ও অনুমান কার্যে অভিজ্ঞতাপূর্ণ লোকদিগকে নিয়োগ করা হইবে। এই সমস্ত লোকেরা প্রত্যেক ক্ষেত্রে ও বাগানে যাইয়া প্রাথমিক অবস্থায়ই পরিমাণ ও অনুমান করিয়া আনিবে যে, কোন্ ক্ষেত্রে বা বাগানে কি পরিমাণ শস্য উৎপন্ন হইতে বা ফল-ফুলাদি জন্মিতে পারে। এই পন্থায় এই সমস্তাদ্বয়ের সমাধান হইয়া যাইবে। ইহাতে মালিকের প্রাণে ভয়ের চাপ থাকিবে এবং মালিকগণ পূর্ববর্তী সময়ের মধ্যে যাহা কিছু খাইবে তাহারও একটি হিসাব থাকিবে। অবশ্য মধ্যবর্তী সময়ের মধ্যে যে পরিমাণ উৎপন্নজাত দ্রব্য স্বভাবতঃই নষ্ট হইয়া থাকে উহার প্রতি দৃষ্টি রাখার জন্তও শরীয়তে বিধান বলবৎ রাখিয়াছে।

উৎপন্নের পরিমাণ পূর্বদ্বারা অনুমান করা*

৭৮২। হাদীছঃ—আবু হোমাইদ সায়েদী (রাঃ) বর্ণনা করিয়াছেন, আমরা নবী ছালাল্লাহু আলাইহে আলাইহে অসাল্লামের সঙ্গে তবুকের জেহাদে যাত্রা করিলাম। পথিমধ্যে ওয়াদিল-কোরা নামক স্থানে পৌঁছিয়া আমরা এক বৃদ্ধার একটি খেজুরের বাগান দেখিতে পাইলাম। রসুলুল্লাহ (দঃ) সঙ্গীগণকে বলিলেন, তোমরা এই বাগানটির উৎপন্নের অনুমান কর। রসুলুল্লাহ (দঃ) নিজেরও অনুমান লাগাইলেন যে, দশ অহক (প্রায় ৬০ মণ) হইবে এবং বৃদ্ধাকে বলিলেন, খেজুর কাটা হইলে হিসাব স্মরণ রাখিও। অতঃপর যখন আমরা তবুক নামক স্থানে পৌঁছিলাম, হযরত রসুলুল্লাহ ছালাল্লাহু আলাইহে অসাল্লাম আমাদের সতর্ক করিয়া বলিলেন, অতঃপরে প্রবল ঝটিকা প্রবাহিত হইবে। কেহ যেন রাত্রে বাহির না হয় এবং যাহার সহিত উষ্ট্র আছে সে যেন উহাকে ভালরূপে বাঁধিয়া রাখে। আমরা নিজ নিজ উষ্ট্র বাঁধিয়া রাখিলাম। সত্য সত্যই রাতিকালে প্রবল বেগে ঝটিকা প্রবাহিত হইল। এক ব্যক্তি বাহিরে দাঁড়াইয়াছিল তাহাকে উড়াইয়া নিয়া বহুদূরে

* পূর্বদ্বারা কোন উৎপন্নের পরিমাণ করা সাধারণ দৃষ্টিতে গায়েবের খবর বলার ভাষা দেখা যায়, অথচ যাকাতের ব্যাপারে শরীয়ত উহার পরামর্শ দিয়াছে। ইমাম বোখারী (র.) হযরতের ঘটনা দ্বারা উহার বৈধতা প্রমাণ করিলেন যে, ইহা বস্তুতঃ গায়েবের খবর নহে, বরং অবস্থা দৃষ্টে পরিণামের ধারণা ও অনুমান করা মাত্র।

এক পাহাড়ের উপর নিক্ষেপ করিল। (আমরা সে স্থানে দীর্ঘকাল অবস্থান করিলাম, কিন্তু শত্রু পক্ষ উপস্থিত না হওয়ায় কোনরূপ যুদ্ধ হইল না।) অবশ্য নিকটবর্তী “আইলা” নামক একটি এলাকার শাসনকর্তা (মোসলমানদের প্রতি আনুগত্য প্রকাশ করিয়া জিযিয়া কর দানে রাজী হইয়া সন্ধিপত্রে স্বাক্ষর করিল। হযরত (দঃ) তাহাদের দেশ তাহাদের স্বায়ত্ত্ব শাসনে থাকার সনদ লিখিয়া দিলেন। হযরতের প্রসিদ্ধ যানবাহন “বাগালা-বয়জা” (শ্বেত বর্ণের খচ্চর) এবং হযরতের জন্ত পোশাক পরিচ্ছদ তাহারা উপঢৌকন স্বরূপ পেশ করিল।

তবু হইতে মদীনায ফিরিবার পথে সেই ওয়াদিল-কোরা নামক স্থানে পৌঁছিয়া ঐ বৃদ্ধাকে জিজ্ঞাসা করা হইল, তোমার বাগানে কি পরিমাণ খেজুর হইয়াছে? সে বলিল, দশ অঙ্ক। ইহা সঠিকরূপে ঐ পরিমাণই ছিল যাহার অনুমান পূর্বেই রসুলুল্লাহ ছালাল্লাহু আলাইহে অসাল্লাম লাগাইয়া ছিলেন।

অতঃপর রসুলুল্লাহ (দঃ) বলিলেন, আমি দ্রুত মদীনায পৌঁছিব, অল্প কাহারও সেরূপ ইচ্ছা থাকিলে আমার সঙ্গে চলিতে পার। নিকটবর্তী পথ হইতে যখন মদীনা দৃষ্টিগোচর হইল তখন হযরত (দঃ) স্নেহভরে বলিয়া উঠিলেন— ঐ যে “তাবাহ” (মদীনার অপর নাম) এবং ওহদ পাহাড় দেখিয়া বলিলেন, এই স্নেহময় পাহাড়টি আমাদিগকে ভালবাসে; আমরাও উহাকে ভালবাসি।

অতঃপর বলিলেন, আমি তোমাদিগকে মদীনাবাসী বিভিন্ন গোত্রের মর্যাদা জ্ঞাত করিব। আমরাও ইহাতে আগ্রহ প্রকাশ করিলাম। হযরত (দঃ) বলিলেন, সর্বোত্তম গোত্র “বনু-নাজ্জার” গোত্র, অতঃপর “বনু-আবু-আশহাল” গোত্র, অতঃপর “বনু-হারেছ” গোত্র, অতঃপর “বনু-সায়দাহু” গোত্র। অতঃপর বলিলেন, মদীনাবাসী প্রত্যেকটি গোত্রই উত্তম।

উৎপন্ন দ্রব্য যাকাতের পরিমাণ

৭৮৩। হাদীছঃ—আবুহুলাহ ইবনে ওমর (রাঃ) হইতে বর্ণিত আছে, নবী ছালাল্লাহু আলাইহে অসাল্লাম বলিয়াছেন, যে সমস্ত জমি রূটিপাত নদী-নালা বা প্রাকৃতিক আর্দ্রতা ও রসের সাহায্যে শস্তোৎপাদন করিয়া থাকে উহার উৎপন্ন দ্রব্যের দশমাংশ যাকাতরূপে দান করিতে হইবে। পক্ষান্তরে যে সমস্ত জমি ব্যয় সাপেক্ষ সেচ প্রণালীর সাহায্যে শস্তোৎপাদন করিয়া থাকে উহার উৎপন্ন দ্রব্যের কুড়ি ভাগের এক ভাগ দান করিতে হইবে।

শস্য, ফল ইত্যাদি কাটার সময় যাকাত আদায় করিবে

৭৮০। হাদীছঃ—আবু হোরায়ারা (রাঃ) বর্ণনা করিয়াছেন, খেজুর কাটার মৌসুম উপস্থিত হইলে লোকজন নিজ নিজ যাকাত-পরিমিত খেজুর রসুলুল্লাহ

ছাল্লাল্লাহু আলাইহে অসাল্লামের নিকট লইয়া আসিত। এই সময় তাঁহার নিকটে খেজুরের স্তূপ লাগিয়া যাইত। শিশু হাসান হোসাইন রাজিয়াল্লাহু তায়ালা আনহুমা এই খেজুর নাড়াচাড়া করিয়া খেলা করিত। একদা তাঁহাদের একজন একটি খেজুর হঠাৎ মুখে দিয়া ফেলিল, রসুলুল্লাহ ছাল্লাল্লাহু আলাইহে অসাল্লাম ইহা দেখা মাত্র তৎক্ষণাৎ খেজুরটি তাঁহার মুখ হইতে বাহির করিয়া ফেলিলেন এবং বলিলেন, তুমি জাননা যে, মোহাম্মদের (ছাল্লাল্লাহু আলাইহে অসাল্লাম) বংশধররা ছদকার বস্তু খাইতে পারে না?

স্বীয় দানকৃত বস্তু পুনরায় ক্রয় করা

৭৮৫। হাদীছ :-ওমর (রাঃ) বর্ণনা করিয়াছেন, আমার একটি ঘোড়া এক ব্যক্তিকে আল্লার ওয়াস্তে দান করিলাম। এই ব্যক্তি ঘোড়াটিকে ভালরূপে যত্ন করিত না। একদা দেখিতে পাইলাম, ঘোড়াটি বিক্রি করিবার জন্য উপস্থিত করা হইয়াছে। তখন আমি উহাকে ক্রয় করিবার ইচ্ছা করিলাম। কিন্তু আমার মনে এই ধারণা জাগিল যে, সে আমার দানের প্রতি লক্ষ্য করিয়া আমার নিকট ইহার প্রকৃত মূল্য অপেক্ষা কম মূল্যের প্রার্থী হইবে। তাই আমি নবী ছাল্লাল্লাহু আলাইহে অসাল্লামের নিকট ঘটনা ব্যক্ত করিয়া তাঁহার মতামত জিজ্ঞাসা করিলাম। হযরত (দঃ) বলিলেন, (এমতাবস্থায়) তুমি উহা ক্রয় করিও না এবং স্বীয় দানকৃত বস্তু ফেরত লইও না। (অর্থাৎ দানকারীর প্রতি লক্ষ্য করিয়া যে পরিমাণ মূল্য কম লওয়া হইবে সেই পরিমাণের অংশ যেন দান করার পর পুনরায় ফেরত লওয়া হইল।) যদি সে উহা তোমার নিকট একটি মাত্র রৌপ্য মুদ্রার বিনিময়ে বিক্রয় করিতে রাজি হয়, তবুও উহা গ্রহণ করিও না। কারণ দানকৃত বস্তু ফিরাইয়া লওয়া এরূপ জঘন্য ও ঘৃণিত কার্য, যে রূপ কেহ স্বীয় বস্তু পুনঃ ভক্ষণ করে।*

মাছআলাহু :-অন্তের দানকৃত বস্তু দান গ্রহণকারী হইতে ক্রয় করা জায়েয।

দানকৃত বস্তু উপযুক্ত গ্রহণকারীর মালিকানায় যাওয়ার পর সাধারণ মালের ন্যায় বিবেচিত হইবে।

অর্থঃ :- যেমন কোন “গরীবকে” যাকাত, ফেরা বা দান-খয়রাত ইত্যাদি দেওয়া হইয়াছে, যাহা সরাসরিরূপে কোন ধনাঢ্য ব্যক্তি বা সৈয়দ বংশীয় ব্যক্তি

* উল্লিখিত হাদীছের বিবরণের প্রতি লক্ষ্য করিলে বুঝা যায় যে, স্বীয় দানকৃত বস্তু যদি উহার সঠিক মূল্য হইতে কমে দিবার আশঙ্কা না হয় এবং উহাতে গরীবেরই সাহায্য হয় তবে উহা ক্রয় করাতে কোন দোষ হইবে না।

গ্রহণ করিতে পারে না। কিন্তু ঐ গরীব ঐ মালের মালিক সাব্যস্ত হওয়ার পর ঐ মাল অত্যাচ সাধারণ মালের স্থায় গণ্য হইবে। যদি সে ঐ মালকেই কোন ধনাঢ্য বা নৈয়দ বংশীয় ব্যক্তির প্রতি ব্যয় করে তবে উহা জ্বায়েষ হইবে।

৭৮৬। হাদীছ :—উম্মে-আ'তিয়া (রাঃ) বর্ণনা করিয়াছেন, একদা নবী ছাল্লাল্লাহু আলাইহে অসাল্লাম আয়েশা রাজিয়াল্লাহু তায়ালা আনহার গৃহে আসিয়া জিজ্ঞাসা করিলেন, খাবার কিছু আছে কি। আয়েশা (রাঃ) বলিলেন, আপনি ছদকার মাল হইতে নুছাইবা (রাঃ)কে যে একটি বকরী দিয়াছিলেন, নুছাইবা ঐ বকরীর কিছু গোশত হাদিয়াক্রমে আমাদের ঘরে পাঠাইয়াছে, সেই গোশত আছে, (কিন্তু আপনি ত ছদকার বস্ত ব্যবহার করেন না;) অত আর কিছুই নাই। নবী (দঃ) বলিলেন, বকরীটি (প্রথম অবস্থায় ছদকার মাল ছিল, কিন্তু নুছাইবাহ দরিদ্রা নারী, তাহাকে যখন ঐ বকরীটি দান করা হইয়াছে তখন উহা) উপযুক্ত স্থানে (দেওয়া হইয়াছে; উহা নুছাইবার মালিকানায়) যাওয়ার পর সাধারণ মালে পরিণত হইয়াছে। (উহা ছাদকার মাল থাকে নাই; অতএব, এখন সকলের জন্য সমভাবে উহা হালাল পরিগণিত হইবে)।

৭৮৭। হাদীছ :—আনাছ (রাঃ) বর্ণনা করিয়াছেন, একদা রসুলুল্লাহ ছাল্লাল্লাহু আলাইহে অসাল্লামের সম্মুখে কিছু গোশত উপস্থিত করা হইল যাহা বরীরা (রাঃ)কে ছদকা স্বরূপ দান করা হইয়াছিল। রসুলুল্লাহ ছাল্লাল্লাহু আলাইহে অসাল্লাম বলিলেন, এই গোশত যখন বরীরােকে দেওয়া হইয়াছিল তখন ছদকা ছিল। কিন্তু যখন বরীরা (উহার মালিক সাব্যস্ত হইয়া) আমাদের কাছে হাদিয়া স্বরূপ দিয়াছে তখন উহা হাদিয়াক্রমেই গণ্য হইবে।

সরকার ধনীদিগের যাকাত বাধ্যতামূলক উন্মূল করিয়া

গরীবদেরকে পৌঁছাইবে—গরীব যথায়ই থাকুক

অর্থাৎ সরকারের অধিকার ও কর্তব্য রহিয়াছে ধনীদিগের হইতে যাকাত উন্মূল করার, সঙ্গে সঙ্গে সরকারের উপর দায়িত্বও রহিয়াছে—সেই যাকাত গরীবদেরকে তাহাদের স্থানে পৌঁছাইয়া দেওয়া, গরীব যথায়ই অবস্থান করুক। এমনকি যে এলাকায় যাকাত সংগ্রহ করা হইয়াছে তথায় গরীবের অবস্থান না থাকিলে যথায় অভাবী গরীব পাওয়া যাইবে সরকার কর্তৃক তথায় গরীবকে যাকাতের মাল পৌঁছাইয়া দিতে হইবে।

মাছআলাহ :—প্রত্যেক অঞ্চলের যাকাত সর্বপ্রথম ঐ অঞ্চলের অভাবীদের অভাব মোচনই ব্যয় করিতে হইবে; কোন কোন ইমামের মজহাবে এরূপ করাই ওয়াজেব—ইহার ব্যতিক্রম করা জ্বায়েষ নহে; ইমাম আবু হানীফার

মজহাবে উহার ব্যতিক্রম করা মকরুহ। অবশ্য কয়েকটি ক্ষেত্রে এক অঞ্চলের যাকাত অল্প অঞ্চলে প্রেরণ করিতে কোন দোষ নাই—(১) যাকাত দাতার আত্মীয় গরীব অল্প অঞ্চলে থাকিলে তাহার জন্য এই ব্যক্তির যাকাত প্রেরণ করা যায়। (২) কোন অঞ্চলে অভাব অধিক হইলে, অল্প অঞ্চল হইতে তথায় যাকাত প্রেরণ করা যায়। (৩) এলুম শিক্ষার্থী এবং অভাবগ্রস্ত আলেম ও অভাবগ্রস্ত নেক লোকদের জন্যও এক অঞ্চলের যাকাত অল্প অঞ্চলে প্রদান করা যায়। (শামী, ২—৯৩)

ছদকা-খয়রাত দানকারীর জন্য দোয়া করা

আল্লাহ তায়ালা খীয় রসূলকে সম্বোধন করিয়া বলিয়াছেন—

خُذْ مِنْ أَمْوَالِهِمْ صَدَقَةً تُطَهِّرُهُمْ وَتُزَكِّيهِمْ بِهَا وَصَلِّ عَلَيْهِمْ

“লোকদের মাল হইতে ছদকা—যাকাত গ্রহণ করুন যদ্বারা তাহাদের পবিত্রতা ও পরিচ্ছন্নতা সাধন হইবে আর তাহাদের জন্য দোয়া করুন।”

৭৮৮। ছাদীছঃ—আবু-আওফা রাজিয়াল্লাহু তায়ালা আনহুর পুত্র আবহুল্লাহ (রাঃ) বর্ণনা করিয়াছেন, নবী ছাল্লাল্লাহু আলাইহে অসাল্লামের নিকট কেহ যাকাত, ছদকা, খয়রাত লইয়া আসিলে তিনি তাহার জন্য দোয়া করিতেন। একদা আমার পিতা আবু-আওফা ছদকা লইয়া তাঁহার নিকট উপস্থিত হইলেন, হযরত (দঃ) তাহার পরিবারবর্গের জন্য দোয়া করিলেন—হে আল্লাহ! আবু-আওফার পরিবারবর্গের উপর রহমত নাযেল কর।

কতিপয় বস্তুর উপর বাইতুল মালের হুক

সমুদ্র হইতে প্রাপ্ত প্রাকৃতিক বস্তু যেমন—মতি, আশ্বর ইত্যাদি সম্পর্কে ইমামগণের মতভেদ আছে। কোন কোন ইমাম বলেন, ঐরূপ প্রাপ্ত দ্রব্যের এক পঞ্চমাংশ বায়তুল মাল—জাতীয় ধন-ভাণ্ডারে দান করিতে হইবে। কোন কোন ইমামের মত এই যে, সামুদ্রিক দ্রব্যের উপর ঐরূপ দান বাধ্যতামূলক নহে।

মাটি খননে ভূগর্ভে প্রাচীনকালের প্রোথিত ধন-দৌলত হস্তগত হইলে উহার পঞ্চমাংশ বাইতুল-মালে দান করিতে হইবে; ইহা সর্বসম্মত বিধান।

ভূগর্ভস্থিত প্রাকৃতিক খনিজ দ্রব্যাদি হস্তগত হইলে উহা সম্পর্কে সামুদ্রিক দ্রব্যের স্থায় ইমামগণের মতভেদ আছে।

“মধু” সম্পর্কে অধিকাংশ ইমামগণের মতে উহার কোন অংশ দান করা বাধ্যতামূলক নহে, কোন কোন ইমামের মতে উহার দশমাংশ বাইতুল মালকে দিতে হইবে।

যাকাত ইত্যাদি ওয়াসিলকারীদের হইতে সরকার
কর্তৃক কড়া হিসাব লওয়া আবশ্যক

৭৮৯। হাদীছ :- আবু হোমাইদ (রাঃ) বর্ণনা করিয়াছেন, রসুলুল্লাহ ছালাল্লাহু আলাইহে অসাল্লাম “আসাদ” গোত্রের এক ব্যক্তিকে এক এলাকায় যাকাত ইত্যাদি ওয়াসিলের জন্ত নিয়োগ করিলেন। ঐ ব্যক্তি স্বীয় কার্য হইতে ফিরিয়া আসার পর রসুলুল্লাহ ছালাল্লাহু আলাইহে অসাল্লাম তাহার নিকট হইতে সম্পূর্ণ হিসাব লইলেন। হিসাব দান কালে সে বলিল, এই পরিমাণ মাল সরকারী বিভাগের ওয়াসিল হইয়াছে এবং এই পরিমাণ মাল আমি ব্যক্তিগত রূপে উপঢৌকন স্বরূপ প্রাপ্ত হইয়াছি। এতদ্ব্যতীত রসুলুল্লাহ (দঃ) রাগান্বিত হইয়া তাহাকে ধমকাইলেন এবং বলিলেন, তুমি তোমার বাড়ী বসিয়া থাকিলে কি কেহ তোমাকে উপঢৌকন দিতে আসিত ? (অর্থাৎ এইনব উপঢৌকন সরকারী পদের প্রভাবেই তোমাকে দেওয়া হইয়াছে) সুতরাং ইহা সরকারী তহবিলে জমা হইবে; ইহা তুমি পাইতে পার না। এমনকি রসুলুল্লাহ (দঃ) সকলকে এই বিষয়ে সতর্ক করার জন্ত নামায বাদ মসজিদের মিম্বরে উঠিয়া তেজোবদ্বন্দ্ব ভাষায় ভাষণ দানে বলিলেন—আমরা রাষ্ট্রীয় কার্যে লোকদিগকে নিয়োগ করিয়া থাকি। পরিতাপের বিষয় যে, কোন কোন ব্যক্তি কার্য হইতে প্রত্যাবর্তন করিয়া হিসাব দিয়া থাকে যে, এই পরিমাণ মাল সরকারী বিভাগের এবং এই পরিমাণ মাল আমার ব্যক্তিগত উপঢৌকন। সে নিজের বাড়ীতে বসিয়া থাকিলে কি কেহ তাহাকে উপঢৌকন দিয়া থাকিত ?

আমি ঐ আশ্রয় শপথ করিয়া বলিতেছি যাহার মুষ্টি ভিতরে আমার (মোহাম্মদের) প্রাণ—তোমাদের যে কেহ এইরূপ খেয়ানত ও অসাধু উপায় অবলম্বন পূর্বক (জাতীয় ধনভাণ্ডারের) কোন বস্তু আত্মসাৎ করিবে, কেয়ামতের দিন ঐ বস্তু তাহার ঘাড়ে চাপিয়া বসিবে। এমনকি, ঐ বস্তু কোন জন্ত হইলে উহা তাহার ঘাড়ের উপর চাপিয়া চীৎকার করিতে থাকিবে। ভাষণ শেষে রসুলুল্লাহ ছালাল্লাহু আলাইহে অসাল্লাম স্বীয় হাত উপরের দিকে এতদূর উত্তোলন করিলেন যে, তাঁহার বগল পর্য্যন্ত দৃষ্টিগোচর হইল এবং বলিলেন, হে আল্লাহ! তুমি সাক্ষী থাক—আমি উন্নতকৈ ভালরূপে বুঝাইয়া ব্যক্ত করিয়া দিলাম।

ঘটনা বর্ণনাকারী আবু হোমাইদ (রাঃ) বলেন, রসুলুল্লাহ ছালাল্লাহু আলাইহে অসাল্লামের ভাষণ শ্রবণকারীদের মধ্যে যার যার ইবনে ছাবেত (রাঃ) রহিয়াছেন; কাহারও ইচ্ছা হইলে এই হাদীছ তাঁহার নিকটে যাইয়া শুনিতে পারে।

যাকাতের বস্তু চিহ্নিত করা যেন অপাত্রে ব্যয় না হয়

৭৯০। হাদীছ :- আনাছ (রাঃ) বর্ণনা করিয়াছেন, একদা আমি আবু তাল্হা রাজিয়াল্লাহু তায়ালা আনহুর সত্ত প্রসূত শিশু ছেলে আবুহুলাহকে লইয়া হযরত রসুলুল্লাহ ছাল্লাল্লাহু আলাইহে অসাল্লামের নিকট উপস্থিত হইলাম; হযরতের মুখের চিবান খেজুর সর্বপ্রথম তাহার মুখে দিয়া বরকত হাসিল করার উদ্দেশ্যে। তথায় উপস্থিত হইয়া দেখিলাম, হযরত রসুলুল্লাহ ছাল্লাল্লাহু আলাইহে অসাল্লাম যাকাত-ছদকা স্বরূপ সংগৃহীত বাইতুল মালের উটসমূহকে চিহ্নিত করিতেছেন।

ছদকায়ে-ফেৎৱ

আতা ও ইবনে ছীরীন বিশিষ্ট তাবেয়ীগণ বলিয়াছেন, ছদকায়ে-ফেৎৱ আদায় করা ফরজ। হানফী ফেকার কেতাবে ওয়াজেব লেখা হয়; ওয়াজেব কার্যতঃ ফরজই বটে, উভয়ের মধ্যে শুধু সূক্ষ্ম মর্্মগত সামান্য পার্থক্য আছে।

৭৯১। হাদীছ :-

عن ابن عمر رضى الله تعالى عنه أن
رسول الله صلى الله عليه وسلم فرض زكاة الفطر مما من
تمر أو مما من شعير على العبد والأحر والذكر والأنثى
والغدير والكبير من المسلمين وأمر بها أن تؤدى قبل
خروج الناس إلى الصلوة

অর্থ :- আবুহুলাহ ইবনে ওমর (রাঃ) হইতে বর্ণিত হইয়াছে, রসুলুল্লাহ ছাল্লাল্লাহু আলাইহে অসাল্লাম ছদকায়ে-ফেৎৱ নিম্নরূপ নির্ধারণ করিয়াছেন—
এক ছা' (প্রায় চার সের) খেজুর বা যব প্রত্যেক মোসলমান ব্যক্তি আজাদ বা ক্রীতদাস, পুরুষ বা নারী, বড় বা ছোট-এর পক্ষ হইতে। এবং আদেশ করিয়াছেন, উহা যেন লোকদের ঈদুল-ফেতরের নামাযে যাইবার পূর্বেই আদায় করা হয়।

৭৯২। হাদীছ :- আবু সায়ীদ খুদরী (রাঃ) বর্ণনা করিয়াছেন, আমরা হযরত নবী ছাল্লাল্লাহু আলাইহে অসাল্লামের যমানায় ঈদের দিন ছদকায়ে-ফেৎৱ এই পরিমাণে আদায় করিতাম—এক ছা' খাওবস্তু কিম্বা এক ছা' খেজুর কিম্বা এক ছা' যব কিম্বা এক ছা' কিশমিশ। আমাদের তথা মদীনার খাও-বস্তু তখন যব, কিশমিশ, পনির এবং খেজুরই ছিল।

মোয়াবিয়া (রাঃ)-এর যমানায় যখন সিরিয়া দেশের গম আমদানী হইল তখন তিনি বলিলেন, উল্লিখিত বস্ত্রসমূহের অর্দ্ধ পরিমাণ গম-ই আমি যথেষ্ট মনে করি।

ব্যাখ্যা :—গম ব্যতীত অন্য প্রকারের খাদ্য-বস্তুর দ্বারা কেৱলা পূর্ণ এক ছা' পরিমাণের দিতে হয়। গমের দ্বারা ইমাম আবু হানিফার মতে অর্দ্ধ ছা' যথেষ্ট, কিন্তু অন্যান্য ইমামগণ গম হইলেও পূর্ণ এক ছা' দিতে বলেন।

যখন রসূলুল্লাহ ছালাল্লাহু আলাইহে অসাল্লামের যমানায় মদীনায় খাদ্যবস্তু কি ছিল তাহা উপরোল্লিখিত হাদীছে বর্ণিত হইয়াছে যে, আমাদের খাদ্য-বস্তু ছিল—যব, কিশমিশ পনির এবং খেজুর। গমের অস্তিত্ব প্রায় না থাকার হ্যায় অতি বিরল ছিল। তাই অন্যান্য খাদ্য-বস্তুর দ্বারা যে পরিমাণ কেৱলা দিতে হয় অর্থাৎ এক ছা' সাধারণতঃ কেৱলার পরিমাণ তাহাই প্রসিদ্ধ ছিল। মোয়াবিয়া (রাঃ)-এর শাসনকালে যখন গমের প্রাচুর্য্য দেখা দিল তখন গমের পরিমাণ অর্দ্ধ ছা' হওয়ার মহাশোকাহ ও প্রসার লাভ করিল। শুধু একা মোয়াবিয়া (রাঃ)-ই নহেন, বরং বহু ছাহাবী এই মহাশোকালার সমর্থক হইলেন। কারণ গমের দ্বারা অর্দ্ধ ছা' পরিমাণ নিষ্কারণ—এই মহাশোকাহ শুধু কেয়াছ, যুক্তি বা মূল্যের হিসাবের উপর প্রতিষ্ঠিত নহে, বরং এই বিষয়ে একাধিক হাদীছ বিদ্যমান রহিয়াছে। এ বিষয়ে বিস্তারিত বিবরণ ফতহুল-মোল্হেম নামক (মোসলেম শরীফের শরহ) কিতাবে বিদ্যমান আছে।

মহাশোকাহ :—ঈদের নামাযের পূর্বেই কেৱলা আদায় করিয়া দেওয়া উচিত, অন্ততঃ ভিন্ন করিয়া রাখিবেই। যদি কেহ তাহা না করে, তবে অন্ততঃ ঐ দিনের মধ্যে আদায় করিবে এবং উহা আদায় না করা পর্য্যন্ত নিজের জিন্মায় ওয়াজেব থাকিয়া যাইবে। অতএব যথাসম্ভব উহা আদায় করিতেই হইবে।

কতিপয় পরিচ্ছেদের বিষয়াবলী

❶ দান-খয়রাত ডান হাতে দেওয়া চাই (১১১ পৃঃ)। অর্থাৎ দানকারী ব্যক্তির কর্তব্য দানকৃত ব্যক্তির প্রতি অবজ্ঞা ও তুচ্ছতাচ্ছিল্যের ব্যবহার না করা এবং তাহাকে হেয় মনে না করা; এই সব কার্য্যে দানের ছওয়াব বিনষ্ট হয়, এমনকি অনেক ক্ষেত্রে দান বিফলও হইয়া যায়। ❷ স্বীয় ভৃত্য বা অধীনস্তের মাধ্যমে দান-খয়রাত ইত্যাদি দেওয়া (১৭২ পৃষ্ঠা ৭০১, ৭০২ হাদীছ)। অর্থাৎ দানকৃত ব্যক্তিকে হেয় মনে করিয়া নয় বা তাহার প্রতি অবজ্ঞা প্রকাশে নয়, বরং প্রয়োজনে বা স্বাভাবিকভাবে দান-খয়রাত করার ঐরূপ মাধ্যমের ব্যবহারে কোন দোষ নাই, বরং ঐ মাধ্যম ছওয়াব লাভের সুযোগ পাইবে।

❸ দান-খয়রাত যথাসম্ভব সম্পন্ন করা উত্তম (১২২ পৃষ্ঠা ৬৪৮ হাদীছ)।

অর্থাৎ দান খয়রাতের কোন কিছু থাকিলে উহা যথাসত্তর গরীবদেরকে দিয়া দেওয়া সুন্নত বিলম্ব করিবে না। ❶ দান-খয়রাতে গোনাহ মাফ হইয়া থাকে (১৯৩ পৃঃ ৩২৫ হাঃ)। ❷ যাকাত বা দান-খয়রাত কোন এক ব্যক্তিকে কি পরিমাণ দেওয়া যায়? নফল দান-খয়রাত এক ব্যক্তিকে তাহার প্রয়োজনাতিরিক্তও দেওয়া যায়। যাকাতও এক ব্যক্তিকে বিশেষতঃ ঋণগ্রস্ত বা অভাবী পরিবার বহনকারী হইলে তাহাকে উপস্থিত এক সঙ্গে যে পরিমাণ ইচ্ছা দেওয়া যায় তাহাতে দোষ নাই। অবশ্য একটি বিষয় লক্ষ্য রাখিবে—একজন গরীবকে নেছাব পরিমাণে অধিক টাকা এক সঙ্গে দিয়া দেওয়া যাইতে পারে, কিন্তু উপস্থিত নেছাব পরিমাণ টাকা দিয়া ঐ টাকা তাহার হাতে জমা থাকাবস্থায় পুনঃ তাহাকে যাকাত দেওয়া যাইবে না। অবশ্য যদি সে ঋণগ্রস্ত হয় বা পরিজনকে দিয়া ফেলিয়া থাকে কিম্বা প্রয়োজনীয় জিনিসপত্রে ব্যয় করিয়া ফেলিয়া থাকে, তবে দিতে পারে। ঋণ বা অভাবী পরিবার বিহীন এক ব্যক্তিকে এককভাবে নেছাব পরিমাণ মাল এক সঙ্গে দেওয়াকে ইমাম আবু হানিফা (রঃ) মকরুহ বলিয়াছেন। ❸ যাকাত উম্মুল করিতে লোকদের গুণ্ডু ভাল ভাল জিনিস বাছিয়া লইবে না। যেমন ব্যবসা-বাণিজ্যের মালের যাকাত যদি কেহ টাকা-পয়সা দ্বারা না দিয়া ঐ মালেরই চল্লিশ ভাগের এক ভাগ দিয়া দিতে চায়—সে ক্ষেত্রে যেমন যাকাত দাতার কর্তব্য যে, খারাব খারাব জিনিস বাছিয়া দিবে না; তদ্রূপ সরকারের পক্ষ হইতে যাকাত উম্মুল করা হইলে তাহারও কর্তব্য যে, গুণ্ডু ভাল মাল বাছিয়া না লয়। (১৯৬ পৃষ্ঠা ৬৭৬ হাদীছ) ❹ কাহারও নিকট কোন বস্তু আছে যাহার উপর যাকাত ফরজ হইয়াছে; ঐ ব্যক্তি উহা হইতে যাকাত আদায় না করিয়া উহা সম্পূর্ণই বিক্রি করিয়া ফেলিল এবং অগ্রত্ব হইতে উহার যাকাত আদায় করিল—ইহা জায়েয আছে। (২০১ পৃষ্ঠা)

❺ নবী ছালাল্লাহু আলাইহে অসাল্লামের বংশধর তথা বনী-হাশেম বংশের লোকদের জন্ম যাকাত এবং ছদকায়ে-ফেৎর গ্রহণ করা নিষিদ্ধ উহা তাহাদেরকে দেওয়া হইলে আদায় হইবে না। (২০২ পৃঃ) ❻ দান-খয়রাত কৃত বস্তুর উৎপন্নও দানই পরিগণিত হইবে; উহা দানের পাত্রই ব্যয়িত হইবে। (২০৩ পৃষ্ঠা)

❼ আবদুল্লাহ ইবনে ওমর (রাঃ) ছদকায়ে-ফেৎর ছোট বড় প্রত্যেকের পক্ষ হইতে আদায় করিতেন। অর্থাৎ—ছেলে-মেয়ে বালেগ হইয়া গেলে যদি তাহাদের নিজস্ব মাল থাকে তবে সেই মাল হইতে তাহাদের ছদকা-ফেৎর আদায় করিতে হইবে। যদি তাহাদের নিজস্ব মাল না থাকে তবে তাহাদের ছদকা-ফেৎর ওয়াজেব থাকে না; এমনকি পিতার উপরও তাহাদের পক্ষ

হইতে ছদকা-ফেৎর আদায় করা ওয়াজেব হয় না ; পিতার উপর শুধু নাবালেগ সন্তানদের পক্ষ হইতে ছদকা-ফেৎর ওয়াজেব হয় ।

অবশ্য যে সব বালেগ ছেলে-মেয়ের নিজস্ব মাল নাই ; পিতার ভরণ-পোষণেই থাকে—সে ক্ষেত্রে উক্ত ছেলে-মেয়েদের পক্ষ হইতে ছদকা-ফেৎর আদায় করা পিতার জন্ত মোস্তাহাব । আবহুলাহ ইবনে ওমর (রাঃ) তাহাই করিতেন । (২০৫ পৃষ্ঠা)

বিশেষ দৃষ্টব্য :—বালেগ সন্তানের নিজস্ব মাল আছে তাহার ফেৎরা পিতা আদায় করিলে এবং স্ত্রীর নিজস্ব মাল আছে তাহার ফেৎরা স্বামী আদায় করিলে যদি তাহা অনুমতি তথা তাহাদের সঙ্গে কথাবার্তা সাব্যস্ত করা ছাড়া হয় তবে সাধারণ বিধান মতে উহা আদায় না হওয়াই সাব্যস্ত । অবশ্য এক অল্পভুক্ত থাকিলে আদায় হইয়া যায় বলিয়া ফৎওয়া রহিয়াছে (শামী, ২ - ১০৩) ; সুতরাং সর্ববাবস্থায় তাহাদের সঙ্গে আলোচনা করিয়াই তাহাদের ফেৎরা আদায় করা উত্তম । এক অল্পভুক্ত মালদার ভাই-বোদাদের মহআলাহও তদ্রূপই (ঐ) ।

❶ ছাহাবীদের যুগে ছদকা-ফেৎর ঈদের এক-দুই দিন পূর্বেই দেওয়া হইত । ইমাম বোখারী (রাঃ) এই কথাটির ব্যাখ্যায় বলিয়াছেন যে, ছদকা-ফেৎর গরীব-দুঃখী জনকে সুষ্ঠুরূপে পৌঁছাইয়া দিবার উদ্দেশ্যে সরকার ছদকা-ফেৎর সংগ্রহের জন্ত লোক নিয়োগ করিত । সংগৃহীত ছদকা-ফেৎর যাহাতে সময় মত ঈদের দিন ঈদের নামাযের পূর্বেই গরীব-দুঃখীকে পৌঁছাইয়া দেওয়া যায় সেই উদ্দেশ্যে ঈদের এক-দুই দিন পূর্বে হইতেই সংগ্রহ অভিযান পরিচালন করা হইত এবং ছদকা-ফেৎর দাতা জনগণ সেই এক-দুই দিন পূর্বে হইতেই উক্ত সংগ্রহকারীদের নিকট নিজ নিজ ছদকা-ফেৎর অর্পণ করিতে থাকিত ।

মহআলাহ :—ছদকা-ফেৎর ঈদের দিনের পূর্বে আদায় করা জায়েয ; তবে দান করার সময় ছদকা-ফেৎর দানের নিয়ত সুস্পষ্টরূপে মনে উপস্থিত রাখিবে । অনেকের মতে রমজান মাসের পূর্বেও আদায় করা যায় । (শামী, ২—১০৬)

এতিম তথা নাবালেগ ছেলে-মেয়ে যাহাদের পিতা জীবিত নাই, উত্তরাধিকার সূত্র বা যে কোন সূত্রে প্রাপ্ত তাহাদের মাল থাকিলে তাহাদের ছদকা-ফেৎর আদায় করা ওয়াজেব । মুরব্বীরা আদায় না করিলে বালেগ হওয়ার পর হিসাব করিয়া সমুদয় বকায়া ছদকা-ফেৎর তাহাদের আদায় করিতে হইবে । (২০৫ পৃষ্ঠা)

❷ পাগল—বালেগ হউক বা নাবালেগ তাহার নিজস্ব মাল থাকিলে উহা হইতে তাহার ছদকা-ফেৎর আদায় করা হইবে । যদি তাহার মাল না থাকে, কিন্তু মালদার পিতা জীবিত থাকে, তবে পাগল সন্তান বালেগ হইলেও তাহার পক্ষ হইতে ছদকা-ফেৎর আদায় করা পিতার উপর ওয়াজেব । (২০৫ পৃষ্ঠা)

দশম অধ্যায়

হজ্জ

আল্লাহ তায়ালা কোরআন শরীফে বলিয়াছেন—

وَلِلَّهِ عَلَى النَّاسِ حِجُّ الْبَيْتِ مَنِ اسْتَطَاعَ إِلَيْهِ سَبِيلًا - وَمَنْ كَفَرَ
فَإِنَّ اللَّهَ غَنِيٌّ عَنِ الْعَالَمِينَ ০

“আল্লাহ (আদেশ পালনার্থে এবং তাঁহার সন্তুষ্টি লাভের) উদ্দেশ্যে আল্লাহ ঘর—কাবা শরীফের হজ্জব্রত পালন করা ফরজ এই ব্যক্তিদের উপর, যাহারা সেই ঘর পর্যন্ত পৌঁছিবার সামর্থ্য রাখে। কোন ব্যক্তি (আল্লাহ পূজারী না হইয়া) কাফের হইলে (আল্লাহ তায়ালা ক্ষতি হইবে না;) আল্লাহ তায়ালা সমস্ত সৃষ্ট জগত হইতে বে-পরোয়া (কাহারও মুখাপেক্ষী নহেন)।” (৪ পারা ১ রুকু)

৭৯৩। হাদীছ :—আবহল্লাহ ইবনে আব্বাস (রাঃ) বর্ণনা করিয়াছেন, বিদায় হজ্জের * সময় (আমার আতা) ফজল রসুলুল্লাহ ছালাল্লাহু আলাইহে অসাল্লামের সঙ্গে একই যানবাহনের উপর আরোহিত ছিল। এমতাবস্থায় “খাসআ'ম” গোত্রের একটি যুবতী নারী রসুলুল্লাহ ছালাল্লাহু আলাইহে অসাল্লামের নিকট উপস্থিত হইলে ফজল তাহার প্রতি দৃষ্টিপাত করিল এবং যুবতীটিও ফজলের প্রতি দৃষ্টি বিনিময় করিল। তখন রসুলুল্লাহ (দঃ) নিজ হস্তে ফজলের চেহারা বিপরীত দিকে ঘুরাইয়া দিলেন (এবং বলিলেন, সুন্দর যুবক ও সুন্দরী যুবতীদের পরস্পরের মধ্যে শয়তানের ওছওয়াছাহ হইতে নিরাপদ হওয়া যায় না)। এই স্ত্রীলোকটি জিজ্ঞাসা করিল—ইয়া রসুলুল্লাহ! হজ্জ ফরজ হওয়ার আদেশ আমার পিতার উপর এমন অবস্থায় বলবৎ হইয়াছে যখন তিনি এরূপ বৃদ্ধ যে, তিনি যানবাহনের উপর বসিয়া থাকিতে সক্ষম নহেন। (অর্থাৎ এই অবস্থায় তিনি ইসলাম গ্রহণ করিয়াছেন বা হজ্জ ফরজ হওয়ার মত ধনের মালিক হইয়াছেন)। এমতাবস্থায় আমি তাঁহার পক্ষ হইতে হজ্জ করিতে পারি কি? রসুলুল্লাহ (দঃ) বলিলেন—হাঁ।

• হিজরতের পর হযরত রসুলুল্লাহ ছালাল্লাহু আলাইহে অসাল্লাম একটি হজ্জ করিয়াছেন যাহা ১০ম হিজরী সনে অনুষ্ঠিত হইয়াছিল এবং যে হজ্জের অনতিকাল পরেই তিনি ইহজগৎ হইতে বিদায় গ্রহণ করেন; সেই হজ্জকে বিদায় হজ্জ বলা হয়।

শুদ্ধ হাজ্জর ফজিলত

৭৯৪। হাদীছ :—একদা আয়েশা (রাঃ) প্রশ্ন করিলেন, ইয়া রসুলুল্লাহ ! জেহাদকে আমরা সকলে সর্বশ্রেষ্ঠ আমলরূপে গণ্য করিয়া থাকি, তাই আমরা (নারী সমাজও পুরুষগণের ছায়) জেহাদে শরীক হইলে তাহা ভাল হয় না কি ? রসুলুল্লাহ ছালাল্লাহু আলাইহে অসাল্লাম বলিলেন, কিন্তু অরণ রাখিও— (তোমাদের জন্ত) সর্বোত্তম জেহাদ শুদ্ধ হজ্জ, যাহা আল্লাহ তায়ালা দরবারে মকবুল—এহগীয হওয়ার উপযোগী।

৭৯৫। হাদীছ :— قَالَ أَبُو هُرَيْرَةَ رَضِيَ اللَّهُ تَعَالَى عَنْهُ سَمِعْتُ النَّبِيَّ صَلَّى اللَّهُ عَلَيْهِ وَسَلَّمَ يَقُولُ مَنْ حَجَّ لِلَّهِ فَلَمْ يَرْفُثْ وَلَمْ يَفْسُقْ رَجَعَ كَيَوْمِ وَلَدَتْهُ أُمُّهُ -

অর্থ :—আবু হোরায়ারা (রাঃ) বর্ণনা করিয়াছেন, আমি নবী ছালাল্লাহু আলাইহে অসাল্লামকে একরূপ বলিতে শুনিয়াছি—যে ব্যক্তি আল্লাহর (সন্তুষ্টি) উদ্দেশ্যে হজ্জ করিতে যাইবে এবং সর্বপ্রকার অশোভনীয় কাজ ও গোনাহের কাজ হইতে বাঁচিয়া থাকিবে, এই হজ্জ হইতে প্রত্যাবর্তনকালে সেই ব্যক্তি অবস্থা এমন হইবে যে, তাহার সমস্ত গোনাহ মাকফ হইয়া সে একরূপ বে-গোনাহ হইয়া গিয়াছে যেহেতু বে-গোনাহ মাতৃগর্ভ হইতে ভূমিষ্ট হওয়ার দিন ছিল।

ব্যাখ্যা :—অনেক প্রকার গোনাহ আছে, যাহা সাধারণতঃ তওবা ব্যতিরেকে মাকফ হয় না, কিন্তু উল্লেখিত পর্যায়ের হজ্জকালে আল্লাহর দরবারে কান্দা-কাটা ও তওবা অমুষ্ঠিত হওয়া স্বাভাবিক। আর হকুল-এবাদ অর্থাৎ কোন মানুষের কোন প্রকার হক তাহার উপর থাকিলে এই হকদারের নিকট হইতে মুক্তির ব্যবস্থা অবশ্যই করিতে হইবে।

মিকাত বা এহরামের স্থান

৭৯৬। হাদীছ :—আবুহুলাহ ইবনে ওমর (রাঃ) হইতে বর্ণিত আছে, রসুলুল্লাহ ছালাল্লাহু আলাইহে অসাল্লাম বিভিন্ন দেশবাসীদের জন্ত মিকাত নিম্নরূপ নির্ধারিত করিয়াছেন, যথা—নজদবাসীদের জন্ত “করুন” নামক স্থান। মদীনা-বাসীদের জন্ত জুল হোলায়ফা ও সিরিয়াবাসীদের জন্ত “জোহফা” নামক স্থান।

৭৯৭। হাদীছ :—আবুহুলাহ ইবনে আব্বাস (রাঃ) হইতে বর্ণিত আছে রসুলুল্লাহ ছালাল্লাহু আলাইহে অসাল্লাম মিকাত নিম্নরূপ নির্ধারণ করিয়াছেন।

যথা—মদীনাবাসীদের জন্য “জুল-হোলায়ফা” নামক স্থান, সিরিয়াবাসীদের জন্য “জোহফা” নামক স্থান, নজদবাসীদের জন্য “করবুল-মানাযিল”, ইয়ামন-বাসীদের জন্য ইয়ালমূলম্ নামক পর্বত।* এই সমস্ত মিকাত উল্লিখিত দেশবাসীদের জন্য এবং তাহাদের পথে আগন্তুকদের জন্য ; যাহারা হজ্জ বা ওমরা করার উদ্দেশ্যে মক্কাভিমুখে আসিবে। আর যাহারা এই সব মিকাতের অভ্যন্তরে বসবাস করে তাহাদের মিকাত হরম শরীফের সীমার বাহিরে যে কোন স্থান এবং মক্কাবাসীদের জন্য এহরামের স্থান মক্কানগরী।

৭৯৮। হাদীছ :—আবুল্লাহ ইবনে ওমর (রাঃ) বর্ণনা করিয়াছেন, যখন ইরাকস্থিত কুফা ও বহরা শহরদ্বয়ের এলাকা মোসলমানদের আধিপত্যে আসিল এবং সেখানে মোসলমানদের বসতি স্থাপিত হইল তখন তথাকার বাসিন্দাগণ খলীফা ওমর রাজিয়াল্লাহু তায়ালা আনহুর নিকট আরজ করিল, রসুলুল্লাহ (দঃ) (আমাদের নিকটবর্তী) নজদবাসীদের জন্য “করবুল” নামক স্থানকে মিকাত নির্দ্ধারিত করিয়াছেন, কিন্তু উহা আমাদের প্রচলিত পথ হইতে দূরে অবস্থিত। যদি আমরা সেই পথে যাতায়াত করিলে আমাদের জন্য কষ্টদায়ক হয়। ওমর (রাঃ) বলিলেন, তোমরা স্বীয় প্রচলিত পথে ঐ “করবুল” বরাবর স্থান নির্দ্ধারিত কর। অতঃপর তিনি তদন্ত করিয়া “জাভ-এরক্” নামক স্থানটি নির্দ্ধারিত করিলেন।

৭৯৯। হাদীছ :—ওমর (রাঃ) বর্ণনা করিয়াছেন, রসুলুল্লাহ ছাল্লাল্লাহু আলাইহে অসাল্লাম (“জুল হোলায়ফা” * এলাকাস্থিত) ওয়াদি-আক্কিক নামক স্থানে রাত্রি যাপনকালে (নিজাবস্থায়) অহীর দ্বারা আল্লাহ তায়ালায় তরফ হইতে তাঁহাকে জ্ঞাত করা হইল, (আপনি অতি মোবারক—উচ্চ মর্যাদা সম্পন্ন স্থানে অবস্থান করিতেছেন।) এই মোবারক এলাকায়ই আপনি দুই রাকাত নামায পড়িয়া (এহরাম বাঁধাকালে) হজ্জ ও ওমরা উভয়ের উল্লেখ করিবেন।

হাজ্জের ছফরে পাথের গ্রহণ করা চাই

وَتَزَوَّدُوا فَإِنَّ خَيْرَ الزَّادِ التَّسْبِيحَ
“হাজ্জের ছফরে পাথের অবগুই গ্রহণ করিবে ; পাথের গ্রহণের বড় সুফল এই যে,

* হিন্দুস্থান, পাকিস্তানের এবং বাংলাদেশের হাজীগণ সমুদ্র পথে আদন তথা ইয়ামনের পথে বাইয়া থাকে তাই তাহাদের জন্য এহরামের স্থান ইয়ালমূলম্ পাহাড় বরাবর।

* এই স্থানটি মদীনার অদূরে অবস্থিত। বর্তমানে উহাকে বীরে আলী নামে অভিহিত করা হয়। এখানে হাজীদের গাড়ী থামাইবার মঞ্জিল আছে এবং মঞ্জিলের নিকটবর্তীই একটি মসজিদ আছে, যে স্থানে রসুলুল্লাহ ছাল্লাল্লাহু আলাইহে অসাল্লাম এহরাম বাঁধিয়াছিলেন।

(ভিক্ষা করার বা অসজ্জায়ের গোনাহ হইতে) নিস্তার পাওয়া যায়। ১ পাঃ ৯ রূঃ

৮০০। হাদীছ ৪—ছাফওয়ান (রাঃ) বর্ণনা করিয়াছেন, ইয়ামানবাসীদের মধ্যে কুপ্রথা ছিল যে, তাহারা পাথের তথা পথের সম্মল না লইয়া হজ্জ করিতে যাইত। তাহারা বলিত, আমরা আল্লার উপর ভরসা স্থাপনকারী। অতঃপর মক্কায় পৌঁছিয়া লোকদের নিকট ভিক্ষা চাহিয়া বেড়াইত। উক্ত ভ্রান্ত রীতির বিরুদ্ধে এই আয়াত নাযেল হয়—**وَتَزِدُوا ثَمَنَ خَيْرِ الزَّادِ التَّفْصِي**

সুগন্ধি বা সুগন্ধময় কাপড় এহরামকালে ব্যবহার করিবে না।

কিষা ধৌত করিয়া লইবে, যেন সুগন্ধ না থাকে

৮০১। হাদীছ ৫—ছাফওয়ান (রাঃ) বর্ণনা করিয়াছেন, আমার পিতা ইয়া'লা (রাঃ) ওমর রাজিয়াল্লাহু তায়ালা আনহুর নিকট অনুরোধ জ্ঞাপন করিলেন যে, নবী ছাল্লাল্লাহু আলাইহে অসাল্লামের প্রতি অহী নাযেল হওয়ারাকালীন তাঁহার অবস্থা আমাকে দেখাইবেন। অতঃপর রসুলুল্লাহ (দঃ) “জেরেররাগা” (মক্কা নগরী হইতে ১১।১২ মাইল দূরে অবস্থিত) স্থানে থাকাবস্থায় এক ব্যক্তি তাঁহার নিকট উপস্থিত হইল। লোকটির পরিধানে একটি জুবা ছিল এবং উহা খলুক—জাফরান মিশ্রিত তৈরী সুগন্ধি মাখানো ছিল। সে জিজ্ঞাসা করিল ইয়া রসুলুল্লাহ! ওমরার এহরাম অবস্থায় সুগন্ধি মাখানো থাকিলে কি করিতে হইবে? এবং আমি ওমরা কিরূপে আদায় করিব? রসুলুল্লাহ (দঃ) তাহার প্রশ্নের উত্তর না দিয়া নীরব রহিলেন। সঙ্গে সঙ্গে হযরতের প্রতি অহী নাযেল হওয়া আরম্ভ হইল এবং তাঁহাকে একটি চাদর দ্বারা ঘেরাও করিয়া দেওয়া হইল। তখন ওমর (রাঃ) ইয়া'লা (রাঃ)কে তাঁহার পূর্ব অনুরোধ অনুসারে ইশারা করিয়া ডাকিলেন। তিনি আসিয়া ঐ ঘেরাও-এর ভিতর মাথা ঢুকাইয়া দেখিতে পাইলেন, রসুলুল্লাহ ছাল্লাল্লাহু আলাইহে অসাল্লামের চেহারা মোবারক রক্তবর্ণ এবং তাঁহার কণ্ঠনালী হইতে একপ্রকার শব্দ নির্গত হইতেছে। কিছুক্ষণ পর যখন তাঁহার ঐ অবস্থা দূরীভূত হইল তখন তিনি জিজ্ঞাসা করিলেন, ওমরার বিষয় প্রশ্নকারী ব্যক্তি কোথায়? তখন ঐ ব্যক্তিকে সংবাদ দিয়া উপস্থিত করা হইল। রসুলুল্লাহ (দঃ) বলিলেন, তোমার পরিধানের জুবাটি খুলিয়া ফেল, (কারণ এহরাম অবস্থায় তৈরী জামা ব্যবহার করা নিষিদ্ধ; তত্বেপরি ইহা সুগন্ধ যুক্তও বটে।) এবং (এই জাফরান মিশ্রিত) সুগন্ধ তিনবার ধৌত করিয়া ফেল। (কারণ, জাফরানের রং পুরুষের জন্ত ব্যবহার করা নিষিদ্ধ।) আর হজ্জ অবস্থায় যেক্রপ চলিয়া থাক ওমরা অবস্থায়ও তত্বেপই চল।

এহরামের পূর্বক্ষণে (শরীরে) স্নগন্ধি ব্যবহার করা

● ইবনে আব্বাস (রাঃ) বলিয়াছেন, এহরাম অবস্থায় ফুল শোখিতে পারে,* আয়নায় চেহারা দেখিতে পারে। যে সব বস্তু মূল স্নগন্ধি নহে, বরং উহা মূলতঃ অল্প ব্যবহারের; যথা—আহার্য্য বস্তু; যেমন তৈল, ঘি এরূপ স্নগন্ধময় বস্তু শরীবে ঔষধরূপে ব্যবহার করিলে কোন কাফ্ফারা দিতে হইবে না। (আর যাহা মূলতঃ স্নগন্ধি যেমন জাফরান, কস্তুরি ইত্যাদি উহা শরীরে প্রয়োজনে ঔষধরূপ ব্যবহারেও কাফ্ফারা আদায় করিতে হইবে (শামী, ২—২৭৭)।

আ'তা (রাঃ) বলিয়াছেন, এহরাম অবস্থায় অঙ্গুরি ব্যবহার করিতে পারে এবং টাকা পয়সা রাখিবার জন্য “জালি” নামে যে লম্বা থলিয়াবিশেষ কোমরে পেঁচাইয়া বাঁধা হয়—উহাও এহরাম অবস্থায় কোমরে বাঁধিতে পারে।

মেহনত ও শক্তির কাজে শ্রমিকরা লুঙ্গির নীচে লেন্সট পড়িয়া থাকে।* আয়েশা (রাঃ) এরূপ ক্ষেত্রে এহরাম অবস্থায় সেই লেন্সট পরা জায়েয বলিয়াছেন।

৮০২। হাদীছ :— সায়ীদ ইবনে জোবায়ের (রঃ) বর্ণনা করিয়াছেন, আমি ইব্রাহীম (রঃ)কে বলিলাম—আবুহুলাহ ইবনে ওমর (রাঃ) এহরামের প্রস্তুতিকালে (শরীরে স্নগন্ধি ব্যবহার জায়েয মনে করিতেন না, যেহেতু তাহা করিলে এহরামের পরেও স্নগন্ধ বিद्यমান থাকিবে, অতএব তিনি ঐ সময়) স্নগন্ধবিহীন সাধারণ তৈল ব্যবহার করিতেন। ইব্রাহীম (রঃ) বলিলেন, তুমি (সুস্পষ্ট হাদীছ বিद्यমান থাকাবস্থায়) তাঁহার প্রতি লক্ষ্য করিবে কেন?

আসওয়াদ (রঃ) আমার নিকট আয়েশা (রাঃ) হইতে বর্ণনা করিয়াছেন আয়েশা (রাঃ) বলিয়াছেন, রসূলুল্লাহ (দঃ)কে (এহরাম বাঁধার পূর্বক্ষণে আমি) তাঁহার মাথায় আঁচড়ানো চুলের মধ্য রেখায় (স্নগন্ধি লাগাইয়া দিয়া ছিলাম;) এহরাম অবস্থায় সেই স্নগন্ধির উজ্জল চিহ্ন আমি দেখিয়াছি; এখনও যেন উহা আমার চোখে ভাসে।

* ফুল বা স্নগন্ধি শুধু শোখিলে কাফ্ফারা দিতে হয় না, কিন্তু স্বেচ্ছায় তাহা করা মকরুহ-তাহরিমী।

■ এক হয় “জাদিয়া” যাহা খাট হাকপেক্টের আয় শরীরের গঠন ও আকৃতিতে তৈরী থাকে; উহা এহরাম অবস্থায় পরিধান করা জায়েয নহে। আর এক হয় লেন্সট, যাহা শরীরের কোন অংশের গঠন ও আকৃতিতে তৈরী নহে, বরং উহা কোন বিশেষ গঠনবিহীন শুধু লম্বা লেজবিশিষ্ট হয়; কোমরে পেঁচাইয়া উহা পরা হয়—যেমন কুস্তিগীররা পরিয়া থাকে। উহা এহরাম অবস্থায় পরিধান করা জায়েয আছে।

৮০৩। হাদীছ :—আয়েশা (রাঃ) বর্ণনা করিয়াছেন, আমি নিজ হস্তে রসুলুল্লাহ ছাল্লাল্লাহু আলাইহে অসাল্লামকে সুগন্ধি লাগাইয়া দিয়াছি ;* এহরামের প্রস্তুতির সময় এবং এহরাম খোলার পর ও তওয়াফে জেয়ারতের পূর্বে।

মাথায় বড় চুল থাকিলে এহরাম বাঁধিতে উহা জমাইয়া

দিবে, যেন এলোমেলো না হইতে পারে

৮০৪। হাদীছ :—আবুহুলাহ ইবনে ওমর (রাঃ) বর্ণনা করিয়াছেন, আমি রসুলুল্লাহ ছাল্লাল্লাহু আলাইহে অসাল্লামকে তলবিয়া পড়িতে শুনিয়াছি ; তখন তাঁহার মাথার চুল জমানো ছিল।

রসুলুল্লাহ (দঃ) এহরামের স্থান

৮০৫। হাদীছ :—আবুহুলাহ ইবনে ওমর (রাঃ) বর্ণনা করিয়াছেন, রসুলুল্লাহ ছাল্লাল্লাহু আলাইহে অসাল্লাম জিল-হোলায়ফার (বর্তমানে নিম্নিত তথাকার) মসজিদের নিকট হইতেই এহরাম বাঁধিয়াছিলেন।

এহরাম অবস্থায় কি কি কাপড় পরিধান নিষিদ্ধ

৮০৬। হাদীছ :—আবুহুলাহ ইবনে ওমর (রাঃ) বর্ণনা করিয়াছেন, এক ব্যক্তি জিজ্ঞাসা করিল, ইয়া রসুলুল্লাহ! এহরামওয়ালা ব্যক্তি কি কি কাপড় ব্যবহার করিতে পারে? রসুলুল্লাহ ছাল্লাল্লাহু আলাইহে অসাল্লাম বলিলেন, এহরামওয়ালা (পুরুষ) ব্যক্তি কোন প্রকার জামা, পায়জামা, পাগড়ি, টুপি ইত্যাদি পরিধান করিতে পারিবে না। মোজাও ব্যবহার করিতে পারিবে না, কিন্তু যদি জুতার ব্যবস্থা না থাকে তবে চামড়ার মোজা পায়ের মধ্যপৃষ্ঠের উচ্চ স্থান এবং গোছের নিম্নে উভয় দিকের গিঁটদ্বয় উন্মুক্ত থাকে এইরূপ উপরের অংশ কাটিয়া ফেলিয়া উহা (জুতার ছায়া) ব্যবহার করিতে পারে। আর একটি বিষয় স্মরণ রাখিও যে, তোমরা কোন অবস্থাতেই ‘অরুস’ (একপ্রকার উদ্ভিদ জাতীয় রং করার বস্তু) বা জাফরানে রং করা কাপড় ব্যবহার করিও না।

হাজ্জের কার্য সম্পাদনে যানবাহন ব্যবহার করা

৮০৭। হাদীছ :—ইবনে আব্বাস (রাঃ) বর্ণনা করিয়াছেন, নবী ছাল্লাল্লাহু আলাইহে অসাল্লাম আরফা হইতে মোজদালেফা আসাকালে উছামা (রাঃ)কে স্বীয় যানবাহনে বসাইয়া ছিলেন এবং মোজদালেফা হইতে মীনা আসাকালে

* শরীরে সুগন্ধি লাগাইবে, কিন্তু কাপড়ে লাগাইবে না, নতুবা ঐ কাপড়ে এহরাম বাঁধিতে পারিবে না।

ফজল (রাঃ)কে বসাইয়া ছিলেন। তাঁহারা উভয়েই বর্ণনা করিয়াছেন, নবী ছালামাহ্ আলাইহে অসাল্লাম জামরা-আকাবার রমী করা (অর্থাৎ বড় শয়তানকে ১০ তারিখে কঙ্কর মারা) পর্য্যন্ত তলবিয়া পড়িয়াছেন।

এহরাম অবস্থায় পরিধেয়

● এহরাম অবস্থায় চাদর এবং লুঙ্গি* পরিধান করিবে।

● পুরুষ এহরাম অবস্থায় মাথা ঢাকিতে পারিবে না। মহিলার মাথা যেহেতু তাহার হৃৎকের অন্তর্ভুক্ত, তাই উহা অবশ্যই ঢাকিয়া রাখিতে হইবে। কিন্তু মহিলাদের চেহারা যেহেতু হৃৎকের অন্তর্ভুক্ত নহে, তাই এহরাম অবস্থায় উহাকে পরিধেয় বিহীন রাখিতে হইবে; এই কারণেই বোরকা পরিধান করিতে উহার নেকাব সাধারণভাবে চেহারার উপর পরিধেয় বস্ত্রের স্থায় ছাড়িয়া দেওয়া বা শুধু চোখ খোলা রাখিয়া নাক-মুখ পর্য্যন্ত কাপড় জড়াইয়া দেওয়া এহরাম অবস্থায় নিষিদ্ধ। কিন্তু নারীদের জন্ত বেগানা পুরুষ হইতে স্বীয় চেহারা পর্দায় রাখা ওয়াজ্জিব, তাই নারীদেরকে এহরাম অবস্থায়ও বেগানা পুরুষদের সম্মুখে স্বীয় চেহারার পর্দা অবশ্যই করিতে হইবে। এই উদ্দেশ্যে মাথার সঙ্গে কোন বস্ত্র রাখিয়া (যেমন ক্রিকেট খেলোয়াড়দের ললাটের উপর থাকে) উহার উপর দিয়া বোরকার নেকাব বুলাইয়া দিতে পারে; ইহাতে চেহারার পর্দা হইবে এবং যেহেতু নেকাব চেহারা হইতে আলাগ থাকিবে, তাই উহা পরিধেয় গণ্য হয় না; এহরাম অবস্থায় ঐরূপ ব্যবহার জায়েয। বেগানাদের সম্মুখে চেহারার পর্দা করা এহরাম অবস্থায়ও নারীদের জন্ত ওয়াজ্জিব (শামী, ২—২৬০)

● আয়েশা (রাঃ) বলিয়াছেন, মহিলারা এহরাম অবস্থায় অলঙ্কার পরিধান করিতে পারে, মোজা পরিতে পারে।

* এহরাম অবস্থায় সেলাই করা লুঙ্গিও পড়া জায়েয। কারণ এহরাম অবস্থায় যে, পুরুষের জন্ত সেলাই করা কাপড় নিষিদ্ধ উহার উদ্দেশ্য যাহা শরীর বা অঙ্গের গঠন আকৃতিতে সেলাই করা হয়; যেমন—জামা, পায়জামা। লুঙ্গির শুধু দুই মাথা ভুড়িয়া নেওয়া হয়, উহা শরীরের গঠন আকৃতির নহে। আমাদের দেশের হাজীগণ সেলাই বিহীন লুঙ্গি পরিতে যাইয়া বার বার কবির গোনাহ এবং অতি জঘন্য লজ্জাকর অবস্থায় পতিত হয়। কাপড়ের হিসাবের বেলায় লুঙ্গির হিসাব ৪ হাত ঠিক রাখিয়া সেলাই বিহীন পরে, ফলে চলা-ফেরায় এবং শয়নে বা সামান্য বাতাসেও হৃৎকর খুলিয়া যাইতে থাকে যাহা হারাম কবির গোনাহ। এত বড় গোনাহ দিবারাত্র অসংখ্য বার সংঘটিত হইতে থাকে; ইহার প্রতি লক্ষ্য করা কতই না আবশ্যক। সেলাই বিহীন লুঙ্গি পরিতে হইলে অন্ততঃ পাঁচ হাত এবং মোটা শরীর হইলে ছয় হাত লম্বা লইবে অথবা লুঙ্গি সেলাই করা ব্যবহার করিবে।

● নারী-পুরুষ কেহই সুগন্ধ বস্তুর দ্বারা রঞ্জিত কাপড় ব্যবহার করিতে পারিবে না, অবশ্য যদি সেই কাপড় হইতে সুবাস সম্পূর্ণরূপে বিদূরিত হইয়া গিয়া থাকে তবে উহা পরা জায়েয।

● কাল, গোলাবী ইত্যাদি সাধারণ যে কোন রঙ্গের রঙ্গীন কাপড় নারী-পুরুষ সকলেই এহরাম অবস্থায় বিনা দ্বিধায় পরিতে পারে; তাহাতে দোষ নাই।*

● ইব্রাহীম নখরী (রঃ) বলিয়াছেন, এহরাম অবস্থায় পরিধেয় কাপড় বদলাইতে পারিবে; পরিকার পরিচ্ছন্ন কাপড় পরিবে।

৮০৮। হাদীছ ৪—আবুহুরায়হ ইবনে আব্বাস (রাঃ) বর্ণনা করিয়াছেন নবী ছালাল্লাহু আলাইহে অসাল্লাম (বিদায় হজ্জে) মদীনা হইতে যাত্রা করিয়াছেন মাথা আঁচড়াইয়া তৈল ব্যবহার করিয়া (—পারিপাট্টের সহিত)। তাঁহার পরিধানে লুঙ্গি ও চাদর ছিল; নবী (দঃ) এবং তাঁহার ছাহাবীগণ এই পোশাকেই ছিলেন। এবং কোন প্রকার চাদর ও লুঙ্গি পরিধানেই নিষেধ করেন নাই; অবশ্য জাফরান (ইত্যাদি সুগন্ধ বস্তুর) রঙ্গে রঞ্জিত কাপড়—দি উহার রঙ্গ শরীরে লাগে তবে (অবশ্যই উহার সুবাস তখনও কাপড়ে বিद्यমান থাকিবে, তাই ঐ অবস্থায়) উহা নিষিদ্ধ। নবী (দঃ) (জোহর নামাযান্তে মদীনা হইতে যাত্রা করিয়া) জুলহোলায়ফা নামক স্থানে (পৌঁছিয়া আভর নামায পড়িলেন এবং তথায়ই রাত্রি যাপন করিয়া) প্রভাত করিলেন। (এবং তথায়ই দিনের বেলায়—ফতুলবারী, ৩—৩২২) এহরাম বাঁধিলেন। তথা হইতে যাত্রা আরম্ভে তিনি উটে আরোহণ করিলেন, এবং সংলগ্ন ময়দানে পৌঁছিলে নবী (দঃ) ও ছাহাবীগণ সজ্ঞারে তলবিয়া পড়িলেন এবং নবী (দঃ) নিজ সঙ্গের কোরবানীর পশুগুলির গলায় (কোরবানীর নিদর্শনস্বরূপ) মালা পরাইয়া দিলেন। তখন জিলকদ চাঁদের পাঁচ দিন বাকি ছিল। জিলহজ্জ

■ আমাদের দেশের হাজীগণ সাদা কাপড় পরে, কিন্তু লজ্জা-শরমের কোনই ধার ধারে না। অনেকে কম মূল্যের শিখিল বুননের কাপড় পরে, এহরাম অবস্থায় গায়ে জামা থাকে না, তাই শুধু ঐ কাপড়ে নির্লজ্জতার ছায়া সর্বদাই প্রকাশ পাইতে থাকে। এতন্ত্ৰিম সাদা কাপড় পরিয়াই সকলে বিশেষতঃ জাহাজের মধ্যে এক সঙ্গে গোসল করিতে থাকে। সাদা কাপড় ভিজিলে কিরূপ জঘন্য দৃশ্যের সৃষ্টি হয় তাহা সহজেই অনুমেয় এবং অপেক্ষমান লোক সমাবেশের সম্মুখে ঐ দৃশ্যে দাঁড়াইয়া গোসল করিতে থাকে—এ সব আমার চোখের দেখা অবস্থাবলী। হজ্জের ছফর অত্যন্ত পাক-পবিত্র ছফর; এ সময় সংযত থাকা অধিক প্রয়োজন। গোসলের জন্ত একটি রঙ্গিন কাপড় অবশ্য রাখিবে। এহরাম অবস্থায় সাদা কাপড় উত্তম বটে, কিন্তু ভাল বাইনের কাপড় সংগ্রহ করিতে না পারিলে রঙ্গিন কাপড় পরিবে।

চাঁদের চার তারিখ (শনিবার দিন ভোরের দিকে) হযরত (দঃ) মকায় পৌঁছিলেন; প্রথমেই বাইতুল্লাহ শরীফের তওয়াফ করিলেন এবং ছাফা-মারওয়ার ছায়ী করিলেন। নবী (দঃ) এহরাম অক্ষুণ্ণ রাখিলেন যেহেতু তাঁহার সঙ্গে কোরবানীর পশু নিয়া আসিয়াছিলেন। অতঃপর নবী (দঃ) “হাজুন” মহল্লায় অবস্থান করিলেন; তিনি হজ্জের এহরাম অবস্থায়ই ছিলেন। আরফা হইতে প্রত্যাবর্তনের (তথা জিলহজ্জের ১০ তারিখের) পূর্বে নবী (দঃ) আর তওয়াফ করিতে বাইতুল্লাহ শরীফের নিকটে আসেন নাই। ছাহাবীদিগকে কিন্তু তওয়াফ ও ছায়ী করার পরই মাথার চুল কাটিয়া এহরাম ভঙ্গ করার নির্দেশ দিলেন। এমনকি যাহার সঙ্গে স্ত্রী ছিল স্ত্রী ব্যবহার হালাল হইল এবং সুগন্ধি ও জামা-কাপড় ইত্যাদি সবই ব্যবহার করা হালাল হইয়া গেল। এই নির্দেশ শুধু তাহাদের জন্য ছিল যাহাদের সঙ্গে কোরবানীর পশু ছিল না।

ব্যাখ্যা :- যাহারা তওয়াফ ও ছায়ী করতঃ চুল কাটিয়া হজ্জের এহরাম ভঙ্গ করিয়াছিলেন তাঁহাদের উক্ত তওয়াফ ও ছায়ী ওমরা পরিগণিত হইরাছিল এবং তাঁহারা জিলহজ্জের আট তারিখে পুনঃ হজ্জের এহরাম বাঁধিয়া মিনায় যাত্রা করিয়াছিলেন এবং পূর্ণ হজ্জ সমাপন করিয়াছিলেন।

হজ্জের এহরাম ভঙ্গ প্রসংগটি সাধারণ নিয়মের পরিপন্থী; শুধু ঐ এক বৎসরই বিশেষ কারণাধীন রসুলের আদেশে হইয়াছিল এবং তাহাদিগকে কোন কাফ্ফারা দিতে হয় নাই। আমাদিগকে সাধারণ নিয়মই পালন করিতে হইবে; কেহ যে কোন কারণে হজ্জের এহরাম ভঙ্গ করিলে তাহাকে এহরাম ভঙ্গের কাফ্ফারা অবশ্যই আদায় করিতে হইবে।

এহরাম বাঁধার সময় তল্‌বিয়া উচ্চঃস্বরে বলা

৮০৯। হাদীছ :- আনাছ (রাঃ) বর্ণনা করিয়াছেন, নবী ছাল্লাল্লাহু আলাইহে অসাল্লাম (বিদায় হজ্জে যাত্রাকালে) মদীনা শহরে জোহরের নামায পূর্ণ চারি রাকাত আদায় করিয়া মক্কাভিমুখে রওয়ানা হইলেন এবং জুলহোলায়ফার এলাকায় পৌঁছিয়া আছরের নামায দুই রাকাত কছর পড়িলেন। পরদিন ঐ এলাকায় যখন এহরাম বাঁধিলেন তখন রসুলুল্লাহ ছাল্লাল্লাহু আলাইহে অসাল্লাম এবং তাঁহার সঙ্গীগণকে উচ্চঃস্বরে হজ্জ ও ওমরা উভয়ের নামে তল্‌বিয়া পড়িতে শুনিয়াছি।

তল্‌বিয়া

৮১০। হাদীছ :- আবুল্লাহ ইবনে ওমর (রাঃ) বর্ণনা করিয়াছেন, রসুলুল্লাহ ছাল্লাল্লাহু আলাইহে অসাল্লামের তল্‌বিয়া এইরূপ ছিল—

لَبَّيْكَ اللَّهُمَّ لَبَّيْكَ - لَبَّيْكَ لَا شَرِيكَ لَكَ لَبَّيْكَ - إِنَّ الْحَمْدَ
وَالنِّعْمَةَ لَكَ وَالْمُلْكَ لَكَ - لَا شَرِيكَ لَكَ ۝

অর্থ :—গোলাম উপস্থিত হইয়াছে, হে আল্লাহ! গোলাম উপস্থিত হইয়াছে। গোলাম উপস্থিত হইয়াছে; তুমিই একমাত্র প্রভু, তোমার কোন শরীক নাই। গোলাম উপস্থিত হইয়াছে; সমস্ত প্রশংসা একমাত্র তোমারই জন্য; যত নেয়ামতরাশি উপভোগ করিতেছি সবই তোমার এবং সারা বিশ্বের একচ্ছত্র রাজত্ব তোমারই; তোমার কোনও শরীক নাই।

৮১১। হাদীছ :—আয়েশা (রাঃ) বর্ণনা করিয়াছেন, নিশ্চয় আমি জ্ঞাত আছি, নবী ছালাল্লাহু আলাইহে অসাল্লাম তলবিয়া কিরূপ পড়িতেন—
লাব্বাইকা আল্লাহুমা লাব্বাইকা। লাব্বাইকা লা-শরীকা-লাকা লাব্বাইকা। ইমাল্-হাম্দা ওয়ান্-নে'মাতা লাকা' (ওয়াল্-মূল্কা লাকা। লা-শরীকা-লাকা*)।

মছআলাহ :—এহরাম বাঁধা হইতে আরম্ভ করিয়া দশ তারিখ সকাল বেলায় জমরা-আকাবাহ তথা বড় শয়তানকে কঙ্কর মারার পূর্ব পর্য্যন্ত এই তলবিয়া যত অধিক সম্ভব পড়িয়া যাইবে। (১৩১ পৃঃ ৮০৭ হাঃ)

এহরাম বাঁধিবার সময় আল্লাহর প্রশংসা করা

তছবীছ পড়া এবং তকবীর বলা

৮.২। হাদীছ :—আনাছ (রাঃ) বর্ণনা করিয়াছেন, (বিদায় হজ্জ যাত্রার প্রাকালে) রসুলুল্লাহ ছালাল্লাহু আলাইহে অসাল্লাম আমাদিগকে সঙ্গে লইয়া জোহরের নামায মদীনাতে পূর্ণ চারি রাকাত পড়িলেন এবং জুলহোলায়কার এলাকায় আছরের নামায কছর দুই রাকাত পড়িলেন এবং সে স্থানেই রাত্রি যাপন করিলেন। ভোর হইলে পর (দিনের বেলা) তিনি যানবাহনের উপর আরোহণ করিলেন। যানবাহন যখন তাঁহাকে লইয়া “বায়দা” নামক ময়দানে স্থির হইয়া দাঁড়াইল তখন তিনি আল্লাহ তায়ালায় প্রশংসা করিলেন—
“ছোবহানাল্লাহ” বলিয়া আল্লাহ তায়ালায় পবিত্রতা বয়ান করতঃ আল্লাহ আকবার বলিয়া আল্লাহ তায়ালায় শ্রেষ্ঠত্ব ও মহানত্ব প্রকাশ করিলেন। অতঃপর হজ্জ ও ওমরা উভয়ের এহরাম বাঁধিলেন, (আমার নিকটস্থ) অগ্নাঙ্গ সকলেও ঐ উভয়ের এহরামই বাঁধিল।

* বন্ধনীর মধ্যবর্তী বাক্য এই হাদীছে উল্লেখ নাই; ইহা সংক্ষিপ্ত তলবিয়া।
প্রথমোক্ত হাদীছে এই বাক্যও আছে, ইহা পূর্ণ তলবিয়া।

কেবলামুখী হইয়া এহরাম বাঁধা

৮১৩। হাদীছ :—আবদুল্লাহ ইবনে ওমর (রাঃ) এরূপ অভ্যস্ত ছিলেন যে, হজ্জের জন্ত যাত্রাকালে জুল-হোলায়ক নামক স্থানে কজরের নামায শেষ করিয়া যানবাহন প্রস্তুত করার আদেশ করিতেন। অতঃপর উহার উপর আরোহণ করিতেন। যানবাহন যখন তাঁহাকে লইয়া দাঁড়াইত তখন তিনি কেবলামুখী হইয়া তল্‌বিয়া পড়িতেন। তিনি ইহাও বলিতেন যে, রসুলুল্লাহ ছালাল্লাহু আলাইহে অসাল্লাম এইরূপ করিয়াছেন।

হায়েজ ও নেফাছ অবস্থায় এহরাম বাঁধা যায়

৮১৪। হাদীছ :—আয়েশা (রাঃ) বর্ণনা করিয়াছেন, বিদায় হজ্জকালে নবী ছালাল্লাহু আলাইহে অসাল্লামের সঙ্গে আমরাও ছিলাম। মিকাত হইতে আমি শুধু ওমরার এহরাম বাঁধিয়া ছিলাম। (মক্কা হইতে ১০ ১২ মাইল দূরে) সারেক নামক জায়গায় পৌছিয়া নবী (দঃ) সাথীগণকে নির্দেশ দিলেন, যাহাদের সঙ্গে কোরবানীর পশু রহিয়াছে তাহারা (শুধু ওমরার এহরামে থাকিলে) ওমরার সঙ্গে হজ্জের এহরামও বাঁধিয়া নিবে এবং হজ্জ সমাপ্তে উভয় এহরাম হইতে একত্রে এহরাম মুক্ত হইবে। যাহাদের সঙ্গে কোরবানীর পশু নাই (হজ্জের এহরামে থাকিলেও) তাহারা এহরামকে কার্য্যতঃ ওমরার উপরই ক্ষান্ত করিবে।

আয়েশা (রাঃ) বলেন, মক্কায় পৌছিয়া আমি হায়েজে লিপ্ত হইয়া পড়িলাম; (আমার ওমরার কার্য্যাবলী হইল না;) বাইতুল্লাহ শরীফের তওয়াফ করিতে পারিলাম না, তাই ছাফা-মারওয়ার ছায়ীও করিতে পারিলাম না। নবী (দঃ) আমার নিকট তশরীফ আনিলেন—আমি কাঁদিতে ছিলাম। নবী (দঃ) বলিলেন, হে বোকা! কাঁদ কেন? আমি বলিলাম, আমি ত ওমরা আদায় করিতে অপারগ রহিয়াছি। নবী (দঃ) বলিলেন, তোমার কি হইয়াছে? আমি বলিলাম, নামায না পড়ার অবস্থা আমার হইয়াছে। নবী (দঃ) বলিলেন, তোমার কোন ফতি হইবে না; তুমি আদম জাতেরই একজন মহিলা; আদম-জাত সকল মহিলাদের উপর যাহা আল্লাহ তায়ালা নির্দ্ধারিত করিয়াছেন তোমার উপরও তাহা নির্দ্ধারিত করিয়াছেন। নবী (দঃ) বলিলেন, মাথার চুল খুলিয়া ফেল, মাথা আঁচড়াইয়া নেও (অর্থাৎ ওমরার এহরাম ভাঙ্গিয়া ফেল) ও ওমরা ছাড়িয়া দাও এবং হজ্জের এহরাম বাঁধিয়া নেও; হাজীদের সমুদয় কার্য্য সম্পাদন করিয়া যাও, শুধু বাইতুল্লাহ শরীফের তওয়াফ পবিত্রতা লাভের পূর্ব্বে করিও না। আমি তাহাই করিলাম। আমার হায়েজ অবস্থা আরফার দিন পর্য্যন্ত থাকিল; আরফা হইতে মিনায় আসিয়া আমি পাক হইলাম। তখন মিনা হইতে আসিয়া

হজ্জের ফরজ তওয়াফ করিয়া গেলাম। মিনায় অবস্থানের দিনগুলি পূর্ণ করিয়া ১৩ জিলহজ্জ বিদায় তওয়াফের জন্ত হযরত (দঃ) মিনা হইতে যাত্রা করিলেন আমিও তাঁহার সঙ্গে যাত্রা করিলাম। মোহাছ্‌ছাব নামক জায়গায় হযরত (দঃ) অবতরণ করিলেন আমরাও অবতরণ করিলাম। তথায় রাত্রে আমি আরজ করিলাম, সকলে ওমরা ও হজ্জ উভয়টি লইয়া বাড়ী বাইবে, আর আমি শুধু হজ্জ লইয়া যাইব। তখন হযরত (দঃ) আমার ভ্রাতা আবহুর রহমানকে ডাকিয়া বলিলেন, তোমার ভগ্নিকে নিয়া হরম সীমার বাহিরে তানয়ীমে যাও। সে তথা হইতে ওমরার এহরাম বাঁধিবে। তারপর তোমরা ওমরার কার্যাবলী সমাপ্ত করিয়া এ-স্থানেই আসিয়া আমার সহিত মিলিত হইবে; আমি তোমাদের আসা পর্য্যন্ত অপেক্ষা করিব। সেমতে ভ্রাতার সঙ্গে আমি বাহির হইলাম; তওয়াফ-ছায়ী করতঃ ওমরা সমাপ্ত করিয়া (চুল কৰ্ত্তনে এহরাম খুলিয়া) শেষ রাত্রে হযরতের নিকটে পৌঁছিলাম; তিনি তখন বিদায় তওয়াফ করিয়া ফিরিয়াছেন মাত্র। হযরত (দঃ) জিজ্ঞাসা করিলেন, ওমরা সমাপ্ত করিয়াছ? আমি বলিলাম, হাঁ। হযরত (দঃ) বলিলেন, তোমার এই ওমরা তোমার পরিত্যক্ত ওমরার স্থলে হইল। অতঃপর হযরত (দঃ) সকলকে যাত্রার নির্দেশ দিলেন; সকলে মদীনা পানে যাত্রা করিল।

অণ্ডের এহরামে নিজের এহরাম নির্ধারণ

হজ্জ তিন প্রকার—এফ্রাদ, কেরাণ ও তামাত্তো'। বিস্তারিত বিবরণ সম্মুখে আসিতেছে। এফ্রাদ হইলে এহরাম বাঁধিবার সীমানা হইতে শুধু হজ্জের নিয়ত করিতে এবং শুধু উহারই এহরাম বাঁধিতে হয়; তামাত্তো' হইলে সেই সীমানা হইতে শুধু ওমরার নিয়ত ও এহরাম বাঁধিতে হয়; কেরাণ হইলে হজ্জ ও ওমরা একত্রে উভয়ের নিয়ত ও এহরাম বাঁধিতে হয়। নিয়ত ও এহরাম বাঁধার সময় উক্ত তিন প্রকারের একটি নির্ধারণ কল্পে যদি কেহ এরূপ বলে যে, আমি অমুক ব্যক্তির এহরামের আয় এহরাম বাঁধিলাম, তবে তাহার নিয়ত ও এহরাম শুদ্ধ গণ্য হইবে এবং কার্য আদায় আরম্ভ পর্য্যন্ত উক্ত ব্যক্তির এহরাম কোন্ প্রকারের তাহা জানিতে পারিলে তাহার এহরাম ঐ প্রকারেরই সাব্যস্ত হইবে; সে ঐ অনুপাতেই আমল করিবে। আর যদি উক্ত ব্যক্তির এহরামের খোজ না পায় তবুও তাহার মূল এহরাম শুদ্ধ হইবে কার্যারাম্ভে তাহাকে উক্ত তিন প্রকারের কোন এক প্রকার নির্ধারিত করিয়া লইতে হইবে। শামী, ২—২১৭

৮১৫। ছাদীছ :—আবহুলাহ ইবনে ওমর (রাঃ) বর্ণনা করিয়াছেন, নবী ছাল্লাল্লাহু আলাইহে অসাল্লাম বিদায় হজ্জ উপলক্ষে হজ্জের এহরামের সহিত

মক্কাভীমুখে চলিলেন ; আমরাও তাঁহার সহিত এহরাম বাঁধিয়া চলিলাম। মক্কায় পৌঁছিয়া নবী (দঃ) সকলকে তাকিদ দিলেন যে, যাহাদের সঙ্গে কোরবানীর পশু আনা হয় নাই তাহারা নিজ নিজ এহরাম ওমরায় পরিণত করিয়া ফেল। (অর্থাৎ তাহারা ওমরার কার্য সমাধা করিয়া এহরাম ভঙ্গ করিয়া ফেলিবে।) নবী ছালাল্লাহু আলাইহে অসাল্লামের সঙ্গে কোরবানীর পশু ছিল।

আলী (রাঃ) ইয়ামানে ছিলেন, তথা হইতে তিনি হজ্জের উদ্দেশ্যে মক্কায় পৌঁছিলেন। নবী (দঃ) তাঁহাকে জিজ্ঞাসা করিলেন, তুমি কি প্রকার হজ্জের এহরাম বাঁধিয়াছ ? তোমার স্ত্রী (ফাতেমা রাঃ) আমার সঙ্গে আসিয়াছে। আলী (রাঃ) বলিলেন, আমি এহরাম বাঁধিতে এইরূপ বলিয়াছি—নবী (দঃ) যে প্রকার হজ্জের এহরাম বাঁধিয়াছেন আমরাও তাহাই। নবী (দঃ) বলিলেন, তবে তুমি এহরাম অবস্থায়ই থাক ; আমাদের সঙ্গে কোরবানীর পশু আছে। ৬২৪ পৃঃ

৮১৬। হাদীছ :—জাবের (রাঃ) বর্ণনা করিয়াছেন, আলী (রাঃ) রাষ্ট্রিয় দায়িত্বে ইয়ামানে প্রেরিত হইয়াছিলেন, তথা হইতে তিনি মক্কায় পৌঁছিলেন। নবী ছালাল্লাহু আলাইহে অসাল্লাম তাঁহাকে জিজ্ঞাসা করিলেন, তুমি কি প্রকার হজ্জের এহরাম বাঁধিয়াছ ? তিনি বলিলেন, আমি বলিয়াছি—

لبيك بحجة رسول الله صلى الله عليه وسلم

“রসূলুল্লাহ ছালাল্লাহু আলাইহে অসাল্লামের হজ্জ অনুরূপ হজ্জের নিয়তে আমি তল্বিয়া পড়িতেছি।” নবী (দঃ) বলিলেন, তবে তুমি নিজ সঙ্গে কোরবানীর পশু অবলম্বনকারী পরিগণিত থাক ; তথা এহরাম অবস্থায়ই থাক—যে রূপ আছ। জাবের (রাঃ) বলিয়াছেন, আলী (রাঃ) নবী ছালাল্লাহু আলাইহে অসাল্লামের জন্ত কতিপয় কোরবানীর পশু সঙ্গে নিয়া আসিয়াছিলেন এবং নবী (দঃ) তাঁহাকে কোরবানীর পশুর মধ্যে অংশীদার করিয়া নিয়া ছিলেন। (৩৩১ ও ৬২৪ পৃঃ)

৮১৭। হাদীছ :—আনাছ (রাঃ) বর্ণনা করিয়াছেন, আলী (রাঃ) ইয়ামান হইতে মক্কায় নবী ছালাল্লাহু আলাইহে অসাল্লামের নিকট পৌঁছিলেন। নবী (দঃ) তাঁহাকে জিজ্ঞাসা করিলেন, তুমি কি প্রকার এহরাম বাঁধিয়াছ ? তিনি বলিলেন, আমি এরূপ বলিরাছিলাম, যে প্রকার এহরাম নবী ছালাল্লাহু আলাইহে অসাল্লামের, আমারও তাহাই। নবী (দঃ) বলিলেন, আমার সঙ্গে কোরবানীর পশু না থাকিলে আমি এহরাম ভঙ্গ করিয়া ফেলিতাম।

৮১৮। হাদীছ :—আবু মুছা আশয়ারী (রাঃ) বর্ণনা করিয়াছেন, নবী ছালাল্লাহু আলাইহে অসাল্লাম আমাকে আমার দেশ ইয়ামানে পাঠাইয়া ছিলেন।

(বিদায় হজ্জ উপলক্ষে) আমি তথা হইতে মক্কায় পৌঁছিলাম। নবী (দঃ) আমাকে জিজ্ঞাসা করিলেন, হজ্জের এহরাম বাঁধিয়া আসিয়াছ ? আমি বলিলাম, হাঁ। জিজ্ঞাসা করিলেন, কিরূপ এহরাম বাঁধিয়াছ ? আঃজ করিলাম, আমি **لبيك يا هلال رسول الله صلى الله عليه وسلم**—এরূপ বলিয়াছি—এরূপ এহরাম যেরূপ এহরাম রসুলুল্লাহ ছালাল্লাহ আলাইহে অসালাম বাঁধিয়াছেন। নবী (দঃ) জিজ্ঞাসা করিলেন, তোমার সঙ্গে কোরবানীর পশু আছে কি ? আমি বলিলাম, না। নবী (দঃ) আমাকে বলিলেন, কা'বা শরীফের তওয়াফ কর এবং ছাফা-মারওয়ার ছায়ী কর অতঃপর এহরাম ভঙ্গ করিয়া ফেল। আমি সেরূপই করিলাম; তওয়াফ-ছায়ী করিয়া আমার বংশীয় এক মহিলার নিকট আসিলাম, সে আমার মাথা ধোয়ার ও ঠাণ্ডাইবার ব্যবস্থা করিয়া দিল—আমি এহরাম ভঙ্গ করিলাম। ৩৩১ পৃঃ

বিশেষ দৃষ্টব্য :—নবী (দঃ) বিদায় হজ্জ একশত উট কোরবানী করিয়া ছিলেন। তন্মধ্যে ৩৩টা নবী (দঃ) স্বয়ং মদীনা হইতে সঙ্গে নিয়া আসিয়া ছিলেন আর ৩৭টা আলী (রাঃ) ইয়ামান হইতে নিয়া আসিয়া ছিলেন। উক্ত পশু জবেহ করার সময় স্বীয় বয়সের বৎসর সংখ্যার ৩৩টি স্বয়ং নবী (দঃ) নিজ হাতে জবেহ করিয়া ছিলেন এবং অবশিষ্ট আলী (রাঃ)কে জবেহ করিতে দিয়াছিলেন। অতঃপর প্রতিটি উট হইতে সামান্য অংশ একত্র করতঃ উহা পাকাইয়া নবী (দঃ) ও আলী (রাঃ) উভয়ে তাহা আহার করিয়া ছিলেন। এই সব তথ্য মোছলেম শরীফের হাদীছে বর্ণিত আছে। সেমতে দেখা যায় আলী (রাঃ) কোরবানীর পশু সঙ্গে আনিতেও নবী ছালাল্লাহ আলাইহে অসালামের শরীক ছিলেন। উহা জবেহ করা এবং আহার করায়ও তাঁহার শরীক ছিলেন। তদুপরি ৮১৬নং হাদীছে ইহাও স্পষ্ট উল্লেখ হইয়াছে যে, নবী (দঃ) আলী (রাঃ)কে স্বীয় কোরবানীর পশুর মধ্যে শরীক বা অংশীদার করিয়া নিয়া ছিলেন। সুতরং আলী (রাঃ) কোরবানীর পশু সঙ্গে অবলম্বনকারী পরিগণিত হইয়া ছিলেন, তাই এহরাম ভঙ্গের নির্দেশ তাঁহার প্রতি হয় নাই; তাঁহাম জন্তু এহরাম অবস্থায় থাকারই নির্দেশ ছিল যেরূপ নবী (দঃ) ছিলেন। ছাহাবী আবু মুছার অবস্থা তদ্রূপ ছিল না, তিনি কোরবানীর পশু সঙ্গে অবলম্বনকারী ছিলেন না, তাই সকলের ন্যায় তাঁহাকে এহরাম ভঙ্গ করিতে হইয়া ছিল। কারণ, ঐ বৎসর কোরবানীর পশু সঙ্গে থাকা না থাকার উপরই এহরাম রাখা বা ভঙ্গ করা আরোপিত ছিল।

হজ্জের সময়

আল্লাহ তায়ালা কোরআন শরীফে বলিয়াছেন—

الْحَجُّ أَشْهُرٌ مَعْلُومَاتٌ فَمَنْ فَرَضَ فِيهِنَّ الْحَجَّ فَلَا رَفَثَ وَلَا فُسُوقَ
وَلَا جِدَالَ فِي الْحَجِّ ۚ

অর্থ—হজ্জ (তথা হজ্জের এহরাম) সম্পাদন করার জন্য একাধিক নির্দিষ্ট মাস আছে। যে ব্যক্তি ঐ মাসের মধ্যে হজ্জের এহরাম বাঁধিয়া নেয় তাহার অবশ্য কর্তব্য হইবে, সে যেন হজ্জ তথা এহরাম অবস্থায় স্বামী-স্ত্রী সুলভ ব্যবহারের কথা মুখে উচ্চারণও না করে এবং কোন প্রকার শরীয়ত বিরোধী কার্য না করে এবং কোনরূপ ঝগড়া-বিবাদে লিপ্ত না হয়। (যদিও হজ্জের বিশিষ্ট কার্য সমূহ জিলহজ্জ মাসের ৫৬ দিনে মাত্র অনুষ্ঠিত হইয়া থাকে, তথাপি যখন এহরাম বাঁধা হইয়াছে তখন হইতেই সে হজ্জের মধ্যে পরিগণিত হইবে)। (২ পাঃ ৯ রঃ)

আল্লাহ তায়ালা আরও বলিয়াছেন—

يَسْأَلُونَكَ عَنِ الْأَلَهَاءِ قُلْ هِيَ مَوَاقِيتُ لِلنَّاسِ وَالْحَجِّ

অর্থ—কাফেররা আপনাকে (ধিত্ত করার জন্য) জিজ্ঞাসা করে প্রতি মাসেই চন্দ্রের মধ্যে (ছোট বড় হওয়ার বিরাট) পরিবর্তন কেন হইয়া থাকে? আপনি বলিয়া দিন, এই পরিবর্তনের দ্বারা মাস সৃষ্টি হইয়া থাকে; মাসের দ্বারাই বিশ্ববাসী তাহাদের ক্রিয়া কার্য সমূহের হিসাব স্থির করিয়া থাকে এবং হজ্জের সময়ও উহার দ্বারাই নির্ধারিত হয়। (২ পাঃ ৮ রঃ)

● আবদুল্লাহ ইবনে ওমর (রাঃ) বলিয়াছেন, হজ্জের মাস এই—শাওয়াল, জুল্ কা'দাহ এবং জুল্-হেজ্জার প্রথম দশ দিন।

● আবদুল্লাহ ইবনে আব্বাস (রাঃ) বর্ণনা করিয়াছেন, ছন্নত তরিকা এই যে, হজ্জের মাসের পূর্বে এহরাম বাঁধিবে না।

◎ ওসমান (রাঃ) এহরামের জন্য নির্দিষ্ট সময়ের স্থায় নির্দিষ্ট স্থানের প্রতিও লক্ষ্য রাখার পক্ষপাতী ছিলেন। তিনি নির্দিষ্ট মীকাতের পূর্বে অথ স্থান হইতে এহরাম বাঁধা মকরুহ বলিয়াছেন।

হাজ্জর প্রকার

হজ্জ তিন রকম—(১) হজ্জে-এফ্রাদ, (২) হজ্জে-কেরাণ, (৩) হজ্জে-তামাত্তো'। নিয়ত করা তথা এহরাম বাঁধার সময় শুধু হজ্জেরই এহরাম বাঁধা এবং শেষ পর্যন্ত শুধু হজ্জের কার্যাবলী সমাপন করা হইলে উহাকে হজ্জে-এফ্রাদ বলে।

নিয়ত করা ও এহরাম বাঁধার সময়েই হজ্জ ও ওমরা উভয়ের নিয়ত ও এহরাম একত্রে হইলে, কিম্বা প্রথমে হজ্জ বা ওমরা একটির নিয়ত ও এহরাম করিয়া উহার কার্য আরম্ভের পূর্বে যে কোন সময় এমনকি মক্কায় পৌঁছিয়াও অপরটির নিয়ত সঙ্গে করিয়া নিলে উহাকে হজ্জে-কেরাণ বলা হয়। ইহার জন্ত অতিরিক্ত কাজ হইল—হজ্জের ফরজ, ওয়াজেব, সুন্নত তওয়াফ ছাড়া অতিরিক্ত ওমরার নিয়তে সাত চকর তওয়াফ করা এবং হজ্জের ওয়াজেব ছাফা-মারওয়ার সায়ী ছাড়াও অতিরিক্ত ওমরার নিয়তে সায়ী করা, আর ১০ জিলহজ্জ নিয়মিত কোরবানী ছাড়া হজ্জে-কেরাণের নিয়তে কোরবানী করা। আরও প্রকাশ থাকে যে, হজ্জে-কেরাণকারী ওমরা ও হজ্জ উভয়ের এহরাম এক সঙ্গে রাখিয়াছে, তাই হজ্জ সমাপ্তির পূর্বে ওমরার তওয়াফ ও সায়ী করার পরও এহরাম অবস্থায় থাকিবে।

আর প্রথম হইতে শুধু ওমরার এহরাম বাঁধিয়া মক্কায় পৌঁছিয়া হজ্জের নির্ধারিত মাস সমূহের মধ্যে ওমরার নিয়তে তওয়াফ, সায়ী করার পরে হজ্জের এহরাম বাঁধিয়া হজ্জের দিন সমূহে হজ্জ সমাপন করা হইলে উহাকে হজ্জে-তামাত্তো' বলা হয়। প্রকাশ থাকে যে, হজ্জে-তামাত্তো'তে যেহেতু ওমরার এহরামের সঙ্গে হজ্জের এহরাম থাকে না, তাই ওমরার কার্যাবলী তথা তওয়াফ ও সায়ী করিয়াই (সাধারণ অবস্থায়) চুল ফেলিয়া এহরাম খুলিয়া নিবে এবং ৮ জিলহজ্জ মিনায় যাত্রার পূর্বে হজ্জের এহরাম বাঁধা পর্যন্ত এহরাম বিহীনই থাকিবে। হজ্জে-কেরাণের ঠায় এক্ষেত্রেও হজ্জে-তামাত্তো'র নিয়তে কোরবানী করিতে বইবে। হজ্জে-কেরাণ ও হজ্জে-তামাত্তো'র মধ্যে পার্থক্য দুইটি—(১) হজ্জে-কেরাণে হজ্জ ও ওমরা উভয়ের নিয়ত প্রথম হইতে বা কার্য আরম্ভের পূর্বে একত্রিত হয়, পক্ষান্তরে হজ্জে-তামাত্তো'তে প্রথম হইতে শুধু ওমরার নিয়ত করা হয়; ওমরা শেষ করিয়া তারপর হজ্জের এহরাম ও নিয়ত করা হয়। (২) হজ্জে-কেরাণে এহরাম বাঁধিবার পর মধ্য ভাগে এহরাম খোলার কোন ব্যবস্থা নাই, হজ্জ সমাপ্তেই এহরাম খুলিবে, তাই ইহাতে দীর্ঘ দিন এহরাম অবস্থায় থাকিতে হয় যাহা একটি এবাদৎ এবং কষ্ট সাধ্য হওয়ায় অধিক ছওয়াবের কারণ। পক্ষান্তরে হজ্জে-তামাত্তো'তে মক্কায় পৌঁছিয়া ওমরার তওয়াফ, সায়ী করতঃ (সাধারণ অবস্থায়) চুল ফেলিয়া এহরাম খুলিয়া ফেলা হয়, পুনরায় ৮ তারিখে দুই দিনের জন্ত এহরাম বাঁধিতে হয়।

অধিক এবং সাব্যস্ত রকমের প্রমাণ অনুসারে হযরত রসুলুল্লাহ ছালাল্লাহু আলাইহে অসাল্লামের বিদায় হজ্জ, হজ্জ-কেরাণ ছিল। হানফী মজহাব মতে হজ্জ-কেরাণই সর্বোত্তম। কিন্তু হজ্জের তারিখের অধিক পূর্বে এহরাম বাঁধা হইলে সে ক্ষেত্রে হজ্জ-কেরাণ এবং হজ্জ-এফরাদও সঙ্কটাপূর্ণ ও ভয় সঙ্কুল; এমতাবস্থায় হজ্জ-তামাত্তো করাই কর্তব্য, ইহা হজ্জ-এফরাদ হইতে উত্তমও বটে।

৮১৯। হাদীছঃ—ইবনে আব্বাস (রাঃ) বর্ণনা করিয়াছেন, অন্ধকার যুগে আরবের লোকদের আকিদা ও বিশ্বাস এরূপ ছিল যে, হজ্জের মাস সমূহের* কোন দিনে ওমরা করা প্রত্যেকের জন্তই অতি বড় জঘন্য পাপ। তাহারা বলিত, হজ্জের দীর্ঘ ছফরে সৃষ্ট উটের পৃষ্ঠের ঘা সূস্থ হওয়ার এবং শ্রান্তি দূর হওয়ার পর—জিলহজ্জ মাসের পরে আরও একমাস অতিক্রান্ত হওয়ার পর ওমরাকারীর জন্ত ওমরা শুদ্ধ হইবে। উক্ত গহিত আকিদা চিরতরে খওন-উদ্দেশ্যে নবী (দঃ) বিদায় হজ্জ উপলক্ষে জিলহজ্জ মাসের মাসের চার তারিখ ভোরে মক্কায় পৌঁছিয়াই সকলকে তাকিদ দিলেন তাহাদের হজ্জের এহরামকে ওমরায় পরিণত করার জন্ত।

হজ্জের দিন নিকটবর্তী অবস্থায় হজ্জের এহরাম ভঙ্গ করিতে ছাহাবীদের মনে আতঙ্ক হইল; তাহারা পুনঃ জিজ্ঞাসা করিলেন, ইয়া রসুলুল্লাহ! এহরাম ভঙ্গ কি রকমের হইবে? হযরত (দঃ) বলিলেন, পূর্ণরূপে এহরাম ভঙ্গ করিতে হইবে।

* হজ্জের মাসসমূহ হইল—শাওয়াল, জিলকদ ও জিলহজ্জের দশ তারিখ পর্য্যন্ত। হজ্জের মূল কার্য—আরাকায় অবস্থান শুধু নয় তারিখেই নির্ধারিত; অপর মূল কার্য তথা হজ্জের ফরজ নিয়্যতে তওয়াফ ইহার অন্ত নিয়মিত সময় দশ তারিখ শুধু সহজ করার উদ্দেশ্যে; ইহা পরে করিলেও জায়েয হয়। এতদসত্ত্বেও হজ্জের মাস শাওয়াল হইতে ধরা হইয়াছে, কারণ মানুষ বহু দূর-দূরান্ত হইতে হজ্জ করিতে আসিবে; তাহাদের জন্ত মক্কা হইতে বহু দূরে দূরে বিভিন্ন দিকে বিভিন্ন স্থান “মিকাত” রূপে শরীয়ত কর্তৃক নির্ধারিত রহিয়াছে; তথা হইতে হজ্জকামীগণকে বাধ্যতামূলক এহরাম বাঁধিয়া আসিতে হইবে। সেই এহরাম অবশ্যই হজ্জের মূল কার্য আদায়ের দিন হইতে বহু পূর্বে অনুষ্ঠিত হইবে; কারণ এহরামের নির্ধারিত স্থান তথা “মিকাত” সমূহ মক্কা হইতে বহু দূরে অবস্থিত। এহরাম হজ্জের সর্বপ্রথম কাজ—এই কাজটি যদি হজ্জের সময়ভুক্ত না হয় তবে তাহা অন্তর্ভুক্ত দেখাইবে, তাই এহরামের সাধারণ সম্ভাব্য সময়কে হজ্জের সময়ের গণিতভুক্ত করার জন্ত শাওয়াল মাস হইতে হজ্জের সময় গণ্য করা হইয়াছে। ইহা পূর্ব হইতেই প্রবর্তিত ছিল, এমনকি অন্ধকার যুগে কাকেরদের মধ্যেও ইহা প্রচলিত ছিল। কোরআন শরীফে ২ পাঃ ৯ রুকুতে যে উল্লেখ আছে—হজ্জের সময় হইল কতিপয় নির্ধারিত মাস” উহার উদ্দেশ্যও এই যে, শরীয়ত কর্তৃক উক্ত মাসসমূহই হজ্জের কার্যাবলীর জন্ত নির্দিষ্ট হইয়াছে।

ব্যাখ্যা :—উল্লেখিত অন্ধকার যুগের আকিদাটি ইসলামী বিধানের পরি-
পন্থিত ছিলই, অধিকন্তু উত্তম প্রকারের হজ্জ, হজ্জে-কেরাণ ও হজ্জে-তামাত্তো’
এরও অন্তরায় ছিল। সঠিক বিধান ও মহ্মালাহ সাধারণভাবে মোসলমানগণ
জ্ঞাত ছিল ; বিদায় হজ্জ যাহা হজ্জের মাসেই ছিল—ঐ সময় নবী
ছাল্লাল্লাহু আলাইহে অসাল্লাম এবং আরও অনেকে হজ্জের সহিত ওমরার
নিয়ত করিয়া ছিলেন, অনেকে শুধু ওমরার এহরাম বাঁধিয়া ছিলেন।
কিন্তু উল্লেখিত ভ্রান্ত আকিদাটি এত দৃঢ় এবং ব্যাপক ভাবে প্রচারিত
ছিল যে, উহা খওনের জন্ত নবী (দঃ) উহার বিপরিত বিরাট আলোড়ন সৃষ্টির
প্রয়োজন বোধ করিলেন। সেই পরিপ্রেক্ষিতে নবী (দঃ) তাঁহার লক্ষাধিক
সঙ্গীদের মুষ্টিমেয় সংখ্যক লোক যাহাদের সঙ্গে কোরবানীর পশু ছিল তাহারা
ছাড়া ব্যাপকভাবে সকলকে নিজ নিজ হজ্জের এহরাম ভঙ্গ করতঃ ওমরায় পরিণত
করার আদেশ করিলেন ; মক্কা হইতে ৯১০ মাইল ব্যবধানে “সারেক” নামক
মঞ্জিলে অবতরণ করিয়া নবী (দঃ) এই আদেশ জারী করেন এবং মক্কায় পৌঁছিয়া
উহার প্রতি পুনঃ পুনঃ তাকিদ দেন ; উহাতে বিরাট চাঞ্চল্যের সৃষ্টি হয় যাহার
বিবরণ পরবর্তী হাদীছে আসিতেছে। শেষ পর্যন্ত লক্ষ লোকের হজ্জের এহরাম
ভঙ্গ করতঃ ওমরায় পরিণত করিয়া হজ্জের মাসে ওমরা করার বৈধতা প্রতিষ্ঠা
করা হয় এবং ঐ সব লোকের হজ্জ, হজ্জে-তামাত্তো’ রূপে আদায় হয়। হজ্জের
এহরাম এইরূপে ভঙ্গ করিলে সাধারণ বিধান মতে কাফ্ফারা আদায় করিতে
হয়, কিন্তু ঐ বৎসর রম্মুলের আদেশে এহরাম ভঙ্গকারীরা উক্ত কাফ্ফারা
হইতে রেহায়ী পায়।

৮২০। হাদীছ :—জাবের (রাঃ) বর্ণনা করিয়াছেন, বিদায় হজ্জ-আমরা
নবী ছাল্লাল্লাহু আলাইহে অসাল্লামের সঙ্গী ছিলাম। আমাদের প্রার সকলেই
হজ্জে-এফ্রাদকারী ছিল। আমরা “লাক্বাইকা বিল-হজ্জে” বলিয়া স্পষ্টরূপে
হজ্জের উল্লেখ করতঃ এহরাম বাঁধিয়া ছিলাম। আমাদের কাহারও সঙ্গে
কোরবানীর পশু ছিল না,—শুধুমাত্র নবী (দঃ) ও তাল্হা (রাঃ) (এবং আর
কতিপয় নগণ্য সংখ্যক লোক) ছাড়া। আলী (রাঃ) ইয়ামান হইতে আসিয়া
ছিলেন তাঁহার সঙ্গেও কোরবানীর পশু ছিল। (যাহাদের সঙ্গে পশু ছিল না
তাহাদের) সকলকে নবী (দঃ) আদেশ করিলেন, তোমরা বাইতুল্লাহ শরীফের
তওয়াক ও ছাফা-মারওয়ার সায়ী (তথা শুধু ওমরা) আদায় করিয়া চুল কর্তন
করতঃ হজ্জের এহরাম ভঙ্গ করিয়া ফেল এবং ৮ তারিখে পুনঃ হজ্জের এহরাম
বাঁধিবে। এই ভাবে তোমরা যে হজ্জের নিয়ত করিয়া আসিয়াছ উহাকে হজ্জে-

তামাত্তোরূপে রূপান্তরিত কর। ছাহাবীগণ আরজ করিলেন, আমরা বর্তমান এহরামকে ভাঙ্গিয়া হজ্জ-তামাত্তো'-এর ওমরায় পরিণত করিব কি রূপে, অথচ আমরা এহরাম বাঁধিবার সময় স্পষ্টরূপে হজ্জের এহরাম বলিয়া নিশ্চিষ্ট করিয়াছি। নবী (দঃ) বলিলেন, আমি যাহা আদেশ করিয়াছি তাহা তোমাদের অবশ্য কর্তব্য ; আমি কোরবানীর পশু সঙ্গে না আনিলে আমিও তোমাদের স্থায় এহরাম ভঙ্গ করিতাম। অনেকের মনে এরূপ সঙ্কোচেরও উদয় হইল যে, হজ্জ আরম্ভের দিন সম্মুখে আগত, আমরা এখন এহরাম ভঙ্গ করিয়া সাধারণভাবে জ্ঞীও ব্যবহার করিতে পারি—এমতাবস্থায় আমরা হজ্জ সমাপনে মিনায় যাত্রা করিব ; ইহা কিরূপ হইবে। এই সব ইত্যস্ততার সংবাদ নবী ছাল্লাল্লাহু আলাইহে অসাল্লামের গোচরিত্ব হইল। নবী (দঃ) ভাষণ দানে দাঁড়াইলেন এবং বলিলেন, আমি সংবাদ পাইয়াছি, অনেকে এই, এইরূপ বলিতেছে। আল্লার কসম—আমি নেক কাজকে তোমাদের চেয়ে বেশী ভালবাসি এবং আল্লাহ তায়ালাকে বেশী ভয় করি। (ব্রাহ্ম আকিদা খণ্ডনের জন্ত এহরাম ভঙ্গের) যে প্রয়োজনীয়তা আমি পরে অনুভব করিয়াছি তাহা পূর্বের অনুভব করিলে আমি কোরবানীর পশু সঙ্গে আনিতাম না এবং আমার সঙ্গে ঐ পশু না থাকিলে অবশ্যই আমিও এহরাম ভঙ্গ করিতাম। অতঃপর আমরা সকলে আমাদের হজ্জের এহরাম ও নিয়তকে ওমরায় রূপান্তরিত করিয়া নিলাম। সোরাকাহ ইবনে মালেক (রাঃ) দাঁড়াইয়া জিজ্ঞাসা করিলেন ইয়া রসূলুল্লাহ ! ইহা (অর্থাৎ হজ্জের মাসে ওমরা করার বৈধতা) শুধু আমাদের উপস্থিতিগণের জন্ত, না—কেয়ামত পর্য্যন্ত সর্বদার জন্ত ? হযরত (দঃ) বলিলেন, তোমাদের জন্তই নয় শুধু, বরং সর্বদার জন্ত।

৮২১। হাদীছ :—উম্মুল-মোমেনীন হাফছাহ (রাঃ) হইতে বর্ণিত আছে, তিনি জিজ্ঞাসা করিয়াছিলেন, ইয়া রসূলুল্লাহ ! লোকগণ (আপনার নির্দেশে) তাহাদের হজ্জের এহরাম ভঙ্গ করিয়া ওমরায় রূপান্তরিত করিয়াছে, আপনি সেরূপ ওমরা করতঃ এহরাম ভঙ্গ করেন নাই ? রসূলুল্লাহ (দঃ) বলিলেন, আমি এহরামকে স্থায়ী করার ব্যবস্থা করিয়া কোরবানীর নিদর্শনযুক্ত পশু সঙ্গে আনিয়াছি। সুতরাং কোরবানী না করা পর্য্যন্ত আমি এহরাম ছাড়িতে পারি না।

৮২২। হাদীছ :—ইবনে আব্বাস (রাঃ)কে এক সঙ্গে হজ্জ ও ওমরা সম্পর্কে জিজ্ঞাসা করা হইলে তিনি বলিলেন, বিদায়-হজ্জ কালে আমরা সকলেই রসূলুল্লাহ ছাল্লাল্লাহু আলাইহে অসাল্লামের সঙ্গে এহরাম বাঁধিয়া চলিলাম ; মক্কায় পৌঁছিয়া রসূলুল্লাহ (দঃ) আমাদেরকে তাকিদ দিলেন যে, তোমরা তোমাদের হজ্জের এহরামকে ওমরায় পরিণত করিয়া নেও—তাহারা ছাড়া যাহারা কোরবানীর পশু সঙ্গে আনিয়াছে। সেমতে আমরা তওয়াফ ও

সায়ী করিয়া (এহরাম ভঙ্গ করতঃ) স্ত্রী ব্যবহার, জামা-কাপড় ব্যবহার করিলাম। যাহারা কোরবানীর পশু সঙ্গে আনিয়াছিল তাহাদিগকে নির্দেশ দিলেন, তাহারা (১০ তারিখে) কোরবানী না করিয়া এহরাম ছাড়িতে পারিবে না। অতঃপর ৮ই জিলহজ্জ তারিখ ছুপুরের পর আমদিগকে (এহরাম ভঙ্গকারীদিগকে) পুনঃ হজ্জের এহরাম বাঁধার আদেশ করিলেন।

অতঃপর আমরা হজ্জের কার্যাবলী সমাপ্ত করিলে আমাদের উপর একটি কোরবানী ওয়াজেব হইল যেরূপ কোরআনের আয়াতের নির্দেশ রহিয়াছে। এই সময় সকলে একই বৎসর এক সঙ্গে হজ্জ ও ওমরা উভয়টি আদায় করিল; ইহার বিধান আল্লাহ তায়ালা কোরআনে নাযেল করিয়াছেন এবং নবী (দঃ) উহার আদর্শ স্থাপন করিয়া লোকদের জ্ঞাত উহাকে বৈধ সাব্যস্ত করিয়াছেন। অবশ্য ইহা মক্কাবাসী ভিন্ন অত্র লোকদের জ্ঞাতই বৈধ। আল্লাহ তায়ালা বলিয়াছেন—“ইহা (তথা হজ্জ ও ওমরা এক সঙ্গে করা) শুধু মাত্র ঐ লোকদের জ্ঞাত যাহাদের পরিবাববর্ণ মক্কা নিবাসী না হয়” (২ পাঃ ৮ রঃ)।

মহুআলাহ—যে প্রকার হজ্জের নিয়ত ও এহরাম বাঁধা হয় এহরাম বাঁধাকালীন “লাববাইকা” পড়িতে উহার উল্লেখ করা উত্তম। যথা—হজ্জ-এফরাদকারী বলিবে

.....لَبَّيْكَ بِالْحَجِّ اَللّٰهُمَّ لَبَّيْكَ - لَبَّيْكَ لَا شَرِيْكَ لَكَ.....

এবং হজ্জ-তামাত্তাকারী বলিবে—

.....لَبَّيْكَ بِالْعُمْرَةِ اَللّٰهُمَّ لَبَّيْكَ - لَبَّيْكَ لَا شَرِيْكَ لَكَ.....

এবং হজ্জ-কেরাণকারী বলিবে—

.....لَبَّيْكَ بِالْحَجِّ وَالْعُمْرَةِ اَللّٰهُمَّ لَبَّيْكَ.....

মক্কা শরীকে প্রবেশের পূর্বে গোছল করা

৮২৩। হাদীছঃ—আবদুল্লাহ ইবনে ওমর (রাঃ) (হরম শরীফের নিকটবর্তী আসার পূর্ব পর্যন্ত শুধু তল্বিয়া পড়িতেন, কিন্তু) হরম শরীফের নিকটবর্তী হইলে পর (শুধু) তল্বিয়া পড়িতেন না (বরং অগ্ন্যস্ত দোয়া-দরুদ পড়ায়ও মশগুল হইতেন) এবং “জি-তুয়া” নামক স্থানে রাত্রি যাপন করিতেন। তথায় ফজরের নামায আদায় করিতেন, অতঃপর গোসল করিতেন। তিনি বর্ণনা করিতেন যে, নবী ছালাল্লাহু আলাইহে অসালাম এইরূপ করিয়াছেন।

কোন পথে মক্কায় প্রবেশ করিবে

৮২৪। হাদীছ :—আবদুল্লা ইবনে ওমর (রাঃ) বর্ণনা করিয়াছেন, রসুলুল্লাহ ছালাল্লাহু আলাইহে অসাল্লাম মক্কা শরীফে ছানিয়াতুল-ও'লইয়া—উর্দ্ধ প্রান্তের “কাদা” নামক পথে প্রবেশ করিয়া ছিলেন এবং ছানিয়াতুছ-ছোফ্লা—নিম্ন প্রান্তের পথে বাহির হইয়া আসিয়া ছিলেন।

বাইতুল্লাহ শরীফের প্রতিষ্ঠা

আল্লাহ তায়ালা কোরআন শরীফে বলিয়াছেন—

وَأَن جَعَلْنَا الْبَيْتَ مَثَابَةً لِّلنَّاسِ وَأَمْنَا.....

.....إِنَّكَ أَنْتَ الرَّحْمَنُ الرَّحِيمُ ০

অর্থ—এই বিষয় লক্ষ্য রাখিও যে, আমি বাইতুল্লাহ শরীফকে বিশ্ব-মানবের জ্ঞাত এবাদতের স্থান এবং শান্তি ও নিরাপত্তার স্থানরূপে প্রতিষ্ঠিত করিয়াছি। এবং এই আদেশ করিয়াছি যে, বিশেষরূপে মকামে-ইব্রাহীমের নিকটবর্তী স্থানে নামায আদায় কর। আর ইব্রাহীম ও ইসমাইলকে আদেশ করিয়াছিলাম যে, আমার ঘরকে পাক-পবিত্র রাখ তওয়াফকারীদের জ্ঞাত, তথায় এবাদতরত অবস্থানকারীদের জ্ঞাত এবং নামায আদায়কারীদের জ্ঞাত। ইহাও স্মরণ রাখিও যে, ইব্রাহীম (আঃ) প্রার্থনা করিয়াছিলেন—হে পরওয়ারদেগার! এই শহরটিকে শান্তিময় ও নিরাপত্তার স্থান বানাইয়া দাও এবং এই শহরবাসীদের মধ্যে যাহারা আল্লাহ ও শেষ দিনের উপর বিশ্বাস স্থাপনকারী হয় তাহাদের জ্ঞাত ফল-ফলাদি ও খাতিরার ব্যবস্থা করিয়া দাও। (কারণ, ইহা একরূপ পাথরময় স্থান যে উৎপাদনে সম্পূর্ণ অক্ষম।) আল্লাহ তায়ালা বলিলেন, (ইহজগতের জ্ঞাত আমার যে নীতি প্রচলিত আছে সেই নীতি অনুসারে) জাগতিক জীবনে কাকেরদের জ্ঞাতও আমি খাতির জোটাইব, কিন্তু পরকালে তাহাদিগকে অনিবার্যতঃ দোষখের আজাবে নিক্ষিপ্ত করিব; উহা অতিশয় কষ্টদায়ক জঘন্য স্থান। স্মরণ কর, যখন ইব্রাহীম ও ইসমাইল (আঃ) বাইতুল্লাহ শরীফের ভিত্তি স্থাপন ও দেয়াল প্রতিষ্ঠা করিতে ছিলেন তখন তাহারা অতি নম্রতা ও কাকু-তিমিনতির সহিত এই আরাধনা ও প্রার্থনা করিতে ছিলেন—হে আমাদের পালনকর্তা প্রভু! তুমি আমাদের এই চেষ্টা কবুল কর। তুমি আমাদের প্রার্থনা ইত্যাদি সব কিছু শ্রবণ করিয়া থাক এবং আমাদের অন্তরের এখলাছ—নিকাম আগ্রহ আকাঙ্ক্ষা সব কিছু জ্ঞাত আছ। হে প্রভু! আমরা—পিতা-পুত্রদ্বয়কে এবং আমাদের বংশধরকে

তোমার দাস তোমার একান্ত অনুগত আজ্ঞাবহ বানাও এবং তোমার এই ঘবের হজ্জের নিয়মাবলী শিক্ষাদান কর এবং আমাদের সমুদয় গোণা-খাতা মাফ করিয়া আমাদের প্রতি রহম কর; তুমি নিশ্চয় তওবা কবুলকারী দয়ালু। (১পাঃ ১৫কঃ)

৮২৫। হাদীছঃ—*আয়েশা (রাঃ) বর্ণনা করিয়াছেন, আমি নবী ছালাল্লাহু আলাইহে অসাল্লামের নিকট জিজ্ঞাসা করিলাম, হাতীমের স্থানটুকু ‡ বাইতুল্লাহ শরীফের অংশ কি না? হযরত (দঃ) বলিলেন, হাঁ—বাইতুল্লাহই অংশ। আমি আরজ করিলাম, বাইতুল্লাহ শরীফ তৈয়ারীর সময় এই অংশকে উহার শামিল করা হয় নাই কেন? রসুলুল্লাহ ছালাল্লাহু আলাইহে অসাল্লাম বলিলেন, তুমি জাননা যে, তোমার বংশধর কোরায়েশরা যখন এই বাইতুল্লাহ শরীফের পুনঃ নির্মাণের ইচ্ছা করিল তখন (তাহারা এই পণ করিল যে, হারাম ও জুলুম অত্যাচার এবং জুয়া, লুট ও ডাকাতি ইত্যাদি অবৈধ উপায়ে অর্জিত ধন-সম্পদ এই ঘর নির্মাণের কার্যে ব্যয় করিবে না। অথচ সেকালে তাহাদের অধিকাংশ উপার্জন এসব উপায়েই ছিল, অতএব) তাহাদের (হালাল) মাল সম্পূর্ণ ঘরের ব্যয় নির্বাহের পরিমাণ হইতে কম হইয়া গেল। (তাই তাহারা ঘরের প্রকৃত মাপ হইতে উত্তর দিকে কিছু অংশ ছাড়িয়া দিয়া ঘরটিকে ছোট আকারে নির্মাণ করিল এবং ঐ পরিত্যক্ত অংশটুকুই হইল হাতীম।) (আয়েশা (রাঃ) বলেন—) আমি জিজ্ঞাসা করিলাম, বাইতুল্লাহ শরীফের দরওয়াজা এত উপরে স্থাপিত হইয়াছে কেন? (যে, উহার ভিতরে প্রবেশ করিতে প্রায় ৫৬ হাত সিঁড়ির সাহায্যে উঠিতে হয়)। রসুলুল্লাহ (দঃ) বলিলেন, তোমাদের বংশীয় লোকেরা এই উদ্দেশ্যে এইরূপ করিয়াছিল যেন বাইতুল্লাহ শরীফের প্রবেশাধিকার নিয়ন্ত্রণ কেবলমাত্র তাহাদের হস্তে হস্ত থাকে; যাহাকে ইচ্ছা করিবে প্রবেশ করিতে দিবে, যাহাকে ইচ্ছা করিবে বঞ্চিত রাখিবে।

অতঃপর রসুলুল্লাহ ছালাল্লাহু আলাইহে অসাল্লাম বলিলেন, তোমাদের বংশীয় কোরায়েশরা যেহেতু সচ্য ইসলামী দলভুক্ত এবং সবেমাত্র অন্ধকার যুগের শৃঙ্খল-মুক্ত নবাগত মোসলমান—তাই আমার আশঙ্কা হয় যে, বাইতুল্লাহ শরীফের ঘরের পরিবর্তন সাধন করিলে তাহাদের অন্তরে নানাপ্রকার সংশয়ের উদয় হইবে। (হযরত তাহারা মনে করিবে, আল্লার রসুল হওয়ার দাবী করিয়া এখন আল্লার ঘর ভাঙ্গিয়া দিল।) নতুবা আমি নিশ্চয় বাইতুল্লাহ শরীফের ঘর পুনঃ নির্মাণ করিতাম এবং ইব্রাহীম আলাইহেছালামের নিম্নিত মাপ অনুযায়ী হাতীমস্থিত

* এখানে আয়েশা (রাঃ) কব্বাক বণিত কতিপয় হাদীছকে একত্রে অনুবাদ করা হইয়াছে।

‡ বাইতুল্লাহ শরীফ সংলগ্ন উত্তর পার্শ্বে ছোট দেয়ালে ঘেরাও করা স্থানকে হাতীম বলে।

অংশও ঘরের মধ্যে शामिल করিয়া দিতাম এবং উহার দরওয়াজা নীচু করিয়া দিতাম (যেন সিঁড়ির সাহায্য ব্যতিরেকেই উহাতে প্রবেশ করা যায়।) এবং (বর্তমান অবস্থার—এক দরওয়াজাবিশিষ্ট না করিয়া) পশ্চিম দিকে অপর একটি দরওয়াজা খুলিয়া কা'বাকে ছুই দরওয়াজাবিশিষ্ট নির্মাণ করিতাম। (কারণ প্রবেশ করার ও বাহির হওয়ার জন্য ভিন্ন ভিন্ন দরওয়াজা হইলে তাহাতে ভীড় এবং বিশৃঙ্খলার সৃষ্টি হইত না।)

(আয়েশা রাজিয়াল্লাহু তায়ালা আনহার ভাগিনা—) আবদুল্লাহ ইবনে যোবায়ের (রাঃ) খলীফা হইবার দাবী করিয়া মক্কা নগরী এলাকার শাসন ক্ষমতা লাভ করতঃ ৬৪ হিজরী সনে যখন বাইতুল্লাহ শরীফের ঘরের পুনঃ নির্মাণের আবশ্যকতা অনুভব করিয়া উহার পুনঃ নির্মাণ কার্য আরম্ভ করিলেন, তখন স্বীয় খালা আয়েশার (রাঃ) এই হাদীছ অনুসারে রসূলুল্লাহ ছাল্লাল্লাহু আলাইহে অসাল্লামের অভিপ্রায় অনুযায়ী হাতীমের অংশকে ঘরের शामिल করিয়া নীচু আকারের ছুই দরওয়াজাবিশিষ্ট রূপে ঘর নির্মাণ করিয়াছিলেন।

আয়েশা রাজিয়াল্লাহু তায়ালা আনহার এই হাদীছ ও বর্ণনা তাঁহার ভাগিনা-পুত্র ওরওয়ার মাধ্যমে বর্ণনাকারী এযীদ ইবনে রুমান বর্ণনা করিয়াছেন যে, আবদুল্লাহ ইবনে যোবায়ের (রাঃ) যখন বাইতুল্লাহ শরীফের পুনঃ নির্মাণ কার্য আরম্ভ করিয়াছিলেন তখন আমি ঘটনাস্থলে উপস্থিত ছিলাম। আবদুল্লাহ ইবনে যোবায়ের (রাঃ) স্বয়ং এই কার্য পরিচালনা করিলেন। তিনি ইব্রাহীম আলাইহেছালাম কর্তৃক প্রতিষ্ঠিত ভিত্তিমূলের চিহ্ন খুঁজিয়া বাহির করার জন্য খনন কার্য চালাইলেন, কিন্তু কোন চিহ্ন পাওয়া যাইতে ছিল না, তাই তিনি বিচলিত হইতেছিলেন। অবশেষে মানুষ পরিমাপের দেড়গুণ খনন করার পর বড় বড় পাথরে নিম্নিত ভিত্তিমূল দৃষ্টিগোচর হইল। বর্ণনাকারী বলেন—আমি স্বয়ং নিজ চক্ষে ঐ ভিত্তি দেখিয়াছি; উহার পাথরগুলি উটের পিঠের ত্রায় ছিল।

এই প্রত্যক্ষদর্শী বর্ণনাকারীর শাগের্দ জরীর (রঃ) বলেন, আমি স্বীয় ওস্তাদকে জিজ্ঞাসা করিলাম, এখনও কি আপনি ঐ ভিত্তিমূলের স্থানটি আমাকে নির্দিষ্ট করিয়া দেখাইতে পারিবেন? তিনি বলিলেন, এখনই চল তোমাকে দেখাইব। তখন আমি তাঁহার সঙ্গে হাতীমের বেঠনীর ভিতর প্রবেশ করিলাম। তিনি একটি স্থান দেখাইরা বলিলেন, এই স্থানে সেই ভিত্তি অবস্থিত।

জরীর (রঃ) বলেন—আমি ঐ ভিত্তিস্থান হইতে বর্তমানে নিম্নিত বাইতুল্লাহ ঘরের সীমার মধ্যবর্তী স্থানটুকুর পরিমাপ করিলাম, তাহাতে আমার অনুমান হইল—ঐ স্থানটি (উত্তর-দক্ষিণে) ছয় হাত পরিমিত দীর্ঘ হইবে।

ব্যাখ্যা :—হযরত নূহ আলাইহেছালামের যমানায় ক্রোধাধিত ঐশ্বরিক শক্তিতে পরিচালিত সর্বত্রানী তুফানের ধ্বংসলীলা সমগ্র বিশ্বের ধ্বংস সাধন করার সঙ্গে সঙ্গে বাইতুল্লাহ শরীফের পূর্ব নিশ্চিত ঘরেরও বিলুপ্তি সাধন করে। যেক্রপ আল্লাহ তায়ালায় কুদরতের নিদর্শন—আপদ-বিপদ, রোগ-ব্যাদি পীর-পয়গাম্বর, নবী-রসূল সকলকেই গ্রাস করিয়া থাকে। আল্লাহ কুদরত সর্বতোমুখী, তাই বাইতুল্লাহ ঘর বিলুপ্ত হইল বটে, কিন্তু আল্লাহ কুদরতই আবার উহার বিশিষ্ট বিশিষ্ট দ্রব্যাদিকে হেফাজতও করিয়াছিল। অতঃপর সর্বপ্রথম আল্লাহ তায়ালায় নির্দেশে ইব্রাহীম (আঃ) ও তদীয় পুত্র ইসমাইল (আঃ) ঐ ঘরের পুনঃ নির্মাণ করেন। অতঃপর হযরত রসূলুল্লাহ ছালামালাহ আলাইহে অসাল্লামের নবুওয়ত প্রাপ্তির পূর্বের কোরায়েশগণ কর্তৃক উহা পুনঃ নিশ্চিত হয় এবং ছোট আকারে নিশ্চিত হয়, যাহার ঘটনা উল্লিখিত হাদীছে বর্ণিত হইয়াছে। তৎপর আবুল্লাহ ইবনে যোবায়ের (রাঃ) কর্তৃক পূর্ণ মাপে পুনঃ নিশ্চিত হয়। কিন্তু আবুল্লাহ ইবনে যোবায়েরের ক্ষমতার পতনের পর তাঁহার প্রতিদ্বন্দী আবদুল মালেক ইবনে মারওয়ানের প্রতিনিধি হাজ্জাজ ইবনে ইউসুফ ভাবিল, বিশ্ব-শ্রেষ্ঠ চির জাগরক এই নিদর্শন আমাদের শত্রু কর্তৃক প্রতিষ্ঠিত রূপে কায়ম থাকা আমাদের পক্ষে ভাল হইবে না। এই ভাবিয়া সে স্বীয় আমীরের আদেশ লইয়া ঐ ঘর ভাঙ্গিয়া পুনরায় কোরায়েশদের নির্মাণ আকারে তৈরী করে। যুগের পরিবর্তন সাধনকারী শক্তির ধ্বংসলীলার স্রোত প্রবাহে ঐ সমস্ত দান্তিক ব্যক্তির ভূ-পৃষ্ঠ হইতে বিলীন হইয়া গেলে অত্যাচার রাজা-বাদশাহদের মধ্যে বাদশাহ হারুনর-রশীদ বা অথ কোনও বাদশাহ হাজ্জাজ কর্তৃক কোরায়েশদের নিশ্চিত আকারে তৈরী ঘরকে পুনরায় ভাঙ্গিয়া আবুল্লাহ ইবনে যোবায়ের (রাঃ) কর্তৃক হযরত রসূলুল্লাহ ছালামালাহ আলাইহে অসাল্লামের অভিপ্রায় অনুসারে নিশ্চিত ঘরের আকারে তৈরী করার ইচ্ছা করিয়া আলেম সমাজের মতামত প্রার্থী হইলেন। তদানীন্তন মদীনাবাসী খ্যাতনামা ইমাম মালেক (রাঃ) বিশেষ দৃঢ়তার সহিত ইহাতে বাধা প্রদান করিলেন এবং বলিলেন, এইরূপ করিতে গেলে বাইতুল্লাহ শরীফ অবশেষে রাজা-বাদশাহদের খেলনার বস্তুতে পরিণত হইয়া যাইবে। ইমাম মালেকের এই বিজ্ঞোচিত উক্তি সেই সময় হইতে আজ পর্যন্ত বিশ্ব-মোসলেমের নিকট অখণ্ডনীয় বিষয়রূপে গ্রহণীয় হইয়া আসিয়াছে। তদবধি আজ যুগযুগান্ত পর্যন্ত বাইতুল্লাহ শরীফের ঘর সেই হাজ্জাজ কর্তৃক কোরায়েশদের নিশ্চিত ছোট আকারে তৈরী অবস্থায়ই রহিয়াছে। বর্তমানেও উহা এক দরওয়াজাবিশিষ্ট

উচ্চ দরওয়াজায়ুক্ত রহিয়াছে এবং হাতীমও পূর্বের স্থায় বিদ্যমান রহিয়াছে, যেরূপ রসুলুল্লাহ ছালাল্লাহু আলাইহে অসাল্লামের যমানায় ছিল। (ফতহুলবারী)

হরম শরীফের ফজিলত

আল্লাহ তায়ালা কোরআন শরীফে রসুলুল্লাহ (দঃ) সম্পর্কে বলিয়াছেন—

إِنَّمَا أُمِرْتُ أَنْ أَعْبُدَ رَبَّ هَذِهِ الْبَلَدَةِ الَّذِي حَرَّمَهَا وَلَهُ كُلُّ شَيْءٍ -
وَأُمِرْتُ أَنْ أَكُونَ مِنَ الْمُسْلِمِينَ ০

অর্থ :—(আপনি ঘোষণা করুন,) বিশেষভাবে আদিষ্ট হইয়াছি যে, আমি ঐ সর্বশক্তিমান প্রভুর এবাদৎ—বন্দেগী ও দাসত্ব অবলম্বন করি যিনি এই মহান নগরীর প্রভু, যিনি এই মহান নগরীকে অতি উচ্চ মর্যাদা দান করিয়াছেন এবং সমস্ত চীজ-বস্তুর একমাত্র মালিক তিনিই। আমি তাঁহার অনুগত থাকার আদিষ্ট হইয়াছি (২০ পাঃ ৩ রূঃ)। আল্লাহ তায়ালা আরও বলিয়াছেন—

أُولَئِكَ نُهُنَّ عَنْ حَرَمَاتِ اللَّهِ يُتَّبِعْنَ الْبُيُوتَ لِيُتَّبِعُوا كُلَّ شَيْءٍ رَزَقْنَا مِنْ
لَدُنَّا وَلَكِنْ أَكْثَرُهُمْ لَا يَعْلَمُونَ ০

অর্থ :—(আমি মক্কাবাসীদের প্রতি কত রূপাই না করিয়াছি! দেখ—) আমি কি তাহাদিগকে এমন এক নগরীর অধিকারী করি নাই—যে নগরী অতি মহান মর্যাদাসম্পন্ন, শান্তিময়, নিরাপত্তার স্থান—যে নগরে আমার রূপায় দেশ-বিদেশের সর্বপ্রকার ফল-ফুলাদি আমদানী হইয়া থাকে? কিন্তু পরিতাপের বিষয়, তাহাদের অধিকাংশই নির্বোধ। (সত্যিকারের জ্ঞান তাহাদের নাই, নতুবা এরূপ রূপাময় দয়াল মাবুদের বিদ্রোহীতা করিত না)। (২০ পাঃ ৯ রূঃ)

৮২৬। হাদীছ :—ইবনে আব্বাস (রাঃ) হইতে বর্ণিত আছে, মক্কা বিজয়ের দিন নবী ছালাল্লাহু আলাইহে অসাল্লাম স্বীয় ভাষণে বলিলেন, নিশ্চয় আল্লায় তায়ালাই মক্কা এলাকাকে পবিত্র হরম শরীফ সাব্যস্ত করিয়া দিয়াছেন—সপ্ত আকাশ ও ভূমণ্ডল সৃষ্টি করার দিন হইতেই। অতএব আল্লাহ তায়ালায় সেই সাব্যস্ত অনুসারেই উহার সেই পবিত্র হরম শরীফ হওয়া অক্ষুণ্ণ থাকিবে কেয়ামত পর্যন্ত। সেমতে ঐ এলাকায় যুদ্ধ-বিগ্রহ আমার পূর্বের হালাল ছিল না এবং আমার পরেও কাহারও জ্ঞা হালাল

হইবে না। একমাত্র আমার পক্ষে শুধু এক দিনের অল্প সময়ের জন্য আল্লাহ তায়ালার তরফ হইতে উহা হালাল করা হইয়া ছিল। (সেই সময়ের পর-মুহূর্ত্ত হইতে পূর্বের তায় কেয়ামত পর্য্যন্ত উহা হরম শরীফ পরিগণিত থাকিবে।) উহার কোন গাছের একটি কাঁটা ভাঙ্গাও নিষিদ্ধ, উহার কোন বস্তু জন্তুকে তাড়া করাও নিষিদ্ধ এবং উহার পথে পাওয়া কোন বস্তু, বিশেষরূপে ঢোল-শোহরত করার উদ্দেশ্য ব্যতিরেকে উঠাইয়া লওয়াও নিষিদ্ধ। উহার কোন ঘাস-পাতা তৃণ-লতা ছিন্ন করাও নিষিদ্ধ। তখন আব্বাস (রাঃ) বলিলেন, ইয়া রসূলল্লাহ! “এজ্জথের” নামীয় ঘাসকে এই নিষেধাজ্ঞার বহির্ভূত রাখুন; কারণ উহা আমাদের গৃহ এবং কর্মকারদের জন্য বিশেষ প্রয়োজনীয়। নবী (দঃ) বলিলেন আচ্ছা—এজ্জথের খাস এই নিষেধাজ্ঞার বাহিরেই থাকিল।

বিশেষ দ্রষ্টব্য :—বস্তু জন্তু তাড়া করার মধ্যে ইহাও শামিল যে, কোন একটি পশু বা পক্ষী কোন ছায়া স্থলে বিশ্রাম নিয়াছে, তুমি তথায় বিশ্রাম নেওয়ার জন্য উহাকে তাড়াইয়া দিবা ইহাও নিষিদ্ধ।

হরম শরীফের মসজিদে সকলের সমান অধিকার

আল্লাহ তায়ালার কোরআন শরীফে বলিয়াছেন (১৭ পাঃ ৩ রূঃ)—

إِنَّ الَّذِينَ كَفَرُوا وَيَسُدُّونَ عَنْ سَبِيلِ اللَّهِ وَالْمَسْجِدِ الْحَرَامِ
الَّذِي جَعَلْنَاهُ لِلنَّاسِ سَوَاءً إِنِ الْعَاكِفُ فِيهِ وَالْبَادِ - وَمَنْ يُرِدْ فِيهِ
بِالْإِثْمِ يُظْلَمَ نُذِقْهُ مِنْ عَذَابِ الْإِثْمِ ۝

অর্থ :—যাহারা কুফরী করে এবং আল্লার (দীনের) রাস্তায় প্রতিবন্ধকতার সৃষ্টি করে এবং মসজিদে-হারামের পথে প্রতিবন্ধকতার সৃষ্টি করে (যে রূপ হোদায়বিয়ার ঘটনায় মক্কার কাকেররা করিয়াছিল;) যে মসজিদে আমি প্রত্যেকের সমান অধিকার দিয়াছি—নিকটবর্ত্তী বাসিন্দা হউক বা দূরপ্রান্তের আগন্তুক হউক। স্মরণ রাখিও, যে ব্যক্তি ঐ মসজিদের ব্যাপারে অন্যায়রূপে নিয়ম বিরোধী কার্য করিবে তাহাকে কষ্টদায়ক আজাব ভোগে বাধ্য করিব।

মক্কাস্থিত হযরাতের বাড়ী

৮২৭। হাদীছ :—উছামা ইবনে যায়েদ (রাঃ) (মক্কা বিজয়ের ঘটনায় বা বিদায় হজ্জের সময় মক্কা নগরীতে প্রবেশের পূর্ব মুহূর্ত্তে) জিজ্ঞাসা করিলেন,

ইয়া রসুলুল্লাহ! আপনি আগামী কল্য মকায় প্রবেশ করিয়া কোথায় অবস্থান করিবেন, আপনার (পৈত্রিক) বাড়ীতে অবস্থান করিবেন কি? রসুলুল্লাহ ছালাম্লাহু আলাইহে অসাল্লাম বলিলেন, আমার পৈত্রিক বাড়ী আছে কোথায়? (চাচা আবু তালেবের ছেলে) আকীল বাড়ী-ঘর সব বিক্রি করিয়া ফেলিয়াছে।

ব্যাখ্যাঃ—হযরত রসুলুল্লাহ ছালাম্লাহু আলাইহে অসাল্লামের পিতামহ—আবদুল মোত্তালেব স্বীয় পিতা হেশাম ইবনে আব্দে মনাফ হইতে উত্তরাধিকার সূত্রে একখানা বাড়ী লাভ করেন। আবদুল মোত্তালেব বৃদ্ধ বয়সে স্বীয় পুত্রদ্বয়—আবদুল্লাহ (হযরত রসুলুল্লাহ (দঃ)-এর পিতা) এবং আবু তালেবের মধ্যে ঐ বাড়ীখানা বন্টন করিয়া দেন। ঐ বাড়ীতেই হযরত রসুলুল্লাহ ছালাম্লাহু আলাইহে অসাল্লাম ভূমিষ্ট হইয়াছিলেন। রসুলুল্লাহ (দঃ) স্বীয় পিতার অংশের উত্তরাধিকারী ছিলেন বটে, কিন্তু তিনি হিজরত করিয়া চলিয়া যাওয়ায় তাঁহার চাচার ছেলে আকীল সম্পূর্ণ বাড়ীটি দখল করিয়া বিক্রি করিয়া ফেলে।

হযরতের চাচা আবু তালেবের চার পুত্র ছিল। আকীল, তালেব, জাফর (রাঃ) ও আলী (রাঃ)। তন্মধ্যে জাফর (রাঃ) ও আলী (রাঃ) মোসলমান ছিলেন, আকীল ও তালেব অমোসলেম। অতএব, কেবলমাত্র শেষোক্ত দুইজন আবু তালেবের উত্তরাধিকারী গণ্য হয়, জাফর ও আলী (রাঃ) উত্তরাধিকারী গণ্য হন না। (অতঃপর তালেব নিখোঁজ হইয়া গেলে সম্পূর্ণ বাড়ী ঘরের উত্তরাধিকারী একমাত্র আকীল থাকিয়া যায়।

ওমর (রাঃ) বলিলেন, উক্ত ঘটনার দ্বারাও এই মহুআলাহ প্রমাণিত হয় যে, মোসলেম ও অমোসলেমের মধ্যে উত্তরাধিকারের সম্পর্ক অব্যাহত থাকে না।

ইব্রাহীম (আঃ)-এর দোয়া

আল্লাহ কোরআন শরীফে ফরমাইয়াছেন—

وَإِذْ قَالَ إِبْرَاهِيمُ رَبِّ اجْعَلْ هَذَا الْبَلَدَ آمِنًا وَاجْنُبْنِي وَبَنِيَّ أَنْ نَعْبُدَ الْأَصْنَامَ - رَبِّ إِنَّهُمْ أَضَلُّونَ كَثِيرًا مِّنَ النَّاسِ فَمَنْ تَبِعَنِي فَإِنَّهُ مِنِّي وَمَنْ عَصَانِي فَإِنَّكَ غَفُورٌ رَّحِيمٌ - رَبَّنَا إِنِّي أَسْكَنْتُ مِنْ ذُرِّيَّتِي بُوَادٍ غَيْرِ ذِي زَرْعٍ عِندَ بَيْتِكَ الْمُحَرَّمِ - رَبَّنَا لِيُقِيمُوا الصَّلَاةَ

فَاَجْعَلْ اٰفِدَّةَ مِّنَ النَّاسِ تَهْوٰى اِلَيْهِمْ وَاَرْزُقْهُمْ مِّنَ الثَّمَرِ لَعَلَّهُمْ
 يَشْكُرُوْنَ - رَبَّنَا اِنَّكَ تَعْلَمُ مَا نُخْفِىْ وَمَا نَعْلَمُ وَمَا يَخْفٰى عَلٰى اللّٰهِ
 مِنْ شَيْءٍ فِى الْاَرْضِ وَلَا فِى السَّمَاءِ - اَلْحَمْدُ لِلّٰهِ الَّذِىْ وَهَبَ لِىْ عَلٰى
 الْكِبَرِ اِسْمَاعِيْلَ وَاِسْحٰقَ اِنَّ رَبِّىْ لَسَمِيعُ الدُّعَا - رَبِّ اجْعَلْنِىْ مُقِيمَ
 الصَّلٰوةِ وَمِنْ ذُرِّيَّتِىْ رَبَّنَا وَتَقَبَّلْ دُعَا - رَبَّنَا اغْفِرْ لِّىْ وَلِوَالِدِىَّ
 وَلِلْمُؤْمِنِيْنَ يَوْمَ يَقُوْمُ الْحِسَابُ ۝

অর্থ—স্মরণ রাখিও, ইব্রাহীম (আঃ) আল্লাহর নিকট প্রার্থনা জানাইয়া ছিলেন, হে প্রভু! তুমি এই স্থানটিকে শান্তিময় নিরাপত্তার শহর বানাইয়া দাও এবং আমাকে ও আমার বংশধরকে মৃত্তিপূজা হইতে বাঁচাইয়া রাখ। হে প্রভু! এসব মৃত্তি বহু মানুষের পথভ্রষ্টতার কারণ হইয়াছে। (তাই এই প্রার্থনা জানাইলাম; তোমার সাহায্য ব্যতিরেকে উহা হইতে বাঁচিতে সক্ষম হইব না। সকল প্রকার মৃত্তিপূজা হইতে দূরে থাকার চেষ্টায়) যে আমার অনুসারী হইবে সে আমার দলভুক্ত, আমার দোয়া তাহারই জন্ত। পক্ষান্তরে যে আমার বিরোধী হইবে, (সে কাকের হইবে, কাকেরের জন্ত ক্ষমার দোয়া করা যায় না।) তুমি ক্ষমাকারী দয়ালু। (দয়াবলে তাহাদের ক্ষমার উপযুক্ত করিয়া লইয়া ক্ষমা করিতে পার।)

হে আমাদের প্রভু! আমি আমার স্ত্রী ও কচি শিশু-পুত্রকে তোমার মহান মর্যাদাপূর্ণ ঘরের নিকটবর্তী উৎপাদনে অক্ষম প্রস্তুতময় এক নির্জ্জন ময়দানে (তোমার আদেশে) রাখিয়া যাইতেছি। হে প্রভু! তাহাদিগকে নামায কায়েম করার তৌফিক দান করিও এবং এই জনশূন্য ময়দানকে তুমি আবাদ করিয়া দিও এবং ফল-ফুলাদি খাদ্য বস্তুর ব্যবস্থা তাহাদের জন্ত করিয়া দিও; এই সব নেয়ামতের অছিলায় তাহারা শোকর আদায় করার সুযোগ লাভ করিবে।

হে প্রভু! তুমি আমাদের প্রকাশ্য-অপ্রকাশ্য সব অবস্থাই অবগত আছ। আল্লাহ তায়ালার নিকট আসমান-জমিনের কোন বস্তুই লুকায়িত নাই। আল্লাহ তায়ালার জন্ত সমুদয় প্রশংসা যে, তিনি আমাকে বৃদ্ধ বয়সে ইসমাদীল ও ইসহাক পুত্রদ্বয় দান করিয়াছেন। নিশ্চয় আমার প্রভু দোয়া কবুল করেন।

হে প্রভু ! তুমি আমাকে এবং আমার বংশধরকে নামায কায়েমকারী হওয়ার তৌফিক দান করিও । হে প্রভু ! আমাদের দোয়া কবুল কর ।

হে প্রভু ! তুমি আমার এবং আমার মাতা-পিতার এবং সমস্ত মোমেনগণের প্রতি হিসাবের দিন ক্ষমা প্রদর্শন করিও । (১৩ পাঃ ১৮ রূঃ)

কা'বা শরীফ ইহজগতের স্থিতির ধারক

আল্লাহ তায়ালা বলিয়াছেন—

جَعَلَ اللَّهُ الْكَعْبَةَ الْبَيْتَ الْحَرَامَ قِيَامًا لِلنَّاسِ

“সম্মানিত ঘর কা'বা শরীফকে আল্লাহ তায়ালা; মানব জাতির স্থিতির ধারক বানাইয়াছেন।” (৭ পাঃ ৩ রূঃ)

অর্থাৎ যত দিন এই সম্মানিত গৃহ ভূপৃষ্ঠে বিद्यমান থাকিবে ততদিনই মানব জাতি এবং তাহার জন্ত সারা বিশ্বজগৎ বিद्यমান থাকিবে । সম্মানিত কা'বা গৃহের বিলুপ্তির অনতি ব্যবধানেই মহাপ্রলয়ে ইহজগতের অবসান হইবে। এই তথ্যের অধিক বিবরণ “বাইতুল্লাহ শরীফের বিনাশ সাধন” পরিচ্ছেদে দেখুন।

৮২৮। হাদীছ :—আবু ছায়ীদ খুদরী (রাঃ) বর্ণনা করিয়াছেন নবী ছাল্লাল্লাহু আলাইহে অসাল্লাম বলিয়াছেন, কেয়ামতের অতি নিকটবর্তী সময়ে ইয়াজুজ-মাজুজ দলের আবির্ভাব হওয়ার পরেও বাইতুল্লাহ শরীফের হজ্জ ও ওমরা অনুষ্ঠিত হইবে। বাইতুল্লাহ শরীফের হজ্জব্রত সম্পূর্ণরূপে পরিত্যক্ত না হওয়া পর্যন্ত কেয়ামত তথা মহাপ্রলয় আসিবে না।

বাইতুল্লাহ শরীফকে গেলাফ দ্বারা আচ্ছাদিত রাখা

৮২৯। হাদীছ :—আয়েশা (রাঃ) বর্ণনা করিয়াছেন, ইসলাম-পূর্ব যুগে কোরায়েশরাও আশুরার রোযা রাখিত। রসুলুল্লাহ ছাল্লাল্লাহু আলাইহে অসাল্লাম তখনও ঐ রোযা রাখিতেন এবং মদীনায আসিয়াও রমজানের রোযা ফরজ হওয়ার পূর্বে ঐ আশুরার রোযা নিজেও রাখিয়াছেন সকলকে ঐ রোযা রাখার আদেশও করিয়াছেন। কারণ, ঐ দিনটি ঐ হিসাবেও মহাঅ্যাপূর্ণ ছিল যে, প্রাচীনকাল হইতেই ঐ দিনে বাইতুল্লাহ উপর নূতন গেলাফ প্রদান করা হইত।

রমজানের রোযা ফরজ হইবার পর রসুলুল্লাহ (দঃ) ঘোষণা করিয়া দিলেন যে, আশুরার রোযা ইচ্ছা হইলে রাখা যাইবে এবং ইচ্ছা হইলে ছাড়াও যাইতে পারে।

ব্যাখ্যা :—বোখারী শরীফের ব্যাখ্যাকার প্রখ্যাত মোহাদ্দেছ হাফেজ ইবনে হজর আসকালানী (রঃ) যিনি অষ্টম শতাব্দীর বিখ্যাত আলেম ও হাফেজে-হাদীছ তিনি লিখিয়াছেন, আশুরার দিন বাইতুল্লাহ উপর নূতন গেলাফ দেওয়ার রীতি

পরিবর্তিত হইয়া এই রীতি প্রবর্তিত হইয়াছে যে, হজ্জের মোঁছুমে কোরবানীর দিন যখন সমস্ত লোক মিনার ময়দানে হজ্জ উদযাপনে ত্রী থাকে সেই দিন বাইতুল্লাহ উপর নূতন গেলাফ দেওয়া হয়। বর্তমানেও এই নিয়মই প্রচলিত।

ফতুল্ল-বারী নামক কিতাবে উল্লেখিত কতিপয় রেওয়াজেতের দ্বারা স্পষ্ট প্রমাণিত হয় যে, বাইতুল্লাহ শরীফের উপর গেলাফ দান বহু প্রাচীন কাল হইতেই প্রচলিত ছিল। এমনকি, এরূপ প্রমাণও পাওয়া যায় যে, হযরত ইসমাদিল (আঃ) হইতেই ইহা প্রথম আরম্ভ হয়। অধিকন্তু ইহারও প্রমাণ আছে যে, রসুলুল্লাহ ছালাল্লাহু আলাইহে অসাল্লাম এবং খোলাফায়ে রাশেদীনের আমলেও এই রীতি বিद्यমান ছিল এবং সর্বদা মোসলমান বাদশাহগণ ইহার প্রচলন অব্যাহত রাখিয়াছেন। বিভিন্ন সময়ে বিভিন্ন রঙ্গের রেশমী গেলাফ দেওয়ার রীতি প্রবর্তিত হয় এবং সর্ব শেষবারে কাল রঙ্গের রেশমী গেলাফ প্রদান করা হয়, তদবধি ঐ নিয়মই চলিতে থাকে। এমনকি, ৭৪৩ হিঃ সনে সুলতান ছালেহ—ইসমাদিল ইবনে নাছের কর্তৃক মিশরের একটি এলাকা উহার ব্যয়ভার বহনের জন্য ওয়াকফ করিয়া দেওয়া হয়। তাই এই (অনুবাদের সময়) পর্যন্ত প্রতি বৎসর নিয়মিত ভাবে মিশর হইতে ঐ গেলাফ তৈরী হইয়া আসিয়া থাকে এবং নির্দিষ্ট সময়ে কা'বা শরীফের উপর উহা প্রদান করা হয়।

কা'বা শরীফের বিশেষ সম্মানে যেসকল একমাত্র উহারই বৈশিষ্ট্যরূপে প্রচলিত রহিয়াছে উহাকে মূল্যবান গেলাফে আচ্ছাদিত করা ; তজ্জ প্রাচীনকালে কা'বা শরীফের নামে স্বর্ণ-চান্দি ইত্যাদি মূল্যবান ধন-রত্ন নজর-নেয়াজরূপেও প্রদত্ত হইত। সেই সব ধন-রত্ন রক্ষিত থাকিত ; ইসলাম পূর্বকালে কা'বা গৃহের নব নির্মানের সময় লোকেরা ঐ ধন-রত্ন কা'বা গৃহের সুউচ্চ পৌতায় পৌতিয়া রাখিয়াছে। অতবধি উহা ঐ অবস্থায়ই আছে ; কা'বা গৃহের পৌতা মানব-দৈর্ঘ্য অপেক্ষাও অধিক উচ্চ। নিম্নের হাদীছে উক্ত তথ্যের বর্ণনা রহিয়াছে—

৮৩০। হাদীছ :—শায়বা (রাঃ) বর্ণনা করিয়াছেন, একদা খলীফা ওমর (রাঃ) হরম শরীফের মসজিদে বসিয়া বলিলেন, আমার ইচ্ছা হয়—কা'বা শরীফের পৌতার মধ্যে ভূগর্ভে যে সোনা-চান্দি পৌতা রহিয়াছে উহা বাহির করিয়া গরীব মোছলমানদের মধ্যে বিতরণ করিয়া দেই। আমি তাঁহাকে বলিলাম, এরূপ করার অধিকার আপনার নাই। তিনি জিজ্ঞাসা করিলেন, কেন ? আমি বলিলাম, আপনার মুরব্বিয়—রসুলুল্লাহ (দঃ) এবং আবু বকর (রাঃ) ইহা করেন নাই। (অথচ তাঁহারাও ইহার খোঁজ রাখিতেন এবং আপনার অপেক্ষা তাঁহাদের সময়ে মোসলমানদের ধনের প্রয়োজন অধিক ছিল।) ওমর (রাঃ) নতশিরে বলিলেন, সত্যই—তাঁহারা দুইজন অবশ্যই অনুসরণীয় ; আমি তাঁহাদেরই পদাঙ্কে চলিব।

ব্যাখ্যা :—কা'বা শরীফে প্রোথিত ধন-রত্ন স্থানান্তর না করা যুক্তিযুক্ত এবং কল্যানকরই হইয়াছে। যদিও প্রয়োজনে কা'বা শরীফের সংস্কার ইত্যাদির ব্যয়ভার বহনের জন্ত মোসলমানদের মধ্যে সর্বদাই লোক পাওয়া যাওয়া নিতান্তই স্বাভাবিক, যেরূপ অত্বাধি হইয়া আসিয়াছে। কিন্তু কা'বা শরীফকে প্রত্যাশী না রাখিয়া স্বাবলম্বী রাখাই উহার সম্মানের পক্ষে শ্রেয়। এতদ্বিন্ন কা'বার নামে পূর্ব-রক্ষিত নজর-নেয়াজ মোসলমানগণ নিজেদের জন্ত ব্যয় করিলে তাহা বিধর্মীদের চোখে মোসলেম সমাজের উপর নিন্দার কারণ হইত। তাই পূর্ব হইতে যাহা জমা ছিল উহাকে রক্ষিত রাখা হইয়াছে। কিন্তু সর্বদার জন্ত এই প্রথা চালু রাখার প্রয়োজন মোটেই নাই ; অতএব ছাহাবীদের যুগ হইতেই কা'বা শরীফের নামে নজর-নেয়াজ গ্রহণের ব্যবস্থা রহিত হইয়াছে। কা'বা শরীফের জন্ত নির্দিষ্ট যুগযুগান্তের খাদেম-বংশধর ওসমান ইবনে তাল্হা হাজাবী (রাঃ) ছাহাবীর পুত্র—আলোচ্য হাদীছ বর্ণনাকারী বিশিষ্ট তাবেয়ী শায়বা (রাঃ) জনৈক ব্যক্তি কর্তৃক পেশ কৃত ঐরূপ নজর-নেয়াজ গ্রহণ না করিয়া তাহাকে আলোচ্য হাদীছ শুনাইয়াছেন (ফতহুল-বারী ৩—৩৫৭)। উদ্দেশ্য এই ছিল যে, কা'বা শরীফে যে ধন রক্ষিত আছে উহাই যথেষ্ট ; আরও অধিক ধন রক্ষণ নিম্প্রয়োজন। অতএব এইরূপ ধন গরীবদের মধ্যে বিতরণই শ্রেয়। ফেকার কিতাবেও মহম্মদ রহিয়াছেন—দান-খয়রাতে নজর-মানত কা'বা শরীফ ইত্যাদি যে কোন বিশেষ স্থান বা পাত্রের জন্ত নির্দ্ধারিত করা হইলেও উহা অন্তত যোগ্য পাত্রে ব্যয় করা হইলে সেই নজর—মানত আদায় হইয়া যায়।

কা'বা শরীফের বিনাশ সাধন

৮৩১। হাদীছ :—আবু হোরাযরা (রাঃ) বর্ণনা করিয়াছেন, নবী ছাল্লাল্লাহু আলাইহে অসাল্লাম বলিয়াছেন (কেয়ামত ঘনাইয়া আসিলে এবং পৃথিবীর ধ্বংস ও বিলুপ্তি নিকটবর্তী হইলে দম্ভ প্রকৃতির) এক হাবশী—নিগ্রো লোক যাহার পায়ের গোছা অপেক্ষাকৃত সরু হইবে, সে বাইতুল্লাহ শরীফকে বিধ্বস্ত করিবে।

৮৩২। হাদীছ :—ইবনে আব্বাস (রাঃ) হইতে বর্ণিত আছে, নবী ছাল্লাল্লাহু আলাইহে অসাল্লাম বলিয়াছেন, (বাইতুল্লাহ বিধ্বস্তকারী ব্যক্তির আকৃতি-প্রকৃতি ও তাহার ছলিয়া এত স্পষ্টরূপে আল্লাহ তায়ালা আমাকে অবগত করাইয়াছেন যে, এই ব্যক্তি ও তাহার কার্যকলাপ যেন আমার চোখে ভাসিতেছে—) আমি যেন দেখিতেছি, কৃষ্ণবর্ণ বাঁকা গোছাযুক্ত ব্যক্তিটি বাইতুল্লাহ শরীফের এক একটি ইট বিচ্ছিন্ন করিয়া উহাকে বিধ্বস্ত করিতেছে।

ব্যখ্যা :- জাগতিক নিয়মাধীনেও সাধারণতঃ এরূপ দেখা যায় যে, কোনও রাজা-বাদশাহ যখন কোন জাঁকজমকপূর্ণ অনুষ্ঠানের আয়োজন করেন এবং ঐ আয়োজন অনুষ্ঠানের পরিবেশে কোনও মঞ্চ ইত্যাদি বিশিষ্ট স্থান নির্মাণ করেন ; সে অবস্থায় যাবৎ বাদশাহ ঐ অনুষ্ঠানকে অব্যাহতভাবে চালাইয়া যাওয়ার এবং অক্ষুণ্ণ রাখার ইচ্ছা করেন তাবৎ কোন ব্যক্তিই বিশিষ্টরূপে নিষিদ্ধ ঐ স্থান বা মঞ্চটির কোন প্রকার ক্ষতি সাধনে অগ্রসর হওয়াত দূরের কথা উহাকে কেহ স্পর্শ করিতেও সক্ষম হয় না। কোন অশুভ শক্তি উহার বিন্দুমাত্র অনিষ্ট সাধনে উদ্যত হইলে বাদশাহ তাহার অপ্রতিহত ক্ষমতাবলে উহার ঘাড় ভাঙ্গিয়া দিয়া তাহাকে সমুচিত শিক্ষা ও শাস্তির বিধান করিয়া থাকেন। অধিকন্তু ঐ শাহী মর্যাদাপূর্ণ মঞ্চটিকে অহরহ সযত্নে রক্ষা করিবার যথোপযুক্ত সংরক্ষণ-ব্যবস্থা অবলম্বন করতঃ উহার মান-মর্যাদাহানিকর কোন কার্য বা সামান্যতম প্রচেষ্টাকেও তিনি বরদাশ্চ করেন না।

কিন্তু অবলীলাক্রমে যখন ঐ অনুষ্ঠানের অবসান করতঃ উহার সমাপ্তির সময় আসে, তখন বাদশাহর জ্ঞাতসারেই ঐ আয়োজিত অনুষ্ঠানের অত্যাশ্চর্য আনুসঙ্গিক পরিবেশ বিচ্ছিন্ন করার পূর্বে ঐ সুরক্ষিত মঞ্চটিকেই সর্ব প্রথমে বিচ্ছিন্ন ও বিধ্বস্ত করতঃ অনুষ্ঠান সমাপ্তির সূচনা করা হয় এবং অতি সাধারণ লোক কামলা-মজুরের হস্তেই উহাকে বিচ্ছিন্ন ও বিধ্বস্ত করা হইয়া থাকে।

অনুরূপভাবে এই বিশ্ব-ব্রহ্মাণ্ডও সর্ববশক্তির আধার—সমগ্র বাদশাহগণের বাদশাহ আল্লাহ তায়ালায় অনুষ্ঠানবিশেষ। এবং বাইতুল্লাহ শরীফ হইতেছে এই অনুষ্ঠানের মধ্যমণি স্বরূপ মহান মর্যাদাপূর্ণ মঞ্চ সদৃশ। তাই যাবৎ এই সুবিশাল অনুষ্ঠান তথা পৃথিবীকে অক্ষুণ্ণ ও বিদ্যমান রাখার ইচ্ছা আছে, তাবৎ আল্লাহ তায়ালা ঐ মঞ্চ সদৃশ বাইতুল্লাহ শরীফের নিয়মিত রক্ষণাবেক্ষণ করিয়া আসিতেছেন। আজ অবধি যে কোনও অশুভ শক্তি ঐ মহান মঞ্চের মর্যাদা হানিকর কোন কার্যে অগ্রসর হইয়াছে, উহাকেই আল্লাহ তায়ালা ধ্বংস করিয়া দিয়াছেন। ইতিহাস প্রসিদ্ধ আবরারাহার তায় পরাক্রমশালী এবং অজয়ের শক্তিকে মুছত্তের মধ্যে সমূলে ধ্বংস করিয়া দেওয়ার ঘটনা কোরআন শরীফের মধ্যেই বর্ণিত রহিয়াছে ; নিম্নের হাদীছও উহার আর একটি দৃষ্টান্ত বহন করে।

পক্ষান্তরে যখন এই সমগ্র অনুষ্ঠান তথা পৃথিবীর অস্তিত্বকে বিলুপ্ত ও ধ্বংস করিয়া দেওয়াই আল্লাহ তায়ালায় ইচ্ছা হইবে, তখন ঐ সুরক্ষিত মঞ্চ সদৃশ বাইতুল্লাহ শরীফকেই সর্বপ্রথমে বিধ্বস্ত করা হইবে এবং অতি সাধারণ হস্তেই উহার বিলুপ্তি ও ধ্বংস কার্য সাধিত হইবে।

৮৩৩। হাদীছ :—আয়েশা (রাঃ) বর্ণনা করিয়াছেন, নবী ছালাল্লাহু আলাইহে অসাল্লাম ভবিষ্যদ্বাণী করিয়াছেন যে, অস্ত্রেশজ্জ মুসজ্জিত বিরাট একদল লোক বাইতুল্লাহ শরীফের উপর আঘাত হানিবার জন্য অগ্রসর হইবে। কিন্তু সেই পর্য্যন্ত পৌঁছিবার পূর্বেই কোন একটি ময়দানে ময়দানস্থিত তাহাদের সকলকে ধসাইয়া দেওয়া হইবে। আয়েশা (রাঃ) বলেন, আমি আরজ করিলাম, ইয়া রসুলুল্লাহ! সকলকেই কেন ধসানো হইবে? অথচ সেখানে এমন এমন লোকও ত থাকি পারে যাহারা সেখানে শুধু ক্রয়-বিক্রয়ের উদ্দেশ্যে আনিয়াছে বা জ্বরদস্তিরূপে তাহাদিগকে উক্ত দলে शामिल করা হইয়াছে। রসুলুলাহ (দঃ) বলিলেন, ঐ সময় সকলকেই ধসানো হইবে। পরে কেয়ামতে হিসাব নিকাশের দিন নিয়্যাতের তারতম্য রক্ষা করা হইবে। (২৮৪ পৃঃ)

হজরে-আসওয়াদ চুষন করা

৮৩৪। হাদীছ :— আবেছ ইবনে রবীয়া (রাঃ) বর্ণনা করিয়াছেন, ওমর (রাঃ) একবার হজরে-আসওয়াদের প্রতি অগ্রসর হইয়া উহাকে চুষন করিলেন। অতঃপর বলিলেন, (তোমরা ভালরূপে শুনিয়া ও উপলব্ধি করিয়া রাখিও, আমি শপথ করিয়া বলিতেছি—হে হজরে-আসওয়াদ!) আমি জানি ও দৃঢ়তার সহিত এই বিশ্বাস পোষণ করি যে, তুমি একটি পাথর মাত্র; কাহারও কোন ভাল বা মন্দ করিবার কোনরূপ ক্ষমতা তোমার আদৌ নাই। কিন্তু আমি দেখিয়াছি, রসুলুল্লাহ ছালাল্লাহু আলাইহে অসাল্লাম তোমাকে চুষন করিয়াছেন। (সে সূত্রে তোমাকে চুষন করা শরীয়তের একটি নিয়ম; তাই আমি তোমাকে চুষন করিলাম;) নতুবা আমি তোমাকে কখনই চুষন করিতাম না। (অর্থাৎ তোমাকে খোদার অংশীদার বা আমার ভাল-মন্দের মালিক-মোখতাররূপে চুষন করি না, শুধু আল্লার রসুলের অনুসরণে চুষন করি।)

সুধী পাঠক! ওমর রাজিয়াল্লাহু তায়ালা আনহুর এই উক্তিটি অতিশয় সারগর্ভ এবং অত্যাশ্চর্য্য একটি বিষয়ের প্রতি ইঙ্গিতপূর্ণ। ঈমান ও কুফর, তৌহীদ ও শেরক, একত্ববাদ ও পৌত্তলিকতার বিরাট পার্থক্য ও ব্যবধানের রহস্য ও তত্ত্ব উদ্ঘাটন করিলেই তিনি এই উক্তি করিয়াছিলেন।

ইসলাম অনুমোদিত ও শরীয়ত নির্দ্ধারিত কোন কোন এবাদতের রীতি নীতি বিশেষতঃ হজ্জের অধিকাংশ কার্য্যাবলী ও আমলের বাহ্যিক ধারা ও গতি-প্রকৃতি দৃষ্টে শয়তান অতি সহজে ধোকা দেওয়ার বা মানুষের অন্তরে নানারূপ কু-প্ররোচনামূলক অছওয়াছা উদ্দিত করার প্রয়াস পাইয়া থাকে। যেহেতু অশান্ত বিধর্ম্মী কাকের মোশরেকরা যেরূপ নানাপ্রকার জড় বস্তুকে

ভজনা উপাসনা করিয়া থাকে মোসলমানদের হজ্জতের রীতি এবং ধারাসমূহও আপাতঃ দৃষ্টিতে প্রায় অনেকটা একরূপ দেখায়। যথা—বাইতুল্লাহ শরীফের চতুঃসীমা ঘুরিয়া তওয়াফ করা। হজ্জ-রে-আসওয়াদ তথা বিশেষ পাথর খণ্ড ভক্তিভরে চুম্বন করা। বিভিন্ন ময়দানে অবস্থান করা ইত্যাদি ইত্যাদি।

এরূপ কু-অহওয়াছার মূলোৎপাটনের উদ্দেশ্যেই ওমর রাজিয়াল্লাহু তায়ালা আনহুর এই উক্তি। কিন্তু উহার বিশ্লেষণের পূর্বে ভূমিকা স্বরূপ একটি যুক্তিগত বিষয় উপলব্ধি করা আবশ্যক। বিষয়টি এই—

অনেক ক্ষেত্রে দুইটি বস্তুর মধ্যে রাত্র-দিন অপেক্ষাও অধিক পার্থক্য এবং ব্যবধান থাকে; হয়ত বস্তুর মধ্যে বাহ্যিক সাদৃশ্যতা দেখা যায়। এরূপ ক্ষেত্রে উক্ত বস্তুর মৌলিক পার্থক্যকে উপেক্ষা করিয়া কিম্বা উহাকে নগণ্য মনে করিয়া সেই বস্তুরকে সমপর্যায়ের গণ্য করা নিতান্তই বোকামী। যেমন—একটি ঘুমন্ত মানব দেহ এবং আর একটি মৃত মানব দেহ পাশাপাশি পতিত আছে। বাহ্যিক সাদৃশ্যতা দৃষ্টে উভয়কে সম-পর্যায়ের গণ্য করা কিম্বা সামান্য একটু বায়ু তথা শ্বাস প্রশ্বাস নির্গত হওয়া না হওয়ার পার্থক্যকে নগণ্য ভাবিয়া উভয়ের ব্যবধানকে উপেক্ষা করা নিতান্তই বোকামী। এস্থলে সামান্য বায়ুটুকুর পার্থক্য এতই ক্রিয়াশীল যে, উহার দরুন উক্ত দেহ দুইটির মধ্যে আইন, বিধান এবং বাস্তবেও রাত্র-দিন অপেক্ষা অধিক ব্যবধান সর্বজনীন স্বীকৃত। তদ্রূপ বিবাহিতা নারী ও পর-নারী উভয়ের মধ্যে নীতিগত প্রভেদ রহিয়াছে; সেই প্রভেদকে নগণ্য মনে করিয়া উহাকে উপেক্ষা করা কতই না বোকামী! উভয়ের মধ্যে বাহ্যিক সাদৃশ্যতায় পরিবর্তন না আসিলেও নীতিগত প্রভেদ ও পার্থক্যের দরুন উভয়ের মধ্যে কিরূপ আকাশ-পাতালের ব্যবধানই না রহিয়াছে। এই দৃষ্টিতেই মূল আলোচ্য বিষয়টা লক্ষ্য করা আবশ্যক—

কাফের-মোশরেকরা যে, দেব-দেবী বা বিভিন্ন বস্তুর পূজা করিয়া থাকে; আর মোমেন-মোসলমানগণ কোন বস্তুকে ভক্তি ও সম্মানের সহিত কেন্দ্র করিয়া আল্লাহ তায়ালায় এবাদত-বন্দেগী করিয়া থাকে—এই সম্প্রদায়দ্বয়ের কার্যক্রমের মৌলিক ব্যবধান ও পার্থক্যটা বস্তুতঃ রাত্র-দিন আলো-অন্ধকার এবং মৃত-ঘুমন্তের ব্যবধান অপেক্ষাও অধিক। কারণ, উভয় কার্যক্রমের মধ্যে নীতিগত, উদ্দেশ্যগত ও গভীর ক্রিয়াশীল নিগূঢ় তত্ত্বজনক পার্থক্য এবং সুপ্রশস্ত ব্যবধান বিद्यমান রহিয়াছে; যদ্বরূপ একটি অপরটির সম্পূর্ণ বিপরিত, একটি অপরটি হইতে সম্পূর্ণ ভিন্ন। সেই মৌলিক ব্যবধান ও পার্থক্য প্রকাশার্থেই ওমর (রাঃ) উল্লিখিত উক্তি করিয়াছিলেন। সেই ব্যবধান ও পার্থক্যের বিবরণ এই—

কোনও জড় বস্তুকে কেন্দ্র করিয়া এবাদত করার তিনটি পর্য্যায় আছে। যথা—

প্রথম—আল্লাহ তায়ালাকে যেরূপ ভাবে সরাসরি উদ্দেশ্য করিয়া তাঁহার এবাদৎ ও উপাসনা করা হয় এই বস্তুটিকেও তদ্রূপ সরাসরি উদ্দেশ্য করিয়া উহার এবাদৎ ও উপাসনা করা।

দ্বিতীয়—আল্লাহ ব্যতীত অন্য কোন বস্তুর এবাদত উপাসনা এই ভাবিয়া করা যে, আল্লাহ তায়ালা অতি মহান। তাঁহার নৈকট্য লাভের জন্ত এই বস্তু-বিশেষকে আল্লাহ তায়ালা হইতে নিম্ন শ্রেণীর মাবুদরূপে কল্পনা করিয়া উহার এবাদত ও উপাসনা করা। অর্থাৎ—এবাদৎ ও উপাসনা করা হইবে আল্লাহ ভিন্ন এই নিম্ন শ্রেণীর মাবুদেরই জন্ত, অবশ্য সেই বস্তুবিশেষ—নিম্ন শ্রেণীর মাবুদের পূজা ও উপাসনার উদ্দেশ্য হইবে আল্লাহ তায়ালায় নৈকট্য লাভ করা।

এই উভয় পর্য্যায়ের উপাসনাই কুফরী ও শেরেক। কাফের ও মোশরেকরা যে নানাপ্রকার ব্যক্তি, বস্তু বা মূর্তিকে কেন্দ্র করিয়া উপাসনা করিয়া থাকে তাহা এই দুই পর্য্যায়েরই অন্তর্ভুক্ত।

তৃতীয়—কোনও জড় বস্তুকে কেন্দ্র করা হইয়া থাকিলেও মূল এবাদৎ ও বন্দেগী একমাত্র আল্লাহ তায়ালায় উদ্দেশ্যেই পরিচালিত হইয়া থাকে। বন্দেগীর মধ্যে কোন পর্য্যয়েই এই বস্তুর প্রতি এবাদতের সামান্যতম উদ্দেশ্যও নিহিত রাখা হয় না, বরং সামগ্রিক বন্দেগী ও এবাদৎ খাঁটিরূপে একমাত্র আল্লাহ তায়ালায় জন্তাই করা হয়। আর এবাদতের আনুসঙ্গিকরূপে যে বস্তুকে কেন্দ্র করা হয় তাহাও একমাত্র আল্লাহ বা আল্লাহর প্রতিনিধি রসুলের আদেশক্রমেই করা হয়। এমনকি, এই বস্তুকে কেন্দ্র করার যুক্তি এবং সুফল বুঝে আসিলে বা না আসিলে—উভয় অবস্থাতেই আল্লাহ এবং আল্লাহর রসুলের আদেশ অনুসারেই উক্ত বস্তুকে কেন্দ্র করিয়া আল্লাহ এবাদৎ ও বন্দেগী করা হয়। তাই এই বস্তু-বিশেষকে কেন্দ্র করার মধ্যেও আল্লাহ তায়ালায়ই বন্দেগী ও দাসত্ব পরিষ্কৃতিত হয়। এই তথ্যটি আল্লাহ তায়ালা নিম্নে বর্ণিত আয়াতে বলিয়াছেন—

وَمَا جَعَلْنَا الْقِبْلَةَ الَّتِي كُنْتَ عَلَيْهَا إِلَّا لِنَعْلَمَ مَنْ يَتَّبِعُ

الرَّسُولَ مِمَّنْ يَنْقَلِبُ عَلَى عَقْبَيْهِ ۝

অর্থ—কেবলকে নির্দ্ধারিত করায় উদ্দেশ্য ইহাই যে, আমি দেখিতে চাই—কোন ব্যক্তি আমার প্রতিনিধি রসুলের আদেশ তথা আমার আদেশের অনুসারী হয় আর কোন ব্যক্তি উহার প্রতি অবাধ্যতা প্রকাশ করে (২ পাঃ ১ রঃ)

এই তৃতীয় পর্যায়টিই হইল মোমেন ও মোসলমানগণের কার্যধারা এবং ইহারই প্রতি ওমর (রাঃ) ইঙ্গিত করিয়াছিলেন।

অবশ্য হজরে-আছওয়াদ, বাতুল্লাহ শরীফ, ইত্যাদি বস্তু ও স্থান সমূহকে তাজীম করা তথা উহাদের প্রতি সম্মান প্রদর্শন করাকেও মোসলমানগণ অত্যাবশ্যক মনে করেন। কারণ, আল্লাহ কতৃক নির্ধারিত কেন্দ্রসমূহ সম্মানের উপযুক্ত হওয়া অতি স্পষ্ট বিষয়, ইহার অর্থ কখনই এই নহে যে, মুসলমানগণ ভ্রমক্রমেও উহাদিগকে উপাস্ত্ররূপে কল্পনা করতঃ উহাদের প্রতি তাজীম-প্রদর্শন করিয়া থাকে। বলাবাহুল্য তাজীম তথা সম্মান প্রদর্শন করা ভিন্ন জিনিস এবং এবাদৎ তথা উপাসনা ভিন্ন জিনিস।

মোমেন-মোসলমান এবং কাফের-মোশরেক এই সম্প্রদায়দ্বয়ের বিরাট ব্যবধানকে পবিত্র কোরআন আরও কত বিরাট আকারে প্রকাশ করিয়াছে যে—

مَا يَسْتَوِي الْأَعْمَىٰ وَالْبَصِيرُ وَلَا الظُّلُمَاتُ وَلَا النُّورُ وَلَا الظِّلُّ وَلَا الْحَرُورُ

وَمَا يَسْتَوِي الْأَحْيَاءُ وَالْأَمْوَاتُ ۚ

“অন্ধ এবং দর্শক সমান নহে, অন্ধকার এবং আলো সমান নহে, ঠাণ্ডা এবং গরম সমান নহে। আর জীবন্ত এবং মৃতও সমান নহে।” বিভিন্ন শ্রেণীর বিপরিতমুখী দুই দুইটি বস্তুর দৃষ্টান্ত দানে মোমেন ও মোশরেক সম্প্রদায়দ্বয়ের ব্যবধান এবং পার্থক্য ও প্রভেদকে বুঝান হইয়াছে।

সুধী সমাজ। স্মরণ রাখিবেন—সামগ্রিক ভাবে এবাদৎ ও উপাসনার পাত্র একমাত্র আল্লাহ তায়ালাকে সাব্যস্ত করা—ইহাই সমস্ত আমল এবং আমলকারীর আত্মা স্বরূপ। কারণ, মানবের সৃষ্টি ইহারই জন্ত; আল্লাহ তায়ালা বলিয়াছেন, وَمَا خَلَقْتُ الْجِنَّ وَالْإِنْسَ إِلَّا لِيَعْبُدُونِ “জিন এবং মানবকে আমি সৃষ্টিই করিয়াছি এই জন্ত যে, তাহারা আমার এবাদৎ করিবে; অর্থাৎ অন্ম কাহারও নহে।” সুতরাং যে সব কার্যধারায় এবং কার্য সম্পাদনকারীগণের মধ্যে এই আত্মা নাই উহারা মৃত; আর যে সব কার্যধারায় এবং কার্য সম্পাদনকারীগণের মধ্যে এই আত্মা বিद्यমান আছে উহারা জীবন্ত ও শাশত। অতএব, মোমেন-মোসলমান এবং তাহাদের কার্যধারা আর কাফের-মোশরেক এবং তাহাদের কার্যধারার মধ্যে ততটুকুই পার্থক্য ও ব্যবধান রহিয়াছে, যতটুকু পার্থক্য ও ব্যবধান মৃত ও জীবন্তের মধ্যে বিद्यমান আছে।

অতঃপর কোন কাকের-মোশরেক যদি উল্লিখিত বস্তব্য গুনিয়া এই দাবী করিয়া বসে যে, আমরা যে সমস্ত বট-বৃক্ষ, গঙ্গা-যমুনা, পাথর-ছড়ি, কীট-পতঙ্গ, গরু-যহিয, মুগী-খাষী, দেব-দেবী বা মূর্তি ইত্যাদিকে পূজা করিয়া থাকি তাহাও তৃতীয় পর্যায়রূপেই করিয়া থাকি অশু পর্য্যায়ে নহে।

এরূপ দাবীর অসারতা ধর্মীয় বিধানাবলীর বিবরণ বিচার করিলেই স্পষ্ট হইয়া উঠিবে এবং কোন ধর্মের প্রতি আনুগত্যের স্বীকৃতি দানের পর ঐ ধর্মের অনুশাসন ব্যতীত অশু কাহারও কোন নিজস্ব নীতি ও ধারার প্রতি কর্ণপাত করা যাইতে পারে না, বরং ঐ ধর্মের অনুশীলন-বিধি অনুসারেই সব কিছু স্থির করা হইবে, নতুবা তাহাকে ঐ ধর্ম পরিত্যাগের ঘোষণা দিতে হইবে।

এতদ্ভিন্ন এরূপ দাবীর অসারতা প্রমাণের প্রধান সূত্র এই যে—যদি উপাসনার উদ্দেশ্য ও লক্ষ্যস্থল একমাত্র আল্লাহ তায়ালাই হন, তবে কোন বস্তুকে আনুসঙ্গিকরূপে সেই উপাসনার কেন্দ্র করা একমাত্র তাঁহার আদেশানুক্রমেই হইতে হইবে; যাহা একমাত্র তাঁহারই প্রেরিত সত্য বাণী বা খাটী প্রতিনিধির মারফতেই বান্দাদের নিকট পৌঁছিতে পারে। তৃতীয় পর্যায়ের উপাসনা প্রতিষ্ঠিত হওয়ার সঠিক পরিচয় ও নিদর্শন ইহাই। ইহা ব্যতীত কেবলমাত্র মৌখিক দাবী করিলেই উহা প্রতিষ্ঠিত হয় না। কারণ, উহা একটি নিয়মতান্ত্রিক বাস্তব কর্মপন্থা ও কার্যধারা। যেরূপ ডাক বিভাগের উদ্দেশ্যে চিঠিপত্র বাঞ্চে ফেলিবার একমাত্র নিয়মতান্ত্রিক পন্থা এই যে, উহা ডাক বিভাগ কর্তৃক নির্ধারিত ও নির্দিষ্ট বাস্তু সমূহেই ফেলিতে হইবে, তবেই উহা ডাক বিভাগ কর্তৃক গৃহীত হইবে। অতথায় নিজস্ব বা সমাজগত মনগড়া বাঞ্চে পত্র ফেলিয়া যদি কেহ দাবী করে যে, ডাক বিভাগের উদ্দেশ্যে ফেলিয়াছি তবে উহা পাগলামীই গণ্য হইবে।

অতঃপর ঐ পরিচয় ও নিদর্শন তথা আল্লাহ তায়ালা কর্তৃক নির্ধারিত ও নির্দিষ্টকৃত হওয়া প্রমাণ করার জন্য যে প্রামাণ্য বস্তুর আশ্রয় লওয়া যাইতে পারে উহা হইল ধর্ম তথা ধর্মীয় গ্রন্থ। কিন্তু ধর্ম বা ধর্মীয় গ্রন্থের আশ্রয় লইবার পূর্ব্বে উহার সত্যতা প্রমাণের চ্যালেঞ্জও গ্রহণ করিতে হইবে। এই ময়দানের একমাত্র বিজয়ী হইল ইসলাম। ইসলাম উহার প্রথম দিন হইতে কেয়ামত পর্যন্ত সময়ের জন্য এরূপ চ্যালেঞ্জ প্রদান করিয়া রাখিয়াছে। যাহার উল্লেখ কোরআন মজীদের কতিপয় স্থানে স্পষ্টাক্ষরে বিদ্যমান রহিয়াছে।

কা'বা শরীফের ভিতরে নামায পড়া

৮৩৫। হাদীছ :-নাফে (রঃ) বর্ণনা করিয়াছেন, আবদুল্লাহ ইবনে ওমর (রাঃ) কা'বা শরীফের ভিতরে প্রবেশ করিলে দরওয়াজা অতিক্রম করিয়া

সোজা সম্মুখ দিকে এতদূর অগ্রসর হইতেন যে, সম্মুখস্থ দেয়াল হইতে প্রায় তিন হাত ব্যবধানে থাকিতেন এবং তথায় দাঁড়াইয়া নামায পড়িতেন। আবহুল্লাহ ইবনে ওমর (রাঃ) এইরূপে সেই স্থানকে অবলম্বনের চেষ্টা করিতেন যে স্থানে রসুলুল্লাহ ছালাল্লাহু আলাইহে অসাল্লাম নামায পড়িয়া ছিলেন বলিয়া বেলাল (রাঃ) তাঁহাকে খোঁজ দিয়া ছিলেন। গবশ কা'বা শরীফের ভিতরে যে কোন স্থানে নামায পড়া কাহারও জ্ঞাত দুষণীয় নহে।

বাইতুল্লাহ শরীফের ভিতরে প্রবেশ না করা

● ছাহাবী আবহুল্লাহ ইবনে ওমর (রাঃ) অনেক হজ্জ করিয়াছেন, বহুবার তিনি কা'বা শরীফে প্রবেশ করেন নাই।

৮৩৬। হাদীছ :—আবহুল্লাহ ইবনে আবী আওফা (রাঃ) বর্ণনা করিয়াছেন, এক সময় রসুলুল্লাহ ছালাল্লাহু আলাইহে অসাল্লাম ওমরার নিয়ত করিয়া মক্কার উপস্থিত হইলেন। অতঃপর প্রথমে তওয়াফ করিলেন এবং পরে মকামে ইব্রাহীমের নিকটবর্তী ছই রাকাত নামায পড়িলেন। (সেই সময় তথায় শত্রুদের আশঙ্কা বিद्यমান থাকায়) সতর্কতামূলক ভাবে তাঁহার সঙ্গে কিছু লোক নিয়োজিত ছিল। ঘটনা বর্ণনাকারী ছাহাবীকে এক ব্যক্তি প্রশ্ন করিল, ঐ সময় রসুলুল্লাহ ছালাল্লাহু আলাইহে অসাল্লাম কা'বা ঘরে প্রবেশ করিয়াছিলেন কি? তিনি বলিলেন ঐ ওমরাকালীন তিনি কা'বা ঘরে প্রবেশ করেন নাই।

মহুআলাহ :—বাইতুল্লাহ শরীফের অভ্যন্তরে প্রবেশ করা জায়েয বটে, উহার প্রমাণ উপরোক্ত ৮৩৫নং হাদীছে স্পষ্ট বিद्यমান রহিয়াছে। কিন্তু উহা কোন স্তরেই অত্যাৱশ্যক আমল নহে। তাহাই উপরোল্লিখিত হাদীছ দ্বারা প্রমাণ করা হইয়াছে। অতএব, বে-আদবীসূচক হুড়াহুড়ি, দস্তাদস্তি করিয়া কা'বা শরীফের ভিতরে প্রবেশের চেষ্টা করা আদৌ বাঞ্ছনীয় নহে।

বাইতুল্লাহ শরীফের ভিতরে প্রবেশ করিলে উহার কোণ

সম্মুখে তকবীর উচ্চারণ করা

৮৩৭। হাদীছ :—ইবনে আব্বাহ (রাঃ) বর্ণনা করিয়াছেন, (মক্কা বিজয়-কালীন রসুলুল্লাহ ছালাল্লাহু আলাইহে অসাল্লাম মক্কা নগরীতে প্রবেশ করিয়া কা'বা গৃহের ভিতরে কাকেরদের উপাশ্রয় মূর্তিসমূহ বিद्यমান থাকাবস্থায় উহাতে প্রবেশ করিতে অনিচ্ছা প্রকাশ করিলেন এবং ঐ সকল মূর্তিসমূহ বাহির করিয়া ফেলিবার আদেশ করিলেন। তন্মধ্যে ইব্রাহীম (আঃ) ও ইসমাইল (আঃ)-এর দুইটি মূর্তিও বাহির করা হইল। উহাদের হাতে (জুয়া জাতীয় ভাগ-বন্টনের

এবং যাত্রার শুভাশুভ নির্ধারণ বা ভাগ্য পরীক্ষা করার প্রতীক স্বরূপ) কতকগুলি তীর ছিল।× রসুলুল্লাহ (দঃ) কাফেরদের কুকাণ্ডের এই দৃশ্য দেখিয়া বলিলেন, নিশ্চয়ই তাহারা ভালরূপেই জানে যে, ইব্রাহীম ও ইসমাজিল (আঃ) তাহারা (এই মক্কাবাসী কাফেরদের ন্যায়) কখনও জুয়া জাতীয় কোন প্রকার ভাগ বন্টন করিতেন না। (তাহারা মিথ্যা এই দৃশ্য দেখাইয়াছে।) অতঃপর হযরত (দঃ) বাইতুল্লাহ শরীফের ভিতরে প্রবেশ করিলেন এবং উহার প্রত্যেক কোণে তকবীর উচ্চারণ করিলেন।

তওয়াফের মধ্যে রমল করা

৮৩৮। হাদীছ :—ইবনে আব্বাস (রাঃ) বর্ণনা করিয়াছেন, (মক্কা বিজয়ের পূর্বে সপ্তম হিঃ সনে) রসুলুল্লাহ ছালাল্লাহু আলাইহে অসাল্লাম ছাহাবীগণকে লইয়া ওমরাতুল-কাজা করিতে আসিলেন। পূর্বাহ্নে মক্কাবাসী মোশরেকরা অপবাদ রটাইল যে, (আমাদের দেশত্যাগী) একদল লোক আসিতেছে যাহারা মদীনায থাকিয়া তথাকার ঋরে-তাপে দুর্বল ও শক্তিহীন হইয়া গিয়াছে। (শত্রুপক্ষের দৃষ্টিতে দুর্বল পরিগণিত হওয়া বিপদের কারণ,) তাই নবী ছালাল্লাহু আলাইহে অসাল্লাম স্বীয় সঙ্গীগণকে আদেশ করিলেন, তোমরা তওয়াফের প্রথম তিন চক্রে রমল করিবে অর্থাৎ বীরদর্পে বাহাহুরীপূর্ণ গতি (Motion) প্রদর্শন করিয়া চলিবে এবং পশ্চিম-দক্ষিণ ও পূর্ব-দক্ষিণ কোণদ্বয়ের মধ্যবর্তি স্থানে স্বাভাবিকরূপে চলিবে।* ইবনে আব্বাস (রাঃ) বলেন, পূর্ণ সাত চক্রেই এরূপে চলা কঠিন হইবে; তাই রসুলুল্লাহ ছালাল্লাহু আলাইহে অসাল্লাম দয়া পরবশে শুধু তিন চক্রের মধ্যে এরূপে চলিবার আদেশ করিয়াছেন।

৮৩৯। হাদীছ :—আবদুল্লাহ ইবনে ওমর (রাঃ) বর্ণনা করিয়াছেন, আমি দেখিয়াছি রসুলুল্লাহ ছালাল্লাহু আলাইহে অসাল্লাম হজ্জ বা ওমরা উভয়ের জহই

× কাফেরদের মধ্যে এক প্রকার জুয়ার প্রচলন ছিল, যেমন—দশজন লোকে একত্রে সমান সমান বিশ টাকা হারে জমা করিয়া ছই শত টাকা দ্বারা একটি উট ক্রয় করিল। কিন্তু উহার গোশত বন্টনের বেলায় সমভাবে বন্টন করার পরিবর্তে ঐ মুন্ডির হাতের তীর সমূহের নির্দেশ অনুসারে বন্টন করা হইত। ঐ তীরগুলির মধ্যে বিভিন্ন নিদর্শন থাকিত এবং সেই নিদর্শন অনুযায়ী কেহ বেশী পাইত, কেহ কম পাইত, কেহ ফাঁকা ও শূন্য হস্তে যাইত।

• পশ্চিম-দক্ষিণ ও পূর্ব-দক্ষিণ কোণদ্বয় সম্পর্কে এই স্থানে যাহা বলা হইল তাহা একমাত্র ঐ ওমরাতুল-কাজার ঘটনার মধ্যেই সীমাবদ্ধ। বিদায়-হজ্জকালীন স্বয়ং হযরত রসুলুল্লাহ ছালাল্লাহু আলাইহে অসাল্লাম তিন চক্রের পূর্ণ চক্রেই রমল করিয়াছেন এবং পূর্বাপর ইহাই ছিন্নতরূপে প্রচলিত রহিয়াছে।

মক্কা শরীফে আসিয়া প্রথমে তওয়ারফের মধ্যে হজুরে-আহওয়াদকে চুম্বন করিয়াছেন এবং তিন চক্রে সজোরে বীরের ছায় চলিয়াছেন।

৮৪০। হাদীছ :—ওমর রাজিয়াল্লাহু তায়ালা আনহু (৮৩৪ নং হাদীছে বর্ণিত উক্তির পর ইহাও) বলিয়াছেন যে, বর্তমানে আমাদের জন্ত রমল করার আবশ্যকতা কি? আমরা কেবলমাত্র মক্কার কোরায়েশদিগকে স্বীয় বীরত্ব প্রদর্শন করার উদ্দেশ্যেই ঐরূপ করিয়া থাকিতাম, এখন তাহাদের কোনই অস্তিত্ব নাই; আল্লাহ তায়ালা তাহাদিগকে ধ্বংস করিয়া দিয়াছেন। অতঃপর ওমর (রাঃ) নিজেই পুনরায় বলিলেন, (হাঁ, প্রয়োজন আছে বৈ কি! কারণ ঐ বিশেষ উদ্দেশ্যের অস্তিত্ব না থাকিলেও অথ একটি বিশেষ কারণ বিদ্যমান রহিয়াছে; তাহা এই যে, বিদায়-হজ্জকালীন ঠিক এইরূপ অবস্থায়—যখন মক্কা নগরীতে মোশরেকদের অস্তিত্ব ছিল না তখনও) নবী ছাল্লাল্লাহু আলাইহে অসাল্লাম রমল করিয়াছিলেন। এই কারণেই উহা পরিত্যাগ করাকে আমরা পছন্দ করিতে পারি না।

ব্যাখ্যা :—তওয়ারফের মধ্যে রমল তথা বীরত্ব প্রদর্শন করিয়া চলার একটি প্রধান উদ্দেশ্য মোশরেকদের সম্মুখে নিজেদের বীরত্ব প্রকাশ করা ছিল বটে, কিন্তু একটি কার্যের মধ্যে বিভিন্ন উদ্দেশ্য ও কার্য্যকারণের সমন্বয় থাকা বিচিত্র নহে। কাজেই যদিও তখন রমল করার উপরোল্লিখিত উদ্দেশ্য ও কারণ বিলুপ্ত হইয়া গিয়াছিল, তবুও হযরত রসুলুল্লাহ ছাল্লাল্লাহু আলাইহে অসাল্লাম যেহেতু পূর্বাপর এমনকি, ইসলাম ও মুসলমানদের শৌর্য্য-বীর্য ও শান-শওকতপূর্ণ অবস্থায়—বিদায় হজ্জকালীন অথ যে কোনও কারণ বশতঃ রমল করিয়াছিলেন; তাই উহা শরীয়তের একটি বিশেষ বিধানরূপে নির্ধারিত হয়। উহার প্রতিই ওমর (রাঃ) ইঙ্গিত করিয়াছেন এবং রমল করাকে ছুন্নতরূপে সাব্যস্ত করিয়াছেন।

৮৪১। হাদীছ :—নাফে (রাঃ) হইতে বর্ণিত আছে, আবদুল্লাহ ইবনে ওমর (রাঃ) বলিয়াছেন, কা'বা শরীফের এই (তথা দক্ষিণ দিকের) কোণদ্বয়কে এস্‌তিলাম করিবই—(ভিড়ের কারনে) কঠিন হউক বা সহজ হউক; যখন হইতে দেখিয়াছি, রসুলুল্লাহ (দঃ) উক্ত কোণদ্বয়কে এস্‌তিলাম করিয়াছেন।

নাফে (রাঃ)কে জিজ্ঞাসা করা হইল, (তওয়ারফের মধ্যে রমল করা তথা সজোরে চলা কালে) আবদুল্লাহ ইবনে ওমর (রাঃ) উক্ত কোণদ্বয়ের মধ্যবর্তী স্বাভাবিক রকমে চলিতেন কি? নাফে (রাঃ) উত্তরে বলিলেন, (ভিড়ের সময়) স্বাভাবিক রকমে চলিতে বাধ্য হইতেন সহজে এস্‌তিলাম করার জন্ত।

মুছআলাহ :—সমস্ত তওয়ারফের প্রতি চক্রে দক্ষিণ দিকের কোণদ্বয়কে এস্‌তিলাম করা সুন্নত। অবশ্য দক্ষিণ-পশ্চিম কোণ; এস্‌তিলাম করার আকার

হইল, উক্ত কোণকে ভক্তিভরে উভয় হাতে স্পর্শ করা। ভক্তিভরে হাতে স্পর্শ করাও শ্রদ্ধা নিবেদনের একটি সাধারণ প্রথা; যেরূপ কদমবুসী তথা মুরবির পদদ্বয় ভক্তিভরে হাতে স্পর্শ করিয়া শ্রদ্ধা নিবেদন করা হয়। আর দক্ষিণ-পূর্ব কোণে “হজরে-আস্‌ওয়াদ” স্থাপিত রহিয়াছে; উহাকে এস্‌তিলাম করার আকার হইল ভক্তিভরে উহাকে চুম্বন করা। অবশ্য ভিড়ের দরুণ চুম্বন করা সম্ভব না হইলে অল্প ব্যবস্থার বয়ান পরে আসিতেছে।

মছআলাহ্ :—রমল করা বস্তুতঃ পূর্ণ চক্রেই করিতে হয়। অবশ্য দক্ষিণ দিকের কোণদ্বয়ের মধ্যবর্তী স্বভাবতঃই ভিড় থাকে, তাই সেস্থানে রমলের মধ্যে শিথিলতা আসিতে পারে।

ছড়ির সাহায্যে হজরে-আস্‌ওয়াদ চুম্বন করা

৮৪২। হাদীছ :—ইবনে আব্বাস (রাঃ) বর্ণনা কয়িয়াছেন, নবী ছালাল্লাহ্ আলাইহে অসাল্লাম বিদায়-হজ্জকালে একদা উষ্ট্রের উপর আরোহিত অবস্থায় তওয়াফ করিলেন। হজরে-আস্‌ওয়াদের কোণে অতিক্রম করিতে প্রত্যেক বারেই হযরত (দঃ) তকবীর বলিতেন এবং ছড়ির সাহায্যে ইশারা করতঃ হজরে আস্‌ওয়াদকে চুম্বন করিতে ছিলেন।

মছআলাহ্ :—বিশেষ ওজর বশতঃ যানবাহনের উপর ছওয়ার হইয়া তওয়াফ করা জায়েয বটে; কিন্তু বাইতুল্লাহ শরীফ যেহেতু মসজিদে-হারামের মধ্যে অবস্থিত, তাই তওয়াফ কার্য প্রকৃত প্রস্তাবে মসজিদের ভিতরে অনুষ্ঠিত হইয়া থাকে। অথচ মসজিদের মধ্যে কোন পণ্ডকে লইয়া যাওয়া জায়েয নহে; কেননা, উহাদের মলমূত্র ত্যাগের সময়ের কোন ঠিক-ঠিকানা নাই।

হযরত রসুলুল্লাহ ছালাল্লাহ্ আলাইহে অসাল্লামের মো'জ্জেযা স্বরূপ তাঁহার ব্যবহার্য দ্রব্যসমূহ আল্লাহ তায়ালার কুদরতে অসাধারণ গুণাবলীর অধিকারী হইয়া থাকিত। তদনুযায়ী তাঁহার স্বীয় যানবাহন উটের প্রতি ঐ ব্যাপারে তিনি আস্থাশীল ছিলেন। তাই তিনি উহাকে মসজিদের ভিতরে লইয়া গিয়াছিলেন।

মছআলাহ্ :—বেয়াদবী হয় বা অথকে কষ্ট দিতে হয় এরূপ হুড়াহুড়ি না করিয়া হজরে-আস্‌ওয়াদকে সরাসরি চুম্বন করা সহজসাধ্য হইলে তাহাই করিবে। যেমন ৮৪৬ নং হাদীছে বর্ণিত হইবে।

চুম্বন করার নিয়ম—“হজরে-আস্‌ওয়াদ” অর্থ কৃষ্ণবর্ণের পাথর। আদি আমলে উহা একটি আস্ত পাথরখণ্ড ছিল, কিন্তু পূর্বকাল হইতেই উহা আর আস্ত পাথরখণ্ড থাকে নাই; ছোট ছোট টুকরায় বিখণ্ডিত হইয়া গিয়াছে। কা'বা শরীফের গায়ে—উহার পূর্ব-দক্ষিণ কোণে, মানুষের বুক সমান উপরে,

মাথা প্রবেশ করে এই পরিমাণ খোড়ল আছে যাহার ভিতরে হজরে-আসওয়াদ বর্ণেরই বিশেষ মসলার মধ্যে হজরে-আসওয়াদের টুকরা সমূহ বিদ্যমান রহিয়াছে। টুকরাগুলি অধিকাংশই ছোট ছোট—আঙ্গুলের মাথা পরিমাণের; এক-দুইটা টুকরা বৃদ্ধাঙ্গুলির পেট বা তদপেক্ষা কিঞ্চিৎ বড় আছে।

নামাযে সেজদা কালে যে ভাবে উভয় হাত জমিনের উপর রাখা হয় ঐ ভাবে উভয় হস্ত উক্ত খোড়লের ভিতর এমনভাবে রাখিবে যেন হস্তদ্বয়ের মধ্য ফাঁকে হজরে-আসওয়াদের কোন টুকরা ভাসমান থাকে। খোড়লের ভিতরে হস্তদ্বয়ের উপর মুখমণ্ডল ঠেকাইয়া হস্তদ্বয়ের মধ্যস্থ হজরে-আসওয়াদ টুকরাকে এমন সতর্কতার সহিত চূষন করিবে যেন উহাতে মুখের লালার কোন আদ্রতা না লাগে, হজরে-আসওয়াদ টুকরার উপর কপালও স্পর্শ করিবে। এইরূপে সরাসরি চূষনের সুযোগ না পাইলে উভয় হাত বা ডান হাত দ্বারা হজরে-আসওয়াদ খণ্ডকে শুধু স্পর্শ করিবে এবং হাতকে চূষন করিবে। ইহারও সুযোগ না হইলে ছড়ি ইত্যাদির স্থায় কোন বস্তু হজরে-আসওয়াদ খণ্ডে স্পর্শ করিয়া ঐ বস্তুকে চূষন করিবে। ঐরূপ করারও সুযোগ না হইলে দূর হইতেই হজরে-আসওয়াদের প্রতি মুখ করতঃ তকবীর, কলেমা-তৈয়্যাব ও দরুদ পড়িবে এবং হস্তদ্বয়ের তালু উহার মুখী করিয়া হস্তদ্বয় উহার উপর রাখার স্থায় ইশারা করিবে, অতঃপর হস্তদ্বয়কে চূষন করিবে। (শামী, ২—২২৮)

বাইতুল্লাহ শরীফের কোণ ভক্তিভরে স্পর্শ করা

৮৪৩। হাদীছ :—আবুশ্-শাহা (রাঃ) বর্ণনা করিয়াছেন, যোয়াবিয়া (রাঃ) বাইতুল্লাহ শরীফের প্রত্যেক কোণকেই স্পর্শ করিতেন। ইবনে আব্বাস (রাঃ) তাঁহাকে বাধা দিয়া বলিলেন, (উত্তর দিকের) কোণ দুইটি স্পর্শ করার বিধান নাই। তত্ত্বত্তরে যোয়াবিয়া (রাঃ) বলিলেন, বাইতুল্লাহর কোন অংশই পরিত্যক্ত নহে।

আবহুস্লাম ইবনে যোবায়ের (রাঃ)ও প্রত্যেক কোণকে স্পর্শ করিতেন।

৮৪৪। হাদীছ :—আবহুস্লাম ইবনে ওমর (রাঃ) বর্ণনা করিয়াছেন, নবী ছাল্লাল্লাহু আলাইহে অসাল্লামকে দক্ষিণ দিকের কোণদ্বয় ব্যতীত অন্য কোনও কোণকে স্পর্শ করিতে দেখি নাই।

ব্যাখ্যা :—প্রসিদ্ধ ছাহাবী আবহুস্লাম ইবনে ওমর (রাঃ) যিনি হযরত রসুলুল্লাহ ছাল্লাল্লাহু আলাইহে অসাল্লামের প্রতিটি কার্যপদ্ধতি অনুধাবন ও অনুসরণের প্রতি সর্বদা বিশেষ তৎপর থাকিতেন; তিনি বর্ণনা করিয়াছেন, হযরত রসুলুল্লাহ (দঃ) উত্তর কোণদ্বয়কে স্পর্শ করিতেন না। আবহুস্লাম ইবনে ওমর (রাঃ) স্বয়ং এই রীতি অনুযায়ী আমলও করিয়াছেন—তিনি উত্তর

কোণদ্বয়কে কোন সময়ই তওয়াফকালে স্পর্শ করিতেন না। তাঁহাকে এই বিষয়ে জিজ্ঞাসা করা হইলে তিনি বলিতেন, আমি বিশেষরূপে লক্ষ্য করিয়াছি রসুলুল্লাহ (দঃ) এই কোণদ্বয়কে স্পর্শ করেন নাই। হযরত রসুলুল্লাহ (দঃ) কর্তৃক এই কোণদ্বয়কে স্পর্শ না করার কারণ স্বরূপ তিনি বর্ণনা করিয়া থাকিতেন যে, আয়েশা (রাঃ) কর্তৃক বর্ণিত (৮২৫ ও ৮৪৫ নং) হাদীছ দ্বারা প্রমাণিত হয় যে, বর্তমান বাইতুল্লাহ শরীফের ঘরের সীমানার বাহিরে উত্তর পার্শ্ব-সংলগ্ন—“হাতীম” নামক স্থানটুকু বস্তুতঃ কা'বা শরীফ ঘরেরই অংশবিশেষ। কিন্তু বর্তমান কা'বা গৃহের নির্মাণকালে ঐ স্থানটুকু পরিত্যাগ করিয়া ছোট আকারে তৈরী করা হইয়াছে। ইহাতে স্পষ্টই দেখা গেল যে, উত্তর পার্শ্বস্থ বর্তমান কোণদ্বয় বাইতুল্লাহ শরীফের প্রকৃত কোণ নহে, বরং উহা প্রকৃত প্রস্তাবে মধ্যবর্তী একটি স্থান বটে। বস্তুতঃ যেখানে বাইতুল্লাহ শরীফের কোণ হওয়ার নিশ্চিষ্ট স্থান ছিল সেখানে কোণ স্থাপিত হয় নাই। এই কারণেই এই দিকের বর্তমান কোণদ্বয়কে স্পর্শ করা হয় নাই। নিম্নে বর্ণিত হাদীছে এই তথ্যেরই উল্লেখ রহিয়াছে।

৮৪৫। হাদীছ :-মোহাম্মদ ইবনে আবু বকরের পুত্র আবদুল্লাহ (রাঃ) আবদুল্লাহ ইবনে ওমর (রাঃ) ছাহাবীকে আয়েশা (রাঃ) হইতে এই হাদীছ শুনাইলেন যে, রসুলুল্লাহ ছাল্লাল্লাহু আলাইহে অসাল্লাম তাঁহাকে বলিয়াছেন, এই তথ্য তোমার জানা নাই কি যে, তোমার বংশধররা যখন কা'বা শরীফের পুনঃ নির্মাণ করিয়াছিল তখন তাহারা ইব্রাহীম আলাইহেছাল্লামের স্থাপিত ভিত্তির পরিমাপ হইতে কা'বা গৃহকে ছোট করিয়া দিয়াছিল।

আয়েশা (রাঃ) বলিয়াছেন, তখন আমি আরজ করিলাম, ইয়া রসুলুল্লাহ! আপনি কা'বা গৃহকে ইব্রাহীম আলাইহেছাল্লামের ভিত্তির উপর স্থাপিত করিয়া পুনঃ নির্মাণ করিবেন কি? তৎপরে রসুলুল্লাহ ছাল্লাল্লাহু আলাইহে অসাল্লাম বলিলেন, তোমার বংশের (অধিকাংশ) লোকেরা যদি ইসলামে নবদীক্ষিত না হইত তবে আমি তাহা করিতাম।

আবদুল্লাহ ইবনে ওমর (রাঃ) উক্ত হাদীছ শ্রবণে বলিলেন, আয়েশা (রাঃ) রসুলুল্লাহ (দঃ) হইতে যে তথ্য শুনিয়াছেন উহা দ্বারাই আমি বুঝিতে পারিলাম যে, রসুলুল্লাহ (দঃ) হাতীমের দিকের তথা কা'বা গৃহের উত্তর দিকের কোণদ্বয়ের এস্‌তীলাম—ভক্তিভরে স্পর্শ করেন নাই একমাত্র এই কারণেই যে, (কোরায়েশগণ কর্তৃক পুনঃ নির্মাণকালে) ঐ উত্তর দিকে বাইতুল্লাহ শরীফকে ইব্রাহীম আলাইহেছাল্লামের ভিত্তির উপর সম্পূর্ণ করা হয় নাই। (২১৫ পৃঃ)

যথাসাধ্য হজ্জের-আস্‌ওয়াদকে চুষন করা

৮৪৬। হাদীছ :—একদা এক ব্যক্তি আবহুল্লাহ ইবনে ওমর (রাঃ)কে হজ্জের-আস্‌ওয়াদ চুষন করার বিষয় জিজ্ঞাসা করিল। তিনি বলিলেন, আমি দেখিয়াছি—রসুলুল্লাহ ছালাল্লাহু আলাইহে অসাল্লাম উহাকে ভক্তি ও মহব্বতের সহিত চুষন করিয়া থাকিতেন। ঐ ব্যক্তি প্রশ্ন করিল, বলুন ত যদি ভিড় হয় কিম্বা যদি চুষন করিতে কষ্ট হয় তবে কি করিবে? আবহুল্লাহ ইবনে ওমর (রাঃ) রাগান্বিত স্বরে বলিলেন, তোমার “বলুনত” বাক্যটি তোমার দেশ ইয়ামানে রাখিয়া আস, আমি উহা শুনিতে চাই না। আমি দেখিয়াছি, রসুলুল্লাহ ছালাল্লাহু আলাইহে অসাল্লাম হজ্জের-আস্‌ওয়াদকে চুষন করিয়াছেন।

মছআলাহ :—ভিড় থাকা অবস্থায় যথাসাধ্য নিজে কষ্ট করিয়া হইলেও হজ্জের-আস্‌ওয়াদ চুষনে সচেষ্ট হইবে। কিন্তু অত্কে কষ্ট দিয়া বা বাইতুল্লাহ শরীফ ও হজ্জের-আস্‌ওয়াদের সম্মান ও আদবের বরখেলাফ করিয়া চুষনের জন্ত হুড়াহুড়ি ধস্তাধস্তি করিবে না। কারণ, চুষন করা ছন্নত এবং ঐ সমস্ত অবাস্তিত কর্ম হারাম। ছন্নত হাসিলের জন্ত হারাম কার্যে লিপ্ত হওয়া যায় না।

মকায় পৌঁছিয়া সৰ্বপ্রথম তওয়াফ করিবে

৮৪৭। হাদীছ :—আয়েশা, (রাঃ) বর্ণনা করিয়াছেন, নবী ছালাল্লাহু আলাইহে অসাল্লাম মকায় পৌঁছিয়া সৰ্বপ্রথম অজু করিলেন, অতঃপর তওয়াফ করিলেন।

৮৪৮। হাদীছ :—আবহুল্লাহ ইবনে ওমর (রাঃ) বর্ণনা করিয়াছেন, রসুলুল্লাহ ছালাল্লাহু আলাইহে অসাল্লাম হজ্জ বা ওমরার জন্ত প্রথম তওয়াফের তিন চক্রে “রমল” করিতেন এবং অবশিষ্ট চারি চক্রে স্বাভাবিকরূপে চলিতেন। অতঃপর (মকামে-ইব্রাহীমের নিকটবর্তী ওয়াজেবুত্-তওয়াফ) দুই রাকাত নামায পড়িতেন। তৎপর ছাকা ও মারওয়া পাহাড়দ্বয়ের মধ্যবর্তী সায়ী করিতেন।

নারী-পুরুষ একই সময়ে তওয়াফ করিতে সতর্কতা অবলম্বন করিবে

৮৪৯। হাদীছ :—ইবনে জোরায়েজ (রাঃ) বর্ণনা করিয়াছেন, হিজরী প্রথম শতাব্দীর ঘটনা—তৎকালীন বাদশাহ হেশাম-ইবনে আবহুল মালেক কর্তৃক নিয়োজিত হজ্জ-কার্য পরিচালনার প্রধান তথা আমিরুল-হজ্জ (ইব্রাহীম ইবনে হেশাম যখন নারীগণের প্রতি পুরুষের সঙ্গে একত্রে তওয়াফ করার নিষেধাজ্ঞা জারী করিলেন, তখন প্রসিদ্ধ তাবেরী আ'তা (রাঃ) বলিলেন, নারী-পুরুষের এক

সময়ে তওয়াফ করাকে কিরূপে নিষিদ্ধ করা যাইতে পারে ? অথচ নবী ছালাল্লাহু আলাইহে অসাল্লামের বিবিগণও পুরুষদের তওয়াফ করা কালেই (একই সময়ে) তওয়াফ করিয়াছেন। আমি তাঁহাকে জিজ্ঞাসা করিলাম—ইহা কি নারীদের প্রতি পর্দার আদেশ জারী হওয়ার পরের ঘটনা ? তিনি বলিলেন— (পর্দার হুকুম রসূলুল্লাহ ছালাল্লাহু আলাইহে অসাল্লামের যমানার মধ্যবর্তী সময়ের ঘটনা এবং আমি হযরতের যমানার পরে জন্মিয়াছি, তাই অনিবার্যতঃ) পর্দার আদেশ জারী হওয়ার পরেই আমি এরূপ ঘটনা প্রত্যক্ষ করিয়াছি।

তখন আমি তাঁহাকে জিজ্ঞাসা করিলাম, হযরতের বিবিগণ পুরুষদের সঙ্গে কিরূপে একত্রে এক সময়ে তওয়াফ করিতেন ? তিনি বলিলেন, নারীগণ পুরুষদের সঙ্গে একত্রিত হইতেন না। (আমি দেখিয়াছি,) আয়েশা (রাঃ) পুরুষদের তওয়াফ করার সময়ে তওয়াফ করিতেন বটে, কিন্তু পুরুষগণ হইতে পৃথক থাকিয়া তওয়াফ করিতেন এবং তাহাদের সঙ্গে একত্রিত হইতেন না। (একদা) এমতাবস্থায় একটি নারী তাঁহাকে বলিল, হে উম্মুল-মোমনীন ! চলুন, আমরা হজরে-আস ওয়াদ চুম্বন করিয়া আসি। (যেহেতু হজরে-আস ওয়াদের নিকটবর্তী স্থানে পুরুষদের ভিড় হইতে বাঁচিয়া থাকা কঠিন ছিল, তাই) আয়েশা (রাঃ) উহা অস্বীকার করিলেন এবং রাগান্বিত স্বরে বলিলেন—দূর।

আতা (রাঃ) আরও বলিলেন, আমি দেখিয়াছি—নারীগণ বিশেষরূপে রাত্রিকালে পর্দার সহিত আসিতেন এবং পুরুষদের তওয়াফ করাকালীন কেনারায় কেনারায় তওয়াফ করিতেন। কিন্তু নারীগণ বাইতুল্লাহ শরীফের অভ্যন্তরে প্রবেশ করিতে হইলে তাহারা প্রস্তুত হইয়া অপেক্ষা করিতেন এবং পুরুষগণকে ঘরের ভিতর হইতে বাহির করিয়া দেওয়া হইত, (তৎপর নারীগণ প্রবেশ করিতেন)।

মছআলাহু :— নারীগণের পক্ষে পুরুষদের সহিত হুড়াহুড়ি করিয়া বাইতুল্লাহ শরীফের ভিতরে প্রবেশ করা জায়েয নহে।

তওয়াফ করার সময় প্রয়োজনীয় কথা বলা

৮৫০। হাদীছ :—ইবনে আব্বাস (রাঃ) বর্ণনা করিয়াছেন, নবী ছালাল্লাহু আলাইহে অসাল্লাম একদা তওয়াফ করার কালে এক ব্যক্তির নিকটস্থ পথে চলিবার সময় দেখিতে পাইলেন—সে নিজকে একটি দড়ি দ্বারা বাঁধিয়াছে এবং অশ্ব এক ব্যক্তি ঐ দড়ি ধরিয়া পশুর খায় তাহাকে টানিয়া নিতেছে*।

* অন্ধকার যুগে এরূপ করাকে পুণ্য মনে করা হইত এবং নানাপ্রকার আপদ-বিপদ হইতে মুক্তি পাইবার বা বিবিধ মকছুদ হাসিলের জন্ত এরূপ করার মান্ত মানা হইত।

রসুল্লাহ ছালাল্লাহু আলাইহে অনাল্লাম স্বহস্তে এই দড়ি কাটিয়া দিলেন এবং বলিলেন, আবশ্যক হইলে তাহার হাত ধরিয়া টানিয়া লইয়া যাও।

ফজর ও আছরের পরে তওয়াফ করা

ফজর ও আছরের নামাযের পরে তওয়াফ করা জায়েয ; ইহাতে কোন দ্বিমত নাই বলা যায়। অবশ্য তওয়াফের পরে যে, দুই রাকাত নামায পড়িতে হয় সেই নামায ফজর নামাযের পর সূর্যোদয়ের পূর্বে এবং আছরের নামাযের পর সূর্যাস্তের পূর্বে পড়া সম্পর্কে ইমামগণের মতভেদ রহিয়াছে।

উক্ত দুই সময়ে ফরজ কাজ। নামায ব্যতীত অথ কোন নামায পড়া নিষিদ্ধ। সেমতে ইমাম আবু হানিফা (রঃ) ও ইমাম মালেক (রঃ)-এর মজহাব মতে তওয়াফের নামায এই সময় পড়িতে পারিবে না। কোন ব্যক্তি যদি ফজর নামাযের বা আছর নামাযের পরে তওয়াফ করে তবে তাহাকে তওয়াফের নামায সূর্য উদয়ের বা অস্তের পরে পড়িতে হইবে। অথ ইমামগণের মতে উদয়-অস্তের পূর্বেই তওয়াফের নামায পড়িতে পড়িবে। এ সম্পর্কে ছাহাবীগণের মধ্যে উভয় রকম আমলই দেখা যায়।

● আবদুল্লাহ ইবনে ওমর (রাঃ) তওয়াফের নামায সূর্য উদয়ের পূর্বে পড়িতেন, অবশ্য ঠিক উদয়ের সময় পড়িতেন না।

● একদা ওমর (রাঃ) ফজর নামাযান্তে তওয়াফ করিলেন; তওয়াফের নামায এই সময় পড়িলেন না, বরং “জি-তুয়া” নামক স্থানে পৌঁছিয়া (সূর্য উদয়ের পরে) তওয়াফের নামায পড়িয়াছেন।

৮৫১। হাদীছ :— ওরওয়াহ (রঃ) বর্ণনা করিয়াছেন, কতিপয় ব্যক্তি ফজর নামাযান্তে তওয়াফ করিল, অতঃপর তাহারা ওয়াজ্জ শুনিতে বসিল তারপর সূর্যোদয়ের নিকটবর্তী তাহারা তওয়াফের নামাযে দাঁড়াইল। তখন আয়েশা (রাঃ) বলিলেন, তাহারা বসিয়া ছিল তবুও নামাযের জল মকরুহ সময় থাকিতেই নামাযে দাঁড়াইল।

ব্যাখ্যা :—আয়েশা (রাঃ) উল্লেখিত অবস্থায় সূর্য উদয়ের পরে তওয়াফের নামায পড়িতে আদেশ করিতেন।

অসুস্থতার দরুণ কোন কিছুতে চড়িয়া তওয়াফ করা

৮৫২। হাদীছ :— উম্মে-ছালামাহ (রাঃ) হইতে বর্ণিত আছে, নবী ছালাল্লাহু আলাইহে অনাল্লাম হজ্জ সমাপনান্তে মদীনা পানে যাত্রার প্রস্তুতি নিলেন ; উম্মুল-মোমেনীন উম্মে-ছালামাহ (রাঃ)ও যাত্রার ইচ্ছা করিলেন, কিন্তু

তিনি বিদায়-তওয়াফ করেন নাই । তিনি হযরতের নিকট স্বীয় অসুস্থতার উল্লেখ করিলেন । রসুলুল্লাহ (দঃ) তাঁহাকে বলিলেন, ফজর নামাযের জমাত দাঁড়াইলে লোকগণ নামাযে থাকিবে তখন তুমি উটে চড়িয়া লোকদের পেছন দিয়া তওয়াফ করিয়া নিও । তিনি তাহাই করিলেন এবং তওয়াফের দুই রাকাত নামায অত্র বাহিরে কোথাও পড়িয়া নিলেন । তিনি বর্ণনা করিয়াছেন, আমি যখন তওয়াফ করিতে ছিলাম তখন রসুলুল্লাহ (দঃ) বাইতুল্লাহ শরীফ সংলগ্নে নামায পড়িতে ছিলেন ; হযরত (দঃ) ছুরা “ওয়াত্‌তুর” পাঠ করিতে ছিলেন ।

ব্যাখ্যাঃ— মদীনায় যাত্রার সময় হযরতের বিবি উম্মে-ছালামাহ (রাঃ) অসুস্থ হওয়ায় তিন বিদায় তওয়াফ করিতে পারেন নাই ; বিদায় তওয়াফ ওয়াজেব । মক্কা হইতে যাত্রার প্রাক্কালে উহা আদায় করিতে হইবে, তাই, নবী (দঃ) তাঁহাকে স্বীয় উট দিলেন এবং উহাতে চড়িয়া তওয়াফ আদায় করিতে বলিলেন । উটে চড়িয়া তওয়াফ করার পরিবেশ লাভের জন্ত নবী (দঃ) তাঁহাকে ফজর নামাযের জমাত হওয়া কালে তওয়াফ করার পরামর্শ দিলেন । নামাযীদের বিব্রত হওয়ার কারণ না হয় ; তাই তাহাদের পেছন দিয়া তওয়াফ করিতে বলিলেন । অধিকাংশ হাজী মক্কা ত্যাগ করিয়া যাওয়ায় তখন ফজরের জমাতে যে পরিমাণ লোক ছিল তাহাদের পেছন দিয়া উটের সাহায্যে তওয়াফ করা সহজ সাধ্যই ছিল । মসজিদের ভিতরে উট ইত্যাদি পশু নেওয়া বিশেষতঃ দীর্ঘ সময়ের জন্ত নিষিদ্ধ ; কারণ উহার মল-মূত্র ত্যাগের কোন ঠিক-ঠিকানা নাই—যাহাতে মসজিদ অপবিত্র হওয়ার প্রবল আশঙ্কা । কিন্তু নবী ছালাল্লাহ আলাইহে অসাল্লামের মোজেনারূপে তাঁহার উট নির্ভরযোগ্য ছিল যে, মসজিদে মল-মূত্র ত্যাগ করিবে না, তাই হযরতের বিবি সেই উট মসজিদে নিয়া উহার উপর তওয়াফ করিয়াছেন ৮৩২ নং হাদীছে বর্ণিত হইয়াছে, স্বয়ং নবী (দঃ)ও বিশেষ কারণে স্বীয় উটের উপর চড়িয়া তওয়াফ করিয়াছেন ।

সর্ব সাধারণের জন্তও মহাআলাহ রহিয়াছে—অসুস্থতার দরুণ হাটিয়া তওয়াফ করিতে সক্ষম না হইলে পশু ভিন্ন অথ কিছুতে চড়িয়া তওয়াফ আদায় করিতে পারে । বর্তমানে দেখিয়াছি—ছোট চৌকির ত্রায় তৈরী কাঠের উপর রুগ্ন-অচল ব্যক্তিকে বসাইয়া বা শোয়াইয়া ঐ কাঠ দুই জন শ্রমিক মাথায় বহন করতঃ তওয়াফ আদায় করাইয়া থাকে । ছাফা-মারওয়া পাহাড়বয়ের মধ্যে ছায়ী করার মহাআলাহও রুগ্ন-অচলদের জন্ত তদ্রূপই । বর্তমানে সে ক্ষেত্রে উক্তরূপ চৌকি ভিন্ন ছোট হাত গাড়ীও ব্যবহার করা হয় এবং এই কাজের জন্ত অনেক শ্রমিক চৌকি বা গাড়ী নিয়া মোতায়েন থাকে ।

মছআলাহ :—তওয়াফ করা অবস্থায় কোন গহিত কাজ হইতে দেখিলে সে কাজে বাধা দিতে এবং উহা রহিতের ব্যবস্থা করিতে পারে। ৮৫০ হাদীছ

তওয়াফ ও উহার নামাযের বিভিন্ন মছআলাহ

মছআলাহ :—বিশিষ্ট তাবেয়ী আ'তা (রাঃ) বলিয়াছেন, এক ব্যক্তি তওয়াফ করিতেছে এমনতাবস্থায় সাত চক্কর পূর্ণ হইবার পূর্বেই নামাযের জমাত আরম্ভ হইয়া গেল কিন্মা অন্ত কোনও কারণে তাওয়াফ কার্য বাধা প্রাপ্ত হইল ; তখন সে ব্যক্তি নামাযান্তে বা বাধা মুক্তির পর অবশিষ্ট তওয়াফ ঐ স্থান হইতে পুনরারম্ভ করিবে, যথা হইতে পরিত্যাগ করিয়াছে। ইবনে ওমর (রাঃ) এবং আবহুর রহমান ইবনে আবু বকর (রাঃ) তাঁহারাও এইরূপ কতোয়া দিয়াছেন।

মছআলাহ :—প্রতি সাত চক্কর তওয়াফ পূর্ণ করার পর দুই রাকাত নামায পড়িবে। এমনকি, তওয়াফের সংলগ্ন কোনও ফরজ নামায পড়িলে তাহাতে ঐ তওয়াফের নামায আদায় হইবে না, বরং ভিন্ন ভাবে তওয়াফের জন্ম দুই রাকাত ওয়াজেব নামায পড়িতে হইবে। ২২০ পৃঃ

মছআলাহ :—মসজিদে-হরমের বাহিরে, এমনকি হরম শরীফের সীমার বাহিরেও যদি তওয়াফের দুই রাকাত নামায আদায় করে তবে জায়েয হইবে। কিন্তু এই দুই রাকাত নামায মকামে-ইব্রাহীমকে সম্মুখে রাখিয়া পড়া উত্তম।

মছআলাহ :—মক্কা শরীফে পৌঁছিয়াই অনতিবিলম্বে তওয়াফ করা কর্তব্য। যদি শুধু হজ্জের এহরাম থাকে তবে সেই তওয়াফ হইবে “তওয়াফে কুদুম” যাহা ছন্নত, আর শুধু ওমরার এহরাম থাকিলে সেই তওয়াফ হইবে ওমরার ফরজ তওয়াফ। আর হজ্জ ও ওমরা উভয়ের তথা হজ্জ-কেরানের এহরাম থাকিলে প্রথমে ওমরার ফরজ তওয়াফ আদায় করা ওয়াজেব অতঃপর ওমরার সাযী করিবে, তারপর হজ্জের ছন্নত তওয়াফে-কুদুম করিবে।

তারপরেও যত সময় মক্কায থাকিবে বেশী পরিমাণে নফল তওয়াফ করা উত্তম, এমনকি মক্কার বাহিরের লোকদের জন্ম নফল নামায অপেক্ষাও নফল তওয়াফ অগ্রগণ্য। অবশ্য যদি নফল তওয়াফ না করে এবং শুধু ১০ তারিখে বা উহার পর ফরজ তওয়াফ—তওয়াফে-যেয়ারত করে তবুও গোনাহ হইবে না। হযরত (দঃ) বিদায়-হজ্জ নফল তওয়াফ করিয়াছিলেন না। হযরত (দঃ) হজ্জের মাত্র চার দিন পূর্বে মক্কায পৌঁছিয়া ছিলেন এবং তাঁহার সম্মুখে দ্বীনী প্রয়োজন অনেক ছিল। এতদ্ভিন্ন হযরতের সঙ্গে যে অসংখ্য লোকের কাকেলা ছিল চার দিনের মধ্যে তাহাদের সকলের প্রাথমিক তওয়াফ আদায় করার অপরিহার্য প্রয়োজন ছিল, হয়ত সেই দিক লক্ষ্য করিয়াই হযরত (দঃ) নফল

তওয়াফে যান নাই। কারণ, তাহা হইলে নফল তওয়াফকারীদের ভীড় অধিক হইয়া যাইবে। ২২০ পৃঃ ৮০৮ হাদীছ

মছআলাহ্ :—তওয়াফ অজুর সহিত করা কর্তব্য; অধিকাংশ ইমামগণের মতে অজুবিহীন তওয়াফ শুদ্ধই হয় না।

আয়েশা (রাঃ) বর্ণনা করিয়াছেন, নবী ছাল্লাল্লাহু আলাইহে অসাল্লাম বিদায় হজ্জে মকায় পৌঁছিয়াই অজু করিয়া কা'বা শরীফের তওয়াফ করিয়া ছিলেন। ৮৭৪ হাদীছ

হাজীদের পানি পান করাইবার খেদমত

৮৫৩। হাদীছ :—ইবনে ওমর (রাঃ) বর্ণনা করিয়াছেন, বিদায়-হজ্জের সময় রসুলুল্লাহ ছাল্লাল্লাহু আলাইহে অসাল্লামের চাচা আব্বাস (রাঃ) হযরতের নিকট অনুমতি চাহিলেন যে, হাজীদের পানি পান করানোর খেদমত আঞ্জাম দেওয়ার উদ্দেশ্যে মিনায় অবস্থানের নির্দিষ্ট ১০, ১১, ১২, ১৩, তারিখ সমূহের রাত্রিবেলা আমি মকায় থাকিতে চাই। (হাজীদেরকে যমযমের পানি পান করানো তাঁহাদের বংশানুক্রমিক বৈশিষ্ট্য ছিল।) রসুলুল্লাহ (দঃ) তাঁহাকে সেই অনুমতি প্রদান করিলেন।

ব্যাখ্যা :—মিনা অবস্থানের তারিখ সমূহে মিনাতে রাত্রি যাপন করা ওয়াজেব। কিন্তু হাজীদের পানি পান করানোর খেদমত করার এতই ফজিলত যে, উহার জন্ত আব্বাস (রাঃ) সেই ওয়াজেব হইতে মুক্তি পাইয়াছেন।

৮৫৪। হাদীছ :—ইবনে আব্বাস (রাঃ) বর্ণনা করিয়াছেন, রসুলুল্লাহ ছাল্লাল্লাহু আলাইহে অসাল্লাম (বিদায়-হজ্জকালীন মকায়) হাজীদের জন্ত বিশেষরূপে পানি পানের ব্যবস্থাপনার স্থানে উপস্থিত হইলেন এবং পানি পানের ইচ্ছা প্রকাশ করিলেন। তখন তাঁহার চাচা আব্বাস (রাঃ) স্বীয় পুত্র ফজলকে আদেশ করিলেন—তোমার মাতার নিকট হইতে রসুলুল্লাহ ছাল্লাল্লাহু আলাইহে অসাল্লামের জন্ত খাছ পানি নিয়া আস। রসুলুল্লাহ (দঃ) বলিলেন, সর্বসাধারণের পানি হইতেই পান করান। আব্বাস (রাঃ) বলিলেন, ইয়া রসুলুল্লাহ। এই পানির এবং এই পাত্রের মধ্যে সর্বসাধারণ সকলেই হাত ভিজাইয়া থাকে, আপনার জন্ত বিশেষ পানীয়ে ব্যবস্থা করিতেছি। হযরত (দঃ) পুনরায় বলিলেন, সর্বসাধারণের জন্ত প্রস্তুত পাত্র হইতেই আমাকে পান করান। হযরত (দঃ) সেই পাত্র হইতেই পানি পান করিয়া “যমযম” কূপের নিকটর্তী আসিলেন। তথায় বহু লোক পানি পান করিতেছিল এবং কিছু সংখ্যক লোক পরিশ্রম করিয়া পানি পান করাইতেছিল। তাহাদিগকে নবী (দঃ)

বলিলেন, তোমরা অতি উত্তম কাজ করিতেছ। তোমাচের উপর সকলের ভিড় হওয়ার আশঙ্কা না হইলে আমিও দড়ি লইয়া তোমাদের সঙ্গে পানি পান করানোর কার্যে যোগদান করিতাম।

যমযমের পানি দাঁড়াইয়া পান করা

৮৫৫। হাদীছ :—ইবনে আব্বাস (রাঃ) বর্ণনা করিয়াছেন, আমি নিজে রসুলুল্লাহ ছালাল্লাহু আলাইহে অসাল্লামকে যমযমের পানি পান করাইয়াছি। তিনি উহা দাঁড়াইয়া পান করিয়াছেন।

ছাফা ও মারওয়ার মধ্যবর্তী ছায়ী করা ওয়াজেব

৮৫৬। হাদীছ :—ওরওয়াহ (রাঃ) বর্ণনা করিয়াছেন, আমি আমার খালা আয়েশা (রাঃ)কে জিজ্ঞাসা করিলাম, আপনি কি এই আয়াতটির প্রতি লক্ষ্য করিয়াছেন? আল্লাহ তায়ালা বলিয়াছেন—

إِنَّ الْمَغَا وَالْمَرْوَةَ مِنْ شَعَائِرِ اللَّهِ فَمَنْ حُجَّ الْبَيْتَ
أَوْ اعْتَمَرَ فَلَا جُنَاحَ عَلَيْهِ أَنْ يَطَّوَّفَ بِهِمَا ۚ

অর্থ :—নিশ্চয় ছাফা ও মারওয়া পাহাড়দ্বয় আল্লাহ তায়ালা কর্তৃক নির্ধারিত একটি এবাদতের স্থান। যে ব্যক্তি বাইতুল্লাহ শরীফের হজ্জ বা ওমরা করিবে, তাহার জন্ত দুঃখীয় হইবে না এই পাহাড়দ্বয়ের মধ্যে ছায়ী করা। (২পাঃ ৩ কঃ)

ওরওয়াহ (রাঃ) বলেন, এই আয়াতে স্পষ্টরূপে বুঝা যায় যে, ছাফা-মারওয়ার মধ্যবর্তী ছায়ী করা ওয়াজেব নহে, এই ছায়ী না করিলে গোনাহ হইবে না। নতুবা আল্লাহ তায়ালা এরূপ বলিতেন না যে, ছায়ী করা দুঃখীয় নহে।

আয়েশা (রাঃ) বলিলেন, তুমি যাহা বলিতেছ যে, ছায়ী না করিলে গোনাহ হইবে না” যদি তাই হইত তবে আল্লাহ তায়ালা এখানে এইরূপ বলিতেন—“দুঃখীয় হইবে না ছায়ী না করা।” কিন্তু আল্লাহ তায়ালা তাহা বলেন নাই।

অতঃপর আয়েশা (রাঃ) বলিলেন—(ছায়ী করা বস্তুতঃ ওয়াজেব কিন্তু) “ছায়ী করা দুঃখীয় নহে” এখানে এই ধরনের উক্তির তাৎপর্য এই যে—ইসলামের পূর্বে অন্ধকার যুগে কাকেররাও নানারূপ গহিত ও কল্পিত নিয়মানুসারে হজ্জব্রত পালন করিয়া থাকিত। ঐ সময় মদীনাবাসী একদল লোক “কোদায়েদ” নামাক স্থানের সম্মুখে “মোশাল্লাল” নামক একটি টিলার উপর প্রতিষ্ঠিত “মানাত” নামক একটি মূর্তিকে মা’বুদরূপে উপাসনা করিত। তাহারা ঐ

মুন্তির উদ্দেশ্যে এবং উহার উপাসনা রূপেই হজ্জরত পালন করিয়া থাকিত। তখন ছাফা-মারওয়া পাহাড়ের উপরও দুইটি মূর্তি স্থাপিত ছিল। মদীনা-বাসীরা উক্ত মূর্তিদ্বয়কে মা'বুদরূপে মাগ্ন করিত না এবং উহাদের উপাসনাও করিত না। এই কারণে তাহারা ছাফা-মারওয়া পাহাড়ের মধ্যবর্তী ছায়ী করাকে গোনাহ মনে করিত।

কালক্রমে মোসলমান হওয়ার পর তাহারা রসুলুল্লাহ ছাল্লাল্লাহু আলাইহে অসাল্লামের নিকট জিজ্ঞাসা করিলেন—আমরা ত পূর্বে ছাফা-মারওয়ার ছায়ীকে গোনাহ ভাবিয়া উহা হইতে বিরত থাকিতাম, এখন আমাদের প্রতি কি আদেশ?

তাঁহাদের এই প্রশ্ন উপলক্ষেই উক্ত আয়াত নাযেল হয় এবং তাঁহাদের পূর্বেকার এই ভুল ধারণা যে, ছাফা-মারওয়ার ছায়ী গোনাহের কাজ—ইহা খণ্ডন করার পরিপ্রেক্ষিতেই বলা হয় যে, ছাফা-মারওয়ার ছায়ী করা দুশীল নহে। অতঃপর আয়েশা (রাঃ) বলিলেন, ছাফা-মারওয়ার ছায়ী করা রসুলুল্লাহ ছাল্লাল্লাহু আলাইহে অসাল্লাম কর্তৃক নির্দ্ধারিত ও নির্দেশিত একটি বিশেষ ধর্মীয় বিধান। সুতরাং কাহারও জন্ত উহা হইতে বিরত থাকার অনুমতি নাই।

এতদ্ব্যতীত মদীনাবাসীদের বিপরীত আচরণকারী অল্প একদল লোকও উক্ত আয়াতের লক্ষ্যস্থল ছিল। তাহারা হইল মক্কাবাসী ও তাহাদের অনুসারীগণ। ছাফা পাহাড়ের উপর “এছাফ” নামে একটি মূর্তি এবং মারওয়া পাহাড়ের উপর “নায়েলা” নামে অপর একটি মূর্তি প্রতিষ্ঠিত ছিল। অন্ধকার যুগে মক্কাবাসীরা ঐ মূর্তিদ্বয়ের পূজারী ছিল এবং ঐ মূর্তিদ্বয়ের উদ্দেশ্য ও উপাসনা রূপেই তাহারা ছাফা-মারওয়ার মধ্যবর্তী ছায়ী করিয়া থাকিত। তাহারাও মোসলমান হওয়ার পর রসুলুল্লাহ ছাল্লাল্লাহু আলাইহে অসাল্লামের নিকট এই মনোভাব ব্যক্ত করিল যে, আমরা পূর্বে একটি জঘন্য কুসংস্কারের বশবর্তী হইয়া ছাফা-মারওয়ার ছায়ী করিতাম। এখন আমরা মোসলমান হইয়া ঐ কাজ করাকে গোনাহ মনে করি। উক্ত দলের মনোভাবকেও এই আয়াতের দ্বারা রদ করা হইয়াছে যে, হজ্জ বা ওমরার মাধ্যমে ছাফা-মারওয়ার ছায়ীকে গোনাহ মনে করা নিতান্ত ভুল ও অহেতুক। কারণ, হজ্জ বা ওমরা বস্তুতঃ একমাত্র আল্লাহর উদ্দেশ্যেই অনুষ্ঠিত হইয়া থাকে। অতএব, উহার মাধ্যমে ছাফা-মারওয়ার ছায়ীও আল্লাহ তায়ালায় উদ্দেশ্যেই অনুষ্ঠিত হইবে। সুতরাং উহা গোনাহ বা দুশীল হইবে না।

ব্যাখ্যা :—বিপরীত মতবাদের দুই দল লোকের ভিন্ন ভিন্ন মনোভাব প্রসূত একই ভুল ধারণাকে রদ করতঃ প্রকৃত অবস্থা জ্ঞাপনার্থে এই আয়াতটি নাযেল হয়। আল্লাহ তায়ালা উক্ত আয়াতের মূল বিষয়-বস্তু উল্লেখ করার পূর্বে অতি

সুন্দর একটি ভূমিকার উল্লেখ করেন। আল্লাহ তায়ালা বলেন, বহু পূর্বে হইতে ছাফা-মারওয়া পাহাড়দ্বয় আল্লাহ কর্তৃক নির্ধারিত বিশেষ এবাদতের স্থান। যাহারা কোন মূর্তির উদ্দেশ্য ও উপসনারূপে এই পাহাড়দ্বয়ের মধ্যবর্তী ছায়ী করিয়াছে তাহারা নিশ্চয় গোনাহ ও শেরেকী কাজ করিয়াছে। কিন্তু প্রকৃত প্রস্তাবে এই পাহাড়দ্বয়কে আল্লাহ কর্তৃক নির্ধারিত এবাদতের স্থানরূপে আল্লাহ নির্দেশিত বিধান হিসাবে একমাত্র আল্লাহ এবাদৎ ও বন্দেগী উদ্দেশ্য করিয়া ছায়ী করা—ইহাই ছিল এই পাহাড়দ্বয়ের প্রাথমিক বৈশিষ্ট্য। অবশ্য অন্ধকার যুগে নানাবিধ কুসংস্কারের সৃষ্টি হইয়াছিল। এখন তোমরা ইসলাম গ্রহণ করিয়া অন্ধকার যুগের কুসংস্কার হইতে সম্পূর্ণরূপে মুক্ত ও পবিত্র হইয়াছ। অতএব, পূর্বে উদ্দেশ্য তথা আল্লাহ কর্তৃক নির্ধারিত বিশেষত্বকে রূপায়িত করার মধ্যে এখন কি দোষ থাকিতে পারে? এবং যাহারা অন্ধকার যুগে নানাবিধ কুসংস্কারে আচ্ছন্ন থাকিয়া ছাফা-মারওয়ার ছায়ীকে গোনাহ মনে করিত তাহারাও এখন আর উহাকে গোনাহ মনে করিতে পারে না। কারণ, ইসলাম সমস্ত কুসংস্কারেরই মূলোৎপাটন করিয়া দিয়াছে। মূর্তি দূর করিয়া ধ্বংস করিয়া দিয়াছে। গর্হিত মূর্তির কারণে মূল জিনিস নষ্ট হইবে না। মূল জিনিস আল্লাহ কর্তৃক নির্ধারিত হইয়াছিল, এখনও তাহাই বলবৎ আছে এবং থাকিবে।

৮৫৭। হাদীছ ৪—আমর ইবনে দীনার (রাঃ) বর্ণনা করিয়াছেন, আমরা আবদুল্লাহ ইবনে ওমর (রাঃ)কে জিজ্ঞাসা করিলাম—কোন ব্যক্তি ওমরার এহরাম বাঁধিয়াছে; অতঃপর ওমরার দুইটি কাজ তথা তওয়াফ ও ছায়ী হইতে শুধু বাইতুল্লাহ তওয়াফ করিয়াছে; ছাফা-মারওয়ার ছায়ী করে নাই; সে এহরামের বিপরীত কাজ—স্ত্রী-ব্যবহার করিতে পারে কি? অর্থাৎ ছাফা-মারওয়ার ছায়ী ব্যতিরেকে তাহার ওমরা পূর্ণ হইয়াছে কি? আবদুল্লাহ ইবনে ওমর (রাঃ) তত্ত্বস্তরে বলিলেন; নবী (দঃ) বিদায়-হজ্জকালে মকায় আদিয়া সাত চকর তওয়াফ করিয়াছেন এবং মকামে-ইব্রাহীমকে সম্মুখে করিয়া দুই রাকাত নামায পড়িয়াছেন এবং ছাফা-মারওয়ার সাত ফেরা ছায়ী করিয়াছেন। আল্লাহ তায়ালা বলিয়াছেন, “তোমাদের জ্ঞাত রসূলুল্লাহ কার্যাবলীতে উত্তম আদর্শ রহিয়াছে।” অর্থাৎ রসূলুল্লাহ (দঃ) ছায়ী করিয়াছেন, সুতরাং সকল মোসলমানকে হজ্জ এবং ওমরায় ছায়ী অবশ্যই করিতে হইবে; উহা ব্যতিরেকে হজ্জ বা ওমরা সম্পন্ন হইবে না। অতএব ছায়ী করার পূর্বে এহরামের বিপরীত কাজ—স্ত্রী ব্যবহার করিতে পারিবে না।

আমর ইবনে দীনার (রাঃ) আরও বলিয়াছেন যে, উক্ত বিষয়টি আমরা জাবের (রাঃ)কে জিজ্ঞাসা করিলাম; তিনি সরাসরি স্পষ্টই বলিলেন— ছাফা-মারওয়ার ছায়ী করার পূর্বে কিছুতেই জব্রী-ব্যবহার করিতে পারিবে না।

মহুআলাহঃ—হজ্জ এবং ওমরায় ছাফা-মারওয়া পাহাড়দ্বয়ের ছায়ী করা একটি বিশেষ ওয়াজেব। ইহা আদায় না করা পর্যন্ত হজ্জ-ওমরা পূর্ণ হইবে না। ইহার বিধানগত সময় হইল ওমরার তওয়াফের সঙ্গে বা হজ্জের যে কোন তওয়াফের সঙ্গে। যদি ঐরূপ না করিয়া থাকে তবে পরে যে কোন সময় অবশুই আদায় করিবে, এমনকি যদি উহা না করিয়া এহরাম ভাঙ্গিয়াও ফেলিয়া থাকে তবুও উহা আদায় করিতে হইবে। যদি উহা আদায় না করিয়া দেশে চলিয়া আসে তবুও উহা জিন্মায় ওয়াজেব থাকিবে। এই ওয়াজেব আদায় করার জন্ত পুনরায় তাহাকে হজ্জ বা ওমরার নিয়াতে মক্কা শরীফে আসিয়া উহাও আদায় করিতে হইবে। কিম্বা একটি কোরবানীর টাকা কাহারও হাতে মক্কা শরীফ পাঠাইতে হইবে এবং কাফ্ফারারূপে সেই কোরবানী হরম শরীফের সীমার ভিতর জবেহ করা হইলে উক্ত ওয়াজেব আদায় না করার বিনিময় আদায় হইয়া নিষ্কৃতি লাভ হইবে।

৮ই জিলহজ্জ জোহরের নামায কোথায় পড়িবে ?

৮৫৮। হাদীছঃ—আবদুল আজিজ ইবনে রোফায় (রাঃ) আনাছ (রাঃ)কে জিজ্ঞাসা করিলেন, নবী ছালাল্লাহু আলাইহে অসাল্লাম ৮ তারিখে জোহর ও আছর নামায কোথায় পড়িয়া ছিলেন? তিনি বলিলেন—মিনায়। তৎপর জিজ্ঞাসা করিলেন, মিনা হইতে প্রত্যাবর্তনকালে আছরের নামায কোথায় পরিয়াছিলেন? তিনি বলিলেন, “আবতাহু” নামক স্থানে। (যাহাকে “মোহাচ্ছাব” বলা হয়, যাহার বর্ণনা ২০৫নং হাদীছে উল্লেখ আছে) অতঃপর আনাছ (রাঃ) আরও একটি কথা বলিয়াছেন, উহার উদ্দেশ্য এই যে—এই বিবরণের অনুসরণ ছন্নত বটে, কিন্তু উহা সুযোগ-সুবিধা সাপেক্ষ—ওয়াজেব বা ছন্নতে-মোয়াকাদা নহে।

মহুআলাহঃ—মক্কা অবস্থানকারী ব্যক্তি ৮ই জিলহজ্জের পূর্বেও এহরাম বাঁধিতে পারে; ৮ই জিলহজ্জ এহরামের শেষ তারিখ। আর সে মক্কার যে কোন স্থানেই এহরাম বাঁধিতে পারিবে। ১২৪ পৃঃ

আরফায় অবস্থানের দিন রোযা না রাখা

৮৫৯। হাদীছঃ—উম্মুল-ফজল (রাঃ) বর্ণনা করিয়াছেন, আরফায় অবস্থানের দিন সকলের মনেই এই বিষয়ে সন্দেহ উপস্থিত হইল যে, নবী

ছালালাহ আলাইহে অসাল্লাম রোযা রাখিয়াছেন কি না। তখন আগি প্রকৃত অবস্থা জ্ঞাত হইবার জ্ঞ হযরতের নিকট পানীয়রূপে কিছু দুধ পাঠাইয়া দিলাম। হযরত (দঃ) উহা পান করতঃ প্রকাশ করিয়া দিলেন—তিনি রোযা রাখেন নাই।

মহুআলাহ :—আরফার দিন অর্থাৎ জিলহজ্জ চান্দেয় নবম তারিখে রোযা রাখার অতিশয় ফজিলত ও ছওয়াব বর্ণিত আছে। কিন্তু যাহারা হজ্জ উপলক্ষে আরফার ময়দানে অবস্থানরত থাকিবে তাহারা ঐ রোযা রাখিবে না।

মিনা হইতে আরফায় যাওয়ার পথে

৮৬০। হাদীছ :—এক ব্যক্তি আনাছ (রাঃ)কে মিনা হইতে আরফায় যাওয়াকালীন জিজ্ঞাসা করিল, আপনারা এই দিন অর্থাৎ জিলহজ্জের নবম তারিখে রসুলুল্লাহ ছালালাহ আলাইহে অসাল্লামের সঙ্গে থাকাকালীন কি কি কাজ করিতেন? আনাছ (রাঃ) বলিলেন, আমাদের মধ্যে কেহ কেহ লাক্বাইকা.....বলিতে থাকিত, তাহাতে বাধা দেওয়া হইত না এবং কেহ কেহ তকবীর-তশরীক বলিত, তাহাতেও বাধা দেওয়া হইত না।

আরফার ময়দানে

জিলহজ্জের ৯ তারিখে বেলা এক প্রহরের মধ্যেই সাধারণতঃ আরফার ময়দানে পৌঁছা হয়। আরফায় পৌঁছিয়াই দোয়া-দরুদ, জিকর, তলবিয়া এবং নফল নামায ইত্যাদিতে মশগুল থাকিবে; সময় মোটেই নষ্ট হইতে দিবে না।

জোহরের নামাযের পর হইতে সূর্যাস্ত পর্যন্ত পূর্ণ সময়টুকু আরফার দিনের বিশেষ সময় এবং গোটা হজ্জব্রতের বরকত ও মঙ্গল কুড়াইবার সময়, আল্লাহ তায়ালার নিকট কাঁদিয়া কাঁদিয়া জীবনের সমস্ত গোনাহ মাফ করাইবার সময়, দীন-দুনিয়ার উন্নতি ও সুখ-শান্তি এবং কল্যাণ আল্লাহ তায়ালার নিকট হইতে চাহিয়া লইবার সময়, কবরের আজাব, হাশরের কষ্ট, পোল-ছেরাতে বিপদ ও দোষখ হইতে উদ্ধারের এবং বেহেশত লাভের আবেদন-নিবেদন আল্লাহ তায়ালার দরবারে পেশ করার সময়। এই সময়টুকুকে ওকুফে-আরফাহ বা আরফায় অবস্থানের সময় বলা হইয়া থাকে। অর্থাৎ আরফার ময়দানে আল্লাহর দরবারে কান্দাকাটা করা, তওবা-এন্তেগফার করা, দোয়ায় লিপ্ত হওয়া—যাহা আরফার ময়দানে অবস্থানের মূল উদ্দেশ্য; সেই উদ্দেশ্য সমাপন করার সময় ইহা। এই উদ্দেশ্য সমাপনের সময়কে সুদীর্ঘ করার জ্ঞ শরীয়তের বিশেষ কতিপয় ব্যবস্থা ও মহুআলাহ ইমাম বোখারী (রঃ) ২২৫ পৃষ্ঠায় উল্লেখ করিয়াছেন। যথা—(১) আরফার দিন জোহরের নামায শীঘ্র পড়িয়া নেওয়া। (২) জোহরের সঙ্গেই আছর নামাযও পড়িয়া নেওয়া (শর্ত সাপেক্ষ—বিবরণ সম্মুখে)। (৩) জোহর নামাযের

পূর্বক্ষেণে খলীফা বা তাঁহার প্রতিনিধির ভাষণ সংক্ষিপ্ত হওয়া। (৪) যথা সম্ভব আরফায় অবস্থানের উপরোল্লিখিত মূল কার্যে আত্মনিয়োগ করা।

৮৬১। হাদীছ :—সালেম (রাঃ) বর্ণনা করিয়াছেন, (ইতিহাস প্রসিদ্ধ কঠোর প্রকৃতির মানুষ মক্কার) গভর্ণর হাজ্জাজ ইবনে ইউসুফকে তাহার রাষ্ট্রপতি আবদুল মালেক আদেশ নামা লিখিয়া পাঠাইলেন—গভর্ণর যেন হজ্জের সমুদয় ব্যাপারে আবদুল্লাহ ইবনে ওমর (রাঃ) ছাহাবীর পরামর্শে চলেন; তাঁহার কথার বাহিরে না চলেন। তাই গভর্ণর হাজ্জাজ আবদুল্লাহ ইবনে ওমরের নিকট আরফার ময়দানের কার্য সম্পাদনের নিয়ম জানিবার আশ্রয় প্রকাশ করিলেন।

সালেম বলেন, সেমতে পিতা আবদুল্লাহ ইবনে ওমর (রাঃ) আরফার দিন সূর্য্য মধ্যাকাশ অতিক্রম করিতেই আমাকে সঙ্গে নিয়া হাজ্জাজের তাঁবুর নিকটবর্তী আসিয়া তাঁহাকে ডাকিলেন। তিনি বাহিরে আসিলে আবদুল্লাহ ইবনে ওমর (রাঃ) বলিলেন, ছন্নত আদায় করিতে চাহিলে এখনই জোহর নামাযের জন্ম চলুন। হাজ্জাজ জিজ্ঞাসা করিলেন, এই মুহূর্তে? আবদুল্লাহ ইবনে ওমর (রাঃ) বলিলেন, হাঁ। হাজ্জাজ বলিলেন, সামান্য অবকাশ দিন; সংক্ষিপ্ত গোসল করিয়াই আমি বাহির হইতেছি। আবদুল্লাহ (রাঃ) স্বীয় বাহন হইতে নামিলেন; ইতিমধ্যেই হাজ্জাজ বাহির হইয়া আসিলেন এবং আমার ও আমার পিতা আবদুল্লাহর মধ্যে হাজ্জাজ—এই অবস্থায় আমরা অগসর হইতে লাগিলাম। আমি হাজ্জাজকে বলিলাম, আজিকার দিনের ছন্নত তরীকা পালন করিতে চাহিলে ভাষণ সংক্ষিপ্ত করিবেন, জোহরের নামায অবিলম্বে যথা সম্ভব পড়িবেন এবং আরফায় অবস্থানের মূল উদ্দেশ্য-কার্যে যথারীতি আত্মনিয়োগ করিবেন। আমার কথা শ্রবণে হাজ্জাজ পিতা আবদুল্লাহ ইবনে ওমরের প্রতি তাকাইলেন। তখন আবদুল্লাহ (রাঃ) বলিলেন, সে ঠিকই বলিয়াছে। তিনি আরও বলিলেন, আরফার দিন জোহরের আউয়াল ওয়াক্তে আছরের নামাযকেও জোহরের নামাযের সঙ্গে একত্রে পড়িয়া নেওয়ার রীতি মোসলমানগণ রসুলের আদর্শ মতে এই উদ্দেশ্যেই পালন করিয়া আসিতেছে। অর্থাৎ আরফায় অবস্থানের মূল উদ্দেশ্য-কার্যের সময়কে প্রশস্ত করার জন্ম।

সালেমের শাগর্দ ইমাম জুহরী সালেমকে জিজ্ঞাসা করিলেন, আরফার দিন জোহরের ওয়াক্তে আছর নামায পড়িয়া নেওয়া—ইহাকি স্বয়ং রসুলুল্লাহ (দঃ) করিয়াছেন? সালেম বলিলেন, এইরূপ ব্যাপারে মোসলমানগণ একমাত্র রসুলের আদর্শেরই অনুসরণ করিয়া থাকে।

ব্যাখ্যা :—পূর্বোল্লিখিত চারিটি বিষয়ের দ্বিতীয় বিষয়টি অর্থাৎ আরফার দিন আছরের নামায জোহরের সঙ্গে পড়িয়া নেওয়া ব্যাপারে আবদুল্লাহ

ইবনে ওমর (রাঃ) করিয়াছেন উহা বিশেষ শর্ত সাপেক্ষ। আরফার ময়দানের মসজিদে-নামেরাতে স্বয়ং রাষ্ট্রপতি বা তাঁহার নিয়োজিত প্রতিনিধীর ইমামতীতে জমাতের সহিত জোহর নামায পড়িরা সঙ্গে সঙ্গে আছরেরও জমাত পড়া হইবে। অথ স্থানে নামায পড়া হইলে বা অথ কোন ইমামের জমাতে কিম্বা একা নামায পড়া হইলে সে ক্ষেত্রে জোহর নামাযের ওয়াক্তে আছর নামায শুদ্ধ হইবে না ; আছর নামায উহার নিয়মিত ওয়াক্তেই পড়িতে হইবে। বর্তমান যুগেও আরফার দিন মসজিদে-নামেরায় জোহর নামায বাদশার প্রতিনিধীর ইমামতীতে জমাতে হইয়া থাকে, কিন্তু তথায় যাইয়া জোহর নামায পড়া বাংলাদেশের লোকের হায় দুর্বলদের জন্য অসম্ভব ও অত্যন্ত বিপদ সঙ্কুল দেখিয়াছি। আমাদের হায় লোকদের জন্য নিজ নিজ তাবুতে জোহর আছর নামায নিয়মিত ওয়াক্তেই পড়িতে হইবে। অবশ্য ছুপরের প্রারম্ভেই গোসল করতঃ আউয়াল ওয়াক্তে জোহর পড়িয়া যথা শীঘ্র দোয়া-কালামে আত্মনিয়োগ করা চাই এবং আছরের ওয়াক্তে আছর নামায পড়িয়া পুনঃ দোয়া-কালামে রত হইয়া যথা সম্ভব অধিক সময় দোয়া-কালামে রত থাকা চাই। জীবনের এই অতি অসাধ্য সুযোগের এক মুহূর্ত্তও অপব্যয় বা অপচয় করা চাই না।

আরফার ময়দানে প্রত্যেক হাজীকেই অবস্থান করিতে হইবে

৮৬২। হাদীছ :—ওরওয়া (রাঃ) বর্ণনা করিয়াছেন, অন্ধকার যুগের রীতি ছিল কোরায়েশ বংশের লোকগণ ছাড়া অথ সকলেই উলঙ্গ হইয়া কা'বা শরীফের তওয়াফ করিত। কোরায়েশ বংশের লোকেরা অথ লোকদেরকে কাপড় দিয়া সাহায্য করিত—পুরুষ পুরুষকে এবং নারী নারীকে ; ঐ কাপড় যাহারা পাইত তাহারা অবশ্য সেই কাপড় পড়িয়া তওয়াফ করিত। যাহারা কোরায়েশদের হইতে কাপড় না পাইত তাহারা সকলে উলঙ্গই তওয়াফ করিত।

অন্ধকার যুগে কোরায়েশদের আরও বৈশিষ্ট্য ছিল যে, সকল লোকই (জিলহজ্জের ৯ তারিখে) আরফায় অবস্থান করিত এবং তথা হইতে ঐ দিন সন্ধ্যা বেলায় মোঘদালেফার দিকে প্রত্যাবর্তন করিত, কিন্তু কোরায়েশরা আরফার ময়দানে মোটেই যাইত না, তাহারা মোঘদালেফায়ই থাকিয়া যাইত এবং ১০ তারিখ প্রভাতে তথা হইতে মিনায় প্রত্যাবর্তন করিত।

ওরওয়া (রাঃ) বর্ণনা করিয়াছেন, আয়েশা (রাঃ) বলিয়াছেন কোরায়েশদের উক্ত গহিত কার্যের খণ্ডনেই পবিত্র কোরআনের এই আয়াত নাযেল হইয়াছে—
ثُمَّ اذْيُضَوْا مِنْ حَيْثُ اَفْاضَ النَّاسُ
ঐ স্থান হইতে প্রত্যাবর্তন করিবে যে স্থান হইতে অথ সকল লোক প্রত্যাবর্তন

করিয়া থাকে।” অর্থাৎ সকলে যেরূপ আরফায় পৌঁছিয়া তথা হইতে মোঘদা-
লেফায় প্রত্যাবর্তন করিয়া থাকে ; তোমরাও আরফায় পৌঁছিয়া তথা হইতে
৯ তারিখ সন্ধ্যায় মোঘদালেফায় প্রত্যাবর্তন করিয়া ১০ তারিখ ভোরে মিনায়
প্রত্যাবর্তন করিবে।

৮৬৩। হাদীছ :—জোবায়ের ইবনে মোত্য়েম (রাঃ) তাঁহার ইসলাম-
পূর্ব ঘটনা বর্ণনা করিয়াছেন যে, ইসলাম-পূর্বকালে একবার আমার একটি উট
হারাইয়া উহার তালাশে আমি আরফার ময়দানে পৌঁছিয়া ছিলাম ; তখন
হজ্জের দিন। আমি দেখিলাম, নবী (দঃ) আরফায় অবস্থান রত ; আমি
ভাবিলাম, এই ব্যক্তি ত কোরায়েশ বংশের—তিনি কেন এখানে আসিয়াছেন।

ব্যাখ্যা :—নবী (দঃ) নবুওত প্রাপ্তির পূর্বে অত্যাচারের হায হজ্জ করিয়াছেন ;
তখনও তিনি এই সত্যটি পালন করিয়াছেন যে, কোরায়েশ বংশ সহ প্রত্যেক হাজী
আরফার ময়দানে অবশ্যই যাইবে। নবুওতের পূর্বে নবী (দঃ) এই একটি সাধারণ
ব্যাপারেও কাফেরদের গহিত নীতির বিরুদ্ধে সত্যকে তুলিয়া ধরিয়াছেন।

আরফা হইতে মোঘদালেফা যাত্রা

৮৬৪। হাদীছ :—উসামা (রাঃ)কে জিজ্ঞাসা করা হইল, নবী (দঃ) বিদায়
হজ্জ আরফা হইতে মোঘদালেফায় প্রত্যাবর্তনে কি ধরণে চলিয়া ছিলেন ? তিনি
বলিলেন, সাধারণ দ্রুত চলেন। আর পথ ফাঁকা পাইলে অধিক দ্রুত চলিয়াছেন।

আরফা-মোঘদালেফার পথিমধ্যে প্রয়োজনে অবতরণ করা

৮৬৫। হাদীছ :—নাফে (রাঃ) বর্ণনা করিয়াছেন, আবছুল্লাহ ইবনে
ওমর (রাঃ) আরফা হইতে মোঘদালেফা যাওয়া কালে পথি মধ্যে পাহাড়ের সেই
ঝাঁকে যাইতেন যথায় রসূলুল্লাহ ছালাল্লাহু আলাইহে অসাল্লাম প্রস্রাব ত্যাগে
গিয়াছিলেন। তিনি তথায় যাইয়া প্রস্রাব করিতেন এবং অজু করিতেন, কিন্তু
নামায পাড়িতেন না ; মগরেব নামায মোঘদালেফায় পৌঁছিয়া পড়িতেন।

আরফা হইতে মোঘদালেফার পথে শান্তি শৃঙ্খলার সহিত চলিবে

৮৬৬। হাদীছ :—ইবনে আব্বাস (রাঃ) বর্ণনা করিয়াছেন, বিদায় হজ্জ
আরফা হইতে মোঘদালেফায় আসার পথে তিনি নবী ছালাল্লাহু আলাইহে
অসাল্লামের সঙ্গে ছিলেন। নবী (দঃ) পেছন দিকে উট দৌড়াইবার হাঁকাহাঁকি
ও পিটাপিটির শব্দ শুনিতে পাইয়া চাবুক ধরা হস্তে ইশারা করতঃ লোকদিগকে
শান্তি শৃঙ্খলা বজায় রাখিতে আদেশ করিলেন। নবী (দঃ) বলিলেন, হে লোক
সকল ! শান্তি শৃঙ্খলা বজায় রাখা তোমাদের বিশেষ কর্তব্য ; উট দ্রুত
হাঁকাইবার মধ্যে কোন ছওয়াব ও পুণ্য নাই।

মোযদালেফায় নামাযের সময়

মছআলাহ :—সূর্যাস্তের পর আরফা হইতে মোযদালেফা যাওয়ার জ্ঞা রওয়ানা হইতে হয় এবং তখন মগরেবের নামাযের সাধারণ ওয়াক্ত হইয়া যায়, কিন্তু ঐ দিন মগরেবের নামাযের ওয়াক্ত মোযদালেফায় পৌঁছার পর এশার নামাযের সহিত একই সঙ্গে হইয়া থাকে। অতএব মগরেবের নামাযের নিয়মিত ওয়াক্তে অর্থাৎ সূর্যাস্তের পরেই আরফার ময়দানে বা পথিমধ্যে মগরেবের নামায পড়িলে তাহা শুদ্ধ হইবে না। কারণ, একরূপ করিলে মগরেবের নামায ঐ দিনের জ্ঞা নির্দিষ্ট ওয়াক্তের পূর্বে পড়া হইয়াছে বলিয়া গণ্য হইবে। এ-সম্পর্কে ১ম খণ্ডের ১১০ নং হাদীছ অতি সুস্পষ্ট, যাহা এখানেও উল্লেখ আছে।

৮৬৭। হাদীছ :—আবদুল্লাহ ইবনে ওমর (রাঃ) বর্ণনা করিয়াছেন, নবী ছাল্লাল্লাহু আলাইহে অসাল্লাম মোযদালেফায় মগরেব ও এশার নামাযদ্বয় ভিন্ন ভিন্ন একামত দ্বারা একই ওয়াক্তে পড়িয়াছেন এবং উভয় নামাযের মধ্যবর্তী বা শেষে কোন (ছন্নত বা নফল) নামায পড়েন নাই।

৮৬৮। হাদীছ :—আবু আইউব আনহারী (রাঃ) বর্ণনা করিয়াছেন, রসুলুল্লাহ ছাল্লাল্লাহু আলাইহে অসাল্লাম বিদায় হজ্জে (আরফার দিন) মগরেব ও এশার নামাযদ্বয় একত্রে এশার সময়ে মোযদালেফায় পড়িয়াছেন।

মছআলাহ :—মোযদালেফায় মগরেব ও এশার নামায একত্রে পড়িবে। এমনকি, অনাবশ্যক কোন লিপ্ততা দ্বারা উভয় নামাযের মধ্যে ব্যবধানের সৃষ্টি করিবে না এবং সেই ক্ষেত্রে উভয় নামাযের জ্ঞা আজান একবারই দিতে হইবে। অবশ্য একামত ভিন্ন ভিন্ন বলিবে এবং মধ্যস্থলে কোনরূপ ছন্নতও পড়া হইবে না।

মোযদালেফায় শেষ রাত্রে তাহাজ্জুদ পড়ার প্রতি বিশেষ তৎপর হওয়া চাই। এমতাবস্থায় বেতের নামায ইত্যাদি শেষ রাত্রেই আদায় করিবে। এশার নামাযের পর নফল, বেতের ইত্যাদি নামাযে লিপ্ত হওয়ার আবশ্যক হয় না, বরং এশার নামাযান্তে যথা সম্বন্ধ একটু আরাম করার ব্যবস্থা করিবে, যেন শেষ রাত্রে বিশেষরূপে তাহাজ্জুদ নামায, দোয়া, এসতেগ্ফার, দরুদ, তলবিয়া, তাকবীরে-তশরীক ইত্যাদি পড়া সহজসাধ্য হয় এবং বেতের নামাযও তখনই পড়িবে। এমনকি, ঐ অবস্থায় মুসাফির হওয়ার দরুণ মগরেব ও এশার ছন্নত তখন ছন্নতে-মোয়াক্কাদা থাকে না বলিয়া শেষ রাত্রে বেশী এবাদতের আশায় এশার নামাযের পর দ্রুত আরাম করার উদ্দেশ্যে ঐ ছন্নত সঙ্গে সঙ্গে না পড়িলেও দোষ নাই।

কিন্তু শেষ রাত্রে উঠিয়া এবাদৎ করার ভরসা না থাকিলে মগরেব ও এশার ছন্নত এশার ফরজের পরেই পড়িবে (অবশ্য উহা না পড়িলেও চলিবে) এবং তৎপর বেতের নামায পড়িবে।

৮৬৯। হাদীছ :—আবহুর রহমান ইবনে ইয়াযীদ (রাঃ) বর্ণনা করিয়াছেন, প্রসিদ্ধ ছাহাবী আবদুল্লাহ ইবনে মসউদ (রাঃ) একবার হজ্জ করিলেন, আমরা তাঁহার সঙ্গে ছিলাম। আমরা আরফা হইতে মোঘদালেফায় এমন সময় পৌঁছিলাম, যখন এশার নামাযের ওয়াক্ত উপস্থিত হইয়াছিল। তিনি এক ব্যক্তিকে আজান দিতে বলিলেন। সে আজান দিল, তৎপর একামত বলিল। তখন তিনি মগরেবের নামায পড়িলেন, তৎসঙ্গে দুই রাকাত ছুন্নতও পড়িলেন। অতঃপর খাওয়া-দাওয়া করিলেন। তৎপর পুনরায় এক ব্যক্তিকে আজান দিতে আদেশ করিলেন। সে ব্যক্তি আজান দিয়া একামত বলিল, তিনি এশার নামায (কছর) দুই রাকাত পড়িলেন।

রাতি শেষে ছোবেহ-ছাদেক উদিত হওয়ার সঙ্গে সঙ্গে, এমনকি কেহ বলিতে ছিল, ছোবেহ-ছাদেক উদিত হইয়াছে; কেহ বলিতে ছিল, উদিত হয় নাই। (অর্থাৎ ফজরের নামাযের একেবারে আউয়াল ওয়াক্তে—যখন যথেষ্ট অন্ধকার থাকিয়া যায়,) তখন তিনি বলিলেন, নবী ছাল্লাল্লাহু আলাইহে অসাল্লাম সাধারণতঃ ফজরের নামায এরূপ আউয়াল ওয়াক্তে পড়িতেন না,* কিন্তু এই দিন এই স্থানে ফজরের নামায এই সময়েই পড়িয়াছেন। আবদুল্লাহ ইবনে মসউদ (রাঃ) অতঃপর বলিলেন, কেবলমাত্র এই মোঘদালেফার মধ্যেই দুই ওয়াক্ত নামায নিয়মিত সাধারণ সময় হইতে ব্যতিক্রম করিয়া পড়া হয়। প্রথম—মগরেবের নামায; উহাকে উহার আসল ওয়াক্ত সূর্য্যোস্তের সংলগ্ন সময় হইতে সরাইয়া এশার নামাযের সময়ে পড়া হয়। দ্বিতীয়—ফজরের নামায; উহাকে সাধারণ মোস্তাহাব ওয়াক্ত তথা ছোবেহ-ছাদেকের পর আলো আসার পূর্বে অন্ধকার থাকিতেই পড়া হয়। আমি নবী ছাল্লাল্লাহু আলাইহে অসাল্লামকে এইরূপই করিতে দেখিয়াছি।

আবদুল্লাহ ইবনে মসউদ (রাঃ) আরও বর্ণনা করিলেন, রসুলুল্লাহ ছাল্লাল্লাহু আলাইহে অসাল্লাম বলিয়াছেন, এই স্থানে (অর্থাৎ ৯ জিলহজ্জ দিবাগত রাতে হাজীদিগের জম্ম মোঘদালেফায়) এই দুইটি নামাযকে উহার নিয়মিত সাধারণ ওয়াক্ত হইতে সরানো হইয়াছে। মগরেবের নামায যাহা এশার সময় পড়া হয়; লোকগণ মোঘদালেফায় এশার সময়ই পৌঁছিয়া থাকে। আর ফজরের নামায যাহা এই সময় (ছোবেহ-ছাদেক উদিত হওয়ার সঙ্গে সঙ্গেই আলো হইবার পূর্বে) অন্ধকারের মধ্যে) পড়া হয়।

* কারণ ছোবেহ-ছাদেক উদিত হওয়ার পর সূর্য্যোদয়ের পূর্বে অন্ধকার বাইয়া আলো আসিলে পর সাধারণতঃ ফজরের নামাযের মোস্তাহাব ওয়াক্ত হয়।

আবহুলাহ ইবনে মসউদ (রাঃ) ফজর নামাযান্তে “ওকুফ” করিলেন—অর্থাৎ মোযদালেফায় অবস্থানের মূল কার্য—নির্দ্ধারিত সময়ে তথা ছোবেহ-ছাদেক উদিত হওয়ার পর দোয়া-এস্তেগফারে আত্মনিয়োগ করিলেন এবং পূর্ণরূপে আলো হওয়া পর্য্যন্ত উহাতে রত রহিলেন। অতঃপর বলিলেন, আমীরুল-মোমেনীন এখন (অর্থাৎ সূর্য্যোদয়ের পূর্বে) মিনা যাত্রা করিলে নিয়মিত ছন্নত সঠিকরূপে পালনকারী হইবেন। তিনি যখন এই কথা বলিতে ছিলেন ঠিক সেই মুহূর্ত্তেই—যেন উহারও পূর্ব্বকণে আমীরুল-মোমেনীন ওসমান (রাঃ) মিনার দিকে যাত্রা করিলেন। আবহুলাহ ইবনে মসউদ (রাঃ) ১০ তারিখে জামরা আকাবায় ককর মারা পর্য্যন্ত তলবিয়া পড়িয়া যাইতে ছিলেন।

মছআলাহ :—মোযদালেফায় অবস্থানের ওয়াজেব আদায়ের নির্দ্ধারিত সময় ছোবেহ-ছাদেক উদিত হওয়ার পর হইতে আরম্ভ হয় এবং ছোবেহ-ছাদেকের আলো পূর্ণতা লাভ করিলে, কিন্তু সূর্য্য উদিত হওয়ার পূর্বে মোযদালেফা হইতে মিনার দিকে যাত্রা করিতে হইবে।

মছআলাহ :—বিশেষ প্রয়োজন বশতঃ যদি মোযদালেফায় মগরেব ও এশা নামাযদ্বয়ের মধ্যস্থলে কোন কার্যে লিপ্ত হইতে হয় যদ্বকণ মগরেবের নামায পড়ার পর এশার নামায পড়িতে কিছু বিলম্ব ঘটে, এমতাবস্থায় উভয় নামাযের জখ্য ভিন্ন ভিন্ন আজান একামত বলা হইবে এবং মগরেবের ছন্নত উহার ফরজের সংলগ্ন পড়াতে কোনও দোষ হইবে না।

মোযদালেফা হইতে মিনা রওযানা হওয়ার সময়

৮৭০। হাদীছ :—আমর ইবনে মায়মুন (রাঃ) বর্ণনা করিয়াছেন, একবার হজ্জের সময় আমি ওমর (রাঃ)এর সঙ্গে ছিলাম। আমি দেখিয়াছি, তিনি মোযদালেফায় আউয়াল ওয়াক্তে ফজরের নামায পড়ার পর অপেক্ষা করিলেন এবং বলিলেন, অন্ধকার যুগে কাফের-মোশরেকরা এই রীতিতে হজ্জ করিত যে, তাহারা মোযদালেফা হইতে মিনার দিকে সূর্য্য উদয়ের পূর্বে যাত্রা করিত না। তাহারা “হবীর” নামক পাহাড়ের উপর সূর্য্যের কিরণ দৃষ্ট হওয়ার অপেক্ষায় থাকিত। কিন্তু নবী ছাল্লাল্লাহু আলাইহে অসাল্লামের রীতি তাহাদের রীতির বিপরীত ছিল। এই বলিয়া ওমর (রাঃ) সূর্য্যোদয়ের পূর্বেই মোযদালেফা হইতে মিনার উদ্দেশে যাত্রা করিলেন। ২২৮ পৃঃ

৮৭১। হাদীছ :—আবহুলাহ ইবনে আব্বাস (রাঃ) বর্ণনা করিয়াছেন, রসুলুল্লাহ ছাল্লাল্লাহু আলাইহে অসাল্লাম আমাকে (নারী এবং অল্প বয়স্ক ইত্যাদি দুর্বল লোকদের সঙ্গে) রাত্রি বেলায়ই মোযদালেফা হইতে মিনা পাঠাইয়াছিলেন।

৮৭২। হাদীছ :—আসমা রাজিয়াল্লাহু তায়ালা আনহার খাদেম আবুল্লাহ বর্ণনা করিয়াছেন, আসমা (রাঃ) মোযদালেফায় অবস্থান করাকালীন রাত্রে (তাহাজ্জুদ) নামায পড়িতে লাগিলেন। কিছুক্ষণ পর আমাকে জিজ্ঞাসা করিলেন চন্দ্র অস্তমিত হইয়াছে কি? আমি বলিলাম—না। তিনি পুনরায় নামায আরম্ভ করিলেন। অতঃপর দ্বিতীয়বার আমাকে জিজ্ঞাসা করিলেন, চন্দ্র অস্তমিত হইয়াছে কি? আমি বলিলাম—হাঁ। তিনি বলিলেন, এখনই মিনার দিকে রওয়ানা হও। আমি তাঁহার সঙ্গে যাত্রা করিলাম এবং আমরা মিনায় পৌঁছিয়া “জাম্বরা আকাবায়” কঙ্কর মারা সম্পন্ন করিলাম। অতঃপর তিনি তাঁবুতে আসিয়া ফজরের নামায পড়িলেন। আমি বলিলাম, আমার মনে হয় নির্দ্ধারিত সময়ের পূর্বেই আমরা মোযদালেফা হইতে আসিয়াছি এবং কঙ্কর মারিয়াছি। তিনি বলিলেন হে বৎস! রসুলুল্লাহ (দঃ) নারীদের জন্ত একরূপ করার অনুমতি দান করিয়াছেন।

৮৭৩। হাদীছ :—আয়েশা (রাঃ) বর্ণনা করিয়াছেন, (বিদায়-হজ্জে) আমরা মোযদালেফায় অবস্থানরত হইলে পর (হযরতের বিবি) ছওদা (রাঃ) নবী ছাল্লাল্লাহু আলাইহে অসাল্লামের নিকট অনুমতি প্রার্থনা করিলেন—লোকজনের ভিড় হওয়ার পূর্বে রাত্রেই মোযদালেফা হইতে মিনায় চলিয়া আসার জন্ত। কারণ, ছওদা (রাঃ) অপেক্ষাকৃত মোটা শরীর-বিশিষ্টা ছিলেন (রসুলুল্লাহ (দঃ) তাঁহাকে অনুমতি দিলেন; তিনি ভিড়ের পূর্বে রাত্রেই চলিয়া আসিলেন। আমরা মোযদালেফায় থাকিলাম; ফজরের নামাযের পর রসুলুল্লাহ ছাল্লাল্লাহু আলাইহে অসাল্লামের সঙ্গে আসিলাম। আমরা ভিড়ের দরুণ বহু অসুবিধার সম্মুখীন হইলাম এবং উপলব্ধি করিলাম যে, আমিও যদি ছওদা (রাঃ)এর স্থায় অনুমতি প্রার্থনা করিতাম তবে তাহাই আমার জন্ত উত্তম ও শ্রেয়ঃ ছিল।

মছআলাহ :—ওকুফে-মোযদালেফা ওয়াজেব এবং সেই ওয়াজেব আদায় হওয়ার জন্ত নির্দ্ধারিত সময় হইল ছোবেহ-ছাদেক হইতে সূর্যোদয় পর্য্যন্ত। সমস্ত রাত্রি মোযদালেফায় অবস্থান করিয়া ছোবেহ-ছাদেকের পূর্বে তথা হইতে চলিয়া আসিলে সেই ওয়াজেব আদায় হইবে না। তাই ওয়াজেব আদায় করার জন্ত ছোবেহ-ছাদেকের পর অল্প সময়ের জন্ত হইলেও মোযদালেফায় অবস্থান করিতে হইবে। অতএব ছোবেহ-ছাদেকের পূর্বে মোযদালেফা হইতে কিছুতেই আসা যাইবে না, অথবা ওয়াজেব আদায় হইবে না। কিন্তু নারী, না-বালেগ বৃদ্ধ, রোগী ইত্যাদি দুর্বল ব্যক্তিগণ ভিড় হইতে রক্ষা পাইবার জন্ত মোযদালেফায় অবস্থান পূর্বক তথা হইতে ছোবেহ-ছাদেকের পূর্বে চলিয়া আসিয়া সূর্যোদয়ের পূর্বেই কঙ্কর মারার কাজ সম্পন্ন করিয়া লইলে তাহাদের জন্ত ওয়াজেব আদায়

হইয়া যাইবে। অবশ্য তাহাদের জ্ঞাও সূর্য্যোদয়ের পর কঙ্কর মারা উত্তম ; আর তাহাদিগকেও বিশেষ লক্ষ্য রাখিতে হইবে যে, মিনায় পৌঁছিয়া কঙ্কর মারা যেন ছোবেহ-ছাদেকের মুহূর্ত্ত পূর্বেও অনুষ্ঠিত না হয়। কারণ ১০ তারিখে কঙ্কর মারা যে ওয়াজেব উহা আদায় হওয়ার নিদ্ধারিত সময় হইল সূর্য্যোদয়ের পরে। অবশ্য দুর্বলদের জ্ঞা সূর্য্যোদয়ের পূর্বে উহা আদায় করারও অনুমতি আছে, কিন্তু ছোবেহ-ছাদেকের পূর্বে কঙ্কর মারিলে তাহা বাতিল গণ্য হইবে।

৮৭৪। হাদীছ ৩—সালেম (রাঃ) বর্ণনা করিয়াছেন, আবদুল্লাহ ইবনে ওমর (রাঃ) তাঁহার পরিবারের দুর্বল লোকদিগকে আগে রাখিতেন। তাহারা ৯ তারিখ দিবা গত রাত্রে মোযদালেফায় মাশ্বারুল হারাম নামক পাহাড়ের নিকটবর্ত্তী অবস্থান করিয়া নিজেদের সামর্থ্য অনুযায়ী আল্লার জিকর করিত। অতঃপর তথায় রাষ্ট্রীয় প্রতিনিধি আদিবার পূর্বে এবং মিনার দিকে তাঁহার যাত্রা করার পূর্বে ঐ দুর্বল লোকগণ মিনার দিকে যাত্রা করিত। তাহাদের কেহ কঙ্কর নামাযের সময় মিনায় পৌঁছিত কেহ আরও একটু পরে পৌঁছিত। তাহারা মিনায় পৌঁছিয়াই জামরা আকাবায় কঙ্কর মারিত। আবদুল্লাহ ইবনে ওমর (রাঃ) তাঁহার পরিবারের দুর্বলদের ব্যাপারে এই ব্যবস্থা করিয়া বলিতেন, রসুলুল্লাহ (দঃ) এই সব বিষয়ে অনুমতি দিয়াছেন। ২২৭ পৃঃ

তামাতো'-হজ্জ

সাধারণ তামাতো'-হজ্জে মক্কা শরীফ উপস্থিত হইয়া ওমরার সংক্ষিপ্ত কার্য্য আদায় করতঃ এহরাম ভঙ্গ করা হয়। এই এহরাম ভঙ্গকে কেন্দ্র করিয়া অনেকে তামাতো'-হজ্জের প্রতি বৈরী ভাবাপন্ন ছিল, কিন্তু তাহা অবাস্তব—ইহাই নিম্নের হাদীছে ব্যক্ত হইতেছে।

৮৭৫। হাদীছ ৩—আবু জামরা (রাঃ) বর্ণনা করিয়াছেন, আমি তামাতো' হজ্জ সম্পর্কে ইবনে আব্বাস (রাঃ)কে জিজ্ঞাসা করিলাম। তিনি আমাকে ঐ হজ্জ করার আদেশ করিলেন। তামাতো'-হজ্জে একটি কোরবানী করিতে হইবে বলিয়া কোরআন শরীফের আয়াতে উল্লেখ আছে (২ পাঃ ৮ কঃ দ্রষ্টব্য) ; আমি তাঁহাকে সেই কোরবানী সম্পর্কেও জিজ্ঞাসা করিলাম। তিনি বলিলেন, একটি উট বা গরু বা বকরি কিম্বা উট-গরুর সপ্তম অংশ। (ইবনে আব্বাস রাজিয়াল্লাহু তায়ালা আনহুর আদেশ মতে আমি তামাতো'-হজ্জ করিলে) কিছু সংখ্যক লোকে উহা নাপছন্দ করিল। আমি স্বপ্নে দেখিলাম, এক ব্যক্তি আমাকে ধনি দিতেছেন, হজ্জও কবুল এবং তৎসঙ্গের ওমরাও কবুল (অর্থাৎ তামাতো'-হজ্জ কবুল হইয়াছে)। আবদুল্লাহ ইবনে আব্বাস রাজিয়াল্লাহু তায়ালা আনহুর নিকট

উপস্থিত হইয়া আমি তাঁহার নিকট আমার স্বপ্ন ব্যক্ত করিলাম। তিনি আনন্দে আল্লাহ্-আকবার ধ্বনি দিলেন এবং বলিলেন, তামাত্তো'-হজ্জ আবুল কাসেম ছালাল্লাহ্ আলাইহে অসাল্লামেরই ছন্নত। ইবনে আব্বাস (রাঃ) আমাকে তাঁহার অতিথি হওয়ার জন্ত বলিলেন এবং বলিলেন, আমি তোমাকে আমার নিজস্ব মাল হইতে পুরস্কার দিব। আমি জিজ্ঞাসা করিলাম, কেন? তিনি বলিলেন, ঐ স্বপ্নের দরুণ যাহা তুমি দেখিয়াছ।

ব্যাখ্যা :—বিদায়-হজ্জে নবী (দঃ) নিজে হজ্জে-কেরাণ করিয়া ছিলেন, সাথীদের মধ্যে যাহাদের সঙ্গে কোরবানীর পশু ছিল না তাহাদের হজ্জ তামাত্তো'-হজ্জ করার আদেশ করিয়া ছিলেন। সুতরাং তামাত্তো'-হজ্জ নবী ছালাল্লাহ্ আলাইহে অসাল্লামের ছন্নত এবং ইহা হজ্জে-এফরাদ তথা শুধু হজ্জ হইতে উত্তম। এই একটি ছন্নতের প্রতি লোকদের বিভ্রান্তি সৃষ্টি হইয়াছিল। উল্লেখিত ঘটনায় স্বপ্নের দৈব বাণীতে ছন্নতটির বিরুদ্ধে বিভ্রান্তির খণ্ডন হইয়াছে, তাই আবহুলাহ ইবনে আব্বাস (রাঃ) এত আনন্দিত। ছাহাবীদের নিকট ছন্নতের মর্যাদা কিরূপ ছিল তাহা লক্ষ্যীয়।

কোরবানীর উট সঙ্গে লইলে প্রায়োহণ আরোহণ করা

৮৭৬। হাদীছ :—আবু হোরায়রা (রাঃ) হইতে বর্ণিত আছে, রসুলুল্লাহ ছালাল্লাহ্ আলাইহে অসাল্লাম এক ব্যক্তিকে দেখিতে পাইলেন, (সে অতি কষ্টে হাঁটিয়া চলিতেছে; অথচ) তাহার সঙ্গে হরম শরীকে কোরবানী দেওয়ার নিয়্যেতে একটি উট রহিয়াছে। রসুলুল্লাহ (দঃ) তাহাকে উহার উপর আরোহণের আদেশ করিলেন। সে বলিল—ইহাত কোরবানীর জানোয়ার! রসুলুল্লাহ (দঃ) পুনরায় তাহাকে উহাই বলিলেন। তৃতীয়বার তিরস্কারের স্বরে বলিলেন, আরোহণ কর।

৮৭৭। হাদীছ :—আনাছ (রাঃ) হইতে বর্ণিত আছে, নবী ছালাল্লাহ্ আলাইহে অসাল্লাম এক ব্যক্তিকে দেখিলেন, সে কোরবানীর উট হাঁকাইয়া চলিয়াছে; (আর সে অতি কষ্টের সহিত পায়ে হাটিতেছে; উটটির উপর আরোহণ করে না।) নবী (দঃ) তাহাকে বলিলেন, উটটির উপর আরোহণ কর। সে বলিল, ইহাত কোরবানীর জন্ত! নবী (দঃ) বলিলেন, উহার উপর আরোহণ কর। সে বলিল, ইহাত কোরবানীর জন্ত! নবী (দঃ) বলিলেন, উহার উপর আরোহণ কর—এইরূপে তিনবার বলিলেন।

মক্কায প্রেরিত কোরবানীর জানোয়ার চিহ্নিত করা

এবং অণ্ডের সঙ্গে পাঠাইয়া দেওয়া

৮৭৮। হাদীছ :—মেছওয়ার (রাঃ) বর্ণনা করিয়াছেন, নবী ছালাল্লাহ্ আলাইহে অসাল্লাম (ষষ্ঠ হিজরী সনে) ওমরা করার উদ্দেশ্যে প্রায় দেড়

হাজার ছাহাবীগণকে সঙ্গে লইয়া মদীনা হইতে মক্কাভিমুখে যাত্রা করিলেন। জুল-হোলায়কা নামক স্থানে পৌঁছিয়া নিজের সঙ্গে পরিচালিত কোরবাণীর জানোয়ার সমূহের গলায় নিদর্শনরূপে মালা লটকাইয়া দিলেন এবং উহাদের পিঠের কুঁজের এক পার্শ্বের চামড়া চিড়িয়া চিহ্নিত করিয়া দিলেন। অতঃপর ওমরার এহরাম বাঁধিলেন।

৮৭৯। হাদীছ :-গভর্ণর যেযাদ আয়েশা রাজিয়াল্লাহু তায়ালা আনহার নিকট লিখিয়া পাঠাইলেন যে, ইবনে আব্বাস (রাঃ) বলিয়াছেন, যে ব্যক্তি অন্তের সঙ্গে কোরবাণীর পশু মক্কা শরীফে জবেহ করার জন্ত পাঠাইয়া দেয় উক্ত পশু কোরবাণী না হওয়া পর্য্যন্ত ঐ ব্যক্তির উপর ঐ সব কার্য্য হারাম থাকে যাহা হাজীদের উপর এহরাম অবস্থায় হারাম হয়। এই কথার প্রতিবাদে আয়েশা (রাঃ) বর্ণনা করিয়াছেন, রসুলুল্লাহ ছাল্লাল্লাহু আলাইহে অসাল্লাম কর্তৃক মক্কায় প্রেরণ করার কোরবাণীর জানোয়ার সমূহের গলায় মালা দিবার জন্ত আমি নিজ হস্তে দড়ি পাকাইয়া দিয়াছি। রসুলুল্লাহ (সঃ) ঐ দড়ি দ্বারা স্বয়ং উহাদের গলায় মালা বানাইয়া দিয়াছেন এবং আমার পিতা আবু বকরের সঙ্গে ঐ সব জানোয়ার মক্কায় প্রেরণ করিয়াছেন। (ইহা নবম হিজরী সনের ঘটনা।) রসুলুল্লাহ (সঃ) মদীনাতেই অবস্থান করিয়াছেন এবং এহরাম অবস্থায় নয়, বরং সাধারণরূপে অবস্থান করিয়াছেন—কোরবাণীর জানোয়ার মক্কায় প্রেরণের দরুণ কোন রকমের বাছ-বিচার মোটেই করেন নাই।

ব্যাখ্যা :-প্রাচীন কাল হইতেই এই রীতি প্রচলিত ছিল যে, শত ছুঁ প্রকৃতির লোক হইলেও সে মক্কার প্রতি প্রেরিত কোরবাণীর জানোয়ার সমূহকে আক্রমণ করিত না, এমনকি উহাদের সঙ্গে রক্ষণাবেক্ষণকারীকেও কোন প্রকার কষ্ট দিত না। এই স্মৃতি লাভের জন্ত প্রত্যেকেই ঐরূপ জানোয়ারকে দেশ প্রথানুযায়ী নিদর্শনযুক্ত করিয়া লইত, যাহাতে সকলেই সহজে উহার পরিচয় পাইতে পারে। মালা দেওয়া হইলে পুরাতন জুতার চামড়া ইত্যাদি অতি মামুলী বস্তুর মালা দেওয়া হইত; কারণ উহা শুধু নিদর্শনরূপেই ব্যবহৃত হইত।

কোরবাণীর জানোয়ার-সংশ্লিষ্ট দ্রব্যাদি খয়রাত করা

৮৮০। হাদীছ :-আলী (রাঃ) বর্ণনা করিয়াছেন, রসুলুল্লাহ ছাল্লাল্লাহু আলাইহে অসাল্লাম আমাকে আদেশ করিয়াছেন—যে সব উট তিনি হজ্জ উপলক্ষে কোরবাণী করিয়াছিলেন উহাদের চামড়া এবং জুল (ঘোড়া, উট ইত্যাদির পিঠের উপর আবরণের জন্ত চাদররূপে যে বস্ত্র বা কব্বল দেওয়া হয়) ঐ সব খয়রাত করিয়া দিবার জন্ত।

স্ত্রীর পাঞ্চ স্বামী কর্তৃক কোরবাণী করা

৮৮১। হাদীছঃ—আয়েশা (রাঃ) বর্ণনা করিয়াছেন, জি-কা'দা চান্দ্রের পাঁচ দিন বাকী থাকিতে আমরা রসুলুল্লাহ ছালাম্লাহ আলাইহে অসাল্লামের সঙ্গে হজ্জের জন্য যাত্রা করিয়াছিলাম। হজ্জ সমাপনান্তে দশই জিলহজ্জ কোরবাণীর দিন আমার নিকট গোশ্ত উপস্থিত করা হইল। আমি জিজ্ঞাসা করিলাম, এই গোশ্ত কিসের? গোশ্ত উপস্থিতকারী ব্যক্তি বলিল, রসুলুল্লাহ (দঃ) স্বীয় বিবিগণের পক্ষ হইতে গরু কোরবাণী করিয়াছেন, ইহা উহারই গোশ্ত।

মহুআলাহঃ—স্ত্রীর উপর কোরবাণী ওয়াজেব থাকে এবং স্বামী সেই কোরবাণী দেয়—এরূপ ক্ষেত্রে যদি স্ত্রীর সহিত তাহার কোরবাণী দেওয়া সম্পর্কে কথাবার্তা পূর্বেই সাব্যস্ত করিয়া নিয়া থাকে তবে স্ত্রীর কোরবাণী আদায় হইয়া যাইবে। আর যদি পূর্বে কথা সাব্যস্ত না করিয়া স্ত্রীর কোরবাণী দেয় তবে সেই কোরবাণী স্ত্রীর পক্ষে আদায় হওয়া সম্পর্কে মতভেদ আছে; ইমাম আবু ইউসুফ (রঃ) বলিয়াছেন, সেই কোরবাণী আদায় হইয়া যাইবে। বিশেষতঃ যদি স্ত্রীর কোরবাণী স্বামী কর্তৃক আদায় করার নিয়ম উভয়ের মধ্যে প্রচলিত হয় তবে ত যুক্তিযুক্তরূপেই তাহা আদায় হইয়া যাইবে (শামী, ৪—২৭৫)।

অবশ্য পূর্বাঙ্কে স্ত্রীর সহিত কথাবার্তা সাব্যস্ত করিয়া তারপর তাহার কোরবাণী আদায় করাই কর্তব্য। কারণ, অধিকাংশ ইমামগণের মতে পূর্বাঙ্কে কথা সাব্যস্ত করা ব্যতিরেকে স্ত্রীর কোরবাণী আদায় হইবে না, বরং সে ক্ষেত্রে অগ্ন শরীকদেরও কোরবাণী শুদ্ধ হইবে না।

প্রাপ্ত বয়স্ক সন্তানদের উপর ওয়াজেব কোরবাণী পিতা কর্তৃক আদায় করার মহুআলাহও এইরূপই।

হাজীদের কোরবাণী মিনায় হইবে

৮৮২। হাদীছঃ—নাফে (রঃ) বর্ণনা করিয়াছেন, আবুল্লাহ ইবনে ওমর (রাঃ) রসুলুল্লাহ ছালাম্লাহ আলাইহে অসাল্লামের কোরবাণী করার স্থানে কোরবাণী করিতেন।

৮৮৩। হাদীছঃ—নাফে (রঃ) বর্ণনা করিয়াছেন, আবুল্লাহ ইবনে ওমর (রাঃ) স্বীয় কোরবাণীর পশু মোষদালেফা হইতে শেষ রাত্রে অগ্ন হাজীদের সহিত পাঠাইয়া দিতেন; সেই পশু রসুলুল্লাহ ছালাম্লাহ আলাইহে অসাল্লামের কোরবাণী করার স্থানে পৌঁছানো হইত।

ব্যাক্ষাঃ—মোষদালেফা হইতে যাত্রা করার নির্ধারিত সময় হইল রাত্রি শেষ হইয়া ছোবহে-ছাদেক হওয়ার পর। অবশ্য মহিলা, বৃদ্ধ ও দুর্বলদের

জ্ঞান উহার পূর্বে রাজ থাকিতেই মোঘদালেফা হইতে যাত্রা করা জায়েয। আবছল্লাহ ইবনে ওমর (রাঃ) ঐ শ্রেণীর লোকদের সহিত স্বীয় কোরবাণীর পশু মোঘদালেফা হইতে রাতেই পাঠাইয়া দিতেন। কারণ, তিনি নিজে নির্দ্ধারিত সময় ছোবহে-ছাদেকের পরে আসিবেন; তখন অধিক ভিড়ের দরুণ পশু লইয়া চলা কঠিন হইবে।

● হযরত রসুলুল্লাহ ছাল্লাল্লাহু আলাইহে অসাল্লামের কোরবাণী করার স্থান হইল জামরা-আকাবাহ তথা ১০ই জিলহজ্জ তারিখে সর্বপ্রথম ককর মারার স্থানের নিকটবর্তী। সেই নির্দ্ধিষ্ট স্থানে কোরবাণী করা উত্তম বটে যাহা আবছল্লাহ ইবনে ওমর (রাঃ) করিতেন, কিন্তু মিনার যে কোন স্থানে কোরবাণী করিলেই স্নমত আদায় হইবে (শামী, ২—৩৪৪)।

নিজ হস্তে কোরবাণীর জানোয়ার জবেহ করা

৮৮৪। হাদীছ :—আনাছ (রাঃ) বর্ণনা করিয়াছেন, নবী ছাল্লাল্লাহু আলাইহে অসাল্লাম নিজ হস্তে সাতটি * উট কোরবাণী করিয়াছেন। প্রতিটি উটকে দাঁড়ান অবস্থায় উহার গলার তলদেশে ছুরি বিদ্ধ করিয়াছেন। (এই ব্যবস্থাকে “নহ’র” বলা হয়; উট জবেহ করার এই ব্যবস্থাই ছুমত।) এতদভিন্ন (মদীনা শরীফে হযরত (দঃ) এক সময় যে) দুইটি হৃষ্ট-পুষ্ট স্নন্দর ছম্বা কোরবাণী করিয়াছিলেন, তাহাও নিজ হস্তে জবেহ করিয়াছিলেন।

৮৮৫। হাদীছ :—যিয়াদ ইবনে জোবায়ের (রাঃ) বর্ণনা করিয়াছেন, আবছল্লাহ ইবনে ওমর (রাঃ) এক ব্যক্তিকে দেখিলেন, সে একটি উটকে বসাইয়া উহার তলদেশে ছুরি বিদ্ধ করিতেছে। ইবনে ওমর (রাঃ) তাহাকে বলিলেন, উটটিকে দাঁড় করাও এবং উহার বাম পাওটি মুড়িয়া বাঁধিয়া দাও, তৎপর উহার গলদেশে ছুরি বিদ্ধ কর; ইহাই রসুলুল্লাহ (দঃ)এর ছুমত।

ব্যাখ্যা :—গরু, ছাগল, পশু-পক্ষী ইত্যাদি জবেহ করার নিয়ম সর্বসাধারণে প্রসিদ্ধ আছে। উট ব্যতীত সমস্ত জীবকে ঐরূপেই জবেহ করা উত্তম। উল্লিখিত হাদীছে যে ব্যবস্থা বর্ণিত হইল তাহা একমাত্র উটের জন্য উত্তম।

কোরবাণীর জানোয়ারের কোন অংশ কসাইকে দিবে না

৮৮৬। হাদীছ :—আলী (রাঃ) বর্ণনা করিয়াছেন, রসুলুল্লাহ ছাল্লাল্লাহু আলাইহে অসাল্লাম আমাকে তাঁহার কোরবাণীর জানোয়ার সমূহের সুব্যবস্থা

* হযরত রসুলুল্লাহ ছাল্লাল্লাহু আলাইহে অসাল্লাম বিদায়-হজ্জে একশত উট কোরবাণী করিয়াছেন, তন্মধ্যে ৬৩টি নিজ হস্তে জবেহ করিয়াছিলেন। আলোচ্য হাদীছে সাতটির উল্লেখ রহিয়াছে ইহা বর্ণনাকারীর উপস্থিতি ও চাক্ষুষ দর্শন আনুসারে তিনি বর্ণনা করিয়াছেন।

করার জন্ত পাঠাইলেন। আমি তাঁহার আদেশানুসারে গোশ্‌ত সমূহ বণ্টন করিলাম এবং ঐ জানোয়ারগুলির চামড়া এবং উহাদের পিঠের উপর আবরণ স্বরূপ ব্যবহার্য কঞ্চল বা কাপড়গুলিকেও দান করিয়া দিলাম। তিনি আমাকে নিষেধ করিয়া দিলেন যে, কসাইকে যেন (তাহার পারিশ্রমিক স্বরূপ) উহা হইতে কোন অংশ দেওয়া না হয়।

ব্যাখ্যা :—চুক্তি বা দেশ-প্রথাক্রমে কসাইকে বা যে কোন পরিশ্রমকারীকে তাহার পারিশ্রমিক কোরবাণীর জানোয়ার হইতে দেওয়া জায়েয নহে। অবশ্য তাহার পারিশ্রমিক ভিন্নরূপে আদায় করিয়া একজন মোসলমান ভাই হিসাবে অত্যাচারের ঝায় তাহাকেও খাইবার জন্ত গোশ্‌ত দান করা জায়েয আছে।

৮৮৭। হাদীছ :—আলী (রাঃ) বর্ণনা করিয়াছেন, নবী ছালাল্লাহু আলাইহে অসাল্লাম (বিদায়-হজ্জ) এক শতটি উট কোরবাণী দেওয়ার ব্যবস্থা করিলেন এবং আমাকে উহার গোশ্‌ত বণ্টনের আদেশ করিলেন। আমি সমুদয় গোশ্‌ত বণ্টন করিয়া দিলাম; উহাদের পিঠের উপরে ব্যবহৃত জুলুও (গরীবদের মধ্যে) বণ্টনের আদেশ করিলেন। আমি তাহাই করিলাম; উহার চামড়াগুলিও বণ্টন করার আদেশ করিলেন আমি তাহাও বণ্টন করিয়া দিলাম।

যে কোরবাণীর গোশ্‌ত কোরবাণীদাতা খাইতে পারে

আবদুল্লাহ ইবনে ওমর (রাঃ) হইতে বর্ণিত আছে—তিনি বলিয়াছেন, (এহরাম অবস্থায় কোন বস্ত্র পশু-পক্ষী বধ করা হারাম, তাহা করিলে শাস্তি ভোগ স্বরূপ) বধকৃত জানোয়ার অনুপাতে কোরবাণী দেওয়া ওয়াজেব হয়; সেই কোরবাণীর গোশ্‌ত, (তজ্রপ এহরাম অবস্থায় নিয়ম কানুন প্রতিপালনে ব্যতিক্রম হইলেও নিষিদ্ধ বিধান অনুসারে কোরবাণী ওয়াজেব হয় এবং হজ্জের নিয়মাবলীর মধ্যে ঋটি-বিচ্যুতির জন্তও কোরবাণী ওয়াজেব হইয়া থাকে। এই সব কোরবাণী) এবং নজর বা মান্নতকৃত কোরবাণীর গোশ্‌ত কোরবাণীদাতা খাইতে পারিবে না। সাধারণ নিয়মিত কোরবাণীর গোশ্‌ত সে খাইতে পারিবে।

আতা (রাঃ) বলিয়াছেন, তামাতো' বা কেরণ হজ্জ যে কোরবাণী করা ওয়াজেব হয় উহার গোশ্‌ত কোরবাণীদাতা খাইতে পারে।

১০ই জিলহজ্জের ৪টি আমলের মধ্যে অগ্র-পশ্চাৎ করা

৮৮৮। হাদীছ :—ইবনে আব্বাস (রাঃ) বর্ণনা করিয়াছেন, এক ব্যক্তি নবী ছালাল্লাহু আলাইহে অসাল্লামের নিকট আরজ করিল, আমি (১০ তারিখে) কবর মারার পূর্বেই “তওয়াফে-যিয়ারত” করিয়া ফেলিয়াছি। নবী (সঃ) বলিলেন,

তাহাতে কোন গোনাহ হইবে না। সে বলিল, কোরবাণী দেওয়ার পূর্বের চুল ফেলিয়া দিয়াছি। নবী (দঃ) বলিলেন, তজ্জন্ম কোন গোনাহ হইবে না। সে বলিল, (১০ তারিখে) কঙ্কর মারার পূর্বেরই কোরবাণী করিয়া ফেলিয়াছি। নবী (দঃ) বলিলেন, তাহাতেও কোন গোনাহ হইবে না।

ব্যখ্যা :—১০ই জিলহজ্জ একের পর এক ৪টি আসল করিতে হয়—
(১) কঙ্কর মারা (২) কোরবাণী করা (৩) মাথা মুণ্ডান (৪) তওয়াফে-যিয়ারত করা। এই তরতীবের খেলাফ অজানাভাবে অথবা ভুলক্রমে অগ্র-পশ্চাৎ করার দরুণ কোনও গোনাহ হইবে না বটে, কিন্তু হানাকী মজহাব মতে আসল নিয়মের ব্যতিক্রম করায় ক্ষতিপূরণ স্বরূপ একটি জানোয়ার কোরবাণী করিতে হইবে।

এহরাম খুলিবার সময় মাথা কামাইয়া ফেলা

৮৮৯। হাদীছ :—আবদুল্লাহ ইবনে ওমর (রাঃ) বর্ণনা করিয়াছেন, রসূলুল্লাহ ছালাল্লাহু আলাইহে অসাল্লাম বিদায়-হজ্জকালীন (১০ তারিখে এহরাম খোলার সময়) মাথা কামাইয়া ফেলিয়া ছিলেন এবং ছাহাবীদের মধ্যেও অনেকেই মাথা কামাইয়া ছিলেন। কিছু সংখ্যক লোক চুল কাটিয়া ছিল।

৮৯০। হাদীছ :—আবদুল্লাহ ইবনে ওমর (রাঃ) হইতে বর্ণিত আছে, রসূলুল্লাহ ছালাল্লাহু আলাইহে অসাল্লাম দোয়া করিয়াছেন, হে আল্লাহ! যাহারা (হজ্জের এহরাম খুলিতে) মাথা কামাইয়া ফেলে তাহাদের প্রতি রহম কর। ছাহাবীগণ আরজ করিলেন, যাহারা চুল কাটে তাহাদিগকেও দোয়ার শামিল করুন। দ্বিতীয়বারও হযরত (দঃ) এই দোয়াই করিলেন, হে আল্লাহ! যাহারা মাথা কামাইয়া ফেলে তাহাদের প্রতি রহম কর। ছাহাবীগণ এইবারও আরজ করিলেন, ইয়া রসূলুল্লাহ! যাহারা চুল কাটে তাহাদিগকেও শামিল করুন। তৃতীয় বা চতুর্থবারে হযরত (দঃ) বলিলেন, যাহারা চুল কাটে তাহাদিগকেও।

৮৯১। হাদীছ :—আবু হোরাযরা (রাঃ) বর্ণনা করিয়াছেন, রসূলুল্লাহ ছালাল্লাহু আলাইহে অসাল্লাম দোয়া করিলেন—
اللهم اغفر للمسلمين ذنوبهم
“হে আল্লাহ হজ্জ উপলক্ষে যাহারা মাথা কামাইয়া ফেলে তাহাদের সমুদয় গোনাহ মাফ করিয়া দিন”। ছাহাবীগণ আরজ করিলেন, যাহারা চুল কাটে তাহাদিগকেও দোয়ার মধ্যে শামিল করুন। দ্বিতীয়বারও হযরত (দঃ) এক্রপ দোয়াই করিলেন—হে আল্লাহ! যাহারা মাথা কামাইয়া ফেলে তাহাদের গোনাহ মাফ করিয়া দিন। ছাহাবীগণ এইবারও আরজ করিলেন, যাহারা চুল কাটে

তাহাদেরও শামিল করুন। তৃতীয়বারের পর রসুলুল্লাহ (দঃ) والمؤمنين “এবং যাহারা চুলের কিছু অংশ কাটিয়া ফেলে তাহাদের গোনাহসমূহও মাফ করিয়া দিন” এই বলিয়া উভয়কেই দোয়ার মধ্যে শামিল করিলেন।

ব্যাখ্যাঃ—এই হাদীছ দ্বারা হজ্জ উপলক্ষে পুরুষের জ্ঞা মাথা কামাইয়া ফেলার ফজিলত প্রমাণিত হইল। যে ব্যক্তি মাথা কামাইয়া ফেরিবে সে রসুলুল্লাহ ছালাল্লাহু আলাইহে অসাল্লামের তিন বা চারবারের দোয়া লাভ করিবে। যে ব্যক্তি চুলের শুধু কিছু অংশ কাটিবে সে মাত্র একবারের দোয়া লাভ করিবে।

৮৯২। হাদীছঃ—মোয়াবিয়া (রাঃ) বর্ণনা করিয়াছেন, (একবার ওমরার এহরাম খোলাকালে) আমি ধারাল লৌহ-ফলক দ্বারা রসুলুল্লাহ ছালাল্লাহু আলাইহে অসাল্লামের চুল কাটিয়া দিয়াছিলাম।

মহুআলাহঃ—চুল যদি কাটা হয় তবে অন্ততঃ মাথার চতুর্থাংশ পরিমাণের চুলের আগা সুস্পষ্ট পরিমাণে কাটা ওয়াজেব। (শামী, ২—২৪৮)

মহুআলাহঃ—১০ই জিলহজ্জ দিনে জামরা-আকাবায় কঙ্কর মারা এবং কোরবাণী করা এবং চুল কাটিয়া এহরাম খোলার পর মিনার মধ্যে কাজ থাকে শুধু ১১ তারিখে তিনটি জামরায় কঙ্কর মারা এবং ১২ তারিখেও তিনটি জামরায় কঙ্কর মারা। সেই কঙ্কর মারার সময় হইল দিনে; তবুও মধ্যবর্তী দুইটি রাত্র মিনাতেই অবস্থান করিতে হইবে। রাত্রে অগ্নিত্র থাকিয়া দিনের বেলা আদিয়া কঙ্কর মারার কাজ সমাধা করা ইহা নিয়ম বিরোধী কাজ; অবশ্য বিশেষ প্রয়োজনে তাহা করা যাইতে পারে।

কঙ্কর নিক্ষেপ করার বিভিন্ন মহুআলাহ

৮৯৩। হাদীছঃ—জাবের (রাঃ) বর্ণনা করিয়াছেন, নবী ছালাল্লাহু আলাইহে অসাল্লাম ১০ই জিলহজ্জ কোরবাণীর দিন প্রভাতে সূর্যোদয়ের এক প্রহর বেলার পর কঙ্কর মারিয়াছেন এবং অবশিষ্ট কয় দিন দ্বিপ্রহরের সূর্য মধ্য আকাশ অতিক্রম করার পর কঙ্কর মারিয়াছেন।

৮৯৪। হাদীছঃ—আবুহুলাহ ইবনে ওমর (রাঃ)কে এক ব্যক্তি জিজ্ঞাসা করিল (১০ তারিখের পর) কঙ্কর কোন্ সময় মারিব? তিনি বলিলেন, শাসনকর্তা কোনও বিশেষ ব্যবস্থা প্রবর্তন করিলে তাঁহার সহিত (তথা তাঁহার প্রবর্তিত ব্যবস্থানুসারে) তুমিও কঙ্কর মারার কাজ সম্পন্ন কর। ঐ ব্যক্তি পুনরায় ঐ প্রশ্নই করিল। তখন তিনি বলিলেন, আমরা (ছাহাবীগণ) অপেক্ষাকৃত থাকিতাম; যখন সূর্য মধ্য-আকাশ অতিক্রম করিয়া যাইত তখন কঙ্কর মারিতাম।

মহুআলাহ :—হানাকী মজহাব মতে এরূপ অপেক্ষা করিয়া সূর্য্য মধ্য-আকাশ অতিক্রম করার পর কঙ্কর মারা ওয়াযেব, ইহার ব্যতিক্রম করা জায়েয নহে।

৮৯৫। হাদীছ :—আবহুর রহমান ইবনে ইয়াযীদ (রঃ) বর্ণনা করিয়াছেন, আবহুলাহ ইবনে মসউদ (রাঃ) জামরা-আকাবার কঙ্কর মারার সময় নিম্ন প্রান্তে দাঁড়াইয়া কঙ্কর মারিলেন। আমি তাঁহাকে বলিলাম, অনেক লোক উর্দ্ধ প্রান্তে দাঁড়াইয়া কঙ্কর মারিয়া থাকে। তিনি বলিলেন, আমি আল্লার শপথ করিয়া বলিতেছি, যাহার উপর (হজ্জের বিধি-নিষেধ সম্বলিত) কোরআন শরীফে ছুরা বাকারা নাযেল হইয়াছিল তিনি অর্থাৎ রসুলুল্লাহ ছাল্লাল্লাহু আলাইহে অসাল্লাম এই স্থানে অর্থাৎ নিম্ন প্রান্তে দাঁড়াইয়া কঙ্কর মারিয়াছেন।

৮৯৬ হাদীছ :—আবহুর রহমান ইবনে ইয়াযীদ (রঃ) বর্ণনা করিয়াছেন, আমি আবহুলাহ ইবনে মসউদ (রাঃ)কে দেখিয়াছি, তিনি এইরূপে দাঁড়াইয়া জামরা-আকাবাকে সাতটি কঙ্কর মারিয়াছেন যে, বাইতুল্লাহ শরীফের দিক তাঁহার বাম-পার্শ্বে এবং মিনার দিক তাঁহার ডান পার্শ্বে ছিল এবং প্রতিটি কঙ্কর মারিবার সময় “আল্লাহ আকবার” ধ্বনি দিতেছিলেন। অতঃপর তিনি বলিলেন, আমি আল্লার শপথ করিয়া বলিতেছি, যাহার উপর ছুরা বাকারাহ নাযেল হইয়াছিল, তিনি (অর্থাৎ রসুলুল্লাহ (দঃ)) এইরূপই করিয়াছেন অর্থাৎ মক্কা শরীফকে বাম দিকে মিনাকে ডান দিকে রাখিয়া জমরার দিকে মুখ করিয়া কঙ্কর মারিয়াছেন।

৮৯৭। হাদীছ :—সালেয় (রঃ) বর্ণনা করিয়াছেন, আবহুলাহ ইবনে ওমর (রাঃ) “প্রথম জামরা”কে সাতটি কঙ্কর মারিতেন; প্রতিটির সঙ্গেই “আল্লাহ আকবার” ধ্বনি উচ্চারণ করিতেন। অতঃপর সম্মুখ দিকে অগ্রসর হইয়া নিম্ন প্রান্তে দীর্ঘ সময় কেবলামুখী হইয়া দাঁড়াইয়া হাত উত্তোলন করতঃ দোয়া করিতেন। তারপর “মধ্যম জামরা”কে ঐরূপেই কঙ্কর মারিতেন এবং বামদিকে আসিয়া নিম্ন প্রান্তে কেবলামুখী হইয়া দাঁড়াইতেন এবং দীর্ঘ সময় হাত উত্তোলন করতঃ দোয়া করিতেন। অতঃপর “জামরা-আকাবা” কে নিম্ন প্রান্তে দাঁড়াইয়া কঙ্কর মারিতেন উহার নিকটবর্তী কোন স্থানে অপেক্ষা করিতেন না। তিনি বলিতেন যে, আমি রসুলুল্লাহ ছাল্লাল্লাহু আলাইহে অসাল্লামকে এইরূপ করিতে দেখিয়াছি।

মহুআলাহ :—দশই জিলহজ্জ জামরা-আকাবার কঙ্কর মারা এবং চুল ফেলিয়া এহরাম খোলার পর তাওয়াফে-যেয়ারত তথা হজ্জের ফরজ তওয়াফ আদায় করার পূর্বেই সুগন্ধি ব্যবহার করিতে পারে (২৩৬ পৃঃ ৮০৩ হাঃ)। ফরজ তওয়াফ করার পূর্বে শুধু মাত্র স্ত্রী ব্যবহার ছাড়া আর সবই করিতে পারে। একটি বিষয় লক্ষ্য রাখিতে হইবে; অনেকে ভুল করে—মাথার চুল ফেলিয়া

এহরাম খুলিবার পূর্বে জামা-কাপড় পড়া বা সুগন্ধি ব্যবহার করা কিম্বা নখ কাটা ইত্যাদি যে কোন কাজ করিলে কাফ্ফারা ওয়াজেব হইয়া যাইবে। চুল ফেলিয়া এহরাম খুলিবার পূর্বে ঐরূপ কিছুই করা যাইবে না; চুল ফেলিতে যত বিলম্বই হউক। চুল ফেলিয়া এহরাম খুলিবার পরেই ঐ সব কাজ করা জাযয় হইবে; পূর্বে নহে।

বিদায়-তওয়াফ

৮৯৮। হাদীছ :—ইবনে আব্বাস (রাঃ) বর্ণনা করিয়াছেন, সকলের প্রতিই এই আদেশ যে, প্রত্যেকেই মক্কা শরীফ ত্যাগ করিয়া স্বদেশ প্রত্যাবর্তন কালে বিদায়ের সময় বাইতুল্লাহ সহিত শেষ মোলাকাত তওয়াফের দ্বারা অনুষ্ঠিত করিতে হইবে। ইহাকে বিদায় তওয়াফ বলে। অবশ্য ঋতুবতী নারীকে এই আদেশ হইতে অব্যাহতি দেওয়া হইয়াছে।

৮৯৯। হাদীছ :—আনাছ (রাঃ) বর্ণনা করিয়াছেন, রসূলুল্লাহ ছাল্লাল্লাহু আলাইহে অসাল্লাম (মিনা ত্যাগের দিন) জোহর, আছর, মগরেব ও এশার নামায মোহাচ্ছাবে আসিয়া পড়িয়াছিলেন এবং তথায় কিছু সময় আরাম করার পর বাইতুল্লাহ শরীফে উপস্থিত হইয়া (বিদায়) তওয়াফ করিয়াছিলেন।

তওয়াফে-জেরারতের পর এবং বিদায়-তওয়াফের পূর্বে
ঋতু আরম্ভ হইলে সেই নারী কি করিবে ?

৯০০। হাদীছ :—আয়েশা (রাঃ) বর্ণনা করিয়াছেন, (বিদায়-হজ্জের সময় হযরতের বিবি—) হুফিয়া রাজিয়াল্লাহু তায়ালা আনহার (বিদায়-তওয়াফের পূর্বে) ঋতু আরম্ভ হইয়া গেল। রসূলুল্লাহ ছাল্লাল্লাহু আলাইহে অসাল্লাম ইহা অবগত হইয়া বলিলেন, সে কি আমাদের সকলকে অপেক্ষা করিতে বাধ্য করিবে? (হযরত (দঃ) ভাবিয়াছিলেন, তওয়াফে-জেরারত যাহা করজ হয়ত তিনি তাহাও করেন নাই। তাই ঐ তওয়াফের জন্য ঋতু শেষ হওয়া পর্যন্ত তাহার অপেক্ষা করিতে হইবে এবং তাহার জন্য হযরতেরও অপেক্ষা করিতে হইবে, ফলে সকলকেই অপেক্ষমান থাকিতে হইবে।) কিন্তু সকলেই তাহাকে জানাইল যে, হুফিয়া (রাঃ) পূর্বেই তওয়াফে-জেরারত করিয়াছেন। ইহা শুনিয়া রসূলুল্লাহ (দঃ) বলিলেন, তবে আর অপেক্ষা করিতে হইবে না।

মছআলাহ :—তওয়াফে জেরারত যাহা কোরবাণী দেওয়ার পর আদায় করা হয় উহা করজ। উহা ব্যতিরেকে হজ্জ পূর্ণ হয় না। তাই উহা আদায়ের পূর্বে ঋতু আরম্ভ হইলে ঋতু শেষে ঐ তওয়াফ না করিলে অপেক্ষা করিবেই।

বিদায়-তওয়াফ যাহা হজ্জ কার্য সমাপন করিয়া প্রত্যাবর্তনের সময় করা হয় উহা ফরজ নহে, ওয়াজেব বটে, কিন্তু ঋতু অবস্থায় নারীর উপর উহা ওয়াজেবও থাকে না। তাই উহার জন্ত অপেক্ষা করা আবশ্যক নহে।

৯০১। হাদীছ :- আবদুল্লাহ ইবনে আব্বাস (রাঃ) বলিয়াছেন, কোন মহিলা যদি তওয়াফে জেয়ারত করিয়া থাকে তবে ঋতু অবস্থায় বিদায় তওয়াফের জন্ত অপেক্ষা না করিয়া তাহাকে চলিয়া যাওয়ার অনুমতি দেওয়া হইয়াছে। আবদুল্লাহ ইবনে ওমর (রাঃ) প্রথমে ইহার বিপরীত বলিয়া থাকিতেন, কিন্তু পরে তিনিও বলিয়াছেন যে, সত্যই নবী ছাল্লাল্লাহু আলাইহে অসাল্লাম ঋতু অবস্থায় নারীদের জন্ত এই অনুমতি দান করিয়াছেন।

মোহাচ্ছাবে অবতরণ করা

মিনা ও মক্কা শহরের মধ্য ভাগে একটি স্থানের নাম “মোহাচ্ছাব”। অতীতে মক্কা শহর-সম্প্রদারণ এই পর্যন্ত পৌঁছিয়া ছিল না, সম্পূর্ণ এলাকা জনশূন্য ফাঁকা ময়দান ছিল। বিদায়-হজ্জে রসুলুল্লাহ (দঃ) মিনায় অবস্থান সমাপ্ত করিয়া ১৩ই জিলহজ্জ তারিখে বিদায় তওয়াফের জন্ত মক্কায় প্রত্যাবর্তন কালে তথায় অবতরণ করিয়াছিলেন এবং জোহর, আছর, মগরেব ও এশার নামায তথায়ই পড়িয়াছিলেন, কিছু সময় নিদ্রাও গিয়াছিলেন। অতঃপর মক্কা আসিয়া বিদায় তওয়াফ করিয়াছিলেন। আনাছ (রাঃ) বর্ণিত ৮৯৯নং হাদীছে ইহার বর্ণনা আছে।

মক্কা হইতে মদীনার পথ মোহাচ্ছাব এলাকা দিয়াই ছিল, তাই বিদায় তওয়াফের জন্ত মক্কা শহরে আসা কালে নবী (দঃ) মাল-আছবাব মোহাচ্ছাবেই রাখিয়া আসিয়াছিলেন এবং বিদায় তওয়াফের পর মোহাচ্ছাবেই ফিরিয়া আসিয়া তথা হইতেই মদীনা পানে যাত্রা করিয়াছিলেন।

১৩ তারিখ মিনা হইতে মক্কা আসাকালে যে, নবী (দঃ) মোহাচ্ছাবে অবতরণ করিয়াছিলেন এ সম্পর্কে অনেক ছাহাবী এবং বিভিন্ন ইমামগণের মত এই যে, ইহা একটি স্বাভাবিক অবতরণ ছিল; হজ্জের নিয়মিত এবাদতের সঙ্গে ইহার কোন সম্পর্ক নাই।

৯০২। হাদীছ :- আয়েশা (রাঃ) বলিয়াছেন, আবতাহ (তথা মোহাচ্ছাব) নবী ছাল্লাল্লাহু আলাইহে অসাল্লামের স্বাভাবিক একটি অবতরণস্থল ছিল— শুধু এই উদ্দেশ্যে যে, তথা হইতে মদীনা পানে যাত্রা করা সহজ ছিল।

৯০৩। হাদীছ :- ইবনে আব্বাস (রাঃ) বলিয়াছেন, মোহাচ্ছাবে অবতরণ শরীয়তের কোন হুকুম নহে। উহা শুধু রসুলুল্লাহ ছাল্লাল্লাহু আলাইহে অসাল্লামের একটি স্বাভাবিক অবতরণস্থল ছিল।

● ইমাম আবু হানিফা (রঃ) বলেন, উক্ত অবতরণ হজ্জের একটি স্মরণত এবাদৎ।* আবদুল্লাহ ইবনে ওমর (রাঃ) উহাকে হজ্জের একটি স্মরণতই গণ্য করিতেন এবং তথায় অবতরণে সচেষ্ট হইতেন। (মোসলেম শরীফ)

১০৪। হাদীছ :—আবদুল্লাহ (রঃ)কে মোহাচ্ছাবে অবতরণ সম্পর্কে জিজ্ঞাসা করা হইলে তিনি নাফে (রঃ) হইতে বর্ণনা করিলেন যে, রসুলুল্লাহ ছাল্লাল্লাহু আলাইহে অসাল্লাম এবং খলীফা ওমর (রাঃ) ও আবদুল্লাহ ইবনে ওমর (রাঃ) তথায় অবতরণ করিয়াছেন। আবদুল্লাহ ইবনে ওমর (রাঃ) তথায় জোহর, আছর, মগরেব ও এশার নামায পড়িতেন এবং কিছু সময় নিদ্রা যাইতেন—এই সব আমল নবী (দঃ) করিয়াছেন, বলিয়াও বর্ণনা করিতেন।

১০৫। হাদীছ :—আবু হোরাযরা (রাঃ) বর্ণনা করিয়াছেন, বিদায়-হজ্জের সময় কোরবাণীর পর (১২ তারিখে) মীনার ময়দানে নবী ছাল্লাল্লাহু আলাইহে অসাল্লাম ঘোষণা করিলেন, আগামীকাল মিনা হইতে রওয়ানার দিন (১৩ তারিখে) আমরা (বিদায় তওয়াফের জন্ত মিনা হইতে মক্কা যাওয়ার পথে) মক্কা সংলগ্ন খায়ফে-বনী কেনানা তথা “মোহাচ্ছাব” নামক স্থানে অবতরণ করিব। দেশ্থানেই মক্কার বৃহৎ বৃহৎ শক্তি ও গোত্রদ্বয়—কোরায়েশ ও কেনানা (অন্ধুরেই ইসলামকে বিলুপ্ত ও আল্লামার রসুলকে পয়গম্বর করার জন্ত আল্লামার রসুলের সহায়তাকারী) হাসেম বংশ ও মোত্তালেব বংশের বিরুদ্ধে অসহযোগ প্রতিষ্ঠার উপর শপথ করিয়াছিল। তাহারা পরস্পর অঙ্গীকারাবদ্ধ হইয়াছিল যে, আমাদের মধ্যে কেহই হাসেম ও মোত্তালেব বংশীয় কোন লোকের সঙ্গে বিবাহ-শাদী, ক্রয়-বিক্রয়, কোনপ্রকার আচার-ব্যবহার ইত্যাদি করিতে পারিবে না—যাবৎ তাহারা মোহাম্মদ (নবী ছাল্লাল্লাহু আলাইহে অসাল্লাম)কে আমাদের হস্তে সমর্পণ না করে। (২১৬ পৃঃ)

ব্যাখ্যা :—নবুওত প্রাপ্ত তথা হযরত রসুলুল্লাহ ছাল্লাল্লাহু আলাইহে অসাল্লাম আল্লামার রসুল নিয়োজিত হওয়ার সপ্তম বৎসরের ঘটনা ইহা। ধীরে ধীরে ইসলামের প্রসার এবং রসুলুল্লাহ ছাল্লাল্লাহু আলাইহে অসাল্লামের সাফল্য কোরায়েশ ও মক্কাবাসীকে বিচলিত করিয়া তুলিল। তাহারা রসুলুল্লাহ (দঃ)কে

* ১১৫০ ইং সনে আমি নরাদম হজ্জ উদযাপনে মিনা হইতে মক্কায পায়ে হাটিয়া আসিয়া ছিলাম। তখন মোহাচ্ছাব এলাকাটি ফাঁকা ময়দানই ছিল : শুধু নবী ছাল্লাল্লাহু আলাইহে অসাল্লামের অবতরণস্থলে একটি মসজিদ ছিল। আমরা অতি সহজেই তথায় অবতরণ করিতে সক্ষম হইয়াছিলাম। ১১৫৮ ইং সনে দেখিলাম, মক্কা শহর সম্প্রসারিত হইয়া উক্ত সমুদয় এলাকা শাহী মহল সহ বড় বড় স্তরমা দালান-কোঠায় ঘিরিয়া গিয়াছে। উল্লেখিত মসজিদ খানা বিজ্ঞমান আছে, কিন্তু বাড়ী-ঘরের ঘেরাও এর মধ্যে আড়ালে পড়িয়া গিয়াছে। বিচক্ষণ মানুষ পায়ে হাটিয়া খোঁজ করিলে বাহির করা সম্ভব হইতে পারে।

প্রাণে বধ করিবে ইহাই স্থির করিল। হযরতের প্রধান সহায়তাকারী স্বীয় চাচা আবু তালেব এই সংবাদ অবগত হইয়া হাশেম ও মোত্তালেব বংশীয় লোকদিগকে একত্র করিলেন। এই বংশদ্বয় কোরায়েশ গোত্রের মধ্যে হযরতের সর্বাধিক ঘনিষ্ঠ ছিল, তাই তাহারা স্বীয় প্রথা ও রীতি অনুযায়ী অত্যাচারের বিরুদ্ধে স্বীয় ঘনিষ্ঠের রক্ষা ও সহায়তায় উদবুদ্ধ হইল এবং আবু তালেবের কথায় হযরতের রক্ষণাবেক্ষণে বদ্ধপরিকর হইয়া তাঁহাকে নিজেদের বস্তিতে নিয়া আদিল।

অত্যাচার কোরায়েশগণ হাশেম ও মোত্তালেব বংশদ্বয়ের এই আচরণে ক্ষুব্ধ হইয়া তাহাদের বিরুদ্ধে অসহযোগ আন্দোলন গড়িয়া তুলিল। এমনকি, মক্কার প্রভাবশালী অধিকাংশ অধিবাসী—অত্যাচার কোরায়েশ ও কেনানা গোত্রদ্বয় “মোহাচ্ছাব” নামক ময়দানে একত্রিত হইয়া আনুষ্ঠানিকরূপে এই অসহযোগিতার উপর শপথ গ্রহণ করিল। অসহযোগিতার বিষয় বস্তু একটি শপথনামা আকারে লিখিত হইল এবং তৎকালীন প্রথানুযায়ী বিশেষ দৃঢ়তা প্রকাশার্থে ঐ শপথনামার একটি নকল আল্লার ঘরে লটকাইয়া রাখা হইল।

হাশেম ও মোত্তালেব বংশদ্বয় স্ব স্ব প্রতিজ্ঞার উপর অটল রহিল, কোন ভয় ভীতিই তাহাদিগকে দমাইতে পারিল না। তাহারা স্বীয় বস্তির মধ্যে অবরুদ্ধ জীবন-যাপন করিতে লাগিল। সমগ্র দেশ তাহাদের প্রতি অসহযোগিতায় মাতিয়া উঠিল। জীবনধারণের নিত্যপ্রয়োজনীয় জিনিষপত্রাদি সংগ্রহ করা পর্যন্ত তাহাদের জন্ত দুরূহ হইয়া উঠিল। এমনকি, তাহারা বৃক্ষপত্রের সাহায্যে জীবনধারণে বাধ্য হইল, কিন্তু তথাপিও প্রতিজ্ঞাচ্যুত হইল না। হযরত রসুলুল্লাহ ছালাল্লাহু আলাইহে অসাল্লাম ও আবু তালেব এবং আরও বহু গণ্যমান্য ব্যক্তিবর্গসহ বংশদ্বয়ের লোকজন দীর্ঘ তিন বৎসর কাল এইরূপে বন্দী জীবনের ত্রায় সমগ্র দেশ-খেশ হইতে বিচ্ছিন্ন জীবন অতিবাহিত করিলেন।

অতঃপর হযরত রসুলুল্লাহ ছালাল্লাহু আলাইহে অসাল্লাম একদা স্বীয় চাচা আবু তালেবকে এই সংবাদ শুনাইলেন যে, তাহারা শপথ নামার যে দুইটি কপি লিখিয়াছিল, উহার একটি নিজেদের নিকট রাখিয়াছিল এবং অপরটি কা'বা ঘরে লটকাইয়া রাখিয়াছিল। উহার একটির মধ্যে প্রারম্ভিক ও শপথ ইত্যাদিতে লিখিত আল্লার নামসমূহ এবং অপরটির মধ্যে আল্লার নাম ব্যতীত অত্যাচার লিখিত বিষয়বস্তুসমূহ ঘুণ পোকায় খাইয়া ফেলিয়াছে। (ইহার মধ্যে বোধ হয় একরূপ ইঙ্গিত নিহিত ছিল যে—আল্লাহ-দ্রোহিতামূলক অত্যাচার অত্যাচারের অঙ্গীকার ও প্রতিজ্ঞাসমূহ আল্লার নামের সহিত বিজড়িত রাখা হইল না।)

আবু তালেবের নিকট ইহা বহু পরীক্ষিত ছিল যে, রসুলুল্লাহ ছালাল্লাহু আলাইহে অসাল্লামের কোন সংবাদ অবাস্তব হয় না। তাই তিনি তাহার এই

সংবাদের প্রতি দৃঢ় বিশ্বাস স্থাপন করতঃ কয়েক জন সঙ্গীকে লইয়া মসজিদে-
হারামে উপস্থিত হইলেন এবং কোরায়েশদিগকে ডাকিয়া বলিলেন, আমরা
ভাতিজা আমাকে একটি আশ্চর্যজনক অদৃশ্য-সংবাদ জানাইয়াছেন। আমি মনে
করি, এই সংবাদের সত্যাসত্য পরীক্ষার উপরই তাঁহার সম্প্রদিত বিষয়ের
মীমাংসা করিয়া লয়া উচিত। তিনি খবর দিয়াছেন, তোমাদের অস্থায়
অত্যাচারের প্রতিজ্ঞা সমূহ আল্লাহ নামের সহিত বিজড়িত অবস্থায় বাকী থাকে
নাই। যদি এই সংবাদ সত্য হয় তবে তোমাদের আশু কর্তব্য এই যে, তোমরা
স্বীয় গোড়ামী পরিত্যাগ কর। স্মরণ রাখিও—জীবনের শেষ মুহূর্ত্ত পর্য্যন্ত
আমরা কস্মিন কালেও তাঁহাকে তোমাদের নিকট অর্পণ করিব না। হাঁ—যদি
ঐ সংবাদ অবাস্তব হয় তবে এখনই আমরা তাঁহাকে তোমাদের হস্তে সমর্পণ
করিয়া যাইব। এই মীমাংসায় তাহারা সন্মত হইয়া শপথনামা খুলিয়া দেখিতে
পাইল সত্য সত্যই ঐ অবস্থাই সংঘটিত হইয়াছে। এই ঘটনা দৃষ্টে তাহারা তাহাদের
চিরাচরিত অভ্যাস অনুযায়ী ইহাকে হযরতের যাহুবিজ্ঞার ক্রিয়া বলিয়া আখ্যায়িত
করিল, কিন্তু শেষ পর্য্যন্ত কয়েক জন লোকের প্রচেষ্টায় এই পরীক্ষার উপর শপথ
ছিড়িয়া ফেলা হইল এবং অসহযোগিতা প্রত্যাখ্যত হইল। (ফতুল্ল মোল্‌হেম)

তৎপর সুদীর্ঘ প্রায় ষোল বৎসর পরে ইসলামের উন্নতি ও প্রভাব বিস্তারের
চরম অবস্থায় বিদায় হজ্জকালীন রসুলুল্লাহ (দঃ) অতীত জীবনের অবস্থাসমূহ
স্মরণ করতঃ বর্তমান জীবনের উপর প্রাণ ভরিয়া স্বীয় মাবুদের শোকরিয়া আদায়
করার জন্ত সেই “মোহাচ্ছাব” ময়দানে অবতরণের ইচ্ছা প্রকাশ করিলেন।

কেয়ামত পর্য্যন্ত হযরতের উন্নতগণেরও কর্তব্য—হজ্জের সফরকালে ঐ স্থানে
অবতরণ করতঃ হযরতের সাধনাময় জীবনের প্রতি লক্ষ্য করা এবং রসুলুল্লাহ
ছাল্লাল্লাহু আলাইহে অসাল্লামের স্থায় আল্লাহ তায়ালা শোকরিয়া আদায় করা।

“জু-তুয়া” স্থানে অবতরণ

৯০৬। হাদীছ :— নাফে (রঃ) বর্ণনা করিয়াছেন, আবদুল্লাহ ইবনে
ওমর (রাঃ) মক্কা প্রবেশ করিতে “জু-তুয়া”* নামক স্থানে রাত্রি যাপন করিতেন

* পূর্বোল্লিখিত “মোহাচ্ছাব” স্থানটি বাইতুল্লাহ শরীফ তথা মক্কা শহরের কেন্দ্রীয়
স্থান হইতে এক মাইলের অধিক দূরে। আর আলোচ্য “জু-তুয়া” স্থানটি বাইতুল্লাহ শরীফের
অনতি দূরেই। হযরতের যুগে হয়ত এই স্থানটি মক্কা শহরতলি ছিল, কিন্তু এখন উহা
মক্কা শহরেরই একটি মহল্লা। আমরা ইহাকে এই নামেই পরিচিত পাইয়াছি। উক্ত মহল্লায়
মসজিদ আছে, কিন্তু রসুলুল্লাহ ছাল্লাল্লাহু আলাইহে অসাল্লামের অবতরণের স্থল ঐ মসজিদের
স্থানে নয়। উহার নিকটবর্ত্তীই একটি কূপ : সেই কূপের নিকটেই হযরত (দঃ) অবতরণ করিয়া
ছিলেন বলিয়া সাব্যস্ত। উক্ত কূপকে কেন্দ্র করিয়া তথায় একটি গুহুজের স্থায় নিশ্চিত আছে।

এবং ভোর বেলায় মক্কা শহরে প্রবেশ করিতেন। আর মক্কা হইতে যাত্রাকালেও জু-তুয়ার পথেই যাইতেন এবং ভোর পর্যন্ত রাত্রি যাপন করিতেন। তিনি বর্ণনা করিতেন যে, নবী ছালাল্লাহু আলাইহে অসাল্লাম এইরূপ করিয়াছেন।

রসুলুল্লাহ (দঃ) বিদায়-হজ্জ*

হিজরতের পূর্বে রসুলুল্লাহ (দঃ) অনেক হজ্জই করিয়াছেন, এমনকি হয়ত প্রতি বৎসরই হজ্জ করিয়া থাকিতেন। হিজরতের পর অষ্টম হিজরী পর্যন্ত ত হজ্জ করা হযরতের জন্ত অসাধ্য ছিল; যেহেতু মক্কা শত্রু কবলিত ছিল। অষ্টম হিজরীর শেষ ভাগে মক্কা জয় হইল; ঐ বৎসর তিনি হজ্জের সুযোগ গ্রহণ করেন নাই। নবম হিজরীর বৎসরও নবী (দঃ) নিজে হজ্জ গেলেন না, আবু বকর (রাঃ)কে আমীকুল-হজ্জ নিয়োজিত করিলেন; তিনি হজ্জ গমনেচ্ছু মোসলমানদিগকে নিয়া হজ্জ সমাপন করিয়া আসিলেন। হযরতের হজ্জ এই বিলম্বের হেতু ও কারণ হয়ত অনেকই ছিল, কিন্তু এই সুযোগে বিশেষ দুইটি সুফলও ফলিয়াছিল।

(১) নবম হিজরী পর্যন্ত আরবে কাকের-মোশরেকরা অবাদে চলাফেরা করিত, এমনকি কাকের-মোশরেক অমোসলেমরাও হজ্জ করিতে আসিত। নবম হিজরী সনে পবিত্র কোরআনে ছুরা তওবার এক বিশেষ ঘোষণা দ্বারা আল্লাহ তায়ালা আরব ভূখণ্ডকে একমাত্র আল্লাহর অনুগত মোসলেম জাতির জন্ত সুরক্ষিত করার পদক্ষেপ হিসাবে তথায় কাকের-মোশরেকদের অবস্থান ও অবাধ চলাচল নিষিদ্ধ ঘোষণা করিয়া দিলেন। ঘোষণার তারিখ নবম হিজরী ১০ই জিলহজ্জ হইতে চার মাসের অবকাশ প্রদান করা হইল। এমনকি যাহাদের সঙ্গে অনির্দিষ্টকালের সহ-অবস্থান চুক্তি সম্পাদিত ছিল তাহাদিগকে শুধু চার মাস নিরাপত্তা দানের সহিত ঐরূপ সমুদয় চুক্তি বাতিল ঘোষিত হইল। ছুরা তওবার উক্ত ঐতিহাসিক ঘোষণাকে লোকদের মধ্যে ব্যাপকভাবে বিশেষতঃ নবম হিজরী সনের হজ্জ উপলক্ষে পূর্ব নীতি অনুযায়ী সমাগত সকল শ্রেণীর লোকদের মধ্যে জারী করার জন্ত হযরত (দঃ) আলী (রাঃ)কে নিজস্ব যানবাহনে করিয়া বিশেষ প্রতিনিধিরূপে পাঠাইলেন। নিয়মতান্ত্রিক আমীকুল-হজ্জ আবু বকর (রাঃ) সকলকে নিয়া মক্কা পানে যাত্রা করিয়া ছিলেন; তাঁহার চলিয়া যাওয়ার পরে আল্লাহ তায়ালা তরফ হইতে জিব্রিল (আঃ) মারফত আদিষ্ট হইয়া হযরত (দঃ) আলী (রাঃ)কে বিশেষরূপে উক্ত দায়িত্ব দিয়া মক্কা

* হজ্জ অধ্যায়ে ইনাম বোখারী (রঃ) এই পরিচ্ছেদটি রাখেন নাই। ৩৩১ পৃষ্ঠায় অতঃপক্ষে এই পরিচ্ছেদটি উল্লেখ করিয়াছেন।

পাঠাইলেন। ঘোষণাটি বিশেষভাবে ঢোল-শোহরত করা হইল এবং সঙ্গে সঙ্গে স্পষ্ট ভাষায় এই ঘোষণাও করিয়া দেওয়া হইল—**لا يجهن بعد العام مشرك**—“এই বৎসরের পর হইতে কোন কাফের-মোশেরেক অমোসলেম হজ্জ করিতে আসিতে পারিবে না।” সুদীর্ঘ হজ্জের কার্য্য বিধি সকলকে প্রত্যক্ষরূপে দেখাইয়া শিক্ষা দেওয়ার উদ্দেশ্যে রসুলুল্লাহ ছালাল্লাহু আলাইহে অসাল্লামের জন্ত উন্মুক্ত ও বাহ্যিক নিরাপদ পরিবেশের বিশেষ প্রয়োজন ছিল; উল্লেখিত ব্যবস্থায় সেই প্রয়োজনেরই সমাধান হইল।

(২) মোসলমানের সারা জীবনে একবারের একটি বিশেষফরজ হজ্জ, যাহার কার্য্যাবলী সুদীর্ঘ এবং জটিল। রসুলুল্লাহ (দঃ) হইতে প্রত্যক্ষরূপে উহার শিক্ষা লাভ করিতে ব্যাপকহারে অধিক সংখ্যায় লোকদের সুযোগ পাওয়ার প্রয়োজন ছিল যাহা সময় সাপেক্ষ। এক বৎসর অধিক সময় পাওয়াতে চতুর্দিক ব্যাপকহারে লোকগণ রসুলুল্লাহ ছালাল্লাহু আলাইহে অসাল্লামের সঙ্গে হজ্জ করার প্রস্তুতি নিতে সক্ষম হইল। হযরতের পক্ষ হইতেও ব্যাপকভাবে অধিক প্রচারণা চালাইবার সুযোগ হইল। ফলে (সংখ্যা নির্ধারণকারীদের কাহারও মতে) এই হজ্জ এক লক্ষ ত্রিশ হাজার মোসলমানের সমাবেশ হইল; ঐ সময় মোসলমান শুধু আরবের বিভিন্ন এলাকায়ই সীমাবদ্ধ ছিল। মোসলেম শরীফের হাদীছে জাবের (রাঃ) বর্ণনা করিয়াছেন, রসুলুল্লাহ (দঃ) দশম হিজরী সনে হজ্জ করিবেন বলিয়া সর্বত্র লোকদের মধ্যে ব্যাপক প্রচারণা চালাইলেন। ফলে চতুর্দিক হইতে মদীনায় অসংখ্য লোকের সমাবেশ হইল; সকলেরই উদ্দেশ্য রসুলুল্লাহ (দঃ)কে দেখিয়া তাঁহার অনুকরণে হজ্জ আদায় করিবে। হযরত (দঃ) স্বীয় উটের উপর ছওয়ার হইলেন, আমি তাঁহার কাকেলার প্রতি দৃষ্টিপাত করিলাম; এত অধিক সংখ্যক লোকের কাকেলা ছিল যে, হযরতের ডানে-বামে সম্মুখে ও পেছনে আমার দৃষ্টির শেষ সীমা পর্য্যন্ত লোক ছিল। সকলের মধ্যভাগে ছিলেন রসুলুল্লাহ (দঃ)। হযরতের উপর বিশেষ বিশেষ উপলক্ষে পবিত্র কোরআনের আয়াত নাযেল হইতে ছিল; তিনি স্বীয় আমল ও কার্য্যের দ্বারা পবিত্র কোরআনের কার্য্যকরী ব্যাখ্যা দেখাইতে ছিলেন এবং আমরা তাঁহার অনুকরণে কাজ করিয়া যাইতে ছিলাম।

হজ্জ অধ্যায়ের প্রায় সমুদয় হাদীছই বিভিন্ন ছাহাবী কত্বক সেই বিদায়-হজ্জেরই খণ্ড খণ্ড বর্ণিত হাদীছ সমূহ। “বিদায়-হজ্জ” আরবী ভাষায় “হজ্জাতুল-ওয়াদা” এরই অর্থ। এই আখ্যাটি হযরতের সময়েই ছাহাবীদের মধ্যে প্রচলিত ছিল। এই হজ্জের পরে অনতিবিলম্বেই ইহজগত হইতে রসুলুল্লাহ ছালাল্লাহু আলাইহে অসাল্লামের বিদায় গ্রহণই এই আখ্যার মর্ম্ম

ছিল। এই হজ্জের পূর্ববর্ণে এবং সমাপনের মধ্যে হযরত (দঃ) ইহজগত ত্যাগ আসন্ন হওয়ার বিভিন্ন ইঙ্গিত আল্লাহ তায়ালায় তরফ হইতে পাইয়া ছিলেন—যাহার বিস্তারিত বিবরণ পঞ্চম খণ্ডে “হযরতকে ইহজগত ত্যাগের সূচনা জ্ঞাপন” পরিচ্ছেদে বর্ণিত আছে। সেই পরিপ্রেক্ষিতেই হযরত হযরত (দঃ) নিজেই এই হজ্জকে বিদায় হজ্জ আখ্যা দিয়া ছিলেন; ছাহাবীগণও সেই আখ্যা ব্যবহার করিতেন, কিন্তু তাঁহারা এই আখ্যার অর্থ তখনই উপলব্ধি করিতে পারিয়া ছিলেন যখন উহার মর্ম—ইহজগৎ হইতে হযরতের বিদায় বাস্তবায়িত হইয়া ছিল।

৯০৭। হাদীছঃ—* আবদুল্লাহ ইবনে ওমর (রাঃ) বর্ণনা করিয়াছেন, নবী ছাল্লাল্লাহু আলাইহে অসাল্লাম আমাদের মধ্যে বর্তমান থাকা সময়েই আমরা কথা-বার্তায় হজ্জাতুল-ওয়াদা’—বিদায়-হজ্জ আখ্যাটি ব্যবহার করিয়া থাকিতাম। অবশ্য ঐ সময় আমরা লক্ষ্য করিতাম না যে, বিদায়-হজ্জ আখ্যার মর্ম কি।

রসুলুল্লাহ (দঃ) বিদায়-হজ্জের সময় হজ্জ এবং ওমরা এক সঙ্গে করার সুযোগ নিয়াছিলেন (যাহাকে হজ্জ-কেরাণ বলা হয় **।) হযরত (দঃ) নিজের সঙ্গে (৬৩টি) কোরবানীর উটও নিয়াছিলেন। (মদীনার অনতি দূরে মদীনার দিকের মিকাত) জুল-হোলায়কা হইতে নিয়মিত ভাবে কোরবানীর পশুগুলি সঙ্গে পরিচালিত করার বিশেষ ব্যবস্থা ** করিয়া ছিলেন। তথা হইতে এহরাম বাঁধাকালে প্রথম ওমরা তারপর হজ্জ উভয়টির উল্লেখ করিয়া ছিলেন। তাঁহার অনুকরণে আরও কিছু সংখ্যক লোক ওমরা ও হজ্জ একত্রে করার সুযোগ নিয়াছিল, কিন্তু তাহাদের মধ্যে কেহ কেহ কোরবানীর পশু সঙ্গে লইয়া ছিল; আর কেহ কেহ তাহা সঙ্গে লয় নাই। মক্কায় পৌঁছিয়া হযরত (দঃ) লোকদের মধ্যে এই ঘোষণা দিলেন যে, যাহারা কোরবানীর পশু সঙ্গে আনিয়াছে তাহারাত হজ্জ সমাপ্ত পর্যন্ত নিজ নিজ এহরামের উপর স্থিত থাকিবে। কিন্তু যাহারা কোরবানীর পশু সঙ্গে আনে নাই তাহারা ওমরার ছইটি কার্য তথা তওয়াফ ও ছায়ী করিয়া মাথার চুল কাটিয়া এহরাম ভঙ্গ করিবে। অতঃপর

* এই হাদীছের প্রথম অংশ ৬৩২ পৃঃ হইতে এবং অবশিষ্ট ২২৯ পৃষ্ঠা হইতে অনূদিত।

** হযরতের নিজস্ব বিদায়-হজ্জ হজ্জ-কেরাণ ছিল—ইহার সুস্পষ্ট প্রমাণ ৮০৯ ও ৮১২ নং হাদীছে রহিয়াছে এবং আরও প্রমাণাদি আছে।

** মক্কা শরীফে কোরবানী করার জন্ত কোন পশু সঙ্গে লইলে কোরবানীর জন্ত নির্ধারিত হওয়ার নিদর্শনরূপে অতি সাধারণ বস্তু—পুরাতন চামড়া ইত্যাদি গাঁথিয়া মালাকুপে সেই পশুর গলায় লটকাইয়া দেওয়া উত্তম। এতদ্বিধি উক্ত নিদর্শনের আরও ব্যবস্থা আছে; হযরত (দঃ) তাহাই সম্পন্ন করিয়াছিলেন।

(৮ তারিখে) পুনরায় হজ্জের এহরাম বাঁধিবে। (এইরূপে মধ্যস্থলে এহরাম ভঙ্গ করিয়া একই ছক্রে প্রথমে ওমরা তৎপর হজ্জ করাকে “হজ্জে-তামাত্তো” বলা হয়। এই প্রকার হজ্জে ১০ তারিখে একটি কোরবাণী করা ওয়াজেব হয়।) যদি কেহ সেই কোরবাণীর জন্ত পশু সংগ্রহ করিতে সক্ষম না হয়, তবে হজ্জ অবস্থায় (১০ তারিখের পূর্বে) তিনটি রোযা এবং বাড়ী আসিয়া সাতটি রোযা (মোট দশটি) রোযা রাখিবে।

রসুলুল্লাহ (দঃ) মকায় পৌঁছিয়া তওয়াফ করিলেন। তওয়াফের সময় হজ্জের-আসওয়াদ চূষন করিলেন, তিন চক্রে রমল করিলেন এবং চার চক্রে সাধারণরূপে চলিলেন। তওয়াফ পূর্ণ করিয়া মকামে-ইব্রাহীমের নিকটবর্তী স্থানে দুই রাকাত নামায পড়িলেন। অতঃপর ছাফা পাহাড়ের দিকে চলিয়া গেলেন এবং ছাফা-মারওয়ার পাহাড়ের মধ্যবর্তী ছায়ী করিলেন। (সেই পর্যন্ত তাঁহার ওমরার কার্য সম্পন্ন হইয়া গেল। কিন্তু যেহেতু তিনি কোরবাণীর পশু সঙ্গে আনিয়াছিলেন সেই জন্ত তিনি এহরাম ছাড়িতে পারিলেন না;) তিনি এহরাম অবস্থায়ই রহিলেন। দশ তারিখে কোরবাণীর দিন হজ্জের সমুদয় কার্য আদায় করিয়া এবং কোরবাণীর পশু ভবেহ করিয়া এবং তওয়াফে জেয়ারত আদায় করিয়া পূর্ণরূপে এহরাম খুলিলেন। তাঁহার সঙ্গীগণের মধ্যে যাহারা তাঁহার ন্যায় কোরবাণীর পশু সঙ্গে আনিয়া ছিল তাহারাও তাঁহার ন্যায় সমুদয় কার্য সম্পাদন করিল।

ব্যাখ্যা :—মিকাত হইতে শুধু ওমরার এহরাম বাঁধিয়া আসিলে মকায় তওয়াফ ও ছায়ী করার পর এহরাম ছাড়িয়া দিবে। কিন্তু হজ্জ বা হজ্জ ও ওমরা উভয় তথা হজ্জে-কেরাণের এহরাম বাঁধিলে সাধারণ মহআলাহ এই যে, কোরবাণীর পশু সঙ্গে না আনিলেও সে হজ্জের সমুদয় কার্য পূর্ণ না করা পর্যন্ত এহরাম ছাড়িবে না। নবী (দঃ) বিদায়-হজ্জ কালে এই সাধারণ মহআলার বিপরিত অর্থাৎ কোরবাণীর পশু সঙ্গে আনে নাই এমন সকল ব্যক্তিকেই এহরাম ভঙ্গ করিবার আদেশ দিয়া ছিলেন বটে, কিন্তু তাহা বিশেষ কারণবশতঃ ছিল; যাহা “হজ্জের প্রকার” পরিচ্ছেদে ৮১২ নং হাদীছে বর্ণিত হইয়াছে। সাধারণতঃ এক্রপ করিতে স্বয়ং নবী (দঃ)ই নিষেধ করিয়াছেন। অতএব আমাদের সাধারণ মহআলাহ অনুযায়ীই চলিতে হইবে; অতথায় কাফ্ফারা ওয়াজেব হইবে।

বিশেষ দ্রষ্টব্য :—হজ্জের মধ্যে খলীফা তথা মোসলেম রাষ্ট্রপ্রধান বা তাঁহার নিয়োজিত বিশেষ প্রতিনিধি আমীরুল-হজ্জকে তিন দিন ভাষণ দিতে হয়। (১) জিলহজ্জের সাত তারিখ মকায় জোহর নামাযের পর একটি ভাষণ।

(২) নয় তারিখ আরাফায় মসজিদে-নামেরাতে জোহর ও আছর একত্রে জোহরের ওয়াক্তে পড়াকালে; নামাযের পূর্ববর্ণে জুমার নামাযের তায় আজানের সহিত দুই খোৎবার তায় দুইটি ভাষণ। (৩) এগার তারিখ মিনায় জোহর নামাযের পর একটি ভাষণ।

হযরত রসুলুল্লাহ (দঃ) বিদায়-হজ্জে উক্ত তিন দিন এবং দশ তারিখেও ভাষণ দিয়া ছিলেন। হযরতের সেই সব ভাষণ যে কিরূপ ঐতিহাসিক ও গুরুত্বপূর্ণ ছিল তাহা বলার প্রয়োজন নাই। ঐ সব ভাষণে হযরত (দঃ) দ্বীন-ইসলামের বিশেষ বিশেষ বৈশ্বিক নীতি ও আদর্শের বর্ণনা দিয়াছেন; যাহা ইসলামী ইতিহাসের এবং নবী করীম ছালাল্লাহু আলাইহে অসাল্লামের জীবনী আলোচনা শাস্ত্রের বিশেষ বিষয়বস্তুরূপে বিদ্যমান রহিয়াছে। কোন কোন বিষয় বিশেষতঃ মানুষের জান-মাল, আবরু-ইজ্জতের নিরাপত্তার মূল নীতিটি উক্ত ভাষণ সমূহের প্রত্যেকটিতেই বিবোধিত হইয়াছিল। উক্ত ভাষণ সমূহের কোনটিই পূর্ণ ও ধারাবাহিকরূপে একজনের বর্ণনায় একত্রিত নাই। বরং উহার বিশেষ বিশেষ খণ্ড সেই ভাষণের অংশ হওয়া উল্লেখের সহিত হাদীছরূপে বিভিন্ন বর্ণনাকারীদের বর্ণনায় সুরক্ষিত রহিয়াছে। উহার কোন কোন বর্ণনা বোখারী শরীফে উল্লেখ আছে; উহা ছাড়া আরও কিছু বর্ণনা বিভিন্ন কেতাবে রহিয়াছে বোখারী শরীফ অনুবাদ কার্যে ফয়েজ ও বরকত দানের মূল কেন্দ্র মাওলানা শামসুল হক রহমতুল্লাহ আলাইহে একটি ছোট পুস্তিকায় এই সম্পর্কে অনেকগুলি বর্ণনার সমাবেশ করিয়াছিলেন। এখানে প্রথমে বোখারী শরীফে বিদ্যমান বর্ণনার অনুবাদ হইবে, অতঃপর উক্ত পুস্তিকার বর্ণনাগুলিও উদ্ধৃত হইবে এবং উহাতে অতিরিক্ত অনেক বদ্ধিত অংশও আছে যাহা “আল-বেদায়্যাহ ওয়ান-নেহায়্যাহ” কিতাব হইতে গৃহীত।

১০৮। হাদীছঃ— عَنْ ابْنِ عَبَّاسٍ رَضِيَ اللَّهُ تَعَالَى عَنْهُ

أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ خَطَبَ النَّاسَ يَوْمَ الْمَحَرِّ فَقَالَ

ইবনে আব্বাস (রাঃ) হইতে বর্ণিত আছে, রসুলুল্লাহ ছালাল্লাহু আলাইহে অসাল্লাম (বিদায়-হজ্জে ১০ই জিলহজ্জ) কোরবাণীর দিন ভাষণ দিলেন। হযরত (দঃ) বলিলেন—

হে জনমণ্ডলী! আজিকার দিনটি
কিরূপ দিন? সকলেই বলিল, বিশেষ
সম্মানিত দিন (যে দিন কোন প্রকার
মারামারি কাটাকাটি বিশেষভাবে
হারাম বলিয়া সর্ব্ব স্বীকৃত)। হযরত
(দঃ) পুনঃ জিজ্ঞাসা করিলেন, এই এলা-
কাটি কোন্ এলাকা? সকলেই বলিল,
হরম শরীফের এলাকা (যাহার সম্মান
আদিকাল হইতেই সর্ব্ব স্বীকৃত)।
হযরত (দঃ) আরও জিজ্ঞাসা করিলেন,
ইহা কোন মাস? সকলেই বলিল,
(সর্ব্ব সম্মত ও সুপরিচিত) বিশেষ
সম্মানিত মাস। (এইভাবে সম্মানের দিন,
সম্মানের মাস, সম্মানের এলাকা একত্রে
সমাবেশিত হওয়ার প্রতি সকলের দৃষ্টি
আকর্ষণ করিয়া) হযরত (দঃ) বলিলেন,
এই মাসের এই এলাকার, এই দিনের
সমষ্টিতে যে সম্মান এবং পরস্পরের
মারামারি কাটাকাটি যেরূপ কঠোর
হারাম; প্রত্যেক মোসলমানের জান,
মাল, আবরু-ইজ্জত সর্ব্বত্র ও সর্ব্বদাই
তদ্রূপ সম্মানিত এবং উহার ক্ষতি সাধণ
তদ্রূপ কঠোর হারাম। হযরত (দঃ)
এই সতর্কবাণী পুনঃ পুনঃ কয়েক বার
দোহরাইলেন; তারপর উর্দ্ধপানে দৃষ্টি
তুলিয়া বলিলেন, হে আল্লাহ! তুমি
সাক্ষী থাকিও—হামি আমার দায়িত্ব
পৌঁছাইয়া দিলাম। হে আল্লাহ! তুমি
সাক্ষী থাকিও—হামি আমার দায়িত্ব
পৌঁছাইয়া দিলাম। খবরদার, খবরদার—
তোমরা আমার তিরোধানের পরে

يَا أَيُّهَا النَّاسُ أَيُّ يَوْمٍ هَذَا
قَالُوا يَوْمٌ حَرَامٌ قَالَ فَيَا بَلَدٍ
هَذَا قَالُوا بَلَدٌ حَرَامٌ قَالَ فَيَا
شَهْرٍ هَذَا قَالُوا شَهْرٌ حَرَامٌ قَالَ
فَيَا نِزْمًا مَعَكُمْ وَأَمْسُوا لَكُمْ وَ
أَعْرَافَكُمْ عَلَيْكُمْ حَرَامٌ كَحُرْمَةِ
يَوْمِكُمْ هَذَا فَيَا بَلَدَكُمْ هَذَا فَيَا
شَهْرَكُمْ هَذَا - فَيَا عَمَلَكُمْ هَذَا
تُسَمُّوهُ وَتُفَعِّ رَأْسَهُ فَقَالَ اللَّهُمَّ هَلْ
بَلَغْتَ اللَّهُمَّ هَلْ بَلَغْتَ لَا تُزْجِعُوا
بِيَدِي كَفَّارًا يَضْرِبُ بَعْضُكُمْ

কাফেরী কার্যে লিপ্ত হইও না যে,
একে অথকে হত্যা কর।

رَقَابَ بَعْضٍ - فَلْيَبْلُغِ الشَّاهِدُ

হে লোক সকল! তোমরা প্রত্যেক
উপস্থিত অনুপস্থিতকে আমার এই
সতর্কবাণী পৌঁছাইয়া দিও।

الْغَائِبَ -

قَالَ ابْنُ عَبَّاسٍ ذَوَا الذِّئْيِ ذَفْسَى بَيْدِهِ إِنَّهَا لَوِ صَبَّخَتْ إِلَى أُمَّتِهِ

ইবনে আব্বাস (রাঃ) উক্ত হাদীছ বর্ণনান্তে বলিয়াছেন, ঐ আল্লার কসম
খাঁহার হাতে আমার জান—রসুলুল্লাহ ছালাল্লাহু আলাইহে অসাল্লামের এই
বাণী স্বীয় উম্মতের প্রতি তাঁহার বিদায় বাণী; সমস্তে উহা রক্ষা করা উম্মতের
বিশেষ কর্তব্য। ২৩৪ পৃঃ

عن عبد الله بن عمر رضى الله تعالى عنه ٥٥٩। هَادِيحٌ :—

قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ نَبِي حَبَّةِ الْوَدَاعِ

আবদুল্লাহ ইবনে ওমর (রাঃ) হইতে বর্ণিত আছে, বিদায় হজ্জে রসুলুল্লাহ
ছালাল্লাহু আলাইহে অসাল্লাম ভাষণ দানে বলিলেন—

হে জনমণ্ডলী! তোমরা কোন্
মাসকে অধিক সম্মানিত মনে কর
(যে মাসে কোন প্রকার ঝগড়া-লড়াই
করা কঠোর হারাম গণ্য করিয়া থাক)?
সকলেই বলিল, নিশ্চয় এই মাস।
হযরত (দঃ) বলিলেন, কোন্ এলাকাকে
অধিক সম্মানিত গণ্য কর? সকলেই
বলিল, নিশ্চয় এই এলাকা। হযরত
(দঃ) বলিলেন, কোন্ দিনকে তোমরা
অধিক সম্মানিত মনে কর? সকলেই
বলিল, নিশ্চয় এই দিন।

أَلَا أَيْ شَهْرٍ تَعْلَمُونَ أَكْظَمَ
حُرْمَةً قَالُوا أَلَا شَهْرُنَا هَذَا قَالَ
أَلَا أَيْ بَلَدٍ تَعْلَمُونَ أَكْظَمَ حُرْمَةً
قَالُوا أَلَا بَلَدُنَا هَذَا قَالَ أَلَا أَيْ
يَوْمٍ تَعْلَمُونَ أَكْظَمَ حُرْمَةً قَالُوا
أَلَا يَوْمُنَا هَذَا -

হযরত (দঃ) বলিলেন, তোমরা
নিশ্চিতরূপে জানিয়া রাখ—তোমাদের
জান, মাল, আবক-ইজ্জত সর্বত্র ও
সর্ব্বদাই তজ্জপ সুরক্ষিত—পরস্পর উহার

قَالَ فَإِنَّ اللَّهَ حَرَّمَ عَلَيْكُمْ
رِمَائِكُمْ وَأَمْوَالَكُمْ وَأَعْرَافَكُمْ

ক্ষতি সাধণকে আলাহ তায়ালা কঠোর ভাবে হারাম করিয়া দিয়াছেন যে রূপ এই দিনের, এই এলাকার, এই মাসের সমাবেশিত সন্মানের অবস্থায়। অবশ্য শরীয়তের বিধান মতে যে হক উহার উপর প্রবর্তিত হইবে তাহা উম্মুল করা হইবে।

তোমরা লক্ষ্য কর! আমি আমার দায়িত্ব পোঁছাইয়া দিলাম ত? এই কথাটি তিনবার বলিলেন। প্রত্যেক বারই লোকেরা উত্তর দিতেছিল, নিশ্চয় হাঁ। হযরত (দঃ) আরও বলিলেন, খবরদার—আমার তিরোধানের পরে তোমরা কাফেরী কাজে লিপ্ত হইয়া যাইও না যে—তোমাদের একে অত্মকে হত্যা করে। (১০০৩ পৃঃ)

৯১০। হাদীছঃ—**عن ابن عمر وقفا النبي صلى الله عليه وسلم : يوم النحر بمنى بين الجمرات في الحجّة التي حجّ وقال**

আবুল্লাহ ইবনে ওমর (রাঃ) হইতে বর্ণিত আছে, নবী ছালাল্লাহু আলাইহে অসালাম বিদায় হজ্জে ১০ই জিলহজ্জ কোরবানীর দিন মিনায় কব্বার মারিবার জায়গা সমূহের মধ্যবর্তী স্থানে দাঁড়াইলেন এবং সমবেত লোকদেরকে লক্ষ্য করিয়া বলিলেন—

তোমরা জান কি—এইটা কোন্ এলাকা? সকলে উত্তর করিল, আলাহ এবং তাঁহার রসূলই ভালভাবে বলিতে পারেন। হযরত (দঃ) বলিলেন, ইহা হরম শরীফের এলাকা (যথায় মারামারি কাটাকাটি কঠোর হারাম এবং অতি

إِلَّا بِحَقِّهَا كَحَرَمَةِ يَوْمِكُمْ هَذَا
فِي بَادِ كُمْ هَذَا فِي شَهْرِكُمْ هَذَا

أَلَا هَلْ بَلَغْتُ ثَلَاثًا كُلَّ ذِيكَ
يُجِيبُونَ لَا نَعَمْ قَالَ وَيْلَكُمْ
لَا تَرْجِعْنَ بَعْدِي كَفَّارًا يَضْرِبُ
بَعْضُكُمْ رِقَابَ بَعْضٍ

أَتَذَرُونَ أَيَّ بَلَدٍ هَذَا قَالُوا
اللَّهُ وَرَسُولُهُ أَعْلَمُ قَالَ بَلَدٌ
حَرَامٌ قَالَ أَتَذَرُونَ أَيَّ يَوْمٍ

* যেমন—জানের উপর হৃদ ও কেছাহ, মালের উপর যাকাত ইত্যাদি, আবরু-
ইচ্ছতের উপর তাযিরাত তথ্য শরীয়ত নির্দ্ধারিত বিভিন্ন শাস্তিমূলক ব্যবস্থা।

জঘণ্য বলিয়া সৰ্ব্ব স্বীকৃত। হযরত (দঃ) জিজ্ঞাসা করিলেন, এইটা কোন দিন? সকলে উত্তর করিল, আল্লাহ এবং তাঁহার রসূলই ভাল ভাবে বলিতে পারেন। হযরত (দঃ) বলিলেন, ইহা বিশেষ সম্মানিত দিন (যে দিনে খুন খারাবী করা কঠোর হারাম ও অতি জঘণ্য বলিয়া সৰ্ব্ব স্বীকৃত)। হযরত (দঃ) জিজ্ঞাসা করিলেন, এইটা কোন মাস? সকলে উত্তর করিল, আল্লাহ এবং তাঁহার রসূলই ভালভাবে বলিতে পারেন। হযরত (দঃ) বলিলেন, ইহা বিশেষ সম্মানিত মাস (যে মাসে কোন অত্যাচার করা কঠোর হারাম ও অতি জঘণ্য বলিয়া সৰ্ব্ব স্বীকৃত)।

হযরত (দঃ) বলিলেন জানিয়া রাখ—নিশ্চয় তোমাদের জ্ঞান, মাল, আবরু-ইজ্জতকে পরস্পর ক্ষতি সাধন করা আল্লাহ তায়ালা সৰ্ব্বত্র ও সৰ্ব্বদার জ্ঞে এক্রূপ হারাম করিয়াছেন, যেক্রূপ হারাম এই দিনের এই মাসের এই এলাকার সমাবেশিত সম্মানের অবস্থায়।

(পবিত্র কোরআনে উল্লিখিত) হজ্জে-আকবার তথা মহান হজ্জের দিনগুলির একটি দিন এই দিনটিও; (এই মহান দিনে এই বিদায় বাণী।) অতঃপর নবী (দঃ) বার বার বলিতে লাগিলেন, হে আল্লাহ! তুমি সাক্ষী থাকিও (আমি আমার দায়িত্ব পোঁছাইয়া দিলাম।) এই বলিয়া নবী (দঃ) লোকদেরকে শেষ বিদায় দিতে লাগিলেন; সেই সূত্রেই লোকেরা ইহাকে বিদায় হজ্জ আখ্যা দিয়াছে।

বিশেষ দ্রষ্টব্যঃ—আবদুল্লাহ ইবনে আব্বাস (রাঃ) এবং আবদুল্লাহ ইবনে ওমর (রাঃ) হইতে বর্ণিত উক্ত তিনটি হাদীছের ন্যায় আবু বকরাহ (রাঃ) হইতেও হাদীছ বর্ণিত আছে, যাহার অনুবাদ প্রথম খণ্ডে ৬০নং হাদীছে হইয়াছে। উক্ত হাদীছের অনুবাদে দেখান হইয়াছে যে, মানুষের শরীরের চামড়াটুকুর নিরাপত্তার

هَذَا قَالُوا اللَّهُ وَرَسُولُهُ أَعْلَمُ
قَالَ هَذَا يَوْمٌ حَرَامٌ قَالَ
أَتَذَرُونَ أَيَّ شَهْرٍ هَذَا قَالُوا
اللَّهُ وَرَسُولُهُ أَعْلَمُ قَالَ شَهْرٌ
حَرَامٌ -

قَالَ فَإِنَّ اللَّهَ حَرَّمَ عَلَيْكُمْ
دِمَائَكُمْ وَأَمْوَالَكُمْ وَأَعْرَاضَكُمْ
كَحُرْمَةِ يَوْمِكُمْ هَذَا فِي شَهْرِكُمْ
هَذَا فِي بَلَدِكُمْ هَذَا - هَذَا يَوْمُ
الْحَجِّ الْأَكْبَرِ فَطَفِقَ النَّبِيُّ صَلَّى
اللَّهُ عَلَيْهِ وَسَلَّمَ يَقُولُ اللَّهُمَّ
أَشْهَدُ وَودَعَ النَّاسَ فَقَالُوا هَذِهِ
حَجَّةُ الْوَدَاعِ -

উল্লেখও এই ঘোষণায় উল্লেখ রহিয়াছে। জরীর ইবনে আবছল্লাহ (রাঃ) হইতেও একটি সংক্ষিপ্ত হাদীছ এই বিষয়ে বর্ণিত আছে, যাহার অনুবাদ ৯৬নং হাদীছে হইয়াছে। এই হাদীছ সমূহের মূল বিষয়বস্তু একই; অবশ্য শ্রোতাদের সঙ্গে হযরতের কথোপকথনের ভূমিকা বর্ণনায় কিছু বিভিন্নতা রহিয়াছে; উহার দরুন ছাহাবীগণের বর্ণনায় গড়মিলের ধারণার বিভ্রান্তি হওয়া চাই না। কারণ, রসুলুল্লাহ ছাল্লাল্লাহু আলাইহে অসাল্লামের ভাষণ মক্কা, আরফায়, মিনায়—বিভিন্ন দিন হইয়াছে; তদুপরি লক্ষের অধিক লোকের সমাবেশ, গুরুত্বপূর্ণ ভাষণ; যথা সাধ্য সকলকে শুনাইবার প্রয়োজন, অতএব অন্ততঃ মিনার মধ্যে যথায় হজ্জের কোন সুদীর্ঘ আমলের মগ্নতা নাই—সেখানে রসুলুল্লাহ (দঃ) ইসলামের একটি বৈশ্বিক মূল নীতি (Fundamental right) “মানুষের জ্ঞান, মাল, আবরু-ইজ্জতের নিরাপত্তার মৌলিক অধিকার-এর দ্বার্থহীন ঘোষণাকে খণ্ড খণ্ড সমাবেশে বিশেষ ভাষণরূপে শুনাইয়া ছিলেন এবং বিভিন্ন সমাবেশে শ্রোতাদের সঙ্গে হযরতের কথোপকথনে বস্তুতঃই বিভিন্নতা ছিল; বর্ণনাকারীগণ এক একজনে এক এক সমাবেশের বিবরণ বর্ণনা করিয়াছেন। এক আবছল্লাহ ইবনে ওমর (রাঃ)ই তিন সমাবেশের বিবরণ বর্ণনা করিয়াছেন।

শান্তি ও নিরাপত্তার ধর্ম ইসলামের গোরাবোজ্জল মূল নীতি—

● মানুষের জ্ঞানের নিরাপত্তা, এমনকি তাহার শরীরের এবং উহার চামড়াটুকুরও নিরাপত্তা, ● মানুষের মালের নিরাপত্তা এবং ● মানুষের আবরু-ইজ্জতের নিরাপত্তা—এই ব্যাপক নিরাপত্তার মৌলিক অধিকার দানই ছিল ইসলামের একটি বিশেষ মূল নীতি, যাহার দ্বার্থহীন ঘোষণা দিয়াছিলেন বিশ্ব নবী মোহাম্মাদুর রসুলুল্লাহ ছাল্লাল্লাহু আলাইহে অসাল্লাম সর্বত্র। বিশেষতঃ তাঁহার বিদায়-হজ্জের বিদায় বাণীর প্রতিটি ভাষণে তিনি উক্ত অধিকারের পুনঃ পুনঃ ঘোষণা দিয়াছেন। হযরত (দঃ) ১০ই জিলহজ্জ মিনার ভাষণের মধ্যে উক্ত নিরাপত্তাকে অত্যন্ত কঠোর এবং বিশেষরূপে মজবুত প্রতিপন্ন করার জন্ত ভাষণ দানের দিন, কাল ও স্থানের প্রতি বিশেষ তাৎপর্যপূর্ণ প্রশ্নের মাধ্যমে সকলের দৃষ্টি আকর্ষণ পূর্বক এই বাস্তবটি তাহাদের সম্মুখে তুলিয়া ধরিয়াছিলেন যে, এই দিনটি মহান কোরবাণীর দিন—যেই দিনটিতে কাহারও জ্ঞান-মালের উপর কোন প্রকার আক্রমণ করাকে অতীত কাল হইতেই সর্ববাদী সম্মতরূপে, এমনকি তৎকালীন খুন-খারাবী লুটপাটকারী দুর্ধর্ষ বেহুইন আরব জাতির ধর্ম মতেও অত্যন্ত জঘন্য ও অবৈধ গণ্য করা হইত। তদ্রূপ এই মহান জিলহজ্জ মাস—মহা সম্মানের চার মাসের একটি, যাহার পবিত্রতাও ঐক্যপই। তদ্রূপ এই এলাকাটি মহা পবিত্র হরম শরীফের

এলাকা—যেই এলাকার পবিত্রতাও ঐরূপই। এই তিনটি মহা পবিত্রের একত্রে সমাবেশের প্রতি দৃষ্টি আকর্ষণ পূর্বক হযরত (দঃ) তাঁহার মূল উদ্দেশ্যকে স্পষ্ট ভাষায় ব্যক্ত করিয়াছেন যে, এই ত্রিবিধ পবিত্রের সমাবেশ মানুষের জান-মালকে যে রূপ সুরক্ষিত গণ্য করা হইয়া থাকে, ইসলামের বিধানে প্রতিটি দিনে, প্রতিটি মাসে, প্রতিটি স্থানে, প্রতিটি মানুষের জান-মাল, আবরু-ইজ্জত এমনকি তাহার চামড়াটুকুও সুরক্ষিত পরিগণিত—উহার উপর সামান্য আঁচড়ও হারাম নিষিদ্ধ। উল্লেখিত উদ্দেশ্যকে আরও অধিক সুকঠিনরূপে প্রতিপন্ন করার উদ্দেশ্যে ভূমিকা স্বরূপ প্রথমে আর একটি তথ্য হযরত (দঃ) ব্যক্ত করিয়াছেন যাহার উল্লেখ মোসলেম শরীফে আবু বকরাহ (রাঃ)এর হাদীছে রহিয়াছে—

“গুনিয়া রাখ, কালের চক্র ঘূর্ণায়মান হইয়া উহার ধারা-পরম্পরা ঐ অবস্থায় আসিয়াছে যে অবস্থা উহার ছিল ঐদিন হইতে যেই দিন আল্লাহ তায়ালা আসমান জমিন বিশ্বভূমণ্ডল সৃষ্টি করিয়াছিলেন। বৎসর বার মাসের ; তন্মধ্যে চারটি মাস মহা সম্মানিত ; যাহার তিনটি একের পর এক মিলিত— জিলকদ, জিলহজ্জ ও মহরম। আর একটি হইল রজব যাহা শাবানের পূর্বে।”

أَلَا إِنَّ الزَّمَانَ قَدِ اسْتَدَارَ
كَهَيْئَتِهِ يَوْمَ خَلَقَ اللَّهُ السَّمَوَاتِ
وَالْأَرْضَ السَّنَةُ إِثْنَتَى عَشَرَ
شَهْرًا مِنْهَا أَرْبَعَةٌ حُرُمٌ ثَلَاثٌ
مِنْهُنَّ لِبَاطِنَاتُ ذُو الْقَعْدَةِ وَذُو الْحِجَّةِ
وَالْمَحَرَّمِ وَرَجَبُ الْمَضَرِّ الَّذِي
بَيْنَ جُمَادَى وَشَعْبَانَ

ব্যাখ্যা :—চারটি মহা সম্মানিত মাস যাহার মধ্যে কাহারও জান-মালের উপর কোন প্রকার আক্রমণ করা সকলেই নিষিদ্ধ ও অবৈধ গণ্য করিত। অন্ধকার যুগে খুন ও লুটের ব্যবসায়ী আরব জাতিরা নিজেদের উক্ত ব্যবসার সুবিধার জন্য ঐ সম্মানিত মাসগুলির বিশেষতঃ ধারাবাহিক মাস তিনটির অবস্থানে রদ-বদল করিত। যেমন—জিলকদ মাসে খুন-লুট হইতে বিরত থাকায় অভাব দেখা দিয়াছে ; পরবর্তী আরও দুই মাস ঐরূপে বিরত থাকিলে খাওয়া জুটিবে না, তাই সাব্যস্ত করা হইত যে, জিলহজ্জ বা মহরম তাহার অবস্থান তথা জিলকদের পর পর আসিবে না, বরং দুই বা চার মাস পরে আসিবে। এইভাবে জিলকদের পর বস্তুতঃ জিলহজ্জ সম্মানিত মাসের অবস্থান বা তারপর সম্মানিত মাস মহরমের অবস্থান হওয়া সত্ত্বেও উহাকে অন্য মাসের নাম করণ

করিয়া তখন খুন ও লুটের কাজ চালাইয়া নিত এবং সন্ধ্যোগ মতে অস্থ
যে কোন সময় জিলহজ্জ বা মহরম মাস উদযাপন করিত। এই শ্রেণীর
রদ-বদল দ্বারা মাস সমূহের ধারা-পরম্পরা ও ক্রমিকতায় বিরাট গড়মিল সৃষ্টি
হইয়া গিয়াছিল; যদ্বন্ধে ইতিপূর্বে হজ্জ ও উহার যথাসময়ে উদযাপিত হইত না।
কোন অস্থ মাসের উপর জিলহজ্জের নামকরণে হজ্জ হইত। অতএব কারণেই
উক্ত রদ-বদলকে “নাছী” নামে আখ্যায়িত করিয়া পবিত্র কোরআন উহাকে
অতিরিক্ত কুফুরী বলিয়া ঘোষণা করিয়াছে। নবী ছালাল্লাহু আলাইহে
অসাল্লামের বিদায়-হজ্জের বৎসর ঘটনাক্রমে রদ-বদলের ঘূর্ণিচক্র মাসগুলিকে
প্রকৃত ধারা ও ক্রমিকতার উপর আনিয়া দিয়াছিল। অনেকে লিখিয়াছেন,
অষ্টম হিজরীতে ইসলামে হজ্জ ফরজ হওয়া সত্ত্বেও নবম হিজরীতে নবী (দঃ)
হজ্জ করেন নাই। দশম হিজরী সনে ঘূর্ণিচক্র উক্ত ক্রিয়া করিবে এবং হজ্জ
উহার সঠিক সময় প্রকৃত জিলহজ্জ মাসে উদযাপিত হইবে উহারই অপেক্ষায়
আল্লামার কুদরত হযরতের হজ্জকে এক বৎসর বিলম্বিত করিয়াছিল।

ঘূর্ণিচক্রের উক্ত প্রতিক্রিয়ার তথ্যটি প্রকাশ করিয়া নবী (দঃ) এই কথাটিও
বুঝাইয়াছেন যে, বর্তমান জিলহজ্জ মাস কৃত্রিম—শুধু নামের জিলহজ্জ মাস নহে,
বরং প্রকৃত জিলহজ্জ মাস এবং কোরবানীর দিনটিও তদ্রূপ প্রকৃত কোরবানীর
দিন। এই প্রকৃত জিলহজ্জ মাসে এবং প্রকৃত কোরবানীর দিন মানুষের
জান-মাল যেরূপ সর্ববাদী এবং সর্ব সন্মতভাবে সুরক্ষিত গণ্য; ইসলামের
বিধানে প্রতি দিনে ও প্রতি মাসে উহা তদ্রূপই সুরক্ষিত গণ্য।

উম্মতের কল্যাণের আরও অনেক কিছু নবী ছালাল্লাহু আলাইহে অসাল্লাম
সেই বিদায় বাণীর ভাষণে বলিয়াছেন। যথা—

৯১১। হাদীছ :—আবদুল্লাহ ইবনে ওমর (রাঃ) হইতে বর্ণিত আছে,
তিনি নবী ছালাল্লাহু আলাইহে অসাল্লামের বিদায়-হজ্জের উল্লেখ করতঃ বলিলেন,
নবী (দঃ) ভাষণ দানে আল্লাহ তাযালার প্রশংসা ও ছানা-ছিফত বয়ান করিলেন।
তারপর দজ্জালের আলোচনা করিলেন। হযরত (দঃ) বলিলেন—

যত নবী আল্লাহ তাযালা প্রেরণ
করিয়াছেন প্রত্যেকেই নিজ উম্মতকে
দজ্জাল হইতে সতর্ক করিয়া ছিলেন,
এমনকি নূহ (আঃ)ও স্বীয় উম্মতকে
দজ্জাল হইতে সতর্ক করিয়াছিলেন এবং
ঐহার পরবর্তী নবীগণ ত করিয়াছেনই।

مَا بَعَثَ اللَّهُ مِنْ نَبِيٍّ إِلَّا
أَنْذَرَ أُمَّتَهُ أَنْذَرَ نُوحٌ
وَالنَّبِيُّونَ مِنْ بَعْدِهِ وَإِنَّ

(পূর্ব্ব কোন উম্মতেই দজ্জালের আবির্ভাব হয় নাই;) তোমাদের মধ্যে অবশ্যই তাহার আবির্ভাব হইবে। (সে খোদায়ী দাবী করিবে, কিন্তু সে যে খোদা নয় উহার প্রমাণে) তাহার বিভিন্ন অবস্থাবলী তোমাদের সাধারণ বুঝে সুস্পষ্ট না হইলেও ইহা ত নিশ্চয় সুস্পষ্ট হইবে যে, আল্লাহ তায়ালা ত সর্ব্বময় দোষ-ক্রতিমুক্ত, আর দজ্জালের চোখও দোষী হইবে—(বাম চোখটা ত একে-বারেই লেপাপোছা দৃষ্টিহীন হইবে এবং) ডান চোখটা ক্ষীত হইবে, যেমন আঙ্গুরের ছড়ায় কোন একটি আঙ্গুর বহিভূত থাকে।

জানিয়া রাখ—নিশ্চয় আল্লাহ তায়ালা তোমাদের পরস্পর তোমাদের জান-মালকে সর্ব্বদার জন্ত ঐরূপ কঠোর ভাবে হারাম করিয়া রাখিয়াছেন যেরূপ এই মহান দিনে, এই এলাকায় এই মাসে উহা (সর্ব্ব স্বীকৃতরূপে) কঠোর হারাম। হে লোক সকল! আমি আমার দায়িত্ব পৌছাইয়া দিলাম ত!

সকলেই সমবেত কণ্ঠে স্বীকৃতি জানাইল—হাঁ। হযরত (দঃ) তিন বার বলিলেন, হে আল্লাহ! তুমি সাক্ষী থাকিও। হে লোক সকল! তোমাদের ধ্বংস হইবে-- লক্ষ্য রাখিও, তোমরা আমার তিরোধানের পর কাকেরূপ ধারণ করিও না যে—একে অস্ত্রের গলা কাটিবে। (৬৩২ পৃঃ)

অতঃপর হযরত রসুলুল্লাহ ছালাল্লাহু আলাইহে অসাল্লামের ঐতিহাসিক বিদায়-হজ্জের ভাষণ সমূহের যে সব খণ্ড বিভিন্ন কেতাব হইতে মাওলানা শামছুল হক রহমতুল্লাহ আলাইহে পুস্তিকাকারে একত্রিত করিয়া গিয়াছেন উহা বদ্ধিতাকারে উদ্ধৃত হইল—

يَخْرُجُ فِيكُمْ فَمَا خَفِيَ عَلَيْكُمْ
مِنْ شَايَةِ فَلَيْسَ يَخْفَى عَلَيْكُمْ
أَنَّ رَبَّكُمْ لَيْسَ بِأَعْوَرَ وَأَنَّ
أَعْوَرَ عَيْنِ الْيَمْنَى كَانَ عَيْنَهُ
عَيْنَةً طَائِفَةً أَلَا إِنَّ اللَّهَ حَرَّمَ
عَلَيْكُمْ دِمَائَكُمْ وَأَمْوَالَكُمْ
كَحُرْمَةِ يَوْمِكُمْ هَذَا فِي بَلَدِكُمْ
هَذَا فِي شَهْرِكُمْ هَذَا أَلا هَلْ
بَلَغْتُ قَالُوا نَعَمْ قَالَ اللَّهُمَّ
أَشْهَدُ ثَلَاثًا وَيْلَكُمْ أَنْظَرُوا
لَا تَرْجِعُوا بَعْدِي كُفَّارًا يَضْرِبُ
بَعْضُكُمْ رِقَابَ بَعْضٍ ۝

হে লোক সকল! আমার কথাগুলি
মনোযোগের সহিত শ্রবণ করিও ;
বোধ হয়—এই বৎসরের পরে এইরূপ
মহান হজ্জের সুযোগে এই মহান মাসে
এই মহান জায়গায় তোমাদের সঙ্গে
আমার সাক্ষাত আর ঘটিবে না।

(১) তোমরা সকলে ভালভাবে শুনিয়া
রাখ—বর্বর ও অন্ধকার যুগের সমস্ত
কুসংস্কার* পদদলিত ও বাতিল।

(২) হত্যার প্রতিশোধ গ্রহণে বর্বর
ও অন্ধকার যুগের রীতি ↑ পদদলিত
ও বাতিল। হত্যার ঐরূপ প্রতিশোধের
সর্বপ্রথম বাতিল ঘোষিত ঘটনা
আমাদের নিজেদের একটি ঘটনা—
রবিয়া ইবনে হারেসের পুত্রের খুনের
ঘটনা।** সে বাল্যাবস্থায় বহুসায়াদ
গোত্রীয় দাই মাতার গৃহে থাকিয়া
দুধ পান করিত; বহুহোজায়েলদের
কাহারও নিক্ষিপ্ত প্রহারঘাতে সে
তথায় নিহত হইয়া ছিল।

أَيُّهَا النَّاسُ اسْمَعُوا ذِي نَبِيٍّ
لَا أَدْرِي لَعَلِّي لَا أَلْقَاكُمْ بَعْدَ
عَامِي هَذَا فِي مَوْقِفِي هَذَا فِي
بَلَدِكُمْ هَذَا

● أَلَا كُلُّ شَيْءٍ مِنْ أَمْرِ
الْجَاهِلِيَّةِ تَحْتَ قَدَمِي مَوْضُوعٌ
● دَمَاءُ الْجَاهِلِيَّةِ مَوْضُوعَةٌ
وَأَنَّ أَوَّلَ دَمٍ أَضْعُ مِنْ دَمَانَا
دَمَ ابْنِ رَبِيعَةَ بْنِ الْحَارِثِ وَكَانَ
مُسْتَرْضِعًا فِي بَنِي سَعْدٍ فَتَقَتَّلَتْهُ
هَذِهِ

* অন্ধকার যুগের সংস্কার বলিতে সকল প্রকার অত্যাচার, অত্যাচার, দুর্ব্বলের
উপর সবলের জুলুম, লুটপাট, স্তন্য, ঘৃণা, জুয়া, মত্তপান, নাচ-গান, বাজ এবং আল্লাহ
ভিন্ন অস্ত্রের পূজা। আর নারীদের বেপর্দা বেহারারূপে অবাধ চলাচলকে ত পবিত্র
কোরআনেই সুস্পষ্টরূপে অন্ধকার যুগের কুসংস্কার বলা হইয়াছে (২২ পাঃ ১ রঃ দ্রষ্টব্য)।

↑ পিতার অপরাধে পুত্রকে, পুত্রের অপরাধে পিতাকে এইরূপে একজনের
অপরাধে তাহার আত্মীয়-কুটুম্বের বা বংশের কিম্বা দেশের অত্মকে প্রতিশোধ গ্রহণে
হত্যা করার নীতি অন্ধকার যুগে প্রচলিত ছিল।

** “রবিয়া” নবী ছালাল্লাহু আলাইহে অসাল্লামের সাক্ষাৎ চাচাতো ভাই-এর
ছেলে ছিলেন, তাঁহার ছেলে বহুহোজায়েল গোত্রের কোন লোকের দ্বারা নিহত হইয়া
ছিল; তাই বর্বর যুগের রীতি অনুযায়ী রবিয়ার গোষ্ঠি বহুহোজায়েল গোত্রের যে কোন
মানুষকে হত্যা করিয়া প্রতিশোধ গ্রহণের চেষ্টায় ছিল। নবী (দঃ) সেই প্রচেষ্টাকে
প্রত্যাহত বাতিল ঘোষণা করিলেন।

(৩) সুদ ব্যবসা যাহা অন্ধকার যুগের গহিত ব্যবস্থা উহা সম্পূর্ণ বাতিল। অবশ্য ঋণের আসল টাকা প্রাপ্য হইবে; (পাওনাদার খাতকের নিকট হইতে মূল ঋণের অধিক উসুল করার) অস্থায় তোমরা করিতে পারিবে না; তোমাদের উপরও (আসল টাকা না দেওয়ার) অস্থায় করা হইবে না। সুদ বাতিল করার ঘোষণা সর্বপ্রথম আমাদের উপর বাস্তবায়িত করিতেছি। (আমার চাচা) আব্বাস পুত্র মোস্তালেবের সুদের পাওনা টাকা বাতিল করিয়া দিলাম। তাঁহার সমস্ত সুদ প্রত্যাহত বাতিল হইয়া গেল + ।

(৪) ঋণ পরিশোধ করিতে হইবে, সাময়িক কাজ উদ্ধারের জন্ত চাহিয়া আনা জিনিষ আমানতরূপে ফেরত দিতে হইবে এবং দুগ্ধবতী পশুকেও সাময়িকভাবে দুধ খাওয়ার সাহায্য স্বরূপ দিলে সেই পশুও আমানতরূপে ফেরত দিতে হইবে* । কেহ কোনরূপ জামিন হইলে সে দায়ী হইবে।

● وَرَبَّاءُ الْجَاهِلِيَّةِ مَوْضُوعٌ
لَكُمْ رَعُوسٌ أَمْوَالُكُمْ لَا تُنْظَمُونَ
وَلَا تُنْظَمُونَ وَأَوَّلُ رَبِّبَا أَضَعُ
رَبِّبَانَا رَبِّبَا الْعَبَّاسِ بْنِ عَبْدِ
الْمُطَّلِبِ فَإِنَّهُ مَوْضُوعٌ كُلُّهُ
● أَلَدَيْنِ مَضِيٍّ وَالْعَارِيَّةِ
مُؤَدَّةً وَالْمُنِيَّهِ مَرْدُودَةً
وَالزَّعِيمِ غَارِمٌ

+ আইনের শাসন প্রবর্তনে সোনালী আদর্শের উজ্জ্বল দৃষ্টান্ত নবী (দঃ) এখানে দেখাইয়াছেন। শাসনকর্তাকে প্রতিটি আইন সর্বপ্রথম নিজের ও নিজের গোষ্ঠির উপর প্রয়োগ করিতে হয়।

হত্যার প্রতিশোধ গ্রহণে আদর্শ আইন প্রবর্তন করিতে যাওয়া নবী (দঃ) দেশের প্রচলিত রীতিকে বাতিল ঘোষণা করিলেন এবং সেই আইনকে সর্বপ্রথম নিজের গোষ্ঠির উপর প্রয়োগ করিলেন—আপন ভাতিজার দাবীকে উক্ত আইনে বাতিল করিয়া দিলেন। তদ্রূপ সুদের পাওনা বাতিল করার আইন নবী (দঃ) সর্বপ্রথম নিজ চাচার উপর প্রয়োগ করিলেন। তাঁহার চাচা আব্বাস (রাঃ) লগ্নির ব্যবসা করিতেন লোকদের নিকট সুদের বহু টাকা তাঁহার পাওনা ছিল। সেই সব টাকার দাবীকে নবী (দঃ) বাতিল করিয়া দিলেন।

* অর্থাৎ শুধু ভোগ-দখলের দ্বারা মালিকানা সত্ত্ব কায়ম হইবে না।

(৫) হে জনমণ্ডলী ! তোমাদের সকলের সৃষ্টিকর্তা একই এবং আদি পিতাও একই। সুতরাং কোন আরবী কোন অ-আরবীর প্রতি বৈষম্য দেখাইতে পারিবে না, কোন অ-আরবী কোন আরবীর প্রতি বৈষম্য দেখাইতে পারিবে না। সাদা কালোর প্রতি এবং ঋাল সাদার প্রতি বৈষম্য দেখাইতে পারিবে না। হাঁ—খোদাভক্তি ও খোদা-ভিকৃতার চরিত্রগুণে মানুষের মর্যাদা প্রতিষ্ঠিত হইবে; সেইগুণ যাহার বেশী হাসিল হইবে সে আল্লাহর নিকট অধিক মর্যাদাবান হইবে।

(৬) পুরুষ নারীদের উপর কর্তৃত্ব প্রাপ্ত, অতএব হে পুরুষগণ ! নারীদের সম্পর্কে আল্লাহ তায়ালায় ভয় অন্তরে জাগ্রত রাখিও। তোমাদের স্ত্রীদের উপর তোমাদের হক আছে, স্ত্রীদেরও হক তোমাদের উপর রহিয়াছে। তোমাদের বড় হক তাহাদের উপর এই যে, তাহারা তোমাদের বিছানায় অশ্লের স্থান দিবে না যাহা তোমাদের অসনীয় (স্বীয় সতীত্ব পূর্ণরূপে রক্ষা করিবে।) এবং এই হক যে, তাহারা এমন কোন কাজ করিবে না যাহা সুস্পষ্ট নির্লজ্জতা, কাহেসা ও বেহায়াপনা; যদি ঐরূপ কাজ করে তবে তোমাদের জন্ত অলুপতি আছে, শয্যায় তাহাদের হইতে বিমুখ বিরাগী হইয়া থাক; আরও প্রয়োজন হইলে শাস্তিও দিতে পার, কিন্তু আঘাত জনিত প্রহার করিতে পারিবে না।

● أَيُّهَا النَّاسُ أَلَا إِنَّ رَبَّكُمْ
وَاحِدٌ وَإِنَّ أَبَاكُمْ وَاحِدٌ أَلَا
لَا فَضْلَ لِعَرَبِيٍّ عَلَى عَجَمِيٍّ وَلَا
لِعَجَمِيٍّ عَلَى عَرَبِيٍّ وَلَا لَأَحْمَرَ عَلَى
أَسْوَدَ وَلَا لَأَسْوَدَ عَلَى أَحْمَرَ -
إِلَّا بِالتَّقْوَى إِنَّ أَكْرَمَكُمْ عِنْدَ
اللَّهِ أَتْقَاكُمْ

● الرَّجَالُ قَوَّامُونَ عَلَى
النِّسَاءِ نَاظِرُوا اللَّهَ فِي النِّسَاءِ
إِنَّ لَكُمْ عَلَى نِسَائِكُمْ حَقًّا وَإِنَّ
لَهُنَّ عَلَيْكُمْ حَقًّا لَكُمْ عَلَيْهِنَّ أَنْ
لَا يَسُوْطُنَّ فُرُشَكُمْ أَحَدًا
تَكَرَّهُوْنَ ذَلِكَ وَعَلَيْهِنَّ أَنْ لَا يَأْتِيَنَّ
بِفَا حِشَّةٍ مَّبْيُذَنَةٍ نَّانِ فَعَلْنِ فَقَدْ
أُذِنَ لَكُمْ أَنْ تَهْجُرُوهُنَّ فِي
الْمَضَاجِعِ وَتَضْرِبُوهُنَّ ضَرْبًا غَيْرَ

শান্তিমূলক ব্যবস্থায় যদি নির্লজ্জ কাজ হইতে নিবৃত্ত হইয়া যায় তবে ভদ্রোচিত খোরপোশের পূর্ণ অধিকার তাহাদের জন্ত প্রবর্তিত থাকিবে। আমার বিশেষ নির্দেশ নারীদের সম্পর্কে পালন করিও যে, তাহাদের প্রতি সদ্যবহার বজায় রাখিবে; তাহারা তোমাদের স্বামীত্বের বন্ধনে আবদ্ধা রহিয়াছে, স্বৈচ্ছাধীন তোমাদিগকে পরিত্যাগ করিয়া নিজের পথ নিজে গ্রহণ করার সুযোগ তাহাদের নাই। তোমরা তাহাদিগকে লাভ করিয়াছ আল্লাহ আমানতরূপে এবং তাহাদের সতীত্বকে নিজের জন্ত হালাল করিতে পারিয়াছ আল্লাহ বিধানের অধীনে। (সেই আল্লাহ রসূল আমি তাহাদের সম্পর্কে তোমাদের এই সব নির্দেশ দিলাম।)

(৭) কোন মহিলা স্বামীর অল্পমতি ব্যতীত সংসারের কোন কিছু ব্যয় করিবে না। প্রশ্ন করা হইল, খাণ্ডবস্ত্রও নয়—ইয়া রসূলুল্লাহ! হযরত (দঃ) বলিলেন, ইহাত উত্তম মাল পরিগণিত। (আল্লাহই রসূল—আমি তোমাদের সম্পর্কে তোমাদের প্রতি এই সব নির্দেশ দিলাম।)

(৮) ভাই সকল! তোমরা আমার কথা ভালভাবে বুঝিয়া রাখ। আমি আমার দায়িত্ব পৌছাইয়া দিয়াছি, তত্পরি এমন জিনিষ তোমাদের জন্ত রাখিয়া যাইতেছি যে, যাবৎ তোমরা উহাকে দৃঢ়রূপে আঁকড়িয়া থাকিবে কিছুতেই কস্মিন

مَبْرُوحَ نَانَ اَنْتَهِيْنَ فَلَهُنَّ رِزْقُهُنَّ
وَكِسْوَتُهُنَّ بِالْمَعْرُوفِ وَاسْتَوْصُوا
بِالنِّسَاءِ خَيْرًا نَانَ هُنَّ عِنْدَكُمْ
عَوَانٌ لَا يَمْلِكُنَّ لِانْفُسِهِنَّ شَيْئًا
وَانَّكُمْ اِنَّمَا اَخَذْتُمُوهُنَّ بِمَا نَذَرُ
اللّٰهُ وَاسْتَحْلَلْتُمْ فُرُوجَهُنَّ
بِكَلِمَاتٍ اللّٰهُ ۝

لَا تُنْفِقُ امْرَاةٌ مِنْ بَيْتِهَا
اِلَّا بِاِذْنِ زَوْجِهَا فَاَقْبِلْ يَا رَسُوْلُ
اللّٰهُ وَلَا الطَّعَامَ قَالَ ذَا لِكَ اَنْفُلْ
اَمْوَالَنَا ۝

فَاَعْقِلُوا اَيُّهَا النَّاسُ قَوْلِي
فَاِنِّي قَدْ بَلَغْتُ وَقَدْ تَرَكْتُ
فِيْكُمْ مَا اِنْ اَعْتَمَمْتُمْ بِهِ لَس

কালেও তোমরা ভ্রষ্টতায় পতিত হইবে না; উহা অতি পরিকার উজ্জল জিনিষ—আল্লাহর কেতাব (কোরআন শরীফ) এবং আল্লাহর নবীর ছুন্নাহ্ (হাদীছ)।

(৯) ভাই সকল! তোমরা আমার কথা মনোযোগে শোন এবং উহাকে পূর্ণ রূপে উপলব্ধি কর। জানিয়া রাখিও—প্রত্যেক মোসলমান অপর মোসলমানের ভাই এবং সকল মোসলমান পরস্পর ভাই ভাই; কাহারও জন্ত স্বীয় ভ্রাতার কোন জিনিষ হস্তগত করা জবর-দখল করা হালাল নহে, অবশ্য যদি কেহ নিজ মনের খুশিতে কোন কিছু দিয়া দেয়।

(১০) নাক-কান কাটা কালা হাবশী গোলামকেও যদি কোন কাজে তোমাদের উপরস্থ নিয়োগ করা হয় এবং সে আল্লাহর কেতাব কোরআন তথা শরীয়ত অনুযায়ী তোমাদিগকে পরিচালিত করে তবে তোমরা তাহার কথা মানিয়া চলিবে এবং তাহার আদেশ-নিষেধের অনুসরণ করিবে, যাবৎ না সুস্পষ্ট আল্লাহর নাফর-মানী তাহার মধ্যে দেখিতে পাও।

(১১) সতর্ক থাকিও সতর্ক থাকিও দাস-দাসী (এবং করতলগত ভৃত্য-মজহুরদের) সম্পর্কে। তোমরা যেক্রপ খাইবে তাহাদেরও খাওয়ার ব্যবস্থা করিবে। তোমরা যেক্রপ পরিবে তাহাদেরও পরার ব্যবস্থা করিবে।

(১২) তোমাদের এই পবিত্র ভূখণ্ডে শয়তান-পূজা পুনঃ প্রচলিত হইবে—ইহা হইতে শয়তান চিরতরে হতাশ হইয়াছে; কিন্তু তোমরা যাহা ছোট বা হাক্ষা গণ্য

تَصَلُّوا أَدْبَا - أَمْرًا بَيْنَنَا كِتَابُ
اللَّهِ وَسُنَّةُ نَبِيِّهِ ۝

● أَيُّهَا النَّاسُ اسْمَعُوا قَوْلِي
وَأَعْقِلُوا تَعْلَمُونَ كُلُّ مُسْلِمٍ أَخُ
الْمُسْلِمِ وَأَنَّ الْمُسْلِمِينَ إِخْوَةٌ
فَلَا يَحِلُّ لِمُحْرٍ مِنْ أَخِيهِ إِلَّا
مَنْ أَعْطَاهُ مِنْ طَيْبٍ نَفْسٍ مَذَّةٌ
● إِنْ أَمَرَ عَلَيْكُمْ عَبْدٌ
مَجْدَعٌ أَسْوَدٌ يَقُولُ كُمْ بِكِتَابِ
اللَّهِ فَاسْمَعُوا لَهُ وَأَطِيعُوا حَتَّى
تَرَوْا كُفْرًا بَوَاحًا ۝

● أَرِقَاتُكُمْ أَرِقَاتُكُمْ
أَطْعِمُوهُمْ مِمَّا تَأْكُلُونَ وَاكْسُوهُمْ
مِمَّا تَلْبَسُونَ ۝

● أَلَا إِنَّ الشَّيْطَانَ قَدْ يَتَسُ
أَنْ يَعْبُدَ فِي بَلَدِكُمْ هَذَا أَدْبَا
وَلَكِنْ سَتَكُونُ لَهُ طَاعَةٌ فِيمَا

কর সেইরূপ পাপেও শয়তান সন্তুষ্ট হইবে। (আর শয়তানকে সন্তুষ্ট করিলে ধাপে ধাপে তোমাদের উপর ধ্বংস নামিয়া আসিবে।)*

تَحْقِرُونَ مِنْ أَعْمَالِكُمْ
فَسَبِّحْ بِحَمْدِ رَبِّكَ

(১৩) খবরদার—তোমরা আমার পরে পথভ্রষ্ট হইয়া যাইও না—দলাদলি, মারামারি, স্বার্থের লড়াই করিয়া একে অহকে আক্রমণ ও হত্যা করিও না। অচিরেই তোমাদিগকে আল্লাহর দরবারে হাজির হইতে হইবে; আল্লাহ তোমাদের সমুদয় কার্যাবলীর হিসাব নিবেন।

أَلَا لَا تَرْجِعُوا بَعْدِي ضَالًّا لَا
يُضِرُّ رَبَّ بَعْضُكُمْ رِقَابَ بَعْضٍ
وَسْتَئْتُونَ رَبَّكُمْ فَيَسْأَلُكُمْ عَنْ
أَعْمَالِكُمْ

(১৪) তোমাদের প্রভু পরওয়ার-দেগারের দাসত্ব-শৃঙ্খলে আবদ্ধ থাকিবে, পাঞ্জেরানা নামায পড়িবে, রমজান মাসের রোযা রাখিবে, নিজ নিজ মালের যাকাত আদায় করিবে, উপরস্থের নিয়-মানুবর্তী থাকিয়া শান্তি বজায় রাখিবে—এই সবই হইল, প্রভু-পরওয়ারদেগারের বেহেশত লাভের অবলম্বন।

أَعْبُدُوا رَبَّكُمْ صَلُّوا خُصُوعًا
وَصُومُوا شَهْرَكُمْ وَأَتُوا زَكَاةَ
أَمْوَالِكُمْ وَأَطِيعُوا ذَا أَمْرِكُمْ
تَدْ خَلُوا جَنَّةَ رَبِّكُمْ

(১৫) হে লোক সকল! আল্লাহ তায়ালা মিরাস বন্টনে প্রত্যেককে তাহার প্রাপ্য (পবিত্র কোরআনে নির্দ্ধারিত করিয়া দিয়াছেন; কোন ওয়ারেসের জহ (উহার অতিরিক্ত বেশী পাইবার সুযোগ দানার্থে) কোন প্রকার অছিয়ত কার্য্যকরী হইবে না। (কোন স্বীকৃতিও কার্য্যকরী হইবে না।) কোন নারীর বৈধ সম্পর্ক যে পুরুষের সহিত

أَيُّهَا النَّاسُ إِنَّ اللَّهَ آتَى
إِلَى كُلِّ نَبِيٍّ حَقٌّ حَقٌّ وَإِنَّهُ
لَا يَهْزُوزُ وَصِيَّةً لِوَارِثٍ (وَلَا إِقْرَارَ)

* এই অবস্থা সর্ব্ব ক্ষেত্রেই। যেখানে ইসলামী সমাজ মজবুতরূপে গড়িয়া উঠিবে এবং মূল্য ও দেব-দেবী ইত্যাদির শয়তানী পূজা বন্ধ হইয়া যাইবে সেখানেও সকলকে সতর্ক ও সচেতন থাকিতে হইবে যে, অত্যাচার পাপাচার দ্বারা যেন শয়তানকে সন্তুষ্ট করা না হয়; অত্যাচার সেখানেও ধাপে ধাপে ধ্বংস নামিয়া আসিবে।

থাকিবে উক্ত নারীর সন্তানের বংশ তাহার সঙ্গেই গণ্য হইবে; প্রকৃত অবস্থার ব্যাপারে তাহাদের হিসাব আল্লার নিকট হইবে। ব্যভিচারের দ্বারা বংশ-সম্পর্ক স্থাপিত হইবে না, পক্ষান্তরে ব্যভিচারীকে প্রস্থরাঘাতে প্রাণদণ্ড দেওয়া হইবে। যে ব্যক্তি নিজের পিতা তথা জন্মের বংশ ছাড়িয়া নিজকে অন্য বংশের সম্পৃক্ত করিবে এবং উহার নামে আত্ম-পরিচয় দিবে বা নিজের মনিব ছাড়িয়া অন্য মনিবের পরিচয় দিবে তাহার উপর আল্লার লা'নং এবং সমস্ত ফেরেশতা ও সকল লোকদের লা'নং হইবে; তাহার ফরজ নফল কোনও এবাদত আল্লাহ কবুল করিবেন না। (এই জালিয়াতির প্রতারণা ও আন্তি সুদূর-প্রসারি।)

(১৬) আল্লাহ তায়ালা ঘোষণা দিয়া দিয়াছেন, “আজ আমি তোমাদের জন্ত তোমাদের ধীন বা ধর্মকে সম্পূর্ণতার পর্য্যায় পৌছাইয়া দিলাম এবং তোমাদের প্রতি আমার বিশেষ নেয়ামত ইসলামকে পূর্ণত্ব দান করিলাম এবং একমাত্র ইসলামকেই তোমাদের ধীন ও জীবন-ব্যবস্থারূপে তোমাদের জন্ত পছন্দ করিয়া নিলাম। (সুতরাং কোন রকম পরিবর্তন, পরিবর্দ্ধন, সংযোজন ও সংশোধন ব্যতীতকে তোমরা একমাত্র এই ধীন-ইসলামের অনুসরণ করিবে।)

(১৭) আমি সর্ববিশেষ নবী; আমার পরে আর কোন নবী আসিবে না। আমার পরে অহী চিরতরে বন্ধ।

وَالْوَلَدُ لِلْغَرَّاسِ وَلِلْعَاهِرِ الْحَجَرُ
وَحِسَابُهُمْ عَلَى اللَّهِ وَمَنْ ادَّعَى
إِلَى غَيْرِ أَبِيهِ أَوْ تَوَلَّى غَيْرَ
مَوَالِيهِ فَعَلَيْهِ لَعْنَةُ اللَّهِ
وَالْمَلَائِكَةِ وَالنَّاسِ أَجْمَعِينَ
لَا يَقْبَلُ اللَّهُ لَهُ صِرْفًا وَلَا عَدْلًا

● قَالَ اللَّهُ تَعَالَى الْيَوْمَ
أَكْمَلْتُ لَكُمْ دِينَكُمْ وَأَتِمَمْتُ
عَلَيْكُمْ نِعَمَتِي وَرَضِيتُ لَكُمُ
الْإِسْلَامَ دِينًا

● أَفَا خَاتِمُ النَّبِيِّينَ لَا نَبِيَّ

(সুতরাং দ্বীন-ইসলামের কোন অংশে
Amendment সংশোধন Correction
সংশোধনী প্রস্তাব Modify বদলানো,
Change রূপান্তরিত করার ব্যবস্থা ও
অবকাশই থাকিল না।)

(১৮) ভাই সব! আমি মানুষই বটি ;
হয়ত অচিরেই প্রভু-পরওয়ারদেগারের
দূত আমাকে নিয়া যাওয়ার জন্ত আমার
নিকট পৌঁছবে, আমি তখন প্রভুর
ডাকে সাড়া দিব। অতএব (সমুদয়
দায়িত্ব আমার হইতে বুঝিয়া রাখিয়া)
প্রত্যেক উপস্থিত অনুপস্থিতকে
পৌঁছাইয়া দিবে।

(১৮) চারিটি বিষয় বিশেষ অনুধাবন
যোগ্য— ১। কোন বস্তুকে আল্লার
তুল্য (পূজনীয় বা সঙ্গী-সাথী) গণ্য
করিবে না, ২। আল্লার নিষিদ্ধ—
না-হকরূপে কোন ব্যক্তিকে হত্যা
করিবে না, ৩। ব্যভিচার করিবে না,
৪। চুরি করিবে না।

আরফার দিন ভাষণের শেষ দিকে হযরত রসুলুল্লাহ (দঃ) বলিলেন—

(২০) হে লোক সকল! আমার
সম্পর্কে তোমাদেরকে (কেয়ামতের দিন)
জিজ্ঞাসা করা হইবে (যে, আল্লার দ্বীন
পৌঁছাইবার কর্তব্য আমি কিরূপ আদায়
করিয়াছি।) তোমরা সে সম্পর্কে
কি বলিবে? উপস্থিতবর্গ বলিয়া
উঠিল, আমরা সাক্ষ্য দিব, নিশ্চয়
আপনি দ্বীনকে পূর্ণরূপে পৌঁছাইয়াছেন;
আপনার কর্তব্য পূর্ণ আদায় করিয়াছেন,
আমাদের সকল প্রকার কল্যাণও

بَعْدِي قَدْ انْقَطَعَ الْوَحْيُ ۝

● أَيُّهَا النَّاسُ إِنَّمَا أَنَا بَشَرٌ

يُوشِكُ أَنْ يَأْتِيَ رَسُولُ رَبِّي
فَأَجِيبْ فَلْيَبْلُغِ الشَّاهِدُ الْغَائِبُ

● إِنَّمَا هِيَ أَرْبَعٌ - لَا تَشْرِكُوا

بِاللَّهِ شَيْئًا وَلَا تَقْتُلُوا النَّفْسَ
الَّتِي حَرَّمَ اللَّهُ إِلَّا بِالْحَقِّ وَلَا
تَزْنُوا وَلَا تَشْرِكُوا ۝

● وَأَنْتُمْ تُسْأَلُونَ عَنِّي

فَمَا أَنْتُمْ قَائِلُونَ؟ قَالُوا نَشْهَدُ
أَنَّكَ قَدْ بَلَغْتَ وَادَّيْتِ

وَنَسَحْتَ - فَقَالَ بِأُصْبَعِهِ السَّبَابَةَ

আপনি মঙ্গলের প্রচেষ্টা করিয়াছেন। তখন
নবী (দঃ) স্বীয় শাহাদতের আঙ্গুল
আকাশের প্রতি উর্দ্ধমুখী এবং লোকদের
প্রতি নিম্নমুখী করতঃ বলিলেন, হে
আল্লাহ! সাক্ষী থাকিও, হে আল্লাহ!
সাক্ষী থাকিও, হে আল্লাহ! সাক্ষী
থাকিও—এইরূপ তিনবার করিলেন।

يَرْفَعُهَا إِلَى السَّمَاءِ وَيُنْكَتُهَا
عَلَى النَّاسِ اللَّهُمَّ أَشْهَدُ اللَّهُمَّ
أَشْهَدُ اللَّهُمَّ أَشْهَدُ ثَلَاثَ مَرَّاتٍ ॥

ছাহাবীগণ রসূলুল্লাহ (দঃ)এর সম্মুখে যে স্বীকৃতি ও সাক্ষ্য দানের অঙ্গীকার
প্রদান করিয়াছিলেন পরবর্তীকালে মোসলমানগণ পবিত্র মদীনায় হযরতের রওজা
পাকের সম্মুখে উপস্থিত হইয়া দরুদ ও সালাম পাঠ লগ্নে উক্ত স্বীকৃতি ও
অঙ্গীকার প্রদানের উক্তি করিয়া থাকে। এই রীতি পূর্বাপর প্রচলিত রহিয়াছে
এবং থাকিবে; দরুদ-সালাম পাঠ শিক্ষা দান ক্ষেত্রে অবশ্যই উহার উল্লেখ থাকে।

হজ্জ উপলক্ষে এবং বিধব্রাতীদের হাট-বাজারে ব্যবসা করা

৯১২। হাদীছঃ—ইবনে আব্বাস (রাঃ) বর্ণনা করিয়াছেন, “জুল-মাজায়”
“ওকাজ্” ইত্যাদি নামক অন্ধকার যুগের কতিপয় হাট বা মেলা ছিল যাহা হজ্জ
উপলক্ষে মক্কার নিকটস্থ বা মক্কার পথে অন্তর্ভুক্ত হইত। বিভিন্ন দেশের লোকজন
হজ্জ উপলক্ষে এই সব হাট-বাজারে ব্যবসা-বানিজ্য করিত। ইসলাম আবির্ভাবের
পর মোসলমানগণ ঐরূপে হজ্জের ছফরে ব্যবসা করাকে অসঙ্গত ভাবিতে লাগিল।
সেই ধারণা খণ্ডনে কোরআন শরীফের এই আয়াত নাযেল হইল—

لَيْسَ عَلَيْكُمْ جُنَاحٌ أَنْ تَبْتَغُوا فَضْلًا مِنْ رَبِّكُمْ ॥

অর্থঃ—তোমরা (হজ্জ উপলক্ষেও) হালাল রুজি উপার্জনের চেষ্টা করিতে
পার, তাহাতে কোন গোনাহ হইবে না। (২ পাঃ ৯ রুঃ)

ওমরা করা আবশ্যিক এবং উহার ফজিলত

● ইবনে ওমর (রাঃ) বলিয়াছেন, প্রত্যেককেই হজ্জ ও ওমরা উভয়ই করা চাই।

● ইবনে আব্বাস (রাঃ) বলিয়াছেন, কোরআন শরীফে হজ্জের সঙ্গে ওমরাও

উল্লেখ আছে, যথা—وَأَتِمُّوا الْحَجَّ وَالْعُمْرَةَ لِلَّهِ “হে মোসলমানগণ!

আল্লাহর সন্তুষ্টি লাভের উদ্দেশ্যে হজ্জ ও ওমরা পূর্ণাঙ্গরূপে সমাধা করুন।”

৯১৩। হাদীছ :— عَنْ أَبِي هُرَيْرَةَ رَضِيَ اللَّهُ تَعَالَى عَنْهُ أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ قَالَ أَلْعُمْرَةُ إِلَى الْعُمْرَةِ كَفَّارَةٌ لِمَا بَيْنَهُمَا وَالْحَجُّ الْمَبْرُورُ لَيْسَ لَكَ جَزَاءُ إِلَّا الْجَنَّةُ ۝

অর্থ :—রসূলুল্লাহ ছালাল্লাহু আলাইহে অসাল্লাম বলিয়াছেন, একবার ওমরা করার পর দ্বিতীয়বার ওমরা করার মধ্যবর্তী সময়ের সমস্ত গুনাহ মাফ হইয়া যায় এবং আল্লাহর দরবারে এহণীয়—শুদ্ধ হজ্জের একমাত্র প্রতিদান হইল বেহেশত।

হজ্জের পূর্বে ওমরা করা

৯১৪। হাদীছ :— একরেমা ইবনে খালেদ (রঃ) আবদুল্লাহ ইবনে ওমর (রাঃ)কে হজ্জের পূর্বে ওমরা করার বিষয় জিজ্ঞাসা করিলেন। তিনি উত্তরে বলিলেন, উহাতে কোন দোষ নাই এবং ইহাও বলিলেন যে, নবী ছালাল্লাহু আলাইহে অসাল্লাম হজ্জ করার পূর্বে ওমরা করিয়াছেন।

৯১৫। হাদীছ :—কাতাদা (রঃ) বর্ণনা করিয়াছেন, আমি আনাছ (রাঃ)কে জিজ্ঞাসা করিলাম, নবী ছালাল্লাহু আলাইহে অসাল্লাম কতটি ওমরা করিয়া ছিলেন? তিনি বলিলেন, চারটি ওমরা করিয়াছেন—(১) (ষষ্ঠ হিজরী সনে ঐতিহাসিক) হোদায়বিয়ার ঘটনার ওমরা (২) (সপ্তম হিজরী সনে) উক্ত হোদায়বিয়ার ঘটনার অসম্পূর্ণ ওমরার কাজা-ওমরা (৩) (অষ্টম হিজরী সনে) হোনায়নের জেহাদে জয়লাভ করিয়া রসূলুল্লাহ (দঃ) মক্কা হইতে ১৩।১৪ মাইল দূরে অবস্থিত “জোয়েরানা” নামক স্থানে অবস্থানরত ছিলেন; তথা হইতেও তিনি (রাতে মক্কা আসিয়া) একটি ওমরা করিয়াছিলেন*। (৪) বিদায়-হজ্জ হজ্জের পূর্বেকার ওমরা। প্রথম তিনটির প্রত্যেকটি (সংশ্লিষ্ট বৎসরের) জি-কা’দা মাসে এবং চতুর্থটি হজ্জের সঙ্গেই জিলহজ্জ মাসে করা হইয়াছিল।

ব্যাখ্যা :—প্রথম ওমরা তথা হোদায়বিয়ার ওমরাকে রসূলুল্লাহ ছালাল্লাহু আলাইহে অসাল্লামের অত্যাশ্চর্য ওমরার সহিত গণনা করা হইয়াছে বটে, কিন্তু বস্তুতঃ উহা অনুষ্ঠিত হইতে পারে নাই। মক্কা পৌঁছিবার পূর্বে মক্কা হইতে দশ মাইল দূরে অবস্থিত “হোদায়বিয়া” নামক স্থানে হযরত রসূলুল্লাহ (দঃ) কাকেরগণ কর্তৃক মক্কা প্রবেশ বাধাপ্রাপ্ত হন। এমনকি ওমরার কার্য সম্পন্ন

* বর্তমানেও হাজীগণ তথা হইতে ওমরা করিয়া থাকেন। আমি নরাদমও তথায় উপস্থিত হওয়ার সৌভাগ্য লাভ করিয়াছি। বর্তমান সময় সাধারণ্যে ঐ স্থান হইতে এহরাম বাঁধিয়া ওমরা করাকে বড় ওমরা বলা হয়।

না করিয়া এই স্থানেই ওমরার এহরাম ভঙ্গ করতঃ প্রত্যর্জন করিতে বাধ্য হন। ঘটনার বিবরণ (ইনশা আল্লাহ তায়ালা) তৃতীয় খণ্ডে বর্ণিত হইবে।

এই ঘটনায় হযরত রসুলুল্লাহ (দঃ) প্রায় পনের শত ছাহাবী সঙ্গে লইয়া ওমরা করার উদ্দেশ্যে মক্কাভিমুখে রওয়ানা হইয়াছিলেন। তাঁহারা কোরবাণীর জ্ঞানোয়ার সঙ্গে লইয়া মিকাত হইতে এহরাম বাঁধিয়া চলিতে থাকেন। শত্রুগণ কর্তৃক বাধাপ্রাপ্ত হইয়া এই ওমরা সম্পন্ন করিতে তাঁহারা সক্ষম হন নাই বটে, কিন্তু ওমরা করার সমুদয় চেষ্টা ও ব্যবস্থাই তাহারা করিয়াছিলেন সুতরাং আল্লাহ তায়ালা নিকট উহার পূর্ণ ছাওয়াব লাভ হওয়া স্থিরকৃত। তাই উহাকে একটি ওমরা গণ্য করা হইয়াছে। অবশ্য বাহ্যিক কার্যে উহা সম্পন্ন হয় নাই; যন্ত্রকণ হযরত (দঃ) এই ঘটনার সন্ধিপত্রের সুযোগ অনুযায়ী পর বৎসর এই অসম্পূর্ণ ওমরার কাজা করিয়াছেন; যাহাকে দ্বিতীয় ওমরা গণনা করা হইয়াছে।

বিশেষ দ্রষ্টব্য :—হজ্জ-কেরাণ ও হজ্জ-তামাত্তা' প্রকারের হজ্জকারীদের হজ্জের পূর্বে ওমরা আদায় করিতে হয়; হজ্জের পূর্বে এই ওমরা আদায় করা সম্পর্কে কোন দ্বিমতের অবকাশই নাই। উল্লেখিত হাদীছ সমূহে যে, হজ্জের পূর্বে হযরতের ওমরার উল্লেখ আছে তাহা এই শ্রেণীর ওমরাই ছিল। কারণ, হযরত (দঃ) হজ্জ-কেরাণকারী ছিলেন। কিন্তু কোরবাণীর পশু বিহীন হজ্জ-তামাত্তা'কারী ব্যক্তি মক্কা উপস্থিত হইয়া ওমরা আদায় করিয়া হজ্জের পূর্বে পর্যন্ত এহরামবিহীন মক্কা অবস্থান করে—সেই সময় এই ব্যক্তি “তান্বীম” ইত্যাদি স্থান হইতে এহরাম বাঁধিয়া আসিয়া যদি ওমরা করিতে চায় যেক্রপ হজ্জের পরে সচরাচর সকলেই করিয়া থাকে তাহা জায়েয কি-না?

এই মহুআলাহ ফতওয়া শামী দ্বিতীয় খণ্ডে ২০৮ ও ১৬৮ পৃষ্ঠায় বর্ণিত আছে যে, হজ্জের পূর্বে ঐরূপ ওমরা সম্পর্কে মতভেদ রহিয়াছে। কাহারও মতে উহা নিষিদ্ধ মকরুহ এবং কাহারও মতে উহা দোষমুক্ত জায়েয।

অবশ্য—দলীল প্রমাণের দিক দিয়া জায়েয হওয়াই অগ্রগণ্য দেখা যায়, কিন্তু কার্য ক্ষেত্রে ঐরূপ করিতে সাধারণতঃ দেখা যায় না। কার্য ক্ষেত্রে উহা না করাই অগ্রগণ্য দেখা যায়।

রমজান মাসে ওমরা করার ফজিলত

৯১৬। হাদীছ :—ইবনে আব্বাস (রাঃ) বর্ণনা করিয়াছেন, রসুলুল্লাহ ছাল্লাল্লাহু আলাইহে অসাল্লাম মদীনা নিবাসী একটি স্ত্রীলোককে জিজ্ঞাসা করিলেন, তুমি আমাদের সঙ্গে হজ্জ করিতে যাও নাই কেন? সে আরজ করিল, আমাদের দুইটি মাত্র উট আছে। উহার একটিকে লইয়া আমার স্বামী ও

পুত্র বিদেশে চলিয়া গিয়াছিল এবং দ্বিতীয়টি পানি বহনের কার্যে নিযুক্ত ছিল। (অতএব আমার কোন যানবাহনের ব্যবস্থা ছিল না বলিয়া আমি হজ্জে যাইবার সুযোগ পাই নাই।) রসুলুল্লাহ (দঃ) তাহাকে বলিলেন, (সুযোগ হইলে পর) রমজান শরীফে ওমরা করিয়া নিও ; রমজান শরীফের ওমরা হজ্জ সমতুল্য।

“তান্বীম” নামক স্থান হইতে ওমরা করা

৯১৭। হাদীছ :- আবছর রহমান ইবনে আবু বকর (রাঃ) বর্ণনা করিয়াছেন, নবী ছালাল্লাহ্ আলাইহে অসাল্লাম তাঁহাকে আদেশ করিয়াছিলেন, তিনি যেন (স্বীয় ভগ্নি) আয়েশা (রাঃ)কে নিজ বাহনে বসাইয়া “তান্বীম” নিয়া যান এবং তথা হইতে তাহার ওমরা সম্পন্ন করাইয়া দেন।

৯১৮। হাদীছ :- আহওয়াদ (রাঃ) আয়েশা (রাঃ) হইতে বর্ণনা করিয়াছেন আয়েশা (রাঃ) আরজ করিলেন, ইয়া রসুলুল্লাহ! আপনার সঙ্গীগণ সকলেই হজ্জ ও ওমরা দুইটি আমল লইয়া প্রত্যাবর্তন করিতেছে, আর আমি শুধু হজ্জ নিয়া যাইতেছি। আয়েশা (রাঃ)কে বলা হইল, তুমি পবিত্র হইলে পর তান্বীমে যাইও এবং তথা হইতে ওমরার এহরাম বাঁধিয়া আসিয়া ওমরা আদায় করিও। কিন্তু ব্যয় ও কষ্টের পরিমাণেই ওমরার ছওয়াব হইবে।

ব্যাখ্যা :- ওমরার এহরাম হরম শরীফের সীমার বাহিরে বাঁধিতে হয় এবং হরমের সীমা মক্কার বিভিন্ন দিকে বিভিন্ন পরিমাণের দূরত্বে অবস্থিত। “তান্বীম” নামক স্থানটি মক্কার সন্নিগটে প্রায় তিন মাইল দূরে হরমের সীমার বাহিরে অবস্থিত এবং এই দিকেই হরমের সীমার দূরত্ব কম। এই জন্ত রসুলুল্লাহ (দঃ) আয়েশা (রাঃ)কে তথায় যাইয়া ওমরার এহরাম বাঁধার পরামর্শ দিলেন। ঘটনার বিস্তারিত বিবরণ ৮১৪ নং হাদীছে বর্ণিত হইয়াছে।

বর্তমানেও হাজীগণ সেই স্থানে যাইয়া ওমরার এহরাম বাঁধিয়া ওমরা করিয়া থাকেন। ইহাকে সাধারণে ছোট ওমরা বলা হয়, কারণ ঐ স্থানটি মক্কা নগরীর নিকটবর্তী মাত্র তিন মাইল ব্যবধানে অবস্থিত। বর্তমান ঐ স্থানে একটি মসজিদ আছে উহাকে মসজিদে আয়েশা বলা হয় ; ঐ স্থান হইতেই আয়েশা (রাঃ) এহরাম বাঁধিয়াছিলেন। মক্কা নগরী হইতে বার-তের মাইল ব্যবধানে “জেরুরানা” নামক আর একটি স্থান আছে। তথা হইতে একবার রসুলুল্লাহ (দঃ) ওমরা করিয়াছিলেন। তথা হইতে ওমরা করাকে সাধারণে বড় ওমরা বলা হয়।

এই হাদীছ দ্বারা প্রমাণ করা হইয়াছে যে, হজ্জের পরে ওমরা করা জায়েয এবং এই মহম্মদালাহও প্রমাণিত হইয়াছে যে, এরূপ ওমরার জন্ত কোরবাণী

করিতে হইবে না বা রোজাও রাখিতে হইবে না (২৪০ পৃঃ)। অর্থাৎ হজ্জের পূর্বে ওমরা করিয়া হজ্জ করিলে সেই হজ্জ “হজ্জ-কেরাণ” বা “হজ্জ-তামাতো” হইয়া থাকে এবং উহার জন্য একটি কোরবাণী দেওয়া আবশ্যক হয়। কোরবাণী দেওয়ার সুযোগ পাইবার আশা না থাকিলে কোরবাণীর ঈদের দিনের পূর্বে তিনটি এবং বাড়ী ফিরিয়া সাতটি মোট দশটি রোজা রাখিতে হয় এই সকল ব্যবস্থা তখনই অবলম্বিত হইবে যখন ওমরা হজ্জের পূর্বে করা হয়। কিন্তু হজ্জের পরে ওমরা করিলে ঐ কোরবাণী বা রোজার কোনই প্রয়োজন হইবে না। অবশ্য ছওয়াবও সেই অনুপাতে কম বেশী হইবে।

শেষ বাক্যটির মর্ম এই যে, হজ্জ ছাড়া শুধু ওমরার জন্য বাড়ী হইতে দীর্ঘ ব্যয় ও পথ অতিক্রম করতঃ মকায় পৌঁছিয়া ওমরা করা উত্তম এবং উহার ছওয়াব অনেক বেশী ঐ ওমরা অপেক্ষা যেই ওমরা হজ্জের ছফরেই আদায় করা হয়। তদ্রূপ হজ্জের ছফরেই হজ্জের পূর্বে ওমরা করতঃ হজ্জ-কেরাণ বা হজ্জ-তামাতো’ করা যাহাতে কোরবাণী বা রোযা ওয়াজেব হয় উহাতে ছওয়াব বেশী হইবে হজ্জের পরে ওমরা করা অপেক্ষা।

মছআলাহঃ—শুধু ওমরা সমাপনান্তে মক্কা হইতে প্রত্যাবর্তন মুহূর্ত্তে বিদায় তওয়াফ করিতে হয় না। (১৪০ পৃঃ)

কি কি কার্য্য ওমরা পূর্ণ হয়

জাবের (রাঃ) বর্ণনা করিয়াছেন, বিদায়-হজ্জ নবী (দঃ) ছাহাবীগণকে আদেশ করিলেন—নিজ নিজ এহরাম ওমরায় পরিণত করিবার জন্য এবং (বাইতুল্লাহ শরীফ) প্রদক্ষিণ (তথা তওয়াফ ও ছাফা-মারওয়া প্রদক্ষিণ তথা ছায়ী) করিয়া তারপর মাথার চুল ফেলিয়া হালাল হইতে।

৯১৯। হাদীছঃ—আবুল্লাহ ইবনে আবু আওকা (রাঃ) বর্ণনা করিয়াছেন, (হিজরী সাত সনে কাজা ওমরা আদায় করাকালে) রসুলুল্লাহ ছাল্লাল্লাহু আলাইহে অসাল্লাম ওমরা করিলেন; আমরাও তাঁহার সহিত ওমরা করিলাম। মকায় আসিয়া হযরত (দঃ) তওয়াফ করিলেন আমরাও তাঁহার সহিত তওয়াফ করিলাম। অতঃপর হযরত (দঃ) “ছায়ী” তথা ছাফা ও মারওয়া পাহাড়দ্বয় প্রদক্ষিণে আসিলেন; আমরাও তাঁহার সহিত আসিলাম। আমরা হযরত (দঃ)কে ঘিরিয়া রাখিতাম যেন কোন কাকের হযরত (দঃ)কে কোন কিছু নিক্ষেপ করিতে না পারে। এক ব্যক্তি জিজ্ঞাসা করিল, নবী (দঃ) কি ঐ উপলক্ষে কা'বা শরীফে প্রবেশ করিয়াছিলেন? তিনি বলিলেন, না। ঐ ব্যক্তি আরও

বলিল, নবী (দঃ) উম্মুগ-মোমেনীন খাদীজা (রাঃ) সম্পর্কে যে বিশেষ স্মরণাবাদের কথা বলিয়াছেন, তাহাও বর্ণনা করুন। তিনি বলিলেন, নবী (দঃ) বলিয়াছেন, তোমরা খাদীজার জন্ত স্মরণবাদ শুনিয়া রাখ—বেহেশতের মধ্যে একটি বিশেষ কক্ষের যাহা একটি মতি খনন করিয়া তৈরী করা হইবে; তথায় সুখ-শান্তিই বিরাজমান থাকিবে কোন প্রকার কোলাহল বা অশান্তির লেশমাত্র থাকিবে না।

৯২০। হাদীছঃ—আবু বকর (রাঃ)-তনয়া আসমার খাদেম আবুল্লাহ (রাঃ) বর্ণনা করিয়াছেন, আসমা (রাঃ) যখনই (মক্কা শহরস্থিত) “হাজুন”* এলাকা দিয়া গমন করিতেন তখনই বলিতেন—

صَلَّى اللّٰهُ عَلٰى رَسُوْلِهِ صَلَّى اللّٰهُ عَلٰى مَوْلٰى مَوْلٰىهِ

“আল্লাহ তায়ালা আমাদের দরুদ পৌছাইয়া দিন তাঁহার রসুলের প্রতি— আল্লাহ তায়ালা আমাদের দরুদ পৌছাইয়া দিন (হযরত) মোহাম্মদের প্রতি।” তিনি বলিতেন, এই স্থানেই আমরা রসুলুল্লাহ ছালাল্লাহু আলাইহে আসাল্লামের সঙ্গে (বিদায়-হজ্জ) অবতরণ করিয়া ছিলাম; তখন আমরা সাধারণতঃ অনটনের মধ্যে ছিলাম—আমাদের সম্বলও কম ছিল, যানবাহনেরও অভাব ছিল।

আমি এবং আমার ভগ্নি আয়েশা (রাঃ) এবং স্বামী যোবায়ের (রাঃ) এবং অমুক অমুক আমরা (মিকাত—এহরামের নির্ধারিত সীমানা হইতে) ওমরার এহরাম বাঁধিয়া আসিয়া ছিলাম। আমরা বাইতুল্লাহ শরীফের তওয়াফ (এবং উহারই আনুশঙ্গিক—ছাফা-নারওয়ার ছাযী) সমাপ্ত করিয়া হালাল—এহরামমুক্ত হইয়াছিলাম। তারপর বিকাল বেলায় দিকে হজ্জের এহরাম বাঁধিয়াছিলাম*।

* “হাজুন” মক্কা শহরের একটি মহল্লা। ১১৫০ ইং সনের হজ্জ তথায় উপস্থিত হওয়ার সৌভাগ্য হইয়াছিল; তখনও উহা এই নামে পরিচিত ছিল। নবী (দঃ) বিদায়-হজ্জ মক্কা প্রবেশ করিয়া উক্ত স্থানে অবতরণ করিয়াছিলেন এবং তখন তথায় হযরতের বিশেষ পাতাকা উজ্জ্বল করা হইয়াছিল। বর্তমানে উক্ত স্থানে একটি মসজিদ রহিয়াছে যাহাকে “মসজিদে রায়াহ” বলা হয়। “রায়াহ” শব্দের অর্থ পাতাকা; মনে হয়—উল্লেখিত পাতাকা স্থলেই মসজিদ তৈরী হইয়াছে। তথায় নফল নামায পড়ার সৌভাগ্য হইয়াছিল।

* হজ্জ উপলক্ষে মিকাত হইতে শুধু ওমরার এহরাম বাঁধিয়া মক্কা পৌঁছিলে ওমরার কার্যব্যয় আদায় করিলেই চুল ফেলিয়া ওমরার এহরাম খুলিয়া ফেলিতে হয়। তারপর হজ্জের জন্ত নূতন এহরাম বাঁধিতে হয়, উহার সর্বশেষ তারিখ হইল ৮ই জিলহজ্জ; ইহার পূর্বেও এহরাম বাঁধা যায়। আসমা (রাঃ)-এর বর্ণনা মতে তাঁহাদের এই এহরাম চার কিস্বা পাঁচ তারিখে ছিল।

বিশেষ দ্রষ্টব্য :—রসুলুল্লাহ ছালাল্লাহু আলাইহে অসাল্লামের স্মৃতি “হাজুন” এলাকায় পৌঁছিলেই আবু বকর (রাঃ)-তনয়া আসমা রাজিয়াল্লাহু তায়ালা আনহার প্রাণ রসুলুল্লাহ ছালাল্লাহু আলাইহে অসাল্লামের স্মরণে কাঁদিয়া উঠিত এবং হযরতের প্রতি মহব্বতের অগ্নি তাঁহার প্রাণে প্রজ্জ্বলিত হইয়া উঠিত। আসমা (রাঃ) তৎক্ষণাৎ সেই স্মৃতিকে এবং সেই স্মৃতি দর্শনের প্রতিক্রিয়াকে দরুদ পাঠে স্বাগত জানাইতেন। রসুলুল্লাহ ছালাল্লাহু আলাইহে অসাল্লামের মহব্বৎ তাঁহার যে কোন উন্মত্তের অন্তরে থাকিবে তাহার অবস্থা তদ্রূপ হওয়াই নিতান্ত স্বাভাবিক। মক্কা-মদীনায় হযরতের অদৃশ্য স্মৃতি ও স্মরণ-স্বাক্ষর চিরবিद्यমান রহিয়াছে; এতদ্ভিন্ন হযরতের মোবারক নাম, হযরতের হাদীছ, হযরতের বৈশিষ্ট্যাবলী এবং হযরতের যে কোন আলোচনা সবই হযরতের স্মৃতি ও স্মরণ-স্বাক্ষর। প্রত্যেক উন্মত্তকে সেই সব ক্ষেত্রসমূহে আসমা রাজিয়াল্লাহু তায়ালা আনহার ভূমিকা ও আদর্শের অনুসরণ করা বাঞ্ছনীয়—

صَلَّى اللّٰهُ عَلَى رَسُوْلِهِ صَلَّى اللّٰهُ عَلَى نَبِيِّهِ صَلَّى اللّٰهُ عَلَى حَبِيْبِهِ
 صَلَّى اللّٰهُ عَلَى مُحَمَّدٍ صَلَّى اللّٰهُ تَعَالٰى عَلَيْهِ وَعَلٰى اٰلِهِ
 وَاصْحَابِهِ وَبَارَكَ وَسَلَّم

ইজ্জ বা জেহাদ হইতে প্রত্যাবর্তন কালের দোয়া

৯২১। হাদীছ :—আবুহুলাহ ইবনে ওমর (রাঃ) বর্ণনা করিয়াছেন, রসুলুল্লাহ ছালাল্লাহু আলাইহে অসাল্লাম জেহাদ হইতে কিম্বা ইজ্জ বা ওমরা হইতে প্রত্যাবর্তনকালে চলার পথে কোন উচ্চ টিলা অতিক্রম করিলে ঐ স্থানে তিনবার আল্লাহ আকবার ধ্বনি উচ্চারণ করিতেন অতঃপর এই দোয়া পড়িতেন—

لَا اِلٰهَ اِلَّا اللّٰهُ وَحْدَهُ لَا شَرِيْكَ لَهٗ لَهٗ الْمُلْكُ وَلَهٗ الْحَمْدُ وَهُوَ عَلَى
 كُلِّ شَيْءٍ قَدِيْرٌ اَتِيْبُوْنَ تَائِيْبُوْنَ عَابِدُوْنَ سَاجِدُوْنَ لِرَبِّنَا حَامِدُوْنَ
 مَدْحُ اللّٰهِ وَعُدَّةٌ وَنَصْرٌ عَبْدُهُ وَهَزْمُ الْاَحْزَابِ وَحْدَهُ ۝

অর্থ :—আল্লাহ ভিন্ন কোন মাবুদ বা উপাস্ত নাই, তিনি এক—তাঁহার কোন শরীক নাই। রাজত্ব ও প্রভুত্ব একমাত্র তাঁহারই এবং সমস্ত প্রশংসা একমাত্র

তাহারই জন্ত, তিনি সর্বশক্তিমান। আমরা (তাহারই কৃপায়) প্রত্যাবর্তনে সক্ষম হইয়াছি। আমরা নিজেদের ক্রটি-বিচ্ছাদিত হইতে তাহার দরবারে তওবাকারী ও ক্ষমাপ্রার্থী। আমরা তাহার এবাদৎ-বন্দেগী ও দাসত্ব শৃঙ্খলে চিরকাল আবদ্ধ থাকিব, তাহার বরাবরে চিরকাল সর্বদা ও সর্বাস্তঃকরণে নত থাকিব।

আমরা চিরকাল আমাদের রক্ষাকর্ত্তা পালনকর্ত্তার গুণগান করিব। তিনি স্বীয় অঙ্গীকার রক্ষা করিয়াছেন যে, তিনি স্বীয় বন্দাকে সাহায্য দান করিয়াছেন এবং শত্রুদলসমূহকে একমাত্র নিজ কৃপা ও করুণা বলে পরাজিত করিয়া দিয়াছেন।

ব্যাখ্যা ৪—হযরত রসূলুল্লাহ ছালাল্লাহু আলাইহে অসাল্লামের উপরোক্ত দোয়ার শেষ বাক্য কয়টির মধ্যে বস্তুতঃ একটি বিশেষ ঘটনার প্রতি ইঙ্গিত ছিল। খন্দকরে জেহাদের ঘটনা—আরবের সমস্ত বস্তি ও গোত্রের লোকেরা একত্র হইয়া স্থির করিল যে, প্রত্যেক গোত্র ও বস্তি হইতে বিশেষ বিশেষ শক্তিশালী যোদ্ধাগণের সমবায়ে একটি বিপুল সংখ্যক সৈন্যদল গঠন করা হইবে। অতঃপর অতীতে এক সঙ্গে সমগ্র মদীনার চতুর্দিক ঘিরিয়া লইয়া আক্রমণ পরিচালনা করা হইবে। এইরূপে মোসলমানদের বিরুদ্ধে ১৫২০ হাজার শত্রু সেনার এক বিভীষিকাপূর্ণ বিশেষ অভিযান পরিচালিত হয়। সারা মদীনায় তখন মোসলমানদের সংখ্যা মাত্র ৩০০০তিন হাজার। মদীনার শক্তিশালী ও ধনী অধিবাসী ইহুদীরা এত দিন মোসলমানদের মিত্র ছিল, এই সুযোগে তাহারাও শত্রুদের সঙ্গে মিলিত হইয়া ভূপৃষ্ঠ হইতে মোসলমানদিগকে নিশ্চিহ্ন করিবার উদ্দেশ্যে ঘৃণ্য ষড়যন্ত্রে মাতিয়া উঠিল। এইরূপে মুষ্টিমেয় নগণ্য সংখ্যক মোসলমান ভিতর ও বাহিরের বিরাট ও শক্তিশালী শত্রুদলের কবলে পড়িয়া তাহাদের শ্বাসরুদ্ধ হওয়ার উপক্রম হইয়া পড়িল।

এইরূপ অসহায় অবস্থায় আল্লাহ তায়ালা মোসলমানদিগকে শুধু রক্ষাই করিলেন না বরং শত্রুদলকে এরূপ বেকায়দায় নিপতিত করিলেন যে, বহিঃশত্রুদল অসহনীয় কষ্ট-ক্লেশ ও ছুঃখ-যাতনায় পরিবেষ্টিত হইয়া পলায়ন করিতে বাধ্য হইল এবং গৃহশত্রুদল—ইহুদীরা মোসলমানদের হাতে ভীষণভাবে পরাজিত হইয়া লাজ্জিত পদদলিত ও নিশ্চিহ্ন হইল। (ঘটনার পূর্ণ বিবরণ ইন্শা আল্লাহ তায়ালা তৃতীয় খণ্ডে বর্ণিত হইবে)। তখন হযরত রসূলুল্লাহ (দঃ) স্বীয় পরওয়ারদেগারের কৃতজ্ঞতা প্রকাশার্থে উক্ত বাক্য কয়টি উচ্চারণ করিয়াছিলেন।

ছফর ও ভ্রমণ অবস্থায় নানা কষ্ট-ক্লেশ হইতে রক্ষা পাইয়া প্রত্যাবর্তনের সুযোগ লাভে আল্লাহ তায়ালা অপরিসীম করুণার প্রতীক এই ঘটনার প্রতি ইঙ্গিতপূর্ণ শব্দ সমূহের মাধ্যমে আল্লাহ তায়ালা দরবারে কৃতজ্ঞতা প্রকাশ করিয়া তাহার প্রশংসা করার উদ্দেশ্যেই এখানে এই বাক্যগুলি শামিল করা হইয়াছে।

হাজীদের আগমানে এবং প্রত্যাবর্তনে অগ্রগামী হইয়া সম্বন্ধনা জ্ঞাপন করা

১২২। হাদীছ :- ইবনে আব্বাস (রাঃ) বর্ণনা করিয়াছেন, নবী ছালাল্লাহু আলাইহে অসাল্লাম (বিদায়-হজ্জ) মক্কায় পৌঁছাকালে আবহুল মোত্তালের বংশীয় কতিপয় তরুণ তাঁহাকে অগ্রগামী হইয়া সম্বন্ধনা জানায়। নবী (দঃ) স্বীয় বাহনে তাহাদের একজনকে সম্মুখে আর একজনকে পেছনে বসাইয়া সঙ্গে লইয়াছিলেন।

হজ্জ হইতে প্রত্যাবর্তনে বাড়ী উপস্থিত হওয়া

শুধু হজ্জই নহে, বরং সর্বক্ষেত্রেই বিদেশ হইতে আগমানে গভীর রাত্রে বাড়ী না পৌঁছিয়া পারিলে তাহাই উত্তম এবং নবী (দঃ) সেই পরামর্শই দিয়াছেন; এক হাদীছে তাহা উল্লেখ আছে। হাদীছটি যষ্ঠ খণ্ডে—
كتاب الزكاح বিবাহ অধ্যায়ে ইনশা আল্লাহ তায়াল্লা অন্বদিত হইবে। বিদেশ হইতে বাড়ী উপস্থিত হওয়ার উত্তম সময় সকাল বেলা কিম্বা বিকাল বেলা।

১২৩। হাদীছ :- আবদুল্লাহ ইবনে ওমর (রাঃ) হইতে বর্ণিত আছে, রসুলুল্লাহ ছালাল্লাহু আলাইহে অসাল্লাম মক্কায় যাত্রাকালে মদীনায়া অনতিদূরে জুল-হোলাফায় (বর্তমান বাবুল) গাছের নিকটস্থ মসজিদ স্থানে (আছর) নামায পড়িয়াছেন। আর মক্কা হইতে প্রত্যাবর্তনে সেই জুল-হোলাফায় নিম্ন প্রান্তরে ভোর পর্যন্ত রাত্রি যাপন করিয়াছেন এবং তথায় নামায পড়িয়াছেন।

১২৪। হাদীছ :- আনাছ (রাঃ) বর্ণনা করিয়াছেন, নবী ছালাল্লাহু আলাইহে অসাল্লাম বিদেশ হইতে গভীর রাত্রে পরিবার-পরিজন আসিতেন না; সকাল বেলা কিম্বা বিকাল বেলা আসিতেন।

১২৫। হাদীছ :- ছাহাবী বরা (রাঃ) বলিয়াছেন, আমাদের মদীনাবাসীদের (একটি কুসংস্কার খণ্ডন) সম্পর্কে নিম্নে বর্ণিত আয়াতটি নাযেল হইয়াছিল। মদীনাবাসীরা হজ্জের ছফর হইতে প্রত্যাবর্তন করিলে তাহারা স্বীয় ঘরের দরওয়াজা দিয়া ঘরে প্রবেশ করিত না, বরং ঘরের পশ্চাদ দিকে পথ করিয়া সেই পথে ঘরে প্রবেশ করিত। একজন মদীনাবাসী ছাহাবী প্রত্যাবর্তন করিয়া ঘরের সম্মুখ দিকেরই দরওয়াজা দিয়া প্রবেশ করিল; সেজ্জ তাহার নিন্দা বরা হইল। তাই এই আয়াত নাযেল হইল—

لَيْسَ الْبِرُّ بِأَنْ تَأْتُوا الْبُيُوتَ مِنْ ظُهُورِهَا وَلَكِنَّ الْبِرَّ مِنَ اتَّقَى -
وَأْتُوا الْبُيُوتَ مِنْ أَبْوَابِهَا

“ঘরের পশ্চাদ দিক দিয়া প্রবেশ করা কোন নেক কাজ নহে, পরহেজগারী অবলম্বন করা হইল নেক কাজ ; ঘরে প্রবেশ করিতে উহার দরওয়াজা দিয়াই প্রবেশ কর।” (২ পাঃ ৮ রূঃ)

৯২৬। হাদীছ :—আবু হোয়ায়রা (রাঃ) হইতে বর্ণিত আছে, নবী ছালাল্লাহু আলাইহে অসাল্লাম বলিয়াছেন, বিদেশ ভ্রমণ অতি কষ্টকর ; পানাহারে ব্যাঘাত ঘটায়, নিদ্রায় ব্যাঘাত ঘটায়। অতএব প্রয়োজন শেষ হইয়া গেলে যথাসত্তর পরিবার-পরিজনে ফিরিয়া আসিবে।

ব্যাখ্যা :—কোন নেক কাজের উদ্দেশ্যে বা শরীয়ত সন্মত কোন উত্তম উদ্দেশ্যে বিলম্ব করা প্রয়োজনের মধ্যেই शामिल।

এহরাম বাঁধার পর কাবা শরীফ পর্য্যন্ত পৌঁছিতে
প্রতিবন্ধকের সম্মুখী ব্যক্তি কি করিবে ?

আল্লাহ তায়ালা বলিয়াছেন—

فَإِنْ أَحْبَبْتُمْ مَا اسْتَيْسَرَ مِنَ الْهَدْيِ وَلَا تَحْلِقُوا رُءُوسَكُمْ
حَتَّىٰ يَبْلُغَ الْهَدْيُ مَحَلَّهُ ۝

অর্থ :—যদি তোমাদের কেহ (হজ্জ বা ওমরার এহরাম বাঁধিবার পর প্রতিবন্ধকের দরুণ কাবা পর্য্যন্ত পৌঁছিতে) অক্ষম হইয়া পড়ে তবে তাহাকে অবশ্যই পাঠাইতে হইবে একটি সহজ সাধ্য কোরবাণীর জানোয়ার এবং যাবৎ ঐ কোরবাণীর জানোয়ার জবেহ হওয়ার নির্দ্ধারিত স্থানে (—হরম শরীফের সীমার ভিতর পৌঁছিয়া জবেহ হইয়া) না যায় তাবৎ সে ব্যক্তি মাথার চুল কামাইতে তথা এহরাম ভঙ্গ করিতে পারিবে না। (২ পাঃ ৮ রূঃ)

আতা (রঃ) নামক প্রসিদ্ধ তাবেয়ী বলিয়াছেন—শত্রু দ্বারা আক্রান্ত হওয়া বা রোগগ্রস্ত হওয়া ইত্যাদি যে কোন প্রকার প্রতিবন্ধকের দরুণ কাবা পর্য্যন্ত পৌঁছিতে অক্ষম হইলে উক্ত আয়াতের আদেশ কার্য্যকরী হইবে।

৯২৭। হাদীছ :—আবুহুলাহ ইবনে ওমর রাজিয়াল্লাহু তায়ালা আনহুন্ন পুত্র ওবায়দুল্লাহ (রঃ) ও সালেম (রঃ) বর্ণনা করিয়াছেন, সিরিয়ার উমাইয়া বংশের শাসন ক্ষমতার বিরুদ্ধে ছাহাবী আবুহুলাহ ইবনে যোবায়ের (রাঃ) পবিত্র মক্কা নগরীতে ভিন্ন শাসন ক্ষমতা প্রতিষ্ঠিত করিয়াছিলেন। উমাইয়া বংশের আমীর আবদুল মালেক ইবনে মারওয়ানের সময় তাহার প্রতিনিধি হাজ্জাজ ইবনে ইউমুফ আবুহুলাহ ইবনে যোবায়ের রাজিয়াল্লাহু তায়ালা আনহুন্ন উপর

আক্রমণ চলাইতেছিল; সেই ঘটনা প্রবাহের বৎসর আমাদের পিতা আবছল্লাহ ইবনে ওমর (রাঃ) হজ্জ করিতে উঠোগী হইলেন। আমরা তাঁহাকে বলিলাম, এই বৎসর হজ্জ না করিলে কোন ক্ষতি হইবে না; (আপনি এই বৎসর হজ্জ হইতে বিরত থাকুন।) আমাদের আশঙ্কা হয়, আপনি এই বিশৃঙ্খলা ও অশান্তিপূর্ণ অবস্থায় মক্কায় পৌঁছিতে সক্ষম হইবেন না। এতচ্ছবণে আবছল্লাহ ইবনে ওমর (রাঃ) বলিলেন, এই আশঙ্কা আমাকে বিরত রাখিতে পারিবে না। (কারণ, মক্কা বিজয়ের পূর্বের কাকের শত্রুগণ কর্তৃক প্রতিবন্ধকতা সৃষ্টির আশঙ্কা বিद्यমান থাকাসত্ত্বেও) আমরা রসূলুল্লাহ ছাল্লাল্লাহু আলাইহে অসাল্লামের সঙ্গে ওমরা করার উদ্দেশ্যে মক্কাভিমুখে রওয়ানা হইয়াছিলাম। হোদাইবিয়া নামক স্থানে পৌঁছিলে পর কাকেররা আমাদেরকে বাধা প্রদান করিল, আমরা কাবা পর্য্যন্ত পৌঁছিতে পারিলাম না। আমরা সকলেই এহরাম অবস্থায় ছিলাম এবং রসূলুল্লাহ ছাল্লাল্লাহু আলাইহে অসাল্লামের সঙ্গে কোরবাণীর জানোয়ারও ছিল। (আমরা মক্কায় পৌঁছিয়া ওমরা আদায় করিতে সক্ষম না হওয়ায় ঐ স্থানেই এহরাম ভঙ্গের ব্যবস্থা করিলাম।) নবী (দঃ) স্বীয় কোরবাণীর জানোয়ার জবেহ করিলেন এবং মাথা কামাইয়া এহরাম ভঙ্গ করিলেন।

আবছল্লাহ ইবনে ওমর (রাঃ) উক্ত ঘটনা ব্যক্ত করিয়া বলিলেন, তোমরা সাক্ষী থাকিও—আমি ইন্শা আল্লাহ তায়ালা ওমরা করার দৃঢ় সংকল্প লইয়া যাত্রা আরম্ভ করিতেছি। যদি কাবা পর্য্যন্ত পৌঁছিতে সক্ষম হই তবে ওমরা আদায় করিব এবং যদি বাধাপ্রাপ্ত হই তবে আমিও ঐরূপই করিব যেরূপ নবী ছাল্লাল্লাহু আলাইহে অসাল্লাম উপরোক্ত ঘটনার সময় করিয়াছিলেন। অতঃপর জুল-হোলায়ফা তথা মদীনাবাসীদের মিকাতে পৌছিয়া তিনি ওমরার এহরাম বাঁধিলেন। কারণ, রসূলুল্লাহ ছাল্লাল্লাহু আলাইহে অসাল্লামও উক্ত ঘটনার ওমরার এহরামই বাঁধিয়া ছিলেন, কিন্তু আবছল্লাহ ইবনে ওমর (রাঃ) কিছুক্ষণ পর বলিলেন, কাবা পর্য্যন্ত পৌঁছিতে অক্ষম হইলে হজ্জ ও ওমরা উভয়ের জন্য একই বিধান রহিয়াছে। (তখন যেহেতু হজ্জের সময় নিকটবর্তী,) তাই আবছল্লাহ ইবনে ওমর (রাঃ) ওমরার সঙ্গে হজ্জ তথা হজ্জ-কেরাণের নিয়ত করিলেন।

অতঃপর তাঁহার মক্কায় পৌঁছিতে কোন বাধা-বিঘ্নের সৃষ্টি হইল না। তিনি হজ্জ কেরাণের সমুদয় কার্যাবলী সমাধা করিয়া ১০ই জিলহজ্জ কোরবাণী করার পর ওমরা ও হজ্জ উভয় এহরাম হইতে মুক্ত হইলেন।

ব্যাখ্যা :—আবছল্লাহ ইবনে ওমর (রাঃ) এখানে হযরত রসূলুল্লাহ ছাল্লাল্লাহু আলাইহে অসাল্লামের ঐ ঘটনার প্রতি ইঙ্গিত করিয়াছেন উহা ষষ্ঠ হিজরী সনের

ঘটনা। হযরত রসূলুল্লাহ ছালাল্লাহু আলাইহে অসাল্লাম স্বপ্নে দেখিলেন, তিনি মকায় প্রবেশ করিয়াছেন এবং মাথা কামাইয়া এহরাম খুলিতেছেন। নবীর স্বপ্ন অকাট্য সত্য - অহী, উহা মিথ্যা হইতে পারে না। মকানগরী তখন রক্ত-পিপাসু শত্রু কাফেরদের করতলগত থাকা সত্ত্বেও রসূলুল্লাহ ছালাল্লাহু আলাইহে অসাল্লাম ওমরা করার উদ্দেশ্যে মক্কাভিমুখে রওয়ানা হইলেন এবং পনের শত ছাহাবী তাঁহার সহগামী হইলেন। দীর্ঘ পথ অতিক্রম করিয়া মক্কার অনতিদূরে ১০ মাইল ব্যবধানে অবস্থিত হোদায়বিয়া নামক স্থানে* পৌঁছিলে পর তখন মকায় পৌছিবার সমুদয় চেষ্টা তদবীরই বিফল হয়। অতএব তিনি ওমরা আদায় না করিয়া এহরাম ভঙ্গ করিয়া ফেলিলেন এবং (ঐ স্থানের কিয়দংশ যেহেতু হরম শরীফের সীমানাভুক্ত; সুতরাং) সেই স্থানেই কোরবাণীর জ্ঞানিত জানোয়ার জবেহ করিয়া মদীনায় ফিরিয়া আসিলেন।

নবীগণের স্বপ্ন অকাট্য সত্য—অহী হইয়া থাকে এবং এই ঘটনায়ও তাহাই ঘটিয়াছিল। হযরত রসূলুল্লাহ ছালাল্লাহু আলাইহে অসাল্লাম স্বপ্নে শুধু ইহাই দেখিয়াছিলেন যে, মকায় প্রবেশ করিয়াছেন। পরন্তু ইহা কোন্ সময় বা কোন্ বৎসর অনুষ্ঠিত হইবে তাহা স্বপ্নে ব্যক্ত হইয়াছিল না। কিন্তু রসূলুল্লাহ ছালাল্লাহু আলাইহে অসাল্লাম স্বপ্নের অনতিকাল পরেই ওমরা করার উদ্দেশ্যে মক্কাভিমুখে যাত্রা করায় অনেকেই এই ধারণা করিয়া লইয়াছিলেন যে, স্বপ্নের মর্ম্ম এই বৎসরই প্রতিকলিত হইবে। তাঁহাদের ধারণা ভুল প্রতিপন্ন হইল বটে, কিন্তু হযরতের মূল স্বপ্ন বাস্তবে পরিণত হওয়ার ব্যবস্থা হইল। এই ঘটনা উপলক্ষে উভয় পক্ষ একটি সন্ধি চুক্তিতে আবদ্ধ হইল এবং চুক্তির শর্ত অনুযায়ী পরবর্ত্তী বৎসর হযরত (দঃ) ওমরা করিলেন। তৎপরবর্ত্তী বৎসর অষ্টম হিজরী সনে ত মক্কা জয় করিয়া উহার সমুদয় কর্তৃত্বই হস্তগত করিলেন। এইরূপে অহী পরিগণিত স্বপ্ন অক্ষরে অক্ষরে সত্যে পরিণত হইল। বিস্তারিত বিবরণ ইন্শা আল্লাহ তায়ালা তৃতীয় খণ্ডে “হোদায়বিয়ার ঘটনা” পরিচ্ছেদে বর্ণিত হইবে।

হজ্জ বা ওমরার এহরাম বাঁধার পর কোন ব্যক্তি মকায় পৌছিয়া হজ্জ বা ওমরা আদায় করিতে অক্ষম হইয়া পড়িলে প্রথমতঃ তাহার এই চেষ্টাই করিতে হইবে যে, অন্ততঃ মক্কা শরীফ যাইয়া তওয়াফ ও ছায়ী করার সুযোগ লাভ করিতে পারে কি না। যদি পারে তবে তাহা করিয়া মাথা কামাইলে এহরাম

* উহা একটি অতি বিরাট ময়দান; বর্ত্তমানে উহাকে “শোমায়ছিয়া” বলা হইয়া থাকে। সেখানে একটি মসজিদ আছে এবং হযরত রসূলুল্লাহ ছালাল্লাহু আলাইহে অসাল্লামের ব্যবহৃত ও তাঁহার মোজাযাকু কুপটিও বিদ্যমান আছে। ইং ১৯৫৮ সনের হজ্জে উহা জেয়ারত করার ও ঐ কুপের পানি পান করার সৌভাগ্য লাভ হইয়াছিল।

মুক্ত হইয়া যাইবে। যদি তাহা সম্ভব না হয় তবে তাহার জন্ত এহরাম হইতে মুক্ত হইবার উপায় কি? এবং কি করিতে হইবে? এই বিষয়ে হানাকী মজহাব মতে কতিপয় মহআলাহ লেখা হইতেছে।

মহআলাহ :—শুধু হজ্জ বা শুধু ওমরার এহরামে যদি এই অবস্থা হয় তবে তাহাকে একটি এক বৎসর বয়সের ছাগল বা দুই বৎসর বয়সের গরু, মহিষ বা পাঁচ বৎসর বয়সের উট বা ঐরূপ কোন একটি গৃহপালিত পশু মক্কা শরীফে ক্রয় করার মূল্য কোন আস্থাবান মানুষের মারকং মক্কা শরীফে পাঠাইয়া দিতে হইবে এবং সেই পশুটি হরম শরীফের এলাকায় জবেহ করার জন্ত সম্ভাব্য রকমের তারিখ ও সময় ঐ ব্যক্তিকে নির্দিষ্ট করিয়া বলিয়া দিবে। ঐ ব্যক্তি এই সব বিষয় সম্মত হইয়া মক্কাভিমুখে চলিয়া যাওয়ার পর এহরামওয়ালা ব্যক্তি এহরাম অবস্থায়ই অপেক্ষমান থাকিবে। উল্লিখিত পশু জবেহ করার নির্ধারিত তারিখ ও সময় অতিবাহিত হইয়া যাওয়ার পর সে স্বীয় এহরাম হইতে মুক্ত হইয়া যাইবে, ঐ সময় এহরাম ভঙ্গের সাধারণ নিয়ম—মাথা কামাইয়া ফেলা উত্তম।

মহআলাহ :—যদি হজ্জ-কেরাণ অর্থাৎ হজ্জ ও ওমরা উভয়ের একত্র এহরামে ঐ অবস্থা হয় তবে উল্লিখিত রকমে দুইটি পশু জবেহ করার ব্যবস্থা করিতে হইবে।

মহআলাহ :—প্রতিবন্ধকতার সম্মুখীন ব্যক্তির জন্ত এহরাম হইতে মুক্ত হওয়ার একমাত্র উপায় উহাই যাহা বর্ণনা করা হইয়াছে অর্থাৎ একটি পশু হরম শরীফের এলাকায় জবেহ করার ব্যবস্থা করা*। ইহা ব্যতীত এহরাম মুক্ত হওয়ার আর কোন উপায় নাই, তাই এই ব্যবস্থার জন্ত আপ্রাণ চেষ্টা করিতে হইবে। যদি উহা সমাধা করা কোন প্রকারেই সম্ভব না হয় বা ঐ কার্যের জন্ত কোন লোক পাওয়া না যায় তবে কোন কোন আলেমের এরূপ মত আছে যে, সাময়িকরূপে প্রতিবন্ধকতার বা সম্ভাব্য স্থানেই একটি পশু জবেহ করিয়া এহরাম মুক্ত হইবে। অতঃপর হরম শরীফে জবেহ করার সুযোগ প্রাপ্তে পুনরায় আর একটি এরূপ পশু হরম শরীফে জবেহ করিবে।

• ইহা হানাকী মজহাবের সিদ্ধান্ত; অত মজহাবে উক্ত পশু জবেহ করা হরম শরীফের সীমানার ভিতর নির্ধারিত নহে, বরং প্রতিবন্ধকের স্থানে বা যথায় সম্ভব হয় তথায়ই জবেহ করিবে। ইমাম বোখারী (রঃ) উভয় মজহাবই উল্লেখ করিয়াছেন। প্রকাশ থাকে যে, উপরোল্লিখিত হাদীছের ঘটনায় রশূল্লাহ (দঃ) যেই ময়দানে বাধাপ্রাপ্ত হইয়াছিলেন এবং তথায় পশু জবেহ করিয়াছিলেন; অর্থাৎ হোদায়বিয়ার ময়দান উহার এক অংশ হরম শরীফের বাহিরে বটে, কিন্তু অপর অংশ হরম শরীফের সীমার ভিতরেই অবস্থিত।

মুছআলাহ :- উল্লিখিত আকারে পশু জবেহ করিয়া শুধু এহরাম মুক্ত হইবে বটে, কিন্তু পরিত্যক্ত এহরাম নকল বা ফরজ যে কোন প্রকারের হজ্জ বা ওমরার এহরামই হইয়া থাকুক না কেন উহার কাজা অবশ্য অবশ্যই করিতে হইবে, যাহার নিয়ম নিম্নরূপ। যদি শুধু ওমরার এহরাম ছিল তবে উহার কাজা একটি ওমরার করিতে হইবে। যদি শুধু হজ্জের এহরাম ছিল চাই ফরজ বা নকল তবে অন্য বৎসর উহার কাজা করিতে একটি হজ্জ ও একটি ওমরা করিতে হইবে। অবশ্য পরিত্যক্ত এহরাম ফরজ হজ্জের থাকিলে অন্য বৎসর উহা পূরণ করার সময় কাজার নিয়ম করিবে না। যদি পরিত্যক্ত এহরাম হজ্জ-কোণ তথা হজ্জ ও ওমরার এহরাম ছিল তবে অন্য বৎসর একটি হজ্জ ও দুইটি ওমরা করিতে হইবে। ইহা হানাকী মজহাবের মুছআলাহ; কোন কোন ইমামের মজহাবে ফরজ হজ্জ না হইলে উহা কাজা করা বাধ্যতামূলক নহে।

৯২৮। হাদীছ :- ইবনে আব্বাস (রাঃ) বর্ণনা করিয়াছেন, রসুলুল্লাহ ছালাল্লাহু আলাইহে অসাল্লাম (হিজরী ছয় সনে) ওমরা করিতে যাইয়া বাধাপ্রাপ্ত হইলে শ্রী কোরবাণীর পশু জবেহ করতঃ মাথার চুল ফেলিয়া এহরাম ভাঙ্গিয়া দিলেন। (তখন সব কিছুই তাঁহার জন্ত হালাল হইয়া গেল;) তিনি জরী-ব্যবহারও করিতে পারিলেন। অতঃপর পরবর্তী বৎসর ওমরা আদায় করিলেন।

প্রতিবন্ধকের সম্মুখীন ব্যক্তিকে মাথার চুল কাটিবার পূর্বে কোরবাণী করিতে হইবে

৯২৯। হাদীছ :- মেহওয়ার (রাঃ) হইতে বর্ণিত আছে, (ষষ্ঠ হিজরী সনের ওমরায় বাধাপ্রাপ্ত হইলে) রসুলুল্লাহ ছালাল্লাহু আলাইহে অসাল্লাম (এহরামমুক্ত হওয়ার জন্ত) মাথার চুল ফেলিবার পূর্বেই পশু জবেহ করিয়া ছিলেন। নিজেও তিনি তাহা করিয়া ছিলেন এবং সঙ্গী ছাহাবীদেরকেও ঐরূপ করিতে নির্দেশ দিয়া ছিলেন।

রোগ বা মাথায় উকুনের আধিক্যে চুল কামাইতে হইলে ?

আল্লাহ তায়ালা কোরআন শরীফে বর্ণনা করিয়াছেন—

فَمَنْ كَانَ مِنْكُمْ مَّرِيضًا أَوْ أَذًى مِنْ رَأْسِهِ فَعِدَّةٌ مِنْهُمَا
أَوْ صَدَقَةٌ أَوْ نُسُكٌ ۝

অর্থ:—কোন ব্যক্তি রোগের দরুণ বা মাথায় কষ্টদায়ক বস্তুর আবির্ভাবে (মাথা কামাইতে) বাধ্য হইলে (সে এহরাম থাকাবস্থায় মাথা কামাইতে পারিবে, কিন্তু তাহাকে এই সুযোগ এহণের) কাফ্ফারা আদায় করিতে হইবে, তথা রোযা রাখিবে বা খয়রাত দান করিবে বা কোরবাণী করিবে। (২ পাঃ ৮ কঃ)

৯৩০। হাদীছ:—আবদুল্লাহ ইবনে মা'কেল (রঃ) বর্ণনা করিয়াছেন, আমি কায়া'ব ইবনে ওজ্জা (রাঃ) ছাহাবীর নিকট বসিলাম এবং তাঁহাকে মাথা কামানোর কাফ্ফারা আদায় করার বিধানযুক্ত (উপরোল্লিখিত) আয়াতের বিষয় জিজ্ঞাসা করিলাম। তিনি বলিলেন, আয়াতের বিধান সকলের জ্ঞাত বটে, কিন্তু উহা আমারই অবস্থা দৃষ্টে নাযেল হইয়াছিল। আমি রসুলুল্লাহ ছাল্লাল্লাহু আলাইহে অসাল্লামের সঙ্গে এহরাম অবস্থায় ছিলাম; আমার মাথায় অত্যধিক উকুন জন্মিয়া গেল, (আমার মনে হইতেছিল; প্রতিটি চুল আগা হইতে গোড়া পর্যন্ত উকুনে ভরিয়া গিয়াছে, এমনকি মাথার উকুন আমার নাকে-মুখে বরিয়া পড়িতেছিল।) এমতাবস্থায় আমাকে রসুলুল্লাহ ছাল্লাল্লাহু আলাইহে অসাল্লামের খেদমতে উপস্থিত করা হইল। তিনি আমার অবস্থা দেখিয়া বলিলেন, তোমার কষ্ট যেরূপ দেখিতেছি তদ্রূপ আমি ভাবিয়াছিলাম না। এই উপলক্ষেই উক্ত আয়াত নাযেল হইল। রসুলুল্লাহ (দঃ) আমাকে বলিলেন, তুমি মাথা কামাইয়া ফেল এবং তিনটি রোযা কর কিম্বা প্রতি মিছকীনকে অর্দ্ধ ছা' (এক সের চৌদ্দ ছটাক) হিসাবে ছয়জন মিছকীনকে তিন ছা' পরিমাণ খাদ্য বস্তু (গম) দান কর কিম্বা একটি কোরবাণী (করিয়া দান) কর।

হজ্জের সফরে সংযমশীল হওয়া আবশ্যক

আল্লাহ তায়ালা কোরআন শরীফে বলিয়াছেন—

فَلَا رَنْتَ وَلَا نُسُوقَ وَلَا جِدَالَ فِي الْحَجِّ ۝

অর্থ:—হজ্জ করাকালীন অর্থাৎ এহরাম অবস্থায় বিশেষরূপে নির্লজ্জ কার্য বা কথাবার্তা; এমনকি স্বীয় স্ত্রীর সঙ্গে স্ত্রী-সুলভ ব্যবহার ও কাথাবার্তা হইতে এবং অস্থায় অবিচার ও ঝগড়া-বিবাদ হইতে সংযমী থাকিতে হইবে। (২ পাঃ ৯ কঃ)

এতদ্বিধ ৭২৫ নং হাদীছে স্পষ্ট উল্লেখ আছে হজ্জের যে ফজিলত—সারা জীবনের গোনাহ মাফ হইয়া যাওয়া; এই ফজিলত হাদিল হওয়ার শত হইল পূর্ণ সংযমশীলতার সহিত হজ্জ সমাপন করা; হজ্জের সময় কোন প্রকার গালাগালি না করা, ফাহেসা কথা না বলা।

এহরাম অবস্থায় বন্যজীব বধ করিলে
কাফ্ফারা দিতে হইবে

আল্লাহ তায়ালা বলিয়াছেন—

يَا أَيُّهَا الَّذِينَ آمَنُوا لَا تَقْتُلُوا السَّيِّدَ وَأَنْتُمْ حُرُمٌ - وَمَنْ قَتَلَ
مِنْكُمْ مُتَعَمِّدًا نَجَسًا مِثْلَ مَا قَتَلَ مِنَ النِّعَمِ يَهْكُمُ بِهِ ذَوَا عَدْلٍ
مِنْكُمْ هَدِيًّا بِإِغْ الْكُعْبَةِ أَوْ كَفَّارَةً طَعَامٍ مَسْكِينٍ أَوْ عَدْلَ ذَلِكَ
مِثْلَ مَا لَيْدُونَ وَبَالَ أَمْرٍ - عَفَا اللَّهُ عَمَّا سَلَفَ وَمَنْ عَادَ فَيَنْتَقِمْ
اللَّهُ مِنْهُ وَاللَّهُ زَوِيْرُ ذُو انْتِقَامٍ - أَحِلَّ لَكُمْ صَيْدَ الْبَحْرِ وَطَعَامُ
مِمَّا لَكُمْ وَلِلسَّيَّارَةِ - وَحُرِّمَ عَلَيْكُمْ صَيْدَ الْبَرِّ مَا دُمْتُمْ حُرُمًا -
وَاتَّقُوا اللَّهَ الَّذِي إِلَيْهِ تُحْشَرُونَ ۝

অর্থ :—হে মোমেনগণ ! তোমরা এহরাম অবস্থায় কোন বন্যজীব হত্যা করিতে পারিবে না। তোমাদের কেহ ইচ্ছাকৃত ঐরূপ করিলে বধকৃত জীবের সমপরিমাণ (মূল্যের) কাফ্ফারা আদায় করিতে হইবে। সেই পরিমাণ নির্ধারণ করিবেন দুইজন বিচক্ষণ ব্যক্তি। সেই পয়সার (দ্বারা একটি জীব ক্রয় করিয়া) জীবটি কোরবানী (—ছদকাহ) স্বরূপ কাবা তথা হরম শরীফের এলাকায় পৌঁছিতে (ও তথায় জবেহ হইতে) হইবে। কিম্বা (উহার দ্বারা ক্রয় করিয়া) মিছকীনদিগকে খাদ্য (প্রতি মিছকীনকে এক সের চৌদ্দ ছটাক গম বা উহার দ্বিগুণ অথ বস্ত্র হিসাবে) কাফ্ফারারূপে দান করিবে। কিম্বা প্রতি মিছকীনের প্রাপ্যের হিসাবে এক একটি রোযা রাখিবে। এই কাফ্ফারা আদায়ের আদেশ এই উদ্দেশ্যে করা হইয়াছে যেন সে স্বীয় কর্মের কুফল ভোগ করে। (এই বিধান ঘোষিত হইবার পূর্বে) যে যাহা কিছু করিয়াছে আল্লাহ তায়ালা উহা ক্ষমা করিয়া দিয়াছেন। (বিধান ঘোষিত হওয়ার পর) পুনরায় যে ব্যক্তি ঐরূপ কার্যে লিপ্ত হইবে আল্লাহ তায়ালা তাহার শাস্তি বিধান করিবেন। আল্লাহ তায়ালা সর্বশক্তিমান, শাস্তি-বিধানের মালিক।

পানির জীব শিকার করা ও খাওয়া তোমাদের জন্ত (এহরাম অবস্থায়ও) হালাল করা হইয়াছে; তোমাদের সকলের—বিশেষতঃ পথিক ও মুছাফিরদের স্বার্থ সংরক্ষণ কল্পে। কিন্তু এহরাম অবস্থায় বন্যজীব হত্যা তোমাদের জন্ত হারাম করা হইয়াছে। সকলে সর্বাবস্থায় আল্লাহ তায়ালার প্রতি ভয় রাখিও যাহার সম্মুখে তোমাদের সকলেরই বিচারের জন্ত একত্রিত হইতে হইবে। (৭ পাঃ ৩ রূঃ)

এহরামহীন ব্যক্তির শিকার কৃত বন্যজীবের গোশত

এহরামযুক্ত ব্যক্তি খাইতে পারিবে

৯৩১। হাদীছ ৪—আবু কাতাদা রাদিয়াল্লাহু তায়ালা আনহুর পুত্র আবদুল্লাহ (রঃ) বর্ণনা করিয়াছেন, রসুলুল্লাহ ছাল্লাল্লাহু আলাইহে অসাল্লাম যখন ষষ্ঠ হিজরী সনে ওমরার জন্ত মক্কাভিমুখে রওয়ানা হইয়াছিলেন তখন আমার পিতা আবু কাতাদা (রঃ)ও তাঁহার সঙ্গী ছিলেন। সকলেই নিদ্রিষ্ট স্থান জুল-হোলায়ফা হইতে এহরাম বাঁধিয়াছিলেন, কিন্তু আমার পিতা (মক্কা পর্য্যন্ত যাইবেন ও ওমরা করিবেন এই বিষয় নিশ্চিত ছিলেন না বলিয়া) এহরাম বাঁধেন নাই। কিছু দূর পথ অতিক্রম করার পর রসুলুল্লাহ ছাল্লাল্লাহু আলাইহে অসাল্লাম একরূপ একটি সংবাদ পাইলেন যে, একস্থানে কাফের শত্রুদল একত্রিত হইয়া আছে; তাহাদের আকস্মিক আক্রমণের আশঙ্কা হয়। তাই রসুলুল্লাহ ছাল্লাল্লাহু আলাইহে অসাল্লাম সতর্কতা স্বরূপ একদল লোক সেদিকে পাঠাইয়া দিলেন; তন্মধ্যে আমার পিতাও ছিলেন। আমার পিতা এহরামহীন এবং সঙ্গীগণ এহরামযুক্ত। আমার পিতা বর্ণনা করিয়াছেন—পথিমধ্যে আমার সঙ্গীগণ একটি বন্য গাধা দেখিতে পাইলেন। আমি যখন অনুভব করিতে পারিলাম যে, আমার সঙ্গীগণ কোন বস্তু দেখাদেখি করিতেছেন, তখন আমি লক্ষ্য করিলাম এবং আমিও গাধাটিকে দেখিতে পাইলাম। তৎক্ষণাৎ আমি ঘোড়ায় আরোহণ করিলাম; আমার চাবুকটি আমার হাত হইতে পড়িয়া গেল। সঙ্গীগণকে উহা উঠাইয়া দিতে অনুরোধ করিলাম, কিন্তু তাঁহারা বলিলেন, আমরা এহরাম অবস্থায় আছি, তাই শিকারের জন্ত আমরা কোন প্রকার সাহায্যই করিতে পারি না। তখন আমি ঘোড়া হইতে অবতরণ করিয়া চাবুক উঠাইলাম এবং ঘোড়ায় পুনঃ আরোহণ করিয়া গাধাটির প্রতি ধাবিত হইলাম এবং উহাকে বর্শাঘাতে কাবু করিয়া ফেলিলাম। অতঃপর উহাকে লইয়া সঙ্গীগণের নিকট উপস্থিত হইলাম। কেহ কেহ ইহা খাইতে রাজি হইলেন, কেহ কেহ এহরাম অবস্থায় শিকারের গোশত খাওয়া যায় না ধারণা করিয়া বিরত রহিলেন।

এদিকে আমরা দীর্ঘ সময় রসুলুল্লাহ ছালাল্লাহু আলাইহে অসাল্লাম হইতে বিচ্ছিন্ন থাকিয়া আতঙ্কগ্রস্ত হইতে লাগিলাম, তাই আমি স্বীয় ঘোড়া দ্রুতবেগে হাঁকাইলাম। পশ্চিমধ্যে একজন লোক মারদত রসুলুল্লাহ ছালাল্লাহু আলাইহে অসাল্লাম কোথায় অবস্থান করিতেছেন তাহার খোঁজ পাইয়া দ্রুত সেইস্থানে পৌঁছিলাম এবং আরজ করিলাম, ইয়া রাসুলুল্লাহ। আমার সঙ্গী—আপনার ছাহাবীগণ আপনাকে সালাম জানাইয়াছেন; আপনার হইতে বিচ্ছিন্ন হইয়া তাহারা আতঙ্কিত হইয়া পড়িয়াছেন, আপনি তাহাদের জন্ত অপেক্ষা করুন

অতঃপর আমি বহু গাধা শিকারের ঘটনা বর্ণিলাম, সঙ্গীগণও রসুলুল্লাহ ছালাল্লাহু আলাইহে অসাল্লামের নিকট পৌঁছিয়া ঘটনা বর্ণনা করিলেন যে, আবু কাতাদা এহরাম বঁধে নাই, সে একটি বহু গাধা শিকার করিয়াছিল; আমরা উহা হইতে কিছু খাইয়াছি, অতঃপর আমরা সন্দিহান হইলাম যে, এহরাম অবস্থায় আমরা শিকারের গোশত কিরূপে খাইতে পারি। এই ভাবিয়া অবশিষ্ট গোশত আমরা খাই নাই, সঙ্গে করিয়া নিয়া আসিয়াছি। হযরত রসুলুল্লাহ ছালাল্লাহু আলাইহে অসাল্লাম তাহাদিগকে দ্বিভ্রাসা করিলেন—তোমাদের কেহ আবু কাতাদাকে শিকার করার আদেশ করিয়াছিল কি? বা তাহাকে শিকারের প্রতি ইশারা করিয়াছিল কি? (বা কেহ তাহাকে কোনরূপ সাহায্য করিয়াছিল কি? বা শিকার বধ করিতে কেহ কোনরূপ অংশ গ্রহণ করিয়াছিল কি?) সকলেই, না, না বলিয়া উত্তর করিল। তখন হযরত রসুলুল্লাহ ছালাল্লাহু আলাইহে অসাল্লাম সকলকে উহা খাইবার অনুমতি দান করিলেন।

মুহআলাহ :—এহরাম অবস্থায় কোন বহুজীব শিকার করা হারাম, কোন শিকারীকে শিকারের প্রতি ইশারায় দেখাইয়া দেওয়াও হারাম, শিকারের আদেশ করা বা শিকারীকে কোন প্রকার সাহায্য করাও হারাম।

মুহআলাহ :—এহরাম অবস্থার ব্যক্তিরা কোন শিকার দেখিয়া হাসা-হাসি করিল যাহাতে এহরামহীন ব্যক্তি শিকার সম্পর্কে বুঝিয়া ফেলিল এবং উহা শিকার করিল—ইহাতে দোষ হইবে না।

মুহআলাহ :—ইবনে আব্বাস (রাঃ) বর্ণনা করিয়াছেন, গৃহপালিত জীব—উট, বকরী, গাভী, মুরগী ইত্যাদি এহরাম অবস্থায় জবেহ করা জায়েয।

এহরামযুক্ত ব্যক্তি জীবিত বহুজীব গ্রহণ করিবে না

৯৩২। **হাদীছ :**—ছায়া'ব ইবনে জাছমা (রাঃ) বর্ণনা করিয়াছেন, তিনি স্বয়ং রসুলুল্লাহ ছালাল্লাহু আলাইহে অসাল্লামকে পথি মধ্যে একটি (জীবিত) বহু

গাধা হাদিয়া বা উপঢৌকন দিয়াছিলেন। রসুলুল্লাহ (দঃ) উহা গ্রহণ করিলেন না; রসুলুল্লাহ (দঃ) দাতার চেহারার উপর হাদিয়া গ্রহণ না করার প্রতিক্রিয়ার ভাব লক্ষ্য করিতে পারিয়া তাহাকে প্রবোধ দিলেন যে, তোমার হাদিয়া গ্রহণ না করার একমাত্র কারণ এই যে, আমরা এহরাম অবস্থায় আছি।

এহরাম অবস্থায় এবং হরম শরীফে

যে জীব বধ করা জায়েয

৯৩৩। হাদীছঃ—**عن ابن عمر ان رسول الله صلى الله عليه وسلم : هَذِهِ**
قَالَ خَمْسٌ مِنَ الدَّوَابِّ لَيْسَ عَلَى الْمُحْرِمِ فِي قَتْلِهِنَّ جُنَاحٌ
الْغُرَابُ وَالْحِدَاةُ وَالْغَارَةُ وَالْعَقْرَبُ وَالْكَلْبُ الْعَقُورُ

অর্থ—আবুহুরাইরা ইবনে ওমর (রাঃ) হইতে বর্ণিত আছে, রসুলুল্লাহ (দঃ) বলিয়াছেন, পাঁচ প্রকার জীব আছে যাহা এহরাম অবস্থায়ও বধ করা জায়েয—
(১) কাক (২) চিল (৩) ইহর (৪) বিছু (৫) কামড়ানের আশঙ্কাময় শ্রেণীর কুকুর।

৯৩৪। হাদীছঃ—**عن عائشة ان رسول الله صلى الله عليه وسلم : هَذِهِ**
قَالَ خَمْسٌ مِنَ الدَّوَابِّ كُلُّهُنَّ فَاسِقٌ يُقْتَلْنَ فِي الْحَرَمِ الْغُرَابُ
وَالْحِدَاةُ وَالْعَقْرَبُ وَالْغَارَةُ وَالْكَلْبُ الْعَقُورُ

অর্থ—আয়েশা (রাঃ) হইতে বর্ণিত আছে, রসুলুল্লাহ ছালাল্লাহু আলাইহে অসাল্লাম বলিয়াছেন, পাঁচ প্রকার জীব আছে যাহার প্রত্যেকটিই ছুঁই প্রকৃতির; উহাদিগকে হরম শরীফের সীমার ভিতরেও বধ করা জায়েয—(১) কাক (২) চিল (৩) বিছু (৪) ইহর (৫) কামড়ানের আশঙ্কাময় শ্রেণীর কুকুর।

৯৩৫। হাদীছঃ—হাকছাহ (রাঃ) বর্ণনা করিয়াছেন, রসুলুল্লাহ ছালাল্লাহু আলাইহে অসাল্লাম বলিয়াছেন, পাঁচ প্রকার জীব আছে যাহা যে কেহই বধ করিতে পারে; তাহাতে গোণাহ হইবে না। কাক, চিল, ইহর, বিছু এবং কামড়ানের আশঙ্কাময় শ্রেণীর কুকুর।

৯৩৬। হাদীছঃ—আবুহুরাইরা ইবনে মসউদ (রাঃ) বর্ণনা করিয়াছেন, (বিদায়-হজ্জের নবম তারিখের রাত্রে) আমরা মিনাস্থিত কোন এক পাহাড়ের গর্ভে রসুলুল্লাহ ছালাল্লাহু আলাইহে অসাল্লামের সঙ্গে বসিয়াছিলাম; হঠাৎ তাহার

প্রতি ছুরা “ওয়াল-মোরছালাত” নামেল হইল। হযরত (দঃ) ঐ ছুরাটি আমাদের সম্মুখে তেলাওয়াত করিতেছিলেন এবং আমরা তাঁহার নিকট হইতে উহা মুখস্থ করিয়া লইতেছিলাম, এমতবস্থায় আমাদের সম্মুখে একটি সর্প বাহির হইয়া আসিল। রসুলুল্লাহ (দঃ) ছাহাবীগণকে আদেশ করিলেন, উহাকে বধ কর। সকলেই উহার প্রতি ধাবিত হইল, কিন্তু সর্পটি দ্রুত পালাইয়া রক্ষা পাইল। নবী ছাল্লাল্লাহু আলাইহে অসাল্লাম বলিলেন, তোমরা যেক্রপ উহার দ্বারা কোন প্রকার ক্ষতিগ্রস্ত হও নাই; তদ্রূপ সেও তোমাদের দ্বারা ক্ষতিগ্রস্ত হয় নাই।

ব্যাখ্যা :—আলোচ্য হাদীছ ব্যতীত অন্যান্য হাদীছেও হরম শরীফে এবং এহরাম অবস্থায় সর্প মারার অনুমতি স্পষ্টরূপে বর্ণিত আছে। উল্লিখিত জীব সমূহ হরম শরীফে এবং এহরাম অবস্থায় বধ করার অনুমতি স্পষ্টরূপেই প্রমাণিত আছে। আরও কি কি কষ্টদায়ক ছুষ্ট প্রকৃতির জীব হত্যা করা জায়েয তাহা নির্ধারণের মধ্যে ইমামগণের মতভেদ আছে; তাই বিবেক খাটাইয়া কোন জীব মারিবে না।

হরম শরীফের সীমায় ঘাস-পাতা, তরুলতা, বট-বৃক্ষ কাটিবে না,
উহার কোন অংশ ছিন্ন করিবে না *

৯৩৭। হাদীছ :— আবু শোরাইহ (রাঃ) বর্ণনা করিয়াছেন, রসুলুল্লাহ ছাল্লাল্লাহু আলাইহে অসাল্লাম মক্কা বিজয়ের পর দিন একটি বিশেষ ভাষণ দান করিয়াছিলেন। ভাষণ দানকালে আমি নিজ চোখে হযরত (দঃ)কে দেখিয়াছি, নিজ কানে তাঁহার সেই ভাষণ শুনিয়াছি এবং বিশেষরূপে স্মরণ রাখিয়াছি।

ভাষণের প্রথমে তিনি আল্লাহ তায়ালার ছানা-ছিফৎ ও প্রশংসা করিয়া বলিলেন—তোমরা নিশ্চিতরূপে জানিয়া রাখিও, আল্লাহ তায়ালার স্বয়ং এই মক্কা নগরীকে হরম শরীফ তথা বিশেষ সম্মানিত ও সুরক্ষিত স্থানরূপে সাব্যস্ত করিয়া দিয়াছেন। মক্কা নগরীর এই বিশেষত্ব কোন মানুষের সাব্যস্তকৃত নহে; অতএব যে ব্যক্তি আল্লাহ এবং শেষ বিচারের দিনের প্রতি বিশ্বাসী হইবে তাহার জ্ঞান কখনও জায়েয বা হালাল হইবে না যে, সে মক্কা নগরীর মধ্যে কোন প্রকার হত্যা-কার্য্য করে বা উহার কোন উদ্ভিদের ক্ষতি সাধন করে। (হযরত (দঃ) ইহাও বলিয়া দিলেন যে—) কোন ব্যক্তি যদি আল্লাহর রসুল কর্তৃক যুদ্ধ পরিচালনার ঘটনা দ্বারা নিজের জ্ঞানও ঐরূপ করা জায়েয মনে করিতে প্রয়াস পায়, তবে তাহাকে স্পষ্টরূপে জানাইয়া দিও যে, আল্লাহ তায়ালার স্বীয় রসুল ছাল্লাল্লাহু আলাইহে অসাল্লামের জ্ঞান বিশেষরূপে ঐ অনুমতি দান করিয়াছিলেন, তোমাদের

• রোপন ও বপন করা বা রোপন ও বপন জাতীয় বৃক্ষ ও উদ্ভিদে এই আদেশ প্রযোজ্য নহে।

পক্ষে মুহূর্তের জন্তও ঐরূপ অনুমতি দান করেন নাই। আমার জন্ত যে অনুমতি দান করা হইয়াছিল তাহাও শুধু নির্দিষ্ট দিনের নির্ধারিত সময়ের মধ্যে সীমাবদ্ধ ছিল, অতঃপর এই নগরীর সেই মহত্ব এবং বিশেষরূপে সম্মানিত ও সুরক্ষিত হওয়া পূর্বের তায় আমার এবং সমগ্র বিশ্ববাসীর জন্ত বলবৎ হইয়াছে এবং ইহা কেয়ামত পর্যন্ত বলবৎ থাকিবে। (অতঃপর হযরত (দঃ) বলিলেন—) উপস্থিত ব্যক্তিবর্গের একটি বিশেষ কতব্য এই হইবে যে, আমার এই ভাষণের বিষয় বস্তু অনুপস্থিত ব্যক্তিবর্গকে পৌঁছাইতে থাকে।

মুছআলাহ ঃ—হরম শরীফে কোন বহুজীবকে তাড়া করা জায়েয নহে। ইবনে আব্বাস রাজিয়াল্লাহু তায়ালা আনহুর শাগের্দ এক্রেমা (রাঃ) বলিয়াছেন হরম শরীফের সীমার মধ্যে কোন পশুপক্ষী কোন স্থানে বিশ্রাম গ্রহণ করিতে থাকিলে তথা হইতে উহাকে তাড়াইয়া দেওয়া জায়েয নহে। (২৪৭ পৃঃ)

মুছআলাহ ঃ—হরম শরীফের সীমার ভিতর লড়াই করা জায়েয নহে।

এহরাম অবস্থায় রক্তমোক্ষণ করা

আবদুল্লাহ ইবনে ওমর (রাঃ) ছাহাবী স্বীয় পুত্রের জন্ত তাহার এহরাম অবস্থায় তপ্ত লৌহের দ্বারা দাগ লাগানোর চিকিৎসা-ব্যবস্থা অবলম্বন করিয়াছিলেন।

মুছআলাহ ঃ—এহরাম অবস্থায় স্নগন্ধবিহীন যে কোন ঔষধ ব্যবহার করা যায়।

৯৩৮। হাদীছ ঃ—ইবনে বোহায়না (রাঃ) হইতে বর্ণিত আছে, নবী ছাল্লাল্লাহু আলাইহে অসাল্লাম এহরাম অবস্থায় লাহুয়ে-জামাল নামক স্থানে পৌঁছিয়া (মাথার ব্যথার দরুণ) স্বীয় মাথার মধ্যস্থলে রক্তমোক্ষণ করিয়াছিলেন।

মুছআলাহ ঃ—যে কোন প্রকারের চিকিৎসাই এহরাম অবস্থায় গ্রহণ করা যায়, কিন্তু সতর্ক থাকিতে হইবে, চুল বা লোম কাটা না পড়ে। চুল বা লোম কাটার আবশ্যক হইলে নির্ধারিত বিধান মতে উহার কাফ্ফারা আদায় করিবে।

এহরাম অবস্থায় বিবাহ করা

৯৩৯। হাদীছ ঃ—ইবনে আব্বাস (রাঃ) বর্ণনা করিয়াছেন, নবী ছাল্লাল্লাহু আলাইহে অসাল্লাম মাইমুনা (রাঃ)কে এহরাম অবস্থায় বিবাহ করিয়াছিলেন।

ব্যাখ্যা ঃ—বিবাহের শুধু ইজাব-কবুল সম্পন্ন করা এহরাম অবস্থায় জায়েয।

এহরাম অবস্থায় নিষিদ্ধ বস্তুসমূহ

৯৪০। হাদীছ ঃ—আবদুল্লাহ ইবনে ওমর (রাঃ) বর্ণনা করিয়াছেন, একদা এক ব্যক্তি দাঁড়াইয়া জিজ্ঞাসা করিল—ইয়া রসুলুল্লাহ! এহরাম অবস্থায় কিরূপ

কাপড় পরিধান করার আদেশ করেন? তছত্তরে নবী ছালাম্লাহ আলাইহে অসাল্লাম বলিলেন, জামা, পায়জামা, পাগড়ি, টুপি ব্যবহার করিও না এবং যদি কাহারও জুতা না থাকে তবে চামড়ার মোজা পায়ের পৃষ্ঠের উচু হাড় এবং দুই পার্শ্বের গিঁটদ্বয় উন্মুক্ত থাকে এইভাবে উপরের অংশ কাটিয়া ফেলিয়া উহা ব্যবহার করিতে পারিবে। আর এমন বস্তু ব্যবহার করিবে না যাহাকে জাফরান বা “ওয়ারস” নামক উদ্ভিদ জাতীয় বস্তুর রং স্পর্শ করিয়াছে, (কারণ উক্ত বস্তুদ্বয় সুগন্ধিময়)। নারীগণ বিশেষ পর্দার জন্ত সাধারণতঃ মুখের উপর পর্দা (ব্যবহার করে) এবং হাত মোজা (ব্যবহার করিয়া থাকে; এহরাম অবস্থায় সে ঐ সব) ব্যবহার করিবে না।

মছআলাহ ঃ—নারীদের জন্ত মুখের উপর যে পর্দা ব্যবহার নিষিদ্ধ হইয়াছে ইহার উদ্দেশ্য ঐরূপ পর্দা যাহা মুখের উপর লাগিয়া থাকে। এ সম্পর্কে বিস্তারিত বিবরণ “এহরাম অবস্থায় পরিধেয়” পরিচ্ছেদে বর্ণিত হইয়াছে।

এহরাম অবস্থায় গোসল করা

আবছল্লাহ ইবনে আব্বাস (রাঃ) বলিয়াছেন, এহরাম অবস্থায় বিশেষ ব্যবস্থা সম্বলিত গোসল খানায় গোসল করিতে পারে।*

আবছল্লাহ ইবনে ওমর (রাঃ) ও আয়েশা (রাঃ) এহরাম অবস্থায় শরীর চুলকানোকে দুর্বণীয় মনে করিতেন না।**

৯৪১। হাদীছ ঃ—আবছল্লাহ ইবনে হোনাইন (রাঃ) বর্ণনা করিয়াছেন, আবছল্লাহ ইবনে আব্বাস (রাঃ) ও মেহওয়ার ইবনে মাখরামা রাজিয়াল্লাহু তায়ালা আনহুর মধ্যে মতনৈক্য হইল। আবছল্লাহ ইবনে আব্বাস (রাঃ) বলিলেন, এহরাম অবস্থায় মাথা ধৌত করা যাইবে। মেহওয়ার (রাঃ) বলিলেন, এহরাম অবস্থায় মাথা ধৌত করা যাইবে না। তখন আবছল্লাহ ইবনে আব্বাস (রাঃ) আমাকে আবু-আইউব রাজিয়াল্লাহু তায়ালা আনহুর নিকট পাঠাইলেন। আমি তাঁহার নিকট উপস্থিত হইয়া দেখিতে পাইলাম, তিনি একটি কুপের নিকট গোসল করিতেছেন এবং তাঁহাকে পর্দা দ্বারা ঘেরাও করিয়া রাখা হইয়াছে! আমি তাঁহাকে সালাম করিলাম। তিনি জিজ্ঞাসা করিলেন, কে? আমি বলিলাম, আমি আবছল্লাহ ইবনে হোনাইন; আমাকে আবছল্লাহ ইবনে

* অবশ্য অত্যন্ত আলেমগণ এহরাম অবস্থায় শরীর মর্দন করতঃ ময়লা উঠাইয়া ফিটকাটের সহিত গোসল করা মকরুহ বলিয়াছেন।

** অবশ্য লক্ষ্য রাখিবে যে, লোম, চুল যেন ছিড়িয়া বা ঝরিয়া পড়িতে না পারে।

আব্বাস (রাঃ) আপনার নিকট এই বিষয় জ্ঞাত হওয়ার জন্ত পাঠাইয়াছেন যে, রসুলুল্লাহ ছালাম্লাহু আলাইহে অসাল্লাম এহরাম অবস্থায় মাথা কি প্রকার ধৌত করিতেন। তখন তিনি পর্দার কাপড়টি হাত দ্বারা চাপিয়া একটু নীচ করিয়া দিলেন যেন তাহার মাথা আমি দেখিতে পাই। তৎপর এক ব্যক্তিকে তাঁহার মাথার উপর পানি চালিতে বলিলেন। সে তাঁহার মাথায় পানি ঢালিয়া দিল; অতঃপর তিনি উভয় হাত দ্বারা সম্মুখের দিক হইতে পিছনের দিকে এবং পিছনের দিক হইতে সম্মুখের দিকে মাথার চুল নাড়া দিলেন এবং বলিলেন, রসুলুল্লাহ ছালাম্লাহু আলাইহে অসাল্লামকে আমি এইরূপ করিতে দেখিয়াছি।

এহরাম অবস্থায় চাদর না থাকিলে কি করিবে ?

৯৪২। হাদীছ :—আবহুল্লাহ ইবনে আব্বাস (রাঃ) বর্ণনা করিয়াছেন, নবী ছালাম্লাহু আলাইহে অসাল্লাম আরফার মধ্যে যে খোৎবা তথা ভাষণ দিয়াছিলেন উহাতে তিনি ইহাও বলিয়া ছিলেন যে, পরিধেয় চাদর না থাকিলে পায়জামা পরিবে এবং জুতা না থাকিলে মোজা পায়ে দিতে পারিবে।

ব্যাখ্যা :— জুতা না থাকাবস্থায় চামড়ার মোজা পায়ে দিতে পারিবে, কিন্তু উপরের অংশ কাটিয়া ফেলিতে হইবে যাহার বিবরণ পূর্ব পৃষ্ঠায় বর্ণিত হইয়াছে। তেমনি পরিধেয় চাদর না থাকিলে পায়জামা পরিবে, কিন্তু বিশেষ ধরণের টিলা পায়জামা হইলে উহাকে কাটিয়া চাদরের স্থায় করিয়া লইবে যদি তাহা সম্ভব না হয় তবে পায়জামার আকারেই পরিধান করিবে, কিন্তু উহার জন্ত ফিদ্বীয়া আদায় করিতে হইবে। যেমন ওয়র বশতঃ মাথার চুল কামাইতে হইলে ফিদ্বীয়া আদায় করার মছআলাহ বর্ণিত হইয়াছে।

এহরাম অবস্থায় অস্ত্রশস্ত্র সঙ্গে রাখা

প্রসিদ্ধ তাবেয়ী একরেমা (রাঃ) বলিয়াছেন, শত্রুর আক্রমণের আশঙ্কাবস্থায় অস্ত্রশস্ত্র পরিধান করিবে, কিন্তু সেই জন্ত নির্দ্ধারিত ফিদ্বীয়া দিতে হইবে। ইমাম বোখারী (রাঃ) বলেন, ফিদ্বীয়া দেওয়ার বিষয়ে অথ কোন আলেম তাঁহার সঙ্গে একমত হন নাই। অর্থাৎ অত্যাঁচ সকল আলেমগণের মত এই যে, অস্ত্রশস্ত্র পরিধান করার দরুণ ফিদ্বীয়া দিতে হইবে না।

৯৪৩। হাদীছ :— বরা (রাঃ) বর্ণনা করিয়াছেন, (ষষ্ঠ হিজরী সনে হোদায়বিয়ার প্রসিদ্ধ ঘটনা—) নবী ছালাম্লাহু আলাইহে অসাল্লাম জিলকদ মাসে ওমরা করার উদ্দেশ্যে মক্কাভিমুখে যাত্রা করিলেন। (মক্কা হইতে মাত্র ১০ মাইল ব্যবধানে অবস্থিত “হোদায়বিয়া” নামক স্থানে পৌঁছিলে পর কাফেররা

নবী (দঃ)কে মকায় পৌঁছিতে বাধা দিল। শেষ পর্য্যন্ত) উভয় পক্ষে একটি সন্ধিপত্র লিখিত হইল, যাহার শর্ত সমূহের মধ্যে ইহাও ছিল যে, মোসলমানগণ এই বৎসর এই স্থান হইতেই মদীনায ফিরিয়া যাইবে। আগামী বৎসর ওমরা করার জন্ত মকায় আসিতে পারিবে, কিন্তু অস্ত্রশস্ত্র খোলা অবস্থায় লইয়া আসিবে না—তরবারী ইত্যাদি কোষবদ্ধ রাখিতে হইবে।

ব্যাখ্যাঃ—প্রসিদ্ধ হোদায়বিয়ার ঘটনার কিয়দংশ পূর্বে বর্ণিত হইয়াছে ইহার পূর্ণ বিবরণ ইন্শা আল্লাহ তায়াল। তৃতীয় খণ্ডে বর্ণিত হইবে।

উল্লিখিত হাদীছে বলা হইয়াছে, পর বৎসর মোসলমানগণ তরবারি ইত্যাদি কোষবদ্ধ রাখিয়া মকায় প্রবেশ করিবে। ইহা দ্বারা এহরাম অবস্থায় অস্ত্র বহন জায়েয প্রমাণিত হয়।

এহরাম ব্যতীত হরম শরীফের সীমায় প্রবেশ করা

৯৪৪। হাদীছঃ—আনাছ (রাঃ) বর্ণনা করিয়াছেন, রসুলুল্লাহ ছালাল্লাহু আলাইহে অসাল্লাম মক্কা বিজয়ের সময় যখন মক্কা নগরীতে প্রবেশ করিতেছিলেন তখন তাঁহার মাথা লোহার টুপী দ্বারা আবৃত ছিল।

ব্যাখ্যাঃ—উল্লিখিত হাদীছে প্রমাণিত হয় যে, মক্কা বিজয়ের সময় রসুলুল্লাহ ছালাল্লাহু আলাইহে অসাল্লাম এহরামহীন অবস্থায় মকায় প্রবেশ করিয়াছিলেন তাই তাঁহার মাথা আবৃত ছিল। এতদ্ভিন্ন ইহা স্পষ্টরূপে বর্ণিত আছে যে, রসুলুল্লাহ ছালাল্লাহু আলাইহে অসাল্লাম তখন এহরাম অবস্থায় ছিলেন না।

আলোচ্য মহাআলার বিষয়ে ইমাম বোখারীর মত এই যে, হজ্জ বা ওমরার উদ্দেশ্য ব্যতীত অন্য কোন উদ্দেশ্যে হরম শরীফের সীমার ভিতরে এমনকি মক্কা নগরীতে প্রবেশ করিতে ইচ্ছা করিলেও এহরাম বাঁধা অবশ্যক হইবে না এহরাম শুধু ঐ ব্যক্তিদের জন্ত যাহারা হজ্জ বা ওমরার উদ্দেশ্যে মক্কায় আসিবে।

কিন্তু এই মহাআলার মধ্যে বিভিন্ন ইমামগণের মতভেদ আছে। হানাফী মজহাব মতে মহাআলাহ এই যে, মিকাতের সীমানার বাহিরের কোন লোক যে কোন উদ্দেশ্যে হরম শরীফের সীমার ভিতর প্রবেশ করার ইচ্ছায় যাত্রা করিলে তাহার জন্ত মিকাত হইতে ওমরার এহরাম বাঁধিয়া আসা আবশ্যক। ঐরূপ ব্যক্তির জন্ত এহরামহীন অবস্থায় মিকাত অতিক্রম করা জায়েয নহে। অবশ্য যাহারা মিকাতের সীমানার ভিতরে অবস্থানকারী তাহারা হরম শরীফে এবং মক্কা নগরীতে বিনা এহরামে প্রবেশ করিতে পারিবে।

উল্লিখিত হাদীছে হযরত রসুলুল্লাহ ছালাল্লাহু আলাইহে অসাল্লামের যে ঘটনা বর্ণিত হইয়াছে উহা সম্পর্কে হানাফী মজহাবের আলোচনা বলেন, যে, উহা

হযরতের জ্ঞাত মক্কা বিজয়ের উদ্দেশ্যে একটি বিশেষত্ব স্বরূপ ছিল ; যেরূপ হরম শরীফের সীমার ভিতরে এবং মক্কা নগরীতে যুদ্ধ পরিচালনা করার অনুমতি ঐ সময়ে তাহার জ্ঞাত একটি বিশেষত্ব স্বরূপ ছিল। হযরতের পর অত্বে কেহই ঐরূপ করিতে পারিবে না—এই বিষয়টি স্বয়ং হযরত (দঃ) মক্কা বিজয়ের বিশেষ ভাষণে সুস্পষ্টরূপে বলিয়াছিলেন। ৯৩৭নং এবং আরও একাধিক হাদীছে উহা বর্ণিত আছে।

মছআলাহ না জানায় এহরাম অবস্থায় জামা পরিালে বা সুগন্ধি ব্যবহার করিলে ?

প্রসিক্ত তাবেয়ী আতা (রঃ) বলিয়াছেন, অজ্ঞাত সারে বা ভুলবশতঃ কোন ব্যক্তি এহরাম অবস্থায় জামা পরিধান করিলে বা সুগন্ধি ব্যবহার করিলে তাহাকে কাফ্ফারা বা দম দিতে হইবে না।

এখানে হানাফী মজহাব এবং আরও বহু আলেমের মত ভিন্নরূপ। তাহার বলেন, বর্তমানে শরীয়তের বিধান সমূহ স্থিরীকৃত হইয়া স্পষ্টরূপে প্রকাশিত রহিয়াছে এবং প্রত্যেক মোসলমানের অত্বে উহা শিক্ষা করা ও জ্ঞাত হওয়া অবশ্য কর্তব্য। যদি কেহ উহাতে ত্রুটি করে তবে সে দ্বিগুণ দোষী সাব্যস্ত হইবে। অতএব এহরাম অবস্থায় জামা পরিধান করা, সুগন্ধি ব্যবহার করা ইত্যাদি শরীয়তের বিধান বিরোধী কার্যের প্রতিফল ভোগ করা হইতে তাহাকে অব্যাহতি দেওয়া হইবে না, বরং তাহাকে শরীয়তের নির্দেশিত শাস্তি ভোগ স্বরূপ কাফ্ফারা বা দম আদায় করিতে হইবে। তদ্রূপ ভুল বশতঃ ঐরূপ করিলেও কাফ্ফারা আদায় করিতে হইবে; যেরূপ নামাযের মধ্যে ভুলে কথা বলিলে নামায নষ্ট হয়।

হাজ্জের পাথে মৃত্যু হইলে

মছআলাহ ঃ—হজ্জ করিতে যাত্রা করিয়াছে, অতঃপর হজ্জ পূর্ণ করার পূর্বেই মরিয়া গিয়াছে—সে ক্ষেত্রে যদি ৯ই জিলহজ্জ উকুফে-আরফা করার পর মৃত্যু হইয়া থাকে তবে তাহার হজ্জ সম্পূর্ণ গণ্য হইবে (৬৬৬ হাদীছ; উক্ত হাদীছের ঘটনায় হযরত (দঃ) মৃত ব্যক্তির হজ্জ পূর্ণ করার আদেশ দেন নাই)। যদিও হজ্জের দ্বিতীয় ফরজ—তওয়াফে-জেরারত সে না করিয়া থাকে; তাহার তওয়াফে-জেরারতের জ্ঞাত কিছুই করিতে হইবে না। অবশ্য যদি সে অস্থিরত করিয়া যাইয়া থাকে তাহার হজ্জ পূর্ণ করার, তবে তওয়াফে-জেরারতের বদলায় একটি উট বা গরু কোরবানী করা ওয়াযেব হইবে (শামী, ২—৩৩২)। আর যদি উকুফে-আরফার পূর্বে মৃত্যু হয়, এমনকি যদি মক্কার পৌছিয়াও

তাহার মৃত্যু হইয়া থাকে তবে শরীয়তের হুকুমে তাহার হজ্জ হয় নাই বলিয়া সাব্যস্ত হইবে। সুতরাং যদি সে তাহার হজ্জ করাইবার জন্ত অছিয়ত করিয়া থাকে তবে তাহার ওয়ারেছদের কর্তব্য হইবে তাহার সমুদয় পরিত্যক্ত ধন সম্পদের তৃতীয়াংশ হইতে তাহার জন্ত হজ্জে-বদল করান। ইমাম আবু ইউসুফ ও ইমাম মোহাম্মদের মতে যে পর্য্যন্ত সে পৌঁছিয়া ছিল তথা হইতে হজ্জে-বদল করাইলেই চলিবে, অতএব যদি সে মক্কায় পৌঁছিয়া মরিয়াছিল তবে অতি সামান্য খরচে মক্কা হইতে তাহার হজ্জে-বদল করাইলেই যথেষ্ট হইবে। ইমাম আবু হানিফা (রঃ) বলেন যে, তাহার সমুদয় ধন-সম্পদের তৃতীয়াংশ যদি তাহার নিজ বাড়ী হইতে হজ্জে-বদলের ব্যয়ে যথেষ্ট হয় তবে অবশ্যই তাহার বাড়ী হইতে হজ্জ করাইতে হইবে যদিও তাহার মৃত্যু মক্কায় পৌঁছিয়া হইয়াছিল। অন্যথায় তাহার অছিয়তের হজ্জ আদায় হইবে না এবং ওয়ারেছগণ কর্তব্য হইতে মুক্ত হইবে না। অবশ্য যদি তাহার ধন-সম্পদের তৃতীয়াংশে বাড়ী হইতে হজ্জের ব্যয় সঙ্কুলান না হয় তবে উহা দ্বারা যথা হইতে সম্ভব তথা হইতেই হজ্জে-বদল করাইবে (ফতহুল-কাদীর, ২—৩.৯)। আলোচ্য মৃত ব্যক্তির হজ্জটি যদি তাহার এই মৃত্যুর বৎসরের পূর্বেই ফরজ হইয়াছিল অর্থাৎ এই বৎসরের পূর্বেই হজ্জ ফরজ হয় পরিমাণ ধনের মালিক সে হইয়াছিল, কিন্তু হজ্জ যাত্রায় সে বিলম্ব করিয়াছিল তবে হজ্জে-বদল করাইবার অছিয়ত করা তাহার উপর ফরজ হইবে। আর যদি ঐ বৎসরই তাহার উপর হজ্জ ফরজ হইয়াছিল কিম্বা তাহার উপর হজ্জ আদৌ ফরজ হইয়াছিল না উক্ত হজ্জ তাহার নফল হজ্জ ছিল তবে অছিয়ত করার প্রয়োজন হইবে না। (শামী, ২—৩৩২)

মচ্আলাহঃ—এহরাম অবস্থায় মৃত্যু হইলে হানফী মজহাব মতে তাহার কাফন সাধারণ নিয়মেই করিতে হয়। কোন কোন ইমামের মজহাবে এহরাম অবস্থার ব্যক্তির তায় তাহার মাথা অনাবৃত রাখিতে হয় এবং স্নগন্ধিও দেওয়া যায় না। (২৪৯ পৃঃ)

মৃত ব্যক্তির পক্ষে হজ্জ করা

৯৪৫। হাদীছঃ—আবুল্লাহ ইবনে আব্বাস (রাঃ) বর্ণনা করিয়াছেন, একদা “জোহায়না” নামক গোত্রের একটি নারী নবী ছাল্লাল্লাহু আলাইহে অসাল্লামের নিকট উপস্থিত হইয়া আরজ করিল, আমার মাতা হজ্জ করিবার মান্নত মানিয়াছিলেন; কিন্তু তিনি হজ্জ আদায় করিতে পারেন নাই, তাহার মৃত্যু ঘটিয়াছে; এখন আমি তাহার পক্ষ হইতে হজ্জ করিতে পারি কি? নবী (সঃ) বলিলেন, হাঁ—তুমি তাহার পক্ষ হইতে হজ্জ আদায় কর। তোমার

মাতার উপর কাহারও ঋণ থাকিলে তাহা তুমি কি আদায় করিতে না? তজ্জপ আল্লার ঋণও আদায় করিয়া দাও। আল্লার ঋণকে অগ্রাধিকার দান করা কর্তব্য।

ড্রমণে অক্ষম ব্যক্তির পক্ষে হজ্জ করা

৯৪৬। হাদীছঃ—ইবনে আব্বাস (রাঃ) বর্ণনা করিয়াছেন, বিদায়-হজ্জ কালে “খাছাম” গোত্রীয় একটি মহিলা রসুলুল্লাহ ছাল্লাল্লাহু আলাইহে অসাল্লামের নিকট উপস্থিত হইয়া আরজ করিল, আমার পিতার উপর এমন অবস্থায় হজ্জ ফরজ হইয়াছে যখন তিনি অতিশয় বৃদ্ধ, যানবাহনের উপর স্থির হইয়া বসিতে সম্পূর্ণ অক্ষম। এমনতাবস্থায় আমি তাঁহার পক্ষ হইতে হজ্জ করিলে তাঁহার হজ্জ আদায় হইবে কি? রসুলুল্লাহ ছাল্লাল্লাহু আলাইহে অসাল্লাম বলিলেন—হাঁ (তুমি তাঁহার পক্ষ হইতে হজ্জ আদায় কর।)

মছআলাহঃ—ইমাম বোখারী (রাঃ) উল্লিখিত হাদীছ দ্বারা আরও একটি পরিচ্ছেদ বর্ণনা করিয়াছেন যে, পুরুষের পক্ষে নারী বদলা হজ্জ করিতে পারে।

অপ্রাপ্ত বয়স্ক ছেলে-মেয়েদের হজ্জ

৯৪৭। হাদীছঃ— ছায়েব ইবনে ইয়াযীদ (রাঃ) বর্ণনা করিয়াছেন, (বিদায়-হজ্জ কালে আমার মাতা-পিতা) নবী ছাল্লাল্লাহু আলাইহে অসাল্লামের সঙ্গে আমাকে হজ্জ করাইয়াছেন; আমার বয়স তখন সাত বৎসর মাত্র।

বিশেষ দ্রষ্টব্যঃ— আলোচ্য বিষয়ে আরও স্পষ্টতর হাদীছও বিद्यমান রহিয়াছে। মোসলেম শরীফের এক হাদীছে বর্ণিত আছে—একদা এক মহিলা তাহার স্বীয় শিশু ছেলেকে উত্তোলন করতঃ দেখাইয়া জিজ্ঞাসা করিল, ইয়া রসুলুল্লাহ! এই ছেলের হজ্জ কি শুদ্ধ হইবে? রসুলুল্লাহ ছাল্লাল্লাহু আলাইহে অসাল্লাম বলিলেন, হাঁ—শুদ্ধ হইবে এবং (তুমি যে তাহাকে সাহায্য করিবে সে জন্ত) তুমিও ছওয়াবের ভাগী হইবে।

মছআলাহঃ— নাবালেগ ছেলে-মেয়ের হজ্জ শুদ্ধ হয় বটে, কিন্তু বালেগ হওয়ার পর তাহাদের উপর হজ্জ ফরজ হইলে সেই হজ্জ পুনঃ আদায় করিতে হইবে। নাবালেগ অবস্থায় কৃত হজ্জের দ্বারা ফরজ আদায় গণ্য হইবে না।

নারীদের হজ্জ করা

ইব্রাহীম (রাঃ) নামক মোহাভ্বেছ স্বীয় পিতার মাধ্যমে পিতামহ বিশিষ্ট তাবেয়ী ইব্রাহীম (রাঃ) হইতে বর্ণনা করিয়াছেন যে, দ্বিতীয় খলীফা ওমর রাজিয়াল্লাহু তায়ালা আনহু (স্বীয় খেলাফতকালে নবী-পত্নীগণকে (নফল) হজ্জে যাইতে নিবেদন করিয়া দিয়াছিলেন। কিন্তু) যেই হজ্জ তাঁহার জীবনের শেষ

হজ্জ ছিল সেই হজ্জের সময় তিনি নবী-পত্নীগণকে হজ্জে যাইবার অনুমতি দিয়াছিলেন এবং তাঁহাদের রক্ষণাবেক্ষণ ও সুব্যবস্থার জন্ত ওসমান (রাঃ) ও আবদুর রহমান (রাঃ) বিশিষ্ট ছাহাবীদ্বয়কে নিৰ্দ্ধিষ্ট করিয়া দিয়াছিলেন।

ব্যাখ্যা :—নবী-পত্নীগণ নবী ছালাল্লাহু আলাইহে অসালামের সঙ্গে সকলেই হজ্জ আদায় করিয়াছিলেন, অতঃপর তাঁহাদের হজ্জ করা নফল ছিল।

হজ্জের ছফর অতি কষ্ট-ক্লেশের ছফর। তত্বপরি বড় শব্দট এই যে, ইহার আরকান-আহকাম আদায় করার সময় প্রতি পদক্ষেপে ভীষণ ভিড় হইয়া থাকে, যাহা এড়াইবার উপায় নাই। নারী জাতির জন্ত যে সব বিধি-নিষেধ শরীয়ত কর্তৃক ফরজ, ওয়াজিব ও হারামরূপে বলবৎ রহিয়াছে, হজ্জের আরকান-আহকাম আদায় করাকালে সে সব বিধি-নিষেধ রক্ষা করিয়া চলা সহজ সাধ্যত মোটেই নহে, সম্ভবপর হওয়াও অতিশয় দুৰূহ। এতদৃষ্টে ওমর রাজিয়ারল্লাহু তায়ালা আনহু স্বীয় খেলাফত কালে নবী পত্নীগণকে পুনঃ হজ্জে যাইতে নিষেধ করিয়া দিয়াছিলেন। অতঃপর তিনি বিশেষ ব্যবস্থাধীনে অনুমতি দান করেন এবং ওসমান ও আবদুর রহমান ইবনে আউফ (রাঃ) ছাহাবীদ্বয়ের তায় ব্যক্তিশালী হই জেনের তত্ত্বাবধানে নবী-পত্নীগণের হজ্জ গমনের ব্যবস্থা অনুমোদন করেন।

কিন্তু লক্ষ্য রাখিবেন, এসব কোন যমানার কাহিনী? তের শত বৎসর পূর্বের কাহিনী এবং মক্কা হইতে মদীনা মাত্র প্রায় তিন শত মাইল ব্যবধানের কাহিনী।

বর্তমানে নারী জাতির যে অবস্থা দাঁড়াইয়াছে বিশেষতঃ মিশর, সিরিয়া, জাওয়া, মালয়, ইন্দোনেশিয়া, বোম্বাই, গুজরাট, ইউ-পি, সি-পি, পাঞ্জাব ইত্যাদি স্থানের নারীগণ পবিত্র মক্কা মদীনাতে আশিয়াও যেরূপ বেপর্দা বেহায়া ও বে-পরওয়াভাবে চলাফেরা করে তাহা দেখিলে শরীর শিহরিয়া উঠে।

নারীদের জন্ত পর্দা সর্ব স্থানেই ফরজ এবং বে-পর্দাভাবে চলা হারাম। আরও স্মরণ রাখিবেন—পবিত্র মক্কা-মদীনায় নেক কার্যের ছওয়াব যেরূপ অধিক পাওয়া যায়—এক রাকাত নামাযে লক্ষ্য রাকাতের ছওয়াব হয়; গোনাহের বেলায়ও ঠিক সেই হিসাব লাগাইতে হইবে। পবিত্র মক্কায় কোন শরীয়ত বিরোধী হারাম কার্য করিলে তাহার গোনাহ এবং শাস্তি ভীষণ ও অত্যধিক হইবে। কোরআন শরীফে স্বয়ং আল্লাহ তায়ালা ঘোষণা করিয়াছেন—

وَمَنْ يَرِدْهُ نَذِيرٌ بِالْحَادِ ذُنُوبُهُ مِنْ عَذَابِ الْإِيمِ অর্থাৎ—যে ব্যক্তি

হরম শরীফের মধ্যে আল্লাহদ্রোহিতা ও শরীয়ত বিরোধী কার্যকলাপ করিবে আমি তাহাকে ভীষণ আত্মকাল ভোগে বাধ্য করিব। (১৭ পাঃ ১০ রূঃ)

কোনও মহিলার উপর হজ্জ ফরজ হইলে তাহাকে সেই ফরজ আদায় করিতে হইবে। কিন্তু লক্ষ্য রাখিতে হইবে যে, পর্দা ইত্যাদির ব্যাপারে শরীয়তের বিধান অনুসরণ ফরজ। উহার ব্যতিক্রম করিলে তাহা হারাম হইবে এবং পবিত্র মকায় হারাম কার্য করিলে উহার গোনাহ ও শাস্তি অধিক হইবে। তাই এক ফরজ আদায় করিতে অশু ফরজের বাবস্থাও পূর্ণরূপে বজায় রাখিবে।

অত্যাবশ্যক কার্যের জন্ত কঠিন পথে যাত্রা করিলে তাহাতে কাহারও দ্বিধা বোধ হয় না। কিন্তু আবশ্যকানুরূপে কার্যের জন্ত কঠিন ও আশঙ্ক্যুক্ত পথে যাত্রা করিতে দেখিলে দ্বিধা বোধ হওয়া স্বাভাবিক। অতএব মহিলাদের নফল হজ্জে বাধা দেওয়া অহেতুক নহে। তবে হাঁ—যদি স্বামী বা কোন মাহরাম ব্যক্তি যথোপযুক্ত সুব্যবস্থা অবলম্বনের শক্তি সামর্থ্য ও অভিজ্ঞতা-সম্পন্ন হয় এবং সে সেইরূপ ব্যবস্থা অবলম্বন করিবে বলিয়া নিশ্চিত হওয়া যায় তবে তাহা স্বতন্ত্র কথা।

শেখ সা'দী (রঃ) কত সুন্দর কথাই না বলিয়াছেন—“রাজ দরবারের দান সামগ্রী প্রচুর বটে, কিন্তু গলা কাটা যাওয়ার আশঙ্কাও সমধিক”।

আমাদের দেশীয় মা-বোনদেরে বিশেষরূপে সতর্ক করিয়া দিতেছি, তাঁহারা যেন মকা-মদীনায় যাইয়া নানা দেশীয় নারীদের শরীয়ত বিরোধী বে-পরোয়া চাল-চলনের প্রবল শ্রোতে ভাসিয়া না যান। স্মরণ রাখিবেন—শরীয়তের বিধি বিধান অতি সুস্পষ্ট ও সূচক। উহা শ্রোতে বহিয়া যাওয়ার মত বস্তু নহে।

৯৪৮। হাদীছ ৪ঃ—ইবনে আব্বাস (রাঃ) বর্ণনা করিয়াছেন, একদা নবী ছাল্লাল্লাহু আলাইহে অসাল্লাম ঘোষণা করিলেন, কোন নারী স্বীয় মাহরাম ব্যক্তি (বা স্বামী)কে সঙ্গে না লইয়া কোন ছফরে বা ভ্রমণ যাত্রায় বাহির হইবে না এবং কোন নারীর সন্নিকটে কোন পর-পুরুষ (যে কোন প্রয়োজনে) আসিতে পারিবে না, যদি তাহার সঙ্গে এই জ্বীলোকটির কোন মাহরাম (বা স্বামী) না থাকে।

এই ঘোষণা শুনিয়া এক ব্যক্তি আরজ করিল, ইয়া রাসুল্লাহ! অমুক জেহাদের জন্ত সংগৃহীত সৈন্যদলের মধ্যে (আমার নাম লেখা হইয়াছে এবং উহাতে যোগদানের জন্ত আমি প্রস্তুত হইয়াছি) এমতাবস্থায় আমার জ্বী হজ্জ গমনে ইচ্ছা করিতেছে। হযরত (দঃ) বলিলেন, তুমি স্বীয় জ্বীর সহিত হজ্জে গমন কর।

ব্যাখ্যা ৪ঃ— স্বীয় জ্বীকে সংকার্যে সংপথে সহায়তা করা স্বামীর অবশ্য কর্তব্য। আলোচ্য ঘটনার অবস্থা দৃষ্টে রসুল্লাহ ছাল্লাল্লাহু আলাইহে অসাল্লাম এই ব্যক্তির প্রতি জ্বীকে হজ্জব্রত পালনের সাহায্যার্থে উপস্থিত জেহাদের সুযোগ গ্রহণ করা মূলতবী রাখার অনুমতি দিলেন। কারণ, নারীদের সম্মুখে বহু বাধা বিপত্তি রহিয়াছে ; তাহাদের জন্ত যে কোন সময় ইচ্ছাধীনরূপে হজ্জে গমন

করা সম্ভব হয় না। পুরুষদের জন্ত জেহাদ সাধারণতঃ সেরূপ নহে। এই জন্ত স্ত্রীর উপস্থিত সুযোগকে স্বামীর উপস্থিত সুযোগের উপর প্রাধান্য দেওয়া হইয়াছে।

বিশেষ দৃষ্টব্য :—উল্লেখিত হাদীছে নিষিদ্ধ ভ্রমণের দূরত্ব নির্ধারণে তিনটি হাদীছ বর্ণিত আছে। এক হাদীছে একদিন ভ্রমণের উল্লেখ হইয়াছে। আর এক হাদীছে দুই দিনের ভ্রমণ উল্লেখ আছে, কোন কোন হাদীছে তিন দিন ভ্রমণ উল্লেখ হইয়াছে। মূল উদ্দেশ্যের তাৎপর্য এই যে, নারীদের জন্ত মাহরাম বা স্বামীর সঙ্গে ব্যতীত দূর পথের ভ্রমণ যাত্রা করা নিষিদ্ধ। একদিন ভ্রমণের দূরত্ব হইলেও নিষিদ্ধ এবং দুই দিন ভ্রমণের দূরত্ব হইলে ততোধিক জবাব্য নিষিদ্ধ, তিন দিন ভ্রমণের দূরত্ব হইলে একেবারে হারাম।*

আলোচ্য মহ্‌আলায় ভ্রমণের ব্যাখ্যা ঐরূপই যেরূপ শরীয়তের অন্যান্য মিধান সমূহে যথা—ছফরে নামায কছর করা ইত্যাদিতে গণ্য। সেমতে তিন দিন তিন রাত্র ভ্রমণের দূরত্ব মাত্র ৪৮ মাইল গণ্য করা হয়।

মহ্‌আলাহ :— ঋতুবতী নারী হজ্জের সমুদয় কার্য সম্পাদন করিবে ; একমাত্র তওয়াফ ঋতু অবস্থায় করিতে পারিবে না। (২২৩ পৃঃ)

হাঁটিয়া কাবা শরীফে যাওয়ার মান্নত করা

৯৪৯। হাদীছ :— আনাছ (রাঃ) বর্ণনা করিয়াছেন, নবী ছালাল্লাহু আলাইহে অনাল্লাম এক বৃদ্ধকে দেখিলেন, সে (স্বীয় অক্ষমতার দরুণ) তাহার দুই পুত্রের কাঁধে ভর করিয়া চলিতেছে। নবী (দঃ) তাহার এই যাতনা ভোগের কারণ জিজ্ঞাসা করিলে পুত্রদ্বয় উত্তর করিল, সে কাবা শরীফে পায়ে হাঁটিয়া যাওয়ার মান্নত মানিয়াছে। এতচ্ছবণে নবী (দঃ) বলিলেন, এই বৃদ্ধ স্বীয় আত্মাকে এরূপ যাতনা ভোগে বাধ্য করুক আল্লাহ তায়ালা ইহার প্রত্যাশী নহেন। এই বলিয়া বৃদ্ধকে যানবাহনে আরোহণের আদেশ করিলেন।

* প্রখ্যাত আলেম ও মোহাদ্দেছ মাওলানা আনোয়ার শাহ কান্দহারী (রঃ) বলিয়াছেন, হানফী মজহাবের সমস্ত কেতাবেই লিখিত আছে, মহিলাদের জন্ত (স্বামী বা) মাহরাম ছাড়া ছফর করা নাজায়েয নিষিদ্ধ। কিন্তু আমার মতে মাহরাম ব্যতীত অথ কোন বিশেষ তত্ত্বাবধায়কের সহিতও ছফর করিতে পারে—যে ক্ষেত্রে (honesty) সত্যতা ও সাধুতার বিন্দুমাত্র অভাবের আশঙ্কা না থাকে এবং ফেৎনা তথা চারিত্রিক নোংরামির কোন খেয়াল স্থিতিরও আদৌ সম্ভাবনা না থাকে। আমার এই মতের সমর্থন অনেক হাদীছেই পাওয়া যায়। গায়ের-মাহরামের সঙ্গে মহিলার ছফরে সাধারণতঃ এরূপ কোন নোংরামি বা উহার খেয়াল স্থিতির সম্ভাবনা ও অবকাশ থাকে বলিয়াই সচরাচর উহাকে নাজায়েয বা নিষিদ্ধ বলা হইয়াছে (ফয়জুলবারী, ২—৩৯৭)। অবশ্য ধরা-ছোঁয়ার প্রয়োজন হইবে—এইরূপ ছফরে স্বামী বা মাহরাম সঙ্গে থাকিতেই হইবে।

৯৫০। হাদীছ ৪—ওক্বা ইবনে আমের (রাঃ) বর্ণনা করিয়াছেন, আমার ভগ্নী বাইতুল্লাহ শরীফে পায়ে হাঁটিয়া পৌঁছিবার মান্নত করিলেন। (কিন্তু তিনি মোটা শরীর-বিশিষ্টা ছিলেন। এতদূর হাঁটিয়া চলা তাঁহার পক্ষে সম্ভবপর ছিল না, তাই) তিনি আমাকে এই বিষয়টি নবী ছালাল্লাহু আলাইহে অসাল্লামের নিকট জিজ্ঞাসা করার আদেশ করিলেন। আমি হযরতের নিকট জিজ্ঞাসা করিলাম। হযরত (দঃ) বলিলেন, সে পায়ে হাঁটিয়া চলিবে এবং (যখন ক্লান্ত হইয়া পড়িবে তখন) যানবাহনে আরোহণ করিবে। ↑

মুছআলাহ ৩—পায়ে হাঁটিয়া মক্কা শরীফে যাওয়ার মান্নত করিলে সহজ সাধ্য হইলে পায়ে হাঁটিয়াই ওমরা বা হজ্জ করা চাই। অবশ্য তাহা না করিলে কিম্বা পায়ে হাঁটিয়া যাওয়া অসাধ্য হইলে যানবাহনের সাহায্য লইতে পারিবে কিন্তু এমতাবস্থায় তাহাকে দম আদায় করিতে হইবে।

পবিত্র মদীনার ফজীলত*

মদীনার চতুঃসীমাস্থ এলাকা হরম শরীফ

৯৫১। হাদীছ ৪—

من أنس رضى الله تعالى عنه

عَنِ النَّبِيِّ صَلَّى اللَّهُ عَلَيْهِ وَسَلَّمَ قَالَ أَلْمَدِينَةُ حَرَمٌ مِّنْ كَذَا إِلَى كَذَا لَا يُقَطَّعُ شَجَرُهَا وَلَا يُهْدَثُ فِيهَا حَدَثٌ مِّنْ أَحَدٍ فِيهَا حَدَثٌ

نَعْلِيهِ لَعْنَةُ اللَّهِ وَالْمَلَائِكَةِ وَالنَّاسِ أَجْمَعِينَ ০

অর্থ—আনাছ (রাঃ) হইতে বর্ণিত আছে, নবী ছালাল্লাহু আলাইহে অসাল্লাম বলিয়াছেন, মদীনা এই সীমা (—“আয়ের” নামক পাহাড়) হইতে ঐ সীমা (—ওহদ পাহাড়ের সংলগ্ন “ছওর” নামক ছোট পাহাড়) পর্য্যন্ত “হরম” পরিগণিত। উহার বৃক্ষাদি কাটা যাইবে না, (ঘাস-পাতা, তরু-লতা, উদ্ভিদ সমূহের ক্ষতি সাধন করা যাইবে না, উহার কোন বস্তুজীবকে শিকার করা যাইবে না) এবং মদীনার মধ্যে কোন প্রকার অত্যাচার, অশান্তি,

↑ আলহামদু লিল্লাহ। ১৩৭৭ হিঃ ১৯৫৮ ইং হজ্জের সফরে ২১ শে জিলহজ্জ ৮ই জুলাই পবিত্র মক্কা নগরীতে মেছফালাহ নামক মহল্লায় হজ্জের পরিচ্ছেদ লেখা শেষ করা হইল।

• এই অধ্যায়টি ১৯৫৮ সনের হজ্জ উপলক্ষে পবিত্র মদীনায় লেখা হইয়াছে।

ব্যভিচার, শরীয়ত বিরোধী কার্যকলাপ ও আন্দোলন সৃষ্টি করা বিশেষ রূপে নিষিদ্ধ ও হারাম। যে ব্যক্তি পবিত্র মদীনার এলাকায় এরূপ কার্যের সৃষ্টি করিবে (বা এরূপ কার্য সৃষ্টিকারীকে স্থান দিবে অর্থাৎ তাহার কোন প্রকার সহযোগিতা বা সমর্থন করিবে) তাহার উপর আল্লাহ তায়ালা ও সমুদয় ফেরেশতাগণের এবং সমগ্র বিশ্ববাসীর লা'নত ও অভিশাপ।

অর্থাৎ—এরূপ কার্য যে করিবে তাহার প্রতি আল্লাহ তায়ালা স্বীয় অভিশাপের ঘোষণা জারী করিয়া রাখিয়াছেন। ঐ ব্যক্তি সেই ঘোষণা অনুসারে আল্লাহর অভিশাপে পতিত হইবে এবং এরূপ কার্যকারীর প্রতি ফেরেশতাগণ সর্বদা অভিশাপ ও বদদোয়া করিয়া থাকেন; ফেরেশতাগণের সেই অভিশাপ তাহার উপর পতিত হইবে। আর ঐ ব্যক্তি এমনই জঘন্য যে, তাহার প্রতি অভিশাপ করা সমগ্র বিশ্ববাসীর আশু কর্তব্য।

৯৫২। হাদীছঃ—
 عَنْ أَبِي هُرَيْرَةَ أَنَّ النَّبِيَّ صَلَّى اللَّهُ عَلَيْهِ وَسَلَّمَ
 قَالَ حُرِّمَ مَا بَيْنَ لَابَتَيِ الْمَدِينَةِ عَلَى لِسَانِي قَالَ وَآتَى النَّبِيُّ صَلَّى
 اللَّهُ عَلَيْهِ وَسَلَّمَ بَنِي الْحَارِثَةِ فَقَالَ أُرَاكُمْ يَا بَنِي حَارِثَةَ قَدْ خَرَجْتُمْ
 مِنَ الْحَرَمِ ثُمَّ التَّفَتَ فَقَالَ بَلْ أَنْتُمْ فِيهِ ۝

অর্থ—আবু হোরায়া (রাঃ) হইতে বর্ণিত আছে, নবী ছালাল্লাহু আলাইহে অসাল্লাম বলিয়াছেন, মদীনার সীমানাস্থ এলাকাকে (আল্লাহ তায়ালা পক্ষ হইতে) “হরম” বলিয়া আমার মারফৎ ঘোষণা করা হইয়াছে।

বনু-হারেছা নামক গোত্র (যাহাদের বসতি ওহদ পাহাড়ের নিকটস্থ ছিল) তাহাদের নিকট একদা নবী ছালাল্লাহু আলাইহে অসাল্লাম আসিলেন এবং বলিলেন, আমার ধারণা হইতেছে, তোমরা (মদীনার) হরমের এলাকা হইতে বাহিরে বসতি অবলম্বন করিয়াছ। অতঃপর বলিলেন, না—তোমরা হরমের সীমার ভিতরেই আছ।

বিশেষ জ্ঞপ্ত্যঃ— বিভিন্ন হাদীছে মদীনা শরীফের নির্ধারিত সীমাকে “হরম” বলা হইয়াছে। অনেক ইমামের মতে ওয়াজেব রূপেই; উহা হরম শরীফ যেরূপ মক্কাস্থিত নির্ধারিত সীমা হরম শরীফ; উভয়ের মহাআলাহ সমানই। হানফী মজহাব মতে মদীনার সীমা “হরম” হওয়ার অর্থ বিশেষ বিশেষ সম্মান ও মান-মর্যাদার স্থান। মদীনার বৃক্ষাদি কাটা জায়েয আছে যেরূপ ৮৫৪ নং হাদীছে উল্লেখ হইয়াছে। অবশ্য সাধারণতঃ উহা না কাটাই উত্তম। ৯৫১ নং হাদীছের তাৎপর্য ইহাই।

৯৫৩। হাদীছ :-

عن علي رضي الله تعالى عنه قال

مَا عُدْنَا شَيْئًا إِلَّا كِتَابُ اللَّهِ وَهَذِهِ الصَّحِيفَةُ عَنِ النَّبِيِّ صَلَّى اللَّهُ
 عَلَيْهِ وَسَلَّمَ الْمَدِينَةُ حَرَمٌ مَا بَيْنَ عَائِشٍ إِلَى كَذَا مِنْ أَحَدِثِ نَبِيِّهَا
 حَدَّثَنَا أَوْ أَوْى مُحَدِّثًا فَعَلَيْهِ لَعْنَةُ اللَّهِ وَالْمَلَائِكَةُ وَالنَّاسِ
 أَجْمَعِينَ لَا يَقْبَلُ مِنْهُ صَرْفٌ وَلَا دَلٌّ.....

অর্থ—আলী (রাঃ) হইতে বর্ণিত আছে—তিনি বলিয়াছেন, (আমাকে
 হযরত রসুলুল্লাহ ছালাল্লাহু আলাইহে অসাল্লাম বিশেষরূপে কোন বিষয় জ্ঞাত
 করাইয়াছেন—এমন) কোন বিষয়-বস্তু আমার নিকট নাই। হাঁ—নবী
 ছালাল্লাহু আলাইহে অসাল্লামের নিকট হইতে প্রাপ্ত যাহা আমার নিকট আছে
 তাহা আল্লাহর কিতাব কোরআন শরীফ এবং একখানা লিপি যাহার মধ্যে
 শরীয়তের এই কয়েকটি আদেশ ও বিধান লিপিবদ্ধ রহিয়াছে। (১) পরিব্র
 মদীনা “আয়ের” নামক পাহাড় হইতে অমুক সীমানা পর্য্যন্ত “হরম” পরিগণিত।
 মদীনায় মধ্যে যে ব্যক্তি কোন অত্যাচার, অশান্তি বা শরীয়ত বিরোধী
 কার্যকলাপ সৃষ্টি করিবে কিম্বা ঐ কার্য অনুষ্ঠানকারী ব্যক্তিকে কোন প্রকারে
 সমর্থন করিবে তাহার উপর আল্লাহ তায়ালায় লা’নত ও অভিশাপ এবং সমস্ত
 ফেরেশতাগণের অভিশাপ এবং সমগ্র বিশ্ববাসীর অভিশাপ বর্ষিত হইবে।
 তেমন ব্যক্তির কোন ফরজ বা নফল এবাদৎ (আল্লাহর দরবারে) কবুল ও গ্রহণীয়
 হইবে না। (২) ইসলামী রাষ্ট্রের বিধানমতে কোন অমোসলমানকে নিরাপত্তা
 দানের ক্ষমতা ও অধিকার সকল মোসলমানেরই সমান। যে কোন একজন মোসলমান
 কোন অমোসলেমকে নিরাপত্তার প্রতিশ্রুতি দান করিলে সমস্ত মোসলমানের পক্ষে
 উহার ক্ষা করা অবশ্য কর্তব্য হইবে। যে কোন মোসলমান অথ এক মোসলমানের
 প্রদত্ত নিরাপত্তার প্রতিশ্রুতিকে ভঙ্গ করিবে তাহার উপর আল্লাহ তায়ালায় লা’নত
 ও অভিশাপ এবং ফেরেশতাগণ ও সমগ্র বিশ্ববাসীর লা’নত ও অভিশাপ।
 ঐ ব্যক্তির কোন ফরজ বা নফল এবাদত আল্লাহর দরবারে কবুল হইবে না।

(৩) যে ক্রীতদাস স্বীয় মনিবের পরিচয় গোপন করিয়া অথ মনিবের প্রতি
 নিজের সম্বন্ধ প্রকাশ করিবে এবং যে ব্যক্তি স্বীয় পিতার পরিচয় গোপন রাখিয়া
 অথ কাহারও প্রতি স্বীয় সম্বন্ধ প্রকাশ করিবে তাহার উপর আল্লাহ তায়ালায়
 লা’নত ও অভিশাপ। ঐ ব্যক্তির কোন ফরজ বা নফল এবাদত আল্লাহর দরবারে কবুল হইবে না।

ব্যাখ্যা :—বর্তমান যুগের পীর মুরশিদ নামধারী ভণ্ড ও ধোকাবাজদের একদল লোক বলিয়া থাকে যে, আলী রাজিয়াল্লাহ্ তায়ালা আনহুর নিকট দীন ইসলামের এমন অনেক বিষয়বস্তু ছিল যাহা হিনা-বহিনা আমরা পাইয়াছি ; এসব বিষয়বস্তু কোরআন হাদীছে ব্যক্ত হয় নাই । রসুলুল্লাহ (দঃ) ঐ সব বিষয় বিশেষরূপে আলী (রাঃ)কে জ্ঞাত করিয়া গিয়াছিলেন অথ কাহাকেও তাহা জ্ঞাত করেন নাই । বস্তুতঃ এই সকল বে-ঈমানী ও ধোকাবাজীর কথা পূর্ব হইতে শিয়া সম্প্রদায়ের লোকদের দ্বারা কল্পিত ও প্রচারিত হইয়াছে । এমনকি, আলী রাজিয়াল্লাহ্ তায়ালা আনহুর বর্তমানেও এরূপ কুখ্যার বিষয় লোকদের মধ্যে ছড়াইতে ছিল । এইরূপ বিষয় কুখ্যার বিরুদ্ধে, উহার মূলোচ্ছেদ কল্পে আলী রাজিয়াল্লাহ্ তায়ালা আনহু বারংবার আলোচ্য হাদীছের অধীকৃতিযুক্ত কঠোর বাণী উচ্চারণ করিয়াছেন । এমনকি, এই অধীকৃতির উপর তিনি কঠোর ভাষায় শপথ পর্যন্ত করিয়াছেন । বোখারী শরীফ ২১ পৃষ্ঠায় এই হাদীছটি বর্ণিত আছে, সে স্থানে স্পষ্টই উল্লেখ আছে, যে এক ব্যক্তি আলী (রাঃ)কে জিজ্ঞাসা করিল—আপনার নিকট রসুলুল্লাহ ছাল্লাল্লাহু আলাইহে অসাল্লামের কোন লিপি আছে কি ? ৪২৮ পৃষ্ঠায় আছে, এক ব্যক্তি প্রশ্ন করিল, অহী দ্বারা প্রেরিত বিষয়াবলীর কোন বিশেষ বস্তু আপনার নিকট থাছভাবে বিद्यমান আছে কি ? ১০২০ পৃষ্ঠায় আছে, এরূপ প্রশ্ন করিল যে, কোরআন শরীকে নাই বা অথ কোন মানুষের নিকট নাই এমন কোন বিষয়বস্তু আপনার নিকট আছে কি ? মোসলেম শরীফের হাদীছে আরও স্পষ্টরূপে বর্ণিত আছে—একদা এক ব্যক্তি আলী রাজিয়াল্লাহ্ তায়ালা আনহুর নিকট উপস্থিত হইয়া জিজ্ঞাসা করিল—রসুলুল্লাহ ছাল্লাল্লাহু আলাইহে অসাল্লাম আপনার নিকট কি কি বিশেষ বিশেষ বিষয়বস্তু চুপি চুপি বলিয়া গিয়াছেন ? আলী রাজিয়াল্লাহ্ তায়ালা আনহু এইরূপ প্রশ্ন শ্রবণে ভীষণ উত্তেজিত ও ক্রোধান্বিত হইয়া বলিলেন, রসুলুল্লাহ ছাল্লাল্লাহু আলাইহে অসাল্লাম কখনও অথ লোকদের হইতে গোপন রাখিয়া আমার নিকট চুপি চুপি কিছুই ব্যক্ত করেন নাই ; হাঁ—কয়েকটি বিষয় তিনি আমাকে লিখিয়া দিয়াছিলেন তাহা এই লিপির মধ্যে লিখিত আছে । এই বলিয়া তিনি স্বীয় তরবারীর খাপ হইতে একখানা লিপি বাহির করিলেন । লিপিখানার মধ্যে (মূল আলোচ্য হাদীছে বর্ণিত বিষয় কয়টির সহিত ইহাও) লিখিত ছিল যে—(১) যে ব্যক্তি আল্লাহ ভিন্ন অথ কাহারও নামের উপর কোন জীবজন্তু জবেহ করিবে তাহার উপর আল্লাহ তায়ালা লা'নৎ ও অভিশাপ । (২) যে ব্যক্তি পথ ও রাস্তার চিহ্ন বা জায়গা-জমীনের সীমানার চিহ্ন ইত্যাদি চুরি করিবে তাহার উপর আল্লাহ

তায়ালার লা'নং ও অভিশাপ। (৩) যে ব্যক্তি স্বীয় পিতা-মাতার প্রতি লা'নং ও অভিশাপ করিবে তাহার উপর আল্লাহ তায়ালার লা'নং ও অভিশাপ। (৪) যে ব্যক্তি আল্লাহ ও আল্লাহ রসুলের বিধান ও তরীকা ছাড়া অন্য তরীকা সৃষ্টি করিবে বা ঐরূপ তরীকার আন্দোলনকারীর প্রতি কোন প্রকার সমর্থন রাখিবে তাহার উপর আল্লাহ তায়ালার লা'নং ও অভিশাপ।

এতদভিন্ন ঐ লিপির মধ্যে আরও লিখিত ছিল যে, মোসলমান ছোট-বড় ধনী-দরিদ্র সকলেরই জ্ঞানের মূল্য সমান। অর্থাৎ কোন ধনী ব্যক্তি কোন দরিদ্রকে না-হক খুন করিলে বা কোন ভদ্র ব্যক্তি কোন ইতর ব্যক্তিকে না-হক খুন করিলে ঐ ধনী ও ভদ্র ব্যক্তিকে খুনের বদলে খুন করা হইবে। মদীনার হরম শরীফের সীমার বিষয় লিখিত ছিল যে—ঐ সীমার মধ্যে কোন ঘাস-পাতা, তরু-লতার ক্ষতিসাধন করা যাইবে না, উটের আহাৰ্য্য যোগান ব্যতীত কোন গাছ কাটা যাইবে না, কোন মোসলমানের সঙ্গে যুদ্ধ-বিবাদ করার জন্ত কোন অস্ত্রশস্ত্র হাতে লওয়া যাইবে না এবং উহাতে ছিল—বিভিন্ন স্থানের ও বিভিন্ন পরিমাণের জখম করার শাস্তি ও দণ্ডের বিবরণ এবং কোন কোন প্রকারের খুনের বদলে বিভিন্ন বয়সের যে বহু সংখ্যক উট প্রদান করিতে হয় উহার বিবরণ এবং উহাতে ছিল—ক্রীতদাস মুক্তি দানের ফজিলত এবং উহাতে এই বিধান লিখিত ছিল যে, (ইসলামী রাষ্ট্রের অল্পগত প্রজা নয় এমন) অমোসলেমেদের হত্যা করার দায়ে কোন মোসলমানকে প্রাণদণ্ড দেওয়া হইবে না এবং কোন অমোসলমানকে নিরাপত্তা দান করা হইলে সেই অবস্থায় তাহাকে হত্যা করা যাইবে না।

৯৫৪। হাদীছঃ—
 عَنْ أَبِي هُرَيْرَةَ رَضِيَ اللَّهُ تَعَالَى عَنْهُ
 كَانَ يَقُولُ لَوِ رَأَيْتُ الطَّبَّاءَ بِأَلْمَدِينَةِ تَرْتَعُ مَا ذَرَعَتْهَا قَالَ
 رَسُولُ اللَّهِ صَلَّى اللَّهُ عَلَيْهِ وَسَلَّمَ مَا بَيْنَ لَابَتَيْهَا حَرَامٌ -

অর্থঃ—আবু হুরায়রা (রাঃ) হইতে বর্ণিত আছে, তিনি বলিয়া থাকিতেন—
 মদীনার এলাকায় হরিণ-পাল অবাধে ঘুরা-ফেরা করিতেছে দেখিলে আমি
 উহাদেরকে কোন ভয়ও দেখাইব না। রসুলুল্লাহ ছালাল্লাহু আলাইহে অসাল্লাম
 বর্ণিয়াছেন, মদীনার উভয় পার্শ্বস্থ সীমার মধ্যবর্তী এলাকা হরম শরীফ।

মদীনার বৈশিষ্ট্য

৯৫৫। হাদীছ :- أَبُو هُرَيْرَةَ رَضِيَ اللَّهُ تَعَالَى عَنْهُ يَقُولُ

قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ أُمِرْتُ بِقَرِيَّةٍ تَأْكُلُ الثَّرَى

يَقُولُونَ يَثْرِبُ وَهِيَ الدِّينَةُ تَنْفِي النَّاسَ كَمَا يَنْفِي

الْكِبْرُ خَبَتِ الْحَدِيدُ ۝

অর্থ :- আবু হোরাযরা (রাঃ) বর্ণনা করিয়াছেন, রসুলুল্লাহ ছালাল্লাহু আলাইহে অসাল্লাম বলিয়াছেন, আমি আল্লাহ তায়ালায় তরফ হইতে এমন একটি বস্তিকে স্বীয় বাসস্থানরূপে অবলম্বন করার আদিষ্ট হইয়াছি যে বস্তু অত্যাশ্চর্য বস্তু সমূহের উপর প্রাধান্য লাভ করিবে। অনেকে উহাকে “ইয়াছরেব” নামে অভিহিত করে, কিন্তু উহার সুযোগ্য নাম মদীনা। সেই বস্তু অসং লোকদিগকে নিজ সীমার ভিতর হইতে বাছিয়া বাছিয়া বাহির করিবে যেরূপে কর্মকারের অগ্নি-চুলা লোহা হইতে উহার জং ও মরিচাকে বিচ্ছিন্ন করিয়া দেয়।

ব্যাখ্যা :- বিশ্বের উপর মদীনা শরীফের প্রাধান্য বাহ্যিক দৃষ্টিতে হযরত রসুলুল্লাহ ছালাল্লাহু আলাইহে অসাল্লামের যুগ হইতে আরম্ভ করিয়া ছাহাবীদের যুগে স্পষ্টতঃই প্রতিষ্ঠিত হইয়াছিল। কারণ সে যুগে মোসলেম জাতি বিশ্বের বুকে সর্বাবধিক প্রবল ও শক্তিশালী জাতিরূপে খ্যাতি লাভ করিতেছিল এবং তৎকালীন সেরা রাষ্ট্রসমূহ মোসলমানদের ভয়ে কম্পমান ত ছিলই, তত্বপরি শেষ পর্যন্ত উহার প্রত্যেকটিই মোসলমানদের হস্তে উচ্ছেদিত হয়। সেকালে মোসলেম জাতির সম্মুখে মাথা উচু করিয়া দাঁড়াইবার কোন শক্তি ও জাতি অবশিষ্ট ছিল না। সেই বিশ্ব-বিজয়ী মোসলেম জাতির প্রধানতম কেন্দ্র ছিল পবিত্র মদীনা-তাইয়েবা।

এতদ্ভিন্ন মর্তবা ও ফজীলতের দিক দিয়া সমগ্র বিশ্বের উপর পবিত্র মদীনার শ্রেষ্ঠত্ব অতি সুস্পষ্ট ও তর্কাতীত। এমনকি সমগ্র নগরী হিসাবে কোন কোন আলেম মক্কা নগরীর ফজীলতের তুলনায়ও মদীনা নগরীর ফজীলতকে আধিক্য প্রদান করিয়াছেন। অবশ্য মক্কা নগরীর মধ্যে বিশ্বের সর্বশ্রেষ্ঠ মসজিদ হরাম শরীফের মসজিদ এবং অতি মহান বাইতুল্লাহ শরীফ বিত্তমান আছে বটে, কিন্তু মদীনা নগরীতেও যে ভূখণ্ডে হযরত রসুলুল্লাহ ছালাল্লাহু আলাইহে অসাল্লাম সশরীরে অবস্থানরত রহিয়াছেন, বিশেষরূপে সেই ভূখণ্ডকে আল্লাহ তায়ালা

কাবা হইতে, বরং আরশ হইতেও অধিক মর্তবা ও ফজীলত দান করিয়াছেন। ইহা আলেমগণের ঐক্যমত পূর্ণ সিদ্ধান্ত। হযরত রসুলুল্লাহ ছালাল্লাহু আলাইহে অসাল্লাম স্বীয় প্রভু আল্লাহ তায়ালা নিকট কিরূপ প্রিয় ও মাহবুব ছিলেন, উল্লিখিত বিষয়টি তাহারই একটি জ্বলন্ত নিদর্শন এবং আলেমগণ সেই হিসাবেই উল্লিখিত বিষয়টির উপর নিজেদের ঐক্যমত স্থাপন করিয়াছেন।

এই হাদীছের মধ্যে মদীনা শরীফের একটি বিশেষত্ব এই বলিয়া বর্ণিত হইয়াছে যে, অসং লোকদিগকে নিজ সীমা হইতে বাছিয়া বাছিয়া বাহির করিয়া দিবে। এই বৈশিষ্ট্যের প্রতিক্রিয়া পূর্ণরূপে বিকশিত হইবে কেয়ামতের নিকটবর্তী—যখন দজ্জালের আবির্ভাব হইবে। সেই সময় দজ্জাল শহর সমূহ প্রদক্ষিণ করিয়া তৎকালীন অধিকাংশ লোকদিগকে নিজ দলে शामिल করিয়া লইবে, কিন্তু সে পবিত্র মক্কা-মদীনায় প্রবেশ করিতে পারিবে না। অবশ্য সে মদীনার নিকটবর্তী এক বস্তিতে অবস্থান করিবে এবং মদীনার মোনাফেক-কাফের ব্যক্তির মদীনা হইতে বাহির হইয়া দজ্জালের দলভুক্ত হইবে; (এই বিষয়ের বিস্তারিত বিবরণ ৯৬২ নং হাদীছে বর্ণিত হইবে)। তখনই পবিত্র মদীনায় উল্লিখিত বৈশিষ্ট্যটি পূর্ণরূপে বিকশিত হইবে। অবশ্য পবিত্র মদীনায় এই বিশেষত্বটি ঐ বিশেষ সময়ের পূর্বেও সময় সময় স্থান বিশেষে প্রতিক্রিয়া প্রকাশ করিয়া থাকে। এমনকি, হযরত রসুলুল্লাহ ছালাল্লাহু আলাইহে অসাল্লামের যমানায়ও এইরূপ ঘটনা ক্ষেত্রবিশেষে ঘটিয়াছে। ৯৬৪ নং হাদীছে এক বেছুইনের ঘটনা বর্ণিত হইবে—সে স্বীয় বস্তি ছাড়িয়া মদীনায় আসিয়া হযরত রসুলুল্লাহ ছালাল্লাহু আলাইহে অসাল্লামের হাতে ইছলাম গ্রহণ করে, কিন্তু পর দিনই সে স্বরাক্তান্ত হইয়া হযরতের নিকট উপস্থিত হয় এবং সে তাহার ইসলাম ফেরৎ লইবার জন্ত হযরতের নিকট বারবার দাবী জানাইতে থাকে। হযরত রসুলুল্লাহ ছালাল্লাহু আলাইহে অসাল্লাম তাহার দাবী প্রত্যাখ্যান করেন, কিন্তু সে শেষ পর্যন্ত ইসলাম ত্যাগ করতঃ মদীনা ছাড়িয়া চলিয়া যায়। তাহার এই ঘটনার উপর নবী (দঃ) পবিত্র মদীনায় আলোচ্য বিশেষত্বেরই উল্লেখ করিয়াছিলেন।

আল্লাহ তায়ালা আমাদিগকে পবিত্র মদীনায় স্নেহময় কোলে এবং উহার সুশীতল ছায়াতলে স্থান দান করুন। এমনকি, শেষ শয়নের স্থানটুকুও পবিত্র মদীনায়ই দান করুন এবং পবিত্র মদীনা হইতে বিতারিত হওয়ার বদ-বখ্তি হইতে বাঁচাইয়া রাখুন—আমীন।

تَمَّيَّتُ مِنْ رَبِّي جَوَارَ مَدْيَنَةَ — نَبَا لَيْتَ لِي فِيهَا ذِرَاعٌ لِمَوْقَدِي

“মদীনায় স্থান লাভ—ইহাই প্রভু-পরওয়ারদেগারের দরবারে আকাঙ্ক্ষা।
হায়! আমার সু-নহীব—যদি মদীনায় এক হাত জায়গাও কবরের জন্ত
আমার ভাগ্যে জুটে।”

মদীনার অপর নাম ‘তাবাহ’

৯৫৬। হাদীছ :— عَنْ أَبِي حَمِيدٍ رَضِيَ الْعَالِي عَنْهُ قَالَ

أَقْبَلْنَا مَعَ النَّبِيِّ صَلَّى اللَّهُ عَلَيْهِ وَسَلَّمَ مِنْ تَبُوكَ حَتَّى أَشْرَفْنَا
عَلَى الْمَدِينَةِ فَقَالَ هَذِهِ طَابَةٌ ۝

অর্থ :—আবু হোমাইদ (রাঃ) বর্ণনা করিয়াছেন, আমরা নবী ছালাল্লাহু
আলাইহে অসাল্লামের সঙ্গে তবুকের জেহাদ হইতে ফিরার পথে চলিতেছিলাম।
মদীনার নিকটবর্তী পৌছিয়া যখন মদীনা দেখা যাইতেছিল তখন নবী
ছালাল্লাহু আলাইহে অসাল্লাম বলিলেন, ইহা “তাবাহ” বা “তায়বাহ”।

ব্যাখ্যা :—মদীনার অপর নাম “তাবাহ” এবং “তায়বাহ”। উভয় আরবী
শব্দেরই আভিধানিক অর্থ পবিত্র ও উত্তম। হযরত রসূলুল্লাহ ছালাল্লাহু
আলাইহে অসাল্লাম মদীনার প্রতি স্বীয় অনুরাগ ও প্রীতি প্রকাশার্থে উহাকে
এইসব নাম দ্বারা অভিহিত করিয়াছেন। কোন কোন হাদীছে বর্ণিত আছে স্বয়ং
আল্লাহ তায়ালাও পবিত্র মদীনাকে এই সব নামে অভিহিত করিয়াছেন।

পবিত্র মদীনার বসবাস ত্যাগ করা দুঃখজনক

৯৫৭। হাদীছ :—আবু হোরাযরা (রাঃ) বর্ণনা করিয়াছেন, আমি
রসূলুল্লাহ ছালাল্লাহু আলাইহে অসাল্লামকে বলিতে শুনিয়াছি—(এক সময়ে)
লোকেরা মদীনাকে ত্যাগ করিয়া যাইবে মদীনায় ভাল অবস্থা বিরাজমান
থাকা সত্ত্বেও। এমনকি অবশেষে উহার বাসিন্দা শুধু মাত্র বস্ত্র পশু-পক্ষী বাহার
ঘুরিয়া-ফিরিয়া নিজ নিজ আহাৰ্য্য যোগায় উহারাই থাকিবে। (অর্থাৎ পোষিত
পশু-পক্ষীও তথায় থাকিবে না, কারণ পোষণকারী মানুষের অস্তিত্ব তথায়
থাকিবে না।) মদীনার প্রতি সর্বশেষ আগন্তুক মোযায়না গোত্রের দুই রাখাল
তাহাদের ছাগলপাল হাঁকাইতে হাঁকাইতে মদীনার উদ্দেশে অগ্রসর হইতে
থাকিবে; বাহিরে থাকিতেই অনুভব করিবে যে, মদীনা জনশূন্য—তথায় বস্ত্র
পশু-পক্ষী ভিন্ন আর কিছু নাই। মদীনায় প্রবেশ পথের দারস্থ “ছানিয়াতুল-বেদা”

নামক স্থানে তাহাদের পৌছা মাত্রই (কেয়ামত বা মহাপ্রলয়ের শিঙ্গা-কুক আরম্ভ হইয়া যাইবে;) তাহারা তথায় অধঃমুখী পতিত হইয়া মরিয়া থাকিবে।

ব্যাখ্যাঃ—সারা ভূপৃষ্ঠে একটি মানুষ “আল্লাহ” শব্দ উচ্চারণকারী অবশিষ্ট থাকি পর্যাণ্ত কেয়ামত তথা জগতের উপর মহাপ্রলয় আসিবে না; যখন “আল্লাহ” শব্দ উচ্চারণকারী একটি মানুষও সারা জগতে বিচ্যুত থাকিবে না তখনই জগতের ধ্বংস বা মহাপ্রলয় আসিবে (হাদীছ—মোসলেম শরীফ)। সুতরাং ইহা অবধারিত যে, কেয়ামতের পূর্বক্ষেণে সমগ্র জগতে শুধু মাত্র কাফেরদেরই অবস্থান হইবে; কোথাও একটি প্রাণী মোসলমানের অস্তিত্ব থাকিবে না। এমনকি আল্লাহর ঘরের শহর মক্কাও তখন কাফেরই থাকিবে। তাহারা কাবা শরীফের এক একটি পাথর বিচ্ছিন্ন করিয়া কাবা শরীফকে ধ্বংস করিয়া দিবে (হাদীছ—বোখারী শরীফ)। ঐ সময়কালে মদীনায় কি অবস্থা বিরাজ করিবে? যদি তথায় মানুষ থাকে তবে তাহারাও কাফের হইবে এবং সেই অবস্থায় তথায় বর্তমান হযরত রসুলুল্লাহ ছালাল্লাহু আলাইহে অসাল্লামের রওজা শরীফ তথা তাঁহার আরাম-কক্ষের সহিত ঐ ব্যবহারের আশঙ্কা অতি সুস্পষ্ট যে ব্যবহার কাফেররা কাবা শরীফের সহিত করিবে বলিয়া হাদীছে ভবিষ্যদ্বাণী রহিয়াছে। কাফেররা হযরতের অবমাননার চেষ্টা চিরকালই করিয়া আসিয়াছে। মদীনায় ইতিহাসে বিচ্যুত ঘটনা—মকা-মদীনা যখন সুলতান নুরুদ্দীন জঙ্গী রহমতুল্লাহে আলাইহে শাসন ও হেফাজতে তখন ইহুদীরা হযরত (দঃ)কে মদীনা হইতে অপহরণের এক জঘন্য ষড়যন্ত্র করিয়াছিল। তৎকালীন ক্ষুদ্র আয়তন-বিশিষ্ট মদীনা শহরের এক নিভৃত কোণে হযরতের রওজা শরীফের অদূরে দরবেশ ছদ্মবেশী দুই ইহুদী নিঃসঙ্গ জীবন যাপনের ভান ধরিয়া নির্জন বাসস্থান তৈরী করে। তথা হইতে ধীরে ধীরে অতি গোপনে ভূগর্ভে সুড়ঙ্গ করিয়া হযরতের রওজা শরীফের দিকে অগ্রসর হইতে থাকে। উদ্দেশ্য সাধনের অনতিদূরে পৌঁছিলে সুলতান নুরুদ্দীন (রঃ) স্বপ্নে দেখিলেন, হযরত রসুলুল্লাহ (দঃ) দুইটি লোককে দেখাইয়া বলিতেছেন, এই লোক দুইটি আমাকে কষ্ট দেওয়ার চেষ্টা করিতেছে। স্বপ্ন ইহতে নিদ্রা ভঙ্গের সঙ্গে সঙ্গে সুলতান স্বীয় ওজীরকে ডাকাইয়া এই গুরুত্বপূর্ণ স্বপ্ন ব্যক্ত করিলে ওজীর বলিলেন, নিশ্চয় মদীনায় কোন অঘটন ঘটিতেছে। সুলতান তৎক্ষণাৎ ওজীরকে সঙ্গে লইয়া রাজধানী ত্যাগ করতঃ মদীনায় পৌঁছিলেন। কিন্তু সমস্তা হইল এই যে, স্বপ্নে দেখান ব্যক্তিব্যয়ের দৃশ্য ত সুলতানের স্মরণ রহিয়াছে; তাহাদের আর কোন পরিচয় জ্ঞান নাই; এমনভাবে তাহাদেরকে শহর হইতে ক্রিপে খুঁজিয়া বাহির

করা যায়। বাদশাহ ওজীরের পরামর্শে বিরাট এক ঘেরাও-এর মধ্যে মদীনায় অবস্থানকারী সকলকে এক সঙ্গে দাওয়াতে সমাবেশিত হওয়ার বাধ্যতামূলক নির্দেশ দিলেন। ঘেরাও-এর ভিতর গমনাগমনের একটি মাত্র পথ রাখা হইল; তথায় বাদশাহ বসিয়া থাকিলেন। প্রত্যেকটি লোককে দেখা হইল; কিন্তু স্বপ্নে দেখা আকৃতি পাওয়া গেল না। বহু জিজ্ঞাসাবাদের পর বাদশাহকে বলা হইল, মদীনায় দুই জন দরবেশ নির্জনে অবস্থান করেন; তাহারা জন-সমাজ হইতে সম্পূর্ণ বিচ্ছিন্ন, তাই তাহারা এই দাওয়াতে যোগদান করেন নাই। বাদশাহ তৎক্ষণাৎ তাহাদেরকে উপস্থিত করার নির্দেশ দিলেন। যখন তাহাদেরকে নিয়া আসা হইতেছিল তখন দূর হইতে তাহাদেরকে দেখামাত্র বাদশাহ চিৎকার করিয়া উঠিলেন যে, এই সেই আকৃতি যাহা আমাকে স্বপ্নে দেখান হইয়াছিল। তাহারা সমস্ত ঘটনা প্রকাশ করিতে বাধ্য হইল। বাদশাহ ব্যক্তিদ্বয়কে মৃত্যুদণ্ড দিলেন এবং রওজা শরীফের চতুর্দিক মানুষ্যের সাধ্য পরিমাণ গভীর গর্ত করিয়া উহা সীসা ভর্তি করিয়া দেওয়া হইল। এইভাবে হযরতের রওজা শরীফ ভূগর্ভেও সীসার দেওয়ালে বেষ্টিতরূপে সুরক্ষিত হয়।

শহীদদের পদাখীয় দেহ অবিকৃত বিদ্যমান থাকে—যাহার বিবরণ তৃতীয় খণ্ড “ওহদের জেহাদ” পরিচ্ছেদে বর্ণিত আছে। হযরতের সন্নিকটে সমাহিত খলীফা ওমরের কবর দীর্ঘ ৬৮ বৎসর পরে মসজিদে নববী পুনঃনির্মাণে খননকালে পায়ের দিকের জমি ধরিয়া পা খুলিয়া গিয়াছিল। খলীফা ওমরের পা তখনও অবিকৃত দেখা গিয়াছে। উপস্থিত বিশিষ্ট তাবয়ী ওরওয়া (রঃ) শপথের সহিত সেই পা খলীফা ওমরের বলিয়া সেনাক্ত করিতেও সক্ষম হইয়াছিলেন; বিস্তারিত বিবরণ প্রথম খণ্ডের শেষে হযরতের ও খলীফাদ্বয়ের কবরের বিবরণ পরিচ্ছেদে বর্ণিত হইয়াছে। হযরত রসুলুল্লাহ ছাল্লাল্লাহু আলাইহে অসাল্লামের দেহ মোবারকের কথা ত আলোচনার উর্দে; উহা ত কেয়ামত পর্য্যন্ত সর্ববাধিক সুরক্ষিত। সমগ্র জগতে যখন কাফেরই কাফের থাকিবে যাহারা কাবা শরীফকে ছিন্ন ভিন্ন করিবে ঐ সময় তাহারা মদীনায় থাকিলে হযরতের রওজা পাকের সহিত কি করিবে তাহা সহজেই বোধগম্য।

ঐ সময় কাবা শরীফের সুরক্ষণের প্রয়োজন ত থাকিবে না যাহার বিবরণ “কাবা শরীফের বিনাশ সাধন” পরিচ্ছেদে বর্ণিত হইয়াছে। কিন্তু হযরত রসুলুল্লাহ ছাল্লাল্লাহু আলাইহে অসাল্লামের মান-মর্যাদা এবং তাহার রওজা শরীফের সুরক্ষণ ত কোন মুহূর্তেই নিপ্রয়োজনীয় হইতে পারে না, তাই ঐ সময়ের প্রয়োজন নির্বাহের ব্যবস্থা আল্লাহ তায়ালা এই নির্দ্ধারিত করিয়া

রাখিয়াছেন যে, ঐ সময় মদীনায় কোন মানুষের বসবাস মোটেই থাকিবে না, সম্পূর্ণ মদীনা এলাকা ঐ কালে জনশূন্য অবস্থায় ভাব-গম্ভীররূপে বিরাজমান থাকিবে। উহার সমুদয় প্রাকৃতিক সৌন্দর্য্য তথা ফল-ফলাদির বাগ-বাগিচা, সেই বাগ-বাগিচার সবুজ-শামলতা উহাতে বহু পশু-পক্ষীর কোলাহল ইত্যাদি সবই বিরাজমান থাকিবে, থাকিবে না শুধু মানুষের বসবাস। কারণ, আল্লাহ তায়ালা প্রিয় নবীর এলাকায় অবস্থানের উপযোগী তাঁহার অনুরাগী মোমেন-মোসলমানের অস্তিত্বই তখন ভূপৃষ্ঠে থাকিবে না। আর রসুলের শত্রুদেরকে ত একচ্ছত্র ভাবে তথায় বসবাসের সুযোগ দেওয়া যায় না; সুতরাং ঐ সময় সোনার মদীনা তাহার সোনালী সৌন্দর্য্য ও প্রাকৃতিক সম্পদ ফল-ফলাদি ও বাগ-বাগিচার বাহক হওয়া সত্ত্বেও উহা সম্পূর্ণ জনশূন্য অবস্থায় থাকিবে। এই অবস্থা ত অকস্মাৎ হঠাৎ এক দিনে সম্পন্ন হইয়া যাইবে না, উহার জ্ঞাত প্রকৃতি এই ব্যবস্থা করিবে যে, ঐ সময়কাল নিকটবর্তী হইয়া আসিলে কোনরূপ অভাব-অভিযোগ ব্যতিরেকেই মদীনাবাসীরা মদীনা ত্যাগ করিয়া যাইতে আরম্ভ করিবে; যাহার ভবিষ্যদ্বাণী সম্মুখের হাদীছে উল্লেখ রহিয়াছে। মদীনার অধিবাসীগণ মদীনা ত্যাগ করিয়া চলিয়া যাইবে এবং মদীনার প্রতি নূতন আগন্তকের আগমন হইবে না—এইভাবে মদীনা জনশূন্য অবস্থায় রূপান্তরিত হইবে। সেই কেয়ামতের পূর্ব্বকালের বিশেষ সময়কালের অবস্থারই ভবিষ্যদ্বাণী রহিয়াছে আলোচ্য হাদীছটিতে*। উল্লেখিত প্রয়োজন সমাধানে যে, আল্লাহ কুদরতে ঐ সময়ের নিকটবর্তীকালে মদীনাবাসীরা মদীনা ত্যাগ করিয়া যাইতে থাকিবে রসুলুল্লাহ (দঃ) কর্তৃক উহার বর্ণনা দানে তাঁহার অক্ষেপ অনুতাপের ভাব প্রকাশিত হইয়াছে; তিনি মদীনার প্রতি এতই অনুরক্ত ছিলেন। সুতরাং স্বাভাবিক অবস্থায় প্রাণের প্রিয় সোনার মদীনা ত্যাগীদের প্রতি রসুলুল্লাহ ছালামুআলাইহে অসাল্লামের দুঃখজনক ভাব কিরূপ হইবে এবং এই শ্রেণীর লোক যে কিরূপ ভাগ্য বিতারিত তাহা অতি সুস্পষ্ট। ইহাই ছিল আলোচ্য হাদীছের পরিচ্ছেদের মর্ম্ম।

আয় আল্লাহ! এই নরাধম দীন-হীনকে সদা সোনার মদীনার প্রতি আসক্ত অনুরক্ত রাখিও, মদীনার জিন্দেগীর সুযোগ দান করিও এবং জীবনের শেষ সময় মদীনার আশ্রয়ে থাকিয়া মৃত্যুর পর মদীনার কোলেই কবরের স্থান লাভ করা নহীবে জোটাও। আমীন। ইয়া রাক্বাল আলামীন!!

* আলোচ্য হাদীছে বর্ণিত মদীনা জনশূন্য হওয়ার ঘটনা সম্পর্কে ইমাম নববী (রঃ) বলিয়াছেন, জগতের আয়ুষ্কালের শেষ দিকে কেয়ামতের নিকটবর্তী সময়ে এই অবস্থা ঘটবে cc-0. In Public Domain. Digitized By Siddhanta eGangotri Gyaan Kosha

عن سفیان بن ابی زہیر رضی اللہ تعالیٰ عنہا :— ৯৫৮।

سَمِعْتُ رَسُولَ اللَّهِ صَلَّى اللَّهُ عَلَيْهِ وَسَلَّمَ يَقُولُ تَفْتَحُ الْيَمَنُ فَيَأْتِي قَوْمَ يَبْسُونَ فَيَتَكَلَّمُونَ بِأَهْلِيهِمْ وَمَنْ أَطَاعَهُمْ وَالْمَدِينَةُ خَيْرُ لَهُمْ لَوْ كَانُوا يَعْلَمُونَ وَتَفْتَحُ الشَّامُ فَيَأْتِي قَوْمٌ يَبْسُونَ فَيَتَكَلَّمُونَ بِأَهْلِيهِمْ وَمَنْ أَطَاعَهُمْ وَالْمَدِينَةُ خَيْرُ لَهُمْ لَوْ كَانُوا يَعْلَمُونَ وَتَفْتَحُ الْعِراقُ فَيَأْتِي قَوْمٌ يَبْسُونَ فَيَتَكَلَّمُونَ بِأَهْلِيهِمْ وَمَنْ أَطَاعَهُمْ وَالْمَدِينَةُ خَيْرُ لَهُمْ لَوْ كَانُوا يَعْلَمُونَ ۝

অর্থ :—ছুফিয়ান ইবনে যোহায়ের (রাঃ) বর্ণনা করিয়াছেন, আমি রসূলুল্লাহ ছালাল্লাহু আলাইহে অসাল্লামকে এই কথা বর্ণনা করিতে শুনিয়াছি যে, (এমন এক সময় সম্মুখে আসিতেছে, যখন) ইয়ামন দেশ মোসলমানদের করতলগত হইবে এবং মদীনাবাসী কিছু সংখ্যক লোক (সুখ-স্বাচ্ছন্দ্যের লিপ্সায়) মদীনায় অবস্থান ত্যাগ করতঃ স্বীয় পরিবারবর্গ ও সঙ্গী-সাথীগণকে লইয়া দ্রুতবেগে ইয়ামন দেশে ছুটিয়া আসিবে। কিন্তু মদীনা তাহাদের জ্ঞাত্য অতি উত্তম, অতি উত্তম। হায়—যদি তাহাদের জ্ঞান-বুদ্ধি থাকিত।

এইরূপে সিরিয়া অঞ্চল মোসলমানদের করতলগত হইবে এবং একদল লোক (সুখ-স্বাচ্ছন্দ্যের লালসায়) মদীনায় অবস্থান ত্যাগ করতঃ পরিবারবর্গ ও সঙ্গী-সাথীগণকে লইয়া দ্রুতবেগে সিরিয়ায় ছুটিয়া আসিবে। কিন্তু মদীনা তাহাদের জ্ঞাত্য অতি উত্তম, অতি উত্তম। হায়—যদি তাহাদের জ্ঞান-বুদ্ধি থাকিত।

এইরূপে ইরাক দেশ মোসলমানদের করতলগত হইবে। তখন একদল লোক স্বীয় পরিবারবর্গ ও সঙ্গী সাথীগণকে লইয়া (সুখ-স্বাচ্ছন্দ্যের লিপ্সায়) দ্রুতবেগে মদীনা ত্যাগ করতঃ ইরাকে চলিয়া আসিবে, কিন্তু মদীনা তাহাদের জ্ঞাত্য সর্বোত্তম; হায়—যদি তাহাদের জ্ঞান-বুদ্ধি থাকিত।

ব্যাখ্যা :—শেষ যমানায় তথা কেয়ামতের নিকটবর্তী আল্লাহ তায়ালায় কুদরতেই মদীনা শহর জনশূন্য হইবে; সেই জ্ঞাত্য ছনিয়ার লিপ্সায় মদীনা ত্যাগ করা দুঃখজনক হইবে না—তাহা নহে। উক্ত হাদীছে উহারই বর্ণনা রহিয়াছে।

মদীনাবাসীকে ধোকা দেওয়ার ভয়াবহ পরিণতি

১৫৯। হাদীছ:— عَنْ سَعْدِ رَضِيَ اللَّهُ تَعَالَى عَنْهُ قَالَ سَمِعْتُ النَّبِيَّ صَلَّى اللَّهُ عَلَيْهِ وَسَلَّمَ يَقُولُ لَا يَكِيدُ أَهْلَ الْمَدِينَةِ أَحَدٌ إِلَّا أَتَمَاعَ كَمَا يَتَمَاعُ الْمَلُوحُ فِي الْمَاءِ ۝

অর্থ:—সায়াদ (রাঃ) হইতে বর্ণিত আছে, নবী ছালাল্লাহু আলাইহে অসাল্লাম বলিয়াছেন, যে ব্যক্তি মদীনাবাসীদের ক্ষতি ও অনিষ্ট সাধনের উদ্দেশ্যে ফন্দি আঁটিবে, সে অনিবার্যতঃ এরূপ ধ্বংস হইবে যে রূপ নিমক পানির মধ্যে গলিয়া নিশ্চিহ্ন হইয়া যায়।

দজ্জাল মদীনায় প্রবেশ করিতে পারিবে না

১৬০। হাদীছ:— عَنْ أَبِي بَكْرَةَ رَضِيَ اللَّهُ تَعَالَى عَنْهُ قَالَ سَمِعْتُ النَّبِيَّ صَلَّى اللَّهُ عَلَيْهِ وَسَلَّمَ لَا يَدْخُلُ الْمَدِينَةَ رُعْبُ الْمَسِيحِ الدَّجَالِ لَهَا يَوْمَئِذٍ سَبْعَةُ أَبْوَابٍ عَلَى كُلِّ بَابٍ مَلَكَانِ ۝

অর্থ:—আবু বকরা (রাঃ) হইতে বর্ণিত আছে, নবী ছালাল্লাহু আলাইহে অসাল্লাম বলিয়াছেন, মদীনায় দজ্জালের প্রভাব প্রবেশ করিতে পারিবে না। যখন দজ্জালের প্রভাব বিস্তার হইবে সেই সময় মদীনা শহরে সাতটি প্রবেশ দ্বার থাকিবে, প্রত্যেক প্রবেশ দ্বারে দুই দুইজন ফেরেশতা পাহারারত থাকিবেন।

১৬১। হাদীছ:— عَنِ أَبِي هُرَيْرَةَ رَضِيَ اللَّهُ تَعَالَى عَنْهُ قَالَ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ عَلَى أُنْتِقَابِ الْمَدِينَةِ مَلَائِكَةٌ لَا يَدْخُلُهَا الطَّاغُوتُ وَلَا الدَّجَالُ ۝

অর্থ:—আবু হোরায়ারা (রাঃ) হইতে বর্ণিত আছে, রসুলুল্লাহু ছালাল্লাহু আলাইহে অসাল্লাম বলিয়াছেন, মদীনার প্রতি প্রবেশ পথে ফেরেশতাগণ বিচরমান রহিয়াছেন; প্লেগের মহামারী এবং দজ্জাল মদীনায় প্রবেশ করিতে পারিবে না।

৯৬২। হাদীছঃ—

حدث انس رضى الله تعالى عنه

عن النبي صلى الله عليه وسلم قال ليس من بلد إلا سيطر أو
الدجال إلا مكة والمدينة ليس لك من نقابها نقب إلا عليه
اللائكة ما بين يحرسونها ثم ترجف المدينة بأهلها ثلاث
رجفات فيخرج الله كل كافر ومنافق ۝

অর্থঃ—আনাছ (রাঃ) বর্ণনা করিয়াছেন, নবী ছালালাছ আলাইহে অসালাম
বলিয়াছেন—দজ্জাল সমস্ত শহর প্রদক্ষিণ করিবে, কিন্তু মক্কা ও মদীনা নগরদ্বয়ে
আসিতে পারিবে না; মদীনার প্রতিটি প্রবেশ প্রথমে ফেরেশতাগণ কাতার বাঁধিয়া
পাহারা দিতে থাকিবেন। ঐ সময় মদীনা শহরে পর পর তিনবার ভূমিকম্প
হইবে—যদ্বন্ধন মদীনায় অবস্থানরত প্রত্যেকটি কাফের ও মোনাফেক মদীনা
হইতে বাহির হইয়া আসিবে (এবং দজ্জালের দলভুক্ত হইবে)।

৯৬৩। হাদীছঃ—

ان ابا سعيد الخدري رضى الله تعالى عنه
قال حدثنا رسول الله صلى الله عليه وسلم حديثنا طويلاً عن
الدجال كان فيما حدثنا به أن قال يأتي الدجال وهو محرم
عليه أن يدخل نقاب المدينة ينزل بعض السباخ التي بالمدينة
فيخرج إليه يومئذ رجل هو خير الناس فيقول أشهد أنك
الدجال الذي حدثنا عنك رسول الله صلى الله عليه وسلم
جديته فيقول الدجال أرايت أن قتلت هذا ثم أحبيته هل
تشكون في الأمر فيقولون لا فيقتله ثم يحبيبه فيقول حين يحبيبه
والله ما كنت قط أشد بصيرة مني اليوم فيقول الدجال أقتله
فلا يسلط عليه ۝

অর্থ:—আব্ ছায়ীদ খুদরী (রাঃ) বর্ণনা করিয়াছেন, একদা রসূলুল্লাহ ছাল্লাল্লাহু আলাইহে অসাল্লাম আমাদিগকে দজ্জাল সম্পর্কে সুদীর্ঘ বর্ণনা শুনাইলেন। তাহার বয়ানের মধ্যে ইহাও ছিল যে, দজ্জাল (মদীনার উদ্দেশ্যে) যাত্রা করিবে, কিন্তু মদীনার রাস্তায় প্রবেশ করা তাহার জন্ত অসাধ্য হইবে। (অপারগ হইয়া) সে মদীনার নিকটবর্তী কোন একটি লোনা জমিনে অবতরণ করিবে। এমতাবস্থায় একজন নেককার সৎলোক তাহার সম্মুখে উপস্থিত হইয়া বলিবেন—আমি সাক্ষ্য দিতেছি, তুই সেই দজ্জাল যাহার বিষয়ে রসূলুল্লাহ ছাল্লাল্লাহু আলাইহে অসাল্লাম আমাদিগকে অবহিত করিয়া গিয়াছেন। তখন দজ্জাল স্বীয় সাক্ষ্য-পাণ্ডোদেরকে বলিবে, আমি যদি বেটাকে হত্যা করতঃ পুনরায় জীবিত করিতে পারি তবুও কি আমার খোদায়ী দাবীর প্রতি তোমাদের কোন সন্দেহ বাকি থাকিবে? তাহারা সকলেই উত্তর করিবে—না, না। তখন দজ্জাল ঐ লোকটিকে বধ করিয়া (ছই খণ্ড করিয়া) ফেলিবে; অতঃপর জীবিত করিয়া দিবে। ঐ নেককার ব্যক্তি জীবিত হইয়াই বলিয়া উঠিবেন—আমি আল্লাহ শপথ করিয়া বলিতেছি, তুই-ই যে, দজ্জাল সেই বিষয়ে বর্তমান সময়ের ছায় এত দৃঢ় বিশ্বাস আমার আর কখনও জন্মে নাই। তখন দজ্জাল পুনরায় তাহাকে হত্যা করিতে চাহিবে, কিন্তু সেই ক্ষমতা তাহার আর হইবে না।

মদীনা অসৎ লোকদিগকে বাহির করিয়া দেয়

৯৬৪। হাদীছ:—عَنْ جَابِرِ رَضِيَ اللَّهُ تَعَالَى عَنْهُ قَالَ

جَاءَ أَعْرَابِيٌّ النَّبِيَّ صَلَّى اللَّهُ عَلَيْهِ وَسَلَّمَ فَبَايَعَهُ عَلَى الْإِسْلَامِ أَتَاءَ

مِنَ الْغَدِ مَعَهُمْ مَا نَقَالَ أَقْبَلْنِي نَابِي ثَلَاثَ مَرَارٍ فَقَالَ الْمَدِينَةُ

كَالْكِبَرِ تَنْفِي خَبْنَتَهَا وَيَنْصَعُ طَبِيبُهَا ۝

অর্থ:—জাবের (রাঃ) বর্ণনা করিয়াছেন, এক গ্রাম্য ব্যক্তি নবী ছাল্লাল্লাহু আলাইহে অসাল্লামের নিকট উপস্থিত হইয়া তাহার হস্তে ইসলামে দীক্ষা গ্রহণ করিল। দ্বিতীয় দিন সে অরাক্রান্ত অবস্থায় নবী ছাল্লাল্লাহু আলাইহে অসাল্লামের খেদমতে উপস্থিত হইয়া স্বীয় দীক্ষা ফেরৎ দেওয়ার দাবী জানাইল। নবী (দঃ) তাহার কথা প্রত্যাখ্যান করিলেন, এইরূপে তিনবার তাহার কথা প্রত্যাখ্যাত হইল। অতঃপর নবী (দঃ) বলিলেন, মদীনা কর্তৃকারের অগ্নি-চুলার ছায়; সে অসৎ লোককে বাহির করিয়া দেয়।

ব্যখ্যা :—পবিত্র মদীনার এই গুণ ও বৈশিষ্ট্য সর্বদাই বিদ্যমান আছে, অবশ্য ইহজগৎ পরীক্ষার স্থল বলিয়া সর্বদা তাহা প্রয়োগ হয় না। পূর্বেও বলা হইয়াছে যে, এই বিশেষত্বের পূর্ণ বিকাশ দজ্জালের আবির্ভাবের সময় হইবে, যেমন ৯৬২নং হাদীছে বর্ণিত হইয়াছে। কিন্তু সময় এবং ক্ষেত্র বিশেষে সর্বদাই ইহা প্রকাশ পাইতে পারে ও হইয়া থাকে—যে রূপ আলোচ্য হাদীছের ঘটনায় ঘটিয়াছিল।

এতদ্ভিন্ন মদীনার এই ভাল-মন্দ বাছাই-এর গুণটির ক্রিয়া ক্ষেত্র বিশেষে শুধু ইহাও হয় যে, মন্দকে পৃথক করিয়া প্রকাশ করিয়া দেয়; যদিও তাহারা মদীনায়ই থাকিতে পারে, কিন্তু মন্দরূপে প্রকাশ পাইয়া; ভাল-মন্দে পরিচয়হীন মিশ্রিত রূপে নয়; মন্দ হওয়ার পরিচয়ে চিহ্নিত হইয়া থাকিতে পারে। যেমন—ওহোদ-জ়েহাদের সময় তিন শত মোনাফেক লোক মোসলমান সৈন্য বাহিনীর সঙ্গে রণাঙ্গণে যাত্রা করিয়া ছিল; মধ্য পথ হইতে তাহারা পৃথক হইয়া ফেরৎ চলিয়া আসিল; তাহাদের সম্পর্কেও নবী (দঃ) মদীনার এই গুণটি উল্লেখ করিয়াছিলেন বলিয়া এক হাদীছে স্পষ্ট বর্ণনা আছে। হাদীছটি তৃতীয় খণ্ডে “ওহোদের জ়েহাদ” পরিচ্ছেদে অনূদিত হইবে। এই মোনাফেক দল মদীনায়ই বসবাস করিত, কিন্তু মোনাফেক হওয়ার পরিচয় ও টিহুর সহিত।

যেহেতু পবিত্র মদীনার এই গুণ ও বিশেষত্ব সর্বদাই বিদ্যমান আছে এবং সময় সময় ক্ষেত্রবিশেষে উহা প্রয়োগও হইয়া থাকে, তাই সকলের আতঙ্কিত ও সতর্ক থাকা আশু কর্তব্য। যে রূপ শক্তিশালী পাহলোয়ান ব্যক্তি যদিও সর্বদা সকলের উপর স্বীয় বলপ্রয়োগ করে না, কিন্তু সকলেই তাহার শক্তিমত্তা হইতে সর্বদা আতঙ্কিত ও সতর্ক থাকে।

হে আল্লাহ! আমাদিগকে প্রিয় মদীনায় অবস্থানের সুযোগ ও ভৌতিক দান কর; বিশেষতঃ মৃত্যুর পর কবরের স্থানটুকু যেন তথায়ই লাভ হয়—আমীন।

মদীনার জ্ঞাত ইযরাতের দোয়া ও অনুরাগ

৯৬৫। হাদীছ :—
 عَنْ أَنَسٍ رَضِيَ اللَّهُ تَعَالَى عَنْهُ
 مِنَ النَّبِيِّ صَلَّى اللَّهُ عَلَيْهِ وَسَلَّمَ قَالَ اللَّهُمَّ اجْعَلْ بِالْمَدِينَةِ
 ضِعْفِي مَا جَعَلْتَ بِمَكَّةَ مِنَ الْبَرَكَاتِ ۝

অর্থ :—আনাছ (রাঃ) হইতে বর্ণিত আছে, নবী ছালাল্লাহু আলাইহে অসাল্লাম এই দোয়া করিয়াছেন—হে আল্লাহ! মক্কা নগরীর মধ্যে যত বরকত দান করিয়াছ মদীনা নগরীতে উহার দ্বিগুণ বরকত দান কর।

৯৬৬। হাদীছ :—

عن انس رضى الله تعالى عنه

أَنَّ النَّبِيَّ صَلَّى اللَّهُ عَلَيْهِ وَسَلَّمَ كَانَ إِذَا قَدِمَ مِنْ سَفَرٍ فَنَظَرَ
إِلَى جُدْرَاتِ الْمَدِينَةِ أَوْضَعَ رَأْسَهُ وَإِنْ كَانَ عَلَى دَابَّةٍ
حَرَّكَهَا مِنْ حَيْثُهَا ۝

অর্থ :—আনাছ (রাঃ) বর্ণনা করিয়াছেন, নবী ছালাল্লাহু আলাইহে
অসাল্লামের বিদেশ হইতে ফিরার পথে যখন মদীনার বস্তি দৃষ্টিগোচর হইত তখন
হযরত (দঃ) মদীনার প্রতি তাঁহার প্রগাঢ় মহাবত ও অনুরাগে আকৃষ্ট হইয়া
মদীনার প্রতি স্বীয় যানবাহনকে দ্রুত পরিচালিত করিতেন।

বিশেষ দ্রষ্টব্য :—মদীনা শহরের সৌন্দর্য্য নষ্ট হয় বলিয়া রসুলুল্লাহ ছালাল্লাহু
আলাইহে অসাল্লাম মদীনার শহরতলী বসতিহীন করাও পছন্দ করিতেন না।
যেরূপ ৪০৩ নং হাদীছে বর্ণিত হইয়াছে!

ঈমান মদীনার প্রতি ধাবিত হয়

অর্থাৎ মোসলমান ব্যক্তি যেখানেই বসবাস করুক পবিত্র মদীনার প্রতি তাহার
অনুরাগী ও আকৃষ্ট হওয়া এবং সর্বদা সর্বাবস্থায় মদীনার প্রতি তাহার প্রাণে
আবেগ ও আকঙ্ক্ষার চেউ খেলিতে থাকা ঈমানের একটি বিশেষ নিদর্শন।

৯৬৭। হাদীছ :—

عن أبي هريرة رضى الله تعالى عنه

أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ قَالَ إِنَّ الْإِيمَانَ لَيَأْرِزُ إِلَى
الْمَدِينَةِ كَمَا تَأْرِزُ الْحَيَّةُ إِلَى جُحْرِهَا ۝

অর্থ :—আবু হোরাইরা (রাঃ) হইতে বর্ণিত আছে, রসুলুল্লাহ ছালাল্লাহু
আলাইহে অসাল্লাম বলিয়াছেন, নিশ্চয় ঈমান মদীনার প্রতি একরূপ আকৃষ্ট ও
ধাবিত হইয়া আশিবে যেরূপ সর্প স্বীয় গর্তের প্রতি আকৃষ্ট ও ধাবিত হইয়া আসে।

ব্যাখ্যা :—ঈমানের আলো একমাত্র পবিত্র মদীনা হইতেই বিশ্বের কোণে
কোণে ছাড়াইয়াছে, তাই এই আলো কাহারো অন্তরে বিশ্বের যে কোন স্থানেই
থাকুক না কেন সে তাহার কেন্দ্রের প্রতি আকৃষ্ট ও ধাবিত হইবেই। যেরূপ সর্প
স্বীয় গর্ত হইতে বাহির হইয়া যেখানে যত দূরেই চলিয়া যাউক না কেন সে নিশ্চয়
স্বীয় কেন্দ্র গর্তের প্রতি আকৃষ্ট হইবেই হইবে। খাদী ঈমানের নিদর্শন এই

হইবে যে, মোমেন ব্যক্তি স্বীয় ঈমানের প্রতিক্রিয়া ও আকর্ষণে উহার কেন্দ্র পবিত্র মদীনার প্রতি আকৃষ্ট ও ধাবিত না হইয়া থাকিতে পারিবে না। যাহার অন্তরে এই আকর্ষণ নাই বুঝিতে হইবে, তাহার অন্তরে খাচী ঈমান নাই।

যাবৎ আলো বিতরণকারী হযরত রসুলুল্লাহ ছাল্লাল্লাহু আলাইহে অসাল্লাম পবিত্র মদীনার ভূপৃষ্ঠের উপর অবস্থানরত ছিলেন তাবৎ এই আকর্ষণের কোন সীমাই ছিল না; যে কোন ব্যক্তি যেখানে যত দূরে ঈমানেয় আলো লাভ করিয়াছে সে-ই সর্বস্ব ত্যাগ করতঃ মদীনার প্রতি পাগল হইয়া ছুটিয়া আসিয়াছে, এরূপ ঘটনার শত শত নজীর ছাহাবীগণের ইতিহাসে বিদ্যমান রহিয়াছে।

আলো বিতরণকারী হযরত রসুলুল্লাহ (দঃ) যদিও বাহ্যিক মৃত্যুর আবরণে ঢাকিয়া যাওয়ার দরুন সাধারণ দৃষ্টিশক্তির সন্ধীর্ণ আভ্যন্তর হইতে বাহিরে চলিয়া গিয়াছেন, কিন্তু তিনি এখনও আল্লাহ তায়ালায় অসীম কুদরতে জীবিত অবস্থায় মদীনার মাটিতে অবস্থানরত আছেন। তছপরি বেহেশতের বাগান সম্বলিত তাঁহার মসজিদ তথায় বিদ্যমান; যাহার এক নামাযে পঞ্চাশ হাজার নামাযের অধিক ছওয়াব হয় তছপরি নবী ছাল্লাল্লাহু আলাইহে অসাল্লামের বহু নিদর্শন উহাতে উজ্জ্বল নক্ষত্রের ন্যায় উদ্ভিত রহিয়াছে। মদীনার ভিতরে বাহিরে অলিতে-গলিতে প্রিয় নবী হযরত রসুলুল্লাহ ছাল্লাল্লাহু আলাইহে অসাল্লামের জেন্দগীর শত শত নিদর্শন এবং ঐ সবার বরকত হাসিল করার সুযোগ আজও বিদ্যমান রহিয়াছে। তাই এই সোনার মদীনা—প্রাণের প্রিয় শহরের প্রতি মোমেনের প্রাণ আকৃষ্ট ও ধাবিত হইবেই। ঈমানের আলো পবিত্র মদীনা হইতে আসিয়াছে সে কখনও প্রিয় মদীনাকে ভুলিবে না। তাই খাচী ঈমানদার ব্যক্তিও পবিত্র মদীনাকে প্রাণ দিয়া ভালবাসিবে, আজীবন উহার প্রতি আকৃষ্ট অনুরক্ত ও আসক্ত থাকিবে এবং উহার প্রতি ছুটিয়া আসিতে সচেষ্ট থাকিবে।

জগতের বৃকে বেহেশতের বাগান

সোনার মদীনায়

৯৬৮। হাদীছঃ—

عَنْ أَبِي هُرَيْرَةَ رَضِيَ اللَّهُ تَعَالَى عَنْهُ
عَنِ النَّبِيِّ صَلَّى اللَّهُ عَلَيْهِ وَسَلَّمَ قَالَ مَا بَيْنَ بَيْتِي وَمَنْبَرِي رَوْضَةٌ
مِنْ رِيَاضِ الْجَنَّةِ وَمَنْبَرِي صَلَّى حَوْضِي ۝

অর্থঃ—আবু হোরাযরা (রাঃ) হইতে বর্ণিত আছে, নবী ছাল্লাল্লাহু আলাইহে অসাল্লাম বলিয়াছেন, (মসজিদ সংলগ্ন) আমার গৃহ এবং (মসজিদে অবস্থিত)

আমার মিন্ধার এই উভয়ের মধ্যবর্তী স্থান ও ভূখণ্ড বেহেশতের বাগান সমূহ হইতে একটি বাগান এবং আমার এই মিন্ধার (হাশরের ময়দানে) আমার হাওজে-কাওসারের কিনারায় স্থাপিত হইবে।

● আবুল্লাহ ইবনে যায়েদ মাযনী (রাঃ) বর্ণিত ৬৩২ নম্বরে অহুদিত হাদীছখানাও ঠিক এই মর্মেই বর্ণিত হইয়াছে।

পাঠক! আল্লাহ তায়ালা লাখ লাখ শোকর--আলোচ্য হাদীছে বর্ণিত বিশিষ্ট মোবারক স্থানে বসিয়াই হাদীছ খানার তরজমা ও অনুবাদ করা হইল।

যেই সর্বশক্তিমান আল্লাহ তায়ালা কা'বা শরীফে অবস্থিত হজুরে-আসওয়াদ পাথরখানা বেহেশত হইতে পাঠাইয়াছেন; তিনি স্বীয় মাহবুবের মসজিদে বেহেশতের উদ্ভান হইতে একটি খণ্ড আনিয়া দিবেন ইহাতে বিচিত্রের কি আছে?

স্বীয় অকিকিৎকর জ্ঞান, বুদ্ধি, দৃষ্টি ও অনুভবশক্তির সক্ষীর্ণতা স্মরণ রাখিয়া আল্লাহর অসীম কুদরতের প্রতি লক্ষ্য করতঃ সুযোগ প্রাপ্তে প্রাণ ভরিয়া বেহেশতের বাগানের স্বাদ গ্রহণ করিবে। সক্ষীর্ণতার বেষ্টনীতে আবদ্ধ থাকিবে না।

হে আল্লাহ পাক পরওয়ারদেগার! আমি নরাধমকে ক্ষণস্থায়ী ছুনিয়াতে তুমি স্বীয় কৃপাবলে তোমার মাহবুবের জন্ত প্রেরিত বেহেশতের বাগানে প্রবেশের সুযোগ দান করিয়াছ, চিরস্থায়ী আথেরাতেও তুমি তোমার অসীম কৃপাবলেই বেহেশতের মধ্যে স্থান দান করিও। তোমার কৃপা ভিন্ন নরাধমের আর কোন অছিল। নাই। হে খোদা! তোমার প্রেরিত বেহেশতের বাগানে তোমার প্রিয় নবীর দরবারে বসিয়া তোনার নিকট আমার এই আরজ তোমার প্রিয় নবী ছালাল্লাহু আলাইহে অসাল্লামের অছিলায় কবুল কর—আমীন।

শুল ও বাহ্যিক পারিপাশিকতায় আবদ্ধ দৃষ্টি, ভাবধারা ও অনুভবশক্তি যদি এই বেহেশতের বাগানকে বাস্তবরূপে উপলব্ধি করিয়া লইতে সক্ষম না হয় তবে দৃঢ়রূপে এতটুকু বিশ্বাস ত নিশ্চয় রাখিবে যে, এই স্থানে এবাদত-বন্দেগী বেহেশতের বিশেষ স্থান ও বাগান লাভে এতই শক্তিমান সহায়ক যে, রসূলুল্লাহ (দঃ) এই স্থানকে বেহেশতের বাগান নামে আখ্যায়িত করিয়াছেন। তাই সুযোগ প্রাপ্তে ঐ স্থানে অধিক এবাদৎ করিতে যথাসাধ্য চেষ্টার ত্রুটি করিবে না।

বিশেষ দ্রষ্টব্য :- রসূলুল্লাহ ছালাল্লাহু আলাইহে অসাল্লাম মক্কা হইতে হিজরত করতঃ মদীনায় পৌছিয়া প্রথমে মদীনার সংলগ্ন “কোবা” নামক স্থানে অবতরণ করিলেন এবং তথায় চৌদ্দ দিন অবস্থান করার পর খাস মদীনায় আসিবার মনস্থ করিলেন। হযরত রসূলুল্লাহ ছালাল্লাহু আলাইহে অসাল্লামের দাদার মাতুল বংশ বনী-নাজ্জার গোত্রের লোকগণ জাঁকজমকপূর্ণ অভ্যর্থনার

সহিত হযরত (দঃ)কে কোবা হইতে মদীনায় লইয়া আসিলেন । প্রত্যেকের প্রাণেই হযরত রসূলুল্লাহ ছালাল্লাহু আলাইহে অসাল্লামকে নিজ নিজ বাড়ীতে লইয়া যাওয়ার জন্য আকস্মিক চেষ্টা খেলিতেছিল । কিন্তু হযরত (দঃ) সকলকে জানাইয়া দিলেন যে, আমার যানবাহন উটের প্রতি আল্লাহর আদেশ আছে— সে আল্লাহর মজ্জি মোতাবেক স্থানেই বসিবে । অবলীলাক্রমে হযরত রসূলুল্লাহ ছালাল্লাহু আলাইহে অসাল্লামের উট আবু আইয়ুব আনছারী রাজিয়াল্লাহু তায়ালা আনহুর বাড়ীর সম্মুখে পৌঁছিয়া বসিয়া পড়িল । হযরত (দঃ) সেই বাড়ীতে অবতরণ করিলেন, অতঃপর মসজিদ তৈরীর ব্যবস্থা করিলেন । আবু আইয়ুব আনছারী রাজিয়াল্লাহু তায়ালা আনহুর বাড়ী সংলগ্ন নাজ্জার গোত্রীয় লোকদের একটি খেজুর বাগান মসজিদের স্থানরূপে নির্বাচন করিলেন । তথায় মসজিদ তৈরী হইল । অতঃপর হযরত রসূলুল্লাহ ছালাল্লাহু আলাইহে অসাল্লামের আবাস গৃহও মসজিদ সংলগ্ন স্থানেই তৈরী হয় এবং সেই আবাস গৃহেই আয়েশা রাজিয়াল্লাহু তায়ালা আনহার কক্ষের মধ্যে ইহজগতের নিদ্দিষ্ট জীবনকালের শেষ দিনগুলি অতিবাহিত করেন এবং তথায়ই সমাহিত হইয়া জীবিত অবস্থায়ই এখনও তথায় বাস করিতেছেন । (ছালাল্লাহু তায়ালা আলাইহে ওয়া-আলা আলিহী ওয়া-আছহাবিহী ওয়া-বারাক্ অসাল্লাম) ।

উক্ত আবাস গৃহ এবং মসজিদে অবস্থিত মিস্বারের মধ্যবর্তী স্থান সম্পর্কেই আলোচ্য হাদীছটি । ঐ স্থানটি বেহেশতের বাগান-খণ্ড হওয়া আল্লাহ তায়ালায় বিশেষ কুদরতের লীলা । আমাদের জ্ঞান, বোধশক্তি এবং দৃষ্টিশক্তি অতি নগণ্য ও নেহাৎ সীমাবদ্ধ ।

নবীজীর অবতরণ-স্থান— আবু আইয়ুব আনছারী রাজিয়াল্লাহু তায়ালা আনহুর বাড়ী কিছুক্ষণ পূর্বে যেয়ারত করিয়া আসিলাম । নবী ছালাল্লাহু আলাইহে অসাল্লামের আবাস গৃহ সম্বলিত বর্তমান মসজিদে-নববীর পূর্ব-দক্ষিণ কোণ বরাবর রাস্তার অপর পারে ; বর্তমানে তথায় তিনতলা দালান রহিয়াছে ।

হযরত রসূলুল্লাহ ছালাল্লাহু আলাইহে অসাল্লামের মিস্বার ঝাউ কাঠের তৈরী ছিল । কালক্রমে উহার বিলুপ্তি ঘটয়াছে ; যেরূপ মানবদেহের বিলুপ্তি ঘটে । পরকালে মানবদের হায়ে উক্ত মিস্বারও পুনরুত্থানরূপে হাওজে-কাওহারের কুলে স্থাপিত হইবে এবং হযরত (দঃ) উহার উপর উপবেশন পূর্বক হাওজে-কাওহারের পানি পান করাইবেন । আলোচ্য হাদীছের শেষাংশের মর্ম ইহাই ।

মদীনায় প্রতি ভালবাসা ও অনুরাগ :

৯৬৯ । হাদীছ :— আয়েশা (রাঃ) বর্ণনা করিয়াছেন, রসূলুল্লাহ ছালাল্লাহু আলাইহে অসাল্লাম (তাঁহার সঙ্গীগণ সহ) মদীনায় আসিলে পর আবু বকর (রাঃ)

এবং বেলাল (রাঃ) অরাক্রান্ত হইয়া পড়িলেন। আবু বকর রাজিয়াল্লাহু তায়ালা আনহুর জ্বরের উত্তাপ যখন অধিক হইত তখন তিনি এই বয়েতটি বলিতেন—

كُلَّ امْرِئٍ مَّصِيحٌ فِيْ اَهْلِهِ — وَالْمَوْتُ اَدْنٰى مِنْ شِرَاكِ نَعْلَةٍ

“প্রত্যেক মানুষই স্বীয় স্ত্রী-পুত্রবর্গের মধ্যে থাকিয়া আনন্দ উপভোগে লিপ্ত থাকে, অথচ মৃত্যু তাহার নিকটবর্তী—অতি নিকটবর্তী।”

বেলাল রাজিয়াল্লাহু তায়ালা আনহু জ্বর উপশমে এই বয়েত দুইটি বলিতেন—

اَلَا لَيْتَ شِعْرِيْ لَوْلَا اَبِيَّتِيْ لَيْلَةً — بَوَادٍ وَحَوْلِيْ اِنْ خِرٌ وَجَلِيلٌ
وَهَلْ اَرَدَنْ يَوْمًا مِّمَّا لَا مَجِيْدَةَ — وَهَلْ يَسْبُدُوْنَ لِيْ شَامَةً وَطَغِيْلٌ

অর্থাৎ—তিনি মক্কা নগরীর দুই প্রকার তৃণ-লতার নাম উল্লেখ করিয়া অন্ততাপের সহিত বলিতেছেন, হায়! পুনরায় এই সব তৃণ-লতার মধ্যে অবস্থানের সুযোগ পাইব কি? এবং মক্কা নগরীর একটি ঝর্ণা বা কূপের নাম উল্লেখ করিয়া বলিতেছেন, ঐ ঝর্ণার পানি পুনঃ পান করিবার সুযোগ পাইব কি? এবং মক্কার নিকটবর্তী দুইটি পাহাড়ের নাম উল্লেখ করিয়া বলিতেছেন, পুনরায় উহা আমার নয়নে দেখিতে পাইব কি?

(মক্কা নগরীর বিচ্ছেদে এই ব্যাথা ও অশান্তির ভাব লক্ষ্য করতঃ) হযরত রসুলুল্লাহ ছালামাল্লাহু আলাইহে অসাল্লাম মক্কা হইতে বিতাড়িত হওয়ায় অন্ততপ্ত হইয়া এই কার্যে অগ্রণী মক্কার কতিপয় ছুট কাফেরের নাম উল্লেখ পূর্বক অভিশাপ করিলেন—হে আল্লাহ! শায়বা ইবনে রবিয়া, ওতবা ইবনে রবিয়া এবং উমাইয়া ইবনে খলফ তাহারা আমাদের মাতৃভূমি হইতে আমাদেরকে বিতাড়িত করিয়া জ্বরের মহামারীর দেশে আসিতে বাধ্য করিয়াছে, তুমি তাহাদের প্রতি লা'নৎ ও অভিশাপ বর্ষণ কর।

অতঃপর হযরত রসুলুল্লাহ ছালামাল্লাহু আলাইহে অসাল্লাম দোয়া করিলেন—

اَللّٰهُمَّ حَبِّبْ لَنَا الْمَدِيْنَةَ كَحُبِّنَا مَكَّةَ اَوْ اَشْدَّ اَللّٰهُمَّ بَارِكْ لَنَا فِيْ صَاعِنَا وَفِيْ مَدِيْنَا وَمَحِيْطَاتِنَا وَانْقُلْ حُمَاهَا اِلَى الْجَحْفَةِ ۝

“হে আল্লাহ! আমাদের অন্তরে মদীনার প্রীতি ও মহব্বত সৃষ্টি করিয়া দাও, যেসকল প্রীতি ও মহব্বত মক্কা নগরীর প্রতি ছিল, বরং আরও অধিক।

হে আল্লাহ ! আমাদের (মদীনার) উপর দ্রবের মধ্যে বরকত দান কর এবং মদীনা নগরীকে স্বাস্থ্যকর স্থান করিয়া দাও এবং স্বরের মহামারী মদীনা হইতে স্থানান্তরিত করিয়া (মদীনার দূরে) জোহ্ফা (নামীয়) বস্তিতে পাঠাইয়া দাও।”

আয়েশা (রাঃ) বলেন, প্রথম যখন মোসলমানগণ মদীনায় আসিয়াছিলেন তখন মদীনা স্বর ইত্যাদি রোগের মহামারীর স্থান ছিল। কারণ উহার সংলগ্ন “বোত্‌হান” এলাকার পানি দূষিত ছিল, মদীনার আবহাওয়াও দূষিত থাকিত।

পাঠকবর্গ ! আল্লাহ তায়ালা মদীনার প্রতি স্বীয় প্রিয় নবী ছালাল্লাহু আলাইহে অসাল্লামের দোয়া সমূহ অক্ষরে অক্ষরে কিরূপে পূর্ণ করিয়া দিয়া মদীনাকে সোনার মদীনায় পরিণত করিয়াছেন তাহা চোখে দেখিবার ও ব্যবহারে অনুভব করিবার বস্তু, মুখে বা কাগজে কলমে বুঝাইবার বস্তু নহে।

আল্লাহ তায়ালা লাখ লাখ শোকর যে, তিনি এই নরাধমকে অত্র বিষয় বস্তু লেখাকালীন তৃতীয়বার সোনার মদীনায় হাজির হইয়া রসূলুল্লাহ ছালাল্লাহু আলাইহে অসাল্লামের দোয়ার ফলাফল নয়ন জুড়াইয়া দেখিবার এবং প্রাণ ভরিয়া খাইবার ও অনুভব করিবার সুযোগ দান করিয়াছেন। সবকিছু স্বচক্ষে দেখিয়া এবং স্বজ্ঞানে অনুভব করিয়াই সামান্য ইঙ্গিত স্বরূপ ইহা লিখিলাম।

৯৭০। হাদীছ ৪— উম্মুল-মোমেনীন হাফ্‌ছা (রাঃ) বর্ণনা করিয়াছেন, তাঁহার পিতা খলীফা ওমর (রাঃ) এই দোওয়া করিয়া থাকিতেন—

اَللّٰهُمَّ اَرْزُقْنِيْ شَهَادَةً فِىْ سَبِيْلِكَ وَاَجْعَلْ مَوْتِيْ فِىْ بَلَدِ رَسُوْلِكَ
(مَلَى اللّٰهُ تَعَالٰى عَلَيْهِ وَسَلَّمَ ٥)

উচ্চারণ :— আল্লাহ্‌স্তার যুকুনী শাহাদাতান ফী-ছাবীলেকা, ওয়াজ্‌আল মোতী ফী বালাদে রাসূলেক। (ছালাল্লাহু তায়ালা আলাইহে অসাল্লাম।)

অর্থ—হে আল্লাহ ! তোমার রাস্তায় শহীদ হওয়ার সুযোগ আমাকে দান কর এবং আমার মৃত্যু তোমার রসূল ছালাল্লাহু আলাইহে অসাল্লামের শহরে (পবিত্র মদীনায়) অনুষ্ঠিত কর।

ব্যাখ্যা :—আউফ ইবনে মালেক নামক এক বিশিষ্ট ব্যক্তি একদা স্বপ্নে দেখিতে পাইলেন, ওমর রাজিয়াল্লাহু তায়ালা আনহুকে শহীদ করা হইয়াছে এবং তিনি শাহাদৎ বরণ করিয়াছেন। এই স্বপ্ন ওমর রাজিয়াল্লাহু তায়ালা আনহুর নিকট ব্যক্ত করা হইলে পর প্রথমে তিনি আশ্চর্য্যান্বিত হইয়া নৈরাশ্র স্বরে

বলিয়া উঠিলেন, শাহাদতের সুযোগ আমি কিরূপে পাইতে পারি ? (বর্তমান বিশ্ব-বিজয়ী মোসলেম জাতির সর্বশক্তি-কেন্দ্র) আরব দেশের মধ্যে আমি (খলীফাতুল-মোসলেমীনারূপে) অবস্থান করিতেছি। আমি (বর্তমানে) কোথাও যুদ্ধ-জেহাদে যাই না, সর্বদা মোসলেম জাহানের বেঠেনীর ভিতর অবস্থান করিতেছি। অতঃপর তিনি এই উক্তির বিপরীত বলিলেন, হাঁ হাঁ—আল্লাহ তায়ালা ইচ্ছা করিলে এই অবস্থায়ও আমার শাহাদৎ ঘটাইতে পারেন। এই ঘটনার পর হইতেই তিনি উক্ত দোয়া করিয়া থাকিতেন।

মনে হয়—ওমর রাজিয়াল্লাহু তায়ালা আনহুর দৃষ্টিতে শাহাদৎ নছীব হওয়ার সুসংবাদের আনন্দকে এই আশঙ্কা মলিন ও ঘোলাটে করিয়া দিয়াছিল যে, হায়! প্রাণের প্রিয় সোনার মদীনার বাহিরে মৃত্যু বরণ করিতে হয় না—কি? কারণ মোসলেম জাহানের রাজধানী মদীনা—যেখানে সর্বশক্তি মোসলমানদেরই। এমন স্থানে ওমর রাজিয়াল্লাহু তায়ালা আনহুর ছায় খলিফাতুল-মোসলেমীনের শহীদ হওয়ার কোন ব্যবস্থা সম্ভবের আয়ত্তে দেখা যাইতে ছিল না, তাই তিনি আতঙ্কিত। শাহাদতের মর্তবা অতি বড় অতি উচ্চ বটে, কিন্তু এত বড় মর্তবার সুসংবাদেও ওমর(রাঃ) প্রাণের প্রিয় সোনার মদীনায় মৃত্যু নছীব হওয়ার মর্তবা ও স্বাদকে ভুলিতে পারিতেছিলেন না। উভয় নেয়ামতই আল্লাহ তায়ালা বড় দান, তাই তিনি সর্বশক্তিমান মাবুদের দরবারে উভয় নেয়ামত লাভ করার জন্ত দরখাস্ত পেশ করা আরম্ভ করিলেন। আল্লাহ তায়ালা সর্বশক্তিমান; তাঁহার রহমতের অন্ত নাই; তিনি ওমরের ছায় প্রিয় বান্দাকে বিমুখ করিবেন কেন?

ওমর রাজিয়াল্লাহু তায়ালা আনহুর ইতিহাস সকলেই জ্ঞাত আছেন যে, তিনি পবিত্র মদীনায় হযরত রসুলুল্লাহ ছাল্লাল্লাহু আলাইহে অসাল্লামের মসজিদের ভিতরে মেহরাবের মধ্যে নামাযবস্থায় শাহাদৎ লাভ করিয়াছিলেন এবং স্বীয় মাহবুব হযরত রসুলুল্লাহ ছাল্লাল্লাহু আলাইহে অসাল্লামের আরাম-কক্ষে স্থান লাভ করিয়া স্বীয় মনোবাঞ্ছা পূর্ণ হওয়ার সুযোগ লাভ করিয়াছিলেন।

السلام عليك يا سيدنا عمر بن الخطاب - السلام عليك يا شهيد
المحراب - السلام عليك يا خليفة رسول الله - السلام عليك
يا موهوب نبي الله المصطفى صلى الله تعالى عليه وسلم رضى الله
تعالى عنك وارضاك وجعل الجنة مثواك ۝

“হে আমাদের সম্মানিত মহামানব ওমর ইবনুল খাত্তাব! আপনার প্রতি সালাম; হে হযরত রসুলুল্লাহ ছাল্লাল্লাহু আলাইহে অসাল্লামের মসজিদের

মেহুরাবে শাহাদৎ বরণকারী। আপনার প্রতি সালাম; হে রসুলুল্লাহ ছালাল্লাহু আলাইহে অসাল্লামের খলীফা—হুলাভিষিক্ত। আপনার প্রতি সালাম।

হে নবী ছালাল্লাহু আলাইহে অসাল্লামের শ্বশুর। আপনার প্রতি সালাম। আল্লাহ তায়ালা আপনার প্রতি সন্তুষ্ট থাকুন এবং আপনাকে সন্তুষ্ট করুন; আর আপনার স্থান বেহেশতের মধ্যে প্রতিষ্ঠা করুন—আমীন।*

পাঠকবর্গ। ওমর (রাঃ) যে আকাঙ্ক্ষা পোষণ করিয়া থাকিতেন এবং যে দোয়া তিনি করিয়া থাকিতেন; ছাহাবা, তাবেয়ীন, তাবয়ে-তাবেয়ীন ও আওলিয়া কেরামগণের মধ্যে বহু মহামনীষী এই আকাঙ্ক্ষা ও দোয়া করিয়া গিয়াছেন।

আমি নরাধম আল্লাহ তায়ালা হাবীবের মসজিদে বিশিষ্ট স্থান—বেহেশতের বাগানে বসিয়া আল্লার দরবারে এই দোয়া করিতেছি—হে আল্লাহ। তুমি আমাকে তোমার রাস্তায় শাহাদৎ ও পবিত্র মদীনায় মৃত্যু দান কর এবং পবিত্র জালাতুল-বাকির মধ্যে আমাকে দাকন হওয়ার সৌভাগ্য দান কর। হে আল্লাহ। তোমার প্রিয় নবী হযরত রসুলুল্লাহ ছালাল্লাহু আলাইহে অসাল্লামের অছিলায় আমি নরাধমের এই আরাধনা কবুল কর—আমীন।*^{*}

مُنَى كُنْ فِي قَلْبِي عَرَسَتْ بِطَيْبَةٍ—فَاَسْقَى بِدَمْعٍ وَالِدِ مَاءٍ لِتَجِدِي

অন্তরে অসংখ্য আশা-আকাঙ্ক্ষার বীজ ছিল—উহা পবিত্র মদীনায় বপন করিয়াছি। এখন চোখের পানি এবং রক্ত-অশ্রু উহার দ্বারা সিঞ্জন করিব যেন উহাতে ফল আসে।

وَهَلْ لَدَدَةٌ لِّي فِي الدُّنْيَا وَنَعِيْهَا—اِذَا اَنَا فَا مِنْ مَدِيْنَةٍ سَيِّدِي

ছুনিয়া এবং ছুনিয়ার সামগ্রী সম্ভার কি আমার নিকট স্বাদময় হইতে পারে—যখন আমি আমার মহানের মদীনা হইতে দূরে থাকি?

تَمَنَيْتُ مِنْ رَبِّيْ جَوَارَ مَدِيْنَةٍ—فَيَا لَيْتَ لِيْ فِيْهَا ذِرَاعٌ لِّمَرْقَدِيْ

মদীনার আশ্রয়ই আমি আমার পরওয়ারদেগারের নিকট বিশেষভাবে কামনা করিয়াছি। হায়……। আমার কবরের জন্ম মদীনার মধ্যে এক হাত জায়গা আমার ভাগ্যে জুটিবে কি?

• আলোচ্য বিষয়টি ওমর রাজিয়াল্লাহু তায়ালা আনহুর পবিত্র কবর শরীফের নিকটবর্তী স্থানে বসিয়া লেখা হইল, তাই সেই অনুপাতিক আদব ও রীতি অনুসারেই তাঁহার প্রতি সালাম লিখিয়া দেওয়া হইল।

• ১লা আগষ্ট ১৯৫৮ ইং পবিত্র মদীনা মোনাওয়ারাহ।

একাদশ অধ্যায়

রোযা

রমজান শরীফের রোযা ফরজ

আল্লাহ তায়ালা কোরআন শরীফে ফরমাইয়াছেন—

يَا أَيُّهَا الَّذِينَ آمَنُوا كُتِبَ عَلَيْكُمُ الصِّيَامُ كَمَا كُتِبَ عَلَى الَّذِينَ مِن قَبْلِكُمْ لَعَلَّكُمْ تَتَّقُونَ ۝

অর্থ—হে মোমেনগণ ! তোমাদের উপর রোযা ফরজ করা হইয়াছে যেরূপ তোমাদের পূর্ববর্তীদের উপর ফরজ করা হইয়াছিল । রোযা ফরজ করার উদ্দেশ্য এই যে, তোমরা যেন মোস্তাকী—খোদাভীরু ও সংযমী হইতে পার ।

৯৭১। হাদীছ :- আবু হুরায়রা ইবনে ওমর (রাঃ) হইতে বর্ণিত আছে, নবী ছাল্লাল্লাহু আলাইহে অসাল্লাম (ঃ১০ মহরম—) আশুরার দিনের রোযা নিজে রাখিয়াছেন এবং উক্ত রোযা রাখিবার আদেশও করিয়াছেন ; (সেমতে উহা ফরজ ছিল ।) অতঃপর যখন রমজানের রোযা ফরজ করা হইল তখন আশুরার রোযা ফরজ হওয়া পরিত্যক্ত হইল ।

এই বিষয়ে আয়েশা (রাঃ) বর্ণিত হাদীছ ৮২৯ নম্বরে অন্বদিত হইয়াছে ।

রোযার ফজলত

৯৭২। হাদীছ :- عَنْ أَبِي هُرَيْرَةَ رَضِيَ اللَّهُ تَعَالَى عَنْهُ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ الصَّيَامُ جَنَّةٌ نَّالَ يَرُفُثُ وَلَا يَجْهَلُ وَإِنْ أَمْرٌ قَاتِلٌ أَوْ شَاتِمٌ فَلْيَقُلْ إِنِّي مَأْتِمٌ مَّرَّتَيْنِ وَالَّذِي نَفْسِي بِيَدِهِ لَخُلُوفٌ فِيمَ الصَّائِمِ أَطْيَبُ عِنْدَ اللَّهِ تَعَالَى مِنْ رِيحِ الْمِسْكِ يَتْرُكُ طَعَامَهُ وَشَرَابَهُ وَشَهْوَتَهُ مِنْ أَجْلِ الصَّيَامِ لِي وَأَنَا أَجْزَى بِهِ وَالْحَسَنَةُ بِعَشْرٍ أَمْثَلُهَا ۝

অর্থ :—আবু হোরাযরা (রাঃ) হইতে বর্ণিত আছে, রসুলুল্লাহ ছালাল্লাহু আলাইহে অনাল্লাম ফরমাইয়াছেন, রোযা (দোজখের আজাব হইতে বাঁচাইবার পক্ষে) ঢাল স্বরূপ। (ঢাল দুর্বল হইলে শত্রুর আক্রমণ হইতে জীবন রক্ষা করা কঠিন। অতএব প্রত্যেক মোমেনের কর্তব্য, যে সব কারণে রোযা দুর্বল হয় তাহা হইতে বিরত থাকা।) সুতরাং রোযাদার ব্যক্তি গালি-গীবত ইত্যাদি কোন খারাপ কথা মুখে উচ্চারণ করা হইতে বা কোন খারাপ কাজ করা হইতে বিশেষরূপে বিরত থাকিবে। যদি কোন ব্যক্তি তাহার সহিত ঝগড়া-বিবাদ বা গালাগালি করে তবে (তাহার কর্তব্য হইবে—কোন প্রকার প্রতিউত্তর না করিয়া নিজেকে পূর্ণ সংযমী রাখিবে এই ভাবিয়া যে, আমি রোযাদার আমি এরূপ কার্য বা কথার প্রতিউত্তর করিতে পারি না। আবশ্যক বোধে ঐ ব্যক্তিকে ক্ষান্ত করিবার জন্ত মুখেও ইহা) প্রকাশ করিয়া দিবে যে, আমি রোযাদার (আমি ঝগড়ায় লিপ্ত হইব না। প্রয়োজন হইলে) একাধিক বার এইরূপ বলিবে। রসুলুল্লাহ (দঃ) আরও বলেন—যেই আল্লাহ হাতে আমার প্রাণ সেই আল্লাহ শপথ করিয়া বলিতেছি, রোযাদার ব্যক্তি না খাইয়া থাকার দরুণ তাহার মুখে যে বিকৃত গন্ধ সৃষ্টি হয় (মূল্য ও প্রতিদানের দিক দিয়া) উহা আল্লাহ তায়ালার নিকট মেশ্‌ক ও কস্তুরীর সুগন্ধি অপেক্ষা উত্তম গণ্য হইবে।

(রোযাদারের প্রতি সন্তুষ্টি প্রকাশ ও তাহার প্রশংসা স্বরূপ আল্লাহ তায়ালার বলিয়া থাকেন—এই বন্দা) আমার আদেশ পালনার্থে ও আমার সন্তুষ্টি লাভের আশায় স্বীয় খাজ, পানীয় ও কাম-স্পৃহা পরিত্যাগ করিয়াছে। সেমতে রোযা খাছ আমার জন্ত—আমার উদ্দেশ্যে। সুতরাং আমিই (আমার মনঃপূত ও মনোমত) উহার যথোপযুক্ত প্রতিদান দিব।

নেক আমলের প্রতিফল দানে সাধারণ নিয়ম এই রাখা হইয়াছে যে, দশগুণ (হইতে সত্তর গুণ পর্য্যন্ত) দেওয়া হইয়া থাকে। (কিন্তু রোযার প্রতিদানের জন্ত নির্দিষ্ট সংখ্যার নিয়ম রাখা হয় নাই; রোযার জন্ত রহিয়াছে আল্লাহ তায়ালার এই ঘোষণা, রোযা আমার জন্ত; উহার প্রতিদান আমিই দিব।)

ব্যাখ্যা :—রোযাদার ব্যক্তির মুখের বিকৃত গন্ধের বিষয় যাহা বলা হইয়াছে, উহার তাৎপর্য্য এই যে, ছনিয়াতে রোযার দ্বারা মুখকে দুর্গন্ধযুক্ত করার ফলে বেহেশতে মেশ্‌কের খোশবুর্ চেয়েও উত্তম এবং অধিক মূল্যবান সুগন্ধ রোযাদারের মুখে দান করা হইবে।

রোযার বিষয় আল্লাহ তায়ালার যাহা বলিয়া থাকেন উহার প্রথম বাক্যটি হইল “রোযা আমার জন্ত”। ইহার তাৎপর্য্য এই যে—যদিও প্রকৃত প্রস্তাবে সমুদয় এবাদতই আল্লাহ তায়ালার জন্ত ও তাহারই সন্তুষ্টি লাভের উদ্দেশ্যে হইয়া

থাকে, কিন্তু রোযা এবং অশ্রায্য এবাদতের মধ্যে একটি বিশেষ পার্থক্য রহিরাছে। তাহা এই যে—অশ্রায্য এবাদত সমূহের ফ্রিয়া-কলাপ আকার-আকৃতি ও নিয়ম-পদ্ধতি এইরূপ যে, মুখে প্রকাশ না করিয়াও উহার মধ্যে রিয়া তথা লোকদেখানো ভাব সৃষ্টি হইতে পারে এবং অনেক সময় আবেদ—এবাদতকারীর অন্তরে, তাহার অনুভূতির অন্তরালে ঐ ভাবটি লুকাইয়া থাকে। সে উহা অনুভব করিতে না পারিলেও বস্তুতঃ উহা তাহার ভিতরে থাকে, যদ্বন্ধ তাহার নফ্ছ এক প্রকার স্বাদও গ্রহণ করিয়া থাকে। পক্ষান্তরে রোযা এমন পদ্ধতির এবাদত যে, রোযাদার ব্যক্তি নিজ মুখে প্রকাশ না করিলে সাধারণতঃ উহা একমাত্র অন্তর্ধ্যামী আল্লাহ তায়ালা ব্যতীত লোক-সম্মুখে প্রকাশিত হওয়ার মত নহে। তাই রোযার মধ্যে আল্লার সন্তুষ্টি ব্যতীত নফ্ছের আশ্বাদক হওয়ার সুযোগ উহার আকার-আকৃতি ও নিয়ম-পদ্ধতির মধ্যে নাই। তবে কোন বদ-নছীব যদি মুখে গাহিয়া স্বাদ লাভ করিতে চায় তবে সে কথা স্বতন্ত্র। এই পার্থক্যটির প্রতিই এক হাদীছের বর্ণনায় স্পষ্টরূপে ইঙ্গিত দেওয়া হইয়াছে—

كل عمل ابن آدم لله الا الصيام فانه لى وانا اجزى به

“প্রত্যেক এবাদতই এবাদতকারী ব্যক্তির জন্ত (অর্থাৎ প্রত্যেক এবাদতই এইরূপ নিয়ম-পদ্ধতি আকার-আকৃতির যে, আল্লার সন্তুষ্টি লাভের উদ্দেশ্য ছাড়াও এবাদতকারীর নফ্ছের আশ্বাদক হওয়ার সুযোগ উহাতে বিদ্যমান রহিয়াছে।) পক্ষান্তরে রোযা—উহা একমাত্র আমার জন্ত (অর্থাৎ রোযার নিয়ম-পদ্ধতি আকার-আকৃতি এরূপ যে, আল্লার সন্তুষ্টি লাভের উদ্দেশ্য ছাড়া এবাদতকারী রোযাদারের নফ্ছের আশ্বাদক হওয়ার সুযোগ উহাতে নাই।)

এতদ্বির রোযা হইল—খাচ্ছ, পানীয় ও রতিক্রিয়া হইতে বিরত থাকা; ওথা না-করণ কার্য বাহা অদৃশ্য আমল। গোপনে পানাহার বা কামস্পৃহা চরিতার্থ করিলে তাহা অজ্ঞ লোকে জানিতে পারে না, সুতরাং মানবীয় প্রবৃত্তির অতি লোভনীয় বস্তু পানাহার ও কামস্পৃহা চরিতার্থের লোভকে খাটীভাবে সংবরণ করার কষ্ট-সহিষ্ণুতা একমাত্র আল্লার প্রতি প্রগাঢ় ভক্তি আশক্তি ব্যতিরেকে কেউ স্বীকার করিতে পারে না। অতএব আল্লাহ বলেন, রোযা একমাত্র আমার জন্ত—অর্থাৎ বস্তুতঃ রোযা খাচ্ছভাবে আমার ভক্তি ও আশক্তিতেই হইয়া থাকে।

দ্বিতীয় বাক্যটি হইল “উহার প্রতিদান আমিই দান করিব”। ইহার তাৎপর্য্য এই যে, যদিও সমস্ত এবাদতের প্রতিদানই একমাত্র আল্লাহ তায়ালাই দান করিবেন; তিনিই “يوم الدين” —প্রতিফল দান দিবসের একচ্ছত্র মালিক; এবং সর্বদক্ষেত্রেই কর্ম অনুপাতে প্রতিফল বহুগুণে বেশী দেওয়া

হইবে। কিন্তু প্রত্যেক নেক কার্যের প্রতিফল দানের ব্যাপারেই কর্ম ও কর্মফল উভয়ের মধ্যে আনুপাতিক হিসাব ও নিয়মের একটি ধারা স্বয়ং আল্লাহ তায়ালাই প্রবর্তন করিয়া রাখিয়াছেন এবং তাহা স্বীয় বাণী ও রসুলের মারফত ব্যক্তও করিয়া দিয়াছেন যে, প্রতি নেক কাজে দশগুণ হইতে সাত শত গুণ পর্য্যন্ত বা ততোধিক গুণ নেকী ও তাহার প্রতিফল দেওয়া হইবে।

রোযার প্রতি আল্লাহ তায়ালা স্বীয় আদর, প্রীতি ও অনুরাগ প্রকাশার্থে ঘোষণা করেন যে, উহার প্রতিদান আমি দয়ালু অফুরন্ত খাজানার মালিক নিজ ইচ্ছা, অভিরুচি ও তৃপ্তি পরিমাণ মনঃপূত ও মনোমতরূপে দান করিব—যাহার মধ্যে কোন নিয়ম বা আনুপাতিক হিসাবের সীমাবদ্ধতা থাকিবে না। কি দিব? কত দিব? তাহা আমিই জানি।

আলোচ্য হাদীছ দ্বারা ইমাম বোখারী (রঃ) একটি পরিচ্ছেদ উল্লেখ করিয়াছেন যে, ঝগড়া বিবাদ বারণ করা ইত্যাদি উত্তম উদ্দেশ্যে যদি নিজের রোযাকে অস্ত্রের নিকট প্রকাশ করে তবে তাহা দোষণীয় নহে। (২৫৫ পৃঃ)

৯৭৩। হাদীছ :- من سهل رضى الله تعالى عنه

عَنِ النَّبِيِّ صَلَّى اللَّهُ عَلَيْهِ وَسَلَّمَ قَالَ إِنَّ فِي الْجَنَّةِ بَابًا يُقَالُ لَهُ
الرَّيَّانُ يَدْخُلُ مِنْهُ الصَّائِمُونَ يَوْمَ الْقِيَامَةِ لَا يَدْخُلُ مِنْهُ أَحَدٌ غَيْرُهُمْ
يُقَالُ آيِنَ الصَّائِمُونَ فَيَقُومُونَ لَا يَدْخُلُ مِنْهُ أَحَدٌ غَيْرُهُمْ فَإِذَا
دَخَلُوا أُغْلِقَ فَلَمْ يَدْخُلْ مِنْهُ أَحَدٌ ۝

অর্থ—সাহল (রঃ) হইতে বর্ণিত আছে, নবী ছালাল্লাহু আলাইহে অসাল্লাম বলিয়াছেন, (বিভিন্ন বেহেশত এবং সেই) বেহেশতের (বিভিন্ন প্রবেশ-দ্বার ও ফটক সমূহের মধ্যে প্রত্যেকটিই বিশেষ বিশেষ নামে অভিহিত) একটি ফটকের (এবং উহার এলাকাস্থ বেহেশতটির) নাম হইল “রাইয়ান”। পরকালে সেই ফটক দ্বারা একমাত্র ঐ মোমেনগণ প্রবেশ করিতে পারিবে যাহারা (হুনিয়াতে) রোযার অভ্যস্ত ও অনুরাগী ছিলেন।* অতঃ কেহ ঐ ফটকে প্রবেশ করিতে

* “রাইয়ান” শব্দের আভিধানিক অর্থ পিপাসামুক্ত। রোযাদারগণ ক্রুধা-তৃষ্ণা ভোগ করতঃ রোযা রাখিয়াছিল, সেই আমলের স্মরণে উহার প্রতিদানে সুখের বাসস্থানকে এই নামে নাম করণ করা হইয়াছে।

পারিবে না। রোযাদারগণকে বিষয়রূপে আহ্বান করা হইবে এবং তাঁহারা (সেই ফটকের প্রতি) অগ্রসর হইবেন, অতঃপর উহাতে প্রবেশ করিতে পারিবে না। রোযাদারগণ উহাতে প্রবেশ করার পর উহাকে বন্ধ করিয়া দেওয়া হইবে; অতঃপর কেহই উহাতে প্রবেশ করিতে পারিবে না।

৯৭৪। হাদীছঃ—

عن أبي هريرة رضى الله تعالى عنه

قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ مَنْ أَفْتَقَ زَوْجَيْنِ فِي سَبِيلِ
 اللَّهِ نُودِيَ مِنْ أَبْوَابِ الْجَنَّةِ يَا عَبْدَ اللَّهِ هَذَا خَيْرٌ - فَمَنْ كَانَ
 مِنْ أَهْلِ السَّلَوةِ دُعِيَ مِنْ بَابِ السَّلَوةِ - وَمَنْ كَانَ مِنْ أَهْلِ الْجِهَادِ
 دُعِيَ مِنْ بَابِ الْجِهَادِ - وَمَنْ كَانَ مِنْ أَهْلِ الصِّيَامِ دُعِيَ مِنْ بَابِ
 الرِّيَّانِ - وَمَنْ كَانَ مِنْ أَهْلِ الصَّدَقَةِ دُعِيَ مِنْ بَابِ الصَّدَقَةِ -
 فَقَالَ أَبُو بَكْرٍ رَضِيَ اللَّهُ تَعَالَى عَنْهُ يَا رَسُولَ اللَّهِ
 مَا عَلَى مَنْ دُعِيَ مِنْ ذَلِكَ إِلَّا أَبْوَابُ مِنْ ضَرُورَةٍ فَهَلْ يَدْعَى أَحَدٌ
 مِنْ ذَلِكَ إِلَّا أَبْوَابَ كُلِّهَا قَالَ نَعَمْ وَارْجُوا أَنْ تَكُونُوا مِنْهُمْ ۝

অর্থ— আবু হোরাযরা (রাঃ) হইতে বর্ণিত আছে, রসূলুল্লাহ হাদীছালাইহে অসাল্লাম ফরমাইয়াছেন—যে ব্যক্তি এক জোড়া জিনিস আল্লাহ রাস্তায় দান করিবে তাহাকে বেহেশতের যতগুলি গেট আছে প্রত্যেকটি গেট হইতে ডাকা হইবে—হে আল্লাহর খাছ বন্দা! (এদিকে আসুন;) এইটি ভাল।

অতঃপর যাহারা আহলে-ছালাত হইবেন তথা যাহাদের নামাযের সঙ্গে বেশী মহব্বত এবং বৈশিষ্ট্য ছিল—অর্থাৎ যাহারা ফরজ এবাদৎ সমূহ আদায় করিয়া অভিরিক্ত নফল নামায পড়িতে বেশী ভাল বাসিতেন তাঁহাদিগকে বাবোছ-ছালাত তথা নামায গেট হইতে ডাকা হইবে। যাহারা আহলে-জহাদ হইবেন অর্থাৎ জেহাদ বেশী ভাল বাসিতেন তাঁহাদিগকে বাবোল-জেহাদ তথা জেহাদ-গেট হইতে ডাকা হইবে। যাহারা আহলে-হিয়াম হইবেন, অর্থাৎ যাহারা অত্যাশ্রয় এবাদৎ ফরজ পরিমাণ আদায় করিয়া অতিরিক্ত নফল রোযা করিতে

বেশী অনুরাগী ছিলেন তাহাদিগকে বাবো-রাইয়ান তথা রাইয়ান নামক গেট হইতে ডাকা হইবে। যাহারা আহলে-ছদকা হইবেন অর্থাৎ দান-সাহায্যকারী তাহাদিগকে বাবো-ছদকা তথা দান-গেট হইতে ডাকা হইবে।

রসুল্লাহ ছাল্লাল্লাহু আলাইহে অসাল্লামের মুখে এই বর্ণনা শ্রবণ করিয়া আবু বকর ছিদ্দিক রাজিয়াল্লাহু তায়ালা আনহু বলিলেন, ইয়া রসুল্লাহ! এক জন লোককে সমস্ত গেট হইতে ডাকা হউক, ইহার প্রয়োজন ত নাই, কিন্তু (আপনি যেরূপ বলিয়াছেন, প্রকৃত প্রস্তাবেই কি সেই রূপে) কোন লোককে সমুদয় গেট হইতে ডাকা হইবে? নবী ছাল্লাল্লাহু আলাইহে অসাল্লাম বলিলেন, হাঁ—সেইরূপও হইবে এবং আশা করি, আপনি ঐ দলেরই একজন হইবেন।

ব্যাখ্যা :—এখানে তিনটি বিষয়ের তাৎপর্য উপলব্ধি করা আবশ্যক।

(১) আল্লার রাস্তায় দান করার তাৎপর্য (২) এক জোড়া জিনিসের তাৎপর্য (৩) এবং বেহেশতের গেট সমূহের বিষয় উক্তি ‘এইটি ভাল’ ইহার তাৎপর্য।

● আল্লার রাস্তায় দান করার অর্থ আল্লার দীন জারী করার এবং দীন জারী রাখার যে কোন কাজে দান করা। আল্লার দীন জারী করাতে বাঁধা দেয় যে কাকের শত্রুগণ তাহাদের সঙ্গে জেহাদ ও যুদ্ধ পরিচালনা কার্যে হউক বা আল্লার দীন শিক্ষাদান কার্যে হউক বা মৌখিকভাবে কিস্মা লিখিত আকারে আল্লার দীন প্রচার করার কাজে হউক। আল্লার দীন অর্থে আল্লার রসুল যাহা কিছু আল্লার দরবার হইতে আনিয়া মানব জাতির মুক্তি ও মঙ্গলের জন্য তাহাদিগকে দান করিয়াছেন—কোরআন আকারে বা হাদীছ আকারে তথা রসুলের কথা ও কার্য দ্বারা কোরআনের ব্যাখ্যা আকারে। যেহেতু দীন জারী করার মধ্যে দীনের সব শাখাই অন্তর্ভুক্ত, সুতরাং আল্লার দীন জারী করার কাজে সাহায্যকারী ও দানকারীকে সব গেট হইতে আহ্বান করা হইবে। এবাদৎ সমূহের ফরজ পরিমাণ আদায়ের পর নফল পর্যায়ে যাহার যে প্রকার এবাদতের প্রতি বেশী মহব্বত এবং অধিক অনুরাগ ছিল তাহাকে সেই সংশ্লিষ্ট গেট হইতে আহ্বান করা হইবে।

নামাযের প্রতি যাহার অধিক মহব্বত, অধিক অনুরাগ ও বৈশিষ্ট্য ছিল তাহাকে নামায-গেট হইতে আহ্বান করা হইবে। দান ছাখাওয়াত, খয়রাত, যাকাতের প্রতি এবং খেদমতে-খাল্ক ও পরোপকারের প্রতি যাহার অধিক অনুরাগ, মহব্বত ও বৈশিষ্ট্য ছিল তাহাকে যাকাত-গেট হইতে আহ্বান করা হইবে। রোযার প্রতি যাহার বেশী মহব্বত এবং অধিক অনুরাগ ও বৈশিষ্ট্য ছিল তাহাকে রোযার দরওয়াজা—রাইয়ান নামক গেট হইতে আহ্বান করা হইবে। জেহাদের প্রতি যাহার বেশী মহব্বত ছিল অর্থাৎ কাকেরদের বিরুদ্ধে জেহাদ করিতে যে অধিক অনুরাগী ছিল তাহাকে জেহাদ-গেট হইতে আহ্বান করা হইবে।

এইরূপে যেই ব্যক্তি অধিক পরিমাণে এবং বরাবর আল্লাহর নিকট তওবা এস্তেগফার করতঃ ক্ষমা প্রার্থনা করিতে বেশী ভাল বাসিত তাহাকে বাবোত-তওবা তথা তওবা-গেট হইতে আহ্বান করা হইবে। যে ব্যক্তি স্বীয় অধীনস্থ ক্রটাকারীকে ক্ষমা করিতে এবং ক্রোধ দমন করিয়া রাখিতে অধিক অভ্যস্ত ছিল তাহাকে বাবোল-কাযেমীনা-ল-গয়য্ অল-আফীনা আনিলাছ তথা ক্রোধ দমন-কারী ক্ষমাকারীদের গেট হইতে আহ্বান করা হইবে। যে ব্যক্তি সুখে-দুঃখে সর্ববাবস্থায় আল্লাহ তায়ালার শোকর ও কৃতজ্ঞতা জ্ঞাপন অধিক পরিমাণে করিয়া থাকিত এবং কষ্ট-ক্লেশ অবস্থায়ও ছবর ও ধৈর্যধারণ করতঃ শান্ত, সন্তুষ্ট ও তুষ্ট থাকিত তাহাকে বাবোর-রাযীন তথা তুষ্ট ও শান্তদের গেট হইতে আহ্বান করা হইবে। বেহেশতের এই আটটি গেট বা দরওয়াজার বিষয়ই হাদীছে উল্লেখ আছে।

● এক জোড়া জিনিস নিজের তহবিল হইতে বাহির করিয়া দান করার অর্থ এই যে, প্রত্যেকবারই যখন দান করে—যে কোন জিনিসই দান করুক না কেন, তখন একটি মাত্র জিনিসই দান করে না, বরং এক জোড়া জিনিস দান করে। যেমন—এক জোড়া কাপড়, এক জোড়া ঘোড়া, এক জোড়া ঢাল-তলওয়ার, ইত্যাদি। এবং প্রত্যেকবারই পূর্বের দানের কথা ভুলিয়া গিয়া বর্তমানের একেবারের সঙ্গে ভবিষ্যতের আরও একবারকে মিলাইয়া জোড়া বানাইবার নিয়ত ও আশা রাখে। দানকারীর জন্ত পূর্বকৃত দান ভুলিয়া যাওয়াই অধিক ভাল এবং আগামীতে আরও এইরূপ দান করিবে এই আশা ও নিয়ত করাই অধিক ফজিলতজনক। কিন্তু দান এহীতার জন্ত ইহার বিপরীত অর্থাৎ পূর্বের কিঞ্চিৎ দানও জীবনে কখনো ভুলিয়া যাওয়া চাই না এবং ভবিষ্যতে পুনঃ পুনঃ দান গ্রহণের আশা বা ইচ্ছা মনে পোষণ করা চাই না।

● বেহেশতের গেট ও দরওয়াজা সমূহের প্রত্যেকটির বিষয় এই উক্তি যে, “এইটি ভাল” ইহার অর্থ এই যে, বেহেশত সবই ভাল, সেখানে মন্দের নাম নিশানও নাই, কিন্তু যে ফেরেশতা যেই গেট ও দরওয়াজার তত্ত্বাবধায়ক তিনি সেইটিকেই সবচেয়ে ভাল মনে করিতেছেন এবং এই অনুসারেই ইহা বলিতেছেন।

রমজান মাসের মর্যাদা

৯৭৫। হাদীছঃ— يَقُولُ أَبُو هُرَيْرَةَ رَضِيَ اللَّهُ تَعَالَى عَنْهُ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ إِذَا دَخَلَ شَهْرُ رَمَضَانَ فَتُكْتَبُ أَبْوَابُ السَّمَاءِ وَتُغْلَقُ أَبْوَابُ جَهَنَّمَ وَتُسَلِّسُ الشَّيَاطِينُ ۝

অর্থ—আবু হোরায়ারা (রাঃ) বর্ণনা করিয়াছেন, রমজুনাহ ছালাম্মাহ আলাইহে অসাল্লাম বলিয়াছেন, যখন রমজান মাস আরম্ভ হয় তখন হইতে আকাশের (রহমতের) দরওয়াজা সমূহ খুলিয়া দেওয়া হয়, (বেহেশতের দরওয়াজা সমূহ খুলিয়া দেওয়া হয়) এবং জাহান্নামের সমুদয় দরওয়াজা বন্ধ করিয়া দেওয়া হয় এবং (অধিক দৃষ্ট, নেতৃস্থানীয়) শয়তানগুলিকে শৃঙ্খলে আবদ্ধ করিয়া দেওয়া হয়।

ব্যাখ্যা :—আলোচ্য রেওয়ায়েতে আকাশের দরওয়াজা খুলিয়া দেওয়ার উল্লেখ হইয়াছে। অতঃপর এক রেওয়ায়েতে রহমতের দরওয়াজা খোলার উল্লেখ আছে এবং এক রেওয়ায়েতে বেহেশতের দরওয়াজা খোলার উল্লেখ আছে। সব রেওয়ায়েতের মূল তাৎপর্য একই। রমজান মাসে বিশেষরূপে অতি মাত্রায় এবং কোন নির্দিষ্ট সময়ের বিশেষত্ব লক্ষ্য না করিয়া সর্বদা আল্লাহ রহমত নাযেল হইতে থাকে। তাই আকাশ আল্লাহ রহমত-বাহক ফেরেশতা নাযেল হওয়ার দরওয়াজা সমূহ সর্বদা খোলা থাকে এবং আল্লাহ তায়ালার রহমতের প্রধান কেন্দ্র বেহেশতের দরওয়াজা সমূহ রমজান মাসের সম্মানার্থে খুলিয়া রাখা হয়।

● রমজান মাসের বিশেষত্ব হিসাবে জগদ্বাসীর প্রতি যেরূপ রহমত নাযেল করার ব্যবস্থা রাখা হয় তদ্রূপ রমহতের বিপরীত আল্লাহ তায়ালার গজব ও আজাবের কারণ তথা শয়তানী আন্দোলন ও কার্যকলাপ কম করার ব্যবস্থাও করা হয় যে—বড় বড় শয়তানগুলিকে আবদ্ধ করিয়া দেওয়া হয়।

আল্লাহ তায়ালা সর্ববশক্তিমান। শয়তানী আন্দোলন ও কার্যকলাপকে সমূলে উচ্ছেদ করার ইচ্ছা করিলে মুহূর্তের মধ্যে তিনি তাহা করিতে পারেন, কিন্তু ইহাতে জাগতিক জীবনের পরীক্ষার উদ্দেশ্য পণ্ড হয়, তাই আল্লাহ তায়ালা তাহা করেন না। এই জন্তই ইবলিসের সাধারণ অনুচরবৃন্দ এবং মানুষের আকৃতিতে শয়তান প্রকৃতির ব্যক্তিবর্গ এবং মানুষের নফছে-আন্নারা তহুপরি দীর্ঘ এগার মাস শয়তানী আন্দোলনের প্রতিক্রিয়া প্রভৃতির সক্রিয়তা বন্ধ করা হয় না। অবশ্য আল্লাহ তায়ালা রমজান মাসের সম্মানার্থে স্বীয় বন্দাগণকে বিশেষ সুযোগ প্রদানার্থে নেতৃস্থানীয় বড় বড় শয়তানগুলিকে আবদ্ধ করিয়া দেন। বন্ধরূপে আল্লাহ প্রতি ধাবিত হওয়ার পথ ধরা সহজ হইয়া যায়। মানব যেন এই সুবর্ণ সুযোগ হেলায় না হারায় সেজন্ত করুণাময় আল্লাহ তায়ালার তরফ হইতে একজন ফেরেশতা পবিত্র রমজান মাসে আল্লাহ বন্দাদিগকে প্রতি দিন এই আহ্বান জানাইতে থাকেন, **يا باغي الخير اقبل ويا باغي الشر اقم**, “হে সত্যাবেষী সুপথের পথিক! (এই পবিত্র রমজানের সুবর্ণ সুযোগে) দ্রুত সম্মুখপানে অগ্রসর হও, উন্নতি লাভ কর। হে কু-পথশায়ী! (হেলায় এই সুযোগ হারাইও না। এই পবিত্র রমজানে স্বীয় আত্ম-সংশোধন ও পবিত্রতা

লাভে স্বচেষ্ট হও এবং কু-কার্য হইতে) কাস্ত হও, সতর্ক হও ।”

অর্থাৎ—যেহেতু পবিত্র রমজান মাসে আল্লাহ তায়ালার রহমতের দরওয়াজা সমূহ সর্বদা খোলা থাকে, রহমত লাভ করা সহজ সুলভ হয়; তাই এই সুযোগের প্রতিটি মুহূর্তকে স্বীয় উন্নতির সম্বলরূপে গ্রহণ কর। আপন জীবনের উন্নতি সাধনে অগ্রসর হও অগ্রণী হওয়ার চেষ্টা কর, যেক্রপ কোন ব্যবসায়ী স্বীয় ব্যবসায়ের মোসুম, সুযোগ ও হাট ঘাট, মেলা-বান্নিকে উন্নতির বিশেষ সহায়ক ও সম্বলরূপে গ্রহণ করিয়া থাকে।

পক্ষান্তরে রমজান মাসে অসত্যের ও কু-পথের বড় বড় আন্দোলনকারীরা আবদ্ধ রহিয়াছে, কু-পথ হইতে ফিরিয়া আসা ও কু-কার্যকে ত্যাগ করা অপেক্ষাকৃত সহজ সাধ্য হইয়াছে, অসংখ্য বাধা বিপত্তির উপশম হইয়াছে, ফিরার পথের বেড়াভাল সমূহের লাঘব ঘটিয়াছে। এই সুবর্ণ সুযোগকে হেলায় হারাইও না, এই সোনালী সময়কে চৈতন্যহীন অবস্থায় আতিবাহিত করিও না। সুযোগের সদ্যবহার কর, অতীত জীবনের অন্ধকার পথে আর অগ্রসর হইও না, থাম। এই সুযোগেই পশ্চাদে পরিত্যক্ত আলোর পথে ফিরিয়া আস।

আল্লাহ তায়ালা কত মেহেরবান করুণাময়! স্বীয় বন্দাদিগকে সুযোগ দান করিয়া সেই সুযোগের ঘোষণা এবং আহ্বানও জানাইয়া দিতেছেন। শুধু এক দুইবার নয়, বরং সুযোগের প্রতিটি দিনেই এই আহ্বান আসিতে থাকে। যাহাদের শ্রবণ শক্তি আছে তাঁহারা সরাসরি সেই আহ্বান শুনিতে পারেন। যাহারা সেই স্তরে পৌঁছিতে পারে নাই আল্লাহ তায়ালা তাহাদিগকে সত্য রসুলের মারফৎ সেই আহ্বানের সংবাদ পৌঁছাইয়া দিয়াছেন।

পরীক্ষাক্ষেত্রের অনুপযুক্ত— পরীক্ষা-বিষয়ে পরীক্ষার্থীর স্বায়ত্ত্ব শাসিত স্বাধীনতাকে খর্বকারী—বাধ্য-বাধকতামূলক ব্যবস্থা বাতীত পরম দয়ালু আল্লাহ তায়ালা স্বীয় বন্দাদের জন্য সকল প্রকার ব্যবস্থাই করিয়া রাখিয়াছেন। কোন ব্যক্তি যদি এসব ব্যবস্থার সুযোগ গ্রহণ না করিয়া স্বীয় ভ্রষ্টতাকেই আঁকড়াইয়া থাকে তবে তাহার পক্ষে এসব সুযোগের কোন মূল্যই হইবে না।

রোযা অবস্থায় মিথ্যায় লিপ্ত হওয়ার বিষময় ফল

৯৭৬। হাদীছঃ—

عَنِ أَبِي هُرَيْرَةَ رَضِيَ اللَّهُ تَعَالَى عَنْهُ قَالَ الذَّيْبِيُّ صَلَّى اللَّهُ عَلَيْهِ وَسَلَّمَ مَنْ لَمَّ يَدْعُ قَوْلَ الزُّورِ وَالْعَمَلُ بِهٖ فَلَيْسَ لِلَّهِ حَاجَةٌ فِي أَنْ يَدْعَ طَعَامًا وَشَرَابًا ۝

অর্থ—আবু হোরাযরা (রাঃ) হইতে বর্ণিত আছে, নবী ছালাল্লাহু আলাইহে অসাল্লাম বলিয়াছেন, যে ব্যক্তি মিথ্যা কথা ও মিথ্যা কার্য পরিত্যাগ না করিবে ঐ ব্যক্তির পানাহার পরিত্যাগ করার কোনই মূল্য আল্লাহর নিকট নাই।

ব্যাখ্যা :— এই হাদীছের উদ্দেশ্য মিথ্যাবাদীকে রোযা পরিত্যাগ করার পরামর্শ দেওয়া নহে। বরং মিথ্যাবাদীকে মিথ্যা পরিত্যাগ করতঃ রোযার পূর্ণ সুফল লাভ করার প্রতি আহ্বান করাই এই হাদীছের একমাত্র উদ্দেশ্য। যেহেতু কোন চিকিৎসক স্বীয় রোগীকে ঔষধ প্রদান করতঃ সতর্ক করিয়া দিয়া থাকে যে— অমুক অমুক কু-পথ্য ব্যবহার করিলে ঔষধ ব্যবহারে কোন ফল হইবে না। এই সতর্কবাণী শুনিয়া রোগী যদি ঐ সকল কু-পথ্যকেই আঁকড়াইয়া থাকে এবং নিফল মনে করিয়া ঔষধ ব্যবহারে বিরত থাকে তবে তাহার ধ্বংস অনিবার্য।

রোযাদারের আনন্দ

৯৭৭। হাদীছ : - يَقُولُ أَبُو هُرَيْرَةَ رَفَى اللَّهُ تَعَالَى عَنْهُ

قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ ... لِلْمَائِمِ فَرْحَتَانِ

يَوْمَ رَحُّهُمَا إِذَا أَفْطَرَ فَرِحَ وَإِذَا لَقِيَ رَبَّهُ فَرِحَ بِسُؤْمِهِ ۝

অর্থ :—আবু হোরাযরা (রাঃ) বলিয়াছেন, রসূলুল্লাহ ছালাল্লাহু আলাইহে অসাল্লাম বলিয়াছেন.....যাহারা রোযা রাখিয় থাকে তাহাদের জ্ঞাত আনন্দ উপভোগের বিশেষ দুইটি সুযোগ রহিয়াছে। প্রথমতঃ—এক্তার করার সময়। দ্বিতীয়তঃ—যখন স্বীয় পালনকর্তার নিকট উপস্থিত হইবে তখন রোযার (প্রতিষল প্রত্যক্ষরূপে দেখা ও উপভোগ করার) দরুন সে আনন্দিত হইবে।

ব্যাখ্যা :—প্রথম আনন্দের কারণ স্পষ্ট যে, আল্লাহ তায়ালার তৌফিক দানে রোযা পূর্ণ হইয়াছে, এখন আল্লাহ তায়ালার নেয়ামত সামগ্রী উপভোগ করার অনুমতি লাভ হইয়াছে। এই প্রথম আনন্দেরও দুইটি সুযোগ রহিয়াছে। প্রথম হইল প্রতিদিন এক্তারের সময় যখন ঘরে ঘরে আনন্দের হিল্লোল প্রবাহিত হইতে দেখা যায়। দ্বিতীয় হইল যখন সমগ্র রমজান মাসের রোযা সম্পূর্ণ করিয়া দীর্ঘকালের জ্ঞাত এক্তার করা হয় অর্থাৎ ঈদুল-ফেতরের দিনে; যখন ঘরে বাহিরে, পথে-ঘাটে, হাটে-মাঠে, সমগ্র দেশময় ও সমগ্র মোসলেম জাতির ভিতরে বাহিরে আনন্দ উল্লাসের স্রোত বহিয়া যায়। নারী-পুরুষ, শিশু-যুবক আবাল-বৃদ্ধ-বণিতা নিবিধশেষে সকলের মুখেই হাসি-খুশীর ঢেউ খেলিয়া থাকে।

দ্বিতীয় আনন্দ—ইহাই স্থায়ী এবং পূর্ণ ও আসল আনন্দ। উহা লাভ হইবে যখন পরজগতে যাইয়া আল্লাহ তায়ালা দরবার হইতে তাঁহারই বিধোষিত ৫: ১৬ “الرَّحْمَنُ لِي وَأَنَا لِرَّحْمَنٍ” “রোযা আমার বস্তু, উহার প্রতিদানে আমি আমার মনঃপূত ও মনোমত প্রতিফল দান করিব” এই প্রতিফল লাভ করিবে।

যৌন উত্তেজনা রোধে রোযা

৯৭৮। হাদীছঃ—قَالَ عَبْدُ اللَّهِ بْنُ مَسْعُودٍ رَضِيَ اللَّهُ تَعَالَى عَنْهُ:—
كُنَّا مَعَ النَّبِيِّ صَلَّى اللَّهُ عَلَيْهِ وَسَلَّمَ فَقَالَ مَنِ اسْتَطَاعَ الْبَاءَةَ
فَلْيَتَزَوَّجْ فَإِنَّهُ أَغْضُ لِلْبَصْرِ وَأَخْصَنُ لِلْفَرْجِ وَمَنْ لَمْ يَسْتَطِعْ
فَعَلَيْهِ بِالْكُومِ فَإِنَّهُ لَهُ وَجَاءٌ -

অর্থঃ—আবদুল্লাহ ইবনে মসউদ (রাঃ) বর্ণনা করিয়াছেন, একদা আমরা নবী ছালাল্লাহু আলাইহে অসাল্লামের সঙ্গী ছিলাম। তিনি বলিলেন, যাহার বিবাহ করার সামর্থ আছে তাহার বিবাহ করা কর্তব্য। কারণ, বিবাহ চক্ষুর দৃষ্টিকে সংযত রাখিতে এবং যৌন উত্তেজনাকে প্রশমিত রাখিতে বিশেষ সহায়ক হয়। যে ব্যক্তি অপারক; বিবাহের (খরচ ও স্ত্রীর ভরণ পোষণের) সামর্থ রাখে না তাহার কর্তব্য হইবে রোযা রাখিয়া যাওয়া। ধারাবাহিক রোযার দ্বারা তাহার কাম-রিপুর দমন সাধিত হইবে, যৌন উত্তেজনার উপশম হইবে।

চাঁদ দেখার উপর রোযা ও ঈদ নির্ভরশীল

বিশিষ্ট ছাহাবী আম্মার (রাঃ) হইতে বর্ণিত আছে, যে ব্যক্তি সন্দেহের দিনে (অর্থাৎ ২৯ শা'বান চাঁদ দেখার কোন প্রমাণ না থাকা সত্ত্বেও শুধু সম্ভাবনা সূত্রে) রোযা রাখে সে রসূলুল্লাহ ছালাল্লাহু আলাইহে অসাল্লামের অবাধ্য গণ্য হইবে।

৯৭৯। হাদীছঃ—عَنْ ابْنِ عُمَرَ رَضِيَ اللَّهُ تَعَالَى عَنْهُ قَالَ
إِنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ ذَكَرَ رَمَضَانَ فَقَالَ لَا تَصُومُوا
حَتَّى تَرَوْا الْهِلَالَ وَلَا تُفْطِرُوا حَتَّى تَسْرُوهُ فَإِنَّ غَمَّ عَلَيْكُمْ
فَأُذِرُوا لَهُ ۝

অর্থ :—আবুহুলাহ ইবনে ওমর (রাঃ) হইতে বর্ণিত আছে, একদা রসূলুল্লাহ ছালাল্লাহু আলাইহে অসাল্লাম রমজানের আলোচনা করতঃ বলিলেন, যাবৎ (রমজানের) চাঁদ দেখা (প্রমাণিত) না হয় তাবৎ রোযা রাখিও না। তজ্জপ যাবৎ (শওযালের) চাঁদ দেখা (প্রমাণিত) না হয় রোযা পরিত্যাগ করিও না। যদি (নূতন) চাঁদ প্রকাশিত না হয় তবে (রোযা রাখা না রাখার ব্যাপারে ত্রিশ দিনে মাসের) হিসাব গ্রহণ করিতে হইবে।

৯৮০। হাদীছ :—
عن ابن عمر أن رسول الله صلى الله عليه وسلم
قال الشهر تسع وعشرون ليلة فلا تصوموا حتى تروا نانا ثم
عليكم ناكموا العدة ثلاثين ۝

অর্থ :—আবুহুলাহ ইবনে ওমর (রাঃ) হইতে বর্ণিত আছে, রসূলুল্লাহ ছালাল্লাহু আলাইহে অসাল্লাম বলিয়াছেন, কোন কোন মাস উনত্রিশ দিনেও হইয়া থাকে, কিন্তু (শা'বানের উনত্রিশ তারিখে) চাঁদ না দেখা পর্য্যন্ত রোযা রাখিও না। যদি (সেই দিন) চাঁদ প্রকাশ না হয় তবে ত্রিশ দিনের গণনা পূর্ণ কর।

৯৮১। হাদীছ :—
يقول ابن عمر قال النبي صلى الله عليه وسلم
الشهر كذا وكذا وخمس ألبها في الثلثة

অর্থ—আবুহুলাহ ইবনে ওমর (রাঃ) বর্ণনা করিয়াছেন, নবী ছালাল্লাহু আলাইহে অসাল্লাম বলিয়াছেন, রোযার মাস কোন সময় উনত্রিশ দিনেও হয় এবং এইরূপে ইশারা করিয়া দেখাইয়াছেন—উভয় হাতের আঙ্গুল সমূহ উন্মুক্ত করিয়া তিনবার দেখাইয়াছেন, কিন্তু তৃতীয়বার একটি আঙ্গুল আবদ্ধ রাখিয়াছেন।

৯৮২। হাদীছ :—
يقول ابو هريرة رضى الله تعالى عنه
قال النبي صلى الله عليه وسلم صوموا لرؤيته فان غيب عليكم
فاكموا عدة شعبان ثلاثين ۝

অর্থ—আবু হোরায়রা (রাঃ) বর্ণনা করিয়াছেন, নবী ছালাল্লাহু আলাইহে অসাল্লাম আদেশ করিয়াছেন, তোমরা (রমজানের) চাঁদ দেখিয়া রোযা রাখ এবং

(শওযালের) চাঁদ দেখিয়া রোযা পরিত্যাগ কর। যদি (রমজানের) চাঁদ (শাবানের ২৯ তারিখে) প্রকাশ না হয় তবে (শাবানের) গণনা ৩০ দিন পূর্ণ কর।

৯৮৩। হাদীছঃ— **عن أبي بكر عن النبي صلى الله عليه وسلم** —

قَالَ شَهْرَانِ لَا يَنْقُصَانِ شَهْرًا عِيدٌ وَرَمَضَانٌ وَذُو الْحِجَّةِ

অর্থ—আবু বকরাহ (রাঃ) হইতে বর্ণিত আছে নবী ছাল্লাল্লাহু আলাইহে অসাল্লাম বলিয়াছেন, দুই ঈদের দুই মাস অর্থাৎ রমজান মাস ও জিলহজ্জ মাস (কোন অবস্থাতেই) অসম্পূর্ণ গণ্য হয় না।

ব্যাখ্যাঃ—রমজান মাস প্রথম হইতে শেষ পর্য্যন্ত সম্পূর্ণ মাসই অতি ফজিলতের মাস। জিলহজ্জ মাসও তদ্রূপ; উহার প্রথম দশ দিন ত বিশেষ ফজিলতের আছেই, সম্পূর্ণ মাসেরও অপেক্ষাকৃত ফজিলত আছে। এই মাসদ্বয়ের ফজিলত ত্রিশ দিন হইলে যেরূপ উনত্রিশ দিন হইলেও তদ্রূপ। উনত্রিশ দিন হইলে এইরূপ ধারণা করা ভুল হইবে যে, এ বৎসর এই মাস অসম্পূর্ণ রহিয়া গেল।

বর্তমান যুগে রমজান মাস উনত্রিশ দিনের হইলে কোন কোন লোককে এই বলিয়া অনুতাপ করিতে শুনা যায় যে, এবার আমাদের রমজান পূরা হইল না। এরূপ উক্তি ও অনুতাপ আলোচ্য হাদীছের বিপরীত, এরূপ করা চাই না।

৯৮৪। হাদীছঃ— **ابن عمر عن النبي صلى الله عليه وسلم** —

قَالَ إِنَّا أُمَّةٌ أُمِّيَّةٌ لَا نَكْتُبُ وَلَا نَحْسِبُ الشَّهْرَ هَكَذَا وَهَكَذَا يَعْنِي

مَرَّةً تِسْعَةً وَثَمَانِينَ وَمَرَّةً ثَلَاثِينَ ۝

অর্থ—ইবনে ওমর (রাঃ) বর্ণনা করিয়াছেন, নবী ছাল্লাল্লাহু আলাইহে অসাল্লাম বলিয়াছেন, আমাদের মধ্যে বহু লোক বিদ্বাহীন নিরক্ষর আছে এবং হইবে—যাহারা লেখা-পড়া এবং (নক্ষত্রের ভ্রমন ও তিথির) হিসাব নিকাশ হইতে অজ্ঞ। অতঃপর হযরত (দঃ) ইশারা করিয়া দেখাইলেন—মাস কোন সময় উনত্রিশ দিনের হয় এবং কোন সময় ত্রিশ দিনেও হয়।

ব্যাখ্যাঃ—শরীযতের অধিকাংশ বিষয় তাঁদের হিসাবের উপর হস্ত করা হইয়াছে, কারণ চাঁদ অতিশয় স্পষ্ট ও উজ্জল দীপ্তিমান বস্তু এবং এরূপ প্রকাশ পরিবর্তনশীল যে, বিশেষ কোনও হিসাব নিকাশ বা দৃষ্টির অগোচর বিষয়বস্তুর উপর নির্ভর না করিয়া উহার দ্বারা মাসের হিসাব নির্দ্ধারিত করা যায়। উহার হিসাব সর্বসাধারণের জ্ঞান সহজ সাধ্য এবং অকাট্য। তাই তাঁদের হিসাবের

উপরই ইসলামের বিভিন্ন হুকুম-আহকাম স্থাপন করা হইয়াছে, কারণ উম্মতের মধ্যে অনেক লোক শিক্ষা-দীক্ষাহীন হইবে যাহারা লেখাপড়া হিসাব-কিতাব হইতে অজ্ঞ। অদৃশ্য সূক্ষ্ম হিসাব-কিতাবের উপর নির্ভরশীলবস্তুর উপর শরীয়তের হুকুম স্থাপন করা হইলে অধিকাংশের জ্ঞানই তাহা সহজ সাধ্য হইত না।

রমজানের চাঁদ দেখার পূর্বেই রোযা আরম্ভ করা নিষিদ্ধ

৯৮৫। হাদীছঃ—
 عَنْ أَبِي هُرَيْرَةَ رَضِيَ اللَّهُ عَنْهُ قَالَ لَا يَتَقَدَّرُ مِنْ أَحَدِكُمْ رَهْضَانٌ بِصَوْمٍ يَوْمٍ أَوْ يَوْمَيْنِ إِلَّا أَنْ يَكُونَ رَجُلٌ كَانَ يَصُومُ صَوْمًا فَلْيَصُمْ ذَلِكَ الْيَوْمَ ۝

অর্থ—আবু হোরায়ারা (রাঃ) হইতে বর্ণিত আছে, নবী ছালাল্লাহু আলাইহে অসাল্লাম বলিয়াছেন, খবরদার। কোন ব্যক্তি রমজানের চাঁদ দৃষ্ট হওয়ার এক দুই দিন পূর্ব হইতে রোযা রাখা আরম্ভ করিবে না। হাঁ—যদি কোন ব্যক্তির স্থিরকৃত ও রোযার অভ্যস্ত দিন ঐরূপ তারিখে হয় তবে সে ঐদিন রোযা রাখিতে পারে। (যেমন কোন ব্যক্তি প্রতি সপ্তাহের বৃহস্পতি ও শুক্রবারের রোযা রাখার অভ্যস্ত। ঘটনাক্রমে কোন সপ্তাহের এইবার দুইটি রমজানের এক দুই দিন পূর্বে আসিল, সেই ব্যক্তি ঐদিনের রোযা রাখিতে পারিবে।)

রমজানের রাত্রে পান-আহার ইত্যাদি জায়েয

আল্লাহ তায়ালা কোরআন শরীফে ফরমাইয়াছেন—

أَحِلَّ لَكُمْ لَيْلَةَ الصِّيَامِ الرَّفَثُ إِلَى نِسَائِكُمْ - هُنَّ لِبَاسٌ لَكُمْ وَأَنْتُمْ لِبَاسٌ لَهُنَّ - عَلِمَ اللَّهُ أَنَّكُمْ كُنْتُمْ تَخْتَانُونَ أَنْفُسَكُمْ فَتَابَ عَلَيْكُمْ وَعَفَا عَنْكُمْ - فَالْآنَ بَاشِرُوهُنَّ

অর্থ—রোযার রাত্রে তোমাদের জ্ঞাত স্ত্রী ব্যবহার করা জায়েয ও হালাল করা হইল। স্ত্রীদের প্রতি তোমাদের অভীষ্টা, অনুরাগ ও গাঢ় সম্পর্ক এরূপ যেন পরস্পর একে অন্নের পরিধের পোষাক; (যদ্বন্ধন) তোমাদের (কাহারও কাহারও সেই আকর্ষণের ফলে শরীয়ত বিরোধী) নিজের ক্ষতিকারক কার্যে পতিত হওয়ার ঘটনা আল্লাহ তায়ালা জ্ঞাত হইয়াছেন। তাই তিনি দয়াপরবশ

হইয়া তোমাদের তওবা কবুল করিয়াছেন এবং তোমাদের গোনাহ মাফ করিয়া দিয়াছেন (এবং শরীয়তের বিধান বদলাইয়া দিয়াছেন)। এখন হইতে তোমরা (রমজানের রাত্রে) জ্ঞীদের সহিত সহবাস করিতে এবং আল্লাহ কর্তৃক নির্দ্ধারিত ভাগ্যানুপাতিক বস্তু (সন্তান) লাভের চেষ্টা করিতে পার। (২ পাঃ ৭ কঃ)

ব্যাখ্যা :—ইসলামের প্রাথমিক যুগে রোযার নিয়ম ও বিধান এই ছিল যে, নিদ্রামগ্ন হওয়ার মুহূর্ত্ত হইতেই রোযা আরম্ভ হইয়া যাইত। অর্থাৎ পানাহার ও জ্ঞী-সহবাস ইত্যাদি নিষিদ্ধ হইয়া যাইত। ফলে কোন কোন ছাহাবীর দ্বারা একরূপ ঘটনা ঘটয়া গেল যে, তারা বীহ ইত্যাদি হইতে অবসর হইয়া অধিক রাত্রে বাড়ী ফিরিয়া আসিতে আসিতে তাহার জ্ঞীর নিদ্রা আসিয়া গেল। কিন্তু বাড়ী পৌছিয়া সে স্বীয় জ্ঞীর নিদ্রামগ্নতাকে বৃথা অভ্যুহাত মনে করতঃ তাহার কথায় কর্ণপাত না করিয়া জ্ঞী-সহবাস করিল, অথচ জ্ঞীর নিদ্রামগ্ন হওয়ার দরুণ তাহার রোযা আরম্ভ হইয়া গিয়াছিল। এমতাবস্থায় তাহাকে সহবাসে বাধ্য করা শরীয়ত বিরোধী কার্য ছিল। তাই এইরূপ ঘটনা অনুষ্ঠানকারী ব্যক্তিগণ পরে শীতল মস্তিষ্কে প্রকৃত অবস্থা উপলব্ধি করার পর ভীষণ অনুতপ্ত হইয়া নিজে নিজেও তওবা করিলেন এবং হযরত রসুলুল্লাহ ছাল্লাল্লাহু আলাইহে অসাল্লামের দরবারেও ঘটনা ব্যক্ত করিলেন। এইরূপ ঘটনার উপরই উল্লিখিত আয়াত নাযেল হইল এবং চিরতরে শরীয়তের বিধান এই বিষয়ে সহজ করিয়া দেওয়া হইল যে, ছোবেহ-ছাদেক না হওয়া পর্য্যন্ত নিদ্রামগ্ন হওয়ার পরও পানাহার এবং জ্ঞীসহবাস জায়েয এবং ছোবেহ-ছাদেক হইতে রোযা আরম্ভ হইবে।

৯৮৬। হাদীছ :— বরা (রাঃ) বর্ণনা করিয়াছেন, মোহাম্মদ ছাল্লাল্লাহু আলাইহে অসাল্লামের ছাহাবীগণের উপর (রোযা ফরজ হওয়ার প্রাথমিক যুগে) এই বিধান বলবৎ ছিল যে, কোন রোযাদার একতারের সময় উপস্থিত হওয়ার পর একতারের বস্তু সম্মুখে রাখিয়া একতার করার পূর্ব মুহূর্ত্তে নিদ্রামগ্ন হইয়া পড়িলে সে পরবর্তী দিবসের সূর্যাস্ত পর্য্যন্ত কোন প্রকার পানাহার করিতে পারিত না। (কারণ, রাত্রে যে কোন অংশের নিদ্রা হইতে পরবর্তী দিবসের সূর্যাস্ত পর্য্যন্ত রোযার সময় নির্দ্ধারিত ছিল।)

কায়েস ইবনে ছেরমা আনছারী (রাঃ) নামক (এক বৃদ্ধ) ছাহাবী রোযাদার ছিলেন। একতারের সময় উপস্থিত হইলে পর তিনি গৃহে আসিয়া স্বীয় জ্ঞীকে জিজ্ঞাসা করিলেন, খাওয়ার কোনবস্তু আছে কি? জ্ঞী বলিল, উপস্থিত কিছুই নাই, কিন্তু আমি চেষ্টা করিয়া কিছু সংগ্রহ করিয়া আনিতে যাইতেছি। কায়েস ইবনে ছেরমা (রাঃ) সমস্ত দিন কঠোর পরিশ্রম করিয়া ক্লান্ত অবস্থায় বাড়ী

আসিয়া ছিলেন, তাই অল্প সময়ের মধ্যেই তাহার চকুরয় নিদ্রামগ্ন হইয়া গেল। এদিকে তাঁহার জী (কিছু খাও বস্তুর ব্যবস্থা করিয়া) উপস্থিত হইলে পর তাঁহাকে নিদ্রাবস্থায় দেখিয়া অনুতাপ করতঃ বলিল, আপনার ত কিসমত কাটা গিয়াছে। (নিদ্রা ভঙ্গ করিয়া জী তাঁহাকে খাও গ্রহণে অনুরোধ করিল, কিন্তু তিনি আল্লাহ ও আল্লার রসুলের তথা শরীয়তের আদেশ লঙ্ঘনে অস্বীকৃতি জ্ঞাপন করতঃ কোন কিছু না খাইয়া দ্বিতীয় দিনের রোযা রাখিয়া দিলেন।) দ্বিতীয় দিন দ্বিপ্রহরে তিনি বেহুশ—অচেতন হইয়া পড়িয়া গেলেন। নবী ছালাল্লাহু আলাইহে অসাল্লামের খেদমতে সম্পূর্ণ ঘটনা বর্ণনা করা হইল। এইরূপ ঘটনার পরিপ্রেক্ষিতে কোরআন শরীফের আয়াত নাযেল হইল যাহার অংশ বিশেষ এই—

وَكُلُوا وَاشْرَبُوا حَتَّى يَتَبَيَّنَ لَكُمُ الْخَيْطُ الْأَبْيَضُ مِنَ الْخَيْطِ الْأَسْوَدِ

“এবং রমজানের রাত্রে তোমরা পানাহার করিতে পার যাবৎ কালো রেখা (রাত্রের অন্ধকার) শেষ হইয়া সাদা রেখা (প্রভাতের আলো) উদিত না হয়।”

৯৮৭। হাদীছ :- আদী ইবনে হাতেম (রাঃ) বর্ণনা করিয়াছেন, যখন কোরআন শরীফে অবতারণিত এই আয়াতটি আমি পাঠ করিলাম—

حَتَّى يَتَبَيَّنَ لَكُمُ الْخَيْطُ الْأَبْيَضُ مِنَ الْخَيْطِ الْأَسْوَدِ

এবং “খায়েত” শব্দের আভিধানিক অর্থ হইল—সূতা বা তাগা। যে অনুসারে আয়াতের অর্থ হয়—“তোমরা রমজানের রাত্রে পানাহার করিতে পার যাবৎ সাদা সূতা কাল সূতা হইতে পৃথক হইয়া দৃষ্ট না হয়”। তাই আমি একটি সাদা তাগা এবং একটি কাল তাগা আনিয়া তাগাদ্বয়কে আমার বালিশের নীচে রাখিয়া দিলাম এবং রাত্রির অন্ধকারে উহাদের প্রতি বারবার দেখিতে লাগিলাম, রাত্রের অন্ধকার পূর্ণরূপে অপসারিত হইয়া দিনের আলো আসিবার পূর্ব পর্যন্ত তাগাদ্বয়ের পূর্ণ পার্থক্য উপলব্ধি করা যাইতে ছিল না; (এবং আমি সেহেরী খাওয়াও ক্ষান্ত করিতে ছিলাম না।) ভোর বেলা আমি রসুলুল্লাহ ছালাল্লাহু আলাইহে অসাল্লামের নিকট উক্ত ঘটনা ব্যক্ত করিলাম। হযরত (দঃ) আমাকে বলিলেন, হে বুদ্ধিমান! এখানে الْخَيْطُ الْأَبْيَضُ “আল-খায়তুল আবয়্যাজু”—সাদা তাগার উদ্দেশ্য প্রভাতের আলো-রেখা এবং “আল-খায়তুল আহওয়াদ”—কাল তাগার উদ্দেশ্য হইল রাত্রের অন্ধকার রেখা। অর্থাৎ যাবৎ রাত্রের অন্ধকার বিলুপ্ত হইয়া প্রভাতের আলো-রেখা উদিত না হয় তাবৎ তোমরা পানাহার করিতে পার।

৯৮৮। হাদীছ :—সাহল ইবনে সায়াদ (রাঃ) বর্ণনা করিয়াছেন, প্রথমে যখন
 وَكُلُوا وَاشْرَبُوا حَتَّى يَتَبَيَّنَ لَكُمُ الْخَيْطُ الْأَبْيَضُ مِنَ الْخَيْطِ الْأَسْوَدِ
 নাযেল হইল তখন الْخَيْطُ الْأَبْيَضُ (যদ্বারা الْخَيْطُ الْأَبْيَضُ) বাক্যটি
 এর উদ্দেশ্যের প্রতি ইঙ্গিত করা হইয়াছে যে, উহার উদ্দেশ্য “প্রভাত”) নাযেল
 হইয়াছিল না, তাই সাধারণ লোকদের মধ্যে অনেকেই الْخَيْطُ الْأَبْيَضُ
 এর আভিধানিক অর্থ অনুযায়ী রোযার সময় একটি সাদা
 তাগা এক পায়ে এবং একটি কাল তাগা অপর পায়ে বাঁধিয়া রাখিল। যাবৎ
 সাদা তাগা ও কাল তাগা পৃথকরূপে দৃষ্ট না হইত তাবৎ তাহারা পানাহার করিত।
 তাহাদের এই ভুল ধারণা দূর করার জন্ত পরে الْخَيْطُ الْأَبْيَضُ বাক্যটি নাযেল হয়,
 অর্থাৎ الْخَيْطُ الْأَبْيَضُ সাদা তাগার উদ্দেশ্য প্রভাত। অতঃপর তাহারা
 বুঝিতে পারিল যে, সাদা ও কাল তাগার উদ্দেশ্য যথাক্রমে প্রভাতের আলো ও
 রাত্রির অন্ধকার।

তাহাজ্জুদ নামাযের আজান সেহরী খাওয়ার প্রতিবন্ধক নহে

৯৮৯। হাদীছ :— আয়েশা (রাঃ) বর্ণনা করিয়াছেন, বেলাল (রাঃ)
 ছোবেহ-ছাদেকের (ঘটানানেক) পূর্ব—রাত্রি বাকি থাকাবস্থায় তাহাজ্জুদ
 নামাযের উদ্দেশ্যে আজান দিয়া থাকিতেন। রসুলুল্লাহ ছাল্লাল্লাহু আলাইহে
 অসাল্লাম সকলকে জ্ঞাত করিয়া দিলেন যে, যাবৎ আবুল্লাহ ইবনে উম্মে-মাকতুম
 আজান না দেয় তাবৎ তোমরা পানাহার করিতে পার। কারণ, সে-ই ফজরের
 আজান দিয়া থাকে। (তাহার পূর্ব বেলাল (রাঃ) যে আজান দেন উহা তাহাজ্জুদ
 নামাযের আজান হইত)।

বিলাষে সেহরী খাওয়া

৯৯০। হাদীছ :—সাহল ইবনে সায়াদ (রাঃ) বর্ণনা করিয়াছেন, আমি
 আমার ঘরে সেহরী খাইয়া রসুলুল্লাহ ছাল্লাল্লাহু আলাইহে অসাল্লামের সঙ্গে
 ফজরের নামাযে শরীক হওয়ার জন্ত আমাকে দ্রুতবেগে যাইতে হইত।

সেহরী খাওয়া ও ফজর নামাযের মধ্যকার ব্যবধান

৯৯১। হাদীছ :— আনাছ (রাঃ) হইতে বর্ণিত আছে, যায়েদ ইবনে
 ছাবেত (রাঃ) একদা বর্ণনা করিলেন, আমরা এমন সময় রসুলুল্লাহ ছাল্লাল্লাহু
 আলাইহে অসাল্লামের সঙ্গে সেহরী খাইয়াছি যে, সেহরী শেষ করিয়াই রসুলুল্লাহ

ছালাল্লাহু আলাইহে অসাল্লাম নামাযের জন্ম প্রস্তুত হইলেন। আনাছ (রাঃ) জিজ্ঞাসা করিলেন, ফজরের নামাযের আজান ও সেহেরী শেষ করার মধ্যে কি পরিমাণ ব্যবধান ছিল ? তিনি বলিলেন—কোরআন শরীফের পঞ্চাশটি আয়াত (সাধারণরূপে) তেলাওয়াত করা যায় এই পরিমাণ সময় ছিল।

সেহেরী খাওয়া ওযাজেব না হইলেও উছাত বরকত লাভ হয়

৯৯২। হাদীছ :— আবুহুলাহ ইবনে মসউদ (রাঃ) বর্ণনা করিয়াছেন, এক সময় নবী ছালাল্লাহু আলাইহে অসাল্লাম বিরতি না ঘটাইয়া লাগালাগি রোযা রাখিলেন। (অর্থাৎ এফতার, সেহেরী এবং রাত্রে কোন অংশে কোন প্রকার পানাহার না করিয়া পর পর কতিপয় রোযা রাখিলেন।) ছাহাবীগণও এইরূপ করিলেন, কিন্তু তাঁহাদের জন্ম এরূপ করা অত্যধিক কষ্টকর হইল। তাই নবী (দঃ) তাঁহাগিককে এরূপ করিতে নিষেধ করিলেন। ছাহাবীগণ আরজ করিলেন, আপনি ত এরূপ করিয়া থাকেন। নবী (দঃ) বলিলেন, আমার অবস্থা তোমাদের মত নয়—আমাকে (আল্লাহ তায়ালা পক্ষ হইতে) পানাহার (-এর শক্তি) দান করা হইয়া থাকে।

৯৯৩। হাদীছ :— قَالَ أَنَسُ رَضِيَ اللَّهُ تَعَالَى عَنْهُ

قَالَ النَّبِيُّ صَلَّى اللَّهُ عَلَيْهِ وَسَلَّمَ تَسَدُّوْا فَإِنَّ فِي السَّحُورِ بَرَكَاتًا

অর্থ—আনাছ (রাঃ) বর্ণনা করিয়াছেন, নবী ছালাল্লাহু আলাইহে অসাল্লাম বলিয়াছেন, তোমরা সেহেরী খাও ; কারণ সেহেরী খাওয়ার মধ্যে বরতক হইবে।

দিনের বেলায় রোযার নিষ্যত করিলে

উম্মুদ-দরদা (রাঃ) স্বীয় স্বামী—বিশিষ্ট ছাহাবী আবুদ দরদা রাজিয়াল্লাহু তায়ালা আনহুর ঘটনা বর্ণনা করিলেন যে, তাঁহার অভ্যাস ছিল—তিনি (সকাল বেলা নাস্তার সময় বাড়ী আসিয়া) জিজ্ঞাসা করিতেন, তোমাদের নিকট কিছু খাদ্য বস্তু তৈয়ার আছে কি ? যদি বলিতাম, কিছুই নাই, তবে তিনি বলিতেন—তাহা হইলে আমি (নফল) রোযার নিষ্যত করিয়া নিলাম।

আবু তালহা (রাঃ), আবু হোরায়ারা (রাঃ), ইবনে আব্বাস (রাঃ) এবং হোজায়ফা (রাঃ)ও এইরূপ করিতেন।

৯৯৪। হাদীছ :—সালামাতুব হুল আকওয়া (রাঃ) হইতে বর্ণিত আছে, একদা (১০ই মহরম) আশুরার দিন নবী ছালাল্লাহু আলাইহে অসাল্লাম এক ব্যক্তিকে এই ঘোষণা প্রচারের আদেশ করিয়া পাঠাইলেন—তোমাদের যে ব্যক্তি

ছোবেহ-ছাদেক হওয়ার পর কিছু পানাহার করিয়াছে (তাহার রোযা হওয়ার কোন সম্ভাবনা না থাকিলেও) সে বাকি দিন পানাহার হইতে বিরত থাকিবে এবং যে ব্যক্তি এখন পর্য্যন্ত পানাহার করে নাই, সে রোযার নিয়ত করিয়া লইবে (অতঃপর আশুরার দিন বলিয়া প্রমাণিত হইয়াছে)।

ব্যাখ্যা :— ঘটনা এই ছিল যে, এক বার জিলহজ্জ মাসের ২৯ তারিখে মহরমের চাঁদ সম্পর্কে সঠিক প্রমাণ পাওয়া যাইতে ছিল না। যেই দিনকে মহরমের নয় তারিখ ধারণা করা হইতেছিল; সেই দিনের কিছু অংশ কাটিয়া যাওয়ার পর হযরত রসূলুল্লাহ ছালাল্লাহু আলাইহে অসাল্লামের নিকট এরূপ প্রমাণ উপস্থিত হইল যদ্বারা তিনি ঐ দিনকে দশ তারিখ আশুরার দিন বলিয়া সাব্যস্ত করিলেন এবং উল্লিখিত ঘোষণা প্রচারের ব্যবস্থা করিলেন। কারণ সেকালে রমজানের রোযা ফরজ হইয়া ছিল না, বরং আশুরার রোযা ফরজ ছিল। বর্তমানে রমজানের রোযার ব্যাপারে উল্লিখিত বিধানই বলবৎ আছে।

মহুআলাহ :— নফল ও রমজানের রোযার নিয়ত দিনের বেলা করা যায়। কিন্তু তাহা অবশ্যই সেহেরীর শেষ সীমা হইতে সূর্যাস্তের পূর্ব পর্য্যন্ত সময়ের মধ্য ভাগের পূর্বে হইতে হইবে। অন্ততঃ দ্বিপ্রহরের পূর্বে হইলেও কোন কোন আলেমের মতে রোযা শুদ্ধ হইবে।

রোযাদার ব্যক্তির জানাবত অবস্থায় প্রভাত করা

৯৯৫। হাদীছ :—উম্মুল-মোমেনীন আয়েশা (রাঃ) ও উম্মুল-মোমেনীন উম্মে-সালামা (রাঃ) উভয়েই এই ঘটনা বর্ণনা করিয়াছেন যে, কোন কোন সময় রসূলুল্লাহ ছালাল্লাহু আলাইহে অসাল্লাম (তাহাজ্জুদের পর) স্বীয় স্ত্রী ব্যবহারের পর জানাবত অবস্থায় ছোবেহ-ছাদেক হইয়া যাইত। অতঃপর গোহল করিতেন এবং (ফজরের নামায পড়িতেন ও) রোযা রাখিতেন।

রোযা অবস্থায় স্ত্রীর সহিত দাম্পত্য সুলভ প্রেম ও

প্রণয়ের আচার ব্যবহার করা

৯৯৬। হাদীছ :— আয়েশা (রাঃ) বর্ণনা করিয়াছেন, নবী ছালাল্লাহু আলাইহে অসাল্লাম (স্বীয় স্ত্রীকে) রোযা অবস্থায় চুম্বন করিতেন এবং এক সঙ্গে এক বিছানায় শয়ন করিতেন। (অতঃপর আয়েশা (রাঃ) সাধারণ লোকদিগকে হুশিয়ার করার জন্য সতর্কবাণী উচ্চারণ করেন যে,) নবী (দঃ) স্বীয় প্ররভিকে আয়ত্বাধীনে রাখিতে যেরূপ সক্ষম ছিলেন অত্ৰু কেহ তজ্রুপ সক্ষম নহে।

ব্যাখ্যা :—রোযা অবস্থায় স্ত্রীর সহিত একমাত্র সহবাস ব্যতীত অন্য রকম আচার-ব্যবহারের অনুমতি আছে বটে, কিন্তু আয়েশা (রাঃ) যে বিষয়টির প্রতি ইঙ্গিত করিয়াছেন যে—সাধারণ লোক স্বীয় প্রবৃত্তিকে আয়ত্নে রাখিতে সক্ষম হয় না, সুতরাং পূর্ব হইতেই সাবধান ও সতর্ক থাকা আবশ্যক। প্রয়োজনবোধে এক বিছানায় অঙ্গাঙ্গি ভাবে শোওয়া অথবা চুম্বন করা হইতে বিরত থাকিবে।

৯৯৭। ছাদীছ :— আয়েশা (রাঃ) বর্ণনা করিয়াছেন, ইহা সত্য যে, রসুলুল্লাহ ছালাল্লাহু আলাইহে অসাল্লাম রোযা অবস্থায় এক স্ত্রীকে চুম্বন করিয়াছেন ; ইহা বর্ণনা করিয়া আয়েশা (রাঃ) হাসিলেন।

ব্যাখ্যা :—প্রসিদ্ধ আছে, আয়েশা (রাঃ) হইতে ইসলামের প্রায় এক-চতুর্থাংশ মহল্লা-মাছায়েল বর্ণিত। আল্লাহ তায়ালাও তাঁহাকে সুযোগ দিতেন বেশী ; নবী (দঃ) বলিয়াছেন, আয়েশার বিছানায় অহী যত আসে অশ্রুত তত আসে না। আয়েশা (রাঃ) উম্মতকে মহল্লা-মাছায়েল পৌছাইতেও অত্যধিক তৎপর ছিলেন।

রোযাদারের জন্য স্ত্রীকে চুম্বন করা রোযা ভঙ্গকারী নহে এই মহল্লাহাটি হযরতের প্রত্যক্ষ ঘটনার দ্বারা প্রমাণ ও বর্ণনা করায় আয়েশা (রাঃ)কে তাঁহার লজ্জাবোধ বাধা দিতে ছিল, কিন্তু বিরত রাখিতে পারে নাই ; শালীনতার সহিত তিনি উহা প্রকাশ করিয়া ছাড়িয়াছেন।

রোযা অবস্থায় গোসল করা

আবদুল্লাহ ইবনে ওমর (রাঃ) রোযা অবস্থায় একটি কাপড় ভিজাইয়া (ঠাণ্ডার জল) উহাকে শরীরের উপর রাখিয়াছেন।

শাবী (রাঃ) রোযা অবস্থায় হাম্মাম খানায় (গোছল করার জল) গিয়াছেন।

আবদুল্লাহ ইবনে আব্বাস (রাঃ) বলিয়াছেন, রোযা অবস্থায় (আবশ্যক বশতঃ) কোন বস্তুর জিহ্বা দ্বারা চাখা ও আশ্বাদন করাতে রোযা ভঙ্গ হইবে না।

(কিন্তু গলার ভিতরে উহার কিঞ্চিৎ অংশও প্রবেশ করিলে রোযা ভঙ্গ হইয়া যাইবে। সুতরাং অতি প্রয়োজন ও বিশেষ সতর্কতা ছাড়া এইরূপ করিবে না।)

হাসান বছরী (রাঃ) বলিয়াছেন, রোযা অবস্থায় কুলি করা বা যে কোন উপায়ে শীতলতা গ্রহণ করাতে কোন দোষ নাই।

আবদুল্লাহ ইবনে মসউদ (রাঃ) বলিয়াছেন, রোযার সময় শরীরে বা মাথায় তৈল ব্যবহার করা এবং মাথা আচড়ান চাই। (অর্থাৎ রোযার সময় এলোমেলো ভাবে থাকা ভাল নয়)।

আনাস (রাঃ) বলিয়াছেন, আমার একটি পাথরের তৈরী পানির টব আছে। উহাতে পানি ভরিয়া রাখি এবং রোযা অবস্থায় বিশেষ উত্তাপ অনুভব করিলে আমি উহাতে নামিয়া শীতলতা হাসিল করিয়া থাকি।

মছআলাহ :- চুষন করায় বা উভয়ের আঙ্গা-আঙ্গী করায় বা শুধু ধরা-ছোঁয়ায় যদি বীর্ধ্য বাহির হইয়া যায় তবে রোযা ভঙ্গ হইয়া যাইবে, এমনকি যদি দুইজন পুরুষ বা দুইজন নারীর মধ্যেও পরস্পর ঐরূপ হয়। তদ্রূপ হস্তমৈথুনেও বীর্ধ্য বাহির হইলে রোযা ভঙ্গ হইবে। (শামী, ২—১৪২)

মছআলাহ :- কোন প্রকার ধরা-ছোঁয়া ব্যতিরেকে শুধু কল্পনা করায় বা দৃষ্টি করায় যদিও গুপ্ত অঙ্গের প্রতিই দৃষ্টি হউক—উহাতে বীর্ধ্য বাহির হইলেও রোযা ভঙ্গ হয় না; রোযা চালু রাখিতেই হইবে। যেরূপ বীর্ধ্যপাত ব্যতিরেকে চুষন বা আঙ্গা-আঙ্গী করায় রোযা ভঙ্গ হইবে না, রোযা চালু রাখিতে হইবে। (শামী)

বিশেষ দ্রষ্টব্য :- প্রথম মছআলায় রোযা ভঙ্গ হওয়ায় উহার শুধু কাজাই করিতে হইবে; কাফ্ফারা দিতে হইবে না। কিন্তু এক দিন ঐরূপে রোযা ভঙ্গ হওয়া সত্ত্বেও পুনঃ রোযা ভঙ্গের পরওয়া না করিয়া ঐরূপে রোযা ভঙ্গের কাজ করিলে সে ক্ষেত্রে কাফ্ফারাও আদায় করিতে হইবে। (শামী, ২—৪৫)

আনাহ (রাঃ), হাছান বছরী (রাঃ), ইব্রাহীম নখয়ী (রাঃ) তাঁহারা রোযা অবস্থায় সুরমা ব্যবহার করাকে দোষণীয় মনে করিতেন না।

৯৯৮। হাদীছ :- আয়েশা (রাঃ) বর্ণনা করিয়াছেন, নবী ছালাল্লাহু আলাইহে অসাল্লাম রমজান মাসে কোন দিন (অনিচ্ছাকৃত) স্বপ্নদোষের দরুণ নয়, বরং ইচ্ছাকৃত (ছোবেহ-ছাদেকের পূর্বে স্ত্রী ব্যবহারের দরুণ) জানাবত অবস্থায় রাত্রি ভোর করিয়াছেন এবং তৎপর গোছল করিয়া রোযা রাখিয়াছেন।

রোযা অবস্থায় ভুল বশতঃ পানাহার করা

আ'তা (রাঃ) বলিয়াছেন, নাকে পানি দেওয়ার সময় অনিচ্ছাকৃতভাবে পানি গলায় চলিয়া গেলে রোযা ভঙ্গ হইবে না। (ইহা কোন কোন আলেমের অভিমত। কিন্তু হানফী মজহাব মতে মছআলাহ এই :- রোযা স্মরণ থাকা অবস্থায় অনিচ্ছাকৃতভাবেও গলার ভিতর পানি চলিয়া গেলে রোযা ভঙ্গ হইয়া যাইবে।)

হাসান বছরী (রাঃ) বলিয়াছেন, হঠাৎ মাছি হল্কুমের ভিতর চলিয়া গেলে রোযা ভঙ্গ হইবে না।

হাসান বছরী (রাঃ) ও মোজাহেদ (রাঃ) বলিয়াছেন, ভুল বশতঃ স্ত্রী সহবাস করিলেও রোযা ভঙ্গ হইবে না।

৯৯৯। হাদীছ :- **عن أبي هريرة عن النبي صلى الله عليه وسلم**
إِذَا نَسِيَ نَآكَلَ وَشَرِبَ فَلَيْسَ بِمُؤْمَرٍ فَإِنَّمَا أَطْعَمَهُ اللَّهُ وَسَقَاهُ

অর্থ—আবু হোরাযরা (রাঃ) হইতে বর্ণিত আছে, নবী ছালাল্লাহু আলাইহে অসাল্লাম বলিয়াছেন, কোন ব্যক্তি রোযা অবস্থায় ভুলে পানাহার করিলে (তাহার রোযা ভঙ্গ হইবে না;) সে ঐ রোযা পূর্ণ করিবে। কারণ, এই পানাহার আল্লাহ তাযালার তরফ হইতে হইয়াছে। (অর্থাৎ ইচ্ছাকৃত হয় নাই, স্মরণাৎ দোষণীয়ও হয় নাই।)

রোযা অবস্থায় মেছওয়াক করা

আমের ইবনে রবীয়া (রাঃ) হইতে বর্ণিত আছে, তিনি বলিয়াছেন, আমি নবী ছালাল্লাহু আলাইহে অসাল্লামকে রোযা অবস্থায় মেছওয়াক করিতে দেখিয়াছি—অসংখ্য বার যাহার গণনা নাই।

শুক বা কাঁচা তাজা ও পানিতে ভিজা ইত্যাদি সব রকম মেছওয়াক দ্বারা ই রোযা অবস্থায় মেছওয়াক করা যায়।

ইবনে সিরীন (রাঃ) বলিয়াছেন, কাঁচা মেছওয়াক করায় রোযার কোন ক্ষতি হয় না। কোন ব্যক্তি বলিল, উহার ত আশ্বাদ আছে। তিনি বলিলেন, পানিরও ত আশ্বাদ আছে, অথচ তুমি রোযাবস্থায় কুন্নি করিয়া থাক। (২৫৮ পৃঃ)।

আবদুল্লাহ ইবনে ওমর (রাঃ) রোযা অবস্থায় দিনের প্রথম ও শেষ উভয় দিকেই মেছওয়াক করিতেন (২৫৭ পৃঃ)। তিনি বলিয়াও থাকিতেন, রোযাদার দিনের প্রথম ও শেষ উভয় ভাগেই মেছওয়াক করিতে পারে; তবে মেছওয়াক করা খুখু গিলিবে না। আ'তা (রাঃ) বলিয়াছেন, যদি খুখু গিলিয়া ফেলে তবে রোযা ভঙ্গ হইবে বলিল না (ফতহুল বারী নোসখার বোখারী ২—১২৪ পৃঃ)। কাতাদাহ (রাঃ) ও আ'তা (রাঃ) বলিয়াছেন, (মেছওয়াক করা) খুখু গিলিতে পারে। অবশ্য যদি মেছওয়াকের কুচি খসিয়া থাকে এবং উহা নগণ্য না হয় তবে উহা গিলিবে না, উহা অবশ্যই ফেলিয়া দিবে (ফতহুল বারী, ২—১২৮ পৃঃ)।

রোযা অবস্থায় নাকে পানি দেওয়া

নাকের ছিদের শুষ্ক বহিরাংশে পানি দেওয়াতে দোষ নাই; অজুর মধ্যে নাকে পানি দেওয়ার আদেশ অনেক হাদীছেই উল্লেখ আছে এবং সেখানে রোযা-বেরোযার পার্থক্য করা হয় নাই। অবশ্য যথাসাধ্য ছিদের উপর অংশেও পানি পৌঁছাইতে তৎপর হওয়ার আদেশ বর্ণনার হাদীছে স্পষ্ট উল্লেখ আছে যে, রোযাদার তাহা করিবে না (ফতহুল বারী, ২—১২৯ পৃঃ)।

হাসান বছরী (রাঃ) বলিয়াছেন, নাকের ভিতর ঔষধ বা তৈলের ফোটা বহাইলে উহা যদি নাকের মধ্যেই সীমাবদ্ধ থাকে, উহার কিঞ্চিৎ অংশও হলুকুম বা মস্তিক পর্য্যন্ত না ছড়ায় তবে রোযার পক্ষে ক্ষতিকর হইবে না।

অবশ্য সাধারণতঃ মস্তিষ্কে পৌছাইবার জন্যই তৈল বা ঔষধ নাকে ঢালা হইয়া থাকে এবং অতি সহজে ও অবিলম্বেই উহা হল্কুম ও মস্তিষ্ক পর্য্যন্ত ছড়াইয়া পড়ে, তাই ফেকার কেতাব সমূহে কোন প্রকার বিভক্তি ছাড়াই বলা হইয়াছে যে, নাকের মধ্যে ঔষধ বা তৈল ঢালিলে রোযা ভঙ্গ হইয়া যাইবে এবং সাধারণভাবে তাহাই প্রযোজ্য, অবশ্য যদি সঙ্গে সঙ্গে তৎপর হইয়া উহা নাকের সীমা অতিক্রম না করার ব্যবস্থা করা হয় তবে তাহা স্বতন্ত্র কথা এবং সে ক্ষেত্রে রোযা ভঙ্গ না হওয়া বস্তুতঃই সুস্পষ্ট।

কানে ঔষধ বা তৈল বহাইলে তদ্রূপই রোযা ভঙ্গ হইবে। কিন্তু অনিচ্ছায় হঠাৎ কানের ভিতর পানি প্রবেশ করিলে তাহাতে রোযা ভঙ্গ হইবে না। অবশ্য নিজে কানের ভিতর পানি প্রবেশ করাইলে রোযা ভঙ্গ হওয়া সম্পর্কে মতভেদ আছে বটে, কিন্তু রোযা ভঙ্গ হওয়ার মতই অগ্রগণ্য ও অধিক বিধেয় (ফতোয়া কাজিখান, ফতহুল-কাদীর, ২—৭৩)।

আ'তা (রঃ) বলিয়াছেন, কুন্নির পানি মুখ হইতে ফেলিয়া দিয়া তারপর থুথু গিলিলে রোযার ক্ষতি হইবে না। কারণ, সে ক্ষেত্রে মুখে পানির অংশ অতি নগণ্যই থাকে। যাহা থাকে তাহা মুখে লাগিয়া থাকা অংশ মাত্র ; উহাতে রোযার ক্ষতি হইবে না।

“গোন্দ” নামীয় এক প্রকার বস্তু যাহা শত চিবাইলেও কোন রস বা স্বাদ নির্গত হয় না এবং উহার কোন অংশও ছিন্ন হয় না—যে রূপ “রবার” ; সাধারণতঃ মহিলারা উহা চিবাইয়া থাকে। আ'তা (রঃ) বলিয়াছেন, রোযা অবস্থায় উহা চিবাইয়া থুথু গিলিলেও রোযা ভঙ্গ হইবে বলি না, কিন্তু ঐরূপ করা নিষিদ্ধ।

রমযানে স্ত্রী-সহবাস ইত্যাদি রোযা ভঙ্গকারী কার্য্য করিলে ?

আবু হোরায়রা (রাঃ) হযরত রসুলুল্লাহ ছালাল্লাহু আলাইহে অসাল্লাম হইতে বর্ণনা করিয়াছেন, যে ব্যক্তি রমযান মাসের একদিন কোন প্রকার ওষর বা অসুস্থতা ব্যতীত রোযা ভঙ্গ করিবে, সে ঐ একদিন রোযা ভঙ্গের ক্ষতি এক যুগ রোযা রাখিয়াও পূরণ করিতে পারিবে না।

ব্যাখ্যা :—উল্লিখিত হাদীছের তাৎপর্য্য এই যে, রমযানের এক একটি রোযা এমনই অমূল্য রত্ন যে, উহা হেলায় হারাইলে তাহার ক্ষতিপূরণ দীর্ঘ এক যুগের রোযার দ্বারাও হইতে পারিবে না। কিন্তু ইহার অর্থ এই নয় যে, উহার কায্য করিতে হইবে না। কায্য এবং কাফ্কারার মছআলাহ শরীয়তে যাহা নিষিদ্ধ আছে তদনুসারে তাহা করিতেই হইবে। যেমন কোন সাধারণ ব্যক্তি কোনও বিশিষ্ট ব্যক্তিকে খুন করিয়া ফেলিয়াছে, তখন সকলেই এই কথা

বলিবে যে, এই ব্যক্তির স্থায় হাজার জনকে ফাঁসি দিলেও মৃত ব্যক্তির ক্ষতিপূরণ হইতে পারে না। কিন্তু ইহার অর্থ কখনও এইরূপ হইবে না যে, আদালত কর্তৃক নির্দ্ধারিত শাস্তি হইতে আসামি অব্যাহতি পাইয়া যাইবে।

১০০০। হাদীছ ৪—আয়েশা (রাঃ) বর্ণনা করিয়াছেন, এক ব্যক্তি নবী ছাল্লাল্লাহু আলাইহে অসাল্লামের নিকট উপস্থিত হইয়া অত্যন্ত অনুতাপের সহিত আরজ করিল “এই বদনছীব ধ্বংস হইয়া গিয়াছে।” হযরত (দঃ) তাহাকে জিজ্ঞাসা করিলেন, তোমার কি হইয়াছে? সে আরজ করিল, আমি রমযানের রোযার মধ্যে স্ত্রী-সহবাস করিয়া ফেলিয়াছি। রসুলুল্লাহ (দঃ) তাহাকে জিজ্ঞাসা করিলেন, তোমার কি একজন ক্রীতদাস আজাদ করার ক্ষমতা আছে? সে আরজ করিল—না। তখন রসুলুল্লাহ ছাল্লাল্লাহু আলাইহে অসাল্লাম জিজ্ঞাসা করিলেন, একাধারে দুই মাস রোযা রাখিতে সক্ষম হইবে কি? সে আরজ করিল—না। তারপর রসুলুল্লাহ ছাল্লাল্লাহু আলাইহে অসাল্লাম জিজ্ঞাসা করিলেন, ষাট জন মিছকীনকে খানা দেওয়ার সামর্থ্য তোমার আছে কি? সে আরজ করিল—না। এই প্রশ্নোত্তরের পর কিছু সময়ের মধ্যেই নবী ছাল্লাল্লাহু আলাইহে অসাল্লামের নিকট একটি বড় পাত্র ভরা খেজুর (কাহারও পক্ষ হইতে ছদকা স্বরূপ) উপস্থিত হইল। তখন রসুলুল্লাহ ছাল্লাল্লাহু আলাইহে অসাল্লাম ঐ ব্যক্তিকে বলিলেন, এই খেজুরগুলি তুমি লইয়া যাও এবং স্বীয় গোনাহের কাফ্‌কারা স্বরূপ ছদকা করিয়া দাও। তখন সে আরজ করিল—ইহা কি আমার চেয়ে অধিক অভাবগ্রস্তকে দান করিব? ইয়া রসুলুল্লাহ! আমি শপথ করিয়া বলিতেছি, এই নগরীর চতুঃসীমার ভিতরে আমার পরিবারবর্গ হইতে অধিক অভাবগ্রস্ত কোনও পরিবার নাই। এতচ্ছবণে নবী ছাল্লাল্লাহু আলাইহে অসাল্লাম স্বীয় স্বভাবগত মুছ হাসি হইতে কিঞ্চিৎ অধিক হাসিয়া উঠিলেন। (কারণ, তিনি ঐ ব্যক্তির মতলব বুঝিতে পারিয়াছিলেন)। অতঃপর রসুলুল্লাহ (দঃ) বলিলেন, আচ্ছা—ইহা তোমার পরিবারবর্গকেই খাইতে দাও।

ব্যাখ্যা ৪—সাধারণতঃ মুছআলাহ এই যে, কাফ্‌কারার বস্তু নিজ পরিবারকে দিলে কাফ্‌কারা আদায় হইবে না। অবশ্য স্বীয় পরিবারবর্গ যদি অনাহারী হয় তবে কাফ্‌কারা আদায়ের পূর্বে পরিবারবর্গের খাতির ব্যবস্থা করিবে এবং কাফ্‌কারা জিন্মায় থাকিবে। সুযোগ পাইলেই ঐ কাফ্‌কারা আদায় করিবে।

এই হাদীছ দ্বারা এই মুছআলাহও বুঝা যায় যে, ছদকাহ এবং দান সূত্রে প্রাপ্ত বস্তু দ্বারাও রোযার কাফ্‌কারা আদায় করা যায়।

রোযা অবস্থায় রক্তমোক্ষণ করা বা বমি আসা

আবু হোরাযরা (রাঃ) বলিয়াছেন, বমি আসিলে রোযা ভঙ্গ হইবে না। কোন বস্তু ভিতর হইতে বাহির হওয়ার দরুণ রোযা ভঙ্গ হয় না, বাহির হইতে ভিতরে প্রবেশ করিলে রোযা ভঙ্গ হয়। ইবনে আব্বাস (রাঃ)ও এইরূপ বলিয়াছেন।

মুছআলাহ :—বমি যদি ইচ্ছাকৃত না হয়—অনিচ্ছায় সৃষ্ট উদবেগের কারণে হয় তবেই উহাতে রোযা ভঙ্গ হয় না। কিন্তু বুট বা ছোলার এক দানা পরিমাণ অংশও ঐ বমির ইচ্ছাকৃত গলধঃ করিলে রোযা ভঙ্গ হইয়া যাইবে। আর ইচ্ছাকৃত উপায়ে বমি করিলে সেই বমি করায়ও রোযা ভঙ্গ হইয়া যাইবে—কাযা করিতে হইবে; কাফ্ফারা দিতে হইবে না (শামী, ২—১৫২)।

ইবনে ওমর (রাঃ) রোযা অবস্থায় রক্তমোক্ষণ করিতেন। কিন্তু পরে তিনি রোযা অবস্থায় দিনের বেলা রক্তমোক্ষণ করা পরিত্যাগ করিয়াছিলেন। আবশ্যক হইলে রাত্রে করিতেন। (কারণ, ইহার দ্বারা রোযা অবস্থায় দুর্বলতা আসার আশঙ্কা থাকে)। আবু মুছা (রাঃ) (রোযা অবস্থায় দুর্বলতার আশঙ্কায়) রক্তমোক্ষণ রাত্রে করিতেন।

সায়াদ (রাঃ), যায়েদ ইবনে ওয়াক্কাস (রাঃ) এবং উম্মে-সালামা (রাঃ) রোযা অবস্থায় রক্তমোক্ষণ করিয়াছেন। আয়েশা রাজিয়াল্লাহু তায়ালা আনহার সম্মুখে রক্তমোক্ষণ রোযা অবস্থায় দিনের বেলায় হইয়াছে, তিনি নিষেধ করেন নাই।

কোন কোন ব্যক্তি রসুলুল্লাহ ছাল্লাল্লাহু আলাইহে অসাল্লামের হাদীছরূপে বর্ণনা করিয়াছেন, যে ব্যক্তি রক্তমোক্ষণ কার্য সম্পাদন করে এবং যাহার রক্তমোক্ষণ করা হয় উভয়েরই রোযা ভঙ্গ হইয়া যায়।

এই বর্ণনা যদি হাদীছরূপে ছহীহ হয় তবে ইহার তাৎপর্য এই যে, রোযা অবস্থায় এরূপ কার্য হইতে বিরত থাকা চাই। ইহাতে রোযা ভঙ্গের আশঙ্কা থাকে। কেননা যাহার রক্তমোক্ষণ করা হয় তাহার দুর্বলতা সৃষ্টির আশঙ্কা থাকে এবং যে রক্তমোক্ষণ কার্য সম্পাদন করে সে মুখের সাহায্যে উহা করিয়া থাকে বলিয়া তাহার রোযা ভঙ্গের আশঙ্কা থাকে।

অবশ্য যদি কাহারও পূর্ণ আস্থা থাকে যে, তাহার রক্তমোক্ষণ করা হইলে কোনও দুর্বলতা আসিবে না এবং রোযার উপর কোন প্রতিক্রিয়া হইবে না, তবে রোযা অবস্থায়ও সে রক্তমোক্ষণ করিতে পারে।

১০০১। হাদীছ :—ইবনে আব্বাস (রাঃ) বর্ণনা করিয়াছেন, নবী ছাল্লাল্লাহু আলাইহে অসাল্লাম এহরাম অবস্থায় এবং রোযা অবস্থায় রক্তমোক্ষণ করিয়াছেন।

১০০২। হাদীছ :—আনাছ (রাঃ)কে জিজ্ঞাসা করা হইল, নবী ছালাল্লাহু আলাইহে অসাল্লামের বর্তমানে আপনারা রোযা অবস্থায় রক্তমোক্ষণ অসম্ভব গণ্য করিতেন কি ? তিনি বলিলেন, না—অবশ্য যে ক্ষেত্রে দুর্বলতা সৃষ্টির আশঙ্কা হয়।

সফর অবস্থায় রোযা রাখা বা না-রাখা

১০০৩। হাদীছ :—ইবনে-আবী-আওফা (রাঃ) বর্ণনা করিয়াছেন, আমরা এক সফরে রসুলুল্লাহ ছালাল্লাহু আলাইহে অসাল্লামের সঙ্গে ছিলাম। তিনি এক ব্যক্তিকে বলিলেন, বিশ্বামের জন্ত অবতরণ কর এবং আমার জন্ত শরবৎ তৈয়ার কর। ঐ ব্যক্তি আরজ করিল, (এফতারের সময় হয় নাই) সূর্য্য বিজয়মান রহিয়াছে। রসুলুল্লাহ ছালাল্লাহু আলাইহে অসাল্লাম তাহাকে দ্বিতীয়বার ঐরূপ আদেশ করিলেন; সে ব্যক্তি পুনঃ ঐ উক্তিই করিল। রসুলুল্লাহ ছালাল্লাহু আলাইহে অসাল্লাম তৃতীয়বার তাহাকে ঐ আদেশ করিলেন; এইবার সে অবতরণ করিল এবং শরবৎ তৈয়ার করিল। রসুলুল্লাহ ছালাল্লাহু আলাইহে অসাল্লাম উহা পান করতঃ (এফতার) করিলেন এবং (পূর্ব দিকে) ইশারা করিয়া বলিলেন, ঐ দিক হইতে যখন অন্ধকার ঘনাইয়া আসিতে দেখ তখন মনে কর, রোযাদারের এফতারের সময় উপস্থিত হইয়াছে।

১০০৪। হাদীছ :—আয়েশা (রাঃ) বর্ণনা করিয়াছেন, হামযা-ইবনে-আমর আছলামী (রাঃ) নামক ছাহাবী যিনি অনেক বেশী রোযা রাখায় অভ্যস্ত ছিলেন; তিনি নবী ছালাল্লাহু আলাইহে অসাল্লামের খেদমতে আরজ করিলেন, আমি অধিক রোযা রাখিয়া থাকি; সফরের অবস্থায়ও কি রোযা রাখিব? নবী (দঃ) বলিলেন, ইচ্ছা করিলে রোযা রাখিতে পার, ইচ্ছা করিলে না-ও রাখিতে পার।

বাড়ীতে অবস্থান কালে রমযান আরম্ভ হওয়ায় কয়েক দিন
রোযা রাখিয়া সফরে বাহির হইলেও সফরে
রোযা ভঙ্গের অনুমতি থাকিবে

১০০৫। হাদীছ :—ইবনে আব্বাস (রাঃ) বর্ণনা করিয়াছেন, রসুলুল্লাহ ছালাল্লাহু আলাইহে অসাল্লাম মক্কা বিজয়ের জন্ত রমজান মাসে যাত্রা করিয়া ছিলেন এবং পথিমধ্যে তিনি রোযা অবস্থায় ছিলেন। যখন মক্কার নিকটবর্তী 'কাদিদ' নামক স্থানে পৌঁছিলেন তখন তিনি রোযা পরিত্যাগ করিলেন এবং তাঁহার সঙ্গীগণও রোযা পরিত্যাগ করিল।

মছআলাহ :—ছোবেহ-ছাদেক তথা রোযা আরম্ভ হওয়ার মুহূর্ত্তে বাড়ীতে অবস্থানরত থাকিয়া অতঃপর সফরে বাহির হইলেও ঐ দিনের রমযানের রোযা রাখা ফরয, সফরের জন্ত ঐ দিনের রোযা ভঙ্গ করা জায়েয নহে।

পক্ষান্তরে ছোবেহ-ছাদেকের পুর্বে সফরে বাহির হইয়া পড়িলে সফর অবস্থায় থাকার দরুণ রোযা কায্য করার অনুমতি আছে। কিন্তু সফর অবস্থায়ও প্রথম দিকে একবার রমযানের রোযার নিয়ন্ত করিয়া লইলে তৎপর সফরের দরুন ঐ রোযা ভঙ্গ করা জায়েয নহে। অবশ্য জেহাদের সফর হইলে তাহার ব্যবস্থা স্বতন্ত্র। কারণ, জেহাদের সম্মুখীন অবস্থায় দুর্বলতার আশঙ্কায় রোযা ভঙ্গ করা যায়।

উল্লিখিত হাদীছের ঘটনাটি জেহাদের সফরই ছিল।

১০০৬। হাদীছ :— আবুদ দারদা (রাঃ) বর্ণনা করিয়াছেন, আমরা (জেহাদের) এক সফরে নবী ছালাল্লাহু আলাইহে অসাল্লামের সঙ্গে ছিলাম। তখন ঐশ্বের উত্তাপ অতি ভীষণ ছিল। এমনকি, মাথার উপর অন্ততঃ হাত রাখিয়া ছায়া গ্রহণ করিতে মানুষ বাধ্য হইতেছিল। (তখন রমযান মাস ছিল, কিন্তু) আমাদের মধ্যে একমাত্র নবী ছালাল্লাহু আলাইহে অসাল্লাম এবং আবদুল্লাহ ইবনে রাওয়াহা (রাঃ) ব্যতীত আর কেহই রোযাদার ছিল না।

সফর অবস্থায় অধিক কাষ্টে রোযা নিষিদ্ধ

১০০৭। হাদীছ :— জাবের ইবনে আবদুল্লাহ (রাঃ) বর্ণনা করিয়াছেন, রসুলুল্লাহ ছালাল্লাহু আলাইহে অসাল্লাম সফরে ছিলেন; এক স্থানে জনতার ভিড় এবং এক ব্যক্তির উপর ছায়ার ব্যবস্থা করা দেখিতে পাইলেন। রসুলুল্লাহ ছালাল্লাহু আলাইহে অসাল্লাম জিজ্ঞাসা করিলেন এখানে কি ব্যাপার ঘটিয়াছে? সকলেই আরজ করিল, ইয়া রসুলুল্লাহ। এক রোযাদার ব্যক্তির বেহুশ হওয়ার ঘটনা। সেই ঘটনার পরিপ্রেক্ষিতেই রসুলুল্লাহ ছালাল্লাহু আলাইহে অসাল্লাম ফরমাইয়াছিলেন **لَيْسَ مِنَ الْبِرِّ الصِّيَامُ فِي السَّفَرِ** “সফর অবস্থায় (এরূপ অসহণীয় কষ্টের মধ্যে) রোযা রাখা নেক কাজ গণ্য নহে।”

১০০৮। হাদীছ :— আনাছ (রাঃ) বর্ণনা করিয়াছেন, আমরা নবী ছালাল্লাহু আলাইহে অসাল্লামের সঙ্গে সফর করিয়া থাকিতাম। সফর অবস্থায় রোযাদারগণ রোযা ভঙ্গকারীগণকে কোন প্রকার দোষারোপ করিতেন না এবং রোযা ভঙ্গকারীগণও রোযাদারগণকে দোষারোপ করিতেন না।

১০০৯। হাদীছ :— আবদুল্লাহ ইবনে আব্বাস (রাঃ) বর্ণনা করিয়াছেন, রসুলুল্লাহ ছালাল্লাহু আলাইহে অসাল্লাম (মক্কা বিজয় উপলক্ষে) মদীনা হইতে মক্কার দিকে যাত্রা করিলেন; তিনি রোযা রাখিয়া ছিলেন। যখন ‘ওছফান’ নামক স্থানে পৌঁছিলেন তখন পানি আনিবার আদেশ করিলেন এবং সকলকে দেখাইয়া পানি পান করিলেন; মক্কায় পৌঁছা পর্য্যন্ত তিনি আর রোযা রাখিলেন না। এই ঘটনা রমজান মাসে ঘটয়াছিল।

এই ঘটনার পরিপ্রেক্ষিতেই ইবনে আব্বাস (রাঃ) বলিতেন, রসুলুল্লাহ ছালাল্লাহু আলাইহে অসাল্লাম সফর অবস্থায় রোযা রাখিয়াছেন এবং রোযা ভঙ্গও করিয়াছেন ।

সামর্থবান লোককে রমযানের রোযা রাখিতেই হইবে

রমযানের রোযা ফরয হওয়ার প্রাথমিক অবস্থায় নূতন নূতন অনেকের রোযা অতিশয় কঠিন বোধ হইত। তাই তখন সাময়িকভাবে এই অনুমতি ছিল যে, রোযা রাখিবার শক্তি থাকা সত্ত্বেও রোযা না রাখিয়া প্রতি রোযার পরিবর্তে এক মিসকিনকে দুই ওয়াক্ত খানা খাওয়াইয়া দিবে। কোরআন শরীফের আয়াত—

وَعَلَى الَّذِينَ يُطِيقُونَهُ فِدْيَةٌ طَعَامُ مِسْكِينٍ

ইহার অর্থ কোন কোন মোফাজ্জের উক্ত বিষয়ের উপরই স্থাপিত করিয়াছেন ।

ইমাম বোখারী (রঃ) এই বিষয়ে সকলকে সতর্ক করার জন্ত আলোচ্য পরিচ্ছেদটি বর্ণনা করিয়াছেন এবং ইহা প্রমাণ করিয়াছেন যে, হযরত রসুলুল্লাহ ছালাল্লাহু আলাইহে অসাল্লামের ছাহাবীগণের একমতপূর্ণ সিদ্ধান্ত এই ছিল যে, উক্ত মহাআলাহ ইসলামের প্রাথমিক অবস্থায় ছিল, কিন্তু উহা হযরতের সময়েই রহিত হইয়া গিয়াছিল এবং কোরআন শরীফের একাধিক স্থানে উক্ত মহাআলার রহিতকরণ মূলক আদেশ বিদ্যমান আছে। যথা—(১) **وَأَنْ تَصُومُوا خَيْرٌ لَكُمْ** অর্থাৎ প্রথমে তোমাদিগকে সামর্থ থাকা সত্ত্বেও রোযা রাখা বা রোযা না রাখিয়া (তৎপরিবর্তে) ফিদ্বীয়া (এক মিসকীনের খোরাক) দানের অনুমতি দেওয়া হইয়াছিল, এখন তোমাদের জন্ত রোযা রাখাই সাব্যস্ত করিয়া দেওয়া হইল।

❁ বিশিষ্ট তাবেয়ী ইবনে-আবী-লাইলা (রঃ) বর্ণনা করিয়াছেন, যোহান্নদ ছালাল্লাহু আলাইহে অসাল্লামের বহু সংখ্যক ছাহাবী আমাদের অনেকের নিকট এই বিবরণ দান করিয়াছেন যে, রমযান শরীফের এক মাসের রোযা ফরয হওয়ার আয়াত নাযেল হইলে উহা লোকদের নিকট কঠিন বোধ হইল; তখন এই অনুমতি দেওয়া হইল যে, শক্তিমান ব্যক্তিও রোযা না রাখিয়া প্রতিদিন এক মিসকীনকে দুই ওয়াক্ত খাওয়াইয়া দিতে পারে। পরে এই অনুমতি রহিত ও প্রত্যাহার করা হয় এই আয়াত দ্বারা—**وَأَنْ تَصُومُوا خَيْرٌ لَكُمْ** “তোমাদের জন্ত রোযা রাখাই অগ্রগণ্য সাব্যস্ত করা হইল।” সেমতে শক্তিমান সকলেই নির্দ্বারিতরূপে রোযা রাখায় আদিষ্ট হইল।

(২) **فَمَنْ شَهِدَ مِنْكُمُ الشَّهْرَ فَلْيَصُمْهُ** অর্থাৎ পূর্বের রোযা না রাখিয়া ফিদ্বীয়া দেওয়ার অনুমতি দেওয়া হইয়াছিল; কিন্তু এখন আদেশ করা হইতেছে যে, “রমযানের মাস উপস্থিত হইলে রোযা রাখিতেই হইবে।”

ইহার সমর্থনে ইমাম বোখারী (র:) আবদুল্লাহ ইবনে ওমর (রা:) এবং ছালামাতুব্‌নুল-আকওয়া (রা:) প্রমুখ ছাহাবীগণের বর্ণনাও উল্লেখ করিয়াছেন যে, উক্ত অনুমতি যে রহিত হইয়া গিয়াছিল তাহাতে কোন সন্দেহের অবকাশ নাই।

১০১০। হাদীছ :—আবদুল্লাহ ইবনে ওমর (রা:) হইতে বর্ণনা রহিয়াছে যে, তিনি **فدية طعام مسكين** আয়াত তেলাওয়াত করিয়া স্পষ্ট ভাষায় বলিলেন, এই আয়াতের মর্ম্ম (**—من شهد منكم الشهر فليصمه**) “রমযান মাস উপস্থিত হইলে রোযা রাখিতেই হইবে” আয়াত দ্বারা) মনুচ্ছ তথা রহিত ও প্রত্যাহত হইয়া গিয়াছে।

১০১১। হাদীছ :—* ছালামাতুব্‌নুল-আকওয়া (রা:) হইতে বর্ণিত আছে, যখন এই আয়াত নাযেল হইল—**وعلى الذين يطيقونه فدية طعام مسكين**—তখন যাহার ইচ্ছা হইত সে রোযা না রাখিয়া ফিদ্বা আদায় করিয়া দিত। পরে পরবর্তী আয়াত নাযেল হইয়া উক্ত আয়াতের মর্ম্মকে মনুচ্ছ তথা রহিত ও প্রত্যাহত সাব্যস্ত করিয়া দিল।

বিশেষ দ্রষ্টব্য :—তফছীরের বিধান শাস্ত্রে একটি বিধান রহিয়াছে যে, কোরআনের কোন আয়াতের আদেশ বা মর্ম্ম সম্পর্কে কোন ছাহাবী উহা মনুচ্ছ বলিয়া উক্তি করিলে তাহা রসুলুল্লাহ (দ:) হইতে প্রাপ্ত বলিতে হইবে। এই সূত্রে আবদুল্লাহ ইবনে ওমর (রা:) এবং ছালামাতুব্‌নুল-আকওয়া (রা:) ছাহাবীদ্বয়ের উক্তি নবী (দ:) হইতে বর্ণিত দুইটি হাদীছ গণ্য হইবে।

রমযানের কাযা রোযা আদায় করার নিয়ম

ইবনে আক্বাস (রা:) বলিয়াছেন, কাহারও উপর কতিপয় রোযা কাযা থাকিলে দুই একটি করিয়া ভিন্ন ভিন্ন রূপে উহা আদায় করিতে পারিবে।

সায়ীদ ইবনুল মোছাইয়েব (র:) বলিয়াছেন, জিলহজ্জ মাসের প্রথম দশ দিন নফল রোযা রাখা—যাহা অতি ফজীলতের রোযা ; কাহারও উপর রমযানের রোযা কাযা থাকিলে সে নফলের পরিবর্তে রমযানের কাযা রোযা আদায় করিবে।

ইব্রাহীম নখ্বী (র:) বলিয়াছেন, যে ব্যক্তি রমযানের কাযা রোযা আদায় করিতে এতদূর বিলম্ব করিয়াছে যে, দ্বিতীয় রমযান উপস্থিত হইয়া গিয়াছে, এই বিলম্বের দরুণ তাহার কোনও কাফ্‌ফারা আদায় করিতে হইবে না।

আবু হোরাযরা (রা:) ও ইবনে আক্বাস (রা:) হইতে বর্ণিত আছে, ঐরূপ বিলম্বের দরুণ প্রতি রোযার কাযা আদায়ের সঙ্গে সঙ্গে (এক মিছকীনের খোরাক) কাফ্‌ফারাও দিতে হইবে।

• এই হাদীছ খানার ইঙ্গিত ইমাম বোখারী (র:) আলোচ্য পরিচ্ছেদে দিয়াছেন ; হাদীছখানা ৬৪৭ পৃষ্ঠায় বর্ণনা করিয়াছেন।

১০১২। হাদীছ :—আয়েশা (রাঃ) বর্ণনা করিয়াছেন, সময় সময় আমার উপর রমযানের কাযা রোযা বাকী থাকিয়া যাইত। নবী ছালাল্লাহ্ আলাইহে অসাল্লামের জন্ত আমার কর্তব্য পালনে কোন সময় বাধার সৃষ্টি না হয়—সর্বদা আমার প্রস্তুত থাকার দরুন ঐ কাযা রোযা আদায় করিতে বিলম্ব হইয়া যাইত ; শা'বান মাসে উহা আদায় করিতাম।

হায়েজ অবস্থায় পরিত্যক্ত রোযার কাযা করিতে হইবে

বিশিষ্ট তাবেয়ী আবুয্-যেনাদ(রঃ) বলিয়াছেন, শরীয়তের বিধান অনেক সময় সাধারণ জ্ঞান এবং যুক্তির উর্দ্ধেও দেখা যাইতে পারে, কিন্তু ইসলামের প্রতি স্বীকৃতি দানের পর উহাকে লঙ্ঘন করার কোন উপায় থাকিতে পারে না। যথা—হায়েজ অবস্থায় পরিত্যক্ত রোযার কাযা আদায় করিতে হয়, কিন্তু নামাযের কাযা করিতে হয় না।

এই প্রসঙ্গে প্রথম খণ্ড “হায়েজ অবস্থায় কাযা নামায পড়িতে হইবে না” পরিচ্ছেদে অনূদিত ২২৫ নং হাদীছ খানা বিশেষ অনুধাবণ যোগ্য ; তথায় আলোচ্য বিষয়ের সুন্দর যুক্তিও বর্ণিত হইয়াছে।

কাযা রোযা আদায় করার পূর্বে মৃত্যু ঘটিলে

হাসান বহরী (রঃ) বলিয়াছেন, (সম্পূর্ণ রমজান মাসের রোযা কাযা রাখিয়া কোন ব্যক্তির মৃত্যু হইলে) ত্রিশ ব্যক্তি এক একটি করিয়া রোযা রাখিলে মৃত ব্যক্তির পক্ষ হইতে উহার কাযা আদায় হইয়া যাইবে।

১০১৩। হাদীছ :—আয়েশা (রাঃ) হইতে বর্ণিত আছে, রসূলুল্লাহ্ ছালাল্লাহ্ আলাইহে অসাল্লাম বলিয়াছেন, কোন ব্যক্তি কাযা রোযা বাকী রাখিয়া মরিয়া গেলে তাহার উত্তরাধিকারিণ তাহার পক্ষ হইতে সেই রোযা আদায় করিবে।

১০১৪। হাদীছ :—ইবনে আব্বাস (রাঃ) বর্ণনা করিয়াছেন, এক ব্যক্তি নবী ছালাল্লাহ্ আলাইহে অসাল্লামের নিকট আরজ করিল, ইয়া রাসূলুল্লাহ্ ! আমার মাতার মৃত্যু ঘটিয়াছে, তাহার উপর এক মাসের রোযা কাযা রহিয়াছে। আমি কি তাহার পক্ষ হইতে উহা আদায় করিতে পারি ? রসূলুল্লাহ্ (দঃ) বলিলেন, আল্লাহ তায়ালায় হক আদায় করিয়া দেওয়া আশু প্রয়োজন।

ব্যাখ্যা :— ইমাম আবু হানিফা, ইমাম শাফেয়ী, ইমাম মালেক এবং অধিকাংশ আলেমগণের মতে আলোচ্য হাদীছ সমূহে বর্ণিত উত্তরাধিকারি কর্তৃক রোযা আদায় করার নিয়ম-পদ্ধতি এই যে, ফিদ'ইয়া তথা প্রতি রোযার পরিবর্তে এক মিছকিনকে দুই ওয়াক্ত পেট ভরিয়া খাওয়াইবে বা ছদকায়ে-ফেতের পরিমাণের দ্বিগুণ বস্ত্র বা উহার মূল্য প্রদান করিবে।

এফতারের সঠিক সময়

আবু সায়ীদ খুদরী (রাঃ) সূর্য্য-গোলক অন্তর্গত হইলেই এফতার করিতেন।

১০১৫। হাদীছ :— **عن عمر بن الخطاب رضى الله تعالى عنه قال رسول الله صلى الله عليه وسلم إذا أقبل الليل من ههنا وأدبر النهار من ههنا وغربت الشمس فقد أفطر الصائم** ০

অর্থ—ওমর (রাঃ) হইতে বর্ণিত আছে, রসুলুল্লাহ ছালাল্লাহু আলাইহে অসাল্লাম বলিয়াছেন; এই (পূর্ব্ব) দিক হইতে যখন রাত্রির অন্ধকার ঘনাইয়া আসিতে থাকে এবং ঐ (পশ্চিম) দিক হইতে দিন চলিয়া যায় তথা সূর্য্য অন্তর্গত হইয়া যায় তখনই রোযাদারদের এফতারের সময় উপস্থিত হইয়া যায়।

সময় উপস্থিত হওয়ার পর এফতারে বিলম্ব না করা

১০১৬। হাদীছ :— **عن سهل بن سعد رضى الله تعالى عنه أن رسول الله صلى الله عليه وسلم قال لا يزال الناس بخير ما عجلوا الإفطار** ০

অর্থ—সাহল ইবনে সায়াদ (রাঃ) হইতে বর্ণিত আছে, রসুলুল্লাহ ছালাল্লাহু আলাইহে অসাল্লাম বলিয়াছেন, যাবৎ মোসলমানগণ এফতার করার মধ্যে বিলম্ব না করিয়া সময়সত্ত্বে যথাসম্ভব এফতার করিবে তাবৎ তাহাদের কল্যাণ ও মঙ্গল বিরাজমান থাকিবে।

এফতার করার পর সূর্য্য দেখা গেলে

১০১৭। হাদীছ :— আবু বকর রাজিয়াল্লাহু তায়ালা আনহুর দুহিতা আস্মা (রাঃ) বর্ণনা করিয়াছেন, নবী ছালাল্লাহু আলাইহে অসাল্লামের যমানে এক মেবাছন্ন দিনে আমরা এফতার করিলাম। এফতার করার পর সূর্য্য পুনরায় দেখা গেল। হাদীছ বর্ণনাকারীকে জিজ্ঞাসা করা হইল, এই ঘটনার দিনের রোযার কাষা আদায়ের আদেশ দেওয়া হইয়াছিল কি? তিনি বলিলেন, এমনতাবস্থায় কাষা হইতে অব্যাহতি আছে কি?

অপ্রাপ্ত বয়স্কদের রোযা রাখা

ওমর রাজিয়ারাহ তায়াল। আনহর খেলাকতকালে এক ব্যক্তিকে তাঁহার নিকট উপস্থিত করা হইল—সে রমযান মাসে দিনের বেলায় শরাব পান করিয়াছিল। ওমর (রাঃ) তাহাকে তিরস্কার করিয়া বলিলেন—আমাদের ছোট ছোট ছেলে-মেয়েরাও রোযা রাখিয়া থাকে। অতঃপর তাহার প্রতি ৮০টি বেত্রাঘাত ও নির্বাসনের আদেশ দিলেন।

১০১৮। হাদীছ :—রুবাইয়ে' বিন্তে মোয়া'য়েজ (রাঃ) বর্ণনা করিয়াছেন, একবার মোহাব্বমের দশ তারিখ আশুরার দিনটি পূর্ব হইতেই সন্দেহযুক্ত ছিল। কিন্তু দিন আরম্ভ হওয়ার পর ঐ দিনই আশুরার দিন বলিয়া প্রমাণিত হইল। অতঃপর নবী ছাল্লাল্লাহু আলাইহে অসাল্লাম দিনের প্রথম ভাগেই মদীনাবাসীদের মহল্লা সমূহে খবর পাঠাইয়া দিলেন যে, (অত্রকার দিন আশুরার দিন বলিয়া প্রমাণিত হইয়াছে, তাই) যে ব্যক্তি সন্দেহের দরুন রাত্র হইতে রোযার নিয়োজন করিয়া রোযাহীন প্রভাত করিয়াছে (তথা পানাহার করিয়াছে) তাহার কর্তব্য হইবে এই দিনের অবশিষ্টাংশ পানাহার হইতে বিরত থাকা এবং যে ব্যক্তি রোজা রাখিয়াছে সে তাহার রোযা পূর্ণ করিয়া লইবে।

হাদীছ বর্ণনাকারীগণ ছাহাবিয়া বর্ণনা করেন (আশুরার রোযার প্রতি এরূপ তাকিদ দেখিয়া) সর্বদা এই রোযাটি আমরা রাখিতাম এবং আমাদের ছেলে-মেয়েদিগকেও রাখাইতাম। এমনকি, এই উদ্দেশ্যে আমাদের ছেলে-মেয়েদের জন্ত তুলা দ্বারা খেলনা তৈয়ার করিয়া রাখিতাম; খাওয়ার জন্ত কাঁদিলে ঐ খেলনা তাহাদিগকে খেলিবার জন্ত দিতাম—যেন খেলায় দিন কাটিয়া গিয়া এক্ষতরের সময় উপস্থিত হইয়া যায়।

রোযা রাখিবার সূর্য্যাস্তের পরে—রাত্র

পানাহার করা চাই

আল্লাহ তায়াল। পবিত্র কোরআনে বলিয়াছেন—**ثُمَّ أَذْهَبَ إِلَى الصَّيَامِ إِلَى اللَّيْلِ** “ছোবেহ-ছাদেকে পর হইতে পরবর্তী রাত্র আসা পর্যন্ত রোযা পূর্ণ কর”। ইহাতে স্পষ্টতঃই প্রমাণিত হইল যে, রাত্রি আসা পর্যন্ত রোযা রাখার আদেশ; অতঃপর রাত্রিও পানাহার ত্যাগ করতঃ রোযা রাখার বিধান শরীয়তে নাই।

রাত্রিকালের পানাহার ত্যাগ করতঃ লাগালগি একাধিক রোযা রাখা হইতে হয়ত নবী ছাল্লাল্লাহু আলাইহে অসাল্লাম নিষেধ করিয়াছেন। কারণ, এরূপ করিলে অনর্থক অধিক কষ্ট ভোগ হইয়া থাকে, তাই হয়ত রহুলুল্লাহ ছাল্লাল্লাহু আলাইহে অসাল্লাম উহা নিষেধ করিয়াছেন।

শরীয়ত কর্তৃক নির্ধারিত নিয়ম পদ্ধতি ব্যতীত নিজের তরফ হইতে কোন নিয়ম অবলম্বনে কষ্ট ভোগ করাকে মকরুহ ও অপছন্দনীয় গণ্য করা হইয়াছে।

১০১৯। হাদীছ :-

عن انس رضى الله تعالى عنه

عَنِ النَّبِيِّ صَلَّى اللَّهُ عَلَيْهِ وَسَلَّمَ قَالَ لَا تُؤْمِلُوا قُلُوبًا قَالُوا إِنْ ذَاكَ تُؤْمِلُ
قَالَ لَسْتُ كَأَحَدٍ مِنْكُمْ إِنِّي أُطْعِمُ وَأُسْقِي ۝

অর্থ—আনাছ (রাঃ) হইতে বর্ণিত আছে, একদা নবী ছালাল্লাহু আলাইহে অসাল্লাম বলিলেন, তোমরা (রাত্রিকালেও অনাহারী থাকিয়া) লাগালাগি রোযা রাখিও না। ছাহাবিগণের মধ্যে কেহ আরজ করিলেন, আপনি ত ঐরূপ রোযা রাখিয়া থাকেন। নবী ছালাল্লাহু আলাইহে অসাল্লাম বলিলেন, আমার সহিত তোমাদের তুলনা চলে না; আমাকে পানাহার (-এর শক্তি) প্রদান করা হয়।

১০২০। হাদীছ :- আয়েশা (রাঃ) বর্ণনা করিয়াছেন, রসুলুল্লাহ রাব্বুল্লাহু আলাইহে অসাল্লাম দয়াপরবশ হইয়া মধ্যে ইফতার না করিয়া লাগালাগি রোযা রাখিতে নিষেধ করিলেন। লোকেরা বলিল, আপনি ঐরূপ লাগালাগি রোযা রাখিয়া থাকেন। হযরত (দঃ) বলিলেন, আমি ত তোমাদের স্থায় না। আমার রাত্রি এইভাবে অতিবাহিত হয় যে, আমাকে পানাহার (-এর শক্তি) দান করা হয়।

১০২১। হাদীছ :- আবু হোরায়া (রাঃ) হইতে বর্ণিত আছে, রসুলুল্লাহ ছালাল্লাহু আলাইহে অসাল্লাম (রাত্রিকালেও অনাহারী থাকিয়া) লাগালাগি রোযা রাখা হইতে একাধিকবার সকলকে নিষেধ করিলেন। এক ব্যক্তি আরজ করিল, ইয়া রাসুলুল্লাহ! আপনি ত ঐরূপ রোযা রাখিয়া থাকেন। তৎক্ষণে হযরত (দঃ) বলিলেন, আমার স্থায় তোমাদের মধ্যে কে আছে? আমার পালনকর্তা আমাকে রাত্রিবেলায় (বিশেষরূপে) পানাহার (-এর শক্তি) দান করিয়া থাকেন। তোমরা সহ্য-সাধ্যের আমলে সচেষ্ট থাক।

কোন কোন ছাহাবী বেশী ছওয়াবের আকাঙ্ক্ষায় ঐরূপ রোযা হইতে বিরত থাকিলেন না। তখন হযরত (দঃ) ঐরূপ লাগালাগি রোযা রাখা আরম্ভ করিলেন—একদিন চলিল, দুই দিন চলিল অতঃপর ঈদের চাঁদ উঠিয়া পড়িল। রসুলুল্লাহ ছালাল্লাহু আলাইহে অসাল্লাম বলিলেন, যদি ঈদের চাঁদ বিলম্বে উঠিত তবে আমি আরও কিছুদিন পর্যন্ত রোযা চালাইয়া যাইতাম। যাহারা রসুলুল্লাহ ছালাল্লাহু আলাইহে অসাল্লামের দেখাদেখি লাগালাগি রোযা রাখিতেছিলেন তাঁহাদিগকে শায়েস্তা করার জন্ত হযরত (দঃ) এই পন্থা অবলম্বন করিয়াছিলেন।

(সেহরীর সময় পর্য্যন্ত রোযা রাখা)

১০২২। হাদীছ :—আবু সায়ীদ খুদরী (রাঃ) বর্ণনা করিয়াছেন, রসূলুল্লাহ ছালাল্লাহু আলাইহে অসাল্লাম একদা বলিলেন, তোমরা (অনাহারে রাত্রি কাটাইয়া) লাগালাগি রোযা রাখিও না। যদি কাহারও ঐরূপ করার বিশেষ আকাঙ্ক্ষা হয় তবে সেহরীর সময় পর্য্যন্ত রোযা রাখিতে পার। লোকেরা বলিল, আপনি ত অনাহারে লাগালাগি রোযা রাখিয়া থাকেন। তদন্তরে হয়রত (দঃ) বলিলেন, আমি ত তোমাদের স্থায় নহি; আমার রাত্রি এইভাবে কাটে যে, আমাকে আহার দানকারী পানীয় দানকারী বিদ্যমান থাকে।

বন্ধুকে নফল রোযা ভাঙ্গের কসম দেওয়া

১০২৩। হাদীছ :— আবু জোহায়ফা (রাঃ) বর্ণনা করিয়াছেন, নবী ছালাল্লাহু আলাইহে অসাল্লাম সালমান (রাঃ) এবং আবুদ-দরদা (রাঃ) উভয়ের মধ্যে ভ্রাতৃত্ব ও বন্ধুত্ব প্রতিষ্ঠা করিয়া দিয়াছিলেন। একদা সালমান (রাঃ) স্বীয় বন্ধু আবুদ-দরদা রাজিয়াল্লাহু তায়ালা আনহুর সঙ্গে সাক্ষাৎ করিবার জন্ত তাঁহার গৃহে উপস্থিত হইলেন। (আবুদ-দরদা (রাঃ) বাড়ীতে উপস্থিত ছিলেন না।) সালমান (রাঃ) স্বীয় বন্ধু আবুদ-দরদার স্ত্রীকে বিস্ত্রী ময়লা কাপড় পরিহিতা অবস্থায় দেখিলেন। তাহাকে জিজ্ঞাসা করিলেন, তুমি এরূপ বিস্ত্রী কাপড় পরিধান কর কেন? সে উত্তর করিল, আপনার বন্ধু আবুদ-দরদা হুনিয়ার কোন বস্তুর সঙ্গে কোন সম্বন্ধই রাখেন না। (অর্থাৎ আমার পরিপাটির প্রয়োজনই নাই।) ইতিমধ্যেই আবুদ-দরদা (রাঃ) বাড়ী পৌঁছিলেন এবং স্বীয় বন্ধু সালমান (রাঃ)কে দেখিয়া খানা তৈয়ার করিলেন এবং তাঁহাকে খাওয়া গ্রহণের অনুরোধ করিলেন। সালমান (রাঃ) আবুদ দরদা (রাঃ)কে তাঁহার সঙ্গে আহার করিতে বলিলে তিনি বলিলেন, আমি রোযা রাখিয়াছি। সালমান (রাঃ) তাহাকে বলিলেন, আমি আপনাকে আল্লাহ তায়ালায় কসম দিয়া বলিতেছি—রোযা ভাঙ্গিয়া ফেলুন। আপনি আহার না করিলে আমিও আহার করিব না। আবুদ-দরদা (রাঃ) বন্ধুর কথায় (নফল) রোযা ভাঙ্গিয়া খাওয়া গ্রহণ করিলেন।

অতঃপর যখন রাত্রি হইল আবুদ-দরদা (রাঃ) রাত্রের প্রথম ভাগেই তাহাজ্জুদ নামাযের জন্ত প্রস্তুত হইলেন। সালমান (রাঃ) তাঁহাকে বলিলেন, এখন ঘুমাইয়া পড়ুন। তিনি ঘুমাইয়া পড়িলেন। পুনরায় তাহাজ্জুদের জন্ত উঠিলেন এইবারও সালমান (রাঃ) তাঁহাকে ঘুমাইয়া পড়িতে বলিলেন। যখন রাত্রির শেষ ভাগ উপস্থিত হইল তখন সালমান (রাঃ) তাঁহাকে বলিলেন, এখন তাহাজ্জুদের জন্ত উঠুন। তখন উভয় বন্ধুই তাহাজ্জুদের নামায আদায় করিলেন। অতঃপর

সালমান (রাঃ) আবুদ-দরদা (রাঃ)কে উদ্দেশ্য করিয়া বলিলেন—আপনার উপর আপনার পালনকর্তার হক আছে, আপনার উপর আপনার স্বামীর হক আছে এবং আপনার জীবিত হক আছে, (আপনার মেহমানেরও হক আপনার উপর আছে। অতএব আপনি কোন দিন রোযা রাখুন, কোন দিন রোযাহীনও থাকুন এবং কিছু সময় তাহাজ্জুদ নামায পড়ুন, কিছু সময় ঘুমাইয়া থাকুন এবং স্বীয় জীবিত নিকটও থাকুন। এইরূপে) আপনি প্রত্যেক হকদারের হক আদায় করুন।

আবুদ-দরদা (রাঃ) নবী (দঃ)-এর নিকট হাজির হইয়া সালমান (রাঃ)-এর সম্পূর্ণ ঘটনা ব্যক্ত করিলেন। নবী (দঃ) বলিলেন, সালমান ঠিকই বলিয়াছে।

শা'বান মাসে রোযা রাখা

১০২৪। হাদীছ :-আয়েশা (রাঃ) বর্ণনা করিয়াছেন, রসুলুল্লাহ ছালাল্লাহু আলাইহে অসাল্লাম একাধারে (নফল) রোযা রাখিতে থাকিতেন, এমনকি আমাদের ধারণা হইত, তিনি (শীঘ্র) রোযা ত্যাগ করিবেন না। আবার রোযাহীন চলিতে থাকিতেন, এমনকি আমাদের ধারণা হইত তিনি (শীঘ্র) রোযা রাখিবেন না। আমি রসুলুল্লাহ ছালাল্লাহু আলাইহে অসাল্লামকে রমযান শরীফ ব্যতীত কোন মাসে পূর্ণ মাস রোযা রাখিতে দেখি নাই এবং শা'বান মাসের ছায় এত বেশী (নফল) রোযা অত কোন মাসে রাখিতে দেখি নাই।

১০২৫। হাদীছ :- আয়েশা (রাঃ) বর্ণনা করিয়াছেন, নবী ছালাল্লাহু আলাইহে অসাল্লাম শা'বান মাসের ছায় এত অধিক (নফল) রোযা অত কোন মাসে রাখিতেন না। তিনি শা'বান মাসের প্রায় সম্পূর্ণই রোযা রাখিতেন।

তিনি স্বীয় উম্মতকে পরামর্শ দানে বলিতেন, (নফল) আমল তোমাদের জন্ত যে পরিমাণ সহজসাধ্য হয় উহা সেই পরিমাণই অবলম্বন কর। আল্লাহ তায়ালা (বেশী আমলের) ছওয়াব দানে অপরাগ হইবেন না, কিন্তু (বেশী আমল অবলম্বন করিলে শেষ পর্য্যন্ত) তোমরাই উহা হইতে অক্ষম হইয়া পড়িবে।

নবী ছালাল্লাহু আলাইহে অসাল্লাম নফল নামায ঐ পরিমাণই পছন্দ করিতেন যে পরিমাণ সর্বদা আদায় করা যায়—যদিও উহা পরিমাণে কম হয়। নবী ছালাল্লাহু আলাইহে অসাল্লামের সাধারণ অভ্যাস এই ছিল যে, তিনি কোন সময় কোন নফল নামায পড়িলে (শুধু দুই-একদিন পড়িয়াই উহা ত্যাগ করিতেন না, বরং) সর্বদা ঐ সময় ঐ নামায আদায় করিতেন।

রসুলুল্লাহ (দঃ)-এর নফল রোযা রাখার নিয়ম

১০২৬। হাদীছ :-ইবনে আব্বাস (রাঃ) বর্ণনা করিয়াছেন, নবী ছালাল্লাহু আলাইহে অসাল্লাম রমযান ব্যতীত কোন মাসে পূর্ণ মাস রোযা রাখিতেন না।

নবী (দঃ) একাধারে রোযা রাখিয়া যাইতেন, এমনকি প্রত্যেকেই ধারণা করিত যে, তিনি (শীঘ্র) রোযা ত্যাগ করিবেন না। আবার রোযাহীন চলিতে থাকিতেন, এমনকি ধারণা হইত যে, তিনি (শীঘ্র) রোযা রাখিবেন না।

১০২৭। হাদীছ :—আনাছ (রাঃ) বর্ণনা করিয়াছেন, রসূলুল্লাহ ছালাল্লাহু আলাইহে অসাল্লাম একাধারে রোযা ছাড়া আরম্ভ করিতেন, এমনকি আমরা ভাবিতাম, এই মাসে তিনি রোযা রাখিবেন না। আবার রোযা রাখা আরম্ভ করিতেন, এমনকি আমরা ভাবিতাম, এই মাসে তিনি রোযা ছাড়িবেন না।

রসূলুল্লাহ ছালাল্লাহু আলাইহে অসাল্লামকে তুমি রাত্রিবেলা তাহাজ্জুদ নামায পড়িতে দেখার ইচ্ছা করিলে তাহাও দেখিতে পাইবে এবং নিদ্রা অবস্থায় দেখার ইচ্ছা করিলে তাহাও দেখিতে পাইবে।

১০২৮। হাদীছ :—হোমায়দ (রাঃ) নামক তায়েবী বর্ণনা করিয়াছেন, আমি আনাছ (রাঃ)কে নবী ছালাল্লাহু আলাইহে অসাল্লামের রোযার বিষয়ে জিজ্ঞাসা করিলাম। তিনি বলিলেন, একই মাসের মধ্যে তাঁহাকে রোযা অবস্থায় দেখিতে ইচ্ছা করিলে তাহাও দেখিতে পারিতাম এবং রোযাহীন দেখিতে ইচ্ছা করিলে তাহাও দেখিতে পারিতাম। (অর্থাৎ হয়রত (দঃ) প্রতি মাসের কিছু দিন রোযা থাকিতেন এবং কিছু দিন রোযাহীন দিন কাটাইতেন।) রাত্রে তাঁহাকে তাহাজ্জুদ রত দেখিতে চাহিলে তাহাও দেখিতে পাইতাম এবং নিদ্রাবস্থায় দেখিতে চাহিলে তাহাও দেখিতে পাইতাম। (অর্থাৎ রাত্রের কিছু অংশ তাহাজ্জুদ পড়িতেন এবং কিছু অংশ নিদ্রায় কাটাইতেন।) কোন প্রকার সিন্ধ বা রেশম রসূলুল্লাহ ছালাল্লাহু আলাইহে অসাল্লামের হাত অপেক্ষা অধিক কোমল পাই নাই। কোন প্রকার যুগ্ম-কস্তুরী বা আশ্বর রসূলুল্লাহ ছালাল্লাহু আলাইহে অসাল্লামের স্নগন্ধের তুলনায় অধিক স্নগন্ধ পাই নাই।

নফল রোজা রাখিতে দেহের প্রতি লক্ষ্য রাখিবে

১০২৯। হাদীছ :—আবুহুলাহ ইবনে আমর ইবনুল-আছ (রাঃ) বর্ণনা করিয়াছেন, আমার পিতা আমাকে বিশিষ্ট কুলীন বংশের একটি মেয়ে বিবাহ করাইয়াছিলেন। তিনি সর্বদা পুত্রবধূর খোজ-খবর লইয়া থাকিতেন; তাহাকে তাহার স্বামী সম্পর্কেও জিজ্ঞাসা করিতেন। পুত্রবধূ তাহার স্বামী (তথা আমার সম্পর্কে) বলিত, মানুষ হিসাবে তিনি খুবই ভাল মানুষঃ তবে আমার বিছানায়ও আসেন না, আমার পর্দায়ও হাত লাগান না—বাবৎ তাহার নিকট আসিয়াছি এই অবস্থাই চলিয়াছে। আমার পিতা বহুবার এই অভিযোগ শুনিলে

একদা তিনি নবী ছালাল্লাহু আলাইহে অসাল্লামের খেদমতে উহার আলোচনা করিলেন। নবী (দঃ) বলিলেন, তাহাকে আমার সঙ্গে সাফাৎ করাও।

এতদ্ভিন্ন আমি বলিয়া থাকিতাম, আল্লামার কসম—যত কাল বাঁচিয়া থাকি প্রতি দিন রোযা থাকিব এবং প্রতি রাত্র নামাযে দাঁড়াইয়া কাটাইব। এই কথার সংবাদও নবী (দঃ)কে জ্ঞাত করাইল। তত্স্থপরি আমি যে, সর্বদা রোযা রাখি এবং সারা রাত্র নামায পড়ি—এই খবরও নবী (দঃ) পাইলেন। তারপর নবী (দঃ) আমার নিকট লোক পাঠাইলেন অথবা আমিই হযরতের খেদমতে পৌঁছিলাম। হযরত (দঃ) বলিলেন, সংবাদ পাইয়াছি—তুমি সর্বদা রোযা রাখিয়া থাক, রোযা একদিনও ছাড় না এবং সারা রাত্র নামায পড়িয়া থাক, নিদ্রা যাও না। আমি আরজ করিলাম, জি-হাঁ। হযরত (দঃ) বলিলেন, এইরূপ করিলে তোমার দৃষ্টিশক্তি নষ্ট হইয়া যাইবে, জীবনীশক্তি লোপ পাইয়া যাইবে। যে ব্যক্তি সারা বৎসর রোযা রাখে তাহার রোযা যেন হয়ই না। (কারণ, সর্বদা রোযা রাখা শরীয়তে অপছন্দনীয়।) হযরত (দঃ) আরও জিজ্ঞাসা করিলেন, তুমি রোযা কিভাবে রাখিয়া থাক? আরজ করিলাম, প্রতি দিন। জিজ্ঞাসা করিলেন, কোরআন কিভাবে পড়—(কত রাত্রে তাহাজ্জুদে কোরআন খতম করিয়া থাক?) আরজ করিলাম, প্রতি রাত্রে এক খতম করি। নবী (দঃ) ইহাও জিজ্ঞাসা করিলেন, তুমি নাকি বলিয়া থাক, আল্লামার কসম—যতদিন বাঁচি প্রতি দিন রোযা রাখিব। সারা রাত্র নামাযে দাঁড়াইয়া কাটাইব। আমি আরজ করিলাম, আমার মাতা-পিতা আপনার চরণে উৎসর্গ—আমি ইহা বলিয়াছি।

(এইরূপে একদিন আবহুল্লাহ ইবনে আমর (রাঃ) নিজের হযরতের খেদমতে হাজির হইলে; হযরত মোটামুটি কথাবার্তা এবং সংক্ষিপ্ত নছিহত করণ হইল। অতঃপর বিষয়টির গুরুত্ব অনুভব করিয়া আর একদিন স্বয়ং হযরত (দঃ) আবহুল্লাহ ইবনে আমর (রাঃ) ছাহাবীর গৃহে তশরীফ আনিলেন (ফতহুলবারী ৪—১৭৭)। যাহার বিবরণে) আবহুল্লাহ ইবনে আমর (রাঃ) ইহাও বর্ণনা করিয়াছেন যে, রসুলল্লাহ ছালাল্লাহু আলাইহে অসাল্লামের নিকট আমার রোযার আধিক্যের চর্চা হইলে একদা হযরত (দঃ) আমার গৃহে তশরীফ আনিলেন। আমি হযরতের জন্ত একটি গাও-তাকিয়া উপস্থিত করিলাম, যাহা খজুর ছোবরা ভর্তি চামড়ার তৈরী ছিল। হযরত (দঃ) মাটিতেই বসিয়া পড়িলেন, এবং তাকিয়াটি হযরতের ও আমার মধ্যস্থলে থাকিল। (দুই দিনের সর্বমোট কথোপকথন এবং হযরতের নছিহত নিম্নরূপ ছিল—)

হযরত (দঃ) বলিলেন, তুমি এরূপ করিও না, তুমি ইহা নির্বাহ করিতে পারিবে না। তোমার লক্ষ্য রাখা উচিত তোমার উপর তোমার চক্ষুদ্বয়ের হক আছে, তোমার উপর তোমার জানের হক আছে, তোমার উপর তোমার দেহের

হক আছে, তোমার উপর তোমার স্ত্রীর হক আছে, তোমার উপর তোমার বালবাক্তা আত্মীয়-স্বজনের হক আছে, তোমার উপর তোমার মেহমানের হক আছে। তুমি বয়স বেশী পাইতে পার; (বৃদ্ধ বয়সে এত অধিক এবাদৎ চালাইয়া যাইতে সক্ষম হইবে না।) অতএব তুমি কিছু দিন রোযা রাখ এবং কিছু দিন রোযাহীন থাক; (রাত্রে) কিছু সময় নামায পড় এবং কিছু সময় নিদ্ৰা যাও।

(তছপরি হযরত (দঃ) ভিন্ন ভিন্নরূপে প্রত্যেকটি বিষয়ের সহয পরিমাণের পরামর্শ দিলেন। রোযা সম্পর্কে বলিলেন—) প্রতি মাসে তিনটি করিয়া (নফল) রোযা রাখ; নেক কাজে প্রতিটায় দশ নেকী; অতএব (তিনে ত্রিশ এই হিসাবে) প্রতি মাসে তিন রোযাই সারা বৎসরের রোযার ত্রায় হইয়া যাইবে। তোমার জ্ঞাত কি প্রতি মাসে তিন রোযা যথেষ্ট নয়? আমি আরজ করিলাম ইয়া রসূলুল্লাহ! আমি আরও অধিকে সক্ষম, হযরত (দঃ) বলিলেন, পাঁচটি। আমি বলিলাম, ইয়া রসূলুল্লাহ! হযরত (দঃ) বলিলেন, সাতটি। আমি বলিলাম, ইয়া রসূলুল্লাহ! হযরত (দঃ) বলিলেন, নয়টি। আমি বলিলাম, ইয়া রসূলুল্লাহ! হযরত (দঃ) বলিলেন, এগারটি। এইভাবে আমি কঠোর আমল অবলম্বন করিতে চাহিলাম; অগত্যা আমাকে কঠোরের অনুমতি দেওয়া হইল। এক পর্যায়ে হযরত (দঃ) বলিয়াছিলেন, একদিন রোযা, দুইদিন রোযাহীন। আমি বলিলাম, আমি আরও বেশী সক্ষম; হযরত (দঃ) বলিলেন, প্রতি সপ্তাহে তিন রোযা। আমি আরও কঠোর অবস্থা অবলম্বন করিতে চাহিলাম; আমাকে কঠোরের অনুমতি দেওয়া হইল—আমি বলিলাম, আরও বেশী পরিমাণে আমি সক্ষম; হযরত (দঃ) বলিলেন, আল্লার নবী দাউদ (আঃ)-এর রোযা রাখ। জিজ্ঞাসা করিলাম, দাউদ (আঃ)-এর রোযা কিরূপ ছিল? হযরত (দঃ) বলিলেন, বৎসরের অর্দ্ধেক; উহা সর্বোত্তম রোযা। জিজ্ঞাসা করিলাম, উহা কিরূপ? হযরত (দঃ) বলিলেন, দাউদ (আঃ) একদিন রোযা রাখিতেন, একদিন রোযাহীন থাকিতেন। (এইভাবে তিনি রোযার সঙ্গে সঙ্গে দৈহিক শক্তিও অক্ষুর রাখিতেন, ফলে আল্লার রাস্তায় জেহাদের পূর্ণ শক্তিমান থাকিতেন—) শত্রুর মোকাবিলা হইলে কখনও পশ্চাদপদ হইতেন না।

এইভাবে বাড়াইতে বাড়াইতে হযরত (দঃ) বলিলেন, তুমিও একদিন রোযা রাখ একদিন রোযাহীন থাক। আমি আরজ করিলাম, হে আল্লার নবী! ঐরূপ জেহাদের গুণ আমি কোথা হইতে পাইব। (রোযার মধ্যেই) আরও অধিক ও উত্তমের শক্তি আমার আছে। হযরত (দঃ) বলিলেন, উহা হইতে উত্তম আর কোন স্তর নাই। নবী (দঃ) বলিলেন, যে ব্যক্তি সদা রোযা রাখে (উহা এতই অপছন্দনীয় যে, সে যেন রোযা রাখে নাই— এই কথা নবী (দঃ) দুইবার বলিলেন।

(রাতে তাহাজ্জুদ নামাযের পরিমাণ সম্পর্কে) আবহুলাহ ইবনে আমর (রাঃ) বর্ণনা করিয়াছেন, রসুলুল্লাহ (দঃ) আমাকে বলিলেন, দাউদ (আঃ)-এর তাহাজ্জুদ নামায আল্লার নিকট সর্বাধিক মাহবুব ও পছন্দনীয়। দাউদ (আঃ) অর্ধ রাত্র ঘুমাইতেন, অতঃপর রাত্রের তৃতীয়াংশ পরিমাণ তাহাজ্জুদ নামায পড়িতেন, তারপর আবার যষ্ঠাংশ পরিমাণ ঘুমাইতেন (৪৮৬ পৃঃ)।

(কোরআন শরীফ খতম সম্পর্কে) আবহুলাহ ইবনে আমর (রাঃ) বর্ণনা করিয়াছেন, রসুলুল্লাহ (দঃ) বলিলেন, (তাহাজ্জুদ নামাযে কোরআন শরীফ ধীরে ধীরে পড়িবে—এক মাসে একবার কোরআন শরীফ খতম করিবে। আমি আরজ করিলাম, আমার আরও অধিক সামর্থ আছে। সেমতে হযরত (দঃ) কোরআন খতমের সময়ের পরিমাণ কমাতে কমাতে সর্বশেষে বলিলেন, তিন রাতে খতম করিবে। কিন্তু পরে আবার বলিয়াছেন, কোরআন সাত রাতে একবার খতম করিবে, ইহা অপেক্ষা অধিক (তাড়াতাড়ি) পড়িবে না (৭৫৬ পৃঃ)।

আবহুলাহ ইবনে আমর (রাঃ) বৃদ্ধ বয়সে আক্ষেপ করিয়া বলিতেন, আমার জ্ঞান কতই না ভাল হইত যদি আমি রসুলুল্লাহ ছালাল্লাহু আলাইহে অসাল্লামের সহায় করার পরামর্শ গ্রহণ করিয়া নিতাম। আমি বৃদ্ধ হইয়া পড়িয়াছি, দুর্বল হইয়া পড়িয়াছি, (যে কঠোরের অনুমতি আমি চাহিয়া লইয়াছিলাম উহা নিকাশ করা এখন আমার জ্ঞান অতি কষ্টকর হইয়া পড়িয়াছে।)

বৃদ্ধ বয়সে আবহুলাহ ইবনে আমর (রাঃ) এই ব্যবস্থা করিয়াছিলেন, যে, কোরআন শরীফের সপ্তমাংশ যাহা শেষ রাতে তাহাজ্জুদে পড়িবেন তাহা দিনের বেলা ইয়াদ করিয়া পরিবারের কাহাকেও শুনাইতেন যেন রাতে সহজে পড়িতে পারেন। রোযার ব্যাপারেও যদি (অধিক দুর্বলতা অনুভবের কারণে) শক্তি সঞ্চয়ের প্রয়োজন বোধ করিতেন তবে (একদিন পর একদিন রোযা না রাখিয়া) ধারাবাহিক কতকদিন রোযাহীন থাকিতেন, কিন্তু একদিন পর একদিন রোযার হিসাবে ঐ দিনগুলিতে পরিত্যক্ত রোযার সংখ্যা গণিত রাখিতেন এবং পরে ঐ পরিমাণ সংখ্যা ধারাবাহিক রোযা রাখিয়া পূর্ণ করিতেন। আবহুলাহ ইবনে আমর (রাঃ) ইহা অত্যন্ত না-পছন্দ করিতেন যে, নবী (দঃ) তাঁহাকে যে পরিমাণ এবাদৎ বন্দেগীর উপর রাখিয়া বিদায় গ্রহণ করিয়াছেন সেই পরিমাণের কিঞ্চিৎও ছাড়িবেন (৭৫৫ পৃঃ)।

ব্যাখ্যাঃ—হাহাবীগণের প্রত্যেকেরই প্রচেষ্টা ছিল, দীন ও এবাদতের যে অবস্থা ও পরিমাণ রসুলুল্লাহ ছালাল্লাহু আলাইহে অসাল্লামের বর্তমানে অবলম্বন করিয়াছিলেন হযরতের তিরোধানের পরও যেন সেই অবস্থা ও পরিমাণ অক্ষুন্ন থাকে, উহাতে বিন্দুমাত্র নিম্নগতি না আসে। প্রত্যেকের ক্ষেত্রেই নফল

এবাদৎ অবলম্বন করতঃ সর্বদা নিব্বাহ করিয়া চলার প্রচেষ্টা উত্তম প্রচেষ্টা। হাদীছ শরীফে আছে—নফল এবাদৎ ঐ পরিমাণ উত্তম যাহা সর্বদা নিব্বাহ করা হয়। এই প্রচেষ্টার ফল্যেই হয়রত (দঃ) নফল এবাদতের পরিমাণে সহ্য পস্থা অবলম্বনের জন্ত হাযাবীগণকে তাকিদ করিতেন। কারণ, সহ্য ও কম পরিমাণের এবাদতও উক্ত প্রচেষ্টার পন্থায় বেশীতে পরিণত হয়।

এই আলোচনায় ইহা স্পষ্ট হইয়া যায় যে উল্লেখিত হাদীছে এবাদৎ কম করার যে শিক্ষা ও পরামর্শ রহিয়াছে তাহা একমাত্র সর্বদার অভ্যাসরূপে অবলম্বন করার ক্ষেত্রেই প্রযোজ্য। পক্ষান্তরে আমাদের হায় সাধারণ মানুষ বাহারা আবদুল্লাহ ইবনে আমর রাজিয়াল্লাহু তায়ালা আনহুর হায় বজ্রকঠিন শপথ তুল্য অভ্যাস অবলম্বন করা ত দুইয় কথ্য কোন স্তরেই নফল এবাদতের অভ্যাসই হয় না, বরং সাময়িক মনের কোন গতির প্রভাবে বা সুদিন সুরাত্তির সুযোগে নফল এবাদৎ করা ভাগ্যে জুটিয়া থাকে—এইরূপ ক্ষেত্রের জন্ত উক্ত শিক্ষা ও পরামর্শ নহে। এইরূপ ক্ষেত্রে সাময়িক উচ্ছ্বাসকে উত্তম সুযোগ গণ্য করিয়া উহার থাকায় যতদূর অগ্রসর হওয়া যায় এবং যত অধিক সুযোগ গ্রহণ করা যায় তাহাই সৌভাগ্যের অবলম্বন পরিগণিত হইবে।

তজপ খাহারা পবিত্র কোরআনের অর্থ বুঝিতে সক্ষম তাঁহাদের বিশেষ কর্তব্য নামাযে বা সাধারণ রূপে কোরআন তেলাওত করিতে অর্থের প্রতি লক্ষ্য রাখিয়া এবং পবিত্র কোরআনের মর্ম্মকে উপলব্ধি ও গ্রহণ করিয়া, উহার ভাবে ভাবানুরিত হইয়া পাঠ করা। তাহাতে নিশ্চয়ই পঠনের গতি দীর্ঘ ও মন্থর হইবে, পরিমাণ কম হইবে। উল্লেখিত হাদীছে কোরআন তেলাওতের পরিমাণে যে পরামর্শ রহিয়াছে তাহা একমাত্র এই দৃষ্টির ভিত্তিতেই। অতএব যাহারা অর্থ বুঝিবার ক্ষমতা হইতে বঞ্চিত তাহাদের জন্ত এই পরামর্শ গ্রহণ আবশ্যকীয় নহে, কিন্তু তাহাদিগকেও শুদ্ধ এবং স্পষ্টরূপে পড়ার প্রতি লক্ষ্য রাখিতে হইবে, অন্যথায় পবিত্র কোরআনের লান'ত ও অভিশাপগ্রস্ত হইতে হইবে।

বিশেষ জরুখ্যঃ—আবদুল্লাহ ইবনে আমর রাজিয়াল্লাহু তায়ালা আনহুর এই ঘটনা হাযাবীগণের মধ্যে বিশেষরূপে প্রসিদ্ধ ছিল। অনেকেই আকান্ধিত হইয়া তাঁহার এই হাদীছ গুনিবার জন্ত আসিতেন; তিনিও হয়রতের অমোঘ আদর্শের শিক্ষাটিকে অনেক ক্ষেত্রেই বর্ণনা করিয়াছেন। তবে তিনি পূর্ণ বিবরণটি খণ্ড খণ্ডরূপে বিভিন্ন ক্ষেত্রে বিভিন্ন খণ্ড তাহাও নিজ ভাষায় ব্যক্ত করিতেন; ফলে কোন কোন ক্ষেত্রে বাক্য রচনায় কিম্বা বিবরণ ধারায় গরমিলের ধারণা জন্মে, কিন্তু সম্পূর্ণ বিবরণের সমষ্টির মধ্যে মোটেই কোন গরমিল নাই। আবদুল্লাহ ইবনে আমর (রাঃ) হইতে বিভিন্ন বর্ণনার হাদীছ সমূহ বোখারী (রঃ)

১৫৪, ২৬৫, ২৬৬, ৪৮৫, ৭৫৫, ৭৫৬, ৭৮৩, ৯০৫, ও ৯২৮ পৃষ্ঠায় সর্ব মোট ১৮ স্থানে উল্লেখ করিয়াছেন। সর্ব সমষ্টির অনুবাদ ধারাবাহিকরূপে একত্রে করা হইয়াছে।

কাহারও সাক্ষাতে যাইয়া তাহার খাতিরে নফল

রোযা ভঙ্গ করা আবশ্যক নহে

১০৩০। হাদীছ ৩—আনাছ (রাঃ) বর্ণনা করিয়াছেন, একদা নবী ছাল্লাল্লাহু আলাইহে অসাল্লাম (আমার মাতা) উম্মে-ছোলায়েমের গৃহে তশরীফ আনিলেন। উম্মে-ছোলায়েম তৎক্ষণাৎ কিছু খুরমা ও মাখন উপস্থিত করিলেন। নবী ছাল্লাল্লাহু আলাইহে অসাল্লাম বলিলেন, মাখন ও খুরমা স্ব স্ব পাত্রে রাখিয়া দাও; আমি রোযা রাখিয়াছি। অতঃপর নবী (দঃ) গৃহের এক কিনারায় দাঁড়াইয়া নফল নামায পড়িলেন এবং উম্মে-ছোলায়েম ও তাঁহার গৃহবাসীদের জন্ত দোয়া করিলেন। উম্মে-ছোলায়েম আরজ করিলেন, ইয়া রাসূলুল্লাহ! আমার এক জন বিশেষ প্রিয় পাত্র আছে। হযরত (দঃ) জিজ্ঞাসা করিলেন সে কে? উম্মে-ছোলায়েম বলিলেন, আপনার আজ্ঞাবহ খাদেম—আনাছ।

(আনাছ (রাঃ) বলেন—) তখন নবী ছাল্লাল্লাহু আলাইহে অসাল্লাম আমার জন্ত ইহপরকালের সমুদয় কল্যাণ, মঙ্গল ও উন্নতির দোয়া করিলেন, এবং এই দোয়াও করিলেন—হে আল্লাহ! আনাছকে ধনে-জনে বাড়াইয়া দাও। সেই দোয়ার বরকতেই আমি মদীনাবাসীদের মধ্যে অশ্রুতম ধনী এবং আমার বড় মেয়ে উমায়মা বলিয়াছে, যে বৎসর হাজ্জাজ বছরার শাসনকর্ত্তা হইয়া আসে সেই বৎসর পর্য্যন্ত আমার ঔরসজাত মৃত সন্তানের সংখ্যা একশত কুড়িরও অধিক ছিল।

ব্যাখ্যা ৩—উম্মে-ছোলায়েম রাজিয়াল্লাহু তায়ালা আনহার এতীম ছেলে ছিলেন আনাছ (রাঃ)। মাতা হযরত রসূলুল্লাহ ছাল্লাল্লাহু আলাইহে অসাল্লামের দ্বারা স্বীয় এতীম পুত্রের জন্ত দোয়া করাইলেন। সেই দোয়া অক্ষরে অক্ষরে প্রতিফলিত হইল। উহারই দুইটি নমুনা স্বয়ং আনাছ রাজিয়াল্লাহু তায়ালা আনহুর বর্ণনায় এখানে উল্লেখ হইয়াছে। ধনের দিক দিয়া তাঁহার অসাধারণ উন্নতি লাভ হইয়াছিল। প্রসিদ্ধ আছে যে, সাধারণতঃ খেজুর গাছে বৎসরে একবার ফল আসিয়া থাকে, কিন্তু আনাছ রাজিয়াল্লাহু তায়ালা আনহুর খেজুর বাগানের গাছ সমূহে প্রতি বৎসর দুইবার ফল আসিত। জনের দিক দিয়া আল্লাহ তায়ালা তাঁহাকে এরূপ উন্নতি দান করিয়াছিলেন যে, তাঁহার ৮০৮২ বৎসর বয়সের সময় তাঁহার জীবিত ছেলে-মেয়ে পৌত্র-পৌত্রির সংখ্যা প্রায় এক শত ছিল এবং শুধু ঔরসজাত সন্তানের মৃত সংখ্যা একশত কুড়িরও অধিক ছিল। এই বয়সের পরে তিনি আরও প্রায় ১০১৫ বৎসর জীবিত ছিলেন।

প্রতি মাসের শেষভাগে রোযা রাখা

১০৩১। হাদীছ :- ইমরান (রাঃ) বর্ণনা করিয়াছেন, নবী ছালাল্লাহু আলাইহে অসাল্লাম এক ছাহাবীকে জিজ্ঞাসা করিলেন—তুমি (তোমার অভ্যাসানুরূপ) গত শা'বান মাসের শেষভাগে রোযা রাখ নাই? ছাহাবী উত্তর করিলেন, না, ইয়া রাসুলুল্লাহ! হযরত (দঃ) বলিলেন, তবে উহার পরিবর্তে দুইটি রোযা করিয়া নিও।

ব্যাখ্যা :- ব্যক্তিগত নফল এবাদত বন্দেগীতে সাধারণতঃ এই পদ্ধতি অতি সুফলদায়ক হয় যে, এবাদত সমূহের মধ্য হইতে স্বীয় শক্তি ও সামর্থ্যানুযায়ী কিছু পরিমাণ এবাদত স্বীয় অভ্যাস করিয়া লওয়া চাই। অতঃপর সেই অভ্যাসকে নিয়মিতরূপে পরিচালিত করা চাই। একরূপ করিলে নফল ও শয়তান সেই মানুষকে অলসতা অবহেলা বা অমনোযোগিতার মধ্যে ফেলিবার সুযোগ পায় না এবং কোন প্রকার ছুতা-নাতার আড়ালে তাহাকে এবাদত হইতে মাহরুম রাখিতে সক্ষম হয় না। এই উদ্দেশ্যেই এবাদত-বন্দেগীর উন্নতিকামীগণ নফল এবাদতের কিছু পরিমাণকে স্বীয় অজিফারূপে নির্দিষ্ট করিয়া নেন। এমনকি, যদিও নফল এবাদতের কাযা আদৌ আবশ্যকীয় নহে তবুও তাঁহারা একরূপ করেন যে, যদি কোন দিন কোন সময় ঐ অজিফা ও নির্দিষ্ট এবাদত কোন বিশেষ কারণে সময় মত আদায় করা না যায়, তবে উহাকে অল্প সময় আদায় করিয়া লন। ইহাতে নফল-শয়তান কর্তৃক অবহেলা, অমনোযোগিতা ও অলসতা টানিয়া আনার হিঙ্গুপথ বন্ধ থাকে। যেমন হাদীছের দ্বারা প্রমাণিত আছে যে, কাহারও তাহাজ্জুদ বা রাত্রে কোন অজিফা কোন দিন ছুটিয়া গেলে দ্বিপ্রহরের পূর্বেই উহা আদায় করিয়া নিবে। একরূপ আরও অনেক নজীর বিদ্যমান আছে। বোধ হয় এই উদ্দেশ্যেই শা'বান মাসের শেষভাগে নফল রোযা নিষিদ্ধ হওয়ার সাধারণ নিয়ম হইতে প্রতি মাসের শেষ ভাগে রোযা রাখার অভ্যাস ব্যক্তিকে অব্যাহতি দেওয়া হইয়াছে। যাহার বিবরণ ৯৮৫ নং হাদীছে বর্ণিত আছে।

আলোচ্য হাদীছের ঘটনাটি এই শ্রেণীরই একটি ঘটনা। ঐ ছাহাবী স্বীয় অজিফা স্বরূপ এই অভ্যাস করিয়াছিলেন যে, প্রতি মাসের শেষ ২৩ দিন নফল রোযা রাখিতেন। শা'বান মাসের শেষভাগে সাধারণতঃ নফল রোযা নিষিদ্ধ হইলেও পূর্বাপর মাসসমূহের শেষভাগে নফল রোযা রাখায় অভ্যাস ব্যক্তির পক্ষে উহা নিষিদ্ধ নহে। আলোচ্য ঘটনায় ঐ ছাহাবী যে কোন কারণেই হউক শা'বান মাসে স্বীয় অভ্যাস রোযা আদায় করেন নাই। তাই হযরত রাসুলুল্লাহ ছালাল্লাহু আলাইহে অসাল্লাম তাঁহাকে স্বীয় অজিফা বহাল রাখার প্রতি তৎপরতা শিক্ষাদানার্থে এই পরামর্শ দিলেন যে, অল্প মাসে এই রোযা আদায় করিয়া লও।

মছআলাহ :- আইয়্যামে-বীজ তথা প্রতি চন্দ্রমাসের ১৩, ১৪ ও ১৫ তারিখে রোযা রাখাও বিশেষ ফজিলতের আমল। এসম্পর্কে ইমাম বোখারী (রঃ) একটি পরিচ্ছেদ উল্লেখ করিয়াছেন এবং ৬২৩নং হাদীছখানা বয়ান করিয়াছেন।

শুধু শুক্রবার রোযা রাখার অভ্যাস নিষিদ্ধ

১০৩২। হাদীছ :- মোহাম্মদ ইবনে আব্বাস (রঃ) বর্ণনা করিয়াছেন, আমি জাবের (রঃ)কে এই বিষয় জিজ্ঞাসা করিলাম যে, নবী ছালাল্লাহু আলাইহে অসাল্লাম কি শুক্রবার রোযা রাখিতে নিষেধ করিয়াছেন? তিনি বলিলেন, হাঁ— শুধুমাত্র শুক্রবার দিন বিশেষ করিয়া রোযা রাখা নিষেধ করিয়াছেন।

১০৩৩। হাদীছ :- **سَمِعْتُ النَّبِيَّ صَلَّى اللَّهُ عَلَيْهِ وَسَلَّمَ يَقُولُ لَا يَصُومُ أَحَدُكُمْ يَوْمَ الْفِطْرِ إِلَّا يَوْمًا قَبْلَهُ أَوْ بَعْدَهُ**

অর্থ—আবু হোরাযরা (রাঃ) বর্ণনা করিয়াছেন, নবী ছালাল্লাহু আলাইহে অসাল্লাম বলিয়াছেন, তোমাদের কেহ বেন বিশেষ করিয়া শুধু শুক্রবার রোযা না রাখে, যাবৎ না উহার সঙ্গে পূর্বে বা পরে আরও এক দিনের রোযা রাখে।

১০৩৪। হাদীছ :- উম্মুল মোমেনীন জোয়ায়রিয়া (রাঃ) বর্ণনা করিয়াছেন, একদা শুক্রবার দিন নবী ছালাল্লাহু আলাইহে অসাল্লাম আমার নিকট তশরীফ আনিলেন, আমি সে দিন রোযা রাখিয়াছিলাম। তিনি (তাহা জানিতে পারিয়া আমাকে জিজ্ঞাসা করিলেন, গতকল্যও রোযা রাখিয়াছিলে কি? আমি উত্তর করিলাম—না। তিনি জিজ্ঞাসা করিলেন আগামীকল্য রোযা রাখার ইচ্ছা পোষণ কর কি? আমি আরজ করিলাম—না। তখন হররত (দঃ) বলিলেন, এরূপ অবস্থায় তুমি অত্কার রোযা ভাসিয়া ফেল। রসুলুল্লাহ ছালাল্লাহু আলাইহে অসাল্লামের আদেশানুক্রমে তিনি রোযা তঙ্গ করিয়া ফেলিলেন।

ব্যাখ্যা :- শয়তান বড় চতুর ও দুরদর্শী। যাহাকে দীনদার পরহেজগার দেখে তাহাকে সেই পথেই ধোকা দেওয়ার চেষ্টা করিয়া থাকে। শরীয়তের বিধানে যে কার্য-বিধি বিद्यমান নাই, শুধু মনগড়াক্রমে উহাকে আঁকড়াইয়া ধরা যদিও সেই কার্য-বিধি ভাল কাজ সংশ্লিষ্ট হয় তবুও এরূপ করা দীন ইসলামের মূলে ভীষণ আঘাত হানার একটি চিরাচরিত সূত্র ও হিদ্দপথ। এই সূত্র ও হিদ্দ পথেই পূর্ব্বেকার নবীগণের শরীয়তের মধ্যে তাহরীক বা পরিবর্তন ও বিকৃত করণ

ঘটিয়াছিল। তাই হযরত রসুলুল্লাহ ছালাল্লাহু আলাইহে অসাল্লামের শরীয়তের মধ্যে তীক্ষ্ণদৃষ্টি রাখা হইয়াছে যে, কোন প্রকারে যেন ঐ সূত্র ও ছিদ্দপথের অবকাশ সৃষ্টি হইতে না পারে।

আলোচ্য পরিচ্ছেদের মহাআলাহটি সেই বিশেষ দৃষ্টিরই একটি প্রতিক্রিয়া। শুক্রবার দিনটি দীন-ইসলাম ও শরীয়তের মধ্যে ফজীলতের দিমরূপে ধাৰ্য্য হইয়াছে এবং উহার মধ্যে এবাদৎ করার বিশেষ ছোয়াব আছে। কিন্তু এই দিনের জন্ত বিশেষ এবাদৎ যাহা শরীয়ত কর্তৃক প্রবর্তিত হইয়াছে তাহা হইল জুমার নামায। যেরূপ রমযান শরীফের জন্ত বিশেষ এবাদৎ করজ রোযা ও তারাবীহ এবং আশুরা, আরাফার তারিখ, শাওয়াল মাসের ছয় দিন, প্রতি মাসের আইয়ামে-বীজ ইত্যাদি অনেক অনেক দিনে নফল রোযা বিশেষ এবাদতরূপে প্রবর্তিত হইয়াছে। কিন্তু শুক্রবারের জন্ত নফল রোযা শরীয়ত কর্তৃক বিশেষ এবাদতরূপে প্রবর্তিত হয় নাই। এমতাবস্থায় নফল রোযাকেও জুমার নামাযের স্থায় শুক্রবার দিনের বিশেষ এবাদতরূপে গণ্য করা দীন-ইসলাম ও শরীয়তকে বিকৃত করণের একটি পদক্ষেপ বৈ আর কি বলা যাইতে পারে? যদি কেহ ঐরূপ কোন ধারণা অন্তরে স্থান না দিয়া শুক্রবারের রোযা অবলম্বন করে তবুও তাহা নিষেধ করা হইবে। কারণ, আন্তরিক ধারণা দৃষ্টিগোচর হয় না, কার্য্যক্রমের প্রতিই বাহ্যিক দৃষ্টি নিবদ্ধ হইয়া থাকে। তাই বিশেষরূপে শুক্রবার দিন রোযা রাখিলে ঐ ধারণারই সূত্রপাত হইবে এবং সাধারণ্যে তাহার কার্য্যের দ্বারা ঐ ধারণা বিস্তার লাভ করিবে। তদুপরি শয়তান তাহার দ্বারা আরও বহু স্থানে শরীয়তের সীমা অতিক্রম ব্যতিক্রম করাইবার ছিদ্দপথ পাইয়া বসিবে এবং ধাপে ধাপে দীন ও শরীয়তকে বিকৃত করার সুযোগ করিয়া দিবে।

বলাবাহুল্য শরীয়ত ও দীন-ইসলামের দৃষ্টিতে শুক্রবার দিনের বিশেষত্ব ও ফজীলত বিজ্ঞমান আছে। সেই বিশেষত্ব ও ফজীলতের ভিত্তিতেই উপরোল্লিখিত ধারণা বিস্তারের আশঙ্কা উজ্জ্বল ও প্রবল হইয়া উঠে। অত্যাশ্চর্য্য দিনের যেহেতু সেই বিশেষত্ব ও ফজীলত নাই, তাই সে স্থলে ঐ ধারণা বিস্তারের আশঙ্কা অতি দুর্বল। যেরূপ কোন ব্যক্তির মধ্যে যোগ্যতা, বিশেষত্ব ও প্রাধাত্য থাকিলেই তাহার প্রতিদ্বন্দিতার আশঙ্কার প্রতি দৃষ্টি ও লক্ষ্য করা হয়। আর যে ব্যক্তির মধ্যে সেই বিশেষত্ব নাই তাহার প্রতি অক্ষিপেও করা হয় না।

অবশ্য শুক্রবার দিন বিশেষ ফজীলতের দিন, ঐ দিন রোযা রাখার অভিলাষ জন্মিলে তাহা পূরণ করারও ব্যবস্থা রাখা হইয়াছে যে, উহার পূর্বে বা পরে আরও এক দিনের রোযা সংযোগ করিবে, যাহাতে উল্লিখিত ধারণা জন্মিবার সূত্র নিপাত হইয়া যায়। আলোচ্য পরিচ্ছেদের হাদীছে ইহারই নির্দেশ রহিয়াছে।

কোন দিন ও বারকে রোযার জন্ত নির্দিষ্ট করা

১০৩৫। হাদীছ :—আল্‌কামা (রাঃ) বর্ণনা করিয়াছেন, আমি আয়েশা (রাঃ)কে জিজ্ঞাসা করিলাম, রসুলুল্লাহ ছালাল্লাহু আলাইহে অসাল্লাম সপ্তাহের কোন দিন ও বারকে রোযার জন্ত নির্দিষ্ট করিতেন কি? তিনি বলিলেন, না। হযরতের অভ্যাস এই ছিল যে, তিনি স্বীয় (স্থিরকৃত) আমলের প্রতি পাবন্দী ও স্থিতিশীলতা অবলম্বন করিতেন। তাঁহার খায় আগল করার সামর্থ্য কাহারও আছে কি?

ব্যাখ্যা :—আয়েশা (রাঃ) বর্ণনা করিয়াছেন, নবী ছালাল্লাহু আলাইহে অসাল্লাম সপ্তাহের কোন দিন ও বারকে রোযার জন্ত নির্দিষ্ট করিতেন না, সাধারণতঃ তাঁহার অভ্যাস ইহাই ছিল। অবশ্য কোন কোন হাদীছের দ্বারা প্রমাণিত আছে যে, হযরত নবী ছালাল্লাহু আলাইহে অসাল্লাম সোমবার ও বৃহস্পতিবার রোযা রাখিয়াছেন এবং বলিয়াছেন যে, সপ্তাহের মধ্যে এই দুই দিন প্রত্যেকের আমল-নামা (ইল্লিয়ীনের প্রতি) উঠান হয়। আমি ভালবাসি যে, আমি রোযা অবস্থায় আমার আমল নামা উঠান হউক।

ইয়াওমে আরাক্কা—৯ই জিলহজ্জের রোযা

১০৩৬। হাদীছ :—উম্মুল মোমেনীন মাইমুনাহ (রাঃ) বর্ণনা করিয়াছেন, (বিদায়-হজ্জ) আরফার দিন নবী ছালাল্লাহু আলাইহে অসাল্লামের রোযা সম্পর্কে লোকদের দ্বিধাবোধ হইল। আমি দুধের পেয়লা হযরতের নিকট পাঠাইয়া দিলাম; নবী (দঃ) তখন আরফার ময়দানের বিশেষ স্থানে অবস্থানরত ছিলেন। নবী (দঃ) এই দ্রুত প্রকাশে পান করিলেন, উপস্থিত লোকগণ তাহা অবলোকন করিয়াছিল।

মছআলাহ :—৯ই জিলহজ্জকে ইয়াওমে-আরফা বলা হয়, কারণ সেদিন হাজীগণ আরফার ময়দানে অবস্থান করিয়া থাকেন। এই দিনের রোযা বিশেষ ফজিলত ও ছওয়াবের রোযা। কিন্তু হাজী—যাঁহারা আরফার ময়দানে উপস্থিত আছেন তাহাদের জন্ত এই দিনের রোযা স্তম্ভত নহে।

মছআলাহ :—আলোচ্য ফজীলতের রোযাটি বিশ্বের প্রত্যেক অঞ্চলে তথায় জিলহজ্জ মাসের চাঁদ দেখা হিসাবে ৯ তারিখের জন্ত সাব্যস্ত। মক্কা শরীফের ৯ তারিখ তথা প্রকৃত আরাক্কার দিনকে অথ অঞ্চলে সাব্যস্ত করিলে তাহা ভুল হইবে। এবং এই হিসাবে অথ অঞ্চলে চাঁদ দেখা অনুসারে ৯ তারিখ ভিন্ন অথ তারিখে রোযা রাখিলে এই ফজীলত লাভ হইবে না।

ঈদের দিন রোযা রাখা

১০৩৭। হাদীছ :—আবু ওবাইদ (রাঃ) বর্ণনা করিয়াছেন, আমি এক ঈদের নামাযে উপস্থিত ছিলাম। আমীরুল-মোমেনীন ওমর রাজিয়াল্লাহু তায়ালা

আনহুও উপস্থিত ছিলেন। তিনি বলিলেন, রসুলুল্লাহ ছালাল্লাহু আলাইহে অসাল্লাম দুইটি দিনে রোযা রাখিতে নিষেধ করিয়াছেন—রমযানের রোযার শেষে ঈদের দিন এবং কোরবানীর গোশত খাওয়ার ঈদের দিন।

১০৩৮। হাদীছ :—আবু সায়ীদ খুদরী (রাঃ) বর্ণনা করিয়াছেন, রসুলুল্লাহ ছালাল্লাহু আলাইহে অসাল্লাম এই কার্যগুলি নিষেধ করিয়াছেন—রোযার ঈদের দিনে এবং কোরবানীর দিনে রোযা রাখা, চাদর একপে গায়ে দেওয়া যে, হাত বাহির করা কষ্ট সাধ্য হইয়া পড়ে, (লম্বা) জামার নীচে পায়জামা ইত্যাদি অথ কোন কাপড় না থাকা অবস্থায় হাঁটু খাড়া করিয়া এইরূপে বসা যে, তলদেশ উন্মুক্ত থাকে। আর ফজর ও আছর নামায পড়ার পর (নফল) নামায পড়া।

১০৮৯। হাদীছ :—আবু হোরায়রা (রাঃ) হইতে বর্ণিত আছে, (নবী ছালাল্লাহু আলাইহে অসাল্লামের পক্ষ হইতে) দুই প্রকার রোযা নিষিদ্ধ করা হইয়াছে—রোযার ঈদের দিনের রোযা ও কোরবানীর ঈদের দিনের রোযা এবং দুই প্রকার ক্রয়-বিক্রয় নিষিদ্ধ করা হইয়াছে—ক্রেতা কর্তৃক ক্রয় বস্তু হাতে ছোঁয়াফে এবং বিক্রেতা কর্তৃক ক্রয় বস্তু ক্রেতার উপর নিক্ষেপ করাকে বাধ্যতামূলক ক্রয়-বিক্রয় সাব্যস্ত করা।

অর্থাৎ ক্রেতা ও বিক্রেতা উভয়ের স্বাধীন ইচ্ছা প্রয়োগের অধিকার খর্বকারক সূত্রে ক্রয়-বিক্রয় সাব্যস্ত করা নিষিদ্ধ।

১০৪০। হাদীছ :—যিয়াদ ইবনে জোবায়ের (রাঃ) বর্ণনা করিয়াছেন, এক ব্যক্তি আবুহুলাহ-ইবনে ওমর রাজিয়াল্লাহু তায়ালা আনহুরা নিকট জিজ্ঞাসা করিল, কোন ব্যক্তি যদি কোন বিশেষ দিনের রোযা রাখার—যে রূপ নিদিষ্ট সোমবার রোযা রাখার মান্নত করে এবং ঐ দিন ঈদের দিন হইয়া পড়ে তবে সে কি করিবে? ইবনে ওমর (রাঃ) বলিলেন, আল্লাহ তায়ালা মান্নত পূরণ করার আদেশ করিয়াছেন এবং নবী ছালাল্লাহু আলাইহে অসাল্লাম ঈদের দিনে রোযা নিষেধ করিয়াছেন। (শরীয়তের উভয় আদেশ-নিষেধকেই রক্ষা করিতে হইবে।)

মছআলাহু :—এইরূপ মান্নতের দ্বারা রোযা ওয়াজেব হইবে, কিন্তু ঈদের দিন রোযা রাখিবে না, ঈদের পর অথ দিন রোযা আদায় করিবে।

মছআলাহু :—কোরবানীর ঈদের দিনের পরে ১১, ১২, ১৩ জিলহজ্জ এই তিন দিন রোযা রাখায় মতভেদ আছে। হানফী মজহাব মতে এই তিন দিনেও রোযা নিষিদ্ধ। এই দিনে রোযার মান্নত অথ দিনে আদায় করিতে হইবে।

আশুরার—মোহরামের দশ তারিখের রোযা

১০৪১। হাদীছ :—আবুহুলাহ ইবনে ওমর (রাঃ) বর্ণনা করিয়াছেন, নবী ছালাম্লাছ আলাইহে অসাল্লাম আশুরার দিন বলিলেন, কেহ ইচ্ছা করিলে এই দিন রোযা রাখিতে পারে।

১০৪২। হাদীছ :— مَنْ صَامَ يَوْمَ عَاشُورَاءَ فَقَدْ صَامَ مِثْلَ عَامٍ

رَسُولَ اللَّهِ صَلَّى اللَّهُ عَلَيْهِ وَسَلَّمَ هَذَا يَوْمٌ عَاشُورَاءَ وَلَمْ يَكُتَبِ اللَّهُ عَلَيْكُمْ صِيَامَهُ وَإِنَّا صَائِمُونَ فَمَنْ شَاءَ فَلْيَصُمْ وَمَنْ شَاءَ فَلْيُفْطِرْ

অর্থ—মোয়াবিয়া (রাঃ) বর্ণনা করিয়াছেন, রসুলুল্লাহ (দঃ)কে বলিতে শুনিয়াছি— এইযে আশুরার দিন, এই দিনের রোযা তোমাদের উপর আলাহ তায়ালা ফরজ করেন নাই বটে, কিন্তু আমি এই দিন রোযা রাখিব। যাহার ইচ্ছা হয় সে এই রোযা রাখিতে পারে এবং কাহারও ইচ্ছা হইলে এই রোযা ছাড়িতেও পারে।

১০৪৩। হাদীছ :— ইবনে আব্বাস (রাঃ) বর্ণনা করিয়াছেন, নবী ছালাম্লাছ আলাইহে অসাল্লাম মদীনায়া আসিয়া ইহুদিগণকে আশুরার রোযা করিতে দেখিলেন। তিনি জিজ্ঞাসা করিলেন, তোমাদের এই রোযা কি উদ্দেশ্যে? তাহারা বলিল, এই দিনটি বিশেষ বরকতের দিন, এই দিন আলাহ তায়ালা বনী ইস্রাইলকে তাহাদের শত্রু ফেরাউনের কবল হইতে মুক্তি দান করিয়াছিলেন। (আলাহ তায়ালায় শোকরিয়া আদায় করণার্থে এবং সেই মহান নেয়ামত স্মরণার্থে) মুছা আলাইহেছালাম এই দিন রোযা রাখিয়াছিলেন।

রসুলুল্লাহ ছালাম্লাছ আলাইহে অসাল্লাম বলিলেন, মুছা আলাইহেছালামের সহযোগিতার জন্ত আমরা অধিক আগ্রহশীল এবং (পূর্বের হায) তিনি এই দিনের রোযা রাখিলেন এবং সকলকে রোযা রাখিতে আদেশও করিলেন।

১০৪৪। হাদীছ :—আবু মুছা আশযারী (রাঃ) বর্ণনা করিয়াছেন, ইহুদিরা আশুরার দিন ঈদের দিনের হায আনন্দ উৎসবের অনুষ্ঠান করিত (এবং উহার সম্মানার্থে রোযা রাখিত)। নবী ছালাম্লাছ আলাইহে অসাল্লাম মোসলমানগণকে আদেশ করিলেন, তোমারও এই দিনের রোযা রাখ।

১০৪৫। হাদীছ :— ইবনে আব্বাস (রাঃ) বর্ণনা করিয়াছেন, নবী ছালাম্লাছ আলাইহে অসাল্লাম আশুরার দিনের এবং রমজান মাসের রোযাকে যেরূপ অগ্রাধিকার ও ফজিলত দান করিয়া থাকিতেন, অথ কোন দিনকে বা অথ কোন মাসকে এরূপ ফজিলত দান করিতে আমি দেখি নাই।

১০৪৬। হাদীছ :— ছালামা-তুবনুল-আকওয়া (রাঃ) রর্ণনা করিয়াছেন, একদা নবী ছাল্লাল্লাহু আলাইহে অসাল্লাম ‘আসলাম’ গোত্রের এক ব্যক্তিকে আদেশ করিলেন, লোকদের মধ্যে প্রচার করিয়া দাও, (অত্কার দিন আশুরার দিন নয় ধারণা করিয়া) যাহারা পানাহার করিয়াছে তাহারা দিনের বাকি অংশ রোযার ছায় অনাহারে কাটাইবে। যাহারা এখনও পানাহার করে নাই, তাহারা রোযা রাখিবে; অত্কার দিন আশুরার দিন বলিয়া প্রমাণিত হইয়াছে।

ব্যাখ্যা :—রমযান মাসের রোযা ফরজ হওয়ার পূর্বে আশুরার দিনের রোযা এই উম্মতের জন্ত নবী (দঃ) ফরজ রূপে আদেশ করিয়াছিলেন; এই তথ্য আয়েশা (রাঃ) বর্ণিত ৮২৯ নং হাদীছে উল্লেখ হইয়াছে। আলোচ্য হাদীছের নির্দেশটি ঐ সময়েরই। আশুরার রোযা ফরজ হওয়া রহিত হইয়া যাওয়ায় এই আদেশও রহিত হইয়া গিয়াছে।

পাঠকবর্গ! আশুরার দিন মোহারম চাঁদের দশ তারিখ, তাই কেহ ধারণা করিতে পারে যে, ইমাম হোসাইন রাজিয়াল্লাহু তায়ালা আনহুর শাহাদতের হৃদয় বিদারক ঘটনার সঙ্গে আশুরার রোযার কোন সম্পর্ক রহিয়াছে। একপ-ধারণা ভিত্তিহীন ও অজ্ঞতা-প্রসূত। কারণ, ঐ ঘটনা হযরত রসুলুল্লাহ ছাল্লাল্লাহু আলাইহে অসাল্লামের যমানার বহু পরে ঘটিয়াছে, অথচ এই আশুরার রোযা নবী (দঃ) স্বয়ং রাখিয়াছেন এবং ইসলামের প্রথম যুগ হইতেই মোসলমানগণকে এই রোযা রাখার জন্ত উৎসাহিত করিয়াছেন, বরং তাঁহারও বহু পূর্বে মুছা আলাইহেছালাম কর্তৃক এই রোযা রাখাও প্রমাণিত হইয়াছে, বরং ইহারও বহু পূর্বে নূহ (আঃ)ও এই দিনের রোযা রাখিয়াছিলেন। কারণ, মহা তুফান ও প্লাবন হইতে রক্ষা প্রাপ্ত হইয়া তাঁহার তরী এই দিনই ‘জুদী’ পর্বতের উপর দাঁড়াইয়াছিল।

কতিপয় পরিচ্ছেদের বিষয়বস্তু

● রমযান আরম্ভের চাঁদ এবং রমযান শেষ হওয়ার চাঁদ দেখায় তৎপর হইবে (২৫৫ পৃঃ)। ইসলামের বিশেষ ফরজ—রোযা ইহার উপর নির্ভরশীল।

● রমযান শরীফের রোযা শুধু কেবল গতানুগতিক ভাবে রাখিবে না, বরং আল্লাহ ও রসুলের প্রতি ঈমানের তাগিদে আল্লাহর আদেশের আনুগত্য এবং আল্লাহ ও রসুলের বর্ণিত হওয়াব লাভের প্রেরণা এবং ফরজ আদায়ের নিয়্যতকে অন্তরে উপস্থিত রাখিয়া প্রতিটি রোযা আরম্ভ করিবে। (২৫৫ পৃঃ)

● নবী ছাল্লাল্লাহু আলাইহে অসাল্লাম রমযান মাসে অধিক দানশীল হইতেন (২৫৫ পৃঃ)। অতএব রমযান মাসে বাহ্যিক দান-খয়রাতে এবং আল্লাহ বন্দানের মধ্যে দীন বিতরণে অধিক তৎপর হওয়া সুন্নত।

● বাগড়া প্রতিরোধ এবং গালিগালাজ বারণ করার জন্য একপ বলা যে, আমি রোযা আছি—দোষনীয় নহে। (২৫৫)

● পানি বা সহজসাধ্য যে কোন বস্তু দ্বারাই ইফতার করা যায় ২৬৩ পৃঃ) এমনকি অগ্নিস্পর্শে তৈরী বস্তু দ্বারাও ইফতার করা যায়। (১০০৩ নং হাদীছের ঘটনায় রসুলুল্লাহ (দঃ) ছাতুর সরবৎ দ্বারা ইফতার করিয়াছিলেন। জব ইত্যাদির ছাতু তৈরী করিতে প্রথমে উহাকে আগুনে ভাজা করিতে হয়। অগ্নিস্পর্শ বিহীন বস্তু শুধু পানি হইলেও উহা দ্বারাই ইফতার করা উত্তম।

● নফল রোযা রাখিতে মেহমানের হকের প্রতি লক্ষ্য রাখিতে হইবে, দেহের হকের প্রতি লক্ষ্য রাখিতে হইবে, পরিজনের হকের প্রতি লক্ষ্য রাখিতে হইবে। সর্বদা রোযা রাখা নিষিদ্ধ ও অপছন্দনীয়। নফল রোযার অধিক্যের সর্ববশেষ সীমা হইল—একদিন অন্তর অন্তর রোযা রাখ ; দাউদ আলাইহেছালামের নফল রোযার রীতি ইহাই ছিল (২৬৫ পৃঃ)। এই বিষয় কয়টি একই হাদীছে প্রমাণ করা হইয়াছে ; হাদীছটি অতি গুরুত্বপূর্ণ। নফল নামায-রোযা ও কোরআন শরীফ তেলাওয়াত সম্পর্কে রসুলুল্লাহ (দঃ) হইতে নীতি নির্দ্ধারনী পরামর্শ উক্ত হাদীছে বর্ণিত হইয়াছে। হাদীছটির বিস্তারিত ও ছুদীর্ঘ অনুবাদ ১০২৯ নম্বরে হইয়াছে।

তারাবীর নামায

১০৪৭। হাদীছঃ— আবু হোরাযরা (রাঃ) হইতে বর্ণিত আছে, রসুলুল্লাহ ছালাল্লাহু আলাইহে অসাল্লাম বলিয়াছেন, যে ব্যক্তি রমযানের রাতে উহার বিশেষ নামায (অর্থাৎ তারাবীর নামায—এই অর্থ সমস্ত আলেম ও ইমামগণের সিদ্ধান্ত। আইনী ও নব্বী দ্রষ্টব্য।) ঈমানের দ্বারা উদ্ধুদ্ধ হইয়া এবং ছওয়াবের আশায় অনুপ্রাণিত হইয়া আদায় করিবে তাহার পূর্ববর্তী সব গোনাহ মাক হইয়া যাইবে।

প্রসিদ্ধ তাবেরী মোহাম্মদেছ ইবনে শেহাব যোহরী (রঃ) উক্ত হাদীছ উল্লেখ করিয়া বর্ণনা করিয়াছেন, রসুলুল্লাহ ছালাল্লাহু আলাইহে অসাল্লামের যুগে তারাবীর প্রতি আকৃষ্ট করিয়া এবং উহার ফজিলত বর্ণনা করিয়াই কান্ত করা হইয়াছে, উহার জন্য বিশেষ ব্যবস্থা গ্রহণ করা হইত না। আবু বকর রাজিয়াল্লাহু তায়ালা আনহুর খেলাফৎ কালেও তারাবীর নামাযের অবস্থা ঐরূপই ছিল। ওমর রাজিয়াল্লাহু তায়ালা আনহুর খেলাফতের প্রথম দিকেও ঐ অবস্থাই ছিল। (কারণ তখন লোকগণ বাধ্যবাধকতা ছাড়াই অধিক বন্দেগী করিত।)

একদা ওমর (রাঃ) রমযান শরীফের রাতে মসজিদে আসিলেন এবং দেখিতে পাইলেন লোকগণ ভিন্ন ভিন্ন ভাবে তারাবীর নামায পড়িতেছেন—কেহ কেহ

একাকী পড়িতেছেন, কাহারও সঙ্গে কিছু সংখ্যক লোক জমাআত করিয়া পড়িতেছেন। এতদৃষ্টে ওমর (রাঃ) এই ইচ্ছা প্রকাশ করিলেন যে, সকলকে সমবেতভাবে এক ইমামের পেছনে নামায পড়ার ব্যবস্থা করিয়া দিবেন এবং ইহা উত্তম হইবে। অতঃপর সেই ইচ্ছাকে তিনি দৃঢ়তার সহিত প্রয়োগ করিলেন—সকলকে প্রধানতম কারী উবায়ী-ইবনে-কাযাব রাজিয়াল্লাহু তায়ালা আনহুর সহিত সমবেতভাবে নামায পড়ার জ্ঞা ব্যবস্থা করিয়া দিলেন। অতঃপর আর একদিন তিনি মসজিদে আসিয়া দেখিতে পাইলেন, সকলে সমবেতভাবে এক ইমামের সঙ্গে তারাবীহ পড়িতেছেন। ইহা দেখিয়া তিনি সন্তুষ্ট হইয়া বলিলেন, যদিও ইহা একটি নূতন ব্যবস্থা কিন্তু অতি উত্তম ব্যবস্থা।

অতঃপর তিনি বলিলেন, (যদিও ইহা উত্তম, কিন্তু) রাত্রের প্রথম ভাগের নামায হইতে শেষ ভাগের নামায উত্তম।

(ওমর (রাঃ) রাত্রির শেষ ভাগে তাহাজ্জুদের সময় তারাবীর নামায পড়াকে অগ্রাধিকার দান করিতেন এবং তিনি নিজে তাহাই করিতেন।) সাধারণতঃ অণ্ড সকলে তারাবীর নামায রাত্রের প্রথম ভাগে পড়িয়া থাকিতেন।

১০৪৮। হাদীছ ৪—আয়েশা (রাঃ) বর্ণনা করিয়াছেন, রসুলুল্লাহ ছাল্লাল্লাহু আলাইহে অসাল্লাম একদা রমযানের মধ্যে গভীর রাত্রে বাহির হইয়া মসজিদে গেলেন এবং নামায পড়িতে লাগিলেন; কতক লোক তাঁহার সঙ্গে নামাযে শরীক হইল। ভোর হইলে পর সকলের মধ্যেই এই বিষয় চর্চা হইল, তাই দ্বিতীয় দিন আরও অধিক লোকের সমাবেশ হইল এবং তাহারা রসুলুল্লাহ ছাল্লাল্লাহু আলাইহে অসাল্লামের সঙ্গে নামায পড়িল। ঐ দিন ভোরে আরও অধিক চর্চা হইল এবং তৃতীয় রাত্রে আরও অধিক লোক সমবেত হইল; ঐ দিনও রসুলুল্লাহ ছাল্লাল্লাহু আলাইহে অসাল্লাম মসজিদে আসিয়া নামায পড়িলেন এবং উপস্থিত সকলেই তাঁহার সহিত একত্রে জমায়াতে নামায পড়িল। চতুর্থ রাত্রিতে লোকের সমাগম এত অধিক হইল যে, মসজিদের মধ্যে সঙ্কলাণ সম্ভব হইল না; (কিন্তু ঐ দিন রসুলুল্লাহ (দঃ) সেই নামাযের জ্ঞা মসজিদে আসিলেন না।) যখন ফজর নামাযের সময় উপস্থিত হইল তখন হযরত (দঃ) মসজিদে আসিলেন ফজরের নামাযান্তে সকলকে সম্বোধন করিয়া খোৎবা পাঠে ভাষণ দান করিলেন এবং বলিলেন—তোমাদের উপস্থিতি আমার অজ্ঞাত রহে নাই। কিন্তু আমি আশঙ্কা করিতেছিলাম যে, (এই বিশেষ নামাযটির প্রতি এত অধিক আগ্রহ দৃষ্টে) উহা তোমাদের উপর ফরজ করিয়া দেওয়া হইতে পারে। সে অবস্থায় (ফজর নামাযের প্রতি প্রযোজ্য আবশ্যকীয় বিষয় সমূহ, যেমন—সর্বদা পাবন্দীর সহিত আদায় করা, সুখে-দুখে বোণে-শোকে রুখানো, সর্বদা সর্বদা

উহার প্রতি পূর্ণ তৎপরতা অবলম্বন করা ইত্যাদি এই সুদীর্ঘ নামাযের ক্ষেত্রে বজায় রাখিয়া চলিতে) তোমরা অক্ষম হইয়া পড়িবে। রসুলুল্লাহ ছালামাহ আল্লাইহে অসাল্লামের ইহজীবন পর্য্যন্ত (রমযানের বিশেষ নামায তারাবীর) অবস্থা এইরূপই রহিল (যে, উহার বাধ্যবাধকতার প্রতি তৎপরতা অবলম্বিত হয় নাই)।

ব্যাখ্যাঃ—উল্লিখিত দুইটি হাদীছের দ্বারা তারাবীর নামাযের ইতিবৃত্ত প্রকাশ পাইল যে—হযরত রসুলুল্লাহ ছালামাহ আল্লাইহে অসাল্লাম এই নামাযের প্রতি বিশেষ অনুরাগী ছিলেন। উহার অনেক অনেক ফজিলত বর্ণনা করিয়াছেন, স্বয়ং উহা পড়িয়াছেন, অথ লোকদিগকে তাঁহার সহিত জমায়াতরূপে শরীক হওয়া সমর্থন করিয়াছেন। অবশ্য উহার প্রতি পূর্ণ তৎপরতা সর্বদা চালাইয়া যান নাই বটে, কিন্তু তাহা বিশেষ কারণাবীন ছিল এবং সেই কারণ তিনি সর্ব সমক্ষে প্রকাশ করিয়া দিয়াছেন। এবং ইহাও অতি সুস্পষ্ট যে, সেই কারণ রসুলুল্লাহ ছালামাহ আল্লাইহে অসাল্লামের জীবন-কাল পর্য্যন্ত সীমাবদ্ধ ছিল। তাঁহার পরে সেই কারণের আদৌ কোন সম্ভাবনা নাই। রসুলুল্লাহ (দঃ) হুনিয়া হইতে বিদায় গ্রহণের পর অসী চিরতরে বন্ধ হইয়া যায়, হুতনভাবে কোন বিষয় ফরজ হওয়ার কোন অবকাশ থাকে নাই। ওমর (রাঃ) স্বীয় খেলাফতের প্রথম অংশে প্রথম খলীফা আবু বকর (রাঃ) এর স্থায় তিনিও বিভিন্ন বড় বড় সমস্যায় পতিত ছিলেন। উহা অতিক্রমে শান্তি ও শৃঙ্খলার সুযোগ পাইয়া যখন তিনি কতিপয় মহাআলাহ ও বিষয়ে শৃঙ্খলা প্রতিষ্ঠিত করিতেছিলেন, তখন এই তারাবীর প্রতিও তাঁহার দৃষ্টি আকৃষ্ট হইয়াছিল। তিনি রসুলুল্লাহ (দঃ) কর্তৃক বর্ণিত আশঙ্কা দূরীভূত হওয়া দৃষ্টে তারাবীর জন্ত ইমাম নির্দিষ্ট করিলেন এবং জমায়াতের ব্যবস্থা করিলেন। এইরূপে তারাবীর প্রতি পূর্ণ তৎপরতা প্রতিষ্ঠিত হইল এবং তৎকালীন সোনালী যুগের বিত্তমান হাজার হাজার ছাহাবীগণও আশীর্বাদ মোমেনীন ওমর রাজিয়াল্লাহু তায়ালা আনহুর এই ব্যবস্থা সর্বাস্তবরণে গ্রহণ করিলেন। ছাহাবীগণের এজমার দ্বারা এই বিষয়টি সাব্যস্ত হইয়া গেল।

তারাবীর নামাযের রাকাত-সংখ্যা :

ইমাম আবু হানীফা, ইমাম শাফী, ইমাম আহমদ প্রমুখগণ এক বাক্যে তারাবীর নামায ২০ রাকাত বলিয়াছেন। ইমাম মালেক হইতে ২০ এবং ৩৬ উভয় সংখ্যাই বর্ণিত আছে, অনেকে ২০ রাকাতের বর্ণনাকে অগ্রগণ্য বলিয়াছেন। সেমতে তারাবীর নামায ২০ রাকাত হওয়াকে এজমা বলা হয়। (আওজাযুল-মাছালে কটব্য)।

কলুষমুক্ত বিবেকে চিন্তা করিয়া বলুল—মদীনার ইমাম মালেক, মক্কার ইমাম শাফী, দশ লক্ষ হাদীছের হাফেজ ইমাম আহমদ ইবনে হাম্বল সহ

ইমাম আবু হানীফা—সকলের একই সিদ্ধান্ত যে, তারাবীর নামায ২০ রাকাত হইতে কম নহে—এই সিদ্ধান্ত কিরূপ শক্তি শালী এবং বিশ্ব-বরণীয় ইমামগণের ঐক্যমত পূর্ণ সিদ্ধান্তের মূল্য কি হইতে পারে তাহা বিবেকের নিকটই জিজ্ঞাসা করুন।

এতদ্বিন্ন বিশিষ্ট তাবেয়ী মোহাদ্দেছ আ'তা (রঃ) যাহার মৃত্যু ৮০ বৎসর বয়সে; নবীজির মাত্র ১০১ বৎসর পরে। ছাহাবীগণের যুগের এই মহান্নন মোহাদ্দেছ তাহার দীর্ঘ আশি বৎসরের পূর্ণ জীবনে তাহার প্রত্যক্ষীভূত বস্তুরূপে প্রকাশ করিয়া বলিয়াছেন—আমি সকল লোকদেরকেই দেখিয়াছি, তাহারা বেতের সহ (তারাবীর নামায) ২০ রাকাতই পড়িতেন (ইবনে-আবী শায়বা)।

এই মহান্নন মোহাদ্দেছ দীর্ঘ জীবনে যাহাদিগকে দেখিয়াছেন—তাঁহারা নবী ছাল্লাল্লাহু আলাইহে অসাল্লামের ছাহাবী বা তাঁহাদেরই শাগির্দান—তাবেয়ী ছিলেন।

স্বধী পাঠক! এক শ্রেণীর লোক হাদীছের নাম লইয়া আফালন দেখায়। কিন্তু ভাবিয়া দেখুন—হাদীছ নিঃসন্দেহে সকলের উদ্ধে; সেই জন্য এক শ্রেণীর সাধারণ মানুষ হাদীছের যে অর্থ বুঝিবে এবং সাব্যস্ত করিবে তাহাও কি বিশ্ব-বরণীয় ইমামগণের এবং ছাহাবী ও তাবেয়ী—তথা নবীজি হইতে শিক্ষা গ্রহণকারী এবং তাহার নিকটতম যুগের জ্ঞানীগণের বুঝ ও সাব্যস্তের উদ্ধে হইবে? আর যদি তাহারা পূর্ববর্তী কোন বিশিষ্ট ব্যক্তির অনুসরণের দাবী করে তবে বিশ্ব-বরণীয় ইমামগণের অনুসরণ ত্যাগ করিয়া, বরং তাঁহাদের কুৎসা গাহিয়া এমন লোকদের অনুসরণ করা বোকামী নয় কি যাহারা আমাদের তুলনায় লক্ষ-কোটি গুণ উদ্ধের হইলেও ঐ বিশ্ব-বরণীয় ইমামগণ অপেক্ষা হাজার গুণ নিম্নে?

এতদ্বিন্ন পূর্ববর্তী ইমাম ও আলেমগণের অধিকাংশই তারাবীর নামায ২০ রাকাত বলিয়া গিয়াছেন। এই সত্য শুধু আমাদের কথা নহে, ছেহাহ-ছেত্তা তথা হাদীছের সর্ববিশেষ্ট ছয় কেতাবের এক কেতাব তিরমিযী শরীফে স্পষ্ট উল্লেখ আছে—

وأكثر أهل العلم على ما روى عن علي وعمر وغيرهما من أصحاب النبي صلى الله عليه وسلم عشرين ركعة وهو قول سفيان... وقال الشافعي وهكذا أدركت بسنادنا بمكة يملون عشرين ركعة

ইমাম তিরমিযী (রঃ) তারাবীর রাকাত-সংখ্যায় মতভেদ ব্যক্ত করিতে যাইয়া বলেন—“আলী (রঃ), ওমর (রঃ) এবং নবী ছাল্লাল্লাহু আলাইহে অসাল্লামের অন্ত্য ছাহাবীগণ হইতে প্রাপ্ত বর্ণনার উপর ভিত্তি করিয়া অধিকাংশ আলেমগণ ২০ রাকাতের সিদ্ধান্তই গ্রহণ করিয়াছেন। ছুকিয়ানে ছোরী, ইবনুল মোবারক এবং ইমাম শাফীর সিদ্ধান্তও ইহাই। ইমাম শাফী আরও বলিয়াছেন যে, আমি আমাদের দেশ মক্কা এলাকায় ইহাই পাইয়াছি যে, লোকগণ ২০ রাকাতই পড়েন।

এতদ্বিন তারাৱী ২০ রাকাত হওয়ার পক্ষে হাদীছের প্রমাণও যথেষ্ট রহিয়াছে। স্মরণ রাখিতে হইবে, হাদীছের বিধান-শাস্ত্রের ধারা আছে যে, সীমা বা সংখ্যা নির্ণয়ে কোন ছাহাবীর কার্যে বা কথায় নবী করীম ছাল্লাল্লাহু আলাইহে অসাল্লামের নাম উল্লেখ না থাকিলেও উহাকে নবী করীমের শিক্ষা বলিয়াই গ্রহণ করিতে হইবে।

তারাৱী ২০ রাকাত হওয়ার পক্ষে সাতটি হাদীছ প্রমাণরূপে বিদ্যমান আছে। একটি হাদীছ স্পষ্টতঃ স্বয়ং রসূলুল্লাহ ছাল্লাল্লাহু আলাইহে অসাল্লামের আমল ও ক্রিয়াক্রমে বর্ণিত আছে। ইবনে আব্বাস (রাঃ) বর্ণনা করিয়াছেন, নবী (দঃ) রমযান মাসে ২০ রাকাত তারাৱী এবং বেতের পড়িতেন।

আর তিনটি হাদীছ খলীফা ওমর (রাঃ) সম্পর্কে বর্ণিত আছে যে, তিনি তারাৱীর সুব্যবস্থা করার সাথে সাথে উহা ২০ রাকাত পড়ারই ব্যবস্থা করিয়াছিলেন।

একটি হাদীছ আলী (রাঃ) সম্পর্কে বর্ণিত আছে যে, তিনি রমযান মাসে কোরআন বিশেষজ্ঞগণকে ডাকাইলেন এবং তাঁহাদের মধ্য হইতে একজনকে নির্দ্ধারিত করিলেন ২০ রাকাত তারাৱী পড়াইবার জন্য।

একটি হাদীছ আবদুল্লাহ ইবনে মসউদ (রাঃ) সম্পর্কে বর্ণিত আছে যে, তিনি রমযান মাসে ২০ রাকাত তারাৱী এবং তিন রাকাত বেতের পড়িতেন।

একটি হাদীছ উবাই ইবনে কাযাব (রাঃ) সম্পর্কে বর্ণিত আছে যে, তিনি মদীনা শরীফে রমযান মাসে ২০ রাকাত পড়ার ইমামতী করিতেন।

এই সমস্ত হাদীছ অনেক অনেক হাদীছের কেতাবে বর্ণিত রহিয়াছে। এই হাদীছ সমূহ সম্পর্কে বিরুদ্ধবাদীগণও স্বীকার করে যে, ইহার কোনটিই জাল বা মিথ্যা নহে। অবশ্য তাহারা ইহাতে ছই রকম দোষ বাহির করিয়া থাকে। কোনটি সম্পর্কে ত শুধু এতটুকু দোষ যে, উহার ছনদের মধ্যে বিচ্ছিন্নতা আছে। অর্থাৎ পরম্পরা রাবী বা বর্ণনাকারীগণের মধ্যে এরূপ আছে যে, এক রাবী অপর রাবী হইতে সরাসরি শোনেন নাই—কোন মাধ্যমে শুনিয়াছেন।

বিরুদ্ধবাদীদের জানা উচিত, ঐ রাবীদ্বয় উভয়ে পূর্ণ বিশ্বস্ত হইলে হাদীছ-পরীক্ষা শাস্ত্রের বিধান মতে ঐ হাদীছ গ্রহণীয় বটে। এবং আলোচ্য হাদীছ সমূহের ঐ অবস্থা ক্ষেত্রে উভয় রাবী পূর্ণ বিশ্বস্ত ও নির্ভর যোগ্য হওয়া প্রমাণিত রহিয়াছে।

দ্বিতীয় প্রকার দোষ এই বাহির করে যে, কোন কোন হাদীছের ছনদে কোন রাবী বা বর্ণনাকারী দুর্বল আছে।

এই সম্পর্কে বিরুদ্ধবাদীদের জানা উচিত—হাদীছ পরীক্ষা-শাস্ত্রের বিধান রহিয়াছে যে, দুর্বল রাবী সম্বলিত কতিপয় হাদীছ একত্রিত ও এক মর্মে বর্ণিত হইলে তাহা গ্রহণীয় হইবে। আলোচ্য ক্ষেত্রে সাতটি হাদীছ একত্রিত—একই মর্মে তথা তারাৱী ২০ রাকাত হওয়া সম্পর্কে বর্ণিত আছে; ইহা অবশ্যই গৃহীত হইবে।

উক্ত সত্যকে এড়াইবার জন্য বিরুদ্ধবাদীরা বলিয়া থাকে যে, তাহাদের নিকট ৮ রাকাত তারাবীর পক্ষে দোষ-ত্রুটি বিহীন একটি হাদীছ রহিয়াছে। হাদীছখানা বোখারী শরীফেই আয়েশা (রাঃ) কর্তৃক বর্ণিত আছে—প্রথম খণ্ডে ৬০৮ নম্বরে অন্বদিত। উক্ত হাদীছকে ৮ রাকাতওয়ালারা জঘন্য রকমের কারচুপির সহিত ছাটকাট করিয়া এইরূপে প্রকাশ করে যে, আয়েশা (রাঃ)কে জিজ্ঞাসা করা হইল—নবী (দঃ) রমযানের রাত্রে কিরূপ নামায পড়িতেন? আয়েশা (রাঃ) বলিলেন, এগার রাকাতের বেশী পড়িতেন না।” বেতের তিন রাকাত আর তারাবী আট রাকাত।

বিরুদ্ধবাদীদের ভয় করা উচিত; উক্ত হাদীছে আয়েশা রাজিয়াল্লাহু তায়ালা আনহায় উত্তরটা পূর্ণ আকারে প্রকাশ করা হইলে তাহাদের ধাঁপা ও কারচুপি সুস্পষ্ট হইয়া উঠিবে এবং ধামাচাপার আবরণ খুলিয়া যাইবে। পূর্ণ উত্তর ছিল এই—

ما كان يزيدني رمضان ولا في غيره على إحدى عشرة ركعة

“আয়েশা (রাঃ) বলিলেন, নবী (দঃ) রমযানে এবং গায়রে-রমযানে তথা রমযান ছাড়া অল্প সময়েও এগার রাকাতের বেশী পরিতেন না।”

লক্ষ্য করুন। আয়েশা (রাঃ) স্বীয় উক্তিগে গায়রে-রমযান—রমযান ছাড়া অল্প সময়ের রাত্রেও উল্লেখ করিয়াছেন। সুতরাং অনিবার্যতঃ তাহার উদ্দেশ্য এমন নামায সম্পর্কে এগার রাকাত বলা যাহা রমযান এবং রমযান ছাড়া অল্প সময়ও পড়া হইয়া থাকে। তারাবী কি রমযান ছাড়া অল্প সময় পড়া হয়? অতএব এই হাদীছের উদ্দেশ্য তারাবীর নামায হইতে পারেই না। ইহার উদ্দেশ্য রাত্রে ঐ নামায যাহা রমযান ছাড়াও পড়া হয়—তাহা হইল তাহাজ্জুদ-নামায। আয়েশা (রাঃ)কে রাত্রে নামায সম্পর্কে জিজ্ঞাসা করা হইয়া ছিল। সাধারণতঃ তাহাজ্জুদকেই রাত্রে নামায বলা হয়, তাই আয়েশা (রাঃ) উত্তর দিয়াছেন, নবী (দঃ) তাহাজ্জুদ-নামায রমযানে ও গায়রে-রমযানে একই রকম—বেতের সহ এগার রাকাত পড়িতেন। তাহাজ্জুদ-নামাযের পরিমাণ তিনি রমযানে বেশী করিতেন না। আলোচ্য হাদীছের এই তাৎপর্যই ইমাম বোখারী (রাঃ) ইঙ্গিত করিয়াছেন। তিনি তাহাজ্জুদ-অধ্যায়ে ১৫৪ পৃষ্ঠায় একটি পরিচ্ছেদ দিয়াছেন—“রমযানে ও গায়রে-রমযানে নবীজির তাহাজ্জুদ” উক্ত পরিচ্ছেদে তিনি এই হাদীছখানাই উল্লেখ করিয়াছেন।

খাছ তাহাজ্জুদ ভিন্ন রমযানের রাত্রে সর্বমোট নামায এগার রাকাতে সীমাবদ্ধ হওয়া—ইহা ত আয়েশা (রাঃ) বলিতেই পারেন না। কারণ, স্বয়ং আয়েশা (রাঃ) রমযান মাসে নবীজির অভ্যাস সম্পর্কে বর্ণনা করিয়াছেন—“রমযান আসিলেই আল্লার দরবারে দোয়া ও কান্নাকাটায় নবীজির চেহারার রং পরিবর্তিত হইয়া

যাইত এবং তাহার নামাযের পরিমাণ অনেক বেশী হইয়া যাইত (বায়হাকী)।

আর তাহাজ্জুদ ও তারাবীহ উভয় নামাযকে যে বিরুদ্ধবাদীরা একই নামায বলে ইহা ত নিতান্তই অবাস্তব। বোখারী (রঃ)ও নামায অধ্যায়ে তাহাজ্জুদের বয়ান করিয়াছেন; আর তারাবীর জুহু রোযা-অধ্যায়ে ভিন্ন বয়ান রাখিয়াছেন। এমনকি মিশরীয় ছাপার বোখারী শরীফে তারাবী-নামাযে শিরোনামা বিশেষ গুরুত্বপূর্ণ আকারে রহিয়াছে, “مَذَابُ التَّارَافِ” তারাবীর নামাযের অধ্যায়”।

এই সুদীর্ঘ আলোচনায় সুস্পষ্টভাবে প্রমাণিত হইল যে, আলোচ্য হাদীছখানা ছহীহ বটে, কিন্তু তারাবীর নামাযের সঙ্গে দূরের কোন সম্পর্কও ইহার নাই।

আট রাকাতওয়ালাগণ অল্প ছুটি হাদীছও পেশ করিয়া থাকে। একটি ওমর (রাঃ) সম্পর্কে যে, তিনি বেতের সহ এগার রাকাত পড়ার নির্দেশ দিয়াছিলেন।

পাঠকবর্গ। অরণ রাখিবেন—তারাবীর রাকাত-সংখ্যা সম্পর্কে ওমর (রাঃ) হইতে তিন জনের বর্ণনা হাদীছের কেতাবে পাওয়া যায়। তন্মধ্যে ছুই জন ২০ রাকাত বলিয়াছেন; আর একজন ছুই রকম বলিয়াছেন—২০ রাকাত এবং ৮ রাকাত।

এমতাবস্থায় এই বর্ণনাকারীর ৮ রাকাত বর্ণনার উপর নির্ভর করা যায় কি?

আর এক খানা হাদীছ নবী (দঃ) সম্পর্কে জাবের (রাঃ) বর্ণনা করিয়াছেন। ঐ হাদীছখানার ছন্দ দোষী এবং নিতান্তই দুর্বল—ইহা যথা স্থানে প্রমাণিত আছে। অথচ ইহার সমর্থনে আর কোন হাদীছ নাই; অতএব এই দুর্বল ছন্দের হাদীছটি গ্রহণ বোধ্য নহে। পক্ষান্তরে ২০ রাকাত সম্পর্কে সাত খানা হাদীছ ছিল।

লাইলাতুল-কদরের ফজিলত

আল্লাহ তায়ালা এই বিষয়ে একটি বিশেষ ছুরা নাযেল করিয়াছেন—

إِنَّا أَنْزَلْنَاهُ فِي لَيْلَةِ الْقَدْرِ - وَمَا أَدْرَاكَ مَا لَيْلَةُ الْقَدْرِ - لَيْلَةُ الْقَدْرِ خَيْرٌ مِّنْ أَلْفِ شَهْرٍ - تَنَزَّلُ الْمَلَائِكَةُ وَالرُّوحُ فِيهَا بِإِذْنِ رَبِّهِمْ - مِنْ كُلِّ أَمْرٍ - سَلَامٌ - هِيَ حَتَّى مَطْلَعِ الْفَجْرِ

অর্থ —তোমরা জানিয়া রাখিও, আমি এই পবিত্র কোরআনকে কদরের রাত্রে নাযেল করিয়াছি; লাইলাতুল-কদর কিরূপ ফজিলতের রাত্র তাহা জান কি? লাইলাতুল-কদর হাজার মাস অপেক্ষা অধিক উত্তম। সেই রাত্রে ফেরেশতাগণ এবং জিব্রাইল (আঃ) আল্লাহর আদেশাশুক্রমে (ছনিয়ার বুকে) অবতরণ করিয়া থাকেন। সমস্ত রকমের মঙ্গল ও কল্যাণ লইয়া। সেই রাত্রি প্রভাত পর্যন্ত শান্তিই শান্তি।

লাইলাতুল-কদরের সম্ভাব্য সময়

১০৪৯। হাদীছ :—আবদুল্লাহ ইবনে ওমর (রাঃ) বর্ণনা করিয়াছেন, নবী ছালাল্লাহু আলাইহে অসাল্লামের কতিপয় ছাহাবী স্বপ্নে লাইলাতুল-কদরকে রমযানের শেষ সাতদিনের মধ্যে ব্যক্ত করিতেছিলেন। তখন রসুলুল্লাহ ছালাল্লাহু আলাইহে অসাল্লাম বলিলেন, তোমাদের স্বপ্ন (বিভিন্ন রকম হইলেও) এই বিষয়ে এক দেখিতেছি, লাইলাতুল-কদর রমযানের শেষ সাত দিনে অবস্থিত। উহার অভিলাষী ব্যক্তি যেন উহাকে রমযানের শেষ সাত দিনের মধ্যে পাইবার চেষ্টা করে।

১০৫০। হাদীছ :—**عن عائشة أن رسول الله صلى الله عليه وسلم قال تَحَرَّوْا لَيْلَةَ الْقَدْرِ فِي الْوَيْثَرِ مِنَ الْعَشْرِ الْأَوَاخِرِ مِنْ رَمَضَانَ ۝**

অর্থ—আয়েশা (রাঃ) বর্ণনা করিয়াছেন, রসুলুল্লাহ (সঃ) বলিয়াছেন, তোমরা লাইলাতুল-কদরকে রমযানের শেষ দশ দিনের বে-জোড় রাত্রি সমূহে তালাশ কর।

১০৫১। হাদীছ :—আয়েশা (রাঃ) বর্ণনা করিয়াছেন, রসুলুল্লাহ ছালাল্লাহু আলাইহে অসাল্লাম রমযানের শেষ দশ দিন এ'তেকাফ করিতেন এবং বলিতেন তোমরা লাইলাতুল-কদরকে রমযানের শেষ দশ দিনে তালাশ কর।

১০৫২। হাদীছ :—**عن ابن عباس عن النبي صلى الله عليه وسلم قال الْقِمَامُ فِي الْعَشْرِ الْأَوَاخِرِ مِنْ رَمَضَانَ لَيْلَةَ الْقَدْرِ فِي ثَلَاثَةِ تَبَقَى فِي سَابِعَةٍ تَبَقَى فِي خَامِسَةٍ تَبَقَى ۝**

অর্থ—ইবনে আব্বাস (রাঃ) হইতে বর্ণিত আছে, নবী ছালাল্লাহু আলাইহে অসাল্লাম বলিয়াছেন, তোমরা লাইলাতুল-কদরকে রমযানের শেষ দশ দিনে তালাশ কর—একুশ তারিখে, তেইশ তারিখে এবং পঁচিশ তারিখে।

ব্যাখ্যা :—লাইলাতুল-কদরকে তালাশ করার অর্থ উহার সম্ভাব্য তারিখ সমূহে বিশেষরূপে এবাদত-বন্দেগীর প্রতি তৎপর হওয়া এবং যথাসাধ্য এবাদত-বন্দেগী করতঃ রাত্রি যাপন করা। উহার বিশেষ সম্ভাব্য সময় রমযান মাসের কুড়ি তারিখের পর হইতে মাসের শেষ পর্য্যন্ত; তন্মধ্যে ২১, ২৩, ২৫, ২৭ ও ২৯ তারিখগুলি অত্যন্ত। বিভিন্ন হাদীছ সূত্রে এতদুরই প্রমাণিত হয়। লাইলাতুল-কদরের উদ্দেশ্যই রমযানের শেষ দিনগুলির এ'তেকাফ করা হইয়া থাকে।

রমযানের শেষ দশ দিনে এবাদতে বিশেষ তৎপরতা

১০৫৩। হাদীছ :— **عَنِ مَاتِئِشَةَ رَضِيَ اللَّهُ تَعَالَى عَنْهَا قَالَتْ**
كَانَ النَّبِيُّ صَلَّى اللَّهُ عَلَيْهِ وَسَلَّمَ إِذَا دَخَلَ الْعَشْرُ شَدَّ مِئْزَرَهُ
وَأَحْيَا لَيْلَهُ وَأَيَّظَّ أَهْلَهُ ۝

অর্থ—আয়াশা (রাঃ) বর্ণনা করিয়াছেন, রমযানের শেষ দশ দিন আরম্ভ হইলে নবী ছালাল্লাহু আলাইহে অসাল্লাম অধিক এবাদত-বন্দেগীর জ্ঞাত তৎপরতা অবলম্বন করিতেন এবং এবাদত বন্দেগীতে রাত্রি যাপন করিতেন, পরিবারবর্গকেও তাহাদের নিদ্ৰা ভঙ্গ (করতঃ এবাদত-বন্দেগীর প্রতি ধাবিত) করিতেন।

এ'তেক্বাফের ব্যয়ান

১০৫৪। হাদীছ :—ইবনে ওমর (রাঃ) বর্ণনা করিয়াছেন, রসুলুল্লাহ ছালাল্লাহু আলাইহে অসাল্লাম রমযানের শেষ দশ দিন এ'তেক্বাফ করিতেন।

১০৫৫। হাদীছ :—আয়েশা (রাঃ) বর্ণনা করিয়াছেন, নবী ছালাল্লাহু আলাইহে অসাল্লাম স্বীয় জীবনে প্রতি বৎসর রমযানের শেষ দশ দিন এ'তেক্বাফ করিতেন। তাঁহার ওফাতের পর তাঁহার স্ত্রীগণও ঐরূপ এ'তেক্বাফ করিয়াছেন।

এ'তেক্বাফ অবস্থায় বাড়ী আসিবে না

১০৫৬। হাদীছ :—আয়েশা (রাঃ) বর্ণনা করিয়াছেন, রসুলুল্লাহ ছালাল্লাহু আলাইহে অসাল্লাম মসজিদে এ'তেক্বাফ রত অবস্থায় স্বীয় মাথা আমার প্রতি বুকাইয়া দিতেন; আমি তাঁহার মাথা আঁচড়াইয়া দিতাম, অথচ আমি তখন ঋতু অবস্থায় থাকিতাম। রসুলুল্লাহ (দঃ) (মল-মূত্র ত্যাগ ইত্যাদি) মানবীয় আবশ্যক ব্যতীত এ'তেক্বাফ অবস্থায় মসজিদ হইতে বাড়ী আসিতেন না।

রাতে এ'তেক্বাফের মান্নত মানিলে ?

১০৫৭। হাদীছ :—আবুহুলাই ইবনে ওমর (রাঃ) হইতে বর্ণিত আছে, ওমর (রাঃ) নবী ছালাল্লাহু আলাইহে অসাল্লামের নিকট প্রকাশ করিলেন, আমি ইসলাম গ্রহণের পূর্বে এই মান্নত করিয়াছিলাম যে, আমি হরম শরীফের মসজিদে (একদিন) এক রাত্রি এ'তেক্বাফ করিব। নবী ছালাল্লাহু আলাইহে অসাল্লাম তাঁহাকে মান্নত পূর্ণ করার পরামর্শ দিলেন।

মুহুআলাহ :—হানকী মজহাব মতে শুধু এক রাত্রি এ'তেক্বাফ করার মান্নত করিলে সেই মান্নত ওয়াজেব হয় না। আবশ্য নফলরূপে তাহা করিয়া নেওয়া উত্তম। কিন্তু একাধিক রাত্রে সংখ্যা উল্লেখ করিয়া—যমন দুই, তিন বা চার

রাত্রের এ'তেকাফ করার মান্নত করিলে উক্ত রাত্র সমূহ উহার দিন সহ এবং রোযার সঙ্গে এ'তেকাফ করা ওয়াজেব হইবে ; রাত্র অ'গে দিন পরে হিনাব ধরিতে হইবে (ফতওয়া কাছিখান)। অবশ্য যদি মান্নতে স্পষ্টরূপে নিয়ত থাকে যে, দিন নয়—শুধু রাত্রেরই এ'তেকাফ করিব তবে সেই মান্নত ওয়াজেব হইবে না। কিন্তু যদি এক বা ততধিক দিনের এ'তেকাফের মান্নত করে এবং স্পষ্টরূপে নিয়ত করে যে, শুধু দিনেই এ'তেকাফ করিব রাত্র নয়, তবে সেক্ষেত্রে মান্নত ওয়াজেব হইবে এবং রোযার সহিত শুধু দিনে এ'তেকাফ করিতে হইবে। ঐরূপ স্পষ্ট নিয়ত না করিলে দিনের সহিত ঐ সংখ্যক রাত্রেরও এ'তেকাফ করিতে হইবে এবং রাত্র দিনের পূর্বের ধরিতে হইবে। (ফতওয়া আলমগিরী)

এ'তেকাফ করিতে মসজিদে জাযুগা ঘেরাও করা

১০৫৮। হাদীছ :—আয়েশা (রাঃ) বর্ণনা করিয়াছেন, নবী ছালাল্লাহু আলাইহে অসাল্লাম রমযানের শেষ দশ দিন এ'তেকাফ করিতেন এবং আমি তাঁহার জগ্ন মসজিদে তাবুর ছায় করিয়া একটু স্থানকে ঘেরাও করিয়া দেওয়ার ব্যবস্থা করিতাম। তিনি ফজর নামাযান্তে সেই ঘেরাও-এর ভিতর প্রবেশ করিতেন (এবং তথায় এবাদত বন্দেগী করিতেন।) একবার আয়েশা (রাঃ) স্বয়ং নিজেও এ'তেকাফ করার জগ্ন ঐরূপ ঘেরাও তৈরীর অনুমতি চাহিলেন ; নবী (দঃ) তাঁহাকে অনুমতি দিলেন। অতঃপর হাক্‌ছা রাজিয়াল্লাহু আনহাও ঐরূপ ঘেরাও তৈরীর অনুমতি চাহিলেন, আয়েশা (রাঃ) তাহার জগ্ন অনুমতি আনিয়া দিলেন, তিনিও তৃতীয় আর একটি ঘেরাও তৈয়ার করিলেন। জয়নাব (রাঃ) উহা দেখিতে পাইয়া তিনি চতুর্থ আর একটি ঘেরাও তৈয়ার করিলেন। ভোরবেলা নবী (দঃ) মসজিদের মধ্যে চারিটি ঘেরাও দেখিতে পাইয়া জিজ্ঞাসা করিলেন এসব কি ? তখন পূর্ণ ঘটনা তাঁহাকে অবগত করান হইল। হযরত (দঃ) (ঘেরাও সমূহের দ্বারা মসজিদ পরিপূর্ণ হইয়া নামাযীদের অসুবিধা সৃষ্টির আশঙ্কা পূর্বক স্বীয় ঘেরাও ভাঙ্গিয়া ফেলিলেন এবং) বলিলেন—(মসজিদে নামাযীদের অসুবিধা করিয়া) তাহারা নেকী হাসিল করিতে চায় ? এই বলিয়া এ'তেকাফ ভঙ্গ করিয়া ফেলিলেন। অতঃপর তিনি পরবর্তী শাওয়াল মাসে পুনঃ দশ দিনের এ'তেকাফ করিলেন।

এ'তেকাফরত স্বামীর সহিত স্ত্রীর সাক্ষাৎ

১০৫৯। হাদীছ :—উম্মুল-মোমেনীন হুফিয়া (রাঃ) বর্ণনা করিয়াছেন, একদা তিনি রসুলুল্লাহ ছালাল্লাহু আলাইহে অসাল্লামের সঙ্গে সাক্ষাৎ করিতে মসজিদে উপস্থিত হইলেন ; রসুলুল্লাহ ছালাল্লাহু আলাইহে অসাল্লাম তখন রমজানের শেষ দশ দিনে মসজিদের মধ্যে এ'তেকাফরত ছিলেন। উভয়ে

কিছু সময় কথাবার্তা বলার পর ছফিয়া (রাঃ) ঘরে ফিরার জন্ত দাঁড়াইলেন ; সঙ্গে সঙ্গে নবী ছালাল্লাহু আলাইহে অসাল্লামও দাঁড়াইলেন এবং ছফিয়া রাজিয়াল্লাহু তায়ালা আনহার সঙ্গে মসজিদের দরওয়াজা পর্যন্ত আসিলেন । তথায় নিকটস্থ পথে দুইজন মদীনাবাসী ছাহাবী কোথাও যাইতে ছিলেন ; তাঁহারা রসুলুল্লাহ ছালাল্লাহু আলাইহে অসাল্লামকে সালাম করিলেন (এবং রসুলুল্লাহ (দঃ) স্বীয় স্ত্রীর সঙ্গে থাকা অবস্থায় তাঁহারা সম্মুখে পড়িয়া যাওয়ার লজ্জা বোধে দূরে সরিয়া পড়ার জন্ত দ্রুতবেগে চলিতে লাগিলেন ।) নবী ছালাল্লাহু আলাইহে অসাল্লাম তাঁহাদিগকে বলিলেন, তাড়াতাড়ি চলিয়া যাইও না (দাঁড়াও এবং এখানে আস) । আমার সঙ্গস্থ মহিলাটি আমারই স্ত্রী—ছফিয়া । (ছাহাবিদের অনুভব করিতে পারিলেন যে, আমরা রসুলুল্লাহ ছালাল্লাহু আলাইহে অসাল্লামকে একজন নারীর সঙ্গে দেখিয়া শয়তানের ধোকা ও কারসাজিতে কোন কুধারণার বশীভূত হইয়া স্বীয় দীন-ঈমান বরবাদ করিয়া বসি না-কি । এই আশঙ্কায়ই রসুলুল্লাহ (দঃ) এই উক্তি করিয়াছেন । তাই) তাঁহারা আশ্চর্যান্বিত হইয়া বলিয়া উঠিলেন, ছোবহানাল্লাহ...ইয়া রসুলুল্লাহ । (আমরা আপনার প্রতি কোন কুধারণার বশীভূত হইতে পারি কি ?) রসুলুল্লাহ (দঃ) কর্তৃক একুপ ব্যবস্থা গ্রহণ করা তাহাদের জন্ত পাহাড়তুল্য মনে হইল । নবী ছালাল্লাহু আলাইহে অসাল্লাম বলিলেন, উপস্থিত তোমাদের অন্তরে কোন কু-ধারণা সৃষ্টি হইয়াছে সেই ধারণা নয়, কিন্তু জানিয়া রাখিও, শয়তান মানুষের শিরায় শিরায় চলিতে সক্ষম । (তাই আশঙ্কা আছে যে, শয়তান তোমাদের অন্তরে কোন কু-ধারণা সৃষ্টি করে না-কি ।)

রমযানের কুড়ি দিন এ'তেকাফ করা

১০৬০। হাদীছ : — আবু হোরায়রা (রাঃ) বর্ণনা করিয়াছেন, নবী (দঃ) সাধারণতঃ প্রতি রমযানে দশ দিন এ'তেকাফ করিতেন কিন্তু যেই বৎসর তিনি ইহকাল ত্যাগ করিবেন, সেই বৎসর তিনি কুড়ি দিন এ'তেকাফ করিয়াছেন ।

কতিপয় পরিচ্ছেদের বিষয়াবলী

❶ ঋতুবতী স্ত্রী এতেকাফরত স্বামীর খেদমতে তাহাকে স্পর্শ করিতে পারে ।

❷ এ'তেকাফ অবস্থায় শরীর বা অঙ্গ ধৌত করা যায় (২৭২ পৃঃ) । কিন্তু উহার জন্ত কিম্বা গোসল করার জন্ত মসজিদ হইতে বাহির হইতে পারিবে না । ফরজ গোসলের জন্ত বাহির হইতে হইবেই । সাধারণ গোসলের প্রয়োজন হইলে পেশাব-পায়খানার জন্ত বাহির হওয়ার সুযোগে এবং সেই পথেই অল্প সময়ে গোসল করিয়া আসিতে পারে । কিন্তু সেই অবস্থায়ও গোসলেরজন্ত অত্র যাওয়া কিম্বা শরীর মর্দনে বা কাপড় ধোয়ায় বিলম্ব করা জায়েয নহে ।

● নারীদের জন্ম এ'তেকাফ করা জায়েয (হাদীহ : ০৫৮ দ্রষ্টব্য)। উক্ত হাদীছে হযরতের বিবিগণের মসজিদে এ'তেকাফ করার উল্লেখ আছে। প্রথম খণ্ড ২২২ নং হাদীছের ব্যাখ্যায় প্রতিপন্ন করিয়া দেখান হইয়াছে যে, ইসলামের প্রাথমিক যুগের পরে নামাযের জন্মও নারীদের মসজিদে উপস্থিতি নিষিদ্ধ হইয়াছে। এ'তেকাফের জন্ম মসজিদে অবস্থানত আরও গুরুতর। সেমতে নারীদের এ'তেকাফের ব্যবস্থা হইল—গৃহাভ্যন্তরে নামাযের জন্ম নিদিষ্ট স্থান থাকিলে সে স্থানে; আর এরূপ নামাযের নিদিষ্ট স্থান না থাকিলে গৃহাভ্যন্তরে কোন একটি স্থানকে এ'তেকাফের জন্ম সাময়িকরূপে নির্ধারিত করিয়া লইবে (হেদায়াহ-ফতহুল কাদীর)। তথায় মসজিদে অবস্থানের চায়ই অবস্থান করতঃ এ'তেকাফ উদযাপন করিবে; পর্দা দ্বারা ঘেরাও করিয়া একাত্তার সহিত এবাদত বন্দেগীরত থাকিবে।

● এ'তেকাফরত ব্যক্তি তাহার সম্পর্কে সন্দেহ ভঞ্জে কথাবার্তা বলিতে পারে (২৭৩ পৃঃ)। অর্থাৎ এ'তেকাফ অবস্থায় প্রয়োজনীয় কথা বলায় দোষ নাই।

● এ'তেকাফরত ব্যক্তি কোন কাজের প্রয়োজনে মসজিদ হইতে বাহির হইয়া নয়, মসজিদের দরওয়াজা পর্যন্ত আসিতে পারে। (২৭২ পৃঃ)

● এসতেহাজ্জাতুল মহিলাও এ'তেকাফ করিতে পারে (২৭৩ পৃঃ)। ইহা দ্বারা প্রমাণিত হয়—যে অবস্থাকে শরীয়তে ওজরগণ্য করা হইয়াছে, যেমন কাহারও প্রসাব ঝড়ার ব্যাধি আছে সে মসজিদে এ'তেকাফ করিতে পারে, অবশ্য মসজিদকে কোন রকম অপবিত্র করা হইতে অবশ্যই পূর্ণ সতর্ক থাকিতে হইবে।

● এ'তেকাফ সমাপ্তির পরবর্তী রাত্রি মসজিদে যাপন করিয়া ভোর বেলায় মসজিদ হইতে বাহির হওয়া (২৭৩ পৃঃ)। এখানে একটি সুন্দর বিষয় অনুধাবন যোগ্য :—সাধারণতঃ এ'তেকাফ সমাপ্তির পরবর্তী রাত্রি ঈদের রাত্রি। ঈদের রাত্রিকে এবাদৎ বন্দেগীতে যাপন করার বিশেষ ফজিলত হাদীছে বর্ণিত আছে। সুতরাং যদি এ'তেকাফ সমাপ্ত করিয়া ঐ রাত্রিটিও ঐ সঙ্গে মসজিদেই উদযাপন করিয়া আসে তবে সেই বিশেষ ফজিলতও হাসিল হয়।

● শাওয়াল মাসে তথা রমযান ছাড়া অগ্ন মাসেও এ'তেকাফ করা যায় (২৭৩ পৃঃ)। বিশেষতঃ রমযানে এ'তেকাফ আরম্ভ করিয়া কোন কারণে উহা ত্যাগ করিলে একদিনের এ'তেকাফ ওয়াজেবরূপে এবং অতিরিক্ত মোস্তাহাবরূপে কাজ করিতে হয়; সেই কাজ এ'তেকাফ রমযান ছাড়া অগ্ন মাসে করা যায়।

● রোযাবিহীনও (নফল) এ'তেকাফ করা যায় (২৭৪ পৃঃ)।

বিশেষ দ্রষ্টব্য :—এ'তেকাফ তিন প্রকার—ওয়াজেব, সুন্নতে-মোয়াক্কাদাহ, নফল। মান্নতের এ'তেকাফ ওয়াজেব—যাহা এদিনের কম হয় না। রমযানের

শেষ দশ দিনের এ'তেকাফ সাধারণভাবে রাখা সুন্নতে-মোয়াক্কাদাহ কেফায়াহ্ । মান্নত এবং এই দশদিন ছাড়া অন্য সময়ের সাধারণ এ'তেকাফ নফল ।

হানফী মজহাব মতে ওয়াজেব এবং সুন্নতে-মোয়াক্কাদাহ এ'তেকাফের জন্ত রোযা শর্ত ; রোযা ব্যতিরেকে উহা আদায় হইবে না, এমনকি মান্নতের সময় যদি উল্লেখও করে যে, রোযাবিহীন দুই দিনের এ'তেকাফ করিব তবুও ঐ এ'তেকাফ রোযার সহিত করিতে হইবে । নফল এ'তেকাফ যাহা অন্য সময়ের জন্তও হইতে পারে উহা রোযা ছাড়াই শুদ্ধ হইবে ।

● অমোসলেম থাকাবস্থায় এ'তেকাফের মান্নত থাকিলে মোসলমান হইয়া উহা আদায় করা উত্তম (২৭৩ পৃ:) । অত্যাশ্চর্য নেক আমলের মহামানাহও এইরূপই ।

● এ'তেকাফ আরম্ভ করিয়া উহা ভঙ্গ করিলে কি করিতে হইবে ?

মছআলাহ্ :— যদি এ'তেকাফ মান্নতকৃত ছিল এবং মান্নত ছিল নির্দিষ্ট সংখ্যক দিনের—যেমন, পনের দিনের কিম্বা অনির্দিষ্ট এক মাসের সে ক্ষেত্রে উক্ত সংখ্যক দিনের বা যে কোন এক চন্দ্র মাসের এ'তেকাফ রোযার সহিত একটানা ভাবে রাখিতে হইবে । উহা পূর্ণ হওয়ার পূর্বে এমনকি সর্বশেষ দিনও যদি পূর্ণ হওয়ার পূর্বে এ'তেকাফ ভঙ্গ হয় তবে পুনরায় প্রথম হইতে উক্ত সংখ্যক বা এক মাস এ'তেকাফ আদায় করিতে হইবে । অবশ্য যদি নির্দিষ্ট মাস যেমন মহরম মাসের এ'তেকাফ মান্নত করিয়াছিল ; সে ক্ষেত্রেও ঐ এক মাস একটানাভাবে এ'তেকাফ করা ওয়াজেব ; কিন্তু যদি উহার কোনদিন এ'তেকাফ ভঙ্গ হয় তবে অবশ্য শুধু ভঙ্গকৃত দিনের এ'তেকাফ কাজা করিলেই চলিবে (ফতহুল-কাদীর) । যদি সুন্নতে-মোয়াক্কাদাহ তথা রমযানের শেষ দশ দিনের এ'তেকাফের নিয়্যত করিয়া এ'তেকাফে বসে এবং পূর্ণ হওয়ার পূর্বে এ'তেকাফ ভঙ্গ করে তবে ঈদের পর পুনরায় দশ দিনের এ'তেকাফ করা উত্তম । অন্ততঃ একদিনের এ'তেকাফ কাজা করা ওয়াজেব ।

তদ্রূপ যদি নফল রূপেও নির্দিষ্ট সংখ্যক দিনের অথবা এক দিনেরই এ'তেকাফের নিয়্যত করিয়া এ'তেকাফ আরম্ভ করার পর উহা পূর্ণ করার পূর্বে এ'তেকাফ ভঙ্গ করে সে ক্ষেত্রেও একদিনের এ'তেকাফ কাজা করা ওয়াজেব হইবে (ফতওয়া-কাজিখান) । অবশ্য যদি পূর্ণ দিনের নয়, বরং কম সময়ের এ'তেকাফের নিয়্যত করিয়া থাকে সে ক্ষেত্রে কোন কাজা করিতে হইবে না ।

● এ'তেকাফ রত ব্যক্তি মসজিদে থাকিয়া স্বীয় মাথা নিজ গৃহে প্রবেশ করিতে পারে (২৭৩ পৃ:) । অর্থাৎ স্বীয় অবস্থান মসজিদে অক্ষুন্ন রাখিয়া শুধু কেবল কোন অঙ্গ মসজিদের বাহির করা, এমনকি স্বীয় গৃহ মসজিদ সংলগ্ন থাকিলে কোন অঙ্গকে সেই গৃহে প্রবেশ করিলে দোষ হইবে না ।

দ্বাদশ অধ্যায়

তেজারত বা ব্যবসা-বাণিজ্য

ভূমিকা—

ইউরোপবাসী বা হিন্দু পণ্ডিতগণ ধর্মের যে ব্যাখ্যা দিয়া থাকে, তাহা আমরা ইসলাম ধর্মাবলম্বিগণ আমাদের ধর্মের ব্যাখ্যার বেলায় কিছুতেই স্বীকার করিতে প্রস্তুত নহি। তাহারা ধর্ম শব্দ ব্যবহার করে অতি সঙ্কীর্ণ অর্থে। তাহারা বলে, মানুষ আল্লার অস্থি স্বীকার করিবে এবং আল্লাকে রাজি ও সমুপেক্ষ করার জন্য কিছু সময় তাঁহার ধ্যান করিবে বা তাঁহার নাম জপিবে, গুণ-কীর্তন করিবে বা তাঁহার নামে কোন ভোগ দিবে বা কোন অনুষ্ঠান করিবে—ধর্ম বলিতে শুধু এইটুকুই বুঝায় এবং ধর্মীয় প্রয়োজন ও প্রক্রিয়া এতটুকুর মধ্যেই সীমাবদ্ধ। মানুষের নিকট হইতে ধর্ম আর কিছু চায় না এবং ধর্ম মানুষকে অন্য আর কিছুর জন্য বাধ্যও করে না। কিন্তু আমরা ইসলাম ধর্মাবলম্বিগণ ‘ধর্ম’ শব্দ ব্যবহার করি ব্যাপক অর্থে। আমাদের অকাট্য বিশ্বাস ও আকিদা এই যে, মানুষের জীবনে যতগুলি পর্যায়, যতগুলি স্তর আছে—সর্ব পর্য্যায়ে, সর্বস্তরে আল্লার নিকট আত্মসমর্পণ করতঃ আল্লার আনুগত্যের ভিতর দিয়া জীবনযাপন করা এই ব্যাপক প্রতিক্রিয়া হইল ধর্মের তাৎপর্য।

ধর্মের এই ব্যাখ্যার পরিপ্রেক্ষিতেই আল্লাহ তায়ালা মানবের নিমিত্ত স্বীয় মনোনীত ধর্মকে ‘ইসলাম’ নামে অভিহিত করিয়াছেন।

“ইসলাম” শব্দের অর্থ—**كردن فهادن بطاعت** “সম্পূর্ণরূপে আল্লাহতে আত্মসমর্পণ করা।” মানব তাহার জীবনের প্রতিটি স্তরে আল্লার দাসত্ব এবং সম্পূর্ণরূপে আত্মসমর্পণ করিবে অর্থাৎ আল্লার বাণী কোরআন ও আল্লার রসূল বা প্রতিনিধি হযরত মোহাম্মদ ছালাল্লাহু আলাইহে অসাল্লাম কর্তৃক বর্ণিত আইন-কানুন ও আদর্শ তথা শরীয়ত অনুযায়ী স্বীয় জীবনকে সীমাবদ্ধাকারে পরিচালিত করিবে ইহাই হইল ইসলাম ধর্মের মূল বস্তু ও তাৎপর্য। তাই ইসলাম ও শরীয়তের প্রভাব মানব জীবনের প্রতিটি স্তরেই বিস্তার লাভ করিবে।

যাহারা ইসলামকে শুধু মাত্র এবাদত-বন্দেগী ও উপাসনার নিয়ম-কানুন সম্বলিত মনে করিয়া থাকে বস্তুতঃ তাহারা ইসলামের শব্দার্থ টুকুও বুঝিতে পারে নাই। তাহারা উহার আভিধানিক অর্থের আওতাভুক্তি হইতেও বঞ্চিত রহিয়াছে।

মানুষ ইতর প্রাণী নহে। মানুষ একদিকে তাহার স্রষ্টার অতি আদরের প্রতিনিধি বা খলীফা—ফেরেশতার চেয়েও অধিক উর্কে তাহার আসন। আর অন্য় দিকে সে সামাজিক জীব। সেই হেতু তাহার বিবাহ-শাদীর প্রয়োজন ব্যবসা-বাণিজ্যের প্রয়োজন, ত্রায় বিচার ও সুশাসনের প্রয়োজন আছে। সে আচার-ব্যবহারের মাধ্যমে জীবিকা নির্বাহকারী। মানুষের জীবন ছয়টি স্তরে বিভক্ত।

ছয় স্তরে বিভক্ত জীবন বিশিষ্ট মানবের ইহ-পরকালীন কল্যাণবাহক পূর্ণ জীবন যাবৎকালে স্বয়ং সৃষ্টিকর্তা আল্লাহ তায়াল্লা ‘ইসলাম ধর্মকে’ মনোনীত করিয়াছেন, ইহা মানুষের মনগড়া ইয়্ম বা মতবাদ নহে। সুতরাং ‘ইসলামের’ তফসিল ও অনুশাসন ছয় ভাগে বিভক্ত। বলা বাহুল্য—ইসলাম তথা আল্লাহতে পূর্ণ আত্ম-সমর্পণ বিকাশের জন্ত স্বয়ং আল্লাহ তায়াল্লা যে পথ ও নিয়ম-কানুন, বিধি-বিধান নির্দ্ধারিত করিয়াছেন, উহাকেই বলা হয় “শরীয়ত”। “শরীয়ত” শব্দের অর্থও রাজপথ। অতএব শরীয়তও ইসলামের ত্রায় ছয় ভাগে বিভক্ত।

(১) প্রথম বিভাগ—আকিদা ও বিশ্বাস শ্রেণীর—যে সব বিশ্বাস ও শপথের উপর মানব স্বীয় কর্মজীবনের ভিত্তি স্থাপন করিবে। মানব কোন সাধারণ ইতর-প্রাণী নিকৃষ্ট জীব নহে। মানব সর্ব্বশ্রেষ্ঠ জীব; স্বীয় সৃষ্টিকর্তা ভিন্ন অন্য় কাহারও অধীনতা বা দাসত্ব সে স্বীকার করিয়া নিতে পারে না। সারা বিশ্ব তাহার অধীন; সে শুধু এক বিশ্বপতির অধীন; অন্য় কাহারও অধীন সে নহে। মানবের দেহ নশ্বর ও মরণশীল বটে, কিন্তু তাহার আত্মা অবিনশ্বর, অমর, চিরস্থায়ী।

ইসলামের মূল এই যে, হে মানব! তোমার একজন সৃষ্টিকর্তা, পালনকর্তা, রক্ষাকর্তা, বিধানকর্তা আছেন। তাঁহার অধীনে তাঁহার বিধানে তুমি স্বায়ত্বশাসন অর্থাৎ খেলাফত পাইয়াছ। এই খেলাফতের দায়িত্ব পালনের বিধান সমূহ তিনি পবিত্র কোরআনের ভিতর দিয়া এবং উহা ছাড়া আরও অসংখ্য অহীর মাধ্যমে হযরত মোহাম্মদ—রসুলুল্লাহ ছাল্লাল্লাহু আলাইহে অসাল্লামের মারফত তোমাকে দান করিয়াছেন। যদি তুমি খেলাফতের দায়িত্ব পালন না কর আল্লার নির্দ্ধারিত সীম-রেখা লঙ্ঘন কর, তবে তুমি পাপী হইবে। আর যদি কষ্ট স্বীকার করিয়া খেলাফতের হুক পালন কর তবে তোমার পুণ্য বা ছওয়াব হইবে। পাপ পুণ্য বিচারের জায়গা এই কণস্থায়ী দুনিয়া নহে। উহার একটা পৃথক জগৎ নির্দ্ধারিত আছে। উহার নাম আখেরাত বা পরকাল। পরকালে পাপের শাস্তির জন্ত দোষ এবং পুণ্যের পুরস্কারের জন্ত বেহেশত নির্দ্ধারিত আছে। মোটামুটি এই বিশ্বাস কয়টি ভিত্তি করিয়া মানুষের জীবন গঠিত ও পরিচালিত হইলে দুনিয়াতে শান্তি আসিতে পারে। কাজেই মানুষের সর্ব্বাঙ্গে এই কয়টি সত্য বিশ্বাস অন্তরে স্থাপন পূর্ব্বক এইগুলির উপর মূখ্য শপথ করিয়া তাহার

জীবন যাত্রা শুরু করিতে হইবে। এইসব আন্তরিক বিশ্বাস স্থাপন ও মৌখিক শপথ গ্রহণ সম্বন্ধীয় বিষয় সমূহ ঈমানের অধ্যায়ে বর্ণিত হইয়াছে।

(২) দ্বিতীয় বিভাগ—এবাদৎ বন্দেগী বা রূহানিয়ত ও আধ্যাত্মিক শ্রেণীর। মানুষ যেহেতু আবিলতাপূর্ণ দুনিয়াতে বাস করে, তাই সে ভুলিয়া যায়, তাহার আত্মা ময়লাযুক্ত হইয়া পড়ে। মানব যাহাতে সৃষ্টিকর্তাকে ভুলিয়া না যায়, তাহার আত্মা যাহাতে ময়লাযুক্ত হইয়া না পড়ে সেই জন্ত এবং তাহার রূহানিয়াতকে নির্মল ও উন্নত করার ও রাখার জন্ত দৈনিক অন্ততঃ পাঁচবার স্বীয় সৃষ্টিকর্তার নির্দেশ অনুসারে তাঁহারই প্রদর্শিত নিয়ম অনুসারে তাঁহাকে স্মরণ এবং তাঁহার সমীপে আত্ম-নিবেদন করিতে হইবে। সংযত অভ্যাসের নিমিত্ত অন্ততঃ এক মাস দিবাভাগে রোযা রাখিতে হইবে। যাহা কিছু অর্থ উপার্জন করিবে উহার চল্লিশ ভাগের এক ভাগ এবং উৎপন্নের দশ ভাগের এক ভাগ বা বিশ ভাগের এক ভাগ সৃষ্টিকর্তার নামে দীন-দুখী সৃষ্টজীবকে দান করিতে হইবে। তাঁহার নাম ও বিধানকে দুনিয়াতে চালু রাখার ও প্রদত্ত দান করার জন্ত আজীবন জীবনপণ চেষ্টা করিতে হইবে। তাঁহার গ্রন্থ এবং তাঁহার রসুলের জীবনের আদর্শগুলি সর্বদা গভীরভাবে অধ্যয়ন (Study) ও প্রচার করিতে হইবে। এইসব কার্যক্রমগুলিই এবাদৎ বন্দেগী বা রূহানিয়াত নামে অভিহিত। নামায, যাকাত, হজ্জ ও রোযার অধ্যায় সমূহে উহা বর্ণিত হইয়াছে এবং জেহাদের অধ্যায়ে বর্ণিত হইবে।

(৩) তৃতীয় বিভাগ—এক্‌তেছাদিয়াত তথা অর্থ ব্যবস্থা—বাণিজ্য, শিল্প, কৃষি শ্রম, ইত্যাদি কিভাবে পরিচালিত করিবে? সে সম্বন্ধে সৃষ্টিকর্তার প্রদত্ত সীমান্ধারিণকারী বিধান অনুসারে চলিতে হইবে, নিজের খাহেশ মতে চলা যাইবে না।

(৪) চতুর্থ বিভাগ—আখ্‌লাকিয়াত তথা আচার-ব্যবহার বা স্বভাব চরিত্র সম্বন্ধীয়। অর্থাৎ সৃষ্টিকর্তার সঙ্গে এবং সৃষ্টজীবের সঙ্গে আচার-ব্যবহারের বেলায় সদাচারী মিতাচারী হইতে হইবে।

(৫) পঞ্চম বিভাগ—মোয়াশারাত বা সমাজ ব্যবস্থা; পরিবারবর্গকে কিরূপে গঠন ও উন্নত করিতে হইবে? পরিবার নিয়া কিরূপে চলিতে হইবে? সমাজে ছোট-বড়, গরীব-ধানী, আপন-পন্ন, নরনারী পৃথিক-বিপদগ্রস্ত এদের কাহার সঙ্গে কি ব্যবহার করিতে হইবে, সে সম্বন্ধে স্বয়ং সৃষ্টিকর্তা যে ব্যবস্থা দিয়াছেন উহার তুলনায় অধিক ভাল ব্যবস্থা আর হইতে পারে না।

(৬) ষষ্ঠ বিভাগ—হিয়াছিয়াত তথা রাষ্ট্র ব্যবস্থা; শাসন কিভাবে করিতে হইবে? বিচার। পক্ষিতিকিমা হইবে।

কি হইবে? শাসনকর্তা নিয়োগের ধারা কি হইবে? আদর্শ কি হইবে? ইত্যাদি সম্পর্কে স্বয়ং সৃষ্টিকর্তার যে বিধান আছে উহার তুলনায় উত্তম বিধান আর নাই।

সপ্তম বিভাগীয় বিষয় সমূহই আলোচ্য অধ্যায়ে বর্ণিত হইবে। অবশিষ্ট বিষয়সমূহ মূল কিতাবের পরবর্তী খণ্ডসমূহে বর্ণিত হইবে।

ইমাম বোখারী (রঃ) আলোচ্য পরিচ্ছেদের প্রারম্ভে কতিপয় আয়াত উদ্ধৃত করিয়াছেন, যদ্বারা প্রমাণিত হয় যে, মানব জীবনের সমুদয় বিভাগের স্থায় অর্থনৈতিক ব্যবস্থাসমূহেরও নীতি-নির্ধারক এবং তৎসম্পর্কে বৈধ-অবৈধের সীমা প্রতিষ্ঠাতা হইলেন একমাত্র সর্ব্বাধিকারী বিধানকর্তা আল্লাহ তায়ালা। অর্থাৎ তাহার বাণী কোরআন শরীফ তাহার প্রেরিত প্রতিনিধি হযরত রসূলুল্লাহ ছালাল্লাহু আলাইহে অসাল্লাম তথা শরীয়ত।

১। আল্লাহ তায়ালা বলিয়াছেন— **أَحَلَّ اللَّهُ الْبَيْعَ وَحَرَّمَ الرِّبَا**

“আল্লাহ তায়ালা ক্রয়-বিক্রয় তথা ব্যবসা বাণিজ্যকে হালাল ও জায়েয অর্থাৎ আল্লাহ তায়ালা আইন ও বিধান-সম্মত এবং সুদ প্রথাকে হারাম ও নিষিদ্ধ অর্থাৎ আল্লাহ তায়ালা আইন বিরোধী ও বিধান বহির্ভূত ঘোষণা করিয়াছেন।”

এই আয়াত দ্বারা প্রতিপন্ন হইল যে, ক্রয়-বিক্রয় প্রথা হালাল—জায়েয বা শরীয়ত অনুমোদিত, আর সুদ হারাম এবং বিধি বহির্ভূত। সুদ লভ্যাংশযুক্ত আদান-প্রদান হওয়ায় উহা ক্রয়-বিক্রয়ের স্থায় মনে হয়, তবুও জানিয়া রাখা কর্তব্য যে, আল্লাহ তায়ালা উহাকে হারাম ও নিষিদ্ধ ঘোষণা করিয়াছেন।

সুদ এবং ক্রয়-বিক্রয় বস্তুদ্বয় বাহ্যিক দৃষ্টিতে (কাহারও নিকট) এক পর্যায়ে মনে হইলেও আল্লাহ কর্তৃক হারাম ও হালাল ঘোষিত হওয়ার পর উভয়ের মধ্যে বিরাট ব্যবধান হইয়াছে। ইদলামের প্রতিক্রিয়া ও মোসলমান ব্যক্তির কার্য হইবে সেই ব্যবধানের পরিপ্রেক্ষিতে হারাম ঘোষিত সুদকে বর্জনীয় এবং হালাল ঘোষিত ক্রয়-বিক্রয়কে গ্রহণীয় মনে করা এবং সেই অনুসারে আমল করা। আল্লাহ বান্দা হইয়া যদি কেহ ঐ বিরাট ব্যবধানকে ব্যবধান মনে না করে তবে সে বস্তুতঃ জ্ঞানশূন্য পাগল বিবেচিত হইবে এবং তাহার বিবেক বুদ্ধির উপর নফছ ও শয়তানের ভূত ছওয়ার হইয়াছে বলিতে হইবে।

আজ তাহারা নিজকে যুক্তিবিদ জানী মনে করিলেও আখেরাতে তাহাদের পাগলাকূতি ও ভূতাক্রান্ত প্রকৃতি প্রকাশিত হইবে। আল্লাহ তায়ালা বলিয়াছেন—

الَّذِينَ يَأْكُلُونَ الرِّبَا لَا يَقْوَمُونَ إِلَّا كَمَا يَقُومُ الَّذِي يَتَخَبَّطُهُ

الشَّيْطَانُ مِنَ الْمَسِّ ذَٰلِكَ بِأَنَّهُمْ قَالُوا إِنَّمَا الْبَيْعُ مِثْلُ الرِّبَا -
وَأَحَلَّ اللَّهُ الْبَيْعَ وَحَرَّمَ الرِّبَا -

অর্থ—যাহারা সুদ গ্রহণ করিয়া থাকে তাহারা (কবর হইতে) ঐ উম্মাদ নাগলের ন্যায় উঠিবে যাহাকে জ্বিন-ভূতের আছরে উম্মাদ করিয়া দিয়াছে। কারণ তাহারা একরূপ বলিয়া থাকিত যে, ক্রয়-বিক্রয় তথা ব্যবসা-বাণিজ্য ও সুদ একই পর্যায়ে। অথচ ব্যবসা-বাণিজ্য ও তেজারতকে আল্লাহ তায়ালা করিয়াছেন হালাল এবং সুদকে করিয়াছেন হারাম। (৩ পাঃ ৬ রূঃ)

হালাল-হারামের বিরাট পার্থক্য থাকা সত্ত্বেও কাফেররা স্বার্থান্ধ হইয়া, সাধারণ মানুষের চোখে ধূলা দেওয়ার উদ্দেশ্যে বলিত, ব্যবসার মধ্যেও যেমন পাঁচ মণ ধান ৫০ টাকায় ক্রয় করিয়া ৬০ টাকায় বিক্রি করিলে ১০ টাকা লাভ হয়। তদ্রূপ ৫০ টাকা নগদ এক জনকে ধার দিয়া তাহার উপকার করিয়া তাহার নিকট হইতে ৫৫ টাকা গ্রহণ করিলে ৫ টাকা লাভ হয় ; এমতাবস্থায় ইহা কতই না বেখাপ্পা কথা যে, ৫০ টাকায় ১০ টাকা লাভ করা ত জায়েয ও হালাল, অথচ ৫০ টাকায় ৫ টাকা লাভ করা হারাম, নিষিদ্ধ ও অপবিত্র আর আইন বিরোধী। যেমন একজনে বলে, একটা বাঘেরও চারখানা পা একটা গরুরও চারখানা পা, বরং গরুর আরও দুইখানা শিং আছে এতদসত্ত্বে কেন বলা হয় যে, খবরদার—বাঘের কাছে যাইও না, বাঘের গোশত খাইও না, উহা হারাম ও অথাৎ, কিন্তু গরুর কাছে যাইতে নিষেধ করা হয় না ; উহার দ্বারা হাল চাষ করা হয়, উহার গোশত সুখাও বলিয়া গ্রহণ করা হয়। ঠিক এইরূপেই সুদ ত মানুষ জাতিকে খাইয়া সর্বনাশ করে, আর ব্যবসা জাতিকে ধ্বংস হইতে রক্ষা করে। কিন্তু তাহারা সুদ আর ব্যবসাকে একই রকমের মনে করিত। ইহা পাগলের উক্তি নয় কি ? যেক্রপ বাঘ ও গরুকে একই পর্যায়ে গণ্য করা। তাহারা সাধারণ মানুষের চোখের থেকে সুদের অপকারিতা ও নৃশংসতার দিকটা এবং ব্যবসায় লাভ-লোকসানের চিন্তার দায়িত্ব গ্রহণ ও শ্রম-করণের দিকটা লুকাইয়া রাখিবার চেষ্টা করিত। ইহাও তাহাদের পাগলামি। এই জন্তই কেয়ামতের মাঠে তাহাদিগকে প্রথমেত পাগলের আকারে উঠান হইবে, তারপরে যেহেতু সুদের দ্বারা তাহারা লোকের রক্তশোষণ করিত, সেই জন্ত অপরাধ অনুযায়ী শাস্তির নিয়মানুসারে রক্তের নদীর মধ্যে আটক করিয়া তাহাদিগকে শাস্তি দেওয়া হইবে।

২। আল্লাহ তায়ালা আরও বলিয়াছেন—

إِلَّا أَنْ تَكُونَ تِجَارَةً حَاضِرَةً تُدِيرُونَهَا بِيَدِكُمْ

ধারে ক্রয় বা বিক্রয় করার ক্ষেত্রে বাহার উপর পাওনা থাকে তাহার হইতে লিখিত একরারনামা গ্রহণের বিস্তারিত বিবরণ দানে পবিত্র কোরআনের সর্বাধিক দীর্ঘ আয়াত “আয়াতে-মোদায়ানাহ” বিদ্যমান আছে (৩ পাঃ ৭ কঃ)। উল্লেখিত আয়াত-খণ্ড উহারই অংশবিশেষ। ইহাতে বলা হইয়াছে, ক্রয়-বিক্রয় ছোট হউক বা বড় হউক ধারে হইলে উহা লিখিতে অবহেলা করিও না—“অবশ্য পরস্পর নগদ লেন-দেনের ভিত্তিতে ক্রয়-বিক্রয় হইলে” সে ক্ষেত্রে না লেখায় দোষ নাই; কিন্তু এই ক্ষেত্রেও ক্রয়-বিক্রয়কালে সাক্ষী রাখার পরামর্শ তোমাদিগকে দেওয়া হইতেছে।

(পশুর ক্রয়-বিক্রয়ে বয়নামা এবং সাধারণ ক্রয়-বিক্রয়ে ক্যাশমেমোর প্রচলন ইহা হইতেই। লেখার ব্যবস্থা অতীতকালে দুপ্রাপ্য ছিল বলিয়া নগদ ক্রয়-বিক্রয়ে লেখার স্থলে সাক্ষীর কথা বলা হইয়াছিল; বর্তমানে সাক্ষী অপেক্ষা লেখা সহ্য, তাই ক্যাশমেমোর প্রচলন হইয়াছে।)

৩। আল্লাহ তায়ালা বলিয়াছেন—

فَإِذَا قَضَيْتَ السَّلَاةَ فَانْشُرُوا فِي الْأَرْضِ وَابْتَغُوا مِنْ فَضْلِ اللَّهِ
وَادْكُرُوا اللَّهَ كَثِيرًا لَعَلَّكُمْ تُفْلِحُونَ

ব্যাখ্যা :—শুক্রবার দিন জুমার নামাযের প্রতি আহ্বান তথা আজান হওয়ার সঙ্গে সঙ্গে ক্রয়-বিক্রয় ইত্যাদির লিপ্ততা ত্যাগ করতঃ নামাযের প্রতি ধাবিত হওয়ার আদেশ করিয়া আল্লাহ তায়ালা বলেন—“অতঃপর যখন নামায শেষ হইয়া যাইবে তখন তোমরা এদিক-ওদিক ছড়াইয়া পড়িতে পারিবে এবং আল্লার নেয়ামত উপার্জনে লিপ্ত হইতে পারিবে। কিন্তু এই অর্থ উপার্জনের সময়ে কর্ম-ক্ষেত্রেও সর্বদা অধিক পরিমাণে আল্লার জিক্র করিবে, তবেই উন্নতি লাভ করিতে এবং কামিয়াবি হাসিল করিতে সক্ষম হইবে।” (২৮ পাঃ ১২ কঃ)

এই আয়াতের দ্বারাও ক্রয়-বিক্রয়ের তথা ব্যবসা-বাণিজ্যের অনুমতি বরং আদেশ প্রমাণিত হইল, কারণ উহাও আল্লার নেয়ামত উপার্জনের একটি পথ। কিন্তু ইহাও প্রমাণিত হইল যে, শরীয়তের আদেশ-নিষেধের প্রতি লক্ষ্য রাখিয়া উহা করিতে হইবে। যেমন—জুমার নামাযের আজান হওয়ার সঙ্গে সঙ্গে উহা বন্ধ করার আদেশ করা হইয়াছে। তদুপরি আল্লার জিক্র তথা আল্লার আদেশ পালনের প্রতিবন্ধক রূপে ক্রয়-বিক্রয়ে লিপ্ত ও মগ্ন হইবে না।

৪। আল্লাহ তায়ালা আরও বলিয়াছেন—

يَا أَيُّهَا الَّذِينَ آمَنُوا لَا تَأْكُلُوا أَمْوَالَكُمْ بَيْنَكُمْ بِالْبَاطِلِ إِلَّا أَنْ
تَكُونَ تِجَارَةً عَنْ زَرَءٍ مِنْكُمْ

“হে মোমেনগণ! তোমরা পরস্পর একে অন্নের কোন মাল গ্রাস করিও না ;
হাঁ। পরস্পরের সম্মতিতে ব্যবসা তথা ক্রয়-বিক্রয় সূত্রে গ্রহণ কর। (৫ পাঃ ১০ কঃ)

১০৬১। হাদীছ :— আবছুর রহমান ইবনে আউফ (রাঃ) বর্ণনা
করিয়াছেন, আমরা যখন মক্কা হইতে হিজরত করিয়া মদীনায পৌঁছিলাম
তখন রসুলুল্লাহ ছালাল্লাহু আলাইহে অসাল্লাম আমার এবং মদীনাবাসী
সায়াদ ইবনে রবী'র মধ্যে মোয়াখাত অর্থাৎ ভ্রাতৃত্ব-বন্ধন স্থাপন করিয়া
দিলেন। আমার সেই ভ্রাতা সায়াদ (রাঃ) একরূপ উদার ছিলেন যে, তিনি
আমাকে বলিলেন, মদীনাবাসীদের মধ্যে আমি অশ্রুতম ধনাঢ্য ব্যক্তি।
আমার ধনের অর্দ্ধাংশ আপনাকে দান করিতেছি এবং আমার দুই স্ত্রী আছে,
আপনি যাহাকে পছন্দ করিবেন আপনার জন্ত আমি তাহাকে ত্যাগ করিব,
ইদ্বতের পর আপনি তাহাকে বিবাহ করিবেন।

আবছুর রহমান ইবনে আউফ (রাঃ) (ভ্রাতার এই অসীম উদারতার শুকরিয়া
আদায় পূর্বক দোয়া করিয়া) বলিলেন—আপনার ধনের আবশ্যক আমার
হইবে না ; এখানে ব্যবসা কেন্দ্র কোন বাজার আছে কি? ভ্রাতা বলিলেন,
'কায়হুকা' নামক একটি বাজার আছে। ভোর বেলায় আবছুর রহমান (রাঃ)
সেই বাজারে চলিয়া গেলেন এবং ঐ দিনের ব্যবসায়ের লাভ দ্বারা কিছু পনির
ও ঘৃত ক্রয় করিয়া বাড়ী ফিরিলেন। এইরূপে প্রতিদিন ভোরে তিনি সেই
বাজারে যাইয়া ব্যবসা করিতে আরম্ভ করিলেন। (কিছু দিনের মধ্যেই তিনি
অনেক টাকার মালিক হইয়া গেলেন এবং টাকা-পয়সা উপার্জন করিয়া বিবাহ
করিয়া নিলেন।) একদা তিনি রসুলুল্লাহ ছালাল্লাহু আলাইহে অসাল্লামের
দরবারে উপস্থিত হইলেন। তাঁহার শরীরে (নব বধুর ব্যবহৃত) রঙ্গীন সুগন্ধির
চিহ্ন দেখা যাইতেছিল। রসুলুল্লাহ ছালাল্লাহু আলাইহে অসাল্লাম তাঁহাকে জিজ্ঞাসা
করিলেন, শাদী করিয়াছ কি? তিনি উত্তর করিলেন—জী, হাঁ। জিজ্ঞাসা
করিলেন—কাহাকে? তিনি বলিলেন; মদীনার এক নারীকে। জিজ্ঞাসা
করিলেন—মহরানা কত দিয়াছ? তিনি বলিলেন, এক দানা পরিমাণ স্বর্ণ।
রসুলুল্লাহ ছালাল্লাহু আলাইহে অসাল্লাম তাঁহাকে বলিলেন, একটি বকরি
জবেহ করিয়া হইলেও অলিমার (বিবাহের দাওয়াতের) ব্যবস্থা কর।

১০৬২। হাদীছঃ— ইবনে আব্বাস (রাঃ) বর্ণনা করিয়াছেন—ওকাজ, মাজাল্লাহ ও জুল-মাজায নামক কয়েকটি প্রসিদ্ধ মৌসুমী বাজার বা মেলা ছিল; (হজ্জের মৌসুমে উহা অনুষ্ঠিত হইত।) অন্ধকার যুগ হইতেই ঐগুলি প্রচলিত ছিল, উহাতে বহু ব্যবসা-বাণিজ্য চলিত। ইসলামের যুগে ছাহাবীগণ ঐসব বাজারে ব্যবসা করা গোনাহ মনে করিলেন। তখন এই আয়াত নাযেল হইল—

لَيْسَ عَلَيْكُمْ جُنَاحٌ أَنْ تَبْتَغُوا فَضْلًا مِّن رَّبِّكُمْ

“তোমরা স্বীয় পালনকর্তার নেয়ামত উপার্জনে তৎপর হইবে, (যদিও হজ্জের মৌসুমে হয়) তাহাতে কোন গোনাহ হইবে না।”

এতদ্ভিন্ন প্রথম খণ্ডের ৯৩ নং হাদীছখানা এখানে উল্লেখ হইয়াছে। এই সব হাদীছ দ্বারা ইমাম বোখারী (রঃ) দেখাইয়াছেন, রসুলুল্লাহ ছাল্লাল্লাহু আলাইহে অসাল্লামের বর্তমানে ছাহাবীগণ ক্রয়-বিক্রয় ব্যবসা বাণিজ্য করিতেন এবং কোন নিষেধাজ্ঞা আরোপ করা হয় নাই; অতএব উহা জায়েযের অন্তর্ভুক্ত।

হালাল-হারামের বাছ-বিচার আবশ্যক

১০৬৩। হাদীছঃ—

عَنِ أَبِي هُرَيْرَةَ رَضِيَ اللَّهُ تَعَالَى عَنْهُ
عَنِ النَّبِيِّ صَلَّى اللَّهُ عَلَيْهِ وَسَلَّمَ قَالَ يَا أَيُّهَا النَّاسُ زَمَانٌ لَا يَبَالِي
الْمَرْءُ مَا أَخَذَ مِنْهُ أَمِنَ الْحَلَالِ أَمْ مِنَ الْحَرَامِ

অর্থ—আবু হোরাইরা (রাঃ) হইতে বর্ণিত আছে—নবী ছাল্লাল্লাহু আলাইহে অসাল্লাম আফসোস করিয়া বলিয়াছেন, এমন এক সময় আসিবে, যখন মানুষ ধন-দৌলত হাসিল করার মধ্যে কোন বাছ-বিচার করিবে না—যে, হালাল সূত্রে হাসিল হইল, না—হারাম সূত্রে হাসিল হইল। নবী (দঃ) স্বীয় উম্মতকে সতর্ক করিয়াছেন যে—তোমরা ঐরূপ হইও না।)

অর্থাৎ কেসামত তথা মহাপ্রলয়ের সময় নিকটর্তী হইয়া আসার সঙ্গে সঙ্গে মানুষের মধ্যে যে, নানা প্রকার অছায় ও কু-কর্মের সৃষ্টি হইবে উহার মধ্যে একটি অছায় সৃষ্টি হইবে এই যে, মানুষ ধন-দৌলত হাসিল করায় হালাল-হারামের কোন বাছ-বিচার করিবে না। রসুলুল্লাহ ছাল্লাল্লাহু আলাইহে অসাল্লাম স্বীয় উম্মতকে সতর্ক করিয়াছেন যে, তোমরা সেরূপ করিও না—যদিও তোমাদের সেই শ্রোতের বিরুদ্ধে চলিতে কিছু কষ্ট ভোগ করিতে হয়।

বিশেষ দ্রষ্টব্য :— এই প্রসঙ্গে ইমাম বোখারী (রঃ) কতিপয় বিশেষ জরুরী বিষয় ভিন্ন ভিন্ন পরিচ্ছেদে বর্ণনা করিয়া আদিয়াছেন। প্রথম তিনি বলিয়াছেন, দলীল-প্রমাণের দিক দিয়া শরীয়তে “হালাল” অতি সুস্পষ্ট জিনিষ। তদ্রূপ “হারাম”ও অতি সুস্পষ্ট জিনিষ। এই দুইটি পর্যায় ও স্তরের মধ্যবর্তী তৃতীয় একটি পর্যায়ও আছে ; উহা হইল—সন্দেহজনক পর্যায় ; অর্থাৎ উহাকে হারামও সাব্যস্ত করা যায় না ; সেইরূপ সুস্পষ্ট প্রমাণ নাই, আবার হালালও সাব্যস্ত করা যায় না উহারও কোন সুস্পষ্ট প্রমাণ নাই। এই তথ্যের প্রমাণে প্রথম খণ্ডের ৪৭ নং হাদীছখানা উল্লেখ হইয়াছে। সন্দেহজনক পর্যায়ের অনেক কিছু ফেকা শাস্ত্রে বর্ণিত আছে, যাহাকে শরীয়তে “মক্কুহ” বলা হইয়াছে। উহা ভিন্ন অনেক ক্ষেত্রে ইমাম ও আলেমগণের মতভেদের দরুণও বিভিন্ন বিষয় বা বস্তুকে সন্দেহজনক সাব্যস্ত করা হয়। এতদ্ভিন্ন কার্যক্ষেত্রে দৈনন্দিন এরূপ অনেক কিছু পেশ আসে যাহা সম্পর্কে হালাল বা হারাম হওয়া স্থিররূপে সাব্যস্ত করা যায় না। এই প্রসঙ্গে ইমাম বোখারী (রঃ) “সন্দেহজনক” হওয়ার সম্ভাৱন্য নিরূপণেরও চেষ্টা করিয়াছেন—যাহার সারমর্ম এই যে, সংশয় ও দ্বিধা জন্মিবার স্বাভাবিক হেতু ও কারণ বিদ্যমান থাকে এইরূপ বিষয় ও বস্তুকে সন্দেহজনক পর্যায়ের গণ্য করা হইবে। যেমন প্রথম খণ্ডে ৭৪ নং হাদীছে একটি ঘটনা বর্ণিত হইয়াছে—একজন ছাহাবী এবং তাহার স্ত্রী সম্পর্কে একটি মহিলা সাক্ষ্য দিল যে, আমি তোমাদের উভয়কে আমার দুধ পান করাইয়াছি ; অর্থাৎ তোমরা উভয়ে দুধ-ভাই-বোন ; তোমাদের মধ্যে বিবাহ হইতে পারে না। বহু খোজাখুজির পরও এই সাক্ষীর কোন সহযোগী পাওয়া গেল না। ঐ ছাহাবী মক্কা হইতে প্রায় ৩০০ মাইল পথ অতিক্রম করিয়া মদীনায পৌঁছিলেন এবং রসুলুল্লাহ ছাল্লাল্লাহু আলাইহে অসাল্লামের নিকট ঘটনা ব্যক্ত করিলেন। হযরত (দঃ) বলিলেন, এরূপ কথা উত্থাপিত হওয়ার পর কিভাবে তুমি তাহাকে স্ত্রীরূপে ব্যবহার করিবে? ঐ ছাহাবী সেই স্ত্রীকে ত্যাগ করিলেন ; অতঃপর তাহার বিবাহ হইল। উক্ত ঘটনায় ঐ স্ত্রী হারাম সাব্যস্ত হইতে পারে নাই, কারণ সে দুধ-বোন হওয়ার গ্রহণীয় সাক্ষী ছিল না। দুইজন পুরুষ বা একজন পুরুষের সঙ্গে দুইজন নারী সাক্ষ্যদাতা হইলে উহা হয় গ্রহণীয় সাক্ষী। কিন্তু অসম্পূর্ণ হইলেও ঐ ক্ষেত্রে সুস্পষ্ট একটি সাক্ষী ছিল, এইহেতু ও কারণে তথায় স্বাভাবিক ভাবেই সংশয় ও দ্বিধা জন্মে—যাহার প্রতি হযরত (দঃ) ইঙ্গিত করিয়াছিলেন।

অপর একটি ঘটনা—হযরত (দঃ) বলিয়াছেন, আমার বিছানার উপর পতিত খোরমা (শুক খেজুর) দেখিতে পাই, কিন্তু (জ্ঞান-শূন্য ব্যতিরেকে) উহা আমি

খাই না; এই আশঙ্কায় যে, উহা ছদ্কা-খয়রাতের খোরমা হইতে পারে। এক্ষেত্রে সংশয় ও দ্বিধা সৃষ্টির স্বাভাবিক হেতু ও কারণ বিद्यমান আছে যে, ঐ খোরমা ছদ্কা-খয়রাতের হইতে পারে; যেহেতু হযরতের গৃহে ছদ্কা-খয়রাতের খোরমা আসিয়া থাকিত; হযরত (দঃ) উহা গরীবদিগকে দিয়া দিতেন। নবীর জন্ত ছদ্কা-খয়রাত থাওয়া জায়েয নহে।

আর এক হাদীছে আছে—একদা পথে পতিত একটি খোরমা দেখিয়া হযরত (দঃ) বলিলেন, ইহা ছদ্কা হওয়ার আশঙ্কা না হইলে আমি নিজেই উহা উঠাইয়া খাইতাম; (যেন আল্লাহর নেয়ামতের অপচয় না হয়)। এক্ষেত্রেও সংশয়ের স্বাভাবিক কারণ বিद्यমান আছে যে, উহা ছদ্কা-খয়রাতের হইতে পারে; যেহেতু সচরাচর ছদ্কা-খয়রাতের খোরমা লইয়া লোকেরা পথে যাতায়াত করিয়া থাকে; ইহা স্বাভাবিক এবং মোটেই বিরল নহে।

উল্লেখিত হাদীছদ্বয় বর্ণনা করিয়া ইমাম বোখারী (রঃ) বলিয়াছেন, (হারাম হইতে ত বাঁচিতে হইবেই, অধিকন্তু) সন্দেহজনক বিষয় এবং বস্তু হইতেও বাঁচিতে হইবে।

অতঃপর বোখারী (রঃ) আর একটি পরিচ্ছেদে বলিয়াছেন, সন্দেহজনক হওয়া এবং অছওয়াছাহ (অমূলক দ্বিধা) ভিন্ন ভিন্ন জিনিষ। উভয়ের হুকুমও ভিন্ন ভিন্ন—সন্দেহজনক জিনিষ পরিহার করিতে হইতে; অছওয়াছাহজনক জিনিষ পরিহার করার মোটেই প্রয়োজন নাই। উভয়ের পার্থক্য অতি সুস্পষ্ট। সন্দেহজনক বলা হইবে ঐ ক্ষেত্রে যে স্থানে সংশয় ও দ্বিধা জন্মিবার স্বাভাবিক হেতু ও কারণ বিद्यমান আছে। আর যে ক্ষেত্রে সংশয় ও দ্বিধা জন্মিবার স্বাভাবিক হেতু ও কারণ নাই সে ক্ষেত্রে দ্বিধা সৃষ্টি হইলে উহাকে “অছওয়াছাহ” বলা হইবে। ইহার সুন্দর একটি দৃষ্টান্ত নিম্নের হাদীছটিতে উল্লেখ হইয়াছে—

১০৬৪। হাদীছ :—আয়েশা (রাঃ) হইতে বর্ণিত আছে, কতিপয় ব্যক্তি আরজ করিল ইয়া রসুল্লাহ। লোকেরা আমাদের নিকট জবাইকৃত যে গোশত বিক্রি করার জন্ত নিয়া আসে। আমরা জানি না—তাহারা জবেহ করার সময় “বিছমিল্লাহ” বলিয়াছে কি-না। তহুত্তরে নবী ছাল্লাল্লাহু আলাইহে অসাল্লাম বলিলেন, তোমরা বিছমিল্লাহ বলিয়া উহা খাও।

ব্যাখ্যা :—এক্ষেত্রে বিছমিল্লাহ বলা সম্পর্কে সংশয়ের স্বাভাবিক হেতু ও কারণ নাই; যেহেতু জবেহ করার সময় মোসলমান ব্যক্তির বিছমিল্লাহ না বলা অস্বাভাবিক। অতএব উহার ভিত্তিতে সৃষ্ট সংশয় ও দ্বিধার ক্ষেত্র “সন্দেহজনক” ও পরিহার্য্য গণ্য হইবে না, বরং “অছওয়াছাহজনক” গণ্য হইবে এবং অছওয়াছাহ পরিহার্য্য।

পক্ষান্তরে পথে পতিত খোরমা সম্পর্কে ছদকা-খয়রাত হওয়ার আশঙ্কা তদ্রূপ নহে, কারণ ছাদকা-খয়রাত খোরমা লইয়া লোকদের পথে যাতায়াত ও চলাচল করা এবং উহার এক-দুইটি পতিত হওয়া নেহায়েত স্বাভাবিক। অতএব উহার ভিত্তিতে সৃষ্ট সংশয় ও দ্বিধার ক্ষেত্র “সন্দেহজনক” গণ্য হইবে এবং পরিহার্য্য হইবে। হযরতের বিছানায় পতিত খোরমা সম্পর্কে ছদকা-খয়রাত হওয়ার আশঙ্কাও তদ্রূপই। কারণ, ছাদকা-খয়রাতের খোরমা গরীবদের মধ্যে বিতরণ করার জন্ত লোকেরা হযরতের গৃহে দিয়া যাইত; এতদ্ভিন্ন লোকদের অনেক অনেক ছদকা-খয়রাতের খোরমা গরীবদের মধ্যে বিতরণে হযরত (দঃ) বিশেষভাবে জড়িত হইতেন; হযরতের কাপড়-চোপড়ে জড়াইয়া এক-দুইটা খোরমা চলিয়া আসা এবং বিছানায় পতিত হওয়া অত্যন্ত স্বাভাবিক ছিল, অতএব উহার ভিত্তিতে সৃষ্ট সংশয় ও দ্বিধার ক্ষেত্র “সন্দেহজনক” ও পরিহার্য্য গণ্য হইবে। ৭৪ নং হাদীছের ঘটনায় ত সংশয় ও দ্বিধা সৃষ্টির কারণটা স্বাভাবিক হওয়া অতি সুস্পষ্ট। সাক্ষীর সংখ্যা পূর্ণ না হওয়ায় সাক্ষ্য গৃহিত না হওয়া একটি শরীয়তী বিচারনীতির বিধানগত ব্যাপার, উহা হইলে ত অকাট্য হারামই সাব্যস্ত হইত। অসম্পূর্ণ কিন্তু সুস্পষ্ট সাক্ষ্যে অন্ততঃ সংশয় ও দ্বিধা সৃষ্টি হওয়া ত নিতান্ত স্বাভাবিক। সুতরাং উহার ক্ষেত্র ত “সন্দেহজনক” এবং পরিহার্য্য সাব্যস্ত হইবেই।

সার কথা এই যে যেক্ষেত্রে সংশয় ও দ্বিধা সৃষ্টির কারণ স্বাভাবিক বিষয় হইবে সে ক্ষেত্রে সন্দেহজনক ও পরিহার্য্য গণ্য করা হইবে, আর যে ক্ষেত্রে সংশয় ও দ্বিধা সৃষ্টির কারণ স্বাভাবিক নহে সে ক্ষেত্রে অছওয়াছাহজনক গণ্য করা হইবে—উহা পরিহার্য্য নহে। যেরূপ কোন দালানের ছাদ যদি বেশী ফাটা হয়, কড়ি-বড়গা বিনষ্ট ও দুর্বল হয় এবং সেই কারণে ছাদ পতিত হওয়ার আশঙ্কা করা হয় এই আশঙ্কার কারণে সৃষ্ট সংশয় ও দ্বিধার ক্ষেত্র সন্দেহজনক গণ্য হইবে এবং ঐ গৃহ পরিহার্য্য হইবে। পক্ষান্তরে ছাদ যদি ভাল ও মজবুত থাকে, উহার কড়ি-বরগাও অক্ষত থাকে সে ক্ষেত্রে যদি আশঙ্কা করা হয়—হইতে পারে ছাদ পড়িয়া যায় না কি; এইরূপ আশঙ্কার কারণে সৃষ্ট সংশয় ও দ্বিধা “অছওয়াছাহ” গণ্য হইবে এবং ইহার ক্ষেত্র মোটেই পরিহার্য্য হইবে না।

১০৬৩ নং হাদীছে ব্যবসা-বাণিজ্যে হারামকে পরিহার করার তাকিদ করা হইয়াছে; ইমাম বোখারী (রঃ) উল্লেখিত পরিচ্ছেদ সমূহের ইঙ্গিতে প্রমাণ করিয়াছেন যে, হারামের ত্রায় সন্দেহজনক ক্ষেত্রেও পরিহার করিতে হইবে।

অতঃপর কতিপয় পরিচ্ছেদে বলিয়াছেন যে, হারাম ও সন্দেহজনক ক্ষেত্রে পরিহার করিয়া সব রকম জিনিষের ব্যবসাই করা যায় এবং দেশ-বিদেশে এমনকি স্মৃকঠিন সামুদ্রিক ছফর করিয়া যাইয়াও ব্যবসা-বাণিজ্য করা যায়। এরই মধ্যে এক পরিচ্ছেদে বোখারী (রঃ) পবিত্র কোরআনের একটি বিশেষ আয়াত উল্লেখ করিয়া গুরুত্বপূর্ণ একটি বিষয়ের আলোচনা করিয়াছেন। আয়াতটি এই—

رِجَالٌ لَا تُلْهِيهِمْ تِجَارَةٌ وَلَا بَيْعٌ عَنْ ذِكْرِ اللَّهِ وَإِقَامِ الصَّلَاةِ
وَإِيتَاءِ الزَّكَاةِ - يَخَافُونَ يَوْمًا تَتَقَلَّبُ فِيهِ الْقُلُوبُ وَالْأَبْصَارُ
لِيُجْزِيَهُمُ اللَّهُ أَحْسَنَ مَا عَمِلُوا وَيَزِيدَهُم مِّن فَضْلِهِ - وَاللَّهُ يَرْزُقُ

مَنْ يَشَاءُ بِغَيْرِ حِسَابٍ ۝

প্রকৃত ও খাঁটি মোমেনদের একটি বিশেষ অবস্থার বর্ণনায় আল্লাহ তায়ালা বলিতেছেন—“এমন সব লোক যে, তাহারা ক্রয়-বিক্রয় ব্যবসা-বাণিজ্য করে, কিন্তু সেই লিপ্ততা তাহাদিগকে আল্লার জিকর ও আল্লার ইয়াদ হইতে এবং (আল্লার হুকুম পালন তথা) নামায সুষ্ঠুরূপে আদায় করা হইতে, যাকাত প্রদান করা হইতে গাফেল উদাসীন ও অমনযোগী করিতে পারে না। (ব্যবসা-বাণিজ্যের লিপ্ততা সময়েও) তাহাদের অন্তরে ভয় জাগ্রত থাকে কেয়ামতের হিসাবের দিনের—সেই দিন ভীষণ আতঙ্কের দরুন মানুষের প্রাণ থর থর কাঁপিতে থাকিবে এবং চক্ষুস্থল উল্টিয়া যাইবে। (ঐ দিনের অনুষ্ঠান হইবে) এই উদ্দেশ্যে যে, আল্লাহ তায়ালা লোকদিগকে তাহাদের ভাল আমলের পুরস্কার দান করিবেন এবং তাহাদের আমল অপেক্ষাও অধিক দান করিবেন নিজ রহমতে। (নামায, যাকাত আল্লার জিকর ইত্যাদিতে ব্যবসার উন্নতি বাহত হয় না; সর্বপ্রকার উন্নতি আল্লাহ তায়ালা হাতে;) আল্লাহ যাহাকে ইচ্ছা করেন অসংখ্য ও বে-হিসাবরূপে রিজিক দিয়া থাকেন। (১৮ পাঃ ১১ রূঃ)

ইমাম বোখারী (রঃ) উল্লেখিত আয়াতের আলোচনা দ্বারা সতর্ক করিয়াছেন যে, ব্যবসা-বাণিজ্য হালাল ও জায়েয বটে, কিন্তু লক্ষ্য রাখিতে হইবে—উহা যেন কোন ক্ষেত্রেই আল্লার ইয়াদ হইতে এবং নামায, যাকাত ইত্যাদি হইতে গাফেল উদাসীন ও অমনোযোগী করিতে না পারে—মোসলমান মাত্রেই এই দিকে লক্ষ্য রাখিতে হইবে।

● বিশিষ্ট তাবেয়ী কাতাদাহ (রঃ) বলিয়াছেন, আমরা মোসলমান সমাজের অবস্থা এই পাইয়াছি যে, তাঁহারা ক্রয়-বিক্রয় ব্যবসা-বাণিজ্য করেন, কিন্তু যখনই তাঁহাদের সম্মুখে আল্লার নির্দেশিত কোন নির্দেশ আসে তখন ব্যবসা-বাণিজ্য ও ক্রয়-বিক্রয় তাঁহাদিগকে আল্লার স্মরণ হইতে অমনোযোগী রাখিতে পারে না ; তাঁহারা তৎক্ষণাৎ আল্লার নির্দেশ পালন করতঃ উহা আল্লার হুজুরে পেশ করেন।

উক্ত বিবরণের সমর্থনে বোখারী শরীফের প্রসিদ্ধ তফছীরকার হাফেজ ইবনে হজর (রঃ) ছাহাবী আবহুল্লাহ ইবনে ওমর (রাঃ) হইতে বর্ণনা করিয়াছেন, তিনি একদা বাজারে ছিলেন ; নামাযের জমাত খাড়া হওয়া নিকটবর্তী হইলে লোকেরা নিজ নিজ দোকান-পাট বন্ধ করিয়া মসজিদে চলিয়া গেলেন। তখন আবহুল্লাহ ইবনে ওমর (রাঃ) ঐ লোকদের প্রশংসায় বলিলেন, এই শ্রেণীর লোকদেরকে লক্ষ্য করিয়াই কোরআনের আয়াত নাযেল হইয়াছে ; এই বলিয়া তিনি উপরোল্লিখিত আয়াত তেলাওত করিলেন। (ফতহুল বারী, ৪—২৩৮)

ব্যবসায়ীদের বিশেষভাবে দান-খয়রাত করা চাই

আল্লাহ তায়ালা বলিয়াছেন—

أَذِفُّقُوا مِنْ طَيِّبَاتِ مَا كَسَبْتُمْ..... وَاللَّهُ وَاسِعٌ عَلِيمٌ -

“হে মোমেনগণ। তোমরা আল্লার নামে খরচ কর ঐ সব হালাল মাল হইতে যাহা তোমরা কামাই কর রোজগার কর এবং ঐ সব হইতে যাহা আমি তোমাদের জন্য জমিন হইতে জন্মাইয়া থাকি। আর উহার নিকৃষ্টটার প্রতি যাইও না যে, আল্লার রাস্তায় খরচ করিতে শুধু নিকৃষ্ট বস্তুই খরচ কর, অথচ ঐরূপ নিকৃষ্ট বস্তু তোমাকে দেওয়া হইলে তুমি একমাত্র চোখ বুঝিয়াই উহা গ্রহণ করিতে পার—সন্তুষ্টির সহিত তুমি উহা গ্রহণ করিবে না। স্মরণ রাখিও, নিশ্চয় আল্লাহ তায়ালা অপ্রত্যাশী প্রশংসিত। শয়তান তোমাদিগকে ভয় দেখায়—ধন কম হইয়া যাওয়ার এবং তোমাদিগকে পরামর্শ দেয় অব্যাহিত কাজ করার, আর আল্লাহ তোমাদিগকে কমা করার এবং রহমত দানের প্রতিশ্রুতি শুনাইয়া থাকেন। আল্লার ভাণ্ডার অসীম এবং তিনি সর্বজ্ঞ। (৩ পাঃ ৫ রূঃ)

হাদীছে আছে, রসুল্লাহ (সঃ) বলিয়াছেন, হে ব্যবসায়ী সম্প্রদায়। বেচা-বিক্রি ও ব্যবসা ক্ষেত্রে বেহুদা কথা এবং আনাবশুক কসমের অবতারণা হইয়া থাকে ; অতএব মোসলমানেরা দান-খয়রাতকে জুড়াইয়া রাখিও (মুগকাত ২৪৩)

রিজিক কোশাদাহ হওয়ার আমল

১০৬৫। হাদীছ :— عن انس رضى الله تعالى عنه قال

سَمِعْتُ رَسُولَ اللَّهِ صَلَّى اللَّهُ عَلَيْهِ وَسَلَّمَ يَقُولُ مَنْ سَرَّهُ أَنْ
يَبْسُطَ لَهُ رِزْقَهُ أَوْ يُنْسَأَ فِي أَثَرِهِ فَلْيَبْسِلْ رَحِمَهُ

অর্থ—আনাছ (রাঃ) বর্ণনা করিয়াছেন, আমি রসুলুল্লাহ ছালাল্লাহু আলাইহে অসাল্লামকে বলিতে শুনিয়াছি—যে ব্যক্তির আকাঙ্ক্ষা থাকে যে, তাহার খাওয়া পড়ায় স্বচ্ছন্দ্য ও ধন-সম্পদে প্রশস্ততা লাভ হউক এবং তাহার পরেও তাহার স্মনাম বাকি থাকে তাহার কর্তব্য হইবে আত্মীয়দের সহিত স্মৃষ্কপে আত্মীয়তা বজায় রাখিয়া চলা।

নিজ উপার্জনে জীবিকা নির্বাহ করা

১০৬৬। হাদীছ :— عن المقدام أن النبی صلی الله علیه وسلم قال

مَا أَكَلَ أَحَدٌ طَعَامًا قَطُّ خَيْرًا مِّنْ أَنْ يَأْكُلَ مِنْ عَمَلٍ يَدِهِ وَإِنْ نَبِيَ
اللَّهُ دَاوُدَ عَلَيْهِ السَّلَامُ كَانَ يَأْكُلُ مِنْ عَمَلٍ يَدِهِ ۝

অর্থ—মেকদাম (রাঃ) বর্ণনা করিয়াছেন, নবী ছালাল্লাহু আলাইহে অসাল্লাম বলিয়াছেন, কাহারও জ্ঞাত স্বহস্তে উপার্জিত খাদ্য গ্রাস অপেক্ষা উত্তম খাদ্য বস্তু আর কিছু হইতে পারে না। আল্লাহ তায়ালা তায়ালায় বিশিষ্ট পয়গাম্বর দাউদ (আঃ) নিজ হস্তের উপার্জন দ্বারা জীবিকা নির্বাহ করিতেন।

এখানে ৭৭৩ এবং ৭৭৪ নং হাদীছদ্বয়ও উল্লেখ হইয়াছে।

ব্যবসা-বাণিজ্যে কোমল ব্যবহার করা উচিত

১০৬৭। হাদীছ :— عن جابر أن رسول الله صلی الله علیه وسلم

قَالَ رَحِمَ اللَّهُ رَجُلًا إِذَا بَاعَ وَإِذَا اشْتَرَى وَإِذَا اقْتَضَى -

অর্থ—জাবের (রাঃ) হইতে বর্ণিত আছে, রসুলুল্লাহ ছালাল্লাহু আলাইহে অসাল্লাম বলিয়াছেন—সেই লোকের উপর আল্লাহ তায়ালায় রহমত বর্ষিত হওয়া সুনিশ্চিত যে বিক্রয়, ক্রয় এবং স্বীয় প্রাপ্যের তাগাদা করা কালে লোকের সঙ্গে কোমল ব্যবহার করিবে।

সক্ষম খাতককে সময় দেওয়া

১০৬৮। হাদীছ :—হোযায়ফা (রাঃ) বর্ণনা করিয়াছেন, নবী ছালাল্লাহু আলাইহে অসাল্লাম বলিয়াছেন, তোমাদের পূর্বা উম্মতের এক ব্যক্তির রুহ—
আত্মা ফেরেশতাগণ কবজ করিতে আসিয়া জিজ্ঞাসা করিলেন, কোন বিশেষ নেক আমল তুমি করিয়াছ কি? সে বলিল, আমি আমার ব্যবসা ক্ষেত্রে সক্ষম খাতকদেরকেও সময় ও অবকাশ দিতাম, তাহার ওজর আপত্তি গ্রহণ করিতাম। আর অক্ষম খাতকদেরকে মাফ করিয়া দিতাম। এতদ্বশত ফেরেশতাগণও তাহার সহিত তাহার দোষ-ত্রুটি লক্ষ্য না করার ব্যবহার করিলেন।

অক্ষম খাতককে মাফ করিয়া দেওয়া

১০৬৯। হাদীছ :—
عَنْ أَبِي هُرَيْرَةَ رَضِيَ اللَّهُ تَعَالَى عَنْهُ
كَانَ تاجِرٌ يُدَايِنُ النَّاسَ نِذَا رَأَى مُعْسِرًا قَالَ لِفَتًى بِنْتِهِ تَجَاوَزُوا
عَنْهُ لَعَلَّ اللَّهَ أَنْ يَتَجَاوَزَ عَنَّْا فَتَجَاوَزَ اللَّهُ عَنْهُ ۝

অর্থ—আবু হোরাযরা (রাঃ) নবী ছালাল্লাহু আলাইহে অসাল্লাম হইতে বর্ণনা করিয়াছেন, এক ব্যবসায়ী ব্যক্তি ছিল—সে লোকদিগকে বাকী ও ধার দিয়া থাকিত। যদি কোন ব্যক্তিকে দেখিত যে, তাহার জন্ত দেনা পরিশোধ করা কঠিন হইয়া পড়িয়াছে তবে স্বীয় কর্মচারীগণকে আদেশ করিত, এই ব্যক্তিকে মুক্তি ও রেহাই দান কর, এই অছিলায় আল্লাহ তায়ালা আমাদেরকে মুক্তি ও রেহাই দিতে পারেন। ফলে সত্য সত্যই আল্লাহ তায়ালা ঐ ব্যক্তিকে মুক্তি ও রেহাই দান করিয়াছেন।

ক্রেতা ও বিক্রেতা উভয়েরই সরলতা ও সত্যবাদিতা আবশ্যিক

গোপন হিলা বা ধোকা করা চাই না

আদা-ইবনে খালেদ বর্ণনা করিয়াছেন, রসুলুল্লাহ ছালাল্লাহু আলাইহে অসাল্লাম আমার নিকট হইতে একটি ক্রীতদাস ক্রয় করিয়াছিলেন এবং উভয়ের মধ্যে এইরূপ বায়নামা সম্পাদন করিয়াছিলেন। এই এই বিবরণের ক্রীতদাসটিকে মোহাম্মাদোর রসুলুল্লাহ ছালাল্লাহু আলাইহে অসাল্লাম খালেদের পুত্র আদার নিকট হইতে ক্রয় করিলেন—মোসলেম ব্যক্তিব্যয়ের ক্রয়-বিক্রয়ের ভিত্তিতে—যেখানে উভয় পক্ষের প্রদত্ত বস্তুর মধ্যে কোন প্রকার গোপনীয় দোষ থাকে না। ক্রয়কর্তার আশঙ্কা থাকে না।

● কোন কোন বেপারী ও দালাল ব্যক্তি স্বীয় আস্তাবল (ঘোড়ার ঘর)কে এই সমস্ত স্থানের নামে নামকরণ করিয়া রাখিত যে স্থানের ঘোড়া উত্তম ও প্রসিদ্ধ। যেমন কেহ স্বীয় ঘোড়ার ঘরকে 'খোরাসান' বা 'সিজিস্তান' প্রভৃতি প্রসিদ্ধ স্থানের নামে নামকরণ করিত; অতঃপর এই সকল আস্তাবল হইতে স্বদেশজাত ঘোড়া সমূহকে বিক্রীর জন্য বাজারে উপস্থিত করিয়া ক্রেতাদিগকে এইরূপে প্রলুব্ধ করিত যে, এই ঘোড়া সবেমাত্র খোরাসান বা সিজিস্তান হইতে আনা হইয়াছে অর্থাৎ এই পশু এই প্রসিদ্ধ নামের স্থান হইতে নূতন আমদানী করা হইয়াছে। ক্রেতাগণ এই ঘোড়াকে এই সব নামের সুপ্রসিদ্ধ দেশ ও স্থানের মনে করিয়া উহার প্রতি আকৃষ্ট হইত; বস্তুতঃ উহা এই দেশ বা এই স্থানের নহে, বরং এই নামে নামকৃত বিক্রেতার নিজস্ব আস্তাবল হইতে আনীত দেশী ঘোড়া। এইরূপে ধোকা দিয়া মিথ্যা এড়াইবার ফন্দি করা হইত।

প্রসিদ্ধ তাবেরী ইব্রাহীম নখরী রহমতুল্লাহ আলাইহের নিকট উল্লিখিত উপায় অবলম্বনের মহাআলাহ জিজ্ঞাসা করা হইলে তিনি উহাকে অতিশয় জঘন্য ও ঘৃণিত না-জায়েয (হারাম) বলিয়া উক্তি করিলেন।

● ওকবা ইবনে আমের (রাঃ) বর্ণনা করিয়াছেন, কোন মানুষের জন্য একরূপ করা জায়েয ও হালাল নহে যে, স্বীয় বিক্রয়-বস্তু—পণ্যের মধ্যে দোষ ক্রটি জ্ঞাত থাকা সত্ত্বেও সে উহা প্রকাশ না করে।

১০৭০। হাদীছ :- **عَنْ حَكِيمِ بْنِ حَزَامٍ رَضِيَ اللَّهُ تَعَالَى عَنْهُ**
قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ الْبَيْعَانِ بِالْخِيَارِ مَا لَمْ
يَتَفَرَّقَا فَإِنْ صَدَقَا وَبَيَّنَّا بُورِكَ لَهُمَا فِي بَيْعِهِمَا وَإِنْ كَتَمَا وَكَدَبَا
(فَعَسَى أَنْ يَرَبَعَا رُبْعًا) مُحِقَّتْ بَرَكَةُ بَيْعِهِمَا ۝

অর্থ—হাকীম ইবনে হেযাম (রাঃ) হইতে বর্ণিত আছে, রশূলুল্লাহ ছালাল্লাহু আলাইহে অসাল্লাম বলিয়াছেন, যাবৎ ক্রেতা ও বিক্রেতা পূর্ণরূপে ক্রয়-বিক্রয় সাব্যস্ত করিয়া না লয় (জবান না দিয়া ফেলে) তাবৎ উভয় পক্ষের লওয়া-না-লওয়া, দেওয়া-না-দেওয়ার ক্ষমতা ইচ্ছাধীন থাকে। (কিন্তু ক্রয়-বিক্রয় সাব্যস্ত হইয়া যাওয়ার পর আর জবান কিয়াইয়া লওয়ার ক্ষমতা থাকে না—আদান-প্রদান বাধ্যতামূলক হইয়া যায়। এমনতাবস্থায় ক্রয়-বিক্রয়ের মধ্যে) যদি উভয় পক্ষ সততা অবলম্বন করে এবং স্বীয় বস্তুর দোষ-ক্রটি গোপন না

রাখিয়া প্রকাশ করিয়া দেয় তবে সেই ক্রয়-বিক্রয়ের মধ্যে বরকত ও মঙ্গল হইবে। পক্ষান্তরে যদি ক্রেতা-বিক্রেতা স্বীয় বস্তুর দোষ-ত্রুটি গোপন রাখে এবং মিথ্যার আশ্রয় নেয় সেই ক্রয়-বিক্রয়ে বাহ্যিক দৃষ্টিতে হয়ত লাভ দেখিবে, কিন্তু উহাতে বরকত ও মঙ্গলের নাম-নিশানাও থাকিবে না।

আলোচ্য হাদীছের উক্ত ব্যাখ্যানুযায়ী এই মহুআলাহ প্রমাণিত হইবে যে, বিক্রেতা স্বীয় বস্তুর কোন মূল্য নির্দিষ্ট করিয়াছে, কিন্তু এখনও ক্রেতা উহা গ্রহণ করে নাই, এমতাবস্থায় বিক্রেতা স্বীয় বাক্য প্রত্যাহার করিতে পারে। তদ্রূপ—ক্রেতা কোন মূল্য নির্ধারণ করিলে বিক্রেতা কর্তৃক উহা গ্রহণের পূর্বে ক্রেতা স্বীয় বাক্য প্রত্যাহার করিতে পারে। উভয় পক্ষ হইতে গ্রহণের পরে আর তাহা পারে না।

আলোচ্য হাদীছের অর্থ একটি ব্যাখ্যাও করা হয় যে, ক্রেতা ও বিক্রেতা উভয় পক্ষ ক্রয়-বিক্রয় সাব্যস্ত করার পরেও যাবৎ তাহারা স্থান পরিবর্তন করিয়া পৃথক হইয়া না যায়—কথাবার্তা সাব্যস্ত হওয়ার স্থানেই বিদ্যমান থাকে তাবৎ উভয় পক্ষের ঐ ক্রয়-বিক্রয় পরিত্যাগ করার ক্ষমতা থাকে।

উল্লিখিত অবস্থায় অর্থাৎ ক্রয়-বিক্রয় সাব্যস্ত হওয়ার পরও ঐ স্থানে থাকা পর্য্যন্ত ক্রয়-বিক্রয় ত্যাগ করার ক্ষমতা ইমাম শাফেয়ী (রঃ)-এর মতে বাধ্যতা-মূলক অর্থাৎ এক পক্ষ উহা ত্যাগ করিলে অপর পক্ষ তাহা মানিয়া লইতে বাধ্য। ইমাম আবু হানিফা (রঃ)-এর মতে উক্ত ক্ষমতা বাধ্যতামূলক নহে বরং সৌজ্জন্ম মূলক। অর্থাৎ ক্রয়-বিক্রয় সাব্যস্ত হওয়ার পর উভয় পক্ষ ইহা গ্রহণ করিতে বাধ্য, নতুবা মানুষের মুখের বাক্যের কোন মূল্যই থাকে না। কিন্তু ক্রয়-বিক্রয় সাব্যস্ত হইয়া এখনও বিলম্ব হয় নাই, বরং এখনও উভয় পক্ষ ঐ স্থানেই বিদ্যমান রহিয়াছে, এমতাবস্থায় এক পক্ষ ঐ ক্রয়-বিক্রয় হইতে ফিরিয়া যাইতে চাহিলে অপর পক্ষকে উহা মানিয়া লওয়া উচিত; মানুষের মধ্যে পরস্পর এতটুকু সৌজ্জন্ম ভাব বিদ্যমান না থাকিলে ‘মানুষ’ নামের অবমাননা হইবে।

মহুআলাহ : - বিক্রেতা তাহার বস্তুর মূল্য ১০ টাকা বলিয়াছে ক্রেতা আট টাকা বলিয়াছে, বিক্রেতা তাহাতে স্বীকৃতি দেয় নাই, অতঃপর ক্রেতা কথাবার্তার স্থান ত্যাগ করার পর বিক্রেতা ঐ বস্তু আট টাকা মূল্যে প্রদান করিতে বাধ্য হইয়া তাহাকে ডাকে; এমতাবস্থায় ক্রেতা ঐ বস্তু তাহার স্বীকৃত আট টাকা মূল্যেও গ্রহণ করিতে বাধ্য থাকিবে না। এক পক্ষ কোন মূল্য বলিলে অপর পক্ষের বাধ্যতামূলকভাবে ঐ মূল্য গ্রহণ করার সুযোগ শুধুমাত্র ঐ সময় পর্য্যন্ত থাকে যাবৎ উভয় পক্ষ কথাবার্তার স্থানে ও অবস্থায় বিদ্যমান থাকে। ইজাব ও

কবুলের পূর্বে কোন পক্ষ ঐ স্থান বা অবস্থা ত্যাগ করার সঙ্গে সঙ্গে পূর্ব্বকার (ক্রয়-বিক্রয়ের) সমস্ত কথাবার্তা ও স্বীকৃতি ভঙ্গ হইয়া যায়।

বর্তমানে শহর, বন্দর, হাট-বাজারের দোকানদারগণ এই মহাআলাহ জানে না বলিয়া উক্ত অবস্থায় কেতা স্বীয় স্বীকৃত মূল্যে ক্রয় করা প্রত্যাখ্যান করিলে তাহার প্রতি অসৌজন্ম বরং জঘন্য ব্যবহার প্রয়োগ করিয়া থাকে। ইহা নিতান্তই শরীয়তের বরখেলাফ—মস্ত বড় অত্যাচার ও গোনাহ।

ভাল-মন্দে মিশ্রিত দ্রব্য বিক্রি করা

মহাআলাহ—কাহাকেও ধোকা দিয়া নয়, বরং প্রকাশে ভাল-মন্দ মিশ্রিত দ্রব্য বিক্রি করা জায়েয আছে।

১০৭১। হাদীছঃ—আবু সায়ীদ খুদরী (রাঃ) বর্ণনা করিয়াছেন, (জাতীয় ধন-ভাণ্ডার বাইতুল-মাল হইতে) আমাদিগকে ভাতা দেওয়া হইত মিশ্রিত খোরমা। আমরা উহার দুই ধামা (ভাল খোরমা) এক ধামার বিনিময়ে বিক্রি করিতাম। নবী ছালালাহ আলাইহে অসাল্লাম বলিলেন, এক জাতীয় বস্তুর বিনিময়ে (পরিমাণে বেশকম করা—) এক ধামার বিনিময়ে দুই ধামা প্রদান করা বা এক দেহহামের বিনিময়ে দুই দেহহাম প্রদান করা জায়েয নহে।

ব্যাখ্যাঃ—একই জাতীয় বস্তু ভাল-মন্দের পার্থক্য হইলেও পরস্পর বিনিময়ে পরিমাণের বেশকম করিলে তাহা হুদ ও হারাম গণ্য হইবে। এরূপ ক্ষেত্রে যদি সমতা রক্ষা করার উদারতা কার্য্যকরী করা না যায় তবে সরাসরি উক্ত বস্তুর বিনিময় করিবে না, বরং একটাকে নগদ মূল্যে বিক্রয় করিয়া সেই নগদ মূল্য দ্বারা অপরটা ক্রয় করিবে—এইভাবে ভিন্ন ভিন্ন খরিদ-বিক্রয়ের অনুষ্ঠান করিবে। সম্মুখে এই মহাআলার বিবরণ আসিতেছে।

সুদ নিষিদ্ধ, বর্জ্জনীয় ও হারাম*

আল্লাহ তায়ালা বলিয়াছেন—

يَا أَيُّهَا الَّذِينَ آمَنُوا لَا تَأْكُلُوا الرِّبَا أَضْعَافًا مُّضَاعَةً - وَاتَّقُوا اللَّهَ
لَعَلَّكُمْ تُفْلِحُونَ - وَاتَّقُوا النَّارَ الَّتِي أُعِدَّتْ لِلْكَافِرِينَ - وَأَطِيعُوا
اللّهَ وَالرَّسُولَ لَعَلَّكُمْ تُرْحَمُونَ -

(নোটটি অপর পৃষ্ঠায় দেখুন)

অর্থ—হে ঈমানদারগণ! তোমরা সুদ গ্রহণ করিও না (সুদ কত জঘন্য প্রথা যে, সময়ের দীর্ঘতার সঙ্গে সঙ্গে) উহার পরিমাণ বৃদ্ধি পাইয়া কত কত গুণ বাড়িয়া যায়। (এমনকি ঋণ গ্রহীতাকে সব্ব হারা পর্য্যন্ত করিয়া দেয়।) তোমরা আল্লাহ্ তায়ালাকে ভয় কর; ইহাতেই তোমাদের উন্নতি ও সাফল্য নিহিত রহিয়াছে এবং দোষকে ভয় কর, উহা হইতে বাঁচিবার চেষ্টা কর; বস্তুতঃ দোষখ আল্লাহ বিরোধী কাফেরদের জন্ত তৈরী হইয়া রহিয়াছে। (তোমরা আল্লাহ বিরোধীতা এড়াইয়া জীবন যাপন করিলেই দোষখ হইতে রক্ষা পাইতে সক্ষম হইবে।) এবং আল্লাহ ও আল্লাহর রসুলের আচুগত্য অবলম্বন কর, ইহাতে তোমাদের প্রতি আল্লাহর করুণা ও দয়া হইবে। (৪ পাঃ ৫ রূঃ)

• সৃষ্টিকর্তা, পালনকর্তা ও বিধানকর্তা আল্লাহ তায়ালা অকাট্য বাণী কোরআন শরীফে এবং আল্লাহ তায়ালা প্রেরিত প্রতিনিধি বিশ্ব-নবী হযরত মোহাম্মদ মোস্তফা ছালাল্লাহু আলাইহে অসাল্লামের দ্বারা—হাদীছ শরীফে সুদ প্রথাকে স্পষ্ট হারাম ঘোষণা করতঃ যে সব কঠোর সতর্ক বাণী উচ্চারণ করা হইয়াছে এবং সুদের পরিণামে যে সব কুফল ও কঠিন শাস্তির বর্ণনা দান করা হইয়াছে, এতদব্যতীত মোসলমান জনসাধারণের অন্তরে সুদের যে ঘৃণ্য রূপ বিद्यমান রহিয়াছে, সেই সর্বের পরিপ্রেক্ষিতে সুদের যে বাস্তব রূপ পরিস্ফুটিত ও প্রকটিত হয় মানবীয় জ্ঞানের যুক্তি ও মানব-মস্তিষ্ক-প্রসূত বিজ্ঞানে রচিত শত শত কারণ ও হেতু বর্ণনা করিয়া সুদের সেই বাস্তব রূপের কিয়দংশও প্রকাশ করা সম্ভব নহে।

শরীয়তে হারাম ঘোষিত বিষয়-বস্তু সমূহের প্রতি নজর করিলে এই বাস্তব তথ্যটির আরও বহু নজির পাওয়া যাইবে। যেমন যেনা বা ব্যভিচার, ইহা যে স্তরের ঘৃণ্য এবং ইহ-পরকালে যেক্রপ কঠোর শাস্তির কারণ এবং সর্বসাধারণের অন্তরে ইহার যে ঘৃণ্যরূপ বিद्यমান, সেই সর্বের পরিপ্রেক্ষিতে যেনার যে বাস্তব রূপ রহিয়াছে, শুধু যুক্তির দ্বারা যেনার সেই বাস্তব রূপ উদ্ভাসিত হইতে পারে না।

লক্ষ্য করুন। কেবলমাত্র মৌখিক কয়েকটি স্বীকৃতিমূলক বাক্য উচ্চারণ ও কতিপয় সামাজিক রহম-রেওয়াজ পূরণ করা ব্যতীত বিবাহিতা নারী ও অবিবাহিতা নারীর মধ্যে শুধু যুক্তির দ্বারা কি পার্থক্য উদ্ঘাটন করা যায় যদ্বারা স্ত্রীসহবাস হইতে যেনার পার্থক্য স্পষ্ট হইয়া যেনার জঘন্যতা ও ঘৃণ্য কদর্যতার বাস্তবরূপের এক শতাংশও প্রকাশ পায়?

বলা বাহুল্য—লাগামহীন পৈশাচিক যুক্তি অনেক ক্ষেত্রে বিপরীত রূপও ধারণ করিয়া বসে। যেমন জনৈক পাপিষ্ঠ নরপিচাশ নগ্ন যুগ্মবাদী নিজ মাতার সহিত ব্যভিচার করিত এবং ইহার সমর্থনে এই যুক্তির অবতারণা করিত যে, যে দ্বার ও পথ বহিয়া আমার সম্পূর্ণ শরীর বাহির হইয়াছে সেই দ্বার ও পথে আমার শরীরের একটি অংশ মাত্র পুনঃ প্রবেশ করিবে ইহা দোষনীয় কেন?

(অপর পৃষ্ঠায় দেখুন)

আল্লাহ তায়ালা আরও বলিয়াছেন—..... يَا كَلِمُونَ الرِّبَا
পূর্ণ আয়াত ও উহার অর্থ আলোচ্য অধ্যায়ের প্রারম্ভে উল্লেখিত প্রথম আয়াতের
বিবরণে বর্ণিত আছে।

আল্লাহ তায়ালা আরও বলিয়াছেন—

يَا أَيُّهَا الَّذِينَ آمَنُوا اتَّقُوا اللَّهَ وَذَرُوا مَا بَقِيَ مِنَ الرِّبَا إِن كُنتُمْ
مُؤْمِنِينَ - فَإِن لَّمْ تَفْعَلُوا فَأْزَنُوا بِحَرْبٍ مِنَ اللَّهِ وَرَسُولِهِ ۖ

অতঃপর এক হতভাগা যুক্তিবাদী নরপশু স্বীয় যুবতী মেয়ের সহিত ব্যভিচারে লিপ্ত
হইত এবং এইরূপ যুক্তি প্রদর্শন করিত যে, আমি নিজ পরিশ্রম ও ব্যয়ভার বহনের
দ্বারা বৃক্ষ রোপণ করিয়াছি, উহাতে ফল ধরিয়াছে এবং উহা পাকিয়াছে এখন উহাকে
উপভোগ করার অধিকারী আমি ভিন্ন অতঃপর কেহ কেন হইবে?

মানবতা ও সৃষ্টিকর্তার শাসনতন্ত্র তথা শরীয়তের নির্দেশ ইত্যাদি কোন কিছু
ধার না ধারিয়া শুধু যুক্তি-তর্কের এহেন তীক্ষ্ণ হাতিয়ার কি আছে, যদ্বারা উপরোক্ত
নগ্ন যুক্তিবাদীদের ঘৃণ্য যুক্তি খণ্ডন পূর্বক তাহাদের কুকার্যের বাস্তব স্বরূপ উদ্ঘাটন করা যায়?

অতঃপর যে কোন বিষয় বর্জনীয় বা গ্রহণীয় এবং ঘৃণ্য বা উত্তম হওয়া উপলব্ধি
করা উপলক্ষে সৃষ্টিকর্তা, পালনকর্তা বিধানকর্তা ও মানবের জীবন যাত্রার নীতি নির্ধারণের
একচ্ছত্র মালিক আল্লাহ তায়ালা ও তাঁহার প্রতিনিধি রসুলের তথা শরীয়তের নিষেধাজ্ঞার
প্রতি দৃষ্টি করাই সর্বশ্রেষ্ঠ, সর্বোত্তম ও সর্বাধিক নিরাপদ পন্থা। বস্তুতঃ মানব রচিত
জাগতিক শাসনতন্ত্রকেও অনুরূপ মর্যাদা দেওয়া হইয়া থাকে। স্বয়ং সৃষ্টিকর্তা কর্তৃক ঘোষিত
শাসনতন্ত্রকে ততটুকু মর্যাদা দানে কুণ্ঠিত হওয়া বড়ই অহুতাশের বিষয় হইবে।

এইরূপে বাঘ, ভাল্লুক, হাতী, শূগল, কুকুর, শূকর ইত্যাদি হারাম হওয়া এবং
গরু, ছাগল, মহিষ ইত্যাদি হালাল হওয়া এতদ্ভিন্ন পশু-পক্ষীর গলগণ্ডের চারটি রং
আল্লার নামে কাটিলে তাহা হালাল হওয়া এবং অতঃপর উপায়ে বধকৃত হারাম হওয়া
ইত্যাদি বহু নজীরই বিদ্যমান আছে। এই বক্তব্যের তাৎপর্য ইহা নহে যে, হারাম বস্তু
ও বিষয় সমূহের বর্জনীয় হওয়ার কোন যুক্তি সঙ্গত কারণ ও হেতু থাকে না। অবশ্যই
কারণ ও হেতু থাকে বটে, কিন্তু শুধু যুক্তি বা বিজ্ঞান রচিত কারণ ও হেতুর উপর
নির্ভর করিলে অধিকাংশ ক্ষেত্রে হারাম বস্তুর বাস্তব রূপ আংশিক রূপেও উদ্ভাসিত না
হওয়ারই সম্ভাবনা অধিক। যেসকল দশ মণ ওজনের কোনও বস্তুকে এক তোলা পরিমিত
পাথর দ্বারা পরিমাপ করিলে উহার ওজনের বাস্তব পরিমাণ কখনই প্রকাশ পাইবে না।
সুতরাং হারাম বিষয়-বস্তু সমূহের বর্জনীয়তা ও ঘণাপদতাকে সর্বদা আল্লাহ তায়ালা
নির্ধারিত নীতি ও নিষেধাজ্ঞার মাপকাঠিতে পরিমাপ করিবে, শুধু যুক্তির মাপকাঠিতে নহে।
এবং অমোঙ্গনবাদের মোকাবিলায় আমরা সর্বপ্রথমে ধর্মের সত্যতার চ্যালেঞ্জের পথ
গ্রহণ করিব।

(অপর পৃষ্ঠায় দেখুন)

অর্থ—হে ঈমানদারগণ! আল্লাহকে ভয় কর এবং সুদের লেন-দেন ও সংশ্রব যাহা কিছু বাকি আছে সব পরিত্যাগ কর যদি তোমরা প্রকৃত মোমেন হও। তোমরা এই আদেশ অনুযায়ী কাজ না করিলে আল্লাহ ও আল্লাহর রসুলের পক্ষ হইতে তোমাদের বিরুদ্ধে যুদ্ধের ঘোষণা শুনিয়া রাখ। (৩ পাঃ ৬ রূঃ)

অবশ্য যুক্তি সঙ্গত কোনও কারণ উদ্ঘাটন করিতে পারিলে উহা সাদরে গ্রহণ করা হইবে, কিন্তু কেবলমাত্র সেই কারণের উপর হারাম বিষয় বস্তুর বর্জনীয়তা ও ঘৃণাস্পদতা নির্ভর করিবে না এবং সেই কারণের তুলনায় উহার পরিমাপও করা হইবে না। যেরূপ—সুদ হারাম হওয়ার বিষয় বলা হইয়া থাকে যে একদিকে এক গরীব অন্ন-বস্ত্রের অভাবে কোন এক ধনাঢ্যের নিবট হইতে কিছু টাকা ধার আনে, এমনকি অনেক ক্ষেত্রে জীবনধারণের একমাত্র অবলম্বন সামান্য জায়গা-জমি, ঘর-বাড়ীটুকু পর্যন্ত বন্ধক রাখিয়া ঋণ গ্রহণ করে। অপরদিকে ঐ ছুরাচার স্বীয় আসল টাকার উপর সুদের হিসাব যোগ করিতে থাকে। এমনকি, অবশেষে দেনার দায়ে গরীবের সর্বস্ব গ্রাস করিয়া নেয়। এহেন মানবতা বিরোধী নিষ্ঠুরতা ও নিম্নমত্যতার প্রশ্রয় দেওয়ার ছায় নৃশংস ও কদর্য কার্য কি হইতে পারে? ইসলামের ছায় শ্বাসত সনাতন ধর্মে এরূপ কার্যের অনুমতি থাকিতে পারে না।

সুদ হারাম হওয়ার ব্যাপারে এই ধরনের যুক্তি ও কারণ উল্লেখ করা হইলে তাহা উপেক্ষা করা হইবে না বটে, কিন্তু সঙ্গে সঙ্গে দুইটি বিষয়ের প্রতি বিশেষ রূপে লক্ষ্য রাখিতে হইবে। নতুবা শয়তানের ধোঁকায় পথ ভ্রষ্ট হওয়ার আশঙ্কা অধিক। প্রথম এই যে, মানবীয় জ্ঞান ও মানব মস্তিষ্কের চিন্তার চাষ দ্বারা সুদ হারাম হওয়া সম্পর্কে যেসব যুক্তি ও বৈজ্ঞানিক কারণ রচিত হয় বা হইতে পারে, সুদ হারাম হওয়ার সমুদয় বাস্তবিক কারণ ও হেতু উহার মধ্যেই সীমাবদ্ধ—এরূপ ধারণা কখনও অন্তরে স্থান দিবে না। শয়তান এরূপ ধারণায় পতিত করার জন্য নিশ্চয় চেষ্টা করিবে, কিন্তু তাহার ফাঁদে কখনও পড়িবে না। বরং দৃঢ়ভাবে এই কথা মনে রাখিয়া রাখিবে যে, ঐসব যুক্তি কারণ ও হেতু ব্যতীত আরও কারণ আছে, যাহা আলেমুল গায়েব সর্বজ্ঞ, আলীম ও হাকীম—সর্বজ্ঞানী ও বিজ্ঞানী আল্লাহ তায়ালা প্রথম হইতেই জ্ঞাত ছিলেন যদ্বরূন তিনি স্বীয় বাণী ও প্রতিনিধির মারফৎ ভয়ঙ্কর উক্তি ও কঠোর ভাষায় সুদকে হারাম ঘোষণা করিয়াছেন।

এই বিষয়টি কোন বেখাপ্পা কথা নহে বরং বাস্তব সত্য। কারণ মানবের জ্ঞান-বিন্দু অতি সঙ্কীর্ণ ও সীমাবদ্ধ। সৃষ্টিকর্তা আল্লাহ তায়ালা স্বয়ং বলিয়াছেন, “শুধু বিন্দুবে জ্ঞানই তোমাদিগকে দান করা হইয়াছে।” অতএব, আল্লাহ তায়ালা দৃষ্টিতে যে সব রহস্য কারণ ও হেতু রহিয়াছে, আমাদের তুচ্ছাতিতুচ্ছ জ্ঞান-বিন্দুতে সে সবার সঙ্কলন হইতে পারে না।

(অপর পৃষ্ঠায় দেখুন)

অর্থাৎ যদি তোমরা ঐ আদেশ অনুসরণ না কর তবে প্রমাণিত হইবে যে, তোমরা আল্লাহ ও আল্লাহর রসুলের বিরুদ্ধে সংগ্রামকারী দলভুক্ত হইয়াছ; ইহার ভয়াবহ পরিণতি কি হইবে তাহা তোমরা নিজেরাই চিন্তা কর।

দ্বিতীয় যে বিষয়টির প্রতি দৃষ্টি রাখিতে হইবে তাহা এই যে, কোরআন-হাদীছে সুদ হারাম বলিয়া ঘোষিত হওয়ার পর উহা শরীয়ত তথা আল্লাহ তায়ালার কর্তৃক প্রবর্তিত শাসনতন্ত্রের অন্তর্ভুক্ত একটি আইনরূপে গণ্য রহিয়াছে। এমতাবস্থায় কোন যুক্তি বা বিশ্লেষণের দ্বারা ঐ আইনকে বিকৃত বা খণ্ডন করার অধিকার কাহারও নাই। ইহা একটি চায় সঙ্গত যুক্তিযুক্ত অনবীকার্য শাসনতান্ত্রিক মর্যাদা। উদাহরণ স্বরূপ যেমন—হয়ত রেলওয়ে কোম্পানী আইন করিয়া দিয়াছে যে প্রত্যেক যাত্রী পঁচিশ সের ওজনের আসবাবপত্র নিজ সঙ্গে বিনা ভাড়ায় গাড়ীতে বহন করিতে পারিবে। কোন কাবুলি ব্যক্তি যদি এক-দেড় মণ ওজনের আসবাবপত্র সঙ্গে বহন করতঃ টিকেট মাষ্টারের সঙ্গে এইরূপ যুক্তির অবতারণা করে যে, পঁচিশ সেরের আইন বাঙ্গালী লোকদের জ্ঞাত করা হইয়াছে, যেহেতু তাহারা অসংকীর্ণ দুর্বল—সাধারণতঃ পঁচিশ সেরের অধিক তাহারা নিজে বহন করিতে সক্ষম হয় না; তাই রেলওয়ের আইনে এই পরিমাণ নির্ধারণ করা হইয়াছে। আমরা কাবুলী অতি শক্তিশালী—আমরা সাধারণতঃ নিজে এক-দেড় মণ বহন করিতে সক্ষম; তাই আমাদের জ্ঞাত অধিক সুযোগ হওয়াই বাঞ্ছনীয়। এমতাবস্থায় কাবুলি ব্যক্তির এইরূপ যুক্তির দ্বারা কি কোম্পানীর আইন বদলিয়া বাইবে? তাহা কখনও সম্ভব নহে।

সুদকে হারাম ও নিষিদ্ধ সাব্যস্ত করার ব্যাপারে বর্তমান যুগের ব্যাংকিং (Banking) ব্যবস্থা বিশেষরূপে প্রতিবন্ধক হইয়া দাড়ায়।

যদিও ব্যাংকিং ব্যবস্থা নিঃসন্দেহে একটি বিশেষ কল্যাণমূলক ব্যবস্থা। কিন্তু অমোসলেন জাতি কর্তৃক উহা প্রণীত হওয়ায় উহা সুদের সহিত জড়িত হইয়া পড়িয়াছে। আমরা ব্যাংকিং ব্যবস্থার উচ্ছেদ সাধন করিতে ইচ্ছুক নহি, কিন্তু যাহারা এরূপ বলিতে চায় যে সুদ ব্যবস্থা ব্যতীত ব্যাংক চলিতে পারে না—তথা ইসলামী আইন ও বিধানে ব্যাংকিং ব্যবস্থা পরিচালনার কোনও সুনির্দিষ্ট পন্থা নাই; আমরা কঠোর ভাষায় তাহাদের এই ভুল ধারণার বিরোধিতা করিব এবং এই ধারণাকে ভিত্তিহীন ও অজ্ঞতা প্রসূত আখ্যায়িত করিব।

অর্থনৈতিক ও ব্যবসা বাণিজ্যের ক্ষেত্রে ইসলামে এমন এমন ব্যবস্থাও রহিয়াছে যে ব্যবস্থায় ও পন্থায় উন্নত ধরণের এবং অধিক কল্যাণমূলক ব্যাংক প্রতিষ্ঠা ও পরিচালিত করা যায়। বোখারী শরীফ প্রথম খণ্ডে এই বিষয়ের সংক্ষিপ্ত বিবরণ দান করা হইয়াছে। আনন্দের বিষয়—আমরা তথায় যে ব্যবস্থার উল্লেখ করিয়াছি উহার বিস্তারিত বিবরণ একটি পুস্তিকা আকারে দেখিতে পাইলাম। মিসরীয় এরাবিক ব্যাংকের” জনৈক অভিজ্ঞ কর্মচারী “আলীউল-আউজী” কর্তৃক আরবী ভাষায় লিখিত প্রবন্ধের অনুবাদ ঐ পুস্তিকায় উদ্ধৃত করা হইয়াছে। মূল প্রবন্ধটি মিসরীয় আরবী পত্রিকায় প্রকাশিত হইয়াছিল এবং মওলানা নূর মোহাম্মদ আজমী (রঃ) কর্তৃক অনূদিত হইয়া বিগত ২৪৪১৬০ বাংলা তারিখের “দৈনিক আজাদ” পত্রিকায় প্রকাশিত হইয়াছিল।

আল্লাহ তায়ালা আরও বলিয়াছেন—

يَمْحَقُ اللَّهُ الرِّبَا وَيُرْبِي الصَّدَقَاتِ وَاللَّهُ لَا يُهْبَبُ كُلَّ كَفَّارٍ أَثِيمٍ

অর্থ—আল্লাহ তায়ালা সুদকে ধ্বংস করেন এবং দান-খয়রাতকে বৃদ্ধিত করেন। আল্লাহ তায়ালা কোন বিদ্রোহী পাপীকে পছন্দ করিবেন না। (৩ পাঃ ৬ কঃ)

ব্যাখ্যাঃ—সুদকে ধ্বংস করার পরলৌকিক পর্যায়ে ত অতিশয় সুস্পষ্ট। তত্পরি সুদে অজ্ঞিত মালের দ্বারা অনুষ্ঠিত নেক কার্যের উপর কোনও ছাওয়াব ও ফলাফল প্রতিফলিত হইবে না এবং আখেরাতে সুদখোর ব্যক্তি ধ্বংসপ্রাপ্ত হইবে। ইহজগৎ যেহেতু পরীক্ষার স্থল—নেকী-বদী উভয়ের সুযোগ প্রাপ্তির স্থান; তাই কোন কোন সময় উক্ত আয়াতের তথোর বিপরীত অবস্থা দৃষ্ট হয়, কিন্তু সাধারণতঃ তাহা ক্ষণস্থায়ী হইয়া থাকে। প্রায়শঃ এইরূপ দেখা যায়, মোসলমান সুদের দ্বারা উন্নতি লাভ করিলেও অচিরেই তাহার ধ্বংস সাধিত হয়।

দান-খয়রাতকে বৃদ্ধিত করার পরলৌকিক পর্যায়ে তথা ছাওয়াব বৃদ্ধিত করার বিভিন্ন দৃষ্টান্ত অনেক অনেক আয়াতে ও হাদীছে উল্লেখ হইয়াছে, যথা—পবিত্র কোরআন ৩ পারা ৪ রুকুতে আছে, একটি ধান বা গমের বীজ হইতে এক গুচ্ছা ধান বা গম জন্মে যাহার মধ্যে কতকগুলি ছড়া হয়, এক এক ছড়ায় শত শত ধান বা গম হয় এইরূপে এক একটি বস্ত্র দান-খয়রাত করাতে বহু বহু ছাওয়াব লাভ হইবে। একাধিক হাদীছে এরূপও বর্ণিত আছে যে, এক একটি খোরমা দান করায় আখেরাতে পাহাড় তুল্য ছাওয়াব লাভ হইবে। ইহজগতেও দান-খয়রাতের দ্বারা বরকত, মঙ্গল ও ধনে জনে উন্নতি লাভ হইয়া থাকে। অনেক সময় সেইরূপ উন্নতি দেখা যায় না, কিন্তু দান-খয়রাতের দ্বারা বর্তমান বা ভবিষ্যতের অনেক বিপদ-আপদ কাটিয়া যায়।

সুদখোরের শাস্তি সম্পর্কে ৭২১ নং হাদীছের অংশবিশেষ লক্ষণীয়।

সুদ দাতা ও গ্রহীতা এবং স্নদের সাক্ষী ও লিখক
প্রত্যেকই গোণাহার ভাগী

১০৭২। হাদীছঃ—
عَنْ عَوْنِ بْنِ أَبِي جَعْفَرٍ رَضِيَ اللَّهُ تَعَالَى عَنْهُ قَالَ رَأَيْتُ أَبِي اشْتَرَى عَبْدًا حَبَّامًا فَسَأَلْتُهُ عَنْ ذَلِكَ قَالَ إِنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ نَهَى عَنْ ثَمَنِ الدِّمِّ وَثَمَنِ الْكَلْبِ

وَكُسِبِ الْأَمَةِ وَلَعَنَ الْوَاسِيَةَ وَالْمُسْتَوْشَةَ وَكُلَّ الرَّبِوِ وَمَوَكِّلَهُ
وَلَعَنَ الْمُسَوِّرَ ০

অর্থ—আবু জোহায়ফা রাজিয়াল্লাহু তায়ালা আনহুর পুত্র বর্ণনা করিয়াছেন, আমি আমার পিতাকে দেখিলাম, তিনি একটি ক্রীতদাস ক্রয় করিয়া আনিলেন। ক্রীতদাসটির রক্তমোক্ষণ (সিঙ্গা লাগান) কার্যে দক্ষতা ছিল, (তাহার নিকট সেই কার্যের যত্নপাতিও ছিল। আমার পিতা সেই সব যত্নপাতি ভাঙ্গিয়া ফেলিলেন।) আমি আমার পিতাকে এসব ভাঙ্গিবার কারণ জিজ্ঞাসা করিলাম। তিনি বলিলেন, রসুলুল্লাহ ছালাল্লাহু আলাইহে অসাল্লাম নিম্নে বর্ণিত তিন প্রকারের অর্থ উপার্জন নিষিদ্ধ করিয়াছেন—(১) রক্তমোক্ষণ কার্য দ্বারা অর্থ উপার্জন করা। (২) কুকুর বিক্রয়ের দ্বারা অর্থ উপার্জন করা। (৩) ক্রীতদাসীকে ব্যাভিচারে লিপ্ত করিয়া অর্থ উপার্জন করা। এতদ্ভিন্ন রসুলুল্লাহ ছালাল্লাহু আলাইহে অসাল্লাম নিম্নে বর্ণিত ব্যক্তিগণের প্রতি লানত ও অভিশাপ করিয়াছেন—(১) যে ব্যক্তি মানুষের শরীরে সূচী বিদ্ধ করিয়া চিত্র অঙ্কনের কার্য ও ব্যবসা করে। (২) যে ব্যক্তি স্বীয় শরীরে ঐ চিত্র-অঙ্কন গ্রহণ করে। (৩) যে ব্যক্তি সূদ গ্রহণ করে। (৪) যে ব্যক্তি সূদ প্রদান করে। এবং রসুলুল্লাহ ছালাল্লাহু আলাইহে অসাল্লাম ছবি অঙ্কনকারীর প্রতি লানত ও অভিশাপ করিয়াছেন।

ব্যাখ্যা :—রক্তমোক্ষণ কার্য তথা সিঙ্গা লাগান একটি অতিশয় নিম্নস্তরের এবং ঘৃণিত কার্য। অত্ৰ ব্যক্তির শরীরের বদ-রক্ত মুখে টানিয়া বাহির করা—যাহা চোখে দেখিলেও অতিশয় ঘৃণার উদ্বেক হয়। মোসলমান পাক পবিত্র ও সম্মানিত জাতি, তাহাদের জন্ত এরূপ ব্যবসা অবলম্বন করা উচিত নহে।

কুকুর ক্রয়-বিক্রয়ের বিষয়টি একটি বিশেষ পরিচ্ছেদে বিস্তারিত বর্ণিত হইবে।

এই হাদীছের মধ্যে আরও একটি বিশেষ মহআলাহ বর্ণিত হইয়াছে। বর্তমান যুগেও অনেককে এরূপ করিতে দেখা যায় যে, হাতের উপর বা শরীরের নানা স্থানে এক প্রকার সূচযুক্ত যন্ত্রের সাহায্যে চামড়া চিরিয়া স্বীয় নাম বা অত্ৰ কিছু অঙ্কন করে বা জীব-জন্তু, লতা-পাতার ছবি আঁকিয়া থাকে। যে ব্যক্তি নিজ শরীরে ইহা গ্রহণ করে এবং যে ব্যক্তি এই কার্য ও ব্যবসা করিয়া থাকে, উভয়ের প্রতি রসুলুল্লাহ ছালাল্লাহু আলাইহে অসাল্লাম লানৎ ও অভিশাপ করিয়াছেন।

সূদের ব্যাপারে এই হাদীছে দাতা ও গ্রহীতার প্রতি লানৎ ও অভিশাপ উল্লেখ হইয়াছে, মোসলেম শরীফের এক হাদীছে বর্ণিত আছে, হযরত রসুলুল্লাহ

ছান্নালাহ আলাইহে অসাল্লাম সুদ এহীতা, সুদ দাতা, সুদের সাক্ষী এবং সুদের দলিল লিখক ইত্যাদি সকলের প্রতি লা'নৎ ও অভিপাপ করিয়াছেন।

ক্রয়-বিক্রয়ের সময় কসম খাওয়া

১০৭৩। হাদীছ :—আবু হুলাইব ইবনে আবু আওফা (রাঃ) বর্ণনা করিয়াছেন, এক ব্যক্তি তাহার বিক্রয়-বস্তু বাজারে উপস্থিত করিল; অতঃপর এক মোসলমান ব্যক্তি উহা ক্রয় করার জন্য আসিল; তখন বিক্রেতা তাহাকে ধোকা দেওয়ার উদ্দেশ্যে কসম খাইয়া বলিল, আমার এই বস্তুটির এত মূল্য বলা হইয়াছে—অথচ উহার ঐ মূল্য বলা হয় নাই। তখন ঐরূপ মিথ্যা কসম খাওয়ার বিষয় ফল বর্ণিত হইয়া এই আয়াতটি নাযেল হয়—

إِنَّ الَّذِينَ يَشْتَرُونَ بِعَهْدِ اللَّهِ وَأَيْمَانِهِمْ... وَلَهُمْ عَذَابٌ أَلِيمٌ

অর্থ—যাহারা (মিছামিছি) আল্লাহ নামের বুলি আওড়াইয়া এবং আল্লাহ নামের কসম খাইয়া ছুনিয়ার সামান্য ধন অর্জন করিবে আখেরাতে তাহাদের ভাগ্যে কিছুই জুটিবে না এবং আল্লাহ রহমতের বাণী, রহমতের দৃষ্টি তাহারা পাইবে না এবং আল্লাহ তাহাদিগকে পবিত্র করিবেন না। (অর্থাৎ তাহাদের প্রতি ক্ষমা প্রদর্শন করিবেন না) এবং তাহাদের জন্য ভীষণ যাতনাদায়ক আজাব প্রস্তুত রহিয়াছে। (৩ পাঃ ৬ রঃ)

১০৭৪। হাদীছ :—عَنْ أَبِي هُرَيْرَةَ رَضِيَ اللَّهُ تَعَالَى عَنْهُ قَالَ سَمِعْتُ رَسُولَ اللَّهِ صَلَّى اللَّهُ عَلَيْهِ وَسَلَّمَ يَقُولُ الْكَلْفُ مَرْفُوعَةٌ

لِلْإِسْلَامَةِ مَرْفُوعَةٌ لِلْإِبْرَكَةِ ۝

অর্থ—আবু হুরায়রা (রাঃ) হইতে বর্ণিত আছে, রসুলুল্লাহ ছান্নালাহ আলাইহে অসাল্লাম বলিয়াছেন, মিথ্যা কসম বিক্রয়-বস্তুকে চালু করিয়া দেয় বটে, কিন্তু (ধন-দৌলত ও ব্যবসা বাণিজ্যের) বরকত ও উন্নতি মুছিয়া ফেলে।

মুছালাহ :—ব্যবসা বাণিজ্যে মিথ্যা কসম খাওয়া মস্ত বড় গোনাহ ত আছেই, বিশেষ প্রয়োজন ব্যতীত সত্য কসম খাওয়াও মকরুহ। (ফতহুল বারী)

দোষী বস্তু ক্রয় করিয়া ক্রেতা যদি উহা রাখায়

সম্মত হয় তবে রাখিতে পারে

১০৭৫। হাদীছ :—আমর ইবনে দীনার (রাঃ) বর্ণনা করিয়াছেন, আমাদের এখানে এক ব্যক্তি ছিল “নাওয়াহ” নামের। তাহার একটি উট

ছিল সদা-তৃষ্ণা রোগগ্রস্ত (যে রোগকে সংক্রামক ও ছোঁয়াচে গণ্য করা হয়)। ছাহাবী আবুল্লাহ ইবনে ওমর (রাঃ) এই উটটি উক্ত ব্যক্তির অংশীদারের নিকট হইতে ক্রয় করিয়া নিয়া আসিলেন। ইতি মধ্যে এই ব্যক্তি অংশীদারের নিকট আসিল এবং সেই উটটি সম্পর্কে জিজ্ঞাসা করিল। অংশীদার বলিল, উহা বিক্রি করিয়া ফেলিয়াছি। সে জিজ্ঞাসা করিল, কাহার নিকট বিক্রি করিয়াছ? অংশীদার ক্রোতা ব্যক্তির আকৃতি বর্ণনা করিলে সে বলিল, তোমার সর্বনাশ! তিনি ত ছাহাবী আবুল্লাহ ইবনে ওমর (রাঃ)। তৎক্ষণাৎ এই ব্যক্তি তাহার নিকট উপস্থিত হইয়া বলিল, আমার অংশীদার সদা-তৃষ্ণা রোগগ্রস্ত একটি উট আপনার নিকট বিক্রি করিয়াছে; সে আপনাকে চিনিতে পারে নাই। আবুল্লাহ ইবনে ওমর (রাঃ) বলিলেন, তা হইলে উটটি তুমি ফেরত নিয়া যাও। এই ব্যক্তি যখন উটটি ফেরত লইয়া রওয়ানা হইবে তখন তিনি বলিলেন, উটটি থাকিতে দাও। আমি রসুলুল্লাহ ছাল্লাল্লাহু আলাইহে অসাল্লামের কথার উপর আস্থা স্থাপন করিলাম। হযরত (দঃ) বলিয়াছেন, কোন ব্যদি ছোঁয়াচে ও সাক্রামক বলিতে নাই।

রক্তমোক্ষণ ব্যবসা করা

১০৭৩। হাদীছ :- আনাছ (রাঃ) বর্ণনা করিয়াছেন, আবু-তায়বাহ (নামক এক গোলাম পেশাদারী রক্তমোক্ষণকার) রসুলুল্লাহ ছাল্লাল্লাহু আলাইহে অসাল্লামের রক্তমোক্ষণ করিয়াছিল। হযরত (দঃ) তাহাকে এক ধামা খোরমা দেওয়ার জন্ত আদেশ করিয়াছিলেন এবং তাহার মালিককে সুপারিশ করিয়াছিলেন তাহার উপর উপার্জনের বোঝা কিছু কম করিতে।

১০৭৭। হাদীছ :- ইবনে আব্বাস (রাঃ) বলিয়াছেন, নবী ছাল্লাল্লাহু আলাইহে অসাল্লাম রক্তমোক্ষণ গ্রহণ করিয়াছেন এবং রক্তমোক্ষণকারকে তাহার পারিশ্রমিক দিয়াছেন। যদি সেই কাজের পারিশ্রমিক হারাম হইত তবে হযরত (দঃ) উহা দিতেন না।

খাত্তাব্য গুদামজাত করা

১০৭৮। হাদীছ :- আবুল্লাহ ইবনে ওমর (রাঃ) বর্ণনা করিয়াছেন, রসুলুল্লাহ ছাল্লাল্লাহু আলাইহে অসাল্লামের যুগে দেখিয়াছি, যাহারা বাজার-বন্দর হইতে অগ্রসর হইয়া এবং বাহিরে যাইয়া আমদানীকারদের নিকট হইতে লট বা সমষ্টি হিসাবে খাত্তাব্য ক্রয় করিয়া নেওয়ার ব্যবস্থা করিত নবী (দঃ) তাহাদের প্রতি লোক পাঠাইয়া দিতেন—যাহারা তাহাদিগকে বাধা দান করিত, তাহারা যেন তাহাদের ক্রয়-বস্ত্র ক্রয়-স্থল হইতে বহন করতঃ বাজার-বন্দরে

এ বস্তুর বিক্রয়কেন্দ্রে তাহাদের প্রকাশ্য দোকানে উপস্থিত না করিয়া ক্রয়স্থলেই বিক্রি না করে। এমনকি এই বাধা-নিষেধের ব্যতিক্রম করিলে তাহাদের প্রতি বেত্রদণ্ডের শাস্তিও প্রয়োগ করা হইত। (হাদীছটি ২৮৬ পৃষ্ঠায় এবং ২৮৯ পৃষ্ঠায় দুইবার উল্লেখ হইয়াছে, সমষ্টির অনুবাদ হইল।)

ব্যাখ্যা ১ঃ— দ্রব্যমূল্যের উর্দ্ধগতি বিশেষতঃ খাদ্যদ্রব্য ও নিত্যপ্রয়োজনীয় জিনিষের মূল্য বৃদ্ধির দ্বারা মানুষের কষ্ট হউক ইহা প্রতিরোধের প্রতি শরীয়তে বিশেষ দৃষ্টি রাখা হইয়াছে। জনসাধারণের কষ্টের এই বাতাকল সাধারণতঃ দুইটি কারণে অতি সহজে সৃষ্টি হইয়া থাকে। এক হইল পুঁজিপতিগণ কর্তৃক পণ্যদ্রব্য গোপন ও গুদামজাত করতঃ বাজার-বন্দরের সাধারণ বিক্রয় কেন্দ্রে ও প্রকাশ্য দোকানে পণ্যের কৃত্রিম অভাব সৃষ্টি করার দ্বারা। আর এক হইল—সাধারণ বিক্রয় কেন্দ্রে সাধারণ দোকানদার ও সাধারণ বিক্রেতাদের নিকট পণ্য দ্রব্য পৌঁছিবার পূর্বেই পুঁজিপতিগণ কর্তৃক পণ্যের সমষ্টি হস্তগত করার দ্বারা। কারণ, এই পন্থায় জনসাধারণের নিকট পণ্যদ্রব্য পৌঁছিতে অধিক হাত বদল হয়, ফলে অনিবার্যই পণ্যের মূল্য বৃদ্ধি পাইতে থাকে।

আলোচ্য হাদীছে দ্রব্য মূল্য বৃদ্ধির উভয় পথে বাধার সৃষ্টি করা হইয়াছে। এক ত ক্রয়স্থলে বিক্রি করা নিষিদ্ধ করা হইয়াছে। ক্রয়স্থলে বিক্রি না করিয়া তথা হইতে বহন করিতে হইলেই বিরাট ঝামেলা আসিয়া যায়; পুঁজিপতিগণ উহাকে ভয় করে। তাহারা ত চায় শুধু টাকার জোরে হাত বদলের মাধ্যমে সিংহ ভাগ লাভ লুটিয়া নিয়া আসা। টাকার জোরে শুধুমাত্র হাত-বদলের মাধ্যমে লাভ করার সূত্র বন্ধ করার জন্য সরাসরিভাবে হাদীছে নিষেধ করা হইয়াছে—পণ্যদ্রব্য সাধারণ বাজারে পৌঁছিবার পূর্বে অগ্রগামী হইয়া কেহ ক্রয় করিবে না। বিস্তারিত বিবরণ ১০৯৩ ও ১০৯৪ নং হাদীছের বর্ণনায় আসিতেছে।

আর এক হইল—ক্রয়কৃত পণ্য সাধারণ বাজারে প্রকাশ্য দোকানে উপস্থিত করিয়া বিক্রয় করিতে হইবে। ইহা করিতে হইলেই আর গুদামজাত ও পণ্যদ্রব্যের গোপন ভাণ্ডার সৃষ্টির সুযোগ থাকিবে না যদ্বারা কৃত্রিম অভাবের মাধ্যমে দ্রব্যমূল্য বৃদ্ধি পাইয়া থাকে। দ্রব্যমূল্য বৃদ্ধির সর্বপ্রধান কারণ—এই গুদামজাত করার এবং গোপন ভাণ্ডারে পণ্য জমা রাখার বিরুদ্ধে বিভিন্ন হাদীছে অনেক কঠোর বাণী উচ্চারিত হইয়াছে যথা—

- ১। পণ্যদ্রব্য গুদামজাত যে-ই করিবে সে অপরাধী সাব্যস্ত হইবে।
- ২। যে ব্যক্তি খাদ্যদ্রব্য গুদামজাত করিয়া মোসলমানদিগকে কষ্টে ফেলিবে, পরিণামে আল্লাহ তায়ালা তাহাকে কুঠরোগে এবং দারিদ্রে পতিত করিবেন।

৩। যে ব্যক্তি পণ্য আমদানী করিয়া লোকদের অভাব মিটায় সে স্বাচ্ছন্দ্য লাভ করিবে, আর যে পণ্য গুদামজাত করে তাহার প্রতি অভিশাপ বর্ষিত হইবে।

৪। যে ব্যক্তি খাণ্ডদ্রব্য চল্লিশ দিন গুদামজাত করিয়া রাখিবে তাহার সম্পর্ক আল্লাহ হইতে এবং আল্লাহর সম্পর্ক তাহার হইতে ছিন্ন হইয়া ইহাবে।

৫। যে ব্যক্তি পণ্য গুদামজাত করিবে এই উদ্দেশ্যে যে, জনসাধারণ মোসলমানকে এই সূত্রে মূল্য বৃদ্ধির ফাঁদে ফেলিবে সে অপরাধী সাব্যস্ত হইবে। (ফতহুল বারী ৪—২৭৭)

প্রকাশ থাকে যে, মূল্য বৃদ্ধির ফাঁদরূপে পণ্য গুদামজাত করণ হারাম এবং উহা সম্পর্কে উল্লেখিত হাদীছ সমূহে কঠোর বাণী রহিয়াছে; যেমন—উল্লেখিত প্রথম ও চতুর্থ হাদীছে উহার স্পষ্ট উল্লেখ রহিয়াছে। পক্ষান্তরে স্বাভাবিক ব্যবসারূপে পণ্য গুদামজাত করিলে এবং অভাব দেখা দিলে সাধারণ লাভে বাজারে পণ্য ছাড়িয়া দিলে সে ক্ষেত্রে কোন দোষ নাই।

ক্রয় বা বিক্রয় নাকচ করার ক্ষমতা সংরক্ষণ

মছআলাহঃ—ক্রেতা বা বিক্রেতা ক্রয়-বিক্রয় সাব্যস্তের মধ্যে এবং পরেও এক পক্ষ অপর পক্ষের অনুমতিক্রমে স্বীয় চুক্তি তথা ক্রয় বা বিক্রয় নাকচ করার ক্ষমতা সংরক্ষণ করিতে পারে। যথা—এরূপ বলিতে পারে যে, তিন দিন পর্যন্ত ক্রয় বা বিক্রয় ভঙ্গ করার অধিকার আমার থাকিবে। এই ক্ষেত্রে অধিকার সংরক্ষণকারী পক্ষ অপর পক্ষের সম্মতি ছাড়াই ক্রয় বা বিক্রয় নিকারিত সময়ের মধ্যে ভঙ্গ করিয়া দিতে পারে। ইহাকে পরিত্রায়ায় খেয়ারে-শর্ত বলা হয়।

১০৭৯। হাদীছঃ—

عَنِ ابْنِ مَرْزُوقٍ رَضِيَ اللَّهُ تَعَالَى عَنْهُ

عَنِ النَّبِيِّ صَلَّى اللَّهُ عَلَيْهِ وَسَلَّمَ قَالَ إِنَّ الْمُتَبَايعَيْنِ بِالْخِيَارِ نِي

بِيعَهُمَا مَا لَمْ يَتَفَرَّقَا أَوْ يَكُونَ الْبَيْعُ خِيَارًا.....

অর্থ—আবুহুলাহ ইবনে ওমর (রাঃ) হইতে বর্ণিত আছে, নবী ছাল্লাল্লাহু আলাইহে অসাল্লাম বলিয়াছেন, ক্রেতা ও বিক্রেতা উভয়ে যাবৎ ক্রয়-বিক্রয় পূর্ণরূপে সাব্যস্ত না করে তাবৎ ক্রয়-বিক্রয়ের চুক্তি সম্পাদন না করার অধিকার উভয় পক্ষেরই থাকে। (কিন্তু উভয় পক্ষ কর্তৃক ক্রয়-বিক্রয় সাব্যস্ত করিয়া ফেলার পর উভয়ের আদান-প্রদান বাধ্যতামূলক হইয়া যায়।) অবশ্য চুক্তি নাকচ করার ক্ষমতা সংরক্ষণের সহিত ক্রয়-বিক্রয় সাব্যস্ত হইয়া

থাকিলে—(সে ক্ষেত্রে ক্রয়-বিক্রয় সাব্যস্ত হওয়ার পরও বাধ্যতামূলক হয় না ; ক্ষমতা সংরক্ষণকারী চুক্তি ভঙ্গ করিয়া দিতে পারে।)

আবদুল্লাহ ইবনে ওমর (রাঃ) কোন বস্তু ক্রয় করিতে উহা তাঁহার মনঃপুত হইলে যথা সত্তর বিক্রেতার সহিত কথা সম্পূর্ণ রূপে সাব্যস্ত করিয়া চলিয়া আসিতেন। (২৮৩ পৃঃ)

বিশেষ দৃষ্টব্য :—আলোচ্য হাদীছটির অর্থ আর এক ব্যাখ্যাও করা হয়। বিস্তারিত বিবরণ ১০৭০ নং হাদীছে বর্ণিত হইয়াছে।

“খেয়ারে-শর্ত” বা চুক্তি নাকচের ক্ষমতা সংরক্ষণ সম্পর্কে অনেক মহালাহই ফেকা শাফে বর্ণিত আছে। বোখারী (রাঃ) এখানে দুইটি মহালাহ উল্লেখ করিয়াছেন—

❶ চুক্তি ভঙ্গের ক্ষমতা সংরক্ষণ কত দিন মেয়াদের হইতে পারে ?

এই ব্যাপারে মতভেদ আছে বটে, কিন্তু প্রচলিত ও ফংওয়া ইহাই যে, উভয়ের মধ্যে যতদিনের মেয়াদ নির্ধারিত হইবে ততদিন সেই ক্ষমতা থাকিবে। অবশ্য সর্বদার জ্ঞাত ঐরূপ ক্ষমতা রাখিলে ক্রয়-বিক্রয়ের চুক্তিই অশুদ্ধ হইবে।

(আলমগীরী, ৩—৫৩)

❷ যদি নির্ধারিত কোন মেয়াদের উল্লেখ না করিয়া চুক্তিভঙ্গের ক্ষমতা রাখে তবে ক্রয়-বিক্রয় শুদ্ধ হইবে কি ?

উত্তর :—ঐ অবস্থায় ক্রয়-বিক্রয় সম্পাদিত বলিয়া পরিগণিত হইবে না, (ফলে যে কোন পক্ষ অপর পক্ষের সম্মতি ব্যতিরেকেই উক্ত ক্রয়-বিক্রয় নাকচ করিয়া দিতে পারে।) অবশ্য যাহার পক্ষে ক্ষমতা সংরক্ষিত ছিল সে যদি উক্ত ক্ষমতা পরিত্যাগ করে কিম্বা সে ক্রয় বস্তুর ব্যাপারে এমন কোন কাজ করে যাহা ক্রয়-চুক্তি গ্রহণ করা বুঝায় বা চুক্তি ভঙ্গের পূর্বে সে মরিয়া যায় তবে সে ক্ষেত্রে ক্রয়-বিক্রয় চুক্তি সম্পাদিত বলিয়া গণ্য হইবে।

(আলমগীরী, ৩—৫৩)

ক্রয়-বিক্রয় সাব্যস্তের বৈঠকেই কোন পক্ষ তাহার কথা হইতে ফিরিয়া যাইতে চাহিলে সেই অধিকার তাহার থাকিবে

উল্লেখিত ১০৭৯ নং হাদীছের এক অর্থ এই মহালাহ বর্ণনায়ই করা হইয়া থাকে এবং সেই সূত্রে ছাহাবী আবদুল্লাহ ইবনে ওমর (রাঃ) এবং বিশিষ্ট কতিপয় তাবেয়ী ও ইমান শাফেয়ী (রাঃ) উক্ত অধিকারকে বাধ্যতামূলক বলিয়া থাকেন। অর্থাৎ প্রত্যেক পক্ষই অপর পক্ষের অসম্মতি ক্ষেত্রেও

উক্ত অধিকার প্রয়োগ করিতে পারিবে। অবশ্য বিক্রয় সম্পাদনের পর যদি এক পক্ষ অপর পক্ষকে বলে, “সম্মতি দিন” অপর পক্ষ বলিল, সম্মতি দিলাম ইহার পর আর ঐ অধিকার থাকে না। পরবর্তী পরিচ্ছেদে ইমাম বোখারী (রঃ) এই মহআলাহ উল্লেখ করিয়াছেন। ইমাম আবু হানিফা (রঃ) মূল আলোচ্য অধিকারকে সৌজ্জমূলক বলিয়া থাকেন।

বিশেষ দৃষ্টব্যঃ—আমাদের দেশে এই ব্যাপারে বিশেষতঃ ক্রেতা ফিরিয়া গেলে অত্যন্ত অসৌজ্জমূলক ব্যবহার করা হইয়া থাকে; ইহা অতি জঘন্য।

যে জিনিষ এখনও হস্তগত হয় নাই

উহা বিক্রি করা নিষেধ

১০৮০। হাদীছঃ— عَنِ ابْنِ عَبَّاسٍ رَضِيَ اللَّهُ تَعَالَى عَنْهُ
 إِنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ نَهَى أَنْ يُبَيِّعَ الرَّجُلُ
 طَعَامًا حَتَّى يَسْتَوْفِيَهُ ۝

অর্থ—আবুহুলাহ ইবনে আব্বাস (রাঃ) হইতে বর্ণিত আছে, রসূলুল্লাহ ছালাল্লাহু আলাইহে অসাল্লাম কোন খাদ্যবস্তু স্বীয় হস্তাধীনে ও আয়ত্তে আনিবার পূর্বে বিক্রি করিতে নিষেধ করিয়াছেন।

১০৮১। হাদীছঃ—আবুহুলাহ ইবনে ওমর (রাঃ) হইতে বর্ণিত আছে, নবী ছালাল্লাহু আলাইহে অসাল্লাম বলিয়াছেন, কেহ কোন খাদ্যবস্তু ক্রয় করিলে বিক্রেতার নিকট হইতে উহা উম্মুল করিয়া লওয়ার পূর্বে বিক্রি করিবে না।

ব্যাখ্যাঃ—এই হাদীছের মূল উদ্দেশ্য একটি প্রসিদ্ধ মহআলাহ। মহআলাহটি এই—এমন কোন বস্তু যাহা এখনও তোমার হস্তাধীন ও নিজ আয়ত্তে আনি নাই উহার বিক্রয় শুদ্ধ হইবে না। এমনকি তুমি এক মণ চাউল বা একটি গাভী বা এক খান কাপড় ক্রয় করিয়াছ এবং উহার মূল্যও পরিশোধ করিয়াছ, কিন্তু বিক্রেতা এখনও উহা তোমাকে অর্পণ করে নাই এবং তুমি এখনও উহা গ্রহণ কর নাই এমতাবস্থায় তোমার জন্ত উহা বিক্রয় করা দোরস্ত হইবে না।

মূল হাদীছের মধ্যে খাদ্য বস্তুর উল্লেখ থাকিলেও উক্ত মহআলাহটি খাদ্যবস্তু এবং অল্প সকল প্রকার বস্তুর ব্যাপারেই প্রযোজ্য।

কোন বস্তু ক্রয় করিলে উহা উম্মুল করা ও হস্তগত করার যে সন্ধীর্ণ অর্থ সাধারণতঃ বুঝা যায় যে, উহা স্বীয় মুষ্টিবদ্ধ করা—একত্রে উহা উদ্দেশ্য নহে। একত্রে হস্তগত ও উম্মুল করার অতি প্রশস্ত অর্থ উদ্দেশ্য; যাহার বিস্তারিত

বিবরণ ফেকা শাস্ত্রে রহিয়াছে। বিশেষতঃ প্রত্যেক জিনিষের—যেমন, বাড়ী-ঘর আর গরু-ঘোড়া ইত্যাদি হস্তগত করার আকার বিভিন্ন। নিম্নে কতিপয় মহাআলার উদ্ধৃতি দেওয়া হইল যদ্বারা হস্তগত করার অর্থের প্রশস্ততা অনুমিত হয়। যথা—

● কোন বস্তুর ক্রয়-বিক্রয় সাব্যস্ত করার পর বিক্রেতা উক্ত বস্তুকে ক্রেতার হস্তগত করার জন্ত মুক্ত করিয়া ও বলিয়া দিলেই সর্ববসম্মতরূপে উহা হস্তগত বলিয়া গণ্য হইবে। এমনকি যদি এমতাবস্থায় ঐ পণ্যবস্তু বিক্রেতার ঘরেই থাকে তবুও উহা হস্তগতই গণ্য হইবে (আলমগীরী, ৩—২২)। ● একটি পাখী বিক্রেতার দীর্ঘ ও সুপ্রশস্ত গৃহে উদ্ভূত অবস্থায় রহিয়াছে কিন্তু ঘর আবদ্ধ; দরওয়াজা না খুলিলে উহা বাহির হইতে পারে না; এমতাবস্থায় ক্রেতাকে উহা ধরিয়া নেওয়ার অনুমতি দিয়া দিলেও সে ক্ষেত্রে উহা হস্তগত বলিয়া গণ্য হইবে। অবশ্য ঘরের দরওয়াজা বাতাসে খুলিয়া যাওয়ায় পাখী বাহির হইয়া গেলে ক্রেতাকে উহার মূল্য দিতে হইবে না, কিন্তু ক্রেতা কর্তৃক দরওয়াজা খোলায় বাহির হইলে তাহাকে অবশ্যই মূল্য পরিশোধ করিতে হইবে (আলমগীরী, ৩—২৪)। নির্ধারিত পরিমাণ পণ্য ক্রয় সাব্যস্ত করিয়া ক্রেতা বস্তা বা পাত্র দিয়াছে; বিক্রেতা সেই বস্তায় বা পাত্রে উক্ত পণ্য রাখিলেই সেক্ষেত্রে হস্তগত করা সাব্যস্ত হইবে। এমনকি ক্রেতার অসাক্ষাতে রাখিলে সে ক্ষেত্রেও হস্তগত করা গণ্য হইবে (ঐ ২৫পৃঃ)। গুদামে রক্ষিত পণ্য বিক্রি করিয়, ক্রেতার হস্তে গুদামের চাবি অর্পণ পূর্বক পণ্য নেওয়ার অনুমতি দিলেই সে ক্ষেত্রে হস্তগত করা গণ্য হইবে, এমনকি এখনও উহা মাপিয়া ওজন করিয়া না থাকিলেও ঐ ক্ষেত্রে শুধু চাবি গ্রহণ করাই হস্তগত করা গণ্য হইবে। (ঐ ২২ পৃঃ) ● মাঠে চরা অবস্থায় একটি গরু বিক্রি সাব্যস্ত করিয়া ক্রেতাকে গরু দেখাইয়া দেওয়া হইয়াছে যে, ঐ আপনার গরু; নিয়া যান ইহাতেই হস্তগত করা সাব্যস্ত হইবে (শামী, ৪—৫৮)। অবশ্য উহা নিকটে না থাকায় উহা পর্য্যন্ত পৌঁছিতে সম্ভব হওয়ার পূর্ববর্তী যদি উহা বিনষ্ট হইয়া যায় তবে ক্রেতাকে মূল্য পরিশোধ করিতে হইবে না (আলমগীরী, ৩—২৫)।

একজনের পক্ষ হইতে ক্রায়ের কথাবার্তা চলাকালীন

অন্য জনের কথা বলা নিষিদ্ধ

১০৮২। হাদীছঃ— عَنْ عَبْدِ اللَّهِ بْنِ عَمْرٍو رَضِيَ اللَّهُ تَعَالَى عَنْهُ

إِنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ قَالَ لَا يَبِيعُ بَعْضُكُمْ

عَلَى بَيْعِ أَخِيهِ ۝

অর্থ—আবু হুরায়রা (রাঃ) হইতে বর্ণিত আছে, রসূলুল্লাহ ছালাল্লাহু আলাইহে অসাল্লাম বলিয়াছেন, এক মোসলমান ভাইয়ের পক্ষ হইতে ক্রয়ের কথাবার্তা চলাকালীন অথ কেহ কথা চালাইবে না—এরূপ করা উচিত নয়।

১০৮৩। হাদীছঃ—

مَنْ ابَى هَرِيرَةَ رَضِيَ اللَّهُ تَعَالَى عَنْهُ
نَهَى رَسُولُ اللَّهِ صَلَّى اللَّهُ عَلَيْهِ وَسَلَّمَ أَنْ يَبِيعَ حَاضِرٌ لِبَائٍ وَلَا
تَنَاجَشُوا وَلَا يَبِيعَ الرَّجُلُ عَلَى أَخِيهِ وَلَا يَخْطُبُ عَلَى خِطْبَةِ أَخِيهِ
وَلَا تَسَالُ الْمَرْأَةُ طَلَاقَ أَخْتِهَا لِتَكْفَأَ مَا فِي إِنْثَاهَا ۝

অর্থ—আবু হোরায়রা (রাঃ) হইতে বর্ণিত আছে, রসূলুল্লাহ ছালাল্লাহু আলাইহে অসাল্লাম নিম্ন বর্ণিত বিষয়গুলি নিষিদ্ধ ঘোষণা করিয়াছেন—
(১) গ্রাম্য ব্যক্তিগণ খাচবস্ত, তরিতরকারী ইত্যাদি শহরে বিক্রি করার ভ্রম নিয়া আসিলে শহরস্থিত দোকানদারগণ বাজার দর উচু রাখার উদ্দেশ্যে নিজেদের হস্তে এই গ্রাম্য ব্যক্তিদের চিঙ্গ-বস্ত বিক্রয় করিতে চায়, ইহা নিষিদ্ধ।
(২) প্রকৃত ক্রেতাদের প্রতারণার উদ্দেশ্যে ক্রেতা সাজিয়া পণ্যের মূল্য অধিক বলা (যেন প্রকৃত ক্রেতা এই ভাবিয়া যে, বিক্রেতা যখন এই পরিমাণ মূল্যে সম্মত হয় না তখন আমি আরও কিছু অধিক মূল্য বলি—এইরূপে প্রতারিত হইয়া ক্রেতা অধিক মূল্য বলিয়া বসে এবং বিক্রেতা তৎক্ষণাৎ সম্মত হইয়া যায়; এরূপ অসহুপায় অবলম্বন করা) নিষিদ্ধ। (বর্তমানে শহরে-বন্দরে অসাপ্র দোকানদারগণ এই উদ্দেশ্যে স্থায়ী সাদোপাদো জোটাইয়া রাখে; এরূপ কার্য হারাম, শরীয়তী আইনে তাহাদিগকে শাস্তি প্রদানের ও শাস্ত্যন্তা করার বিধান আছে)। (৩) কোন মোসলমান ভ্রাতা কর্তৃক ক্রয়-বিক্রয়ের কথাবার্তা চলাকালীন সেই স্থানে অথ কাহারও ক্রয়-বিক্রয়ের কথা বলা নিষিদ্ধ।
(৪) কোন মোসলমান ভ্রাতা কর্তৃক কোথাও বিবাহের কথাবার্তা চলাকালীন সেই স্থানে অথ কাহারও বিবাহের প্রস্তাব দান করা নিষিদ্ধ। (৫) স্বামীর সর্বস্ব একা ভোগ করার অভিলাসে এক স্ত্রী কর্তৃক অথ স্ত্রীর তালাক দাবী করা নিষিদ্ধ।

নিলাম প্রথায় বিক্রয় করা

১০৮৪। হাদীছঃ—জাবের (রাঃ) বর্ণনা করিয়াছেন, এক ব্যক্তির একটি ক্রীতদাস ছিল; (সেই ব্যক্তি অত্যধিক দরিদ্র হওয়া সত্ত্বেও) তাহার মৃত্যুর পর

ক্রীতদাসটি আজাদ হইয়া যাইবে বলিয়া প্রকাশ করিল।* অতঃপর সে অত্যন্ত দুঃখবশত ও দুর্দশায় পতিত হইল। তখন রসুলুল্লাহ ছালাল্লাহু আলাইহে অসাল্লাম (স্বীয় বিশেষ অধিকার বলে তাহার ঐ কথা রদ করতঃ) সেই ক্রীতদাসটিকে বিক্রি করার জন্ত (নিলাম প্রথায়) বলিলেন—আমার নিকট হইতে এই ক্রীতদাসটিকে কে ক্রয় করিবে? তখন নোয়াইম ইবনে আবদুল্লাহ (রাঃ) উহাকে ক্রয় করিলেন, নবী (দঃ) ক্রীতদাসটিকে তাহার নিকট অর্পণ করিলেন।

বিশেষ দৃষ্টব্য :—আলোচ্য বিষয়ে আরও অধিক স্পষ্ট হাদীছ বর্ণিত আছে—আনাছ রাজিয়াল্লাহু তায়ালা আনহু বর্ণনা করিয়াছেন, মদীনাবাসী একজন ছাহাবী হযরত রসুলুল্লাহ ছালাল্লাহু আলাইহে অসাল্লামের নিকট উপস্থিত হইয়া ভিক্ষা চাহিল। রসুলুল্লাহ ছালাল্লাহু আলাইহে অসাল্লাম তাহাকে জিজ্ঞাসা করিলেন, তোমার ঘরে কোন বস্তু নাই কি? সে উত্তর করিল (মেষ, ছাগল, ইত্যাদির লোম দ্বারা বুনান) একটি মোটা চাদর আছে, (শীতকালে) আমি উহার এক অংশ গায়ে দেই আর এক অংশ বিছাইয়া থাকি এবং একটি বাটী আছে যাহাতে পানি পান করিয়া থাকি। নবী ছালাল্লাহু আলাইহে অসাল্লাম তাহাকে বলিলেন, ঐ বস্তুদ্বয় আমার নিকট উপস্থিত কর। ছাহাবী তাহাই করিলেন। নবী ছালাল্লাহু আলাইহে অসাল্লাম বস্তুদ্বয়কে নিজ হস্তে লইয়া বলিলেন, আমার নিকট হইতে কে এই বস্তু দুইটি ক্রয় করিবে? এক ব্যক্তি আরজ করিল, আমি এই বস্তু দুইটিকে এক দেরহাম (রৌপ্য মুদ্রা) দ্বারা ক্রয় করিতে প্রস্তুত আছি। হযরত রসুলুল্লাহ ছালাল্লাহু আলাইহে অসাল্লাম বলিলেন, এক দেরহামের অধিক দিতে পারে কে? এইরূপে দুই বা তিনবার বলার পর এক ব্যক্তি বলিল, আমি বস্তু দুইটিকে দুই দেরহামে ক্রয় করিতে প্রস্তুত আছি। হযরত রসুলুল্লাহ ছালাল্লাহু আলাইহে অসাল্লাম বস্তু দুইটি তাহার নিকট বিক্রি করিলেন এবং মুদ্রা দুইটি ঐ ভিক্ষা প্রার্থীর হাতে দিয়া বলিলেন, একটি দেরহাম দ্বারা কিছু খাণ্ডবস্তু ক্রয় করিয়া পরিবারবর্গকে দিয়া আস, দ্বিতীয় দেরহাম দ্বারা একটি কুড়াল ক্রয় করিয়া নিয়া আস; ঐ ছাহাবী তাহাই করিলেন। রসুলুল্লাহ ছালাল্লাহু আলাইহে অসাল্লাম নিজ হস্তে কুড়ালটির হাতল লাগাইয়া দিলেন

* শরীয়তের পরিভাষায় এরূপ ঘোষণাযুক্ত ক্রীতদাসকে 'মোদাক্বার' বলা হয়। সাধারণ নিয়মে মছআলাহ এই যে, এরূপ ক্রীতদাসকে বিক্রয় করা চলে না, বরং মনিবের মৃত্যুর পর সে মুক্ত ও আজাদ হইয়া যায়। আলোচ্য ঘটনায় হযরত রসুলুল্লাহ ছালাল্লাহু আলাইহে অসাল্লাম তাহার বিশেষ অধিকার বলে উহা বিক্রয় করিয়াছিলেন।

এবং বলিয়া দিলেন, কুড়ালটি নিয়া যাও এবং জঙ্গল হইতে জ্বালানি কাষ্ঠ কাটিয়া আনিয়া বিক্রি করিতে থাক। পনের দিন পর্যন্ত যেন আমি তোমাকে দেখিতে না পাই; (অনবরত তুমি এই কাজেই লিপ্ত থাকিবে।) সেই ছাহাবী তাহাই করিতে লাগিলেন, এমনকি তিনি দশটি মুদ্রা উপার্জন করিলেন, উহা হইতে কতক মুদ্রার কাপড় এবং কতক মুদ্রার খাত্তাব্য ক্রয় করিয়া রসুলুল্লাহ ছালাল্লাহু আলাইহে অসাল্লামের নিকট উপস্থিত হইলেন। তিনি তাহাকে এই অবস্থায় দেখিতে পাইয়া বলিলেন, এই ব্যবস্থা তোমার জন্ত শিক্ষাবৃত্তি হইতে অতি উত্তম হইয়াছে। শিক্ষাবৃত্তির দরুন কেয়ামতের দিন তোমার চেহারার উপর কাল দাগ ছাইয়া যাইত। স্মরণ রাখিও—তিন প্রকার ব্যক্তি ব্যতীত অন্য কাহারও জন্ত শিক্ষা করা বৈধ ও দোরস্ত নহে। (১) যে ব্যক্তি দরিদ্রতার দরুন ক্ষুধায় কাতর হইয়া দাঁড়াইবার শক্তিও হারাইয়া ফেলিয়াছে। (২) যে ব্যক্তি সর্বহারা হইয়া দেনার তাগাদায় অস্থির হইয়া পড়িয়াছে। (৩) যে ব্যক্তি খুনের দায়ে পড়িয়া ফাঁসি কাষ্ঠে ঝুলিবার উপক্রম হইয়াছে (জীবন-বিনিময় প্রদান করিয়া বাঁচিতে পারে, কিন্তু তাহার সেই সামর্থ্য নাই। (আবু দাউদ শরীফ)

ক্রেতাদিগকে ধোকা দেওয়া

১০৮৫। হাদীছ :— عَنْ ابْنِ عُمَرَ رَضِيَ اللَّهُ تَعَالَى عَنْهُ قَالَ

نَهَى النَّبِيُّ صَلَّى اللَّهُ عَلَيْهِ وَسَلَّمَ عَنِ النَّجَشِ

অর্থ—ইবনে ওমর (রাঃ) বর্ণনা করিয়াছেন, প্রকৃত ক্রেতাদিগকে প্রতারণার উদ্দেশ্যে নকল ক্রেতা সাজিয়া পণ্যের মূল্য উর্দ্ধে উঠানোর অসৎপায় অবলম্বন করাকে নবী ছালাল্লাহু আলাইহে অসাল্লাম নিষিদ্ধ ঘোষণা করিয়াছেন।

● ইবনে আবু আওফা (রাঃ) বলিয়াছেন, ঐরূপ অসৎপায় অবলম্বনকারী সূদখোর তুলা, অসৎ, ভণ্ড, প্রতারক এবং ঐ কার্য হারাম পরিগণিত, জঘন্য ধোকা ও প্রতারণা, (এরূপ প্রতারকদের প্রতি আল্লাহ লা'ন ও অভিশাপ)। নবী (দঃ) বলিয়াছেন, প্রতারণার প্রতিফল দোষখের শাস্তি ভোগ করা।

● যে ব্যক্তি স্বীয় পণ্যদ্রব্যের খরিদ-মূল্য মিথ্যারূপে অধিক প্রকাশ করিয়া থাকে সেও উল্লিখিত প্রতারক রূপের অপরাধী, পাপী ও অভিশপ্ত।

যেই বস্তু এখনও অস্তিত্বহীন উহা বিক্রয় করা নিষিদ্ধ

১০৮৬। হাদীছ :—আবুল্লাহ ইবনে ওমর (রাঃ) হইতে বর্ণিত আছে, কোন পণ্ডর বাছুরের বাছুর বিক্রি করাকে রসুলুল্লাহ (দঃ) নিষিদ্ধ ঘোষণা করিয়াছেন।

ব্যাখ্যা :—আরব দেশে অন্ধকার-যুগে এরূপ প্রথা ছিল যে, কাহারও কোন ঘোড়া বা উষ্ট্র ইত্যাদি পশু উত্তম জাতের হইলে উহার প্রতি অধিক লোকের আগ্রহ থাকায় উহার বাছুর বরং বাছুরের বাছুর পর্য্যন্ত জন্ম লাভের বহু পূর্বেই বিক্রি হইয়া থাকিত। এরূপ ক্রয়-বিক্রয় নিষিদ্ধ।

কোন বস্তুকে বিক্রি করিয়া উহা ক্রেতার নিকট অর্পণের দিন-তারিখ এরূপে নির্ধারণ করা, যাহাতে সঠিকরূপে উহা নিদ্বিষ্ট হয় না, সেইরূপ ক্রয়-বিক্রয়ও নিষিদ্ধ পরিগণিত। যে রূপ অন্ধকার যুগের প্রথা ছিল, কোন ব্যক্তি স্বীয় উষ্ট্র বিক্রি করিত, কিন্তু উহা ক্রেতার নিকট অর্পণ করার দিন-তারিখ এইরূপে নির্ধারণ করিত যে, যখন ইহার বাচ্চা জন্মলাভ করিবে বা বাছুরের বাছুর জন্মলাভ করিবে তখন ইহাকে তোমার নিকট অর্পণ করা হইবে এরূপ ক্রয়-বিক্রয়ও নিষিদ্ধ ও অশুদ্ধ।

যেইটাকে স্পর্শ করিবে সেইটা বিক্রয়

সাব্যস্ত হইবে—এই প্রথা নিষিদ্ধ

১০৮৭। হাদীছ :— আবু সায়ীদ খুদরী রাজিয়াল্লাহু তায়ালা অনহু হইতে বর্ণিত আছে, ক্রয়-বস্তু না দেখিয়া কঙ্কর, কাঠি ইত্যাদি নিক্ষেপ করিয়া কাঠি যেইটার উপর পড়িবে সেইটা বিক্রি সাব্যস্ত করা বা ক্রেতা কর্তৃক ক্রয়-বস্তু স্পর্শ করাকেই ক্রয়-বিক্রয় সাব্যস্ত করা, এমনকি ঐ বস্তুকে দেখিয়া উহার দোষ-ত্রুটি বিবেচনা করতঃ সম্মতি-অসম্মতির সুযোগ প্রদান না করা—এরূপ ক্রয়-বিক্রয়কে রসুলুল্লাহ ছালাল্লাহু আলাইহে অসাল্লাম নিষিদ্ধ ঘোষণা করিয়াছেন।

ব্যাখ্যা :—ক্রয়-বিক্রয়ের শুদ্ধতার প্রধান বিষয় হইতেছে—দোষ-ত্রুটির বিচার করতঃ উভয়ের সম্মতি দ্বারা ক্রয়-বিক্রয় অনুষ্ঠিত হওয়া। এই বিষয়ের ব্যতিক্রম হইলে সেই আদান-প্রদান জুয়া পরিগণিত। কারণ জুয়া প্রথাই এরূপ যে, উহাতে উভয়ের সম্মতির বা বিবেচনার ধার ধারা হয় না, শুধু বাজি ধরা হয়। যেমন—যে বস্তুর উপর ক্রেতার হাত লাগিয়া গেল উহারই বিক্রয় তাহার সঙ্গে সাব্যস্ত হইয়া গেল বা ক্রয় বস্তুর উপর যাহার নিক্ষিপ্ত বস্তু পতিত হইল তাহারই সঙ্গে উহার বিক্রয় সাব্যস্ত হইল ইত্যাদি ইত্যাদি ব্যবস্থা—সেখানে উভয় পক্ষ হইতে নিদ্বিষ্ট বস্তুর উপর বিচার বিবেচনার পর সম্মতি স্থাপনের ধার ধারা হয় না; এরূপ ব্যবস্থা সমূহ জুয়া প্রথার অন্তর্ভুক্ত নিষিদ্ধ ও অশুদ্ধ।

গরু ছাগল বিক্রির পূর্বে ওলান বড় দেখাইবার

উদ্দেশ্যে ওলানে দুগ্ধ জমা রাখা

১০৮৮। হাদীছ :— **عن أبي هريرة قال النبي صلى الله عليه وسلم**

لَا تَمْرُوا الْأَبِلَ وَالْغَنَمَ فَمِنْ ابْتِئَاءِهَا بَعْدُ فَإِنَّهُ بِخَيْرِ النَّظَرَيْنِ بَعْدَ

أَنْ يَكْتَلِبَهَا إِنْ شَاءَ أَمْسَكَ وَإِنْ شَاءَ رَدَّهَا وَمَا عَ تَمْرُ

অর্থ—আবু হোরায়রা (রাঃ) বর্ণনা করিয়াছেন, নবী ছালালাহু আলাইহে অসাল্লাম ঘোষণা করিয়াছেন—কোন ব্যক্তি স্বীয় উষ্ট্র বা ছাগলের (ওলান বড় দেখা যাওয়ার উদ্দেশ্যে বিক্রি করার পূর্বে দুই-চার দিন দুগ্ধ দোহন না করিয়া) দুগ্ধ জমা রাখিয়া প্রতারণা করিতে পারিবে না। (এরূপ প্রতারণার ফন্দি অবলম্বন করিয়া যদি কেহ এরূপ পশু বিক্রয় করে, তবে) এরূপ অবস্থায় ক্রেতা উহা ক্রয় করার পরও এরূপ ক্ষমতার অধিকারী থাকিবে যে, দুগ্ধ দোহন করার পর প্রকৃত অবস্থা উপলব্ধি করিয়া ইচ্ছা করিলে উহা রাখিতে পারিবে এবং ইচ্ছা করিলে ফেরত দিতে পারিবে। ফেরত দেওয়া অবস্থায় (ব্যবহৃত দুগ্ধের বিনিময়ে) এক ধামা খোরমা (ইত্যাদি কোন বস্তু) প্রদান করিবে।

১০৮৯। হাদীছ :—আবুহুলাহ ইবনে মসউদ (রাঃ) হইতে বর্ণিত আছে, যে ব্যক্তি কৃত্রিমরূপের বড় ওলান দেখিয়া বকরি (ইত্যাদি পশু) ক্রয় করে অতঃপর উহা ফেরত দেয় তাহার কর্তব্য হইবে, বকরি ফেরত দেওয়া কালে এক ধামা খোরমাও দেওয়া। নবী (সঃ) ইহাও নিষেধ করিয়াছেন যে, কোন ব্যক্তি অগ্রগামী হইয়া কোন পণ্য ক্রয় করিবে না।

গ্রাম্য ব্যক্তিদিগকে তাহাদের নিজ বস্তু শহরে

বিক্রি করার স্বেচ্ছা প্রদান করা চাই

১০৯০। হাদীছ :— **عن عبد الله بن عمر رضى الله تعالى عنه قال**

نَهَى رَسُولُ اللَّهِ صَلَّى اللَّهُ عَلَيْهِ وَسَلَّمَ أَنْ يَبِيعَ حَاضِرٌ لِبَارٍ

অর্থ—ইবনে ওমর (রাঃ) হইতে বর্ণিত আছে, গ্রাম্য লোকগণ কর্তৃক শহরে আনীত চীজ-বস্তু স্বয়ং তাহাদিগকে বিক্রি করার স্বেচ্ছা প্রদান না করিয়া শহর-স্থিত দোকানদারগণ কর্তৃক একচেটিয়া ভাবে উহা বিক্রি করার অধিকার স্থাপন করাকে রসূলুল্লাহ ছালালাহু আলাইহে অসাল্লাম নিষিদ্ধ ঘোষণা করিয়াছেন।

১০৯১। হাদীছ :— আনাছ (রাঃ) বর্ণনা করিয়াছেন, নবী ছালাল্লাহু আলাইহে অসাল্লামের যুগে নিষেধ করা হইত—শহরী লোকেরা যেন গ্রাম্য লোকদের আনীত চীজ-বস্তু নিজেদের আয়ত্রে বিক্রি করার অপকৌশল না করে।

ব্যাখ্যা :— সাধারণতঃ গ্রাম্য সরল লোকগণ অপেক্ষাকৃত কম মূল্যে তাহাদের কৃষিজাত চীজ-বস্তু বিক্রি করিয়া চলিয়া যায়, ইহাতে শহরস্থিত সর্বসাধারণ লাভবান হইয়া থাকে। এতদ্ব্যতীত ঐ গ্রাম্য বিক্রেতাগণ তাহাদের চীজ-বস্তু শহরে ঢুকিয়া বিক্রি করিলে তাহারা বাজার দরে কিছু বেশী দাম পাইতে পারে। এমতাবস্থায় শহরস্থিত দোকানদারগণ একচেটিয়া ভাবে ঐ সব চীজ-বস্তুর বিক্রয় ক্ষমতা প্রতিষ্ঠিত করতঃ সর্বসাধারণকে কোণঠাসা করিয়া বাজার মূল্য উচু রাখার কন্দি আঁটিতে চাহে বা গ্রাম্য লোকদিগকে শহরে আসিবার সুযোগ না দিয়া কিম্বা শহরে আসিবার পূর্বে প্রতারণা সূত্রে তাহাদিগকে অায্য মূল্য হইতে ঠকাইতে চাহে—সেই সুযোগ দেওয়া হইবে না।

উল্লিখিত হাদীছের নিষেধাজ্ঞার তাৎপর্য্য ইহাই। নতুবা যদি সর্বসাধারণের অসুবিধার সৃষ্টি করা না হয় এবং গ্রাম্য বিক্রেতাগণকে প্রতারিত করা না হয়, বরং সাধারণরূপে শহরস্থিত ব্যবসায়ী গ্রাম্য লোকদের পণ্য বিক্রি করিয়া অায্য ব্যবসা করিতে চায় তবে সে ক্ষেত্রে বাধা-নিষেধ নাই।

১০৯২। হাদীছ :—ইবনে আব্বাস (রাঃ) হইতে বর্ণিত আছে, রসুলুল্লাহ ছালাল্লাহু আলাইহে অসাল্লাম বলিয়াছেন, অগ্রগামী হইয়া আমদানীকারদের পণ্য ক্রয়ের ব্যবস্থা করিও না। গ্রাম্য ব্যক্তির পণ্য শহরের লোকই বিক্রি করিবে—তাহাও করিও না। ইহার ব্যাখ্যায় ইবনে আব্বাস (রাঃ) বলিয়াছেন, গ্রাম্য ব্যক্তির পণ্য বিক্রয়ে শহরের মানুষ দালাল বা কর্তা সাজিবে না।

বিভিন্ন প্রান্তের লোক নিজেদের পণ্য শহরে উপস্থিত করিয়া
বিক্রি করায় বাধার সৃষ্টি করা নিষিদ্ধ

১০৯৩। হাদীছ :— عَنْ عَبْدِ اللَّهِ بْنِ عَمْرٍو رَضِيَ الْعَالِي عَنْهُ
أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ قَالَ لَا يَبِيعُ بَعْضُكُمْ عَلَى
بَيْعِ بَعْضٍ وَلَا تَلْتَمِزُوا السَّلْعَ حَتَّى يَهْبِطَ بِهَا إِلَى السُّوقِ

অর্থ—আবুহুলাহ ইবনে ওমর (রাঃ) বর্ণনা করিয়াছেন, রসুলুল্লাহ ছালাল্লাহু আলাইহে অসাল্লাম বলিয়াছেন, একজনের পক্ষ হইতে একটি বস্তুর ক্রয়-বিক্রয়ের কথা-বার্তা চলাকালীন আর এক জন ঐ বস্তু ক্রয়ের প্রস্তাব করা নিষিদ্ধ এবং

পণ্যদ্রব্য আমদানী হওয়া কালে বিক্রয় কেন্দ্র হইতে বহুদূরে অগ্রসর হইয়া। পণ্যদ্রব্য বিক্রয়-কেন্দ্রে উপস্থিত হওয়ার অন্তরায় সৃষ্টি করতঃ সেখানেই উহা ক্রয় করিতে সচেষ্ট হওয়া নিষিদ্ধ। পণ্যদ্রব্য বাজার-বন্দরের বিক্রয়-কেন্দ্রে উপস্থিত হইলে পর উহা ক্রয় করিবে।

ব্যাখ্যা :—প্রথম বাক্যটির তাৎপর্য্য সুস্পষ্ট। দ্বিতীয় বাক্যটির মধ্যে যেই বিষয়টি নিষেধ করা হইয়াছে উহা নিষিদ্ধ হওয়ার দুইটি কারণ। প্রথমতঃ বিভিন্ন প্রান্ত হইতে বিভিন্ন লোকগণ কতৃক বাজারে পণ্য আমদানী হইলে বিক্রেতা অধিক হওয়ায় বাজার মূল্য নিম্ন গতিতে থাকিবে যাহা সর্বসাধারণের জন্য লাভজনক। পক্ষান্তরে সমস্ত পণ্য মুষ্টিমেয় লোকদের হাতে আবদ্ধ হইলে সর্বসাধারণের সেই লাভের সুযোগ পও হইল, এমনকি পুঁজিপতিগণ কতৃক পণ্য গুদামজাত করিয়া সর্বসাধারণের মধ্যে কৃত্রিম অভাব ও ছুভিক সৃষ্টি করার জঘন্য সুযোগও এই পন্থায়ই হয়। দ্বিতীয়তঃ গ্রাম্য গরীব দুঃখী কৃষক-শ্রমিক ব্যক্তিগণ ঐরূপ ব্যবস্থায় প্রতারিত হইবে। কারণ, বাজারে না আসিতে পারায় তাহারা বাজার-মূল্য অবগত হওয়ার সুযোগ পাইবে না এবং ঐরূপ ক্রেতাগণ মিছামিছি বাজার মূল্যের ভাওতা দিয়া প্রতারণার ফন্দি আঁটিতেই সচেষ্ট থাকে।

১০৯৪। হাদীছ :—আবু হোরাযরা (রাঃ) হইতে বর্ণিত আছে, নবী ছালাল্লাহু আলাইহে অসাল্লাম নিষেধ করিয়াছেন, অগ্রগামী হইয়া আমদানী-কারদের পণ্য ক্রয় করা হইতে এবং গ্রাম্য লোকদের পণ্য শহরের লোকই বিক্রি করিবে—এরূপ ব্যবস্থা হইতে।

আলোচ্য বিষয়টি আবুহুলাহ ইবনে আক্বাস (রাঃ) বর্ণিত ১০৯২নং হাদীছে এবং আবুহুলাহ ইবনে মসউদ (রাঃ) বর্ণিত ১০৮৯নং হাদীছেও উল্লেখ আছে।

মুহআলাহ :—উল্লেখিত ব্যবস্থায় যদি বস্তুতঃই বাজার-দর মিথ্যা বলিয়া আমদানীকারদের প্রতারিত করিয়া থাকে তবে সেই ক্রয়-বিক্রয় বাধ্যতামূলক হইবে না ; বিক্রেতার অধিকার থাকিবে উহা নাকচ করার।

মুহআলাহ :—উক্ত ব্যবস্থায় যদি একচেটিয়াভাবে পণ্য হস্তগত করিয়া বা গুদামজাত করিয়া মূল্যের উর্দ্ধগতি সৃষ্টির ইচ্ছা করা হয় বা উহাতে জনসাধারণের জীবন যাত্রায় সঙ্কীর্ণতা সৃষ্টি হয় তবে উক্ত ব্যবস্থা গ্রহণ করা হারাম হইবে এবং ঐরূপ ক্রয়কে নাকচ করার শাস্তিমূলক বিধান প্রয়োগের অবকাশ আছে।

উল্লেখিত মিথ্যা ও অসহুপায়ের সহিত জড়িত না হইলে সে ক্ষেত্রে ঐরূপ ক্রয়-বিক্রয় শুদ্ধ হইবে বটে, কিন্তু উহা পরিহার্য্য।

এক জাতীয় বস্তুদ্বয়ের বিনিময়ে সমতা ও উপস্থিত
আদান-প্রদান আবশ্যক

১০৯৫। হাদীছ :- قَالَ عُمَرُ رَضِيَ اللَّهُ تَعَالَى عَنْهُ

قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ الذَّهَبُ بِالذَّهَبِ رَبًّا إِلَّا هَاءَ
وَهَاءَ وَالنُّعْرُ بِالنُّعْرِ رَبًّا إِلَّا هَاءَ وَهَاءَ وَالشَّعِيرُ بِالشَّعِيرِ رَبًّا إِلَّا هَاءَ
وَهَاءَ وَالنَّمْرُ بِالنَّمْرِ رَبًّا إِلَّا هَاءَ وَهَاءَ ۝

অর্থ—ওমর (রাঃ) বর্ণনা করিয়াছেন, রসুলুল্লাহ ছালামাহ আলাইহে অনালাম
বলিয়াছেন, স্বর্ণের বিনিময় স্বর্ণ দ্বারা হইলে কথাবার্তার স্থলেই ক্রেতা ও
বিক্রেতা উভয়ের দেয় বস্তুর আদান-প্রদান করিতে হইবে, নতুবা সেই বিনিময়
(হালাল ক্রয়-বিক্রয় গণ্য না হইয়া হারাম) সূদের অন্তর্ভুক্ত হইবে। গমের
বিনিময়ে গম, যবের বিনিময়ে যব এবং খুরমার বিনিময়ে খুরমাও তজ্রপই।

১০৯৬। হাদীছ :- قَالَ أَبُو بَكْرَةَ رَضِيَ اللَّهُ تَعَالَى عَنْهُ

قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ لَا تَبِيعُوا الذَّهَبَ بِالذَّهَبِ
إِلَّا سَوَاءً بِسَوَاءٍ وَالنِّصَّةَ بِالنِّصَّةِ إِلَّا سَوَاءً بِسَوَاءٍ وَبِيعُوا الذَّهَبَ
بِالنِّصَّةِ وَالنِّصَّةَ بِالذَّهَبِ كَيْفَ شِئْتُمْ ۝

অর্থ—আবু বকরা (রাঃ) বর্ণনা করিয়াছেন, রসুলুল্লাহ (দঃ) বলিয়াছেন, স্বর্ণকে
স্বর্ণের বিনিময় স্থলে উভয় পক্ষে ওজনে পূর্ণ সমতা ব্যতীত ক্রয়-বিক্রয় নিষিদ্ধ।
তজ্রপই রৌপ্যের বিনিময়ে রৌপ্যের ক্রয়-বিক্রয়। অবশ্য স্বর্ণের বিনিময়ে
রৌপ্য, রৌপ্যের বিনিময়ে স্বর্ণ ইচ্ছানুসারে বেণ-কমে ক্রয়-বিক্রয় শুদ্ধ হইবে।

১০৯৭। হাদীছ :- عَنْ أَبِي سَعِيدٍ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ

لَا تَبِيعُوا الذَّهَبَ بِالذَّهَبِ إِلَّا مِثْلًا بِمِثْلٍ وَلَا تُشَقُّوا بَعْضُهَا عَلَى بَعْضٍ
وَلَا تَبِيعُوا الْوَرِقَ بِالْوَرِقِ إِلَّا مِثْلًا بِمِثْلٍ وَلَا تُشَقُّوا بَعْضُهَا عَلَى بَعْضٍ
وَلَا تَبِيعُوا مِنْهَا غَائِبًا بِذَا جِزٍ ۝

অর্থ—আবু সাঈদ খুদরী (রাঃ) হইতে বর্ণিত আছে, রসুলুল্লাহ ছালাল্লাহু আলাইহে অসাল্লাম বলিয়াছেন, স্বর্ণের বিনিময়ে স্বর্ণ উভয়ের সমতা ব্যতিরেকে ক্রয়-বিক্রয় জায়েয নহে, এক পক্ষের পরিমাণ অপর পক্ষের তুলনায় বেশ-কম হইতে পারিবে না। রৌপ্যের বিনিময়ে রৌপ্যের ক্রয়-বিক্রয়েও তজ্রপই সমতা ব্যতিরেকে জায়েয নহে। স্বর্ণ, এবং রৌপ্যের ক্রয়-বিক্রয়ে এক পক্ষ নগদ অপর পক্ষ বাকি—এরূপ ক্রয়-বিক্রয়ও জায়েয নহে।

ব্যাখ্যাঃ—স্বর্ণের বিনিময়ে স্বর্ণ, রৌপ্যের বিনিময়ে রৌপ্য, এর জন্ত সমতা প্রয়োজন; সেই বিষয়ে বোখারীর শরহ—ফতহুল বারী কিতাবে উল্লেখ আছে।

يدخل في الذهب جميع الامانة من مضر وب ومنقوش ومش وجيد
وردي ومصهيج ومكسر وحلى وتير وخالص ومغشوش ۝

অর্থাৎ ভাল ও খারাব, কারুকার্য খচিত ও সাদা, আস্ত ও গুড়া, তৈরী অলঙ্কার ও চাকা এবং খাঁচী ও অখাঁচী কোন প্রকার গুণাগুণের ভেদাভেদে কম-বেশ করা যাইবে না; স্বর্ণে স্বর্ণে বিনিময় হইলে সমতা রক্ষা করিতেই হইবে।

যদি গুণের প্রতি লক্ষ্য করিতে হয় তবে অল্প জাতীয় দ্রব্যের সঙ্গে বিনিময় করিতে হইবে। রৌপ্যে রৌপ্যে বিনিময় হইলেও তজ্রপই। এতদভিন্ন যে কোন এক জাতীয় বস্তুর মধ্যে বিনিময় করা হইলে সে স্থলে গুণাগুণের ভেদাভেদের কারণে বেশ-কম করা চলিবে না। গুণের তারতম্য করিতে হইলে ভিন্ন জাতীয় বস্তুর সঙ্গে বিনিময়ের ব্যবস্থা করিতে হইবে। শরীয়তের আইন ও বিধান ইহাই।

মোসলেম শরীফের এক হাদীছে বর্ণিত আছে—কোন এক ছাহাবী হযরত রসুলুল্লাহ ছালাল্লাহু আলাইহে অসাল্লামের নিকট অতি উত্তম রকমের কিছু খেজুর উপস্থিত করিলেন। হযরত নবী ছালাল্লাহু আলাইহে অসাল্লাম জিজ্ঞাসা করিলেন, তোমাদের স্থানে কি সব খেজুর এইরূপই হইয়া থাকে? ছাহাবী উত্তর করিলেন, না—আমি ভালমন্দ মিশান দুই টুকরি খেজুরের বিনিময়ে এই বাছা ও উত্তম খেজুর এক টুকরি ক্রয় করিয়া আনিয়াছি। হযরত রসুলুল্লাহ ছালাল্লাহু আলাইহে অসাল্লাম বলিলেন, এই বিনিময় তম্বুদের অন্তর্ভুক্ত হইয়াছে। তুমি এরূপ কেন করিলে না যে—প্রথমে স্বীয় দুই টুকরি খারাব খেজুর মুদ্রার বিনিময়ে বিক্রয় করিয়া অতঃপর সেই মুদ্রা দ্বারা এক টুকরী উত্তম খেজুর ক্রয় করিতে।

বোখারী শরীফের মধ্যেও একটু সম্মুখে এই হাদীছটি বর্ণিত হইবে।

স্বর্ণের বিনিময়ে রৌপ্য ও রৌপ্যের বিনিময়ে

স্বর্ণ বাকি ক্রয়-বিক্রয় নিষিদ্ধ

১০৯৮। হাদীছ :- عَنْ بَرَاءِ بْنِ عَازِبٍ وَزَيْدِ بْنِ أَرْقَمٍ قَالَ

أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ عَنْ بَيْعِ الذَّهَبِ بِالْأُورِقِ دَيْنًا

অর্থ—বরা ইবনে আযেব ও য়ায়েদ ইবনে আরকাম (রাঃ) বর্ণনা করিয়াছেন, রসূলুল্লাহ ছালাল্লাহু আলাইহে অসাল্লাম রৌপ্যের বিনিময়ে স্বর্ণ বাকি বিক্রয় নিষিদ্ধ করিয়াছেন।

১০৯৯। হাদীছ :- উসামা (রাঃ) বর্ণনা করিয়াছেন, নবী ছালাল্লাহু আলাইহে অসাল্লাম বলিয়াছেন, বাকি বিক্রয় আবশ্যই সূদ গণ্য হইবে।

অর্থাৎ—স্বর্ণ ও রৌপ্যের পরস্পর বিনিময়ে ওজনে বেশ-কম ত হইবেই এবং তাহা জায়েযও বটে, কিন্তু এক্ষেত্রে ভিন্ন ভিন্ন জাতীয় বস্তু হওয়া সত্ত্বেও বাকি বিক্রয় করিলে তাহা সূদ তথা হারাম হইবে।

তদ্রূপ এক জাতীয় বস্তুর পরস্পর বিনিময়ে উভয় দিকে সম পরিমাণ দিয়াও যদি বাকি বিক্রয় করা হয় তাহাও সূদ তথা হারাম গণ্য হইবে। অবশ্য স্বর্ণ-রৌপ্যের পরস্পর বিনিময় ছাড়া অথ যে কোন দুই জাতীয় দুই বস্তুর পরস্পর বিনিময়ে যে কোনরূপে বাকি বিক্রয় করিলে সে ক্ষেত্রে কোন দোষ হইবে না।

রাফ্রুর ফল বা জমিনের ফসল অনুমান করিয়া সেই জাতীয়

তৈরী বস্তুর বিনিময়ে বিক্রি করা

১১০০। হাদীছ :- আবু সাঈদ খুদরী (রাঃ) বর্ণনা করিয়াছেন, রসূলুল্লাহ ছালাল্লাহু আলাইহে অসাল্লাম নিষেধ করিয়াছেন—“মোযাবানাহ” শ্রেণীর ক্রয়-বিক্রয় হইতে এবং নির্দ্ধারিত পরিমাণ উৎপন্নের উপর বর্গা দেওয়া হইতে।

১১০১। হাদীছ :- ইবনে আব্বাস (রাঃ) হইতে বর্ণিত আছে নবী ছালাল্লাহু আলাইহে অসাল্লাম নিষেধ করিয়াছেন—নির্দ্ধারিত পরিমাণ উৎপন্নের শর্তে বর্গা দেওয়া হইতে এবং “মোযাবানাহ” শ্রেণীর ক্রয়-বিক্রয় হইতে। ২৯১ পৃঃ

ব্যাখ্যা :- “মোযাবানাহ” ক্রয়-বিক্রয়ের সাধারণ ব্যাখ্যা উহাই করা হয় যাহা আলোচ্য পরিচ্ছদের বিষয়। অর্থাৎ গাছের ফল গাছেই রাখিয়া পরিমাণ করতঃ সেই পরিমাণ প্রস্তুত ঐ জাতীয় ফলের বিনিময়ে গাছের ফল ক্রয়-বিক্রয় করা। তদ্রূপ জমিনের ফসল না কাটিয়া উহা পরিমাণ করতঃ ঐ জাতীয় সেই পরিমাণ বস্তুর বিনিময় করা।

এতদ্ভিন্ন উহার অপর একটি ব্যাখ্যাও করা হয় যে, যে ফসল গাছে নয় বরং স্তপকৃত রহিয়াছে উহার ক্রয়-বিক্রয় ও মূল্য নির্দ্ধারিত সংখ্যক ধামা বা পরিমাণের উপর সাব্যস্ত করিয়া ধামার মাপ বা ওজন করা ব্যতিরেকে স্তপটি এই বলিয়া গ্রহণ করা যে বেশী হইলেও আমারই লাভ, কম হইলেও আমারই ক্ষতি। এই ভাবের ক্রয়-বিক্রয় জায়েয নহে। প্রকাশ থাকে যে, প্রথম হইতেই ধামার সংখ্যা বা ওজনের পরিমাণ হিসাবে নয়, বরং স্তপ হিসাবে ক্রয়-বিক্রয় অবশ্যই শুদ্ধ ও জায়েয, কিন্তু প্রথমে ধামা বা ওজন হিসাবে ক্রয়-বিক্রয় সম্পাদন করিয়া পরে স্তপ হিসাবে গ্রহণ করা জায়েয নহে।

১১০২। হাদীছঃ—

عن ابن عمر رضي الله تعالى عنه قال
 نهى رسول الله صلى الله عليه وسلم عن الزبذبة أن يبيع تمر حائط
 إن كان نخلًا بتمر كيلاً وإن كان كرماً أن يبيعه بزرٍ بـ
 كيلاً وإن كان زرعاً أن يبيعه بكيل طعام نهى عن ذلك كله.

অর্থ—ইবনে ওমর (রাঃ) বর্ণনা করিয়াছেন, খেজুর গাছে খেজুর আছে, উহা শুদ্ধ হইয়া কি পরিমাণ খুরমা হইতে পারে তাহা অনুমান করিয়া ঐ পরিমাণ শুদ্ধ খুরমার বিনিময়ে ঐ গাছের খেজুর ক্রয়-বিক্রয় করা বা আঙ্গুর গাছে আঙ্গুর আছে, উহা শুদ্ধ হইয়া কি পরিমাণ কিশমিশ হইতে পারে তাহা অনুমান করিয়া শুদ্ধ কিশমিশের বিনিময়ে ঐ গাছের আঙ্গুর ক্রয়-বিক্রয় করা বা জমিনের মধ্যে ফসল আছে (যেমন ধান) উহা কাটিয়া আনিলে পর কি পরিমাণ খাত্ত (ধান) হইতে পারে তাহা অনুমান করিয়া সেই পরিমাণ প্রস্তুত খাত্ত বস্তুর (ধানের) বিনিময়ে ঐ জমিনের ফসল ক্রয়-বিক্রয় করা—এইসব রকমের ক্রয়-বিক্রয়কে রসুলুল্লাহ ছালাল্লাহু আলাইহে অসাল্লাম নিষিদ্ধ বলিয়াছেন। (২৯৩ পৃঃ)

ব্যাখ্যাঃ—একই শ্রেণীর বস্তুদ্বয়ের পরস্পর বিনিময়ে যেমন—ধান-চাউল, খুরমা-খেজুর, কিশমিশ-আঙ্গুর ইত্যাদির ক্রয়-বিক্রয়ে উল্লেখিত নিষেধাজ্ঞা রহিয়াছে; বিভিন্ন শ্রেণীর বস্তুদ্বয়ের পরস্পর বিনিময়ে এই বিধান নহে। যেমন, কিশমিশের বিনিময়ে খেজুর ক্রয় করা। এস্থলে গাছের খেজুরকে অনুমান করিয়া সেই অনুপাতে কিশমিশের বিনিময়ে ঐ খেজুর ক্রয় করা জায়েয আছে। তদ্রূপ গাছের খেজুরকে অনুমান করিয়া নগদ মূল্যেও ক্রয় করা জায়েয আছে।

১১০৩। হাদীছ :— জাবের (রাঃ) বর্ণনা করিয়াছেন, নবী ছাল্লাল্লাহু আলাইহে অসাল্লাম গাছের ফল পোক্ত হইবার পূর্বে বিক্রি করিতে নিষেধ করিয়াছেন এবং গাছের ফল গাছে রাখিয়া বিক্রি করিলে টাকা পয়সার বিনিময়ে বিক্রি করার পরামর্শ দিয়াছেন। অর্থাৎ ঐ শ্রেণীর প্রস্তুত বস্তুর বিনিময়ে বিক্রি করিলে তাহা হারাম হইবে, কিন্তু অশু শ্রেণীর বস্তুর বিনিময়ে বা টাকা-পয়সার বিনিময়ে হইলে জায়েয হইবে।

বিশেষ দৃষ্টব্য :—গাছের ফল বা ক্ষেতের ফসল অনুমান করিয়া ঐ জাতীয় প্রস্তুত বস্তুর সহিত বিনিময় এক ক্ষেত্রে জায়েয আছে। তাহা এই যে, কোন ব্যক্তি তাহার বাগানের এক দুইটা গাছ বা খামারের এক টুকরা জমি কোন গরীব বা অন্ধের লোককে এই বলিয়া দিল যে, ইহার উৎপন্ন আপনাকে দিলাম আপনি তাহা ভোগ করিবেন। অতঃপর সেই উৎপন্ন পূর্ণরূপে পাকিয়া কাটিবার উপযোগী হওয়া পর্য্যন্ত অপেক্ষা করা উক্ত লোকের জন্য অশুবিধাজনক হইয়া পড়ায় গাছের বা জমির মূল মালিকের সঙ্গে সেই উৎপন্নকে অনুমান করিয়া ঐ জাতীয় প্রস্তুত বস্তুর সহিতই বিনিময় করিয়া নেয়—এই বিনিময়কে শরীয়তের পরিভাষায় “আ’রিয়্যা” বলা হয়; ইহা জায়েয। কারণ, এক্ষেত্রে বিক্রয় ও বিনিময়ের ব্যবস্থা বাহ্যত দেখা গেলেও প্রকৃত প্রস্তাবে ইহা ক্রয়-বিক্রয় বা বিনিময় নহে, বরং দান বা হাদিয়ার পরিবর্তন মাত্র যাহা জায়েয।

১১০৪। হাদীছ :— আবু হোরায়রা (রাঃ) হইতে বর্ণিত আছে, নবী ছাল্লাল্লাহু আলাইহে অসাল্লাম আ’রিয়্যা শ্রেণীর বিক্রয়ের অনুমতি দিয়াছেন যাহা পাঁচ ধামা বা উহার কম পরিমাণে হইয়া থাকে। (অর্থাৎ উক্ত বিনিময় বা পরিবর্তন সাধারণতঃ কম পরিমাণের মধ্যেই হয়।)

১১০৫। হাদীছ :—সাহল ইবনে হাছমা (রাঃ) বলিয়াছেন, রসুলুল্লাহ ছাল্লাল্লাহু আলাইহে অসাল্লাম গাছের খেজুর অনুমান করিয়া খুরামর সহিত বিক্রি করিতে নিষেধ করিয়াছেন। অবশ্য আ’রিয়্যা শ্রেণীর বিনিময়ে অনুমতি দিয়াছেন—যেখানে অনুমানের উপরই বিনিময় হইয়া থাকে।

১১০৬। হাদীছ :—যায়েদ ইবনে ছাবেত (রাঃ) হইতে বর্ণিত আছে, রসুলুল্লাহ ছাল্লাল্লাহু আলাইহে অসাল্লাম আ’রিয়্যার ক্ষেত্রে অনুমাণের উপর ধামা হিসাবে বিনিময়ের অনুমতি দিয়াছেন।

কোন বৃক্ষের ফল ব্যবহারোপযোগী হইবার

পূর্বে ক্রয়-বিক্রয় করা

১১০৭। হাদীছ :— رَضِيَ اللَّهُ تَعَالَى عَنْهُ قَالَ :—

أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ نَهَى عَنْ بَيْعِ الدِّمَارِ حَتَّى

يَبْدُ وَصْلَاحُهَا نَهَى الْبَائِعَ وَالْمُبْتَاعَ ۝

অর্থ—আবুল্লাহ ইবনে ওমর (রাঃ) হইতে বর্ণিত আছে—বৃক্ষস্থিত ফল ব্যবহারোপযোগী হওয়ার পূর্বে বিক্রি করাকে নবী ছালাল্লাহু আলাইহে অসাল্লাম নিষিদ্ধ করিয়াছেন, বিক্রেতা ও ক্রেতা উভয়কেই নিষেধ করিয়াছেন। জাবের (রাঃ) হইতেও এই মর্মে হাদীছ বর্ণিত আছে, নবী (দঃ) গাছের ফল রং চড়িবার পূর্বে এবং খাওয়ার উপযোগী হওয়ার পূর্বে বিক্রি করিতে নিষেধ করিয়াছেন।

১১০৮। হাদীছ :—যায়েদ ইবনে ছাবেত (রাঃ) বর্ণনা করিয়াছেন, রসুলুল্লাহ ছালাল্লাহু আলাইহে অসাল্লামের যমানায় সাধারণ্যে এই প্রথা প্রচলিত ছিল যে বাগানস্থিত ফল জন্মিবার ও প্রকাশ পাওয়ার পূর্বেই ক্রয় করিয়া লইত। অতঃপর যখন ফল পাকার ও কাটার মৌসুম উপস্থিত হইত এবং বিক্রেতার পক্ষ হইতে মূল্য আদায়ের তাগাদা আসিত তখন কোন কোন ক্রেতা একরূপ আপত্তি জানাইত যে, এই বৎসর নানাপ্রকার দুর্যোগ-দুর্ঘটনায় বৃক্ষের ফল নষ্ট হইয়া গিয়াছে। একরূপ বহু অভিযোগ রসুলুল্লাহ ছালাল্লাহু আলাইহে অসাল্লামের সম্মুখে উপস্থিত হইতে থাকায় তিনি এই নীতি ঘোষণা করিয়া দিলেন যে, ব্যবহারোপযোগী হওয়ার পূর্বে বৃক্ষের ফল বিক্রি করিবে না।

১১০৯। হাদীছ :— আনাছ (রাঃ) বর্ণনা করিয়াছেন, রসুলুল্লাহ ছালাল্লাহু আলাইহে অসাল্লাম বৃক্ষের ফল পোক্তা হইবার পূর্বে বিক্রি করিতে নিষেধ করিয়াছেন। (সেমতে নবী ছালাল্লাহু আলাইহে অসাল্লামের নিকট জিজ্ঞাসা করা হইল, পোক্তা হওয়ার অর্থ কি? হযরত (দঃ) বলিলেন, লাল বর্ণ হওয়া। অতঃপর রসুলুল্লাহ ছালাল্লাহু আলাইহে অসাল্লাম বলিলেন, তোমরা চিন্তা করিয়াছ কি যে, প্রাথমিক অবস্থায় ফল বিক্রি করিলে যদি ঐ বৎসর (কোন দুর্যোগের কারণে) ঐ বৃক্ষে ফল না হয় তবে স্বীয় মোসলমান ভাই—ক্রেতার নিকট হইতে অর্থ আদায় করা কিসের বিনিময়ে হইবে?

মছআলাহ :- গাছের ফল ক্ষুদ্র ও ছোট থাকাবস্থায় এই শর্তে বিক্রি করা যে, ফল পূর্ণ বড় হওয়া ও পাকা পর্য্যন্ত গাছেই থাকিবে—ইহা নাজায়েয। এই ক্ষেত্রে ক্রয়-বিক্রয় বাধ্যতা মূলক হইবে না এবং ফল বিনষ্ট হইয়া গেলে বিক্রেতা মূল্যের অধিকারী হইবে না। আর যদি এইরূপ হয় যে, ফল সাধারণ ভাবে যতটুকু বড় হওয়ার তাহা হইয়া সারিয়াছে, শুধু কেবল পাকা বাকি রহিয়াছে, সে ক্ষেত্রে যদি পাকা পর্য্যন্ত গাছে থাকার শর্তেও ক্রয় করিয়া থাকে তবুও উহা শুদ্ধ ও জায়েয হইবে—ইহাই ফতওয়া। (আলমগীরি, ৩—১৪৮)

● প্রসিদ্ধ তাবেয়ী ও মোহান্দেছ ইবনে শেহাব যুহরী (রঃ) বলিয়াছেন, যদি কোন ব্যক্তি বৃক্ষের ফল ছোট থাকাবস্থায় ক্রয় করে অতঃপর কোন ছর্গোগে উহা নষ্ট হইয়া যায় তবে উহার ক্রয়-ক্ষতি বিক্রেতার পক্ষে গণ্য করা হইবে।

ধারে ক্রয়-বিক্রয় করা

১১১০। হাদীছ :- আয়েশা রাজিয়াল্লাহু তায়ালা আনহা বর্ণনা করিয়াছেন, নবী ছাল্লাল্লাহু আলাইহে অসাল্লাম এক ইহুদির নিকট হইতে কিছু খাওবস্ত ধারে ক্রয় করিয়াছিলেন এবং মূল্যের পরিবর্তে তিনি তাহার নিকট স্বীয় লৌহ-বর্ম বন্ধক রাখিয়াছিলেন।

এক জাতীয় বস্তুর ভাল-মন্দের মধ্যে বিনিময় করিতে ইচ্ছা করিলে কি করিবে ?

১১১১। হাদীছ :- আবু হোরায়রা (রাঃ) বর্ণনা করিয়াছেন, রসূলুল্লাহ ছাল্লাল্লাহু আলাইহে অসাল্লাম কোন এক ছাহাবীকে ‘খয়বরে’ তশীলদার বানাইয়া পাঠাইলেন। একদা ঐ ছাহাবী উত্তম রকমের কিছু খেজুর লইয়া রসূলুল্লাহ ছাল্লাল্লাহু আলাইহে অসাল্লামের নিকট উপস্থিত হইলেন। রসূলুল্লাহ ছাল্লাল্লাহু আলাইহে অসাল্লাম জিজ্ঞাসা করিলেন, খয়বরের সব খেজুরই কি এইরূপ উত্তম হয় ? ঐ ছাহাবী বলিলেন, না—ইয়া রসূলুল্লাহ। আমরা এই উত্তম খেজুর এক ধামা সাধারণ খেজুর ছই-তিন ধামার বিনিময়ে ক্রয় করিয়া থাকি। রসূলুল্লাহ ছাল্লাল্লাহু আলাইহে অসাল্লাম বলিলেন, (এইরূপ বিনিময় ত সূদের অন্তর্ভুক্ত ;) এইরূপে ক্রয় করিও না। খারাব খেজুর প্রথমে মুদ্রার বিনিময়ে বিক্রি কর, অতঃপর ঐ মুদ্রার বিনিময়ে উত্তম খেজুর ক্রয় কর।

ব্যাখ্যা :- আলোচ্য হাদীছে যে ব্যবস্থা গ্রহণের পরামর্শ দেওয়া হইয়াছে তাহা হইল এইরূপ ; যথা—প্রথমে খারাব খেজুর ছই ধামা ২০ টাকায় বিক্রি করিবে অতঃপর সেই ২০ টাকার বিনিময়ে ভাল খেজুর এক ধামা খরিদ করিবে।

প্রকাশ থাকে যে, উভয় ক্রয়-বিক্রয়ই ভাল খেজুর ও খারাব খেজুর বিনিময়কারী দুই জনের মধ্যেই অনুষ্ঠিত হইতে পারে তাহাতে দোষ নাই। এমনকি নির্ধারিত ২০ টাকা উভয়ের কাহারও লেন-দেনেরও প্রয়োজন নাই। দুই জনের মধ্যে দুইবার মৌখিক বিনিময়-বন্ধন (আকদ-বায়) অনুষ্ঠিত হইলেই উহা জায়েযের গণ্ডিভুক্ত হইয়া যাইবে। যথা—খারাব খেজুরওয়ালা ভাল খেজুরওয়ালাকে বলিবে আমার দুই ধামা খেজুর আপনার নিকট ২০ টাকায় বিক্রি করিলাম—এই বলিয়া তাহার দুই ধামা খারাব খেজুর ভাল খেজুরওয়ালাকে প্রদান করিবে, অতঃপর সে ভাল খেজুরওয়ালাকে বলিবে আমার দুই ধামা খেজুরের মূল্য ২০ টাকা আপনার নিকট প্রাপ্য রহিয়াছে উক্ত ২০ টাকা দ্বারা আমি আপনার ভাল এক ধামা খেজুর ক্রয় করিলাম—এই বলিয়া এক ধামা ভাল খেজুর হস্তগত করিবে। টাকা ২০টির লেন-দেন একবারও আবশ্যক নহে। সার কথা এই যে, দুই ধামা খারাব খেজুরের সহিত এক ধামা ভাল খেজুরের সরাসরি বিনিময়-বন্ধন অনুষ্ঠিত হইলে তাহা স্নদের অন্তর্ভুক্ত হারাম গণ্য হইবে, আর উল্লেখিত আকারে দুইটি পৃথক পৃথক বিনিময়-বন্ধন দ্বারা সেই দুই ধামায়ই এক ধামা হস্তগত করিলে তাহা জায়েয হইবে। উভয় ব্যবস্থার দৃশ্য-ফল একই বটে, তথা দুই ধামা খারাব খেজুর দ্বারা এক ধামা ভাল খেজুর সংগ্রহ করা। কিন্তু উভয় ব্যবস্থার মধ্যে বিধানগত পার্থক্য দিবা-রাত্রের তায় রহিয়াছে। কারণ, প্রথম তথা হারাম সাব্যস্তের ব্যবস্থায় বিনিময়-বন্ধন শুধু একবার রহিয়াছে; পক্ষান্তরে জায়েয সাব্যস্ত ব্যবস্থায় বিনিময়-বন্ধন দুইবার হইয়াছে।

শরীয়তের প্রতি যাহারা অন্ধাধীন তাহারা উভয় ব্যবস্থার দৃশ্য-ফলে ব্যবধান না দেখিয়া হালাল-হারামের পার্থক্যের প্রতি ব্যঙ্গ-বিদ্রূপ করিতে পারে, কিন্তু উহা তাহাদের বোকামী হইবে। কারণ, হারাম-হালাল ইহাও বিধানগত বিষয়ই বটে, নতুবা হারাম ব্যবস্থায় সংগৃহিত খেজুরের যেই স্বাদ হালাল ব্যবস্থায় সংগৃহিত খেজুরেরও সেই স্বাদ উভয়ের মধ্যে কোন পার্থক্য নাই। সুতরাং একটি বিধানগত বিষয় তথা হারাম-হালালের ভিত্তি যদি অপর একটি বিধানগত পার্থক্যের উপর স্থাপিত হয় তবে তাহা উপেক্ষণীয় হইবে কেন?

দৃশ্যগত ব্যবধান ব্যতিরেকে (আকদ) তথা বিধানগত বন্ধনের পার্থক্য বৈধ-অবৈধের পার্থক্য হওয়া ইহা শুধু ইসলামী শরীয়তের বিষয়ই নহে, নিছক মানবতার বিষয়ও বটে। একজন বান্ধবী এবং নিজ স্ত্রী—উভয় মহিলার মধ্যে বিধানগত বন্ধনের পার্থক্য ছাড়া আর কি পার্থক্য আছে? কিন্তু স্ত্রীর সহিত

সহবাস সকল ধর্মে সকল সমাজেই বৈধ এবং সন্তান হইবে হালাল। আর বান্ধবীর সহিত সহবাস সকল স্তরেই অবৈধ এবং সন্তানকে গণ্য করা হইবে হারামজাদা।

ফলদার বৃক্ষ বিক্রি করিলে ফলের মালিক কে হইবে?

প্রসিদ্ধ তায়েবী নাফে' (রাঃ) বলিয়াছেন, ফল বাহির হইবার পর বৃক্ষ বিক্রি হইলে ফলের মালিক সে-ই হইবে যে উহার ব্যবস্থা করিয়াছে অর্থাৎ বিক্রেতা। তদ্রূপ কোন ফসলযুক্ত জমিন বিক্রি হইলে ফসলের মালিক বিক্রেতাই হইবে।

১১১২। হাদীছঃ— عَنْ عَبْدِ اللَّهِ بْنِ عُمَرَ رَضِيَ اللَّهُ تَعَالَى عَنْهُ

إِنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ قَالَ مَنْ بَاعَ فَخْلاً قَدْ أُبْرِتَ

فَتَمَرَاتُهَا لِلْبَّائِعِ إِلَّا أَنْ يَشْتَرِطَ الْمُبْتَاعُ ۝

অর্থ—আবুহুলাহ ইবনে ওমর (রাঃ) বর্ণনা করিয়াছেন, রসুলুল্লাহ ছালাল্লাহু আলাইহে অসাল্লাম বলিয়াছেন, যে ব্যক্তি এরূপ খেজুর গাছ বিক্রি করে যাহার ফল বাহির হইয়াছে এবং ফলের উন্নতির ব্যবস্থাও সে করিয়াছে সেই বিক্রেতাই ঐ ফলের মালিক থাকিবে। অবশ্য যদি ক্রয়-বিক্রয়ের সময় এরূপ উল্লেখ করা হয় যে, ফলের মালিক ক্রেতা হইবে তবে উহার মালিক ক্রেতা হইবে।

খাদ্যোপযোগী শুষ্ক ফল বা ফসল কাঁচা ফল-ফসলের
বিনিময়ে ক্রয়-বিক্রয়

মুহাম্মাদ হঃ—শুষ্ক কিম্বা কাঁচা ফল বা ফসল টাকা-পয়সার বিনিময়ে বা ভিন্ন জাতীয় বস্তুর বিনিময়ে যথা, খোরমার বিনিময়ে আঙ্গুর—এই ক্রয়-বিক্রয় সর্বসম্মতরূপে শুদ্ধ ও জায়েয।

যে সমস্ত ফল-ফসল শুষ্ক হইলে ওজনে, বরং আকারেও কমে এবং কিছু ছোট হইয়া যায়—যেমন, খেজুর শুষ্ক হইয়া খোরমা হয়, আঙ্গুর শুষ্ক হইয়া কিশমিশ বা মনাকা হয়। আমাদের দেশের ধানও এইরূপই বটে।

এই শ্রেণীর ফল-ফসলের শুষ্কটা একই জাতীয় কাঁচা ও তাজাটার সহিত পরস্পর বিনিময় করা অধিকাংশ ইমামগণের মতে কোন রকমেই জায়েয নহে—বেশ-কমেও নহে, সমান-সমানেও নহে; ইহাকেও তাঁহারা ১১১১ নং হাদীছের নিষেধাজ্ঞার আওতাভুক্ত গণ্য করেন। এমনকি তাঁহাদের মতে ঐ শ্রেণীর ফল-ফসলের কাঁচাটা ঐ জাতীয় কাঁচাটার সহিত সমান-সমানেও বিনিময় জায়েয নহে; কারণ শুষ্ক হইলে উভয়ের পরিমাণে পূর্ণ সমতা থাকিবে না।

হানফী মজহাব মতে এক জাতীয় ফল-ফসলেরও কাঁচাটার বিনিময়ে কাঁচা সম পরিমাণ এবং উপস্থিত লেন-দেন হইলে জায়েয হইবে। এমনকি শুকটার বিনিময়ে কাঁচাটা সম পরিমাণে এবং উপস্থিত লেন-দেন হইলে তাহাও ইমাম আবু হানিফার মতে শুদ্ধ এবং জায়েয।

অবশ্য যদি শুক ও কাঁচার পার্থক্য করিতে হয় তবে উভয়ের সরাসরি বিনিময় জায়েয হইবে না। পূর্বে বর্ণিত উপায়ে পৃথক পৃথক দুইটি বিনিময়-বন্ধন সম্পাদন করিতে হইবে এবং তাহা সর্বসম্মতরূপে জায়েয হইবে।

ক্ষেত-খামারের নির্দিষ্ট শস্য-ফসল উহার দানা পুষ্ট ও পরিপক্ক হওয়ার পূর্বে বিক্রি করা

১১১৩। হাদীছঃ—আনাছ (রাঃ) হইতে বর্ণিত আছে, নবী ছাল্লাল্লাহু আলাইহে অসাল্লাম নিষেধ করিয়াছেন—(১) নির্ধারিত পরিমাণ উৎপন্নের শর্তে বর্ণা দেওয়া হইতে। (২) দানা পুষ্ট হওয়ার পূর্বে ফসল বিক্রি করা হইতে। (৩) ছোঁয়া বা স্পর্শ দ্বারা বিক্রয় সাব্যস্ত করার প্রথা হইতে। (৪) যাহার কঙ্কর বা কাঠি যেই বস্তুর উপর পতিত হইবে তাহার সঙ্গে ঐ বস্তুর বিক্রয় বাধ্যতামূলক ভাবে সাব্যস্ত হওয়ার প্রথা হইতে। (৫) “মোযাবানাহ” শ্রেণীর ক্রয়-বিক্রয় হইতে।

ব্যাখ্যাঃ— ২ নম্বরে আলোচ্য পরিচ্ছেদের বিষয়টি বর্ণিত হইয়াছে। ৩ ও ৪ নং বিষয়দ্বয় ১০৮৭ নং হাদীছে এবং ৫ নং বিষয়টি ১০১ নং হাদীছে বিস্তারিত বর্ণিত হইয়াছে।

অমোসালেমের সঙ্গে ক্রয়-বিক্রয় করা

১১১৪। হাদীছঃ— আবছর রহমান ইবনে আবু বকর (রাঃ) বর্ণনা করিয়াছেন, একদা আমরা নবী ছাল্লাল্লাহু আলাইহে অসাল্লামের সঙ্গে ভ্রমণরত ছিলাম, আমাদের সংখ্যা একগুণত ত্রিশ জন ছিল। নবী (দঃ) জিজ্ঞাসা করিলেন, তোমাদের কাহারও নিকট খাদ্যবস্তু আছে কি? দেখা গেল, মাত্র একজনের নিকট চার সের পরিমাণ হইতেও কম আটা আছে। ঐ আটাতুকু ছেনা হইল অতঃপর দীর্ঘদেহী এক অমোসালেম মোশরেক পথিক এক দল বকরি লইয়া তথায় উপস্থিত হইল। নবী (দঃ) তাহাকে জিজ্ঞাসা করিলেন, বকরীগুলি কাহাকেও হাদিয়া দিবার জন্ত আনিয়াছ, না—বিক্রি করার জন্ত? সে বলিল, বিক্রির জন্ত আনিয়াছি। নবী (দঃ) তাহার নিকট হইতে একটি বকরী ক্রয় করিলেন। উহাকে জাবহ করিয়া উহার গোশত তৈয়ার করা হইল। নবী (দঃ) উহার দিল-কলিজা ভাজি করার আদেশ করিলেন। (ঐ ক্ষেত্রে নবী ছাল্লাল্লাহু আলাইহে অসাল্লামের অলৌকিক বরকতের ঘটনা এরূপ ঘটিয়াছিল যে,)

আমাদের একশত ত্রিশজন লোকের মধ্যে প্রত্যেকেই ঐ দিল-কলিজার অংশ প্রাপ্ত হইল, এমনকি যাহারা ঐ সময় উপস্থিত ছিল না তাহাদের জন্ত অংশ রাখিয়া দেওয়া হইল। (আরও অলৌকিক ঘটনা এই ঘটয়াছিল যে,) এই অল্প পরিমাণ আটা ও একটি মাত্র ছাগল দ্বারা তৈরী খাদ্য দুই বর্ডনে দেওয়া হইল। আমরা একশত ত্রিশজন লোক পেট পুরিয়া উহা হইতে আহার করিলাম এবং অবশিষ্টও রহিয়া গেল—উহা সঙ্গে লইয়া তথা হইতে আমরা যাত্রা করিলাম।

মৃত পশুর কাঁচা চামড়া বিক্রি করা

মছআলাহ :—মৃত পশুর চামড়া কাঁচা অবস্থায় বিক্রি করা প্রচলিত মঙ্গলাব সমূহের ইমামগণের মতে জায়েয নহে। অবশ্য ইমাম জুহরী (রঃ) এবং ইমাম বোথারী (রঃ) উহার ক্রয়-বিক্রয় জায়েয বলেন। (ফতহুলবারী, ৪—২৩)

১১১৫। হাদীছ :—আবদুল্লাহ ইবনে আব্বাস (রাঃ) বর্ণনা করিয়াছেন, একদা রসূলুল্লাহ ছাল্লাল্লাহু আলাইহে অসাল্লাম তাঁহার গমন পথে একটি মৃত ছাগল দেখিয়া বলিলেন, তোমরা ইহার চামড়া দ্বারা লাভবান হইলে না কেন? সকলেই বলিল, ইহা ত মৃত। হযরত (দঃ) বলিলেন, সেজন্ত উহা কেবল খাওয়া হারাম।

মৃত পশু পক্ষীর চর্বি এবং উহার তৈল বিক্রি করা নিষিদ্ধ

১১১৬। হাদীছ :—ইবনে আব্বাস (রাঃ) বর্ণনা করিয়াছেন, ওমর (রাঃ) অবগত হইলেন, এক ব্যক্তি মদ বিক্রি করিয়াছে। তখন তিনি বলিলেন, আল্লাহ তায়ালা অমুকের সর্বনাশ করুন; সে কি জানে না? রসূলুল্লাহ (দঃ) বলিয়াছেন, আল্লাহ তায়ালা ইহুদীদের সর্বনাশ করুন, তাহাদের উপর (আজাব স্বরূপ হালাল জীবেরও) চর্বি (কোন আকারে ব্যবহার করা) হারাম করা হইয়াছিল। তাহারা সেই চর্বি গলাইয়া তৈল করতঃ বিক্রি করিয়া থাকিত।

ব্যাখ্যা :—মদ বিক্রেতা ভাবিয়া ছিল, আমি ত মদ খাইলাম না; উহার পয়সা খাইলাম। ওমর (রাঃ) দেখাইলেন, ইহুদীদের জন্ত চর্বি খাওয়া হারাম ছিল; তাহারা উহা সরাসরি না খাইয়া উহার পয়সা খাইত; সেই জন্ত তাহাদের প্রতি হযরতের অভিসাপ হইয়াছে। এই সূত্রেই মদের ক্রয়-বিক্রয় ও উহার ব্যবসা হারাম; ১১১৯ নং হাদীছ দ্রষ্টব্য।

১১১৭। হাদীছ :—আবু হোরায়রা (রাঃ) হইতে বর্ণিত আছে, রসূলুল্লাহ ছাল্লাল্লাহু আলাইহে অসাল্লাম বলিয়াছেন, আল্লাহ তায়ালা ইহুদীদের সর্বনাশ করুন, তাহাদের উপর চর্বি হারাম করা হইয়াছিল। তাহারা চর্বি গলাইয়া তৈল করতঃ বিক্রি করিয়া উহার মূল্য ভোগ করিত।

ব্যাখ্যা ৪—মৃত পশু-পাখির মাংস বা চর্বি ব্যবহার নিষিদ্ধ ; উহার ক্রয়-বিক্রয়ও নিষিদ্ধ—উক্ত মাংস ও চর্বির যদি রূপও পরিবর্তন করা হয় তবুও নিষিদ্ধ।

বিশেষ দৃষ্টব্য ৩— উপরোক্ত পরিচ্ছদত্রয়ের বিভিন্ন মহাআলার ব্যাপারে মৃতের সংজ্ঞা সম্পর্কে ফেকাহ শাস্ত্রে যে সব তথ্য পাওয়া যায় সে দৃষ্টে অনেক ক্ষেত্রে সন্ধীর্ণতামুক্ত হওয়ার অবকাশ লাভ হইতে পারে। যথা—

(ক) শুকর ব্যতীত অথ যে কোন হারাম পশুও জবেহকৃত হইলে উহার চামড়া সর্বসম্মতরূপে পাক ; অনেক আলেমের মতে উহার গোশত এবং চর্বি ইত্যাদিও পাক পরিগণিত হয়। (সেমতে উহা খাওয়া হালাল না হইলেও উহার ক্রয়-বিক্রয় জায়েয হইবে।) অবশ্য রক্ত ত নাপাক হইবেই। (আলমগীরী, ১—২৫ পৃঃ)

(খ) খাড়ে হালাল হইবার জন্ত নয়, বরং শুধু পাক পরিগণিত হওয়ার ক্ষেত্রে অনেক আলেম একরূপ মত ও ফতওয়াকে ছহীহ গণ্য করিয়াছেন যে, শরীয়তী জবেহ তথা শরীয়ত কর্তৃক প্রবর্তিত নিয়মের জবেহ হইতে হইবে না— অর্থাৎ জবেহকারী মোসলমান বা কেতাবী হইতে হইবে না, নিয়মতান্ত্রিক উপায়ে সম্ভাব্য ক্ষেত্রে গলার রগ কাটা এবং অপর ক্ষেত্রে যে কোন অংশ ধারালো অস্ত্রে জখম করার শর্তও হইবে না (শামী, ১—১৮৯)।

ফতওয়া শামীর উল্লেখিত উদ্ধৃতিটি অতি গুরুত্বপূর্ণ ; কারণ, উক্ত মতামত অনুযায়ী অমোসলেমের হাতে জবেহ বা ঘায়েলকৃত জীব মৃত গণ্য হইবে না। সেমতে শুধু কেবল রোগে কিস্বা পতিত হওয়ার ভীষণ চোটে বা কোন কারণে স্বাসরুদ্ধ হইয়া বা লাঠি ইত্যাদির আঘাতে রক্ত প্রবাহিত হওয়া ব্যতিরেকে মৃতই এক্ষেত্রে* মৃত গণ্য হইবে।

এক্ষেত্রে ফেকাহ শাস্ত্রের আরও একটি মহাআলাহ সন্ধীর্ণতা লাঘব করিবে।

মহাআলাহ ৩—তৈলের মধ্যে মৃত জীবের চর্বির তৈল মিশ্রিত হইলে— যদি পবিত্র তৈলের অংশ বেশী হয় তবে উহার ক্রয়-বিক্রয় জায়েয, আর মৃতের চর্বির তৈল বেশী হইলে ক্রয়-বিক্রয় নাজায়েয হইবে। (আলমগীরী, ৩—১৬১)

ছবির ব্যবসা করা

১১১৮। হাদীছ ৩—সায়ীদ ইবনে আবুল হাসান (রঃ) বর্ণনা করিয়াছেন, একদা আমি আবহুল্লাহ ইবনে আব্বাস রাজিয়াল্লাহু তায়ালা আনহুর নিকট ছিলাম ; এক ব্যক্তি তাঁহার নিকট উপস্থিত হইল এবং বলিল, হে আবুল আব্বাস।

* এক্ষেত্রে তথা হালাল হওয়ার ক্ষেত্রে নয়, বরং শুধু পাক পরিগণিত হওয়ার ক্ষেত্রে। ক্রয়-বিক্রয় জায়েয হওয়া শুধু পাক পরিগণিত হওয়ার উপর নির্ভরশীল। সুতরাং পাক গণ্য হওয়ার ক্ষেত্রে বাহা মৃত পরিগণিত ক্রয়-বিক্রয় ক্ষেত্রেও শুধু উহাই মৃত গণ্য হইবে।

আমি একজন দরিদ্র লোক ; আমার জীবিকা নির্বাহের একমাত্র উপায় হইল আমার হস্তশিল্প—আমি ছবি আঁকিয়া থাকি। ইবনে আব্বাস (রাঃ) বলিলেন, আমি তোমাকে এমন একটি হাদীছ শুনাইব যাহা আমি নিজ কানে রসুলুল্লাহ ছালাল্লাহু আলাইহে অসাল্লামের মুখে শুনিয়াছি। আমি তাঁহাকে এই বলিতে শুনিয়াছি—যে ব্যক্তি কোন ছবি তৈরী করিবে আল্লাহ তায়ালা কেয়ামতের দিন তাহাকে ঐ ছবির মধ্যে (আত্মা দেওয়ার আদেশ করিবেন এবং) আত্মা দিতে সক্ষম না হওয়া পর্য্যন্ত শাস্তি দান করিতে থাকিবেন, কিন্তু সে উহার আত্মা দিতে কখনও সক্ষম হইবে না।

এই হাদীছ শুনিয়া ঐ ব্যক্তি শিহরিয়া উঠিল ; তাহার চেহারা জরদ হইয়া গেল। ইবনে আব্বাস (রাঃ) বলিলেন, যদি অগত্যা এই কাজ করিতেই চাও তবে জীবের ছবি না আঁকিয়া বৃক্ষাদির ছবি আঁকিও।

শরাব তথা মদের ব্যবসা হারাম

জাবের (রাঃ) বর্ণনা করিয়াছেন, নবী ছালাল্লাহু আলাইহে অসাল্লাম শরাবের ব্যবসা হারাম ঘোষণা করিয়াছেন।

১১১৯। হাদীছ :—

عن عائشة رضى الله تعالى عنها

لَمَّا ذُرِّبَتْ آيَاتُ سُورَةِ الْبَقَرَةِ مِنْ أَخْبَرَهَا خَرَجَ النَّبِيُّ صَلَّى اللَّهُ عَلَيْهِ وَسَلَّمَ فَقَالَ حُرِّمَتْ التَّجَارَةُ فِي الْخَمْرِ ۝

অর্থ—আয়েশা (রাঃ) বর্ণনা করিয়াছেন, যখন ছুরা-বাকারার মধ্যে বর্ণিত (সুদ হারাম হওয়ার) আয়াতসমূহ নাযেল হইল এবং হযরত (দঃ) ঘর হইতে বাহির হইয়া (সুদ হারাম হওয়ার ঘোষণা শুনাইলেন, তখন মত্ত পান হারাম হওয়া পুনঃ ঘোষণা করতঃ) মদের ব্যবসা হারাম হওয়ার ঘোষণাও শুনাইলেন।

কোন স্বাধীন মানুষ বিক্রি করার ভয়াবহ পরিণতি

১১২০। হাদীছ :—

عن ابى هريرة رضى الله تعالى عنه

عَنِ النَّبِيِّ صَلَّى اللَّهُ عَلَيْهِ وَسَلَّمَ قَالَ اللَّهُ تَعَالَى ثَلَاثَةٌ أَنَا خَصَمُهُمْ يَوْمَ الْقِيَامَةِ رَجُلٌ أَعْطَى بِي ثُمَّ غَدَرَ وَرَجُلٌ بَاعَ حُرًّا فَأَكَلَ ثَمَنَهُ وَرَجُلٌ اسْتَبَا جُرًّا فَاسْتَوْفَى مِنْهُ وَلَمْ يُعْطِ أَجْرَهُ ۝

অর্থ—আবু হোরাযরা (রাঃ) হইতে বর্ণিত আছে, নবী ছালাল্লাহু আলাইহে অসাল্লাম বলিয়াছেন, আল্লাহ তায়ালা ঘোষণা করিয়াছেন—কেয়ামতের দিন স্বয়ং আমি তিন প্রকার ব্যক্তিদের বিরুদ্ধে বাদী হইব। (১) যে ব্যক্তি আমার নামে অঙ্গীকার ও প্রতিজ্ঞা করিয়া বিশ্বাসঘাতকতা করিয়াছে। (২) যে ব্যক্তি স্বাধীন ও মুক্ত (অর্থাৎ শরীয়ত মতে ক্রীতদাস নয় এমন) মানুষ বিক্রি করিয়া অর্থ উপার্জন করিয়াছে। (৩) যে ব্যক্তি কোন মজুর দ্বারা কাজ করাইয়া তাহার পারিশ্রমিক দেয় নাই।

মৃত প্রাণী এবং মূর্তি বিক্রি করা নিষিদ্ধ

عن جابر بن عبد الله رضى الله تعالى عنه ١١٢١ هـ :
 أَنَّهُ سَمِعَ رَسُولَ اللَّهِ صَلَّى اللَّهُ عَلَيْهِ وَسَلَّمَ يَقُولُ وَهُوَ بِمَكَّةَ عَامَ الْفَتْحِ
 إِنَّ اللَّهَ وَرَسُولَهُ حَرَّمَ بَيْعَ الْخَمْرِ وَالْمَيْتَةِ وَالْخِنْزِيرِ وَالْأَصْنَامِ
 فَقِيلَ يَا رَسُولَ اللَّهِ أَرَأَيْتَ شَحُومَ الْمَيْتَةِ فَإِنَّهَا يَطْلَى بِهَا السُّفُنُ
 وَتُدَهَّنُ بِهَا الْجُلُودُ وَيَسْتَصْبَحُ بِهَا النَّاسُ فَقَالَ لَا هُوَ حَرَامٌ ۝ ثُمَّ
 قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ عِنْدَ ذَلِكَ قَاتِلَ اللَّهِ الْيَهُودَ
 إِنَّ اللَّهَ لَمَّا حَرَّمَ شَحُومَهَا أَجْمَلُوهَا ثُمَّ بَايَعُوا نَا كُلُّوا ثَمَنَهُ ۝

অর্থ—জাবের (রাঃ) হইতে বর্ণিত আছে, তিনি রসুলুল্লাহ ছালাল্লাহু আলাইহে অসাল্লামকে মক্কা বিজয়ের বৎসর মক্কা নগরীতে এই ঘোষণা দিতে শুনিয়াছেন—তোমরা স্মরণ রাখিও। নিশ্চয় আল্লাহ এবং আল্লার রসুল মদ বিক্রি করা, মৃত পশু-পক্ষী বিক্রি করা, শূকর বিক্রি করা এবং মূর্তি বিক্রি করা হারাম করিয়াছেন। এক ব্যক্তি আরজ করিল, ইয়া রাসুলুল্লাহ! মৃতের চর্বি নৌকায় লাগান হয়, (মশক ইত্যাদির) চামড়ায় লাগান হয় এবং উহা দ্বারা চেরাগ জ্বালান হয়। রসুলুল্লাহ ছালাল্লাহু আলাইহে অসাল্লাম বলিলেন, উহা (বিক্রি করা) জায়েয নহে—হারাম। রসুলুল্লাহ (দঃ) ঐ সময় ইহাও বলিলেন, ইহুদিদের প্রতি আল্লাহ গুরুত্ব না দেয় বটে, কিন্তু আল্লাহ তায়ালা

(শাস্তি স্বরূপ) তাহাদের প্রতি (হালাল জানোয়ারেরও) চৰ্ব্বি হারাম হওয়ার আদেশ জারী করিলেন, তখন তাহারা ঐ চৰ্ব্বি গলাইয়া তৈল করতঃ বিক্রি করিয়া উহার মূল্যের টাকা-পয়সা খাও (ইত্যাদি)তে ব্যবহার করিল। (এইরূপে ফন্দি করিয়া নিষিদ্ধ বস্তু—চৰ্ব্বি ব্যবহারে লিপ্ত হইয়াছিল, তাই তাহারা অভিশপ্ত।) ২৯৮ পৃঃ

কুকুর বিক্রি করা এবং উহার অজ্জিত অর্থ

১১২২। হাদীছঃ— عَنْ أَبِي مَسْعُودٍ رَضِيَ اللَّهُ تَعَالَى عَنْهُ
أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ نَهَى عَنْ ثَمَنِ الْكَلْبِ
وَمَهْرِ الْبَيْتِيِّ وَخُلُوعِ الْكَاهِنِ ۝

অর্থ—আবু মসউদ (রাঃ) হইতে বর্ণিত আছে, হযরত রসূলুল্লাহ ছালাল্লাহু আলাইহে অসাল্লাম নিম্নে বর্ণিত তিন প্রকার অজ্জিত আয় নিষিদ্ধ ঘোষণা করিয়াছেন—(১) কুকুর বিক্রিয় টাকা-পয়সা। (২) বেগমারস্তি—যেনা ও ব্যাভিচারে অজ্জিত অর্থ। গণক (গণনাকারী)কে প্রদত্ত শিল্পি ও ভেট।

ব্যাখ্যাঃ—অধুনা যেরূপ সৌখিনতারূপে কুকুর পোষার হিড়িক দেখা যায় অন্ধকার যুগেও তদ্রূপ ছিল। অথচ কুকুরের সংশ্রব মানবকে আল্লাহ তায়ালা রহমত ও নূর হইতে বঞ্চিত রাখে, তাই কুকুর পোষার সৌখিনতার শ্রোতকে বন্ধ করার জন্ত ইসলামের প্রাথমিক যুগে কুকুরের ব্যাপারে অত্যধিক কঠোরতা অবলম্বন করা হইয়াছিল—যে কোন উদ্দেশ্যে কুকুর পোষা নিষিদ্ধ ছিল, ব্যাপক ভাবে কুকুর মারিয়া ফেলার আদেশ ছিল, কুকুর ক্রয়-বিক্রয় এবং উহার দ্বারা অর্থ উপার্জন কঠোরতার সহিত নিষিদ্ধ ছিল ইত্যাদি, ইত্যাদি। মোসলমানগণ কতৃক অন্ধকার যুগের ঐ সৌখিনতার কু-অভ্যাস পরিত্যক্ত হওয়ার পর বিশেষ বিশেষ প্রয়োজন ক্ষেত্রে সুযোগ দানার্থে হযরত রসূলুল্লাহ ছালাল্লাহু আলাইহে অসাল্লাম কতৃকই সেই কঠোরতা হ্রাস করা হইয়াছে। কিন্তু মোসলমানদিগকে এই কথা স্মরণ রাখিতে হইবে যে, কুকুর আল্লার নিকট, আল্লার ফেরেশতাদের নিকট এবং আল্লার রসূলের নিকট অতি জঘন্য ও অতি ঘৃণিত, তাই যথাসাধ্য উহার সংশ্রব পরিহার করিবে।

মহুআলাহঃ—কুকুর বিক্রি করা এবং উহার মূল্য হালাল হওয়া সম্পর্কে শরীয়াতে বিধানগত কোন বাধা-নিষেধ নাই।

কতিপয় পরিচ্ছেদের বিষয়াবলী

● কসাইএর ব্যবসা করা জায়েয (২৭৯ পৃঃ) ● ব্যবসার মধ্যে মিথ্যা বলা এবং পণ্যের দোষ গোপন করা বরকত ও উন্নতি ব্যহত করে। (২৭৯ পৃঃ)

● ঢালাই কার্খোর ব্যবসা করা জায়েয (২৮০ পৃঃ)। ● কামারের ব্যবসা করা জায়েয (২৮০ পৃঃ)। ● দরজীর ব্যবসা করা জায়েয (২৮১ পৃঃ)

● তাঁতীর কাজ ও ব্যবসা করা জায়েয (২৮১ পৃঃ)। ● ছুতার-মিজির পেশা করা জায়েয (২৮১ পৃঃ)। ● বড় পদের অধিকারী যথা শাসনকর্তা ও প্রয়োজনের বস্তু স্বয়ং ক্রয় করিতে পারে। অর্থাৎ এই শ্রেণীর কাজের জন্য সরকারী ধন-ভাণ্ডার হইতে ভাতা গ্রহণ করিতে পারিবে না। (২৮১ পৃঃ)

● যানবাহন যথা ঘোড়া এবং গাধা ক্রয়-বিক্রয় করা জায়েয। অর্থাৎ হারাম পশু-পক্ষীও খাওয়া ভিন্ন অশু উপকারের জন্য ক্রয়-বিক্রয় জায়েয। (২৮১ পৃঃ)

● মছআলাহ :—শুকর ভিন্ন সকল পশু-পক্ষী ও কীট পতঙ্গ যাহা কোনও উপকারে ব্যবহৃত হয়—সবেরই ক্রয়-বিক্রয় জায়েয। (আলমগীরী, ৩—:৫৯)

● অমোসলেমদের হাটে বাজারে ব্যবসা করা জায়েয (২৮২ পৃঃ)। ● শাস্তি-অশান্তি সর্বোবস্থায়ই অস্ত্র বিক্রয় করা জায়েয। এমরান ইবনে হোছাইন (রাঃ) দেশে অশান্তি বিশৃঙ্খলা অবস্থায় অস্ত্র বিক্রয় নিষিদ্ধ বলিয়াছেন (২৮২ পৃঃ)। যে শ্রেণীর লোকের দ্বারা অশান্তি সৃষ্টির আশঙ্কা হয় তাহাদের নিকট অস্ত্র বিক্রয় নিষিদ্ধ। ● মুগনাভী বা কস্তুরী এবং সকল প্রকার সুগন্ধিই ক্রয়-বিক্রয় জায়েয (২৮২ পৃঃ)। ● যে শ্রেণীর কাপড় পরিধান করা নিষিদ্ধ কিন্তু অশু কাজে ব্যবহৃত হইতে পারে উহার ব্যবসা জায়েয (২৮৩ পৃঃ) ● পণ্যের মূল্য নির্ধারণ মালিকেরই অধিকার (২৮৩ পৃঃ)।

আবশ্য বিশেষ পরিস্থিতিতে সরকার কর্তৃক মূল্য নির্ধারণের তথা কর্টোল করার অধিকার আছে। বিস্তারিত বিবরণ ফতওয়া আলমগীরী, ৩—২৭৭

● ক্রয়-বিক্রয় সাব্যস্তের বৈঠকেই ক্রেতা ক্রয়কৃত বস্তুর উপর স্বীয় অধিকারের কার্য প্রয়োগ করিতে পারে। বিশিষ্ট তাবেয়ী তাউস (রাঃ) বলিয়াছেন, ক্রয়ের সঙ্গে সঙ্গেই যদি ক্রেতা উক্ত পণ্য বিক্রয় করে তবে ক্রেতাই উহার লাভের অধিকারী হইবে (২৮৪ পৃঃ)। ব্যবসা-বাণিজ্যে সকল প্রকার ধোকা-ফাঁকি নিষিদ্ধ (২৮৪ পৃঃ)। বাজারে ব্যবসা-বাণিজ্য করা জায়েয (২৮৪ পৃঃ)।

অর্থাৎ বাজার স্থিতি ও নিকট স্থান বটে, কিন্তু সেজন্য তথায় ব্যবসা-বাণিজ্য নাজায়েয নহে। ● হাটে-বাজারে যাইয়া স্বীয় গাতিধর্য ও শালিনতা অবশ্যই বজায় রাখিবে; চোঁচাইয়া কথা বলা নিষিদ্ধ (২৮৫ পৃঃ)। ● পণ্য ওজন

● ক্রেতা ক্রয়কৃত বস্তুর উপর স্বীয় অধিকারের কার্য প্রয়োগ করিতে পারে। বিশিষ্ট তাবেয়ী তাউস (রাঃ) বলিয়াছেন, ক্রয়ের সঙ্গে সঙ্গেই যদি ক্রেতা উক্ত পণ্য বিক্রয় করে তবে ক্রেতাই উহার লাভের অধিকারী হইবে (২৮৪ পৃঃ)। ব্যবসা-বাণিজ্যে সকল প্রকার ধোকা-ফাঁকি নিষিদ্ধ (২৮৪ পৃঃ)। বাজারে ব্যবসা-বাণিজ্য করা জায়েয (২৮৪ পৃঃ)।

অর্থাৎ বাজার স্থিতি ও নিকট স্থান বটে, কিন্তু সেজন্য তথায় ব্যবসা-বাণিজ্য নাজায়েয নহে। ● হাটে-বাজারে যাইয়া স্বীয় গাতিধর্য ও শালিনতা অবশ্যই বজায় রাখিবে; চোঁচাইয়া কথা বলা নিষিদ্ধ (২৮৫ পৃঃ)। ● পণ্য ওজন

● ক্রেতা ক্রয়কৃত বস্তুর উপর স্বীয় অধিকারের কার্য প্রয়োগ করিতে পারে। বিশিষ্ট তাবেয়ী তাউস (রাঃ) বলিয়াছেন, ক্রয়ের সঙ্গে সঙ্গেই যদি ক্রেতা উক্ত পণ্য বিক্রয় করে তবে ক্রেতাই উহার লাভের অধিকারী হইবে (২৮৪ পৃঃ)। ব্যবসা-বাণিজ্যে সকল প্রকার ধোকা-ফাঁকি নিষিদ্ধ (২৮৪ পৃঃ)। বাজারে ব্যবসা-বাণিজ্য করা জায়েয (২৮৪ পৃঃ)।

অর্থাৎ বাজার স্থিতি ও নিকট স্থান বটে, কিন্তু সেজন্য তথায় ব্যবসা-বাণিজ্য নাজায়েয নহে। ● হাটে-বাজারে যাইয়া স্বীয় গাতিধর্য ও শালিনতা অবশ্যই বজায় রাখিবে; চোঁচাইয়া কথা বলা নিষিদ্ধ (২৮৫ পৃঃ)। ● পণ্য ওজন

● ক্রেতা ক্রয়কৃত বস্তুর উপর স্বীয় অধিকারের কার্য প্রয়োগ করিতে পারে। বিশিষ্ট তাবেয়ী তাউস (রাঃ) বলিয়াছেন, ক্রয়ের সঙ্গে সঙ্গেই যদি ক্রেতা উক্ত পণ্য বিক্রয় করে তবে ক্রেতাই উহার লাভের অধিকারী হইবে (২৮৪ পৃঃ)। ব্যবসা-বাণিজ্যে সকল প্রকার ধোকা-ফাঁকি নিষিদ্ধ (২৮৪ পৃঃ)। বাজারে ব্যবসা-বাণিজ্য করা জায়েয (২৮৪ পৃঃ)।

অর্থাৎ বাজার স্থিতি ও নিকট স্থান বটে, কিন্তু সেজন্য তথায় ব্যবসা-বাণিজ্য নাজায়েয নহে। ● হাটে-বাজারে যাইয়া স্বীয় গাতিধর্য ও শালিনতা অবশ্যই বজায় রাখিবে; চোঁচাইয়া কথা বলা নিষিদ্ধ (২৮৫ পৃঃ)। ● পণ্য ওজন

করার ব্যয় সাধারণ ভাবে বিক্রেতার উপর বর্তিবে (২৮৫ পৃঃ)। ● পণ্যের লট তথা সমষ্টি ক্রেতার প্রতি (প্রয়োজন বোধে) নিষেধাজ্ঞা জারী করা যাইতে পারে যে, স্বীয় দোকানে না পৌঁছাইয়া উহা বিক্রয় করিতে পারিবে না এবং এই নিষেধাজ্ঞা লঙ্ঘনে দণ্ডের বিধানও করা যায় (২৮৬ পৃঃ)। ১০৭৮ নং হাদীছের ব্যাখ্যায় উল্লেখিত বিষয়ের বিস্তারিত বিবরণও আছে। ● ক্রেতা তাহার ক্রয়কৃত বস্তু বিক্রেতার নিকট থাকিতে দিয়াছে—এখনও উহা হস্তগত করার কার্য সম্পাদিত হয় নাই এমতাবস্থায় যদি উহা বিনষ্ট হইয়া যায়—যেমন উহা কোন জীব ছিল তাহা মরিয়া গিয়াছে কিম্বা বিক্রেতা উহা অশুভ্র বিক্রয় করিয়া ফেলে এক্ষেত্রে কি হইবে? আবদুল্লাহ ইবনে ওমর (রাঃ) বলিয়াছেন জীবিত ও উপস্থিত বিद्यমান বস্তুর ক্রয়-বিক্রয় সম্পাদন করার পর উহার মৃত্যু হইলে তাহা ক্রেতারই গণ্য হইবে; অর্থাৎ তাহাকে মূল্য পরিশোধ করিতে হইবে (২৮৭ পৃঃ)। অবশ্য এক্ষেত্রে আবু হানিফা (রাঃ) শাফেয়ী (রাঃ) প্রমুখ ইমামগণ বলেন, ক্রয়-বিক্রয় সম্পাদিত হইলেও ক্রেতার হস্তগত করার কার্য সম্পাদনের পূর্বে যাহা কিছু হইবে সবই বিক্রেতার পক্ষে গণ্য হইবে। সুতরাং অশুভ্র বিক্রির লাভের অধিকারী সে-ই হইবে এবং মরিয়া গেলে উহার ক্ষতি তাহার উপরই বর্তিবে—উহার মূল্যের অধিকারী সে হইবে না, মূল্য উশূল করিয়া থাকিলে তাহা ফেরত দিতে হইবে। এমনকি যদি কোন রুগ্ন পশুর ক্রয়-বিক্রয় সাব্যস্ত করিয়াছে, কিন্তু ক্রেতার হস্তগত করার কার্য সম্পাদন ব্যতিরেকে ক্রেতা-বিক্রেতাকে বলিয়াছে, পশুটি অশু রাত্র আপনার গোয়ালেই থাকিবে; অতঃপর রাত্রে বিক্রেতার গোশালায় উহা মরিয়া গিয়াছে, তবে এক্ষেত্রেও উহার ক্ষতি বিক্রেতার পক্ষেই হইবে ক্রেতার পক্ষে নহে (আলমগীরী, ৩—২৭)। অবশ্য ক্রেতার হস্তগত করা সম্পন্নের পরে যে কোন অবস্থাতেই উহার মৃত্যু হউক, এমনকি বিক্রেতার বাড়ীতেই মৃত্যু হউক, ক্ষতি ক্রেতার পক্ষে হইবে; মূল্য আদায় না করিয়া থাকিলে তাহা পরিশোধ করিতে হইবে। যেমন, পশু বিক্রয় সাব্যস্ত করার পর বিক্রেতা ক্রেতাকে বলিল, এই আপনার পশু আপনাকে নেওয়ার জন্য বলিতেছি, আপনি নিয়া যান—যে রূপ বাক্য ও শব্দাবলীর মাধ্যমেই হউক এই ব্যবস্থা ও ভাব সম্পাদানের পর* যদি ক্রেতা উক্ত পশুকে নিয়া না যায় এবং উহা বিক্রেতার

* প্রকাশ থাকে যে, ক্রেতার হস্তগত করার যে অর্থ শরীয়তে উদ্দেশ্য তাহা ১০৮১ নং হাদীছের ব্যাখ্যার ফুটনোটে বর্ণিত হইয়াছে এবং সেমতে পশুটি বিক্রয়ের পর ঐরূপ কথা ও ব্যবস্থা সম্পাদনে ক্রয়কৃত পশু ক্রেতার হস্তগত করা সাব্যস্ত হইয়া গিয়াছে যদিও সে উহা স্পর্শও করে নাই।

বাড়ীতে মারা যায় সে ক্ষেত্রে ক্ষতি ক্রেতার পক্ষেই হইবে (ক্রীতদাস বিক্রয় দৃষ্টান্তে এই মহআলাহ বর্ণিত হইয়াছে, আলমগীরী, ৩—২২ পৃঃ)

এইরূপ ক্ষেত্রে যদি বিক্রেতা উহা অতীত বিক্রি করে এবং লাভ হয় তবে সেই লাভের অধিকারী ক্রেতাই হইবে—এমনকি বিক্রেতাকে সম্মত রাখিয়া যদি ক্রেতা এখনও মূল্য পরিশোধ না-ও করিয়া থাকে। অবশ্য যদি বিক্রেতা মূল্যের জন্ত পশুকে আটক দিয়া থাকে তবে সেক্ষেত্রে লাভ-লোকসান উভয়ই বিক্রেতার পক্ষে হইবে। ● কোন বস্তুর ক্রয় বা বিক্রয় মহিলার দ্বারা সম্পাদিত হইলে তাহা শুদ্ধ হইবে (২৮৮ পৃঃ)। ● ক্রয়-বিক্রয়ে শরীয়ত বিরোধী শর্ত করা হইলে ? (২৯০ পৃঃ)। এ সম্পর্কে মহআলাহ এই যে, যদি ক্রয়-বিক্রয় সম্পাদনই করা হয় ঐরূপ শর্তের সহিত তবে সেই ক্রয়-বিক্রয় অশুদ্ধ হইবে ; পুনরায় ঐরূপ শর্ত ছাড়িয়া বিক্রি সম্পাদন করিতে হইবে। আর যদি বিক্রি সম্পাদনকালে নয়, উহার পূর্বে সেই শর্তের আলোচনা হইয়াছিল বা পরে বলা হইয়াছিল সে ক্ষেত্রে বিক্রি শুদ্ধ হইবে, শর্ত বাতিল গণ্য হইবে। ● খেজুর গাছের মাথি বিক্রি করা এবং উহা খাওয়া (২৯৩ পৃঃ ৫৫ হাঃ)। অর্থাৎ খেজুর গাছের মাথির মধ্যে হয় ত কিঞ্চিৎ মাদকতার ভাব থাকিতে পারে, কিন্তু সেজন্য উহা খাওয়া ও ক্রয় বিক্রয় করা দোষগীষ নহে। ● ক্রয়-বিক্রয়, লেন-দেন ইত্যাদি বিনিময়-বন্ধনে দেশ-চল এবং সচরাচর প্রচলিত অর্থ ও উদ্দেশ্য বিশেষভাবে গৃহিত হইবে (২৯৪ পৃঃ)। অর্থাৎ—ক্রয়-বিক্রয় ক্ষেত্রে অনেক বিষয়েরই নির্ধারণ ও ব্যাখ্যা উল্লেখ হয় না; সে ক্ষেত্রে ক্রয়-বিক্রয় শুদ্ধ ও নিষ্পন্ন পরিগণিত হইবে এবং অনুল্লেখ বিষয়ে দেশ-চল অর্থই প্রযোজ্য হইবে। যেমন, “সের”-এর পরিমাণ বিভিন্ন দেশে বিভিন্নরূপ—৮২১১/৩, ৮০ তোলা, ৬০ তোলা, কোন দেশে ৪০ তোলা। ক্রয়-বিক্রয়কালে সাধারণতঃ শুধু সের উল্লেখ হয় উহার ব্যাখ্যা ও পরিমাণের নির্ধারণ উল্লেখ হয় না, সে জন্ত ক্রয়-বিক্রয়ের সিদ্ধতায় কোন ক্রটি হইবে না এবং প্রত্যেক দেশে দেশ-চল অর্থই প্রযোজ্য হইবে, উহার ব্যতিক্রম দাবি প্রত্যাখ্যাত হইবে। তদ্রূপ জমির পরিমাপ বোধক বিভিন্ন পারিভাষিক শব্দ এবং বিভিন্ন বস্তুর সংখ্যা নির্ধারক পারিভাষিক শব্দ সমূহের ব্যাখ্যা বিভিন্ন অঞ্চলে বিভিন্ন রকম। এক্ষেত্রেও প্রত্যেক অঞ্চলে তথাকার দেশ-চল ব্যাখ্যাই প্রযোজ্য হইবে। ঐরূপ আরও অনেক ক্ষেত্রেই দেশ-চল এবং সচরাচর প্রচলিত অর্থ ও ব্যাখ্যা গ্রহণীয় হওয়াই সাব্যস্ত। যেমন—হাসান বছরী (রঃ) একদা এক ব্যক্তি হইতে একটি গাধা এক রোজের জন্ত বিনিময় নির্ধারিত করিয়া কেয়া নিলেন ;

পরের দিনও পুনরায় ঐ ব্যক্তিকে বলিলেন, তোমার গাধাটা দাও ; সে দিয়া দিল ; উভয়ের মধ্যে এই দিন বিনিময় নির্দ্ধারণে কোন কথা হইল না। এরূপ ক্ষেত্রে কেয়া নিষ্পন্ন ও সিদ্ধ সাব্যস্ত হইবে এবং পূর্ব দিনের বিনিময় পরিমাণই প্রযোজ্য হইবে। কারণ, এরূপ লাগালাগি আদান-প্রদান ক্ষেত্রে দ্বিতীয় বারে নূতন কোন কথা উল্লেখ করা না হইলে সচরাচর প্রথম বারের অনুরূপই সাব্যস্ত হইয়া থাকে। ● জমি, বাড়ী বা যে কোন বস্তুর মধ্যে নিজের অংশ ভাগ বটনের পূর্বে অংশীদারের নিকট বা অংশের নিকট বিক্রি করা জায়েয আছে (২৯৪ পৃঃ)। ● কেহ অথ কোন ব্যক্তির জিনিষ বিক্রি করিয়া দিল অতঃপর সেই মালিক ব্যক্তি উহাকে সম্মতি দান করিল—উক্ত ক্রয়-বিক্রয় শুদ্ধ হইয়া যাইবে (২৯৪ পৃঃ)। কোন অমোসলেম এমনকি যদি সে বিদেশীও হয় সে তাহার মালিকানার কোন জিনিষ বিক্রয় করিলে বা দান করিলে সেই বিক্রয় ও দান শুদ্ধ পরিগণিত হইবে (২৭৫ পৃঃ)। অর্থাৎ অমোসলেমদের মধ্যে মালিকানা সহ লাভের প্রথা ও রীতি-নীতি শরীয়ত বিরোধীও রহিয়াছে এবং অনেক ক্ষেত্রে অত্যাচার ও জুলুম সূত্রে অধিকার প্রতিষ্ঠা করে ; এতদসত্ত্বেও বাস্তবে ইহা অংশের হক বলিয়া প্রমাণ ও দাবী না থাকিলে সে ক্ষেত্রে তাহার সম্পাদিত লেন-দেন শুদ্ধ গণ্য হইবে।

● শুকর ক্রয়-বিক্র মোসলমানের জন্ত হারাম। কোন মোসলমানের সম্বন্ধি-কারে শুকর থাকিলে উহা যে কেহ মারিয়া ফেলিতে পারিবে ; তাহার কোন প্রকার ক্ষতিপূরণ দিতে হইবে না। ● কোন ব্যক্তি বা সম্প্রদায়কে দেশান্তরী করার সিদ্ধান্ত নিলে তাহাকে তাহার জায়গা-জমি ও জিনিষ পত্র বিক্রি করিতে বাধ্য করা যাইতে পারে। নবী (দঃ) মদীনার বিভিন্ন ইহুদী গোত্রকে তাহাদের সম্পাদিত সহ-অবস্থান ও শান্তি-চুক্তি ভঙ্গ করার এবং উস্কানী মূলক কার্য কলাপের অপরাধে মদীনা হইতে বহিষ্কারের সিদ্ধান্ত তাহাদিগকে অবগত করিয়া তাহাদের মালামাল বিক্রি করার আদেশ করিয়া ছিলেন এবং বলিয়াছিলেন, যাহা বাকি থাকিবে তাহা রাষ্ট্রস্বত্ত্ব করা হইবে (২৯৭ পৃঃ)।

● পশুর বিনিময়ে পশু বিক্রয় করতঃ এক পক্ষের নগদ তথা উপস্থিত প্রদান অপর পক্ষের বাকি—ইহা ইমাম বোখারীর মতে জায়েয (২৯৭ পৃঃ)। এ সম্পর্কে ইমাম আবু হানিফার মজহাব এইযে, উভয় পক্ষের পশু যদি এক জাতীয় না হয় এবং বাকি পক্ষের পশুটাও নির্দিষ্টকৃত হয়—শুধু হস্তান্তর বাকি থাকে সে ক্ষেত্রে বিনিময় শুদ্ধ হইবে ; আর যদি এক জাতীয় হয় কিম্বা বাকি পক্ষের পশুটা নির্দিষ্টকৃত না হয় শুধু কেবল বর্ণনার দ্বারা নির্দ্ধারিত হয়, তবে জায়েয ও শুদ্ধ হইবে না। কারণ, পশু এমন

বস্তু যাহা বর্ণিত গুণাবলীর মধ্যে থাকিয়াও মূল্যমানে পার্থক্য হইয়া থাকে, অতএব বাকিটা আদায় করার বেলায় বিবাদের সৃষ্টি হইবে। এই জন্তই টাকার বিনিময়েও অনির্দিষ্ট পশু বাকি ক্রয় করা, যেমন-নির্দিষ্ট বিবরণের দশটি গরু বা বকরি খরিদ করিল যাহা সম্মুখে উপস্থিত নাই, বিক্রেতা সংগ্রহ করিয়া দিবে; এই ক্রয়-বিক্রয় শুদ্ধ তথা বাধ্যতা-মূলক হয় না। উপস্থিত নির্দিষ্ট পশুর বিক্রয় সব রকমেই শুদ্ধ ও জায়েয হয়, এমনকি একটি ভাল বড় গরু তিনটি মন্দ বা ছোট গরুর সহিত বিনিময় করা জায়েয আছে। উভয় দিকে একই জাতীয় পশু হওয়া সত্ত্বেও বেশ কমনরূপে বিনিময় করা জায়েয, অথচ ফল বা ফসল কিম্বা ধাতব জিনিষের বিনিময়ে উভয় দিক এক জাতীয় হইলে বেশ-কমনরূপে বিনিময় জায়েয হয় না—যাহার বিস্তারিত বিবরণ পূর্বের বর্ণিত হইয়াছে।

অগ্রিম ক্রয়-বিক্রয়

অগ্রিম ক্রয়-বিক্রয়কে শরীয়তের পরিভাষায় “বাইয়ে-সলম” বলে। বাইয়ে-সলম তথা অগ্রিম ক্রয়-বিক্রয় শুদ্ধ হওয়ার জন্ত কতিপয় শর্ত আছে যাহা বিভিন্ন সুস্পষ্ট হাদীছ দ্বারা প্রমাণিত হইয়া ফেকাহ শাস্ত্রে বিস্তারিত বর্ণিত আছে। বর্তমানে আমাদের মধ্যে অগ্রিম ক্রয় বিক্রয় অনুষ্ঠিত হইয়া থাকে বটে, কিন্তু সর্বত্রই দেখা যায়, ঐ সমস্ত শর্তের লঙ্ঘন হইয়া থাকে। শর্ত লঙ্ঘন হইলে সেই ক্রয়-বিক্রয় অশুদ্ধ হয়—বাধ্যতামূলক হয় না; যে কোন পক্ষ উহা প্রত্যাখ্যান করিতে পারে।

১১২৩। হাদীছ :— عَنْ ابْنِ عَبَّاسٍ رَضِيَ اللَّهُ تَعَالَى عَنْهُمَا قَالَ قَدِمَ النَّبِيُّ صَلَّى اللَّهُ عَلَيْهِ وَسَلَّمَ الْمَدِينَةَ وَهُمْ يَسْلِفُونَ بِالْثَمَرِ السَّنَتَيْنِ وَالثَّلَاثَ فَقَالَ مَنْ أَسْلَفَ نِي شَيْءٍ فَنِي كَيْلٍ مَعْلُومٍ وَوَزْنٍ مَعْلُومٍ إِلَى أَجَلٍ مَعْلُومٍ ۝

অর্থ—আবুল্লাহ ইবনে আব্বাস (রাঃ) বর্ণনা করিয়াছেন, নবী (দঃ) যখন হিজরত করিয়া মদীনায পৌঁছিলেন তখন মদীনা অঞ্চলের লোকদের মধ্যে খেজুরের অগ্রিম ক্রয়-বিক্রয় প্রচলিত ছিল, এমনকি তাহারা দু-তিন বৎসরের অগ্রিম ক্রয়-বিক্রয় করিত।

নবী ছালাল্লাহু আলাইহে অসাল্লাম সকলকে সতর্ক করিয়া দিলেন যে, যে কেহ অগ্রিম ক্রয়-বিক্রয় করিবে তাহাকে অবশ্যই নির্দিষ্ট পরিমাণ ও ওজনের মধ্যে করিতে হইবে এবং বিক্রয় বস্তু প্রদানের দিন-তারিখ নির্দিষ্ট করিতে হইবে।

ব্যাখ্যা :— পরিমাণ ও ওজনের নির্দিষ্টতা দুই প্রকারে হইবে—সংখ্যার দিক দিয়া, যে—কত মণ বা কত সের বা কত ধামা এবং পরিমাণের দিক দিয়া অর্থাৎ কোন অঞ্চলে যদি বিভিন্ন পরিমাণের ওজন ও পরিমাপ প্রচলিত থাকে যেমন সেরের ওজন ৮২½০, ৮২, ৬০, ৪০, তোলা সে স্থলে একটি পরিমাপ নির্দিষ্ট করিয়া লইতে হইবে। অবশ্য যদি শুধু একই পরিমাণ প্রচলিত হয় তবে এই বিষয়ে নির্দিষ্ট করিতে হইবে না, প্রচলিত পরিমাণই সাব্যস্ত হইবে।

তারিখের নির্দিষ্টতা এইরূপে করিতে হইবে, যাহাতে কোন প্রকার অনির্দিষ্টতার অবকাশ না থাকে। যদি এইরূপ নির্দিষ্ট করে যে, অমুক ব্যক্তি যে দিন বাড়ী আসিবে বা যে দিন মালের পার্শ্বল আসিবে সে দিন প্রদান করিব তবে উহা শুদ্ধ হইবে না। ক্রয় বিক্রয় চূড়ান্ত করার সময় নির্দিষ্ট দিন-তারিখ অবশ্যই নির্দ্ধারিত করিতে হইবে।

১১২৪। হাদীছ :— আবুল্লাহ ইবনে আবু আওফা রাজিয়াল্লাহু তায়ালা আনহুর নিকট জিজ্ঞাসা করা হইল, রসুলুল্লাহ ছাল্লাল্লাহু আলাইহে অসাল্লামের যমানায় ছাহাবীগণ গমের অগ্রিম ক্রয়-বিক্রয় করিতেন কি ? তিনি বলিলেন, আমরা সিরিয়াস্থ এক বিশেষ শ্রেণীর লোকদের নিকট হইতে গম, যব এবং যাইতুনের তৈল নির্দিষ্ট পরিমাণে ও নির্দিষ্ট তারিখে অগ্রিম ক্রয় করিতাম।

জিজ্ঞাসাকারী পুনঃ জিজ্ঞাসা করিলেন, যাহার নিকট হইতে সেই বস্তু অগ্রিম ক্রয় করিতেন তাহা কি সেই ব্যক্তির নিকট উপস্থিত বিদ্যমান ও প্রস্তুত থাকিত ? তৎপরে তিনি বলিলেন, বিক্রেতাদের নিকট আমরা সেই প্রশ্ন করিতাম না।

জিজ্ঞাসাকারী ব্যক্তি এই বিষয়টি আবহুর রহমান ইবনে আবু'রা রাজিয়াল্লাহু তায়ালা আনহুর নিকটও জিজ্ঞাসা করিলেন। তিনিও ঐরূপই বলিলেন যে—(আমরা) ছাহাবীগণ রসুলুল্লাহ ছাল্লাল্লাহু আলাইহে অসাল্লামের বর্তমানে অগ্রিম ক্রয় করিতাম, কিন্তু বিক্রেতাদের নিকট এই প্রশ্ন আমরা করিতাম না যে, এই (বিক্রিত) ফসল তোমাদের নিকট মোজুদ আছে কি—না ?

ব্যাখ্যা :—আলোচ্য বাইয়ে-সলম বা অগ্রিম ক্রয়-বিক্রয় শুদ্ধ হওয়ার জ্ঞাত একটি বিশেষ শর্ত এই যে, ক্রয় বস্তুটির অস্তিত্ব বিদ্যমান থাকা চাই। কিন্তু ইহার অর্থ এই নয় যে, বিক্রেতার স্বহস্তে বিদ্যমান থাকা আবশ্যক। বরং সেই অঞ্চলে বা এমন স্থানে বিদ্যমান থাকা যথা হইতে আমদানী করা বিক্রেতার জ্ঞাত সম্ভব সাধ্য হয়। বিক্রেতার নিজ হস্তে বিদ্যমান থাকা যে আবশ্যক নহে তাহাই উপরোল্লিখিত হাদীছে বর্ণিত হইয়াছে। এমনকি যাহার জমি নাই সেও শস্য ফসল-শ্রেণী বস্তু অগ্রিম বিক্রি করিতে পারে যাহার বাগান নাই সেও ফল-শ্রেণী বস্তু অগ্রিম বিক্রয় করিতে পারে।

বিশেষ দ্রষ্টব্য :— আলোচ্য বাইয়ে-সলম তথা অগ্রিম ক্রয়-বিক্রয় শুদ্ধ হওয়ার জন্য সাতটি সর্ভ আছে—(১) ক্রয় বস্তুর কি জাতীয় হইবে তাহা স্পষ্টরূপে উল্লেখ করা। (২) ক্রয় বস্তুর গুণাগুণ পূর্ণরূপে বর্ণনা ও নির্ধারণ করা। (৩) ক্রয় বস্তুর পরিমাপ ও ওজন বা সংখ্যা পূর্ণরূপে নির্দিষ্ট ও নির্ধারিত করা। (৪) ক্রয় বস্তুর ক্রেতার নিকট অর্পণের দিন-তারিখ পূর্ণরূপে নির্দিষ্ট ও নির্ধারিত করা (৫) ক্রয় বস্তুর সেই অঞ্চলে প্রাপ্তির সুযোগ থাকা। (৬) বিক্রেতা কর্তৃক ক্রেতার নিকট ক্রয় বস্তুর অর্পণের স্থান নির্দিষ্ট হওয়া— যদি উহা স্থানান্তর করা ব্যয়সাপেক্ষ হয়। (৭) অগ্রিম ক্রয়-বিক্রয়ের কথাবার্তা সাব্যস্ত হওয়ার সঙ্গে সঙ্গে ক্রেতা কর্তৃক মূল্যের সম্পূর্ণ অর্থ আদায় করিয়া দেওয়া।

এই সমস্ত শর্তের কোন একটি লঙ্ঘন হইলে সে স্থলে অগ্রিম ক্রয়-বিক্রয় শুদ্ধ হইবে না, ফলে উভয় পক্ষের মধ্যে বাধ্যবাধকতা প্রতিষ্ঠিত হইবে না এবং প্রত্যেকেই স্বীয় বাক্য হইতে সরিয়া যাওয়ার অধিকারী থাকিবে ; কোন পক্ষই অপর অক্ষকে ক্রয়-বিক্রয়ের উপর বাধ্য করিতে পারিবে না।

একটি বিশেষ মছআলাহ :—

অগ্রিম ক্রয়-বিক্রয়ে ক্রয় বস্তুর শ্রেণীগত রূপগত এবং গুণাগুণগত যথাসাধ্য নির্ধারণ আবশ্যিক। কিন্তু উহাকে নির্দিষ্ট করা, যেমন—এই গাছের বা এই বাগানের ফল কিম্বা এই জমিনের ধান ; এইভাবে নির্দিষ্ট করিয়া অগ্রিম বিক্রয় করা ; সেই ফল ও ফসলের জন্ম হইয়া থাকুক কি না হইয়া থাকুক উভয় অবস্থাতেই নাজায়েয। কারণ জন্মিয়া না থাকিলে সে ক্ষেত্রে নির্দিষ্ট বস্তু উহার অস্তিত্ব ছাড়া বিক্রয় করা হইল ; আর জন্মিয়া থাকিলে অগ্রিম ক্রয়ের অর্থ এই যে, ফল বা ফসল পাকা পর্য্যন্ত গাছে বা জমিনে থাকার শর্তে ক্রয় করা হইয়াছে—উভয়টিই না জায়েয। নিম্নের হাদীছে এই মছআলাহ বর্ণিত হইয়াছে—

১১২৫। হাদীছ :— আবুল বখতারী (র:) বর্ণনা করিয়াছেন, আমি আবুল্লাহ ইবনে ওমর (রা:)কে জিজ্ঞাসা করিলাম—নির্দিষ্ট গাছ বা বাগানের খেজুর অগ্রিম ক্রয়-বিক্রয় করা সম্পর্কে। তিনি বলিলেন, নির্দিষ্ট গাছ বা বাগানের খেজুর ব্যবহারোপযোগী হওয়ার পূর্বের ক্রয়-বিক্রয় নিষিদ্ধ করা হইয়াছে। ইবনে আব্বাস (রা:)কেও ঐ মছআলাহ জিজ্ঞাসা করিলাম ; তিনিও বলিলেন, নির্দিষ্ট গাছ বা বাগানের খেজুর খাওয়ার উপযোগী হওয়ার পূর্বে বিক্রয় করিতে নবী (স:) নিষেধ করিয়াছেন।

অর্থাৎ নির্দিষ্ট গাছ বা বাগানের খেজুর বিক্রয় উপযোগী হওয়ার ক্ষেত্রে নগদ ক্রয়-বিক্রয়ই হইতে পারে ; আর উহার পূর্বের অগ্রিম ক্রয়-বিক্রয় নিষিদ্ধ।

মছআলাহ্ :— নিদ্দিষ্ট (Bill of Lading তথা।) ফর্দ বা তালিকার মাল
কিষা নিদ্দিষ্ট জাহাজে বহিত মাল অথবা নিদ্দিষ্ট কল বা কারখানার তৈরী মাল
ইত্যাদি কোন প্রকার নিদ্দিষ্ট করা পণ্য অগ্রিম ক্রয়-বিক্রয় করা নাজায়েয;
সেই ক্রয়-বিক্রয় বাধ্যতামূলক হইবে না।

মছআলাহ্ ?— মূল্য নগদ পরিশোধ করিয়া অগ্রিম ক্রয় ক্ষেত্রে ক্রয় বস্তু
পাইবার নিশ্চয়তা বিধানের জন্য জামিন বা বন্ধক গ্রহণ করা যায়।

হক্ক-শোফার বিবরণ

(১) একটি বাড়ী বা জমীনের উপর কতিপয় অংশীদার মালিক আছে তন্মধ্যে
কোন অংশীদার স্বীয় অংশ অপর ব্যক্তির নিকট বিক্রি করিলে অংশীদারগণ
(কাজীর সাহায্যে) সেই ক্রয়-বিক্রয় বাধ্যতামূলক বাতিল ও ভঙ্গ করতঃ
ঐ পরিমাণ মূল্যে সেই অংশ তাহারা গ্রহণ করিতে পারে। (২) কতিপয় ব্যক্তির
বাড়ী বা বাগান ইত্যাদি ভিন্ন ভিন্নই আছে, কিন্তু তাহাদের চলাচলের রাস্তা-
ঘাট এক ও এজমালী, এমতাবস্থায় তন্মধ্যে কোন ব্যক্তি স্বীয় বাড়ী-বাগান কোন
অপর ব্যক্তির নিকট বিক্রি করিলে, ঐ এজমালী রাস্তা-ঘাট সংশ্লিষ্ট ব্যক্তিবর্গের
অধিকার থাকিবে যে, (কাজীর সাহায্যে) সেই ক্রয়-বিক্রয় বাতিল ও ভঙ্গ
করতঃ ঐ মূল্যে তাহারা সেই বাড়ী বা বাগানকে ক্রয় করিয়া লয়। (৩) একটি
বাড়ী বা জমিনের পড়শী আছে ঐ বাড়ী বা জমিন সেই পড়শী ভিন্ন অথ কাহারও
নিকট বিক্রিত হইলে ঐ পড়শী (কাজীর সাহায্যে) সেই ক্রয়-বিক্রয়কে বাতিল ও
ভঙ্গ করতঃ সম মূল্যে ঐ বাড়ী ক্রয় করিয়া লইতে পারিবে।

উক্ত তিন প্রকার অধিকারকে “হক্ক-শোফা” বলা হয়। এই অধিকারত্রয়
শ্রেণী পর্যায়ে বলবৎ হইবে অর্থাৎ প্রথম নম্বরে বর্ণিত রকমের অধিকারী
সর্ববাগ্রে, অতঃপর দ্বিতীয় নম্বরে বর্ণিত রকমের অধিকারী, অতঃপর তৃতীয় নম্বরে
বর্ণিত রকমের অধিকারীকে হক্ক-শোফার অধিকার দান করা হইবে।

১১২৬। হাদীছ :— عن جابر رضى الله تعالى عنه قال

قَضَى رَسُولُ اللَّهِ صَلَّى اللَّهُ عَلَيْهِ وَسَلَّمَ بِالشُّفْعَةِ نِزْيَ كُلِّ مَالٍ
يُقَسَّمُ فَإِذَا وَقَعَتِ الْعُدُودُ وَصُرِفَتِ الطُّرُقُ فَلَا شُفْعَةَ ۝

অর্থ—জাবের (রাঃ) হইতে বর্ণিত আছে, রসূলুল্লাহ হালাল্লাহ আলাইহে
অসাল্লাম এই হুকুম ও কয়হালা জারী করিয়াছেন যে, এজমালী বাড়ী বা জমিনের
উপর (অংশীদারী) হক্ক-শোফার অধিকার থাকিবে যাবৎ উহা ভাগ-বন্টন করা

না হয়। প্রত্যেকের অংশ ভাগ বন্টন করিয়া সীমানাযুক্ত করিয়া এবং প্রত্যেকের নিজ নিজ রাস্তা ঘাট ভিন্ন করিয়া লওয়ার পর (অংশীদার সম্বন্ধীয়) হক্কে-শোফার অধিকার বাকি থাকিবে না।

ব্যাকারী :— পূর্বেই বলা হইয়াছে, হক্কে-শোফার অধিকার তিন প্রকারে হইয়া থাকে। অংশীদারগণের মধ্যে ভাগ-বন্টন এবং রাস্তা-ঘাট ভিন্ন হইয়া যাওয়ার পর তাহাদের জ্ঞাত প্রথম ও দ্বিতীয় প্রকারের অধিকার বাকি থাকে না, অবশ্য তৃতীয় প্রকারের অধিকার বাকি থাকিবে।

হক্কে-শোফার অধিকারীকে প্রথমে আত্মদান করা

হাকাম (রঃ) বলিয়াছেন, হক্কে-শোফার অধিকারী অস্ত্রের নিকট বিক্রি করার অনুমতি দিলে সেক্ষেত্রে তাহার হক্কে-শোফার অধিকার থাকিবে না।

শা'বী (রঃ) বলিয়াছেন, হক্কে-শোফার অধিকারীর সম্মুখে ঐ বাড়ী বা জমিন বিক্রি হইতেছে, সে তাহাতে বাধা দেয় না, তবে তাহার হক্কে-শোফা খর্ব্ব হইবে।

১১২৭। হাদীছ :—আমর ইবনে শরীদ (রঃ) বর্ণনা করিয়াছেন, আমি সায়াদ ইবনে আবি অক্বাহ রাজিয়াল্লাহু তায়ালা আনহুর নিকট উপস্থিত ছিলাম, মেসওয়ার (রাঃ)ও তখন ঐ স্থানে পৌঁছিলেন; এমতাবস্থায় আবু রাফে' (রাঃ) তথায় পৌঁছিলেন এবং সায়াদ রাজিয়াল্লাহু তায়ালা আনহুকে বলিলেন, আপনার বাড়ী সংলগ্ন আমার ঘর দুইটি আপনি ক্রয় করিয়া লউন। সায়াদ (রাঃ) বলিলেন, আমি কন্সিনকালেও উহা ক্রয় করিব না। (তখন আবু রাফে' (রাঃ) মেসওয়ার (রাঃ)কে এই বিষয় সাহায্য করার অনুরোধ জানাইলেন।) মেসওয়ার (রাঃ) সায়াদ (রাঃ)কে বলিলেন, আপনাকে খোদার কসম—আপনি নিশ্চয়ই উহা ক্রয় করিয়া লইবেন। তখন সায়াদ (রাঃ) বলিলেন, আমি কিন্তু—চার হাজার রৌপ্য মুদ্রার উর্ধ্বে উহার মূল্য দিব না—তাহাও কিস্তিতে আদায় করিব। তখন আবু রাফে' (রাঃ) বলিলেন, এই ঘরদ্বয়ের বিনিময়ে অষ্ট লোকে আমাকে নগদ পাঁচ শত স্বর্ণ মুদ্রা (যাহার মূল্য চার হাজার রৌপ্য মুদ্রা হইতে অনেক অধিক) দিতে ছিল, কিন্তু আমি যদি নবী ছালাল্লাহু আলাইহে অসাল্লামকে এই বলিতে না শুনিতাম যে, “পড়শী তাহার নিকটবর্তীতার হক্কে, তথা হক্কে-শোফার মধ্যে (দূরস্থিত লোকদের তুলনায়) অগ্রগণ্য” তবে আমি পাঁচ শত স্বর্ণ মুদ্রা লাভের সুযোগ পাওয়া অবস্থায় চার হাজার রৌপ্য মুদ্রার বিনিময়ে কখনও এই ঘর দিতাম না। এই বলিয়া তিনি সায়াদ (রাঃ)কে ঘর দিয়া দিলেন।

মছআলাহ :—হক্কে-শোফার অধিকারী অপর ক্রেতার সমমূল্য প্রদানে রাজী না হইলে তাহার দাবী বাতিল হইয়া যায়। উল্লেখিত ঘটনায় হযরতের হাদীছের প্রতি বিশেষ অনুকম্পিত বশে সৌজন্যমূলক ব্যবহার করা হইয়াছে।

মছআলাহ :—বাড়ীর একাধিক পড়শীর ক্ষেত্রে যাহার বাড়ীর সদর দরজা অধিক নিকটবর্তী তাহাকে অগ্রগণ্য করা হইবে।

পারিশ্রমিকে কাহারও দ্বারা কাজ নেওয়া

আল্লাহ তায়ালা কোরআন শরীফে এক ঘটনার বর্ণনায় উল্লেখ করিয়াছেন—

إِنَّ خَيْرَ مَنِ اسْتَأْجَرَْتَ الْتَقْوَى الْأَمِينُ

“সর্বোত্তম শ্রমিক, শক্তিশালী আমানতদার বিশ্বস্ত শ্রমিক” এই আয়াত দ্বারা প্রমাণিত হয় যে, শ্রমিক নিয়োগ করা কালীন শ্রমিক সং হওয়ার প্রতি লক্ষ্য রাখা চাই।

মোসলমান শ্রমিক না পাইলে অমোসলেম নিয়োগ করা

রশুন্নাহ ছাল্লাল্লাহু আলাইহে অসাল্লাম ‘খয়বর’ জয় করিয়া উহার খেত-খামার ও বাগ-বাগিচা তথাস্থিত বাসিন্দা ইহুদীদিগকেই উৎপন্নের ভাগীরূপে কাজ করার জ্ঞাত দিয়াছিলেন। (কারণ তথায় মোসলমানদের বসবাস ছিল না)।

১১২৮। হাদীছ :—আয়েশা (রাঃ) বর্ণনা করিয়াছেন, নবী ছাল্লাল্লাহু আলাইহে অসাল্লাম এবং আবু বকর (রাঃ) হিজরত করা কালীন বনী-দীল গোত্রের এক ব্যক্তিকে মজুরি দানে তাঁহাদের সঙ্গে পথ প্রদর্শকরূপে যাওয়ার জ্ঞাত সাব্যস্ত করিলেন; ঐ ব্যক্তি অমোসলেম ছিল, কিন্তু উহার উপর তাঁহাদের আস্থা ছিল, তাই তাঁহারা তাঁহাদের যানবাহন ঐ ব্যক্তির হাওয়ালা করিলেন এবং বলিয়া দিলেন যে, (আমরা অতীত রওয়ানা হইব,) তিন রাত্র অতিবাহিত হওয়ার পর আমাদের যানবাহন লইয়া তুমি ‘ছবর’ পাহাড়ের গুহার নিকট উপস্থিত হইও। ঐ ব্যক্তি তাহাই করিল—তিন রাত্রি অতিবাহিত হওয়ার পর যানবাহন লইয়া তথায় উপস্থিত হইল এবং তাঁহাদিগকে লইয়া সমুদ্র কুলের পথে মদীনা যাত্রা করিল।

শ্রমিক মজুরী না নিয়া চলিয়া গেলে

উহা তাহার প্রাপ্য থাকিবে

১১২৯। হাদীছ :—আবদুল্লাহ ইবনে ওমর (রাঃ) বলিয়াছেন, আমি রশুন্নাহ ছাল্লাল্লাহু আলাইহে অসাল্লামকে এই ঘটনা বর্ণনা করিতে শুনিয়াছি, পূর্বকালের কোন এক উন্মত্তের তিন ব্যক্তি একদা ভ্রমণে বাহির হইল এবং পথিমধ্যে বৃষ্টিপাত আরম্ভের দরুন তাহারা একটি পাহাড়ী গুহার ভিতর আশ্রয় নিল এবং তথায় তাহারা নিজের ব্যবস্থাও করিল। ইহাং একটি বিরাট পাথর

পাহাড় হইতে পিহলিয়া পড়িয়া গুহার মুখে সম্পূর্ণ আবদ্ধ করিয়া দিল এবং ঐ তিন ব্যক্তি গুহার ভিতর অবরুদ্ধ হইয়া পড়িল। এমনভাবে তাহারা পরস্পর বলাবলি করিল যে, প্রত্যেকেই নিজ নিজ সর্বোত্তম নেক আমল উল্লেখ করতঃ উহার অছিল। ধরিয়া আল্লাহ তায়ালার নিকট দোয়া কর, ইহা ব্যতিরেকে উপস্থিত বিপদ হইতে রক্ষা পাইবার কোন উপায় দেখা যায় না।

অতঃপর তাহাদের মধ্যে এক ব্যক্তি এইরূপে দোয়া করিল—হে আল্লাহ! আমার বৃদ্ধ মাতা-পিতা ছিলেন; আমি কখনও তাঁহাদের খাওয়ার ব্যবস্থা না করিয়া আমার স্ত্রী-পুত্র, চাকর-বাকরানীকে খাইতে দিতাম না। এক দিনের ঘটনা এই যে, আমি কোন জিনিসের তালাশে বহু দূরে চলিয়া যাই, তথা হইতে আমার ফিরিতে রাত্র হইয়া যায়। আমি বাড়ী আসিয়া দুগ্ধ দোহন করতঃ তাঁহাদের নিকট উপস্থিত হইয়া দেখি তাঁহারা উভয়েই নিদ্রামগ্ন হইয়া গিয়াছেন। তাঁহাদের আহ্বানের পূর্বে আমার স্ত্রী-পুত্র চাকর-বাকরানীকে আহ্বার করিতে দেওয়া আমি ভাল মনে না করিয়া দুগ্ধের পেয়ালা হাতে লইয়া আমি তাঁহাদের নিকটবর্তী দাঁড়াইয়া থাকিলাম। আমি তাঁহাদের নিদ্রা ভঙ্গের অপেক্ষা করিতে ছিলাম; সারা রাত্র আমি দাঁড়াইয়া রহিলাম, কিন্তু তাঁহাদের নিদ্রা ভঙ্গ হইল না। এদিকে আমার ছেলেমেয়ে ঐ দুগ্ধ পানের জন্ত আমার পায়ে পড়িয়া চীৎকার করিতেছিল। এই অবস্থায় রাত্র প্রভাত হইয়া গেল। অতঃপর তাঁহারা নিদ্রোখিত হইলেন এবং সেই দুগ্ধ পান করিলেন! মাতা-পিতার খেদমতে এইরূপে আত্মনিয়োগ করা—হে অন্তর্যামী খোদা! তুমি জান যে, আমি একমাত্র তোমার সন্তুষ্টি হাসিলের উদ্দেশ্যেই করিয়াছি, তাই তুমি স্বীয় কৃপাবলে আমাদের হইতে এই পাথরের বিপদ দূর করিয়া দাও। এই দোয়া করার পর পাথরটি কিছু পরিমাণ গুহা-মুখ হইতে সরিয়া পড়িল, গুহা-মুখ অল্প পরিমাণ উন্মুক্ত হইল, কিন্তু মানুষ বাহির হওয়ার পরিমাণ প্রশস্ত নহে।

নবী (দঃ) বলিয়াছেন, দ্বিতীয় ব্যক্তি এইরূপ দোয়া করিল—হে আল্লাহ! আমার চাচার সম্পর্কীয় একটি ভগ্নি ছিল; আমি তাঁহার প্রতি অত্যধিক আনন্দ ছিলাম। আমি তাহাকে বহুবার আমার মনোবাঞ্ছা পূরণের আত্মন করিয়াছি, কিন্তু সে কখনও আমার আত্মনায় সাড়া দেয় নাই, সর্বদা সে নিজেকে পবিত্র রাখিয়াছে। অতঃপর এক ভীষণ ছভিকের বৎসর সে আমার নিকট সাহায্যের জন্ত উপস্থিত হইল। আমি তাহাকে এক শত কুড়িটি স্বর্ণ মুদ্রা দান করিলাম এই শর্তে যে, সে নিজেকে আমার জন্ত ছাড়িয়া দিবে। সে তখন অগত্যা রাজি হইল; আমি যখন দীর্ঘ দিনের কামনা পূরণের জন্ত

উত্ত হইয়া তাহার মুখামুখী বসিলাম। তখন সে আমাকে বলিল, হালাল ও জায়েয সূত্রে আবদ্ধ না হইয়া চিরজীবনের অস্পৃশিত বস্তুর পবিত্রতা নষ্ট করিতে আমি তোমাকে সম্মতি দেই না, তুমি আল্লাহকে ভয় কর। তখন এই কার্যকে গোনাহ ও পাপ বলিয়া উপলব্ধি করার সুবুদ্ধি আমার উদয় হইল এবং পাপ ও গোনাহ হইতে বাঁচিবার মানসে তাহাকে স্পর্শ না করিয়া সরিয়া পড়িলাম, অথচ সে আমার অত্যাধিক আসক্তির বস্তু ছিল এবং ঐ এক শত কুড়িটি স্বর্ণ-মুদ্রা তাহাকে দিয়া দিলাম। হে অন্তর্যামী আল্লাহ! তুমি জান, একমাত্র তোমার ভয়ে এবং তোমাকে সন্তুষ্ট করার জন্য আমি স্বীয় বাসনা পূরণের সুযোগ পাইয়াও ছাড়িয়া দিয়াছি, তুমি স্বীয় কৃপাবলে আমাদিগকে বিপদমুক্ত কর। তখন গুহার মুখ আরও উন্মুক্ত হইল, কিন্তু এইবারও মানুষ বাহির হওয়ার পরিমাণ হইল না।

হযরত নবী (দঃ) বলিয়াছেন, তৃতীয় ব্যক্তি এইরূপ দোয়া করিল—হে আল্লাহ! আমি কতিপয় মজুরকে কার্যে নিয়োগ করিয়াছিলাম। তাহাদের প্রত্যেকেই স্বীয় মজুরি লইয়া চলিয়া গিয়াছিল, কিন্তু তন্মধ্যে এক জন তাহার মজুরি না লইয়া চলিয়া গিয়াছিল। তাহার মজুরি ছিল এক ধান। আমি ঐ ধানকে বপন করিলাম এবং উহার উৎপন্নের আয় দ্বারা উট ক্রয় করিলাম এইরূপে গরু, ছাগল এবং ক্রীতদাসও ক্রয় করিলাম। কিছুদিন পর ঐ মজুর আসিল এবং মজুরির দাবী জানাইল। আমি তাহাকে বলিলাম, এই সব গরু, ছাগল, উট ও ক্রীতদাস সমস্তই তোমার। সে বলিল, আমার সঙ্গে বিক্রয় করিবেন না; আমি বলিলাম, বিক্রয় আমি মোটেই করি না (—এই বলিয়া তাহাকে বিস্তারিত ঘটনা বলিলাম।) তখন সে ঐসব লইয়া চলিয়া গেল। হে আল্লাহ! তুমি জান আমি একমাত্র তোমার ভয়ে এবং তোমার সন্তুষ্টির উদ্দেশ্যে এরূপ করিয়াছিলাম; তুমি স্বীয় কৃপাবলে আমাদিগকে বিপদ মুক্ত কর। তৎক্ষণাৎ গুহার মুখ পূর্ণ উন্মুক্ত হইয়া গেল তাহার। গুহা হইতে বাহির হওয়ার সক্ষম হইল।

ঝাঁড়-ফুক ইত্যাদি বিভিন্ন কার্যের বিনিময় গ্রহণ করা

ইবনে আব্বাস (রাঃ) বলিয়াছেন, (কোন প্রকার শরীয়ত বিরোধী মত পড়িয়া ঝাঁড়-ফুক করার বিনিময় গ্রহণ করার তুলনায়) আল্লাহ কালাম দ্বারা ঝাঁড়-ফুক করিয়া বিনিময় গ্রহণ করার অধিকার সুস্পষ্ট।

বিশিষ্ট তাবেয়ী শা'বী (র:) বলিয়াছেন, আল্লার কালাম শিক্ষা দানকারী বিনিময়ের শর্ত করিতে পারিবে না। শর্তহীন অবস্থায় তাঁহাকে কিছু দেওয়া হইলে তিনি তাহা গ্রহণ করিতে পারিবেন।

হাকাম (র:) বলিয়াছেন, শিক্ষকতার বিনিময় গ্রহণ নাজায়েয বা মকরুহ নহে।

হাসান বছরী (র:) স্বীয় ভাতিজার শিক্ষককে দশটি রৌপ্য মুদ্রা দিয়াছেন।

ইবনে সীরীন (র:) বলিয়াছেন, ভাগ-বন্টনকারী আমিন ইত্যাদিকে আয্য পারিশ্রমিক দান করা দোষণীয় নহে ; ইহাকে উৎকোচ বলা হইবে না। তিনি বলিয়াছেন—বিচার কার্য্যে বাদী বিবাদীর নিকট হইতে কোন বস্তু গ্রহণ করিলে উৎকোচ বলা হইবে—যাহা হারাম। হাদীছ শরীফে বর্ণিত আছে, উৎকোচের ধন উপভোগকারীর দেহ জাহান্নামের অগ্নিরই উপযোগী।

কোন কোন আলেমের মতে জরিপ কার্য্যের দ্বারা ভাগ-বন্টন করা বিচার বিভাগীয় কার্য্যের অন্তর্ভুক্ত, তাই এই কাজের ব্যক্তিগণ সরকারীভাবে নিয়োজিত হইবে। পক্ষদ্বয়ের নিকট হইতে তাহারা কিছু গ্রহণ করিবে না।

১১৩০। হাদীছ :- আবু সাযীদ খুদরী (রা:) বর্ণনা করিয়াছেন, নবী ছাল্লাল্লাহু আলাইহে অসাল্লামের (ত্রিশ জন) ছাহাবীর একটি দল (জেহাদের জন্ত) ভ্রমণ অবস্থায় (রাতিবেলা) কোন এক বস্তিতে বিশ্রাম গ্রহণ পূর্বক বস্তিবাদীদের অনুগ্রহ প্রার্থী হইলেন। বস্তিবাসিগণ তাঁহাদের কোন প্রকার সহায়তা করিতে অসম্মতি জ্ঞাপন করিল।

এমতাবস্থায় সেই বস্তির সর্দার সর্প দংশিত হইলেন এবং বস্তিবাসিগণ তাহার জন্ত সকল প্রকার চেষ্টা-তদবীর করিল ; কোন ফল লাভ হইল না। তখন তাহাদের কেহ কেহ এরূপ পরামর্শ দিল যে, রাতিবেলা যে একদল বিদেশী পথিক আসিয়াছিল তাহাদের খোঁজ করিয়া দেখা যাউক ; তাহাদের নিকট কোন চেষ্টা-তদবীর থাকিতে পারে। অতঃপর বস্তিবাসিদের এক প্রতিনিধি ছাহাবীগণের সঙ্গে সাক্ষাৎ করিয়া ঘটনা ব্যক্ত করিল যে, আমাদের বস্তির সর্দার সর্প দংশিত হইয়াছে এবং আমাদের সমস্ত চেষ্টা-তদবীর বিফল গিয়াছে ; আপনাদের কাহারও নিকট কোন চেষ্টা-তদবীর আছে কি ? ছাহাবীদের মধ্য হইতে একজন (দাঁড়াইলেন—যাঁহাকে আমরা ঝাঁড়-ফুককারী ধারণা করিতাম না ; তিনি) বলিলেন, হাঁ—আমি ঝাঁড়-ফুক করিয়া থাকি। কিন্তু আমরা আপনাদের অনুগ্রহ প্রার্থনা করিয়াছিলাম আপনারা তাহাতে সম্মত হন নাই, এখন আমি ঝাঁড়-ফুক করিব না—যাবৎ আমাকে বিনিময় দান না করিবেন। তখন উভয় পক্ষের মধ্যে এক দল (ত্রিশটি) বকরি দান করা সাব্যস্ত হইল এবং ঐ ছাহাবী সেই দংশিত ব্যক্তির নিকট উপস্থিত হইয়া

“আলহামহু” সূরা পাঠ করতঃ তাহার উপর (সাতবার) ফুক দিলেন। দংশিত ব্যক্তি পূর্ণ মুক্ত ও সুস্থ হইয়া উঠিল এবং তৎক্ষণাৎ চলাফেরা করিতে লাগিল, সে যেন পূর্বের অসুস্থই ছিল না। তখন বস্তিবাসিগণ নির্দ্বারিত বিনিময় পরিশোধ করিয়া দিল। ঐ ছাহাবী ফিরিয়া আসিলে সকলেই অবাক হইলেন এবং বলিলেন, আপনি ত ঝাঁড়-কুঁকের কাজে অভ্যস্ত ছিলেন না। ছাহাবীগণের কেহ কেহ প্রস্তাব করিলেন, এই সব বকরি আমাদের মধ্যে বণ্টন করিয়া দেওয়া হউক। কিন্তু ঝাঁড়-ফুককারী ছাহাবী বলিলেন, এখন কিছুই করিবেন না, যাবৎ আমরা নবী ছাল্লাল্লাহু আলাইহে অসাল্লামের নিকট উপস্থিত হইয়া ঘটনা ব্যক্ত না করি এবং এই ব্যাপারে তাহার অভিমত না শুনি।

ছাহাবীগণ নবী ছাল্লাল্লাহু আলাইহে অসাল্লামের নিকট উপস্থিত হইয়া ঘটনা বর্ণনা করিলেন। নবী ছাল্লাল্লাহু আলাইহে অসাল্লাম বলিলেন, তুমি কিরূপে জান যে, এই সূরা দ্বারা ঝাঁড়-ফুক করা যায়? (ছাহাবী বলিলেন, আমার মনে এরূপ জাগিয়া ছিল।) নবী (দঃ) বলিলেন, তোমরা কোন অশুদ্ধ কাজ কর নাই; সকলে ইহা বণ্টন করিয়া লও এবং হানিমুখে বলিলেন—আমার জন্তও এক অংশ রাখ।

রক্তমোক্ষণ কার্যের পারিশ্রমিক

১১৩১। হাদীছঃ— তাবেয়ী আমর ইবনে আমের (রঃ) বর্ণনা করিয়াছেন, আনাছ (রাঃ) বলিয়াছেন, নবী ছাল্লাল্লাহু আলাইহে অসাল্লাম রক্তমোক্ষণ করাইতেন এবং (রক্তমোক্ষণকারী) কাহাকেও তাহার পারিশ্রমিক কম দিতেন না।

ব্যাখ্যাঃ— পূর্বের এক হাদীছে রক্তমোক্ষণ কার্যের উপার্জনকে নিষিদ্ধ বলা হইয়াছে। অথচ উল্লেখিত হাদীছ এবং ১০৭৬ ও ১০৭৭ নং হাদীছে বর্ণিত আছে, নবী (দঃ) স্বয়ং এই কার্যের পারিশ্রমিক প্রদান করিয়াছেন। উভয় শ্রেণীর হাদীছ দৃষ্টে দুইটি বিষয় উপলব্ধি করা যায়—প্রথম এই যে, রক্তমোক্ষণ কার্যের উপার্জনে নিষিদ্ধ অর্থাৎ পছন্দনীয় নহে, অবশ্য হারামও নহে। দ্বিতীয় এই যে, এহীতার জন্ত এরূপ উপার্জনে লিপ্ত না হওয়া চাই, কিন্তু দাতার কর্তব্য এই যে, কোন মানুষকে বিনা পারিশ্রমিকে খাটাইবে না।

ষাঁড়ের পাল ও প্রজবানের মজুরি

১১৩২। হাদীছঃ— عَنْ ابْنِ مَرْزُوقٍ رَضِيَ اللَّهُ تَعَالَى عَنْهُ قَالَ
ذَهَبَ النَّبِيُّ صَلَّى اللَّهُ عَلَيْهِ وَسَلَّمَ عَنْ عَسْبِ الْفَحْلِ ۝

অর্থ—আবদুল্লাহ ইবনে ওমর রাজিয়াল্লাহু তায়ালা আনহু হইতে বর্ণিত আছে, নবী ছালাল্লাহু আলাইহে অসাল্লাম ষাঁড় দ্বারা পাল ও প্রজনন (Breeding) দিয়া উহার বিনিময় ও মজুরি গ্রহণ করিতে নিষেধ করিয়াছেন।

বাখ্যা ৩:—উল্লিখিত হাদীছের তাৎপর্য বিশ্লেষণে ইমাম আবু হানিফা (র:) বলিয়াছেন—উক্ত কার্যের বিনিময় ও মজুরী গ্রহণ নিষিদ্ধ ও হারাম। ইমাম মালেক (র:) বলিয়াছেন—এই নিষেধাজ্ঞা সৌজন্যমূলক এবং মোসলেম জাতি ও সমাজের বৈশিষ্ট্য-মূলক নিষেধাজ্ঞা। অর্থাৎ মোসলেম জাতি মহান ও উচ্চতর জাতি; তাহাদের কার্যক্রম, ব্যবসা-বাণিজ্য ও আচার-ব্যবহার উচ্চমানের হওয়া আবশ্যক। উল্লিখিত কার্যের দ্বারা পরোপকার করার সুযোগ কোন মোসলমানের থাকিলে বিনিময় ব্যতিরেকেই সেই কার্য সমাধা করিয়া দিবে।

কতিপয় পরিচ্ছেদের বিষয়াবলী

● শ্রমিকের অগ্রিম বিনিয়োগ শুদ্ধ হয়। অর্থাৎ যেমন—অল্প বিনিয়োগ সাব্যস্ত হইল, কিন্তু কাজে যোগদিলে তিন দিন, এক মাস বা এক বৎসর পর—এরূপ চুক্তি শুদ্ধ ও বাধ্যতামূলক হইবে। কাজে যোগদানের নির্ধারিত সময় আসিলে উভয়ে চুক্তি রক্ষায় বাধ্য থাকিবে (৩০১ পৃঃ)। ● কাজের চুক্তি না করিয়া সময়ের চুক্তিতে শ্রমিক নিয়োগ করা জায়েয। (এ) ● সময়ের চুক্তি না করিয়া নির্ধারিত কাজের চুক্তিতে শ্রমিক নিয়োগ করাও জায়েয। (এ)।

সময়ের চুক্তিতে সময়ের নির্ধারণ আবশ্যক; যে কোন সূত্রেই নির্ধারণ হউক। যেমন, অর্দ্ধ দিন বা আছরের নামায পর্য্যন্ত (৩০২ পৃঃ)। ● শ্রমিকের পারিশ্রমিক না দেওয়া এত বড় গোনাহ যে, কেয়ামতের দিন এরূপ ব্যক্তির বিরুদ্ধে স্বয়ং আল্লাহ তায়ালা বাদী হইবেন (এ)। ● সাধারণে সময় নির্ধারণ যে সূত্রে বুঝিতে পারে উহা দ্বারাই সময়ের চুক্তি শুদ্ধ হইবে। যেমন—আছর হইতে রাত্র পর্য্যন্ত (এ)। ● কোন জিনিষ ক্রয় বা বিক্রয় করিতে দালালী করার পারিশ্রমিক লওয়া জায়েয। ইবনে আব্বাস (রা:) বলিয়াছেন, যদি এরূপ চুক্তি করে যে, আমার এই কাপড় বিক্রি করিয়া দাও, মূল্য এত টাকার উপরে যাহা হইবে তাহা তোমার—ইহা জায়েয। ইবনে সীরীন (র:) বলিয়াছেন, এরূপ চুক্তি করা জায়েয যে, আমার এই জিনিষ এত টাকায় বিক্রি কর; ইহাতে লভ্যাংশ আমাদের উভয়ের মধ্যে বন্টিত হইবে (৩০৩ পৃঃ)। ● অমোসলেমদের দেশে কোন মোসলমান প্রয়োজনে অমোসলেমদের চাকুরী করিতে পারে (৩০৪ পৃঃ)। অবশ্য এরূপ কাজের চাকুরী করিতে পারিবে না যে কাজ মোসলমানের জগ্ন করা জায়েয নহে বা যে কাজে মোসলেম জাতির ক্ষতি সাধন হয়।) সকল

ইমামগণেরই মজহাব এই যে, মোসলমান দেশে কোন মোসলমান অমোসলেমেয়
এরূপ চাকুরী গ্রহণ করিবে না যাহা অতি নিম্নস্তরের কাজ ; যেমন, বাড়ী-ঘরে
সাধারণ কাজ-কর্মের চাকর বা ভৃত্য হওয়া (ফতহুলবারী, ৪—৩৫৭)।

● বেশাবৃত্তির উপাঙ্গন হারাম ; তদ্রূপ যে কাজ শরীয়তে নাজায়েয উহার
উপাঙ্গনও নাজায়েয (এ)। ● কোন কিছু কেরার উপর গ্রহণ করা হইলে চুক্তির
মেয়াদ শেষ হওয়ার পূর্বে যদি কোন পক্ষের মৃত্যু হয় তাহাতে চুক্তি ভঙ্গ হইবে না,
চুক্তির মেয়াদ পর্য্যন্ত চুক্তি বলবৎ থাকিবে। মৃত্যু পক্ষের উত্তরাধিকারীগণ চুক্তি পালনে
বাধ্য থাকিবে (৩০৫)। ইহা অধিকাংশ ইমামগণের মত। হানফী মজহাব মতে
যে কোন এক পক্ষের মৃত্যুতে সাধারণতঃ চুক্তি বাতিল হইয়া যাইবে ; তাহার উত্তরা-
ধিকারীগণ চুক্তি পালনে বাধ্য হইবে না, যদিও চুক্তির মেয়াদ বাকি থাকে। অবশ্য
বিশেষ প্রয়োজন ক্ষেত্রে চুক্তি বলবৎ থাকিবে (এনায়াহ—শরহে হেদায়াহ দ্রষ্টব্য)।

এক জনের দেনা অন্য জনের উপর বরাত দেওয়া

হাসান বহরী (রাঃ) বলিয়াছেন, একজনের ঋণ অপরজনের উপর দেওয়া তখনই
শুদ্ধ হইবে যখন ভার অর্পণকালে অপিত ব্যক্তি উক্ত ঋণ আদায়ে সামর্থ্যবান হয়।

ইবনে আব্বাস (রাঃ) বলিয়াছেন, মৃত ব্যক্তির ত্যজ্য সম্পত্তির উত্তরাধিকারীগণ
পরস্পর সম্পত্তি এইরূপে বণ্টন করিয়াছে যে, একজনে নগদ মালামাল নিয়াছে
এবং আর একজনে অপরের নিকটে পাওনা ঋণ বুঝিয়া নিয়াছে। সে ক্ষেত্রে
যদি ঐ ঋণ উসূল না হয় সেজ্ঞ সে নগদ মালামাল গ্রহণকারীর উপর কোন
দাবী করিতে পারিবে না (৩০৫)।

১১৩৩। হাদীছ :— عَنْ أَبِي هُرَيْرَةَ رَضِيَ اللَّهُ تَعَالَى عَنْهُ

إِنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ قَالَ مَطْلُ الْغَنِيِّ ظُلْمٌ فَإِذَا

أُتْبِعَ أَحَدُكُمْ عَلَى مَلِيٍّ فَلْيَتَّبِعْ ۝

অর্থ—আবু হুরায়রা (রাঃ) বর্ণনা করিয়াছেন, রসূলুল্লাহ আলাল্লাহু আলাইহে
অসাল্লাম বলিয়াছেন, দেনা পরিশোধের সামর্থ্য থাকা সত্ত্বে পাওনাদারকে ঘুরানো
প্রকৃত প্রস্তাবে জুলুম ও বড় অত্যাচার। কাহারও পাওনা পরিশোধে দেনাদার বত্বক
কোন সামর্থ্যবান ব্যক্তির বরাত দেওয়া হইলে সেই বরাত গ্রহণ করা উচিত।

মৃত ব্যক্তির ঋণের ভার গচ্ছিয়া লওয়া

১১৩৪। হাদীছ :—নালামা-তুবনল-আকওয়া (রাঃ) বর্ণনা করিয়াছেন, একদা

আমরা নবী ছাল্লাল্লাহু আলাইহে অসাল্লামের নিকট বসিয়াছিলাম, এমতাবস্থায়

একটি জানাযা উপস্থিত করা হইল এবং সকলেই রসুলুল্লাহ ছালাল্লাহু আলাইহে অসাল্লামের খেদমতে জানাযার নামায পড়াইবার অনুরোধ করিল। হযরত (দঃ) জিজ্ঞাসা করিলেন এই ব্যক্তির উপর ঋণ আছে কি? সকলেই উত্তর করিল—না। তিনি জিজ্ঞাসা করিলেন, কোন পরিত্যক্ত সম্পত্তি আছে কি? সকলেই উত্তর করিল—না। হযরত (দঃ) তাহার জানাযার নামায পড়াইয়া দিলেন।

অতঃপর দ্বিতীয় একটি জানাযা উপস্থিত করা হইল সকলেই হযরত (দঃ)কে জানাযার নামায পড়াইবার জন্ত অনুরোধ করিল। তিনি জিজ্ঞাসা করিলেন, তাহার উপর কোন ঋণ আছে কি? সকলেই উত্তর করিল—হাঁ। তিনি জিজ্ঞাসা করিলেন, পরিত্যক্ত সম্পত্তি আছে কি? সকলেই উত্তর করিল—হাঁ। তিনটি দিনার (স্বর্ণ মুদ্রা) আছে। হযরত (দঃ) তাহারও জানাযার নামায পড়াইলেন।

অতঃপর তৃতীয় একটি জানাযা উপস্থিত করা হইল এবং সকলেই নবী (দঃ)কে তাহার জানাযার নামায পড়াইবার জন্ত অনুরোধ করিল। তিনি জিজ্ঞাসা করিলেন, তাহার পরিত্যক্ত সম্পত্তি আছে কি? সকলেই উত্তর করিল—না। তিনি জিজ্ঞাসা করিলেন, তাহার উপর ঋণ আছে কি? সকলেই উত্তর করিল, হাঁ—তিন দিনার। তখন নবী (দঃ) (স্বয়ং তাহার জানাযার নামায পড়াইতে অস্বীকার করতঃ) উপস্থিত ব্যক্তিবর্গকে বলিলেন, তোমরা তাহার জানাযার নামায পড়। এই অবস্থা দৃষ্টে আবু কাতাদা (রাঃ) আরজ করিলেন, ইয়া রসুলুল্লাহ! আপনি তাহার জানাযার নামায পড়াইয়া দিন, তাহার ঋণ পরিশোধের ভার আমি গছিয়া নিলাম। রসুলুল্লাহ (দঃ) আবু কাতাদা (রাঃ)কে বলিলেন, এই দিনার কয়টি পরিশোধ করা তোমার জিম্মায় রহিল এবং মৃত ব্যক্তি খালাস পাইয়া গেল? আবু কাতাদা (রাঃ) বলিলেন—হাঁ। হযরত তাহার জানাযার নামায পড়াইলেন। (রসুলুল্লাহ ছালাল্লাহু আলাইহে অসাল্লামের সঙ্গে আবু কাতাদা রাজিয়াল্লাহু তায়ালা আনহুর সাফাৎ হইত : তিনি তাঁহাকে জিজ্ঞাসা করিতেন, দিনার কয়টির কি করিয়াছ? একদা আবু কাতাদা (রাঃ) বলিলেন, ইয়া রসুলুল্লাহ! উহা পরিশোধ করিয়া দিয়াছি। রসুলুল্লাহ (দঃ) বলিলেন, এখন মৃত ব্যক্তিকে শাস্তি দান করিয়াছ।)

কোন ব্যাপারে জামিন হওয়া বা জামিন গ্রহণ করা

আমীরুল-মোমেনীন ওমর (রাঃ) হামজা ইবনে আমর (রাঃ)কে কোন এক এলাকার তশীলদার রূপে প্রেরণ করিলেন। তিনি তথায় এরূপ একটি ঘটনা অবগত হইলেন যে এক ব্যক্তি স্বীয় স্ত্রীর ক্রীতদাসীর সঙ্গে যেনা করিয়াছে। তিনি ঐ ব্যক্তিকে যেনার শাস্তি দান করিতে চাহিলেন, কিন্তু স্থানীয় লোকগণ বলিল, এই ঘটনা পূর্বেই প্রকাশ পাইয়াছে এবং আমীরুল-মোমেনীন

ওমর (রাঃ) ইহার শাস্তি দান করিয়াছেন। হামজা ইবনে আমর (রাঃ) আরীকুল মোমেনীন ওমর রাজিয়াল্লাহু তায়ালা আনহুর নিকট হইতে উক্ত বিষয়ের সঠিক তথ্য জ্ঞাত হওয়া সাপেক্ষে আসামীর নিকট হইতে এক ব্যক্তির জামিন গ্রহণ করিলেন। বস্তুতঃ স্থানীয় লোকগণের খবর সত্যই ছিল—ওমর রাজিয়াল্লাহু তায়ালা আনহু তাহাকে একশত বেত্রাঘাত করিয়াছিলেন।

জ্ঞাতব্যঃ—আসামী ব্যক্তি বিবাহিত ছিল, তাই তাহার উপর যেমার শাস্তি এই ছিল যে, তাহাকে প্রস্তরাঘাতে বধ করা হউক, কিন্তু এখানে শরীয়তের উপধারা অনুযায়ী উহার ব্যতিক্রম হইয়াছিল। ঐ ব্যক্তির ধারণা এই ছিল যে, স্বামী-স্ত্রী উভয়ে একে অন্নের চিজ-বস্তু ব্যবহার করিতে পারে, সেই সূত্রে সে স্বীয় স্ত্রীর ক্রীতদাসীকে ব্যবহার করা এবং তাহার সঙ্গে সঙ্গম করা জায়েজ বলিয়া ধারণা করিয়াছিল। এরূপ একটি স্বাভাবিক হেতুজনক ধারণার পরিপ্রেক্ষিতে ঐ কার্য হওয়ায় তাহার প্রতি প্রস্তরাঘাতে প্রাণদণ্ডের আদেশ রহিত হইয়া যায়, কিন্তু এরূপ আবশ্যকীয় মহাআলাহ হইতে অজ্ঞ থাকায় তাহাকে অপরাধী সাব্যস্ত করা হয় এবং খলীফা বা তাহার প্রতিনিধি কাজীর বিবেচনানুযায়ী তাহাকে একশত বেত্রাঘাতের শাস্তি প্রদান করা হয়।

● হারেছা ইবনে মোজাররাব (রাঃ) বর্ণনা করিয়াছেন, একদা আমি একস্থানে প্রসিদ্ধ ছাহাবী আবদুল্লাহ ইবনে মসউদ রাজিয়াল্লাহু তায়ালা আনহুর পেছনে ফজরের নামায পড়িলাম (তিনি তখন ঐ এলাকার শাসনকর্তা)। নামাযান্তে এক ব্যক্তি তাঁহাকে এই বিষয় খবর দিল যে, আমি বনী-হানিফা গোত্রের মসজিদে গিয়াছিলাম; তথাকার (ইমাম ও সরদার) আবদুল্লাহ ইবনে নাওয়াহার মোয়াজ্জেনকে “আশহাহু আন্না মোসায়লামা রসুলুল্লাহ” (অর্থাৎ মোহাম্মদ মোসায়লামা আল্লার রসূল) বলিতে শুনিয়াছি।* আবদুল্লাহ ইবনে

* মোহাম্মদ মোসায়লামা নবী হওয়ার মিথ্যা দাবীদার ছিল, তাই তাহাকে মোহাম্মদ মোসায়লামা কান্দাজ অর্থাৎ মিথ্যাবাদী মোহাম্মদ মোসায়লামা বলা হইত। সে হযরত রসুলুল্লাহ ছাল্লাল্লাহু আলাইহে অসাল্লামের যমানায় এই মিথ্যা দাবী করিয়াছিল, কিন্তু হযরত (রাঃ) তাহার বিরুদ্ধে সংগ্রাম করার সুযোগ পান নাই। আবু বকর (রাঃ) স্বীয় খেলাফত কালে তাহার বিরুদ্ধে জেহাদ করেন এবং জেহাদের ময়দানে তাহাকে হত্যা করা হয়। রসুলুল্লাহ ছাল্লাল্লাহু আলাইহে অসাল্লামের ইহদাম ত্যাগের সঙ্গে সঙ্গে দুর্বল মনোবৃত্তির নামধারী মোসলমানগণের মধ্যে যখন বিশৃঙ্খলা দেখা দিল তখন একদল মোসলমান নামধারী লোক ইসলামের সম্পর্ক ত্যাগ করতঃ সেই মিথ্যা দাবীদার মোহাম্মদ মোসায়লামার দলভুক্ত হইয়া গিয়াছিল। সেই দলই সময় সময় এক এক স্থানে মাথাচাড়া দিয়া উঠিত, কিন্তু তৎক্ষণাৎ তাহাদের উপর কুঠারাঘাত হান। হইত। এইরূপেই ছাহাবীগণ ঐ দলকে ভূ-পৃষ্ঠ হইতে নিষিদ্ধ করিয়া দেন।

মসউদ (রাঃ) বলিলেন, আবদুল্লাহ ইবনে নাওয়াহাকে এবং তাহার দলবলকে ধরিয়া আমার সম্মুখে উপস্থিত কর। তৎক্ষণাৎ তাহাদের সকলকে উপস্থিত করা হইল। আবদুল্লাহ ইবনে মসউদ (রাঃ) প্রথমে আবদুল্লাহ ইবনে নাওয়াহাকে কতল করার আদেশ করিলেন ; তাহাকে হত্যা করা হইল। অতঃপর আবদুল্লাহ ইবনে মসউদ (রাঃ) সেই দলীয় অত্যাচারী (এক শত সত্তর জন) লোকদের বিষয় সকলের নিকট পরামর্শ চালিলেন। আ'দী ইবনে হাতেম (রাঃ) ছাহাবী তাহাদিগকে হত্যা করার পরামর্শ দিলেন। কিন্তু জরীর ইবনে আবদুল্লাহ (রাঃ) ও আশআ'ছ ইবনে কয়েস (রাঃ) দাঁড়াইয়া বলিলেন—না, না, তাহাদিগকে হত্যা করার প্রয়োজন নাই, বরং তাহাদিগকে কুপথ হইতে তওবা করিয়া সংপথের প্রতি ফিরিবার সুযোগ দান করুন এবং সেই তওবা অনুযায়ী সঠিকরূপে চলিবার উপর তাহাদের গোত্রীয় সকলকে জামিন সাব্যস্ত করুন। এই পরামর্শই গ্রহণ করা হইল। তাহারা সকলে তওবা করিল এবং তাহাদের গোত্রীয় সকলে তাহাদের জামিন হইল যে, তাহারা ঐ ইসলাম বিরোধী পথে আর যাইবে না, সর্বদা সঠিক ইসলামের পথে থাকিবে।

পাঠকবর্গ! এই ঘটনা প্রসঙ্গে দুইটি বিষয় স্মরণ রাখিবেন,—একটি বিষয় এই যে, কাকেররা ইসলামের উন্নতি বিস্তারের পথে কোন প্রকার প্রতিবন্ধকতার সৃষ্টি করিতে প্রয়াস না পায় এবং যে কোন ব্যক্তি নির্ভীক চিন্তে ইসলামের ছায়া গ্রহণ করিতে সক্ষম হওয়ার ক্ষেত্র রূপে সমগ্র বিশ্ব তৈরী হয় এই উদ্দেশ্যে জেহাদ ইসলামের একটি অঙ্গ ও ফরজ রূপে নির্ধারিত হইয়াছে ; তরবারি দ্বারা কাহাকেও ইসলাম গ্রহণে বাধ্য করার উদ্দেশ্যে নয়। এই দাবীর জাজ্জল্যমান প্রমাণ এই যে, বিজিত দেশের অধিবাসিগণকে মোসলেম রাষ্ট্রের প্রতি বিধান-সম্মতরূপে অনুগত হইয়া স্বীয় ধর্মমতের উপর থাকিয়া রক্ষিত অবস্থায় অজস্র সুযোগ-সুবিধা ভোগ পূর্বক শান্তি ও সুখে বসবাস করিতে দেওয়া ইসলামের একটি স্পষ্ট বিধান বিদ্যমান রহিয়াছে।

দ্বিতীয় বিষয়টি এই যে—কাহাকেও তরবারি দ্বারা ইসলাম গ্রহণে বাধ্য করা হইবে না—ইহা ইসলামের বিধান, কিন্তু ইসলামত্যাগীকে তরবারি, বরং যে কোন কঠোর শাস্তি দ্বারা শাস্তি করাও ইসলামের একটি বিধান। ইসলাম কাহাকেও জবরদস্তিমূলক স্বীয় দলভুক্ত করিতে চায় না, কিন্তু স্বীয় দলের মর্যাদা ও শৃঙ্খলা রক্ষার্থে দুর্বলতাও দেখাইবে না। তাই মোর্তাদ বা ইসলাম-ত্যাগীকে প্রাণদণ্ড দেওয়ার বিধান রাখা হইয়াছে। শক্তি, সামর্থ্য ও মান-মর্যাদাধিকারী শাসনপরায়ণতার নীতি ইহাই।

বিশিষ্ট তায়েবী হাম্মাদ (রঃ) বলিয়াছেন, কেহ কোন ব্যক্তির জামিন হওয়ার পর ঐ ব্যক্তির মৃত্যু হইলে জামিনের উপর ক্ষতিপূরণ বতিবে না। হাকাম (রঃ) বলিয়াছেন, ক্ষতিপূরণ দিতে হইবে।*

১১৫৩। হাদীছ ৪—আবু হোরায়রা (রাঃ) হইতে বর্ণিত আছে, রসূলুল্লাহ ছালাল্লাহু আলাইহে অসাল্লাম একদা পূর্বকালের একটি ঘটনা বর্ণনা করিলেন। বনী-ইস্রায়েলের মধ্যে এক ব্যক্তি অপর ব্যক্তির নিকট এক হাজার দীনার—স্বর্ণমুদ্রা ধার চাহিল। ধারদাতা বলিল, এমন কতেক জন লোক ডাকিয়া আন যাহাদিগকে আমি সাক্ষী করিতে পারি। ধার গ্রহীতা বলিল, আল্লাহ তায়ালা সাক্ষী রহিলেন এবং তিনিই যথেষ্ট। ধারদাতা বলিল, এমন কোন লোক আন যাহাকে জামিন বানাইতে পারি। ধার গ্রহীতা বলিল, আল্লাহ তায়ালা জামিন রহিলেন এবং তিনিই যথেষ্ট। ধারদাতা বলিল, আচ্ছা—তোমার কথাই ঠিক; এই বলিয়া তাহাকে নিদ্দিষ্ট তারিখে ঐ দেনা পরিশোধ করিয়া দেওয়ার শর্তে (এক হাজার স্বর্ণ মুদ্রা) ধার দিয়া দিল। ধার গ্রহীতা ব্যক্তি এক হাজার স্বর্ণ-মুদ্রা লইয়া তথা হইতে রওয়ানা হইল এবং ব্যবসা-বাণিজ্য করিতে সমুদ্রের অপর পারে চলিয়া গেল। এদিকে ঐ কর্জ পরিশোধের নিদ্দিষ্ট তারিখ নিকটবর্তী হইল; সেই তারিখ মত দেশে প্রত্যাগমন করিয়া ধারদাতার নিকট পৌঁছার জন্ত সে সমুদ্রকূলে আসিল, কিন্তু সমুদ্র পার হওয়ার জন্ত নৌকার ব্যবস্থা করিতে পারিল না। তখন ঐ ব্যক্তি একটি কাষ্ঠ আনিয়া উহার মধ্যস্থলে খনন করতঃ উহার মধ্যে এক সহস্র স্বর্ণ-মুদ্রা এবং একখানা লিপি রাখিয়া উহা বন্ধ করিয়া দিল। (লিপিখানার বিষয়বস্তু এই ছিল—অমুকের পক্ষ হইতে অমুকের প্রতি। অতঃপর—আমি আপনার প্রাপ্য টাকা আমার জামিনের নিকট বুঝাইয়া দিলাম—যিনি আমাদের জামিন ছিলেন।) এই ব্যবস্থা করিয়া ঐ ব্যক্তি কাষ্ঠটি হাতে লইয়া সমুদ্রকূলে উপস্থিত হইল এবং বলিল, হে আল্লাহ! তুমি জ্ঞাত আছ, আমি অমুক ব্যক্তির নিকট হইতে এক সহস্র স্বর্ণ-মুদ্রা ধার লইয়াছিলাম এবং ঐ ব্যক্তি আমার নিকট জামিনের দাবী করিলে আমি বলিয়াছিলাম, আল্লাহ তায়ালা জামিন রহিলেন, তিনিই জামিনের জন্ত যথেষ্ট। ধারদাতা আমার

* হানাকী মজহাব মতে এই মহআলার মীমাংসা এই যে, যাহার পক্ষে জামিন গ্রহণ করা হইয়াছে তাহার মৃত্যু ঘটিলে জামিনের উপর ক্ষতিপূরণ আসিবে না। কিন্তু যদি ঐ কথার উপর জামিন হইয়া থাকে যে, অমুক দিন তাহাকে হাজির করিব, অথথায় তাহার উপর প্রাপ্যের জন্ত আমি দায়ী হইব। এমতাবস্থায় ঐ ব্যক্তির মৃত্যু ঘটিলে জামিন ব্যক্তি ক্ষতিপূরণ আদায় করিতে বাধ্য হইবে।

সেই কথার উপরই সম্মত হইয়াছিল এবং সাক্ষীর প্রস্তাব করিলে আমি বলিয়াছিলাম, আল্লাহ তায়ালা সাক্ষী রহিলেন, তিনিই যথেষ্ট। সে উহার উপরও সম্মত হইয়াছিল। আমি নৌকার সন্ধানে সর্বশক্তি নিয়োগ করিয়াছি যাহাতে আমি তাহার প্রাপ্য তাহার নিকট পৌঁছাইতে পারি, কিন্তু আমার কোন চেষ্টা সফল হইল না। এখন আমি তাহার প্রাপ্য এক হাজার স্বর্ণ মুদ্রা তোমার রক্ষণাবেক্ষণে সোপর্দ করিতেছি। এই বলিয়া সে ঐ এক হাজার স্বর্ণ-মুদ্রা সম্বলিত কাষ্ঠখানা সমুদ্রে নিক্ষেপ করিয়া দিল। কাষ্ঠখানা সমুদ্র বক্ষে পতিত হইল এবং ঐ ব্যক্তি তথা হইতে ফিরিয়া আসিল। সে কিন্তু এখনও শাস্ত হইতে পারে নাই—এখনও সে নৌকার সন্ধানে আছে ; সঠিকরূপে নিজ হস্তে ঋণদাতার নিকট ঋণ প্রত্যাপণ করার উদ্দেশ্যে।

এদিকে ধারদাতা ব্যক্তিও নিদ্বিষ্ট তারিখে সমুদ্রকূলে আসিয়া ঘোরাফেরা করিতেছিল এবং তাকাইতে ছিল, কোন নৌকা দেখা যায় কি—না? সে কোন নৌকা দেখিতে ছিল না। হঠাৎ দেখিল, একখানা কাষ্ঠখণ্ড সমুদ্রে ভাসিতেছে। সে উহাকে তুলিয়া লইল এবং জ্বালানিরূপে ব্যবহারের উদ্দেশ্যে উহাকে বাড়ী নিয়া আসিল। উহাকে ব্যবহার করার জন্ত যখন খণ্ড খণ্ড করিল তখন উহার তিতরে এক হাজার স্বর্ণ-মুদ্রা সহ লিপিখানা পাইয়া সমুদয় বিষয় অবগত হইল।

কিছু দিনের মধ্যেই ধার গ্রহীতা ব্যক্তি নৌকার ব্যবস্থা করিতে পারিল এবং দেশে প্রত্যাবর্তন করিয়া ধারদাতার নিকট উপস্থিত হইল। (ধারদাতা বলিল, আমার প্রাপ্য কোথায়? আপনি বিলম্বে পৌঁছিয়াছেন। তখন সে তাহার নিকট) ওজর আপত্তি জানাইতে ও অনুন্নয় বিনয় করিতে লাগিল যে, আমি আপনার নিকট আসিয়া আপনার প্রাপ্য পরিশোধ করার জন্ত নৌকার ব্যবস্থা করিতে বহু চেষ্টা করিয়াও এযাবৎ সফলকাম হইতে পারি নাই বলিয়া এই বিলম্ব ঘটয়াছে। কিন্তু আমি আপনার প্রাপ্য আমার জামিনের হাওয়ালা করিয়া দিয়াছিলাম ; এখন পুনঃ এক হাজার স্বর্ণ-মুদ্রা আপনার হস্তে অর্পণ করিতেছি। এই বলিয়া তাহাকে এক হাজার স্বর্ণ-মুদ্রা প্রদান করিল। ধারদাতা বলিল, আমি ইহা গ্রহণ করিব না যাবৎ আপনি ঘটনার বিস্তারিত বিবরণ দান না করেন। (ধারদাতা ইহাও জিজ্ঞাসা করিল,) আচ্ছা—আপনি কি কোন বস্তু পাঠাইয়া ছিলেন? তখন ঐ ব্যক্তি ঘটনার বিস্তারিত বর্ণনা দিল যে, আমি সময় মত নৌকার ব্যবস্থা করিতে পারি নাই, সেই জন্ত একটি কাষ্ঠ মারফৎ আপনার প্রাপ্য ধন পাঠাইবার ব্যবস্থা করিয়াছিলাম। ধারদাতা বলিলেন, কাষ্ঠ মারফৎ

প্রেরিত ধন আল্লাহ তায়ালা আমার নিকট পৌঁছাইয়া দিয়াছেন। আপনার এই এক হাজার স্বর্ণ-মুদ্রা সম্পূর্ণ ফেরৎ লইয়া যান।

মহুআলাহ :- কেহ কোন মৃত ব্যক্তির ঋণের জামিন হইলে সেই ঋণ তাহাকে অবশ্যই পরিশোধ করিতে হইবে; দায়িত্ব এড়াইতে পারিবে না। (৩০৬ পৃঃ)

ভ্রাতৃত্ব ও বন্ধুত্ব বন্ধনে আবদ্ধ হওয়া

১১৩৬। হাদীছ :- আবদুল্লাহ ইবনে আব্বাস (রাঃ) বর্ণনা করিয়াছেন, মক্কা হইতে মোহাজেরগণ যখন মদীনাতে পৌঁছিতে ছিলেন তখনকার সময় মোহাজের (মক্কা হইতে আগত) এবং আনহার (মদীনাবাসী)-এর মধ্যে নবী ছালাল্লাহু আলাইহে অসাল্লাম যেই ভ্রাতৃত্ব বন্ধন প্রতিষ্ঠা করিয়া দিতেন সেই সূত্রে উভয়ে একে অন্নের উত্তরাধিকারী গণ্য হইতেন। অতঃপর এই আয়াত নাযেল হইল— **وَلِكُلِّ جَعَلْنَا مَوَالِي** এই আয়াত দ্বারা উক্ত প্রথাকে রহিত করতঃ স্ববংশীয় লোককে উত্তরাধিকারী সত্ত্ব দান করা হয় এবং ভ্রাতৃত্ব বন্ধনের লোকদের বিষয়ে এই আয়াত নাযেল হয়—

وَالَّذِينَ آمَنُوا قَدْ أَتَىٰ آيَمًا نُّكُم فَاَتَوْهُمْ فَصَلُّوا لَهُمْ

অর্থাৎ ভ্রাতৃত্ব বন্ধনের লোকদের উত্তরাধিকার সত্ত্বের বিলোপ সাধন করা হইলেও তাহাদের প্রতি সাহায্য, উপকার, মঙ্গল ও হিত কামনা ইত্যাদি সদ্যবহার বিশেষরূপে চালু রাখিতে হইবে এবং তাহাদের উত্তরাধিকারের সত্ত্ব বিলোপ হইয়াছে বটে, কিন্তু তাহাদের জন্ত অহ্নিত করা যাইবে।

১১৩৭। হাদীছ :- আনাছ (রাঃ)কে এক ব্যক্তি জিজ্ঞাসা করিল, আপনি কি জ্ঞাত আছেন, নবী ছালাল্লাহু আলাইহে অসাল্লাম বলিয়াছেন— **لَا حِلْفَ لِي إِلَّا سَلَامٌ** “পরস্পর সাহায্য সমর্থনের জোট গঠনে অঙ্গীকারাবদ্ধ হওয়ার রীতি ইসলামে নাই” ?

আনাছ (রাঃ) বলিলেন, নবী ছালাল্লাহু আলাইহে অসাল্লাম আমার গৃহে মক্কা হইতে আগত কোরায়েশ বংশীয় মোহাজের ও মদীনাবাসী আনহারকে পরস্পর সাহায্য সমর্থন ও বন্ধুত্বের বন্ধনে আবদ্ধ করিয়াছিলেন।

ব্যাখ্যা :- আনাছ (রাঃ) যে ঘটনা বর্ণনা করিয়াছেন, তাহা সত্য। মোহাজেরগণ স্বীয় সর্বস্ব মক্কায় ফেলিয়া নিঃসহায় নিঃসম্বল অবস্থায় নূতন দেশ নূতন স্থান অপরিচিত পরিবেশ—মদীনায় উপস্থিত হইলে পর এক

এক জন মোহাজেরকে এক এক জন মদীনাবাসী ছাহাবীর সঙ্গে ভ্রাতৃত্ব বন্ধনের ব্যবস্থা হযরত (দঃ) করিয়া দিতেন, যেন নূতন দেশে অপরিচিত পরিবেশে পতিত হইয়া মোহাজেরগণ অসুবিধার সম্মুখীন না হন।

অবশ্য ইহাও সত্য যে, হযরত রশ্বনুল্লাহ ছালাল্লাহু আলাইহে অসাল্লাম বলিয়াছেন, সাহায্য সমর্থন ও জোট গঠনের অঙ্গীকারাবদ্ধ হওয়ার রীতি ইসলামে নাই। এই কথার দুইটি মহৎ উদ্দেশ্য আছে—প্রথম এই যে, অন্ধকার ও বর্বরতার যুগে একরূপ প্রথা ছিল যে, ঐরূপ জোট গঠন ও অঙ্গীকার আবদ্ধ হওয়ার ফলে শ্রায়-অশ্রায়, হক-নাহক, সৎ-অসৎ, সত্য-মিথ্যা কোন কিছুই বাছ-বিচার না করিয়া এবং জুলুম-অত্যাচার, অবিচার-অনাচার কোন কিছুই প্রতি লক্ষ্য না রাখিয়া পরস্পর সাহায্য ও সমর্থন করিয়া যাওয়া হইত। ইসলামে একরূপ রীতির স্থান নাই। দ্বিতীয় এই যে স্বয়ং ইসলাম ভ্রাতৃত্ব, বন্ধুত্ব, সাহায্য ও সমর্থনের সর্বোৎকৃষ্ট ও সর্বশ্রেষ্ঠ প্রতীক। ইসলামের দক্ষনই মোসলমানদের পরস্পর ভ্রাতৃত্বভাব, বন্ধুত্বের ব্যবহার সাহায্য ও সমর্থন করা আবশ্যিক। নূতনভাবে অঙ্গীকারাবদ্ধ হওয়ার কোন প্রয়োজন নাই এবং উহার প্রতীক্ষায়ও থাকা চাই না। ইসলামের প্রথম যুগে মোহাজের ও আনছারদের মধ্যে ভ্রাতৃত্বের বন্ধন স্থাপিত করা হইত বটে, কিন্তু তাহা শুধু কার্য পরিচালনার সুবিধা ও শৃঙ্খলা রক্ষার্থে; নতুবা ছাহাবীগণ কখনও অন্ধকার যুগের শ্রায় অন্ধ সমর্থনের রীতি অনুসরণ করিতেন না এবং শ্রায়রূপে পরস্পর সাহায্য ও সমর্থনে ঝাপাইয়া পড়ার জন্য অঙ্গীকারাবদ্ধের প্রতীক্ষায়ও থাকিতেন না।

উকিল তথা কার্যোনির্বাহক মনোনীত

বা নিয়োগ করা

মহুআলাহ :— অনুপস্থিত ব্যক্তিকেও পত্র যোগে বা লোক মারফত খবর পাঠাইয়া উকিল নিয়োগ করা যায়। (৩০৯ পৃঃ)

মহুআলাহ :— কোন ব্যক্তিকে অনুমতি দিল যে, আমার মাল হইতে দান-খয়রাত করিতে পার, কিন্তু দানের পরিমাণ উল্লেখ করিল না ; সে ক্ষেত্রে সর্বদিক লক্ষ্য করিয়া যে স্থানে, যে পরিমাণ দেওয়ার অনুমতি সাধারণ জ্ঞানে বোধিত তাহাই উদ্দেশ্যরূপে সাব্যস্ত হইবে ; খামখেয়ালী করিতে পারিবে না। (৩০৯ পৃঃ)

মহুআলাহ :— মালামালের রক্ষণাবেক্ষণে কোন ব্যক্তিকে নিয়োগ করা হইল ; সে কোন অপরাধীকে ছাড়িয়া দিল বা কাহাকেও ধার দিল তাহার এইসব কাজ মালিকের সম্মতি সাপেক্ষ থাকিবে। (৩১০ পৃঃ)

মছআলাহ :—ওয়াক্ফের সম্পত্তি রক্ষণাবেক্ষণের দায়িত্বে কাহাকেও নিয়োগ করা হইলে সে নিজের ও নিজ পরিবারবর্গের জ্ঞাত ব্যয় উহা হইতে গ্রহণ করিতে পারিবে—আয্য পরিমাণে; তাহার অধিক নহে। (৩১১ পৃঃ)

মছআলাহ :—বিবাহে উকিল বানানো জায়েয আছে। ৩১০ পৃঃ)

কৃষি-কার্য্য সম্বন্ধীয় বিষয়াবলী

আল্লাহ তায়ালা কোরআন পাকে বলিয়াছেন—

اَفْرَأَيْتُمْ مَا تَحْرُثُونَ ؕ اَ اَنْتُمْ تَزْرَعُونَهَا اَمْ نَحْنُ الزَّارِعُونَ
لَوْ نَشَاءُ لَجَعَلْنَاهُ حُطَامًا فَظَلْتُمْ تَفَكَّهُونَ ۝

অর্থ—তোমাদের ক্ষেত-খামারের প্রতি লক্ষ্য করিয়াছ কি? উহার চারা ও উৎপন্ন কি তোমরা সৃষ্টি করিয়া থাক, না—আমি সৃষ্টি করিয়া থাকি? (এই প্রশ্নের উত্তর অতি স্পষ্ট যে, একমাত্র আমিই ইহা জন্মাইয়া থাকি, যাহার প্রকৃষ্ট প্রমাণ এই যে,) আমার ইচ্ছা হইলে আমি (শস্ত্র নষ্ট করিয়া দিয়া উৎপন্ন হইতে বঞ্চিত করতঃ) শস্ত্রকে খড়-কুটায় পরিণত করিয়া দিয়া থাকি, তখন তোমরা আক্ষেপ ও অনুতাপে জর্জরিত হইয়া যাও। (কিন্তু আমার ইচ্ছার বিরুদ্ধে কিছু করিবার কাহারও ক্ষমতা হয় না। ২৭ পাঃ ১৫ রূঃ)

প্রিয় পাঠক! বর্তমান যুগে মানব বিভিন্ন বিভাগীয় বিজ্ঞানে উন্নতি করিয়া চলিয়াছে, কিন্তু তাহাদের হাতড়ানি শুধু পেটের ধাক্কা তথা পশুর স্বভাব চরিতার্থের পথে নিবদ্ধ রাখে। এই ধাক্কা অনাবশ্যক বা মন্দ নয় বটে, কিন্তু এই ধাক্কার উপরই স্বীয় চেষ্টাকে নিবদ্ধ রাখা নির্বোধ পশুর স্বভাব হইতে পারে, কারণ তাহার কাঁধে কোন দায়িত্ব চাপান নাই, পানাহারই তাহার লক্ষ্যের শেষ সীমা, কিন্তু মানব সেরূপ নয়, পানাহার শুধু তাহার জীবন ধারণের উদ্দেশ্যে। স্মরণ রাখিবেন এবং বুঝিয়া ও উপলব্ধি করিয়া লইবেন যে—মানবের জীবন-ধারণ পানাহারের উদ্দেশ্যে নহে। তাহার কাঁধে মস্ত বড় দায়িত্ব চাপান রহিয়াছে এবং তাহার সম্মুখে সেই দায়িত্ব পালনের হিসাব-নিকাশ ও ফলাফল ভোগের জ্ঞাত এমন এক জীবন রহিয়াছে যাহার অন্ত নাই—শেষ নাই।

তাহাকে স্বীয় সৃষ্টিকর্তার, পালনকর্তার খোঁজ ও পরিচয় লাভ করিতে হইবে, তাহার সঙ্গে স্বীয় সম্পর্কের তথ্য জ্ঞাত হইতে হইবে এবং সেই সম্পর্ক অনুপাতে কর্তব্য পালন করিয়া যাইতে হইবে। সৃষ্টিকর্তা পালনকর্তার খোঁজ

লাভ করার এবং তাঁহার সম্পর্কের তথ্য জ্ঞাত হওয়ার অভিজ্ঞান ও নিদর্শন এবং পরিচায়ক রূপে সৃষ্টি জগৎ ও বিশ্ব চরাচরের প্রতিটি বস্তুই দণ্ডায়মান রহিয়াছে। কোন এক মণীষী কি সুন্দর বলিয়াছেন—

برگ در خندان سب-ز در نظر-هوشیار

هر ورقے د فتر یست از معرفت کردار

এই বিশাল ভূমণ্ডলের আচ্ছাদক সবুজ সবুজ বৃক্ষরাজি, তৃণ-লতার পাতায় পাতায় সৃষ্টিকর্তা ও পালনকর্তার পরিচয় ও খোঁজের পথ বিদ্যমান রহিয়াছে, সৃষ্টিকর্তার পরিচয় দানে প্রত্যেকটি পাতাই যেন এক একটি বড় বড় গ্রন্থ।

আরবী ভাষায় বিশ্ব-জগৎকে عالم “আলম” বলা হয়, বরং সৃষ্ট জগতের প্রতিটি শ্রেণী বা জাতিকেও “আলম” বলা হয়। “আলম” শব্দের আভিধানিক অর্থ নিদর্শন ও পরিচায়ক। বিশ্ব-জগৎ এবং প্রতিটি সৃষ্ট জাতি সৃষ্টিকর্তা পালন-কর্তার পরিচয় দানের নিদর্শন ও পরিচায়ক, তাই এসবকে “আলম বলা হইয়া থাকে। অতএব জাগতিক চীজ-বস্তু সম্বন্ধীয় সকল প্রকার বিজ্ঞানের শেরা বিজ্ঞান হইল সৃষ্টিকর্তা পালনকর্তার পরিচয় দানে এবং তাঁহার সম্পর্কের জ্ঞান দানে সহায়ক ও সাহায্যকারী বিজ্ঞান।

ইমাম বোখারী (রঃ) কৃষিকার্য সম্বন্ধীয় বিষয়াবলীর বর্ণনার পরিচ্ছেদে সর্ববাগ্রে উক্ত আয়াতটি উল্লেখ করিয়া সতর্ক করিয়াছেন যে, কৃষি বিজ্ঞানে অন্যান্য বিষয়াবলি পর্যালোচনার পূর্বে ইহার দ্বারা সৃষ্টিকর্তার পরিচয় লাভ কর, তাঁহার সম্পর্ক জ্ঞাত হও এবং সে অনুপাতে স্বীয় কর্তব্য নির্ধারিত কর—ইহাই হইল কৃষি বিজ্ঞানের সর্বপ্রধান পাঠ।

বৃক্ষ রোপণের ফজিলত

عن انس قال النبي صلى الله عليه وسلم ۱১৩৮।

مَا مِنْ مُسْلِمٍ يَغْرِسُ غَرْسًا أَوْ يَزْرَعُ زَرْعًا فَيَأْكُلُ مِنْهُ طَيْرٌ أَوْ إِنْسَانٌ أَوْ بَهِيمَةٌ إِلَّا كَانَ لَهُ بِهِ مَدَقَّةٌ ۝

অর্থ—আনাছ (রাঃ) বর্ণনা করিয়াছেন, নবী ছালালাছ আলাইহে অসাল্লাম বলিয়াছেন, যে কোন মুসলমান কোন বৃক্ষ রোপণ করিল বা শস্ত বপণ করিল, অতঃপর উহা হইতে কোন পশু বা পক্ষী বা মানুষ কিছু অংশ খাইল তাহাতে ঐ ব্যক্তি দান-খয়রাত করার ছওয়াব লাভ করিবে।

লাঙ্গল-জোঁয়াল লোকদের মান নিম্নস্তরে বিয়া যায়

১১৩৯। হাদীছ :— عن ابي امامة رضى الله تعالى عنه

وَرَأَى سَكَّةً وَشَيْئًا مِنَ آلَةِ الْحَرْثِ فَقَالَ سَمِعْتُ النَّبِيَّ صَلَّى اللَّهُ عَلَيْهِ وَسَلَّمَ يَقُولُ لَا يَدْخُلُ هَذَا بَيْتَ قَوْمٍ إِلَّا أَذْخَلَهُ اللَّهُ الذُّلَّ ۝

অর্থ—ছাহাবী আবু ওমামা (রাঃ) কোথাও লাঙ্গল-জোঁয়াল দেখিতে পাইয়া বলিলেন, আমি নবী ছাল্লাল্লাহু আলাইহে অসাল্লামকে বলিতে শুনিয়াছি, এই জিনিষ যেই লোকদের ঘরে প্রবেশ করিবে আল্লাহ তায়ালার সাধারণ নিয়ম অনুসারে তাহাদের উপর সম্মানের লাঘব ও নীচতা নামিয়া আসিবে।

ব্যাখ্যা :—বস্তুনিচয়ের যেক্রপ সৃষ্টিগত ও স্বাভাবিক তাহীর ও প্রতিক্রিয়া আছে তক্রপ কার্যাবলী, বৃত্তি ও পেশা সমূহেরও স্বাভাবিক তাহীর-প্রতিক্রিয়া আছে ; লাঙ্গল-জোঁয়াল, গরু-বলদ দ্বারা চাষাবাদের পেশায় স্বাভাবিক রূপেই এই তাহীর ও প্রতিক্রিয়া রহিয়াছে যে, ঐ পেশাদারদের জ্ঞান-বুদ্ধি এবং চিন্তাধারা (Moob of thought) নিম্ন পর্যায়ে চলিয়া আসে।

উহার কতিপয় বাহ্যিক কারণও রহিয়াছে, যথা—লাঙ্গল-জোঁয়ালের পেশাদারগণ সর্বদা এমন শ্রেণীর পরিশ্রমে ব্যাপ্ত থাকে যাহাতে তাহাদের জ্ঞান-দর্শন উন্মেষের অবকাশ থাকে না, ফলে তাহাদের মানসিক উন্নতি হয় না। এমনকি সাধারণতঃ তাহারা নিজেদের কচি-কাঁচাদের মন-মগজও ঐ ছাঁচেই গড়িয়া তোলে, যদ্বন্ধ জাতির একটি বিরাট অংশ পঙ্গু হইয়া যায়।

এতদ্ভিন্ন লাঙ্গল জোঁয়ালের পেশাদারদের সর্বদা গরু-বলদের সাহচর্যে ব্যাপ্ত থাকিতে হয়, ফলে তাহাদের মানসিক মানের নিম্ন গতি না আদিয়া পারে না ; তছপরি গরু-বলদের সাহচর্যতার প্রাকৃতিক তাহীর ও প্রতিক্রিয়া ত আছেই।

মোসলমানগণ জ্ঞান-বিজ্ঞানের উন্নতি ও উন্মেষের পেশা অবলম্বন করুক, এমনকি কৃষি কাজ অপরিহার্য হইয়া পড়িলে তাহাও লাঙ্গল-জোঁয়াল, গরু-বলদের মাধ্যমে না করিয়া উন্নত শ্রেণীর কৃষি অবলম্বন করুক—সেই উৎসাহ দানই এই হাদীছের মূল উদ্দেশ্য। এস্থলে লাঙ্গল-জোঁয়ালের পেশার প্রতি কটাক্ষ করা হইয়াছে ; কৃষির প্রতি নহে। এতদ্ভিন্ন এই হাদীছে একটি বাস্তব সত্যের সতর্কতা মূলক সংবাদ দেওয়া হইয়াছে মাত্র ; গোনাহ-হওরাব, জায়েয-নাজায়েয বা আবশ্যক অনাবশ্যকের কথা বলা হয় নাই এবং ইহাও প্রব সত্য যে, মান-মর্যাদা ভিন্ন কথা, আর প্রয়োজন ভিন্ন কথা। আবশ্যক বশতঃ তিক্ত জিনিষ

খাইলে উহা তিক্তই থাকিবে উহার তিক্ততার লাঘব হইবে না। বাধ্য হইলে তিক্ত জিনিস গলাধঃ করিতে হয় এবং তিক্ততা ভোগও করিতে হয়।

বৃক্ষাদি বা বাগানের সেবার বিনিময়ে উৎপন্নের অংশ দেওয়া

১১৪০। হাদীছ :—আবু হোরায়েরা (রাঃ) বর্ণনা করিয়াছেন, (মদীনাবাসী ছাহাবীগণ রসুলুল্লাহ ছাল্লাল্লাহু আলাইহে অসাল্লামের নিকট পূর্বে এই প্রতিজ্ঞা করিয়াছিলেন যে, তাঁহারা মদীনায় আগত মোহাজেরগণকে সাহায্য-সহায়তা করিবেন। সেই পূর্ব প্রতিজ্ঞা পালনার্থে) মদীনাবাসী ছাহাবীগণ নবী ছাল্লাল্লাহু আলাইহে অসাল্লামের নিকট আরজ করিলেন, আমাদের সম্পত্তি খেজুর বাগান এবং জায়গা-জমিসমূহ আমাদের এবং মোহাজের ভ্রাতাগণের মধ্যে বণ্টন করিয়া দেন। নবী (দঃ) বলিলেন, বণ্টন করিয়া দেওয়ার প্রয়োজন নাই। তখন তাঁহারা বলিলেন, মোহাজেরগণ আমাদের বাগানের সেবা-শুশ্রূষা করিবেন তৎপরিবর্তে তাঁহারা উৎপন্নের অংশীদার হইবেন—এই ব্যবস্থার উপর সকলে সম্মত হইলেন।

বর্ণা প্রথা জাহ্যুয

ছাহাবী ও তাবৈয়ীগণ গরীবদেরকে সাহায্য করার উদ্দেশ্য ও নীতির উপর ভিত্তি করিয়া বর্ণা প্রথা অবলম্বন করিতেন।

১১৪১। হাদীছ :—তাবৈয়ী আমর (রঃ) তাউস (রঃ) তাবৈয়ীকে বলিলেন, আপনি স্বীয় জমিন বর্ণা প্রথায় দিয়া থাকেন, ইহা পরিত্যাগ করিলে উত্তম হইত; লোক-মুখে শুনা যায়, নবী (দঃ) বর্ণা ব্যবস্থাকে নিষিদ্ধ করিয়াছেন। এতশ্রবণে তাউস (রঃ) বলিলেন, বর্ণা ব্যবস্থায় জমিন দানে আমার উদ্দেশ্য লোকদিকে সাহায্য করা। আপনি যে নিষিদ্ধতার কথা উল্লেখ করিয়াছেন সেই বিষয় আমি অভিজ্ঞ ও বিশিষ্ট ছাহাবী আবুহুলাহ ইবনে আব্বাস (রাঃ)কে এই বলিতে শুনিয়াছি যে, নবী (দঃ) বর্ণা ব্যবস্থাকে নিষিদ্ধ করেন নাই। তাঁহার (যেই বাক্যের দ্বারা ঐরূপ ধারণা হয় সেই বাক্যের মূল) উদ্দেশ্য এই যে, স্বীয় (অভাব গ্রস্ত) মোসলমান ভ্রাতাকে নিজে জমিন চাষ করার জন্ত দিলে বিনিময় প্রথা অপেক্ষা বিনিময় ব্যতিরেকে সাহায্য স্বরূপ দেওয়া উত্তম ও শ্রেয়ঃ।

তাউস (রঃ) ইহাও বলিলেন যে, ইয়ামান দেশে রসুলুল্লাহ (দঃ) কর্তৃক প্রেরিত শাসনকর্তা ছাহাবী মোয়াজ্জ ইবনে-জাবাল (রাঃ) প্রজাদের মধ্যে বর্ণা ব্যবস্থা বলবৎ ও চালু রাখিয়াছিলেন। (ফতহুল বারী)

১১৪২। হাদীছ :—আবুহুলাহ ইবনে ওমর (রাঃ) বর্ণনা করিয়াছেন, রসুলুল্লাহ ছাল্লাল্লাহু আলাইহে অসাল্লাম খয়বর দেশ জয় করার পর (তথাকার ভূমি ও

জায়গা-জমি নিজেদের মধ্যে ভাগ বন্টন করিয়া লইলেন বটে, কিন্তু তথাকার বাসিন্দা ইহুদীদিগকে শেষ পর্য্যন্ত উচ্ছেদ করেন নাই।) তথাকার বাসিন্দা ইহুদীদিগকে তথা হইতে তাড়াইবার ইচ্ছা করিয়াছিলেন, কিন্তু অবশেষে তাহাদের অনুরোধ ও অভিপ্রায় অনুযায়ী তথায় তাহাদিগকে বসবাস করিতে দিলেন এবং জায়গা-জমি বর্ণা প্রথায় চাষাবাদ করার জন্ত তাহাদিগকে প্রদান করিলেন। হযরতের জীবনকাল এবং আবুবকর (রাঃ)-এর খেলাফতকাল পর্য্যন্ত এই ব্যবস্থাই বলবৎ রহিল। (কিন্তু ইহুদীরা ইসলাম ও মোসলমানদের বিরুদ্ধে ধ্বংসাত্মক কার্য্যাবলী হইতে নিবৃত্ত থাকিতে পারিল না, এমনকি সুযোগ প্রাপ্তে মুসলমানকে হত্যার চেষ্টা এবং গোপনে হত্যা করার বহু ঘটনাও তাহাদের দ্বারা সংঘটিত হইয়া থাকিত। ওমর (রাঃ)-এর খেলাফতকালেও তাহাদের এই তৎপরতার ঘটনা প্রমাণিত হয় এবং তখন তিনি তাহাদিগকে তথা হইতে উচ্ছেদ করিয়া দেন)।

১১৪৩। হাদীছ :—রাফে' ইবনে খাদীজ (রাঃ) বর্ণনা করিয়াছেন, আমার চাচা যোহাইর (রাঃ) একদা আমাকে বলিলেন, রসুলুল্লাহ ছালাল্লাহু আলাইহে অসাল্লাম এমন একটি ব্যবস্থা নিষিদ্ধ করিয়াছেন যাহা আমাদের ব্যক্তিগত স্বার্থের অনুরূপ ছিল না। (কিন্তু শরীয়তের বিধান অনুসারে আমরা বিনা দ্বিধায় ব্যক্তিগত স্বার্থ বিনর্জন দিয়াছি।) আমি বলিলাম, নিশ্চয়ই রসুলুল্লাহ ছালাল্লাহু আলাইহে অসাল্লামের আদেশ-নিষেধ অলঙ্ঘনীয়।

অতঃপর ঘটনা ব্যক্ত করতঃ বলিলেন, একদা রসুলুল্লাহ (দঃ) আমাকে ডাকিয়া জিজ্ঞাসা করিলেন, তোমরা স্বীয় জায়গা-জমির ব্যবস্থা কিরূপ করিয়া থাক? আমি আরজ করিলাম, জমিনের উত্তম ও ভাল অংশ যেমন পানি প্রবাহিত হওয়ার নালার কিনারাবর্তী অংশের শস্য নিজেদের জন্ত নির্দিষ্ট করিয়া বা নির্দিষ্ট পরিমাণ শস্য নিজেদের জন্ত নির্ধারিত করিয়া বাকি শস্যের বিনিময়ে চাষাবাদের জন্ত অথকে জমি দিয়া থাকি। রসুলুল্লাহ (দঃ) বলিলেন, এই ব্যবস্থা নিষিদ্ধ, তোমরা এরূপ করিও না। হয়ত তোমরা নিজেরাই চাষাবাদ কর, কিম্বা (শুদ্ধ ব্যবস্থায়) অথকে চাষাবাদ করিতে দাও; না হয় জমি উঠাইয়া রাখ। (কিন্তু শরীয়ত বিরোধী ব্যবস্থা অবলম্বন করিও না। “জমি উঠাইয়া রাখ” বাক্যটি শুধু রাগ প্রকাশার্থে বলা হইয়াছে। অর্থাৎ উল্লেখিত পন্থাদ্বয় ছাড়া একমাত্র এই পন্থাই আছে যাহা বস্তুতঃ অসম্ভব।)

ইমাম বোখারী (রঃ) বরং তাহার পরবর্তী হাদীছ ও শরীয়ত বিশারদগণ উল্লেখিত হাদীছের নির্দেশিত বিধানের ব্যাখ্যায় বলিয়াছেন—যেইরূপ ব্যবস্থায় কোন এক পক্ষের বঞ্চিত হওয়ার আশঙ্কা সৃষ্টি হয় উহা নিষিদ্ধ। যেমন এক পক্ষ

নির্দিষ্ট করিয়া লইল, আমাকে দণ্ড মণ দিতে হইবে অথচ সম্পূর্ণ জমির মোট উৎপন্ন ঐ দশ মণই হইতে পারে ; এমতাবস্থায় অপর পক্ষ বঞ্চিত থাকিবে। কিম্বা এক পক্ষ নির্দিষ্ট অংশের উৎপন্নের শর্ত করিল, অথচ এরূপও হইতে পারে যে, অপরপক্ষ অংশ সমূহের শস্ত নষ্ট হইয়া যায় কিম্বা শুধু এই অংশের শস্ত নষ্ট হইয়া যায় ; এমতাবস্থায়ও এক পক্ষ বঞ্চিত থাকিবে, তাই এরূপ ব্যবস্থা সমূহ নিষিদ্ধ। কিন্তু মূল বর্ণা ব্যবস্থা নিষিদ্ধ নহে।

১১৪৪। হাদীছ :—জাবের (রাঃ) বর্ণনা করিয়াছেন, মোসলমানগণ তৃতীয়াংশ, চতুর্থাংশ ও অর্দ্ধাংশের বিনিময় ব্যবস্থায় বর্ণা দান করিয়া থাকিত। রসুলুল্লাহ ছালাল্লাহু আলাইহে অসাল্লাম বলিলেন—

مَنْ كَانَتْ لَهُ أَرْضٌ فَلْيُزْرِعْهَا أَوْ لِيُؤْتِمْهُمْهَا فَإِنْ لَمْ يَفْعَلْ فَلْيُمِسِّكْ أَرْضَهُ

অর্থ—যাহার জমি আছে সে উহা নিজে চাষ করিবে কিম্বা অথকে সহায়তা স্বরূপ উহা চাষ করিতে দিবে। যদি তাহা করিতে না চায় তবে স্বীয় জমি উঠাইয়া লইয়া যাউক। (জমি কেহ অনাবাদ ফেলিয়া রাখিতে পারিবে না বা শরীয়ত বিরোধী পথে বর্ণা দিতে পারিবে না।)

১১৪৫। হাদীছ :—عَنْ أَبِي هُرَيْرَةَ رَضِيَ اللَّهُ تَعَالَى عَنْهُ قَالَ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ مَنْ كَانَتْ لَهُ أَرْضٌ فَلْيُزْرِعْهَا أَوْ لِيُؤْتِمْهُمْهَا أَخَاهُ فَإِنْ أَبَى فَلْيُمِسِّكْ أَرْضَهُ ۝

অর্থ—আবু হোরায়ারা (রাঃ) হইতে বর্ণিত আছে, রসুলুল্লাহ ছালাল্লাহু আলাইহে অসাল্লাম বলিয়াছেন, যে ব্যক্তির জমি আছে সে উহা নিজে চাষ করিবে কিম্বা স্বীয় মোসলমান ভাইকে সহায়তা স্বরূপ চাষ করিতে দিবে। যদি সে ইহাতে রাজি না হয় তবে সে যেন স্বীয় জমি উঠাইয়া রাখে।

ব্যাখ্যা :—ইমাম বোখারী (রাঃ) এই শ্রেণীর হাদীছ সমূহের ব্যাখ্যার প্রতি ইঙ্গিত করিয়াছেন যে, সহায়তা স্বরূপ অথকে জমি চাষ করিতে দেওয়ার পরামর্শ দান শুধুমাত্র সৌজতমূলক ; বাধ্যতামূলক নহে এবং শরীয়ত সম্মতরূপে বর্ণা দেওয়া নিষিদ্ধ নহে। ইমাম বোখারী (রাঃ) এই ব্যাখ্যার প্রমাণও উল্লেখ করিয়াছেন—

قَالَ أَبُو عَبَّاسٍ إِنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ لَمْ يَنْهَ عَنْهُ وَلَكِنْ قَالَ أَنْ يَمْنَحَ أَحَدُكُمْ أَخَاهُ خَيْرَ نَسَةٍ مِنْ أَنْ يَأْخُذَ شَيْئًا مَعْلُومًا ۝

অর্থাৎ—বিশিষ্ট ছাহাবী আবহুল্লাহ ইবনে আব্বাস রাজিয়াল্লাহু তায়ালা আনহু ঐ আকারের হাদীছ সমূহের প্রতি লক্ষ্য করিয়া বলিয়াছেন, রসুলুল্লাহ ছাল্লাল্লাহু আলাইহে অসাল্লামের উদ্দেশ্য বর্ণা ব্যবস্থাকে নাজায়েয ও নিষিদ্ধ করা নহে, বরং তাঁহার উদ্দেশ্য এই যে, স্বীয় মোসলমান ভ্রাতাকে জমি চাষ করিতে দিয়া তাহার নিকট হইতে নিষ্কীরিত অংশ উশুল করা অপেক্ষা সহায়তা স্বরূপ তাহাকে চাষ করিতে দেওয়া অধিক উত্তম। (৩১৫ পৃঃ)

● ছাহাবা রাজিয়াল্লাহু তায়ালা আনহুম অনেকেই বর্ণা ব্যবস্থায় জমি দান করিয়া থাকিতেন (৩১৩ ও ৩১৪ পৃঃ)। এমনকি জাতীয় কোষাগার বাইতুল-মালের স্বত্ব সরকারী ও রাষ্ট্রীয় দখলের জমিও খলীফা—রাষ্ট্রপতি কর্তৃক বর্ণা ব্যবস্থায় দান করা হইত। দ্বিতীয় খলীফা ওমর রাজিয়াল্লাহু তায়ালা আনহুর খেলাফতকালে যখন সিরিয়া দেশ জয় করা হইল তখন ওমর (রাঃ) ঐ বস্তি সমূহ গণিমতের মালরূপে জেহাদকারী গাজিগণের মধ্যে বন্টন করিলেন না, বরং ঐ সব বস্তি-মূহ জাতীয়করণ করিয়া রাষ্ট্রীয় ও জাতীয় সম্পদরূপে রাখিয়া দিলেন (এবং উহা বস্তিবাসীদিগকে বর্ণা ব্যবস্থারূপে দান করিলেন।) অতঃপর বলিলেন, ভবিষ্যৎ মোসলেম সমাজের স্বার্থের প্রতি লক্ষ্য করার প্রয়োজন না থাকিলে প্রত্যেক বিজিত দেশের সমুদয় এলাকা আমি গাজিদের মধ্যে গণিমতের মালের আয় বন্টন করিয়া দিতাম। (৩১৪ পৃঃ)

ব্যাখ্যা :— জেহাদের ময়দানে যে সব অস্থাবর ধন-সম্পদ হস্তগত হয় উহা গণিমতরূপে গণ্য হয়। উহার চার পঞ্চমাংশ গাজিদের মধ্যে বন্টন করিয়া দিতে হয় এবং এক অংশ বাইতুল-মালে তথা সরকারী ধন-ভাণ্ডারে রক্ষিত রাখিতে হয়। কিন্তু বিজিত দেশের স্থাবর সম্পত্তি অর্থাৎ ভূমি ও জায়গা-জমি গণিমত গণ্য হয় না। উহা খলীফাতুল-মোসলেমীনের বিবেচাধীন থাকে—জাতীয় সম্পদরূপে রাষ্ট্রায়ত্ত্ব করিয়া, এমনকি ওয়াক্ফরূপেও রাখিতে পারেন এবং প্রয়োজন বোধে গাজিদের মধ্যে বন্টনও করিতে পারেন; ইহা খলীফার এখতিয়ার, কিন্তু খলীফার ব্যক্তিগত সম্পত্তিরূপে নয়, জাতীয় আমানতরূপে।

১১৪৬। হাদীছ :— নাকে (রাঃ) বর্ণনা করিয়াছেন, আবহুল্লাহ ইবনে ওমর (রাঃ) নবী ছাল্লাল্লাহু আলাইহে অসাল্লামের আমলে, খলীফা ওসমানের আমলে এবং মোয়াবিয়া রাজিয়াল্লাহু তায়ালা আনহুর শাসন আমলের প্রথম দিক পর্যন্ত বর্ণা প্রথায় জমি দিয়া থাকিতেন। অতঃপর নাকে ইবনে খাদীজ (রাঃ) ছাহাবীর নামে একরূপ বর্ণনা শুনা গেল যে, নবী (দঃ) বর্ণা প্রদানে নিষেধ করিয়াছেন। তাই আবহুল্লাহ ইবনে ওমর (রাঃ) নাকে ইবনে খাদীজ (রাঃ) ছাহাবীর নিকট গেলেন, আমিও তাঁহার সঙ্গে গেলাম।

রাফে ইবনে খাদীজ (রাঃ)কে জিজ্ঞাসা করিলে তিনি বলিলেন, নবী (দঃ) বর্গী প্রথায় জমি দানে নিষেধ করিয়াছেন। তখন আবদুল্লাহ ইবনে ওমর (রাঃ) বলিলেন, আপনি নিশ্চয় জানেন, রসুলুল্লাহ ছালাল্লাহু আলাইহে অসাল্লামের আমলের প্রথম দিকে আমরা নালার কিনারা (তথা নির্দ্ধারিত) স্থানের ফসল এবং খরের নির্দ্ধারিত অংশের বিনিময়ে বর্গী দিয়া থাকিতাম। অর্থাৎ হয়রতের নিষেধাজ্ঞা সেই রীতির প্রতিই।

১১৪৭। হাদীছ :- সালেম (রাঃ) বর্ণনা করিয়াছেন, আবদুল্লাহ ইবনে ওমর (রাঃ) বলিয়াছেন, আমি ভাল ভাবেই জ্ঞাত ছিলাম যে, রসুলুল্লাহ ছালাল্লাহু আলাইহে অসাল্লামের আমলে আবশ্যই জমি বর্গায় দেওয়া হইত। অতঃপর আবদুল্লাহ ইবনে ওমর (রাঃ) এই আশঙ্কা বোধ করিলেন যে, হয়ত নবী ছালাল্লাহু আলাইহে অসাল্লাম এই ব্যাপারে কোন নূতন নির্দেশ দিয়াছেন যাহা আবদুল্লাহ ইবনে ওমর (রাঃ) জানিতে পারেন নাই। এতটুকু মাত্র আশঙ্কা বোধে আবদুল্লাহ ইবনে ওমর (রাঃ) জমি বর্গা দেওয়া পরিত্যাগ করিয়াছিলেন।

ব্যাখ্যা :- বর্গী প্রথা জায়েয হওয়া সম্পর্কে ফতওয়া এবং অধিকাংশ ইমামগণের মত স্বপক্ষেই রহিয়াছে। অবশ্য সতর্কতামূলকভাবে তাকওয়া ও পরহেজগারী অবলম্বন করা উত্তমই হইবে; যেক্রপ আবদুল্লাহ ইবনে ওমর (রাঃ) করিয়াছেন। ইমাম আবু হানীফা (রাঃ)ও বর্গী সম্পর্কে দ্বিমত পোষণ করিতেন।

টাকা পয়সার বিনিময়ে জমি কেরায়া দেওয়া

১১৪৮। হাদীছ :- হান্জালা (রাঃ) বর্ণনা করিয়াছেন, রাফে' ইবনে খাদীজ (রাঃ) বলিয়াছেন, আমার দুই চাচা আমার নিকট হাদীছ বর্ণনা করিয়াছেন, তাঁহার রসুলুল্লাহ ছালাল্লাহু আলাইহে অসাল্লামের যমানায় জমির নির্দিষ্ট অংশের শস্য বা ঐ জমির উৎপন্নের নির্দিষ্ট পরিমাণ (যেমন— দশ মণ) শস্যের বিনিময়ে জমি বর্গী দিয়া থাকিতেন। রসুলুল্লাহ ছালাল্লাহু আলাইহে অসাল্লাম ঐ ব্যবস্থাকে নিষেধ করিয়া দিলেন।*

হান্জালা (রাঃ) বলেন, তখন আমি রাফে' রাজিয়াল্লাহু তায়ালা আনহুকে জিজ্ঞাসা করিলাম, টাকা-পয়সার বিনিময়ে জমি চাষ করিতে দেওয়া কিরূপ? তিনি বলিলেন, টাকা-পয়সার বিনিময়ে জমি চাষ করিতে দেওয়া দোষীয় নহে।

* যদি কোন বস্তু, এমনকি ধান, পাট, গম, যব ইত্যাদি শস্য-জাতীয় জিনিস নির্দিষ্ট পরিমাণের বিনিময়ে জমি চাষ করিতে দেওয়া হয়, কিন্তু ঐ জমির উৎপন্ন হিসাবে নহে, বরং টাকা-পয়সার আয় জমির কেরায়া হিসাবে নির্দ্ধারিত করা হয় তবে উহা জায়েয হইবে। (মোহাওয়া শরহে মোয়াদ্জা)

জমিনের নিদিষ্ট স্থানের শাস্ত্র শর্তে বর্ণা শুদ্ধ নহে

১১৪৯। হাদীছ :— রাফে' ইবনে খাদীজ (রাঃ) বর্ণনা করিয়াছেন, মদীনাবাসিদের মধ্যে আমরা সর্ববাধিক জমিনের মালিক ছিলাম। আমরা বহু জমি বর্ণা দিয়া থাকিতাম। আমাদের বর্ণার নিয়ম এই ছিল যে, জমিনের নিদিষ্ট অংশের শস্ত জমিনের মালিক পাইবে, বাকি অংশের শস্ত বর্ণাদার পাইবে। কোন সময় সেই নিদিষ্ট অংশে শস্ত হইত, বাকি অংশের শস্ত নষ্ট হইয়া যাইত, আবার কোন সময় নিদিষ্ট অংশের শস্ত নষ্ট হইয়া যাইত, বাকি অংশের শস্ত ভাল থাকিত। (তাই নবী ছালাল্লাহু আলাইহে অসাল্লামের তরফ হইতে) আমাদেরকে ঐ প্রকার বর্ণা নিষেধ করা হইল। স্বর্ণ-রৌপ্যের (মুদ্রার) বিনিময়ে জমিন কেওয়া দেওয়া (জায়েয বটে, কিন্তু) সেই যমানায় ঐরূপ প্রথা প্রচলিত ছিল না। (৩২৩ পৃঃ)

উপত্যকের অংশের বিনিময়ে বর্ণা বা ক্ষেতের কাজ করা

● কয়েস ইবনে মোসলেম (রাঃ) বর্ণনা করিয়াছেন, মদীনাস্থিত প্রত্যেক মোহাজের তৃতীয়াংশ বা চতুর্থাংশের উপর বর্ণা লইয়া থাকিতেন। ● ওমর রাজিয়াল্লাহু তায়ালা আনহু বিভিন্ন ব্যক্তিকে এই ব্যবস্থায় বর্ণা দিয়া থাকিতেন যে, তিনি বীজ দান করিলে শস্তের অর্দ্ধাংশ লইবেন এবং বর্ণাদার বীজ দান করিলে (অর্দ্ধ হইতে কম) এত অংশ লইবেন। ● বিশিষ্ট তাবায়ী হাসান বছরী (রঃ) ও ইমাম যুহরী (রঃ) বলিয়াছেন, কাহারও জমিন অথকে এই শর্তে দেওয়া যে, সমুদয় খরচ উভয়ের পক্ষ হইতে হইবে এবং শস্ত উভয়ের মধ্যে বিভক্ত হইবে—ইহা জায়েয। ● হাসান বছরী (রঃ) ইহাও বলিয়াছেন যে, অর্দ্ধাংশের বিনিময়ে গাছের তুলা চয়ন ও সংগ্রহ করা জায়েয আছে। ● ইব্রাহীম নখরী (রঃ) ইবনে সীরীন (রঃ), আতা (রঃ), হাকাম (রঃ), যুহরী (রঃ), কাতাদা (রঃ) প্রমুখ তাবায়ীগণ বলিয়াছেন, তৃতীয়াংশ বা চতুর্থাংশের বিনিময়ে নিজ তুলা কাপড় বুননের জন্ত দেওয়া জায়েয আছে। ● বিশিষ্ট ইমাম মা'মার ইবনে রাশেদ (রঃ) বলিয়াছেন, স্বীয় শস্ত ইত্যাদি স্থানান্তরিত করার জন্ত উহার তৃতীয়াংশ বা চতুর্থাংশের বিনিময়ে অপরের পশু কেওয়া করা জায়েয আছে।

ব্যাখ্যা :—উল্লিখিত শেষ তিনটি বিষয় একটি প্রসিদ্ধ মহাআলার অন্তর্ভুক্ত—উহা এই যে, কোন বস্তু সম্পর্কীয় কার্যে এইরূপে মজুর নিয়োগ করা যে, প্রত্যেক মজুর ঐ বস্তু হইতেই স্বীয় অংশে আহরিত পরিমাণের নিদিষ্ট অংশ মজুরীরূপে পাইবে, যাহার মোট পরিমাণ মজুর নিয়োগের কথাবার্তায় নিদিষ্ট হয় না। যেকোন বর্তমানে ধান কাটা, মরিচ তোলা ইত্যাদি কার্যে এই ব্যবস্থাই প্রচলিত আছে।

মজুরের মজুরী পূর্ববাহে নিদিষ্টরূপে নির্ধারিত হওয়া আবশ্যক, অথচ উল্লেখিত ব্যবস্থায় অংশ নির্ধারিত আছে ; পরিমাণ নিদিষ্ট নাই, তাই ঐরূপ ব্যবস্থা শরীয়ত মতে শুদ্ধ, না—অশুদ্ধ সে বিষয় ইমামগণের মতভেদ আছে। ইমাম আবু হানীফা (রঃ), ইমাম শাফেয়ী (রঃ), ইমাম মালেক (রঃ) প্রমুখ ইমামগণ ঐ ব্যবস্থাকে অশুদ্ধ বলেন। ইমাম আহমদ ইবনে-হাম্বল (রঃ) এবং উপরোল্লিখিত তাবয়ীগণ এই ব্যবস্থাকে শুদ্ধ বলিয়াছেন।

যত দিন আল্লাহ রাখেন তত দিনের জন্ত বর্ণা

অর্থাৎ যদি বর্ণা সম্পাদনে নির্ধারিত সময়ের চুক্তি করা না হয়, বরং বলা হয়, যত দিন আল্লাহ রাখেন তত দিন তোমাকে রাখিব ; তবে এক বৎসরের অধিক বাধ্যতামূলক হইবে না, উভয়ের সম্মতি সাপেক্ষ হইবে। যেরূপ—যদি বলে, যখন আমার ইচ্ছা উচ্ছেদ করিয়া দিব। বস্তুতঃ প্রথম বাক্যের অর্থও ইহাই।

১১৫০। হাদীছ :— আবদুল্লাহ ইবনে ওমর (রাঃ)কে খয়বরবাসীদের কেহ গৃহের ছাদ হইতে ফেলিয়া দিয়া ছিল যাহাতে তাঁহার পায়ের জোড়া স্থলিত হইয়া গিয়াছিল। তখন খলীফা ওমর (রাঃ) বিশেষ ভাষণ দানে বলিলেন, রসূলুল্লাহ ছালাল্লাহু আলাইহে অসাল্লাম খয়বরের ইহুদীদিগকে তাহাদের জায়গা-জমির উপর বর্ণাদাররূপে অবস্থিত রাখিয়াছিলেন এবং বলিয়াছিলেন, যত দিন আল্লাহ রাখেন ততদিনই আমরা তোমাদিগকে রাখিব। এখন একটি ঘটনা ঘটয়াছে যে, ওমরের পুত্র আবদুল্লাহ খায়বরস্থিত তাহার বাগান ও জমি দেখার জন্ত তথায় গিয়াছিল, রাত্রিবেলা সে গৃহের ছাদের উপর শুইয়াছিল ; ঘুমন্ত অবস্থায় তাহাকে কেহ ছাদের উপর হইতে ফেলিয়া দিয়াছে যাহাতে তাহার উভয় হাত ও পার জোড়া স্থলিত হইয়া গিয়াছে। খয়বরের ইহুদী সম্প্রদায় ছাড়া কেহ আমাদের শত্রু নাই ; তাহাদের উপরই আমাদের দাবী ও সন্দেহ। আমি সিদ্ধান্ত নিয়াছি ইহুদীদেরকে খয়বর হইতে বহিস্কৃত করার।

খলীফা ওমর (রাঃ) যখন এই সিদ্ধান্তের উপর দৃঢ় হইয়া গেলেন তখন এক বিশিষ্ট ইহুদী ব্যক্তি আসিয়া বলিল, হে আমীরুল-মোমেনীন ! আমাদের বহিস্কার কিরূপে করিতে পারেন ? আমাদেরকেত স্বয়ং মোহাম্মদ (দঃ) আমাদের জায়গা-জমির উপর অবস্থিত রাখিয়াছেন এবং জায়গা-জমির উপর আমাদের সঙ্গে বর্ণা সম্পাদন করিয়াছেন। খলীফা ওমর (রাঃ) উত্তরে তাহাকে বলিলেন, তুমি মনে কর, আমি ভুলিয়া গিয়াছি ঐ কথা যাহা তোমাকেই লক্ষ্য করিয়া নবী (দঃ) বলিয়াছিলেন—“কি অবস্থা হইবে তোমার যখন তুমি খয়বর হইতে বহিস্কৃত হইবে ; তোমার উট তোমাকে বহন করিয়া রাত্রির পর রাত্রি চলিতে থাকিবে।”

ইহুদী ব্যক্তি বলিল, ইহাত তাঁহার কৌতুকরূপী কথা ছিল। খলীফা ওমর (রাঃ) বলিলেন, তুমি মিথ্যাবাদী খোদার হুশমন! (ইহা তোমাদের বহিস্কারের ভবিষ্যদ্বাণী ছিল।) শেষ পর্য্যন্ত খলীফা ওমর (রাঃ) ইহুদীদেরকে খয়বর হইতে বহিস্কৃত করিলেনই। জায়গা-জমি বাগ-বাগিচার বর্ণাদার হিসাবে উহার উৎপন্ন তাহাদের প্রাপ্য যে অংশ ছিল উহার বিনিময়ে নগদ টাকা, উট, উটের পিঠে বিছাইবার গদী এবং উহা বাঁধিবার দড়ি ইত্যাদি বিভিন্ন জিনিষ দিয়া দিলেন যাহা দ্বারা তাহারা খয়বর হইতে সিরিয়ায় পৌঁছিতে সক্ষম হয়। (৩৭৭ পৃঃ)

ব্যোথ্যা :—মদীনায় ইহুদী সম্প্রদায় প্রবল ছিল; নবী (দঃ) তাহাদের সঙ্গে সহ-অবস্থানের শাস্তি চুক্তি সম্প্রদান করিয়া তাহাদের প্রতি সর্বপ্রকারে সৌজন্মের হস্ত সম্প্রসারিত করিয়াছিলেন। কিন্তু তাহারা ইহার মর্যাদা মোটেই রক্ষা করে নাই। মোসলমানদের প্রতি ইহুদীদের সেই ঘোর শত্রুতার খবর স্বয়ং আলেমুল-গায়েব আল্লাহ তায়ালা দিয়াছেন (পবিত্র কোরআন ৬পাঃ শেষ আয়াত দ্রষ্টব্য)। বনু-নজীর ও বনু-কোরাযজার ইতিহাস এবং কাযাব ইবনে আশরাফ ও আবু রাফে ইত্যাদি গোত্র ও ব্যক্তিদের ঘটনাবলী সেই শত্রুতা বাস্তবায়নে অত্যন্ত হৃদয় বিদারক (তৃতীয় খণ্ড দ্রষ্টব্য)।

মদীনায় সর্বপ্রথম তাহাদের বিরুদ্ধে সশস্ত্র অভিযান চালাইতে হয় তাহারা ছিল ইহুদীদের বনু-নজীর গোত্র। রসুলুল্লাহ (দঃ) তাহাদের প্রতি অভিযান চালাইয়া তাহাদের পরাজিত করিলেন। ঐ অবস্থায়ও রসুলুল্লাহ (দঃ) তাহাদের প্রতি কৃপা প্রদর্শন করিলেন যে, একটি লোককেও প্রাণে মারিলেন না; অবশ্য মোসমানদের কেন্দ্রীয় শহর মদীনা হইতে এই শ্রেণীর বিদ্রোহীদের অপসারণ জরুরী হওয়ায় মদীনা হইতে প্রায় ২০০ মাইল দূরে খয়বর এলাকায় তাহাদের স্থানান্তরিত করিলেন। ইহা হিজরী দ্বিতীয় সনের ঘটনা।

মদীনা হইতে বহিস্কৃত ইহুদীরা খয়বরে থাকিয়াও অন্তর হইতে মোসলেম-বিদ্বেষী স্বভাবের বহিস্কার করিল না। তাহারা তথায় তাহাদের স্বজাতিদের মিলনে অধিক শক্তি সঞ্চয় করিয়া খয়বরকে মোসলমানদের শত্রুতার দুর্গরূপে গড়িল। সপ্তম হিজরীতে হযরত (দঃ) খয়বরের প্রতি অভিযান চালাইতে বাধ্য হইলেন। খয়বরের পতন হইল। এইবারও হযরত (দঃ) তাহাদিগকে তথা হইতে বহিস্কার করার ইচ্ছা করিলেন। তথাকার ইহুদীরা হযরত (দঃ)এর নিকট দরখাস্ত করিল, আমাদের বহিস্কার করিবেন না; আমাদের জায়গা-জমি, বাগ-বাগিচা সবই আপনাদের মালিকানাভুক্ত থাকিবে আমরা বর্ণাভাগী হিসাবে উহার চাষাবাদ করিয়া যাইব। হযরত (দঃ) তাহাদের দরখাস্ত মঞ্জুর করিলেন; হযরত হযরত (দঃ) ভাবিলেন, তাহাদের অর্থনৈতিক মেরুদণ্ড ভাঙিলে তাহাদের স্বভাবের পরিবর্তন

ঘটিবে, কিন্তু অঙ্গার শতবার দুধ দ্বারা ধুইলেও উহার কালিমা দূর হইবার নয় ; তদ্রূপ ইহুদীদের সব রকম বিপর্যয়েও মোসলেম-বিদ্বেষের কালিমা তাহাদের অন্তর হইতে দূর হইল না। খয়বর যুদ্ধে গযু'দস্ত ইহুদীরাই রসুলুল্লাহ (দঃ)কে প্রাণে বধ করার ষড়যন্ত্র করিল। তাহারা হযরত (দঃ)কে দাওয়াত করিল ; হযরত (দঃ) তাহাদের প্রতি উদারতা প্রকাশার্থে তাহাদের দাওয়াত গ্রহণ করিলেন। সেই দাওয়াতের খাজে তাহারা বিষ মিশ্রিত করিয়া দিল এবং ধরাও পড়িল ; হযরত (দঃ) তাহাদের প্রতি ক্ষমা প্রদর্শন করিলেন। তারপরও তাহাদের শত্রুতা দস্তুর মতে চলিতেই লাগিল। এখন তাহারা গুপ্ত হত্যা চালাইল। তাহাদের এলাকায় কোন মোসলমানকে একা পাইলেই তাঁহাকে হত্যা করিত। হযরতের সময়েই বিশিষ্ট ছাহাবী আবদুল্লাহ ইবনে সাহল (রাঃ)কে একা পাইয়া তাঁহাকে জবাই করিয়া ফেলিয়াছিল। তাহাদের এই গুপ্ত হত্যার কাজ সুদীর্ঘরূপে চলিল, এমনকি খলীফা ওমরের শাসন আমলে স্বয়ং খলীফা তথা প্রেসিডেন্ট ওমরের পুত্র সুপ্রসিদ্ধ ছাহাবী আবদুল্লাহ ইবনে ওমর (রাঃ) একদা স্বীয় জায়গা-জমি দেখার জন্ত খয়বরে গেলেন। গরমের দিন রাত্রিবেলা তিনি এক গৃহছাদের উপর শুইয়াছিলেন। ইহুদীরা তাঁহাকে মারিয়া ফেলার জন্ত ঘুমন্ত অবস্থায় ধাক্কা দিয়া নীচে ফেলিয়া দিল। তিনি অস্বাভাবিকরূপে প্রাণে বাঁচিয়া গেলেন বটে, কিন্তু তাঁহার হাত পা ভীষণভাবে ক্ষতিগ্রস্ত হইল।

খয়বরের ইহুদীদের হুঃসাহস এইরূপে চরমে পৌঁছিয়া গেলে খলীফা ওমর (রাঃ) তাহাদেবে আরও দূরে দেশান্তরিত করার উদ্দেশ্যে সিরিয়ায় স্থানান্তরিত করিলেন।

ইহুদী সম্প্রদায় বনু-নজীরকে প্রথমবার স্বয়ং রসুলুল্লাহ (দঃ) মদীনা হইতে বহিস্কৃত করিয়াছিলেন। তখন পবিত্র কোরআন নাযেল হওয়ার আমল ছিল ; উক্ত ঘটনার উল্লেখ পবিত্র কোরআনে স্থান লাভ করিয়াছে (২৮ পাঃ ছুরা হাশর দ্রষ্টব্য)। সেই ইহুদী সম্প্রদায়কেই দ্বিতীয়বার খলীফা ওমর (রাঃ) খয়বর হইতে বহিস্কৃত করিয়াছিলেন ; তখন কোরআন নাযেল হওয়া বন্ধ ; তাই উহার উল্লেখ কোরআনে স্পষ্টরূপে নাই বটে, কিন্তু প্রথমবারের ঘটনার উল্লেখে উহাকে “প্রথম বহিস্কার” বলিয়া পরবর্তী বহিস্কারের ভবিষ্যৎ ইঙ্গিত প্রদান করা হইয়াছে—যাহার বাস্তবায়ন ওমর (রাঃ) করিয়াছিলেন। এতদ্বিত্ত হযরত (দঃ)ও এই পরবর্তী বহিস্কারের ভবিষ্যদ্বাণী করিয়া ছিলেন—যাহার বর্ণনা ওমর (রাঃ) দিয়াছেন।

বোহেশাতে যাইয়া জমি চাষ করার ঘটনা

১১৫১। হাদীছ :—আবু হোরাযরা (রাঃ) হইতে বর্ণিত আছে, নবী (দঃ) একদা বিভিন্ন বিষয় বর্ণনা করিতেছিলেন, তাঁহার নিকট এক বেদুইন উপস্থিত ছিল।

নবী ছালালাহ আলাইহে অসাল্লাম এই ঘটনা বর্ণনা করিলেন যে, বেহেশতবাণী এক ব্যক্তি একদা স্বীয় পরওয়ারদেগার সমীপে কৃষিকার্যের অভিপ্রায় জ্ঞাপন করিবে। তখন আল্লাহ তায়ালা বলিবেন, তুমি স্বীয় সমুদয় ইচ্ছা ও আশা-আকাঙ্ক্ষাকে উপস্থিত পাইতেছ নয় কি? (এমতাবস্থায় তোমার কৃষিকার্যের অবশ্যক কি?) সেই ব্যক্তি বলিবে, আমি সব কিছুই পাইতেছি বটে, কিন্তু কৃষিকার্য করার অভিলাষ আমার জন্মিয়াছে। সে ব্যক্তি জমিনে বীজ বপন করিবে। চোখের পলক অপেক্ষা দ্রুত বীজ হইতে চারা জন্মিয়া, গাছ বড় হইয়া শস্য পাকিয়া ও প্রস্তুত হইয়া পাহাড় পরিমাণ স্তূপ হইয়া যাইবে। আল্লাহ তায়ালা বলিবেন, হে আদমজাত! এই লও—তোমার অভিলাষ! তোমার আকাঙ্ক্ষার সমাপ্তি হয় না।

নবী ছালালাহ আলাইহে অসাল্লামের নিকটস্থ বেহুঙ্গেনটি বলিয়া উঠিল—ঐ ব্যক্তি মক্কা হইতে আগত (কৃষিকার্যে লিপ্ত) মোহাজের বা মদীনাবাসী হইবেন; তাঁহারাই কৃষিকার্যে অভ্যস্ত। বেহুঙ্গেনরা কৃষিকার্যে অভ্যস্ত নয়। এতচ্ছবণে নবী (দঃ) হাসিলেন।

কতিপয় পরিচ্ছেদের বিষয়াবলী

● শস্য-ফসলের হেফাজতে কুকুরকে কাজে লাগান জায়েয আছে (৩১২ পৃঃ)।

● বর্গার চুক্তি কত বৎসরের জ্ঞা করা হইতেছে তাহা নির্দ্ধারিত না করিলেও তাহা শুদ্ধ হয়, (কিন্তু উহা শুধু এক বৎসরের জ্ঞা বাধ্যতামূলক হয়। তারপর উভয়ের সম্মতি সাপেক্ষ (৩১৩ পৃঃ)।

● অগোসলেমকে বর্গা দেওয়া জায়েয (ঐ)। ● কোন ব্যক্তি অথের বীজ তাহার অনুমতি ব্যতিরেকে তাহারই উপকারার্থে বপন করিয়াছে সে ক্ষেত্রে লাভ হইলে তাহা বীজের মালিকের হইবে (৩১৩ পৃঃ); আর যদি বীজের ক্ষতি হইয়া যায় তবে ঐ বপনকারী ক্ষতিপূরণে বাধ্য থাকিবে।

অনাবাদ ভূমিকে যে আবাদ করে

মহুআলাহঃ—যে ভূমি কাহারও মালিকানা ভুক্ত নহে এবং উহাতে পানির কোন প্রকার ব্যবস্থা না থাকায় বা অতিরিক্ত পানির কারণে বা যে কোন কারণে অনাবাদ পড়িয়া আছে, কোন ব্যক্তি উহা আবাদ করিলে সেই ব্যক্তি উহার মালিক সাব্যস্ত হইবে। কিন্তু এই বিষয়ে দুইটি শর্ত আছে, প্রথম—ঐ ভূমি এমন স্থানে অবস্থিত না হয় যাহার সঙ্গে সর্বসাধারণের স্বার্থ সংশ্লিষ্ট আছে। দ্বিতীয়, রাষ্ট্রীয় প্রতিনিধির অনুমতি প্রাপ্তে আবাদ করিতে হইবে।

● আলী (রাঃ) স্বীয় খেলাফতকালে তাঁহার রাজধানী কুফা নগরী হইতে দূরে অবস্থিত অনাবাদ ভূমিসমূহে ঐরূপ ব্যবস্থার স্বীকৃতি দান করিয়াছিলেন।

● ওমর (রাঃ)ও স্বীয় খেলাফতকালে ঐ ব্যবস্থার স্বীকৃতি দান করিয়াছিলেন।

● আমর ইবনে আউফ (রাঃ) নবী ছালাল্লাহু আলাইহে অসাল্লাম হইতে বর্ণনা করিয়াছেন, যে ব্যক্তি অনাবাদ জমি আবাদ করিবে যদি পূর্ব হইতে ঐ জমির উপর কাহারও কোন স্বত্ত্ব না থাকে তবে ঐ আবাদকারীই উহার মালিক হইবে, অথ ব্যক্তি ঐ জমি দখল করিতে চাহিলে তাহাকে অত্যাচারী ও অত্যাচারী সাব্যস্ত করা হইবে; তাহাকে সেই স্থানে হক দেওয়া হইবে না।

● জাবের (রাঃ) নবী ছালাল্লাহু আলাইহে অসাল্লাম হইতে বর্ণনা করিয়াছেন, যে ব্যক্তি কোন অনাবাদ জমিকে আবাদ করিবে সেই জমিতে তাহারই স্বত্ত্ব প্রতিষ্ঠিত হইবে এবং সেই ব্যক্তি এই কার্যের ছওয়াব ও লাভ করিবে। উহা আবাদ করতঃ উহাতে রোপিত বৃক্ষাদির ফল যাহা পশু-পক্ষী ভক্ষণ করিবে তাহা ঐ ব্যক্তির পক্ষে ছদকা—দান খয়রাত গণ্য হইবে।

১১৫২। হাদীছঃ— عن عائشة عن النبي صلى الله عليه وسلم قال من أعمه ر أرضاً ليست لأحد فهو آحق

অর্থ—আয়েশা (রাঃ) বর্ণনা করিয়াছেন, রসুলুল্লাহ ছালাল্লাহু আলাইহে অসাল্লাম বলিয়াছেন, যে ব্যক্তি অনাবাদ ভূমি আবাদ করিবে যাহা কাহারও মালিকানায় নহে, সেই ব্যক্তি ঐ ভূমির হকদার—মালিক সাব্যস্ত হইবে। (৩১৪ পৃঃ)

সেচ ও পানি সম্পর্কীয় বিষয়ের বিবরণ

আল্লাহ তায়ালা বলিয়াছেন— وَجَعَلْنَا مِنَ الْمَاءِ كُلَّ شَيْءٍ حَيٍّ

যাহারা কাফের—যাহারা সঠিকরূপে আল্লাহ তায়ালাকে একত্ব প্রভুত্ব অবলম্বন করে না তাহাদের প্রতি তিরস্কার করতঃ তাহাদের চোখে অঙ্গুলি দিয়া আল্লাহ তায়ালা স্বীয় অসীম কুদরতের নিদর্শন দেখাইয়া বলেন—“(বিশ্ব জগতের অগণিত) জীবন্ত বস্তুসমূহের প্রতিটি বস্তুকে আমি পানির দ্বারা সৃষ্টি ও উহার অস্তিত্ব বজায় থাকার ব্যবস্থা করিয়াছি। (আমার অমিশ্রিত একনায়কত্ব অসীম কুদরতের এরূপ নিদর্শন সমূহ তাহারা স্বচক্ষে দেখিতেছে) তবে কেন তাহারা (আমার একত্বের স্বীকারোক্তি এবং আমার প্রভুত্ব ও আনুগত্য গ্রহণ পূর্বক) ঈমান আনিতেছে না?” (১৭ পাঃ ৩ কঃ)।

আল্লাহ তায়ালা আরও বলিয়াছেন—

أَفَرَأَيْتُمُ الْمَاءَ الَّذِي تَشْرَبُونَ - ءَأَنْتُمْ أَنْزَلْتُمُوهُ.....

অর্থ তোমরা পানি সম্পর্কে লক্ষ্য করিয়াছ কি? যে পানি তোমরা (জীবন ধারণের জন্য) পান করিয়া থাক (এবং যেই পানির বারিপাতের উপর সৃষ্ট জগতের অস্তিত্ব নির্ভর করে) মেঘমালা হইতে সেই পানি তোমরা বর্ষণ করিয়া থাক, না—আমি বর্ষণ করি? (এই প্রশ্নের উত্তর সুস্পষ্ট যে, আমিই উহা বর্ষণ করিয়া থাকি। অতঃপর ইহাও লক্ষ্য কর যে, আমি ঐ পানিকে তোমাদের ব্যবহারোপযোগী মিষ্টি পানিরূপে বর্ষণ করি;) আমি যদি ইচ্ছা করি তবে ঐ পানিকে ব্যবহারের অনুপযোগী লোনা পানিতে পরিণত করিয়া দিতে পারি। (বাধা দেয়ার সাধ্য কাহারও নাই, যেহেতু সমুদ্রের সমুদয় পানিকে আমি লোনা করিয়া রাখিয়াছি। আমার এসমস্ত নেয়ামতের প্রতি লক্ষ্য করিয়া খাঁচী ও পূর্ণরূপে) আমার প্রতি কেন কৃতজ্ঞ হও না? (২৭ পাঃ ১৫ ধঃ)

ব্যাখ্যাঃ—বৈজ্ঞানিকগণ পানি সম্পর্কে কত গবেষণাই না করিয়া থাকে। কিন্তু যাহারা উল্লেখিত বিষয় সমূহে গবেষণা করিয়া স্বীয় সৃষ্টিকর্তা পালনকর্তা আল্লাহ তায়ালায় খোঁজ ও পরিচয় লাভ করতঃ তাঁহার অসীম অতুলনীয় কৃপা ও করুণা জ্ঞাত হইয়া স্বীয় কর্তব্য নিদ্ধারণ ও পালন না করে বস্তুতঃ তাহারা পানি সম্পর্কীয় বিজ্ঞানের প্রথম পাঠ হইতেই অজ্ঞ ও অন্ধ।

পানির সত্ত্বাধিকারী স্বীয় প্রয়োজনে অগ্রগণ্য

ব্যাখ্যাঃ—ব্যক্তিগত সত্ত্বাধিকারের পানি দুই প্রকার।

প্রথম—যে পানি কোন বড় বা ছোট পাত্র ইত্যাদিতে ব্যক্তিগত পরিশ্রম বা ব্যয় বহনে সংরক্ষিত হইয়াছে; এইরূপ পানির মালিক ও স্বত্ত্বাধিকারী একমাত্র সংরক্ষণকারী সাব্যস্ত হইবে, উহাতে অণু কাহারও স্বত্ত্ব নাই।

দ্বিতীয়—যে পানি ব্যক্তিগত পরিশ্রম ও ব্যয় বহনে পাত্র ইত্যাদিতে সংরক্ষিত হয় নাই, বরং প্রাকৃতিকরূপে এক স্থানে জমা হইয়া আছে, কিন্তু পানির সেই স্থান ব্যক্তিগত স্বত্ত্ব ও মালিকানাভুক্ত—কূপ, পুকুর, দীঘি ইত্যাদি। এইরূপ পানির উপর মালিকের এমন অধিকার নাই যে, সে মানুষকে বা পশুপালকে সেই পানি পান করা হইতে বঞ্চিত রাখিতে পারে। এমনকি—যদি মালিক স্বীয় এই অধিকার খাটাইতে চায় যে, পানি হইতে কাহাকেও নিষেধ করি না, কিন্তু আমার এলাকায় ও জমিনে অণুকে যাতায়াত করিতে দিব না। এমতাবস্থায় যদি নিকটবর্তী এলাকার মধ্যে ঐ কূপ বা পুকুর ভিন্ন

পানি পানের অথ কোন ব্যবস্থা না থাকে তবে মালিককে বলা হইবে যে, এই পানি তোমার এলাকার বাহিরে পৌঁছাইয়া দেওয়ার ব্যবস্থা কর নতুবা ঐ ব্যক্তিকে পানি নিয়া যাওয়ার অনুমতি দাও। অবশ্য যাতায়াতের দ্বারা কূপ, বা পুকুরের ক্ষতিসাধন করিতে পারিবে না, নতুবা মালিক বাধাদান করিতে পারিবে। মোট কথা এই যে, কূপ, পুকুর ইত্যাদি যদিও মালিকানাভুক্ত হয় তবুও উহার পানি পান করার অধিকার অথ সকলের থাকিবে। হাঁ—নদী-নালা পানির স্থায় ঐ পানির দ্বারা ক্ষেত-খোলা, বাগ-বাগিচা সেচনের অধিকার মালিক ভিন্ন অথ কাহারও থাকিবে না।

এই দ্বিতীয় প্রকারের পানি সম্পর্কেই বলা হইতেছে যে, মালিক অগ্রাধিকারী গণ্য হইবে। অর্থাৎ অথ লোক ও অথ লোকের পশুপালের পানি পান করার অধিকার ঐ পানির উপর আছে বটে, কিন্তু মালিকের প্রয়োজন পূর্ণ করার পর যে পানি থাকিবে সেই পানির মধ্যে অথ লোকের পান করার অধিকার থাকিবে। মালিকের প্রয়োজন পূর্ণ না হওয়া পর্য্যন্ত অথের অধিকার স্থাপিত হইবে না। এমনকি, যদি অথ লোক বা অথের পশুপালের এত ভিড় হয় যে, কূপ বা পুকুর শুক হইয়া যাওয়ার আশঙ্কা হয় তবে মালিক নিষেধাজ্ঞা আরোপ করিতে পারিবে।

পশুপালের খাও ঘাস-পাতার মছআলাও এই পানির মছআলার অনুরূপ প্রায়। (১) মালিকানা স্বত্বহীন জমির উপর স্বয়ং উদ্ভিদজাত ঘাস-পাতা ইহা নদী-নালা সমুদ্র ইত্যাদির পানির স্থায়; উহার উপর সকলের সমান অধিকার থাকে—কেহ কাহাকে বাধা দিতে পারে না। (২) মালিকানাধীন জমির উপর স্বয়ং উদ্ভিদজাত ঘাস-পাতা—ইহা কূপ, পুকুর, দীঘি ইত্যাদির পানির স্থায়; জমির মালিকের প্রয়োজনাতিরিক্ত যাহা থাকিবে উহার উপর অথ লোকের অধিকার থাকে, অবশ্য তাহার জমিনের কোন প্রকার ক্ষতি সাধনে সে বাধা দান করিতে পারে। (৩) স্বীয় জমিনে বপনকৃত বা স্বীয় পরিশ্রমে বা ব্যয়-বহনে সংগৃহীত ঘাস-পাতা, ইহা পাত্রে সংরক্ষিত পানির স্থায়; ইহাতে অথ কাহারও অধিকার নাই।

মছআলাহ :—পানির কূপ, পুকুর ইত্যাদি যদিও সাধারণতঃ বিপদ সঙ্কুল বটে, কিন্তু নিজ স্বত্বের ভূমিতে উহা খননের অধিকার আছে, এমনকি যদি উহাতে পতিত হইয়া কেহ মারা যায় তাহার জন্ত মালিক দায়ী হইবে না। (৩১৭ পৃঃ)

১১৫৩। হাদীছ :— عَنْ أَبِي هُرَيْرَةَ رَضِيَ اللَّهُ تَعَالَى عَنْهُ

أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ قَالَ لَا يَمْنَعُ فَضْلُ الْمَاءِ لِمَنْعَ بِهِ الْكَلَّا

অর্থ—আবু হোরাযরা (রাঃ) হইতে বর্ণিত আছে, রসূলুল্লাহ ছালাল্লাহু আলাইহে অসাল্লাম বলিয়াছেন, (যেই ঘাসের উপর অথ লোকের অধিকার থাকে সেই ঘাসের নিকটবর্তী স্থানে ব্যক্তিগত মালিকানাধীন কূপ বা পুকুর থাকিলে সেই) ঘাস হইতে বঞ্চিত রাখার উদ্দেশ্যে পানির স্বীয় প্রয়োজনাতিরিক্ত অংশকে নিষিদ্ধ করার অধিকার নাই।

আবশ্যকাতিরিক্ত পানি হইতে পথিককে বঞ্চিত করা

১১৫৪। হাদীছ :— আবু হোরাযরা (রাঃ) বর্ণনা করিয়াছেন, রসূলুল্লাহ ছালাল্লাহু আলাইহে অসাল্লাম বলিয়াছেন, তিন প্রকার মানুষ আছে যাহাদের প্রতি আল্লাহ তায়ালা কেয়ামতের ভীষণ কঠিন দিনে দৃষ্টিপাত (অনুগ্রহ) করিবেন না, (তাহাদের গোনাহ মাফ করিয়া) তাহাদিগকে পাক পবিত্র (করতঃ বেহেশত লাভের সুযোগ দান) করিবেন না এবং ভীষণ কষ্টদায়ক আজাব তাহাদের জন্ত নির্ধারিত রহিয়াছে। (১) ঐ ব্যক্তি যাহার মালিকানায় পথিমধ্যে তাহার নিজ আবশ্যকাতিরিক্ত পানির ব্যবস্থা আছে, সে পথিকদিগকে ঐ পানি ব্যবহার করিতে দেয় না। (কেয়ামতের দিন আল্লাহ তায়ালা তাহাকে বলিবেন, যেই পানি তুমি সৃষ্টি করিয়াছিলে না—সেই পানির অতিরিক্ত অংশ হইতে তুমি অথকে বঞ্চিত রাখিয়াছিলে। তদ্রূপ আজ তুমি আমার কৃপা হইতে বঞ্চিত থাকিবে)। (২) ঐ ব্যক্তি—যে কোন নেতা বা শাসনকর্তার আনুগত্য বা সমর্থন (নিঃস্বার্থরূপে আদর্শ ভিত্তিক না করিয়া) ছুনিয়ার স্বার্থ সিদ্ধির উদ্দেশ্যে করিয়া থাকে, পরে যদি সেই স্বার্থ সিদ্ধ হয় তবে সমর্থন বহাল রাখে নতুবা বিদ্রোহী হইয়া বিশৃঙ্খলার সৃষ্টি করে। (৩) ঐ ব্যক্তি যে স্বীয় বিক্রয় বস্তু বিক্রি করার জন্ত উপস্থিত করিয়াছে, (সে এত বড় ছুরাচার যে,) আছরের নামাযের পর (—যে সময়টি বিশেষ ফজিলতের সময়; সেই যোবারক সময়ের মধ্যে বিনা দ্বিধায়) একরূপ মিথ্যা শপথ করে যে, যেই আল্লাহ ভিন্ন কোন মা'বুদ নাই তাহার কসম খাইয়া বলিতেছি, এই বস্তুটি এত টাকা মূল্য বলা হইয়াছে; (বস্তুতঃ তাহার ঐ বস্তুর তত টাকা মূল্য বলা হয় নাই, সে অথকে ধোকা দেওয়ার জন্ত একরূপ মিথ্যা বলিয়াছে;) অথ এক ব্যক্তি তাহার কথা বিশ্বাস করিয়াছে এবং ধোকায় পড়িয়া বেশী মূল্য দান করিয়াছে।

এই তৃতীয় রকম ব্যক্তির কুফল ভোগের সমর্থনে হযরত (দঃ) নিজের আয়াতটিও তেলাওয়াত করিলেন—

إِنَّ الَّذِينَ يَشْتَرُونَ بِعَهْدِ اللَّهِ وَأَيْمَانِهِمْ ذُرِّيَةً قُلُوبِهِمْ لَا أُولَئِكَ

لَا خَلْقَ لَهُمْ فِي الْأَخِرَةِ ۝

অর্থ—যাহারা আল্লার নামে (মিথ্যা) ওয়াদা বা (মিথ্যা) শপথ করিয়া উহার বিনিময় হাসিল করে অর্থাৎ সাধারণভাবে সে যাহা হাসিল করিতে পারিত না মিথ্যা শপথ বা আল্লার নামে ওয়াদা করিয়া উহা হাসিল করে তাহাদের জন্ত আখেরাতে সুখ ভোগের কোন সুযোগই থাকিবে না। (৩ পাঃ ১৬ কঃ)

নদী-নালার গতি রোধ করিয়া উর্দ্ধ প্রান্তের জমি সেচের
প্রয়োজনান্তে নিম্নপ্রান্তের জমি সেচনের
জন্ত ছাড়িয়া দিতে হইবে

অর্থাৎ প্রাকৃতিক নদী-নালার মধ্যে অপার্যাপ্ত পানি হইলে ; যেরূপ বর্ষাহীন শুষ্ক অঞ্চলের পাহাড় পর্বতের ঝর্ণা হইতে প্রবাহমান নদী-নালা—এ সবেৰ পানি ব্যবহারে উর্দ্ধ প্রান্তের জমিওয়ালাদের হক অগ্রগণ্য বটে, কিন্তু উহাকে সর্বদার জন্ত বন্ধ করিয়া দেওয়ার হক কাহারও নাই, বরং সাধারণ নিয়ম পরিমাণ পর্য্যন্ত প্রয়োজনীয় সেচন পূর্ণ হওয়ার সঙ্গে সঙ্গে নিম্ন প্রান্তের জমি সেচনের জন্ত ছাড়িয়া দেওয়া আবশ্য। অবশ্য উর্দ্ধপ্রান্তের লোকদের নিয়মিত প্রয়োজনীয় হক হাসিল করার জন্ত সাময়িকরূপে উহার গতিরোধ করার অনুমতি আছে।

১১৫৫। হাদীছ :—রসুলুল্লাহ ছালাল্লাহু আলাইহে অসাল্লামের ফুকাত ভাই—গিশিষ্ট ছাহাবী যোবায়ের রাজিয়াল্লাহু তায়ালা আনহুর সঙ্গে প্রবাহমান পানির গতি রোধ নিয়া মদীনাবাসী একজন লোকের বিবাদ ঘটিল। প্রবাহিত নালার উর্দ্ধপ্রান্তে যোবায়ের রাজিয়াল্লাহু তায়ালা আনহুর খেজুর বাগান ছিল, তিনি উহা সেচনের জন্ত ঐ প্রবাহমান পানির গতিরোধ করিয়া থাকিতেন। অপর পক্ষ মদীনাবাসী লোকটির জমি ঐ নালার নিম্ন প্রান্তে অবস্থিত, সে যোবায়ের (রাঃ) কর্তৃক পানির গতিরোধে বাধাদান করিত ; এইরূপে তাহাদের উভয়ের মধ্যে বিবাদ বাঁধে এবং উভয়ই নবী ছালাল্লাহু আলাইহে অসাল্লাম সমীপে এই বিবাদের মীমাংসা প্রার্থনা করে।

নবী (দঃ) যোবায়ের (রাঃ)কে বলিলেন, তুমি তোমার আবশ্যক পরিমাণ পানি সেচনের পর স্বীয় পড়শীর জন্ত পানি ছাড়িয়া দিও। মদীনাবাসী ব্যক্তি নবী ছালাল্লাহু আলাইহে অসাল্লামের এই মীমাংসায় সন্তুষ্ট হইতে পারিল না ; সে রাগান্বিত হইয়া বলিল, যোবায়ের আপনার ফুকাত ভাই কি-না। তাই আপনি তাহার পক্ষে মীমাংসা করিলেন। তাহার এই কটাক্ষপূর্ণ উক্তি নবী ছালাল্লাহু আলাইহে অসাল্লামের চেহারা মোবারক

রক্তবর্ণ হইয়া গেল (তিনি যোবায়ের (রাঃ)কে পুনঃ ডাকিয়া বলিলেন, যাবৎ তোমার বাগানের বাঁধ ও বেঠনী পরিমাণ পানি না হয় তাবৎ নালার গতি রোধ করিয়া রাখার অধিকার তোমার আছে। (প্রথমে হযরত (দঃ) উভয়ের মধ্যে মীমাংসামূলক ব্যবস্থার পরামর্শ দিয়াছিলেন যাহাতে মদীনাবাসী ব্যক্তিরই মঙ্গল ছিল, কিন্তু সে তাহা লক্ষ্য না করিয়া উন্টা নবী ছাল্লাল্লাহু আলাইহে অসাল্লামের প্রতি কটাক্ষ করিল। পরে তিনি তাহার ছবুদ্বিকে শায়েস্তা করার জন্ত এবং বস্তুতঃ তিনি কাহার মঙ্গল করিয়াছিলেন তাহা বুঝাইবার উদ্দেশ্যে ঐ পরামর্শাকারের আদেশ বাতিল করিয়া দিয়া দ্বিতীয়বার আইন সম্মত হক যাহা বস্তুতঃ উর্দ্ধপ্রাপ্তওয়াল ব্যক্তি পাইবার অধিকারী, যোবায়েরকে সেই অধিকার পূর্ণ প্রদান করিলেন।)

যোবায়ের (রাঃ) বলেন, এই ঘটনানুরূপ বিষয়েই এই আয়াতটি নাযেল হয়—

فَلَا وَرَبِّكَ لَا يُؤْمِرُكُمْ حَتَّىٰ يُحْكُمُونَكُم بَيْنَهُم بِأَمْرِهِمْ.....

অর্থ—আপনার প্রভুর শপথের সহিত ঘোষণা করা হইতেছে, কোন ব্যক্তি মোমেন গণ্য হইবে না যাবৎ আপনাকে স্বীয় সমুদয় বিবাদ-বিরোধ নিষ্পত্তির পূর্ণ অধিকারীরূপে গ্রহণ না করিবে ; অতঃপর আপনার আদেশ ও রায়কে বিনা দ্বিধায় সংশয়হীনরূপে মানিয়া ও গ্রহণ করিয়া না লইবে। (৫ পাঃ ৬ রূ)

তৃষ্ণাতুরকে পানি দান করার ফজিলত

প্রথম খণ্ডে অনুদিত ১৩৪ নং হাদীছখানা এস্থানে বিশেষ লক্ষ্যণীয়।

১১৫৬। হাদীছ :— عَنْ عَبْدِ اللَّهِ بْنِ عُمَرَ رَضِيَ اللَّهُ تَعَالَى عَنْهُ أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ قَالَ عَذِّبْتُ امْرَأَةً فِي هَرَّةٍ حَبَسْتُهَا حَتَّىٰ مَاتَتْ جُوعًا فَدَخَلْتُ فِيهَا النَّارَ قَالَ فَقَالَ وَاللَّهِ أَعْلَمُ لَا أَنْتِ أَطْعَمْتِهَا حِينَ حَبَسْتِهَا وَلَا أَنْتِ أَرْسَلْتِهَا فَاكَلَتْ مِنْ خَشَاشِ الْأَرْضِ ۝

অর্থ— ইবনে ওমর (রাঃ) বর্ণনা করিয়াছেন, রসূলুল্লাহ ছাল্লাল্লাহু আলাইহে অসাল্লাম বলিয়াছেন, একটি বিড়াল সম্পর্কে একজন নারীর প্রতি শাস্তি ও আজাবের আদেশ হইয়াছে। ঐ নারী একটি বিড়ালকে আবদ্ধ করিয়া রাখিয়া

ছিল এবং এই অবস্থায় সে উহাকে পানাহার প্রদান করে নাই, ফলে ক্ষুধা-তৃষ্ণায় বিড়ালটি মরিয়া যায়। সর্বজ্ঞ আল্লাহ তায়ালা তাহার শাস্তি বিধানেন বলিলেন, তুমি উহাকে আবদ্ধ রাখাবস্থায় পানাহারের ব্যবস্থা করিয়া দেও নাই এবং ছাড়িয়াও দেও নাই; যে, মাটিতে পড়া বস্তু হইতে সে তাহার আহার জোটাইতে পারে।

পতিত জমির গোচরণ ভূমির কোন অংশ ব্যক্তিগতরূপে

নির্দিষ্ট করিয়া নেওয়ার অধিকার নাই

১১৫৭। হাদীছ :— ছায়াব ইবনে জাছামা (রাঃ) বর্ণনা করিয়াছেন, রসূলুহাছ ছালাল্লাহু আলাইহে অসাল্লাম বলিয়াছেন, পতিত জমির গোচরণ ভূমির কোন অংশ নির্দিষ্ট করিয়া নেওয়ার অধিকার কাহারও নাই; শুধুমাত্র আল্লাহ এবং আল্লার রসূলের সেই অধিকার আছে।

ব্যাখ্যা :—যে জমি কাহারও ব্যক্তিগত স্বত্বাধিকারে নহে এবং উহার অবস্থান এমন প্রান্তে যে, এই এলাকার জনসাধারণ নিজেদের পশুপাল চারণ ইত্যাদি প্রয়োজনে উহার উপর নির্ভরশীল—এরূপ ক্ষেত্রে উক্ত জমির কোন অংশ কেহ নিজের জন্ত—যেমন, নিজের পশুপাল চরাইবার জন্ত নির্দিষ্ট করিয়া লইবে; অথবা পশুকে তথায় চরিতে দিবে না এই অধিকার কাহারও নাই, এমনকি বাদশা, খলীফা বা রাষ্ট্র-প্রধানেরও এই অধিকার নাই।

আল্লাহ ও আল্লার রসূলের জন্ত উক্ত অধিকার থাকার অর্থ এরূপ ক্ষেত্রে কোরআন-হাদীছের ব্যবহারিক ভাষায় দেশের ও দেশবাসী সমগ্র জনগণের সর্বময় কল্যাণ-কেন্দ্র সরকারী বাইতুল-মালের অধিকারকে বুঝাইয়া থাকে।

বাইতুল-মাল কাহারও ব্যক্তিগত ধন-ভাণ্ডারে পরিণত হইতে পারে না; উহা সমগ্র জনগণের সকল প্রকার কল্যাণ ও প্রয়োজনে সাহায্য সহায়তা দানের ভাণ্ডার। রাষ্ট্র-প্রধান হইতে আরম্ভ করিয়া কোন ব্যক্তি ছনিয়ার বৃকে উহার মালিক নহে, তাই উহার মালিকানা কে আল্লার দিকে সম্প্রদান করা হয়; রসূল আল্লার প্রতিনিধি, তাই রসূল এই বাইতুল-মালের পরিচালক। তদ্রূপ রসূলের স্থলাভিষিক্ত খলীফা ও তাহার সরকার সেই বাইতুল-মালের পরিচালক।

বাইতুল-মালে জনগণের কল্যাণের জন্ত সব রকম জিনিষই স্থায়ীভাবেও থাকে এবং সরবরাহের জন্ত আমদানী হইয়া বর্টন সাপেক্ষে অস্থায়ীভাবেও থাকে। বাইতুল-মালের সম্পদের মধ্যে বিভিন্ন পশুপালও হয়; সেই সব পশুপালের জন্ত যদি উক্ত ভূমির কোন এলাকা নির্দিষ্ট করা হয় তবে তাহা বিধেয় এবং সেই অধিকার সরকারের আছে। আলোচ্য হাদীছের শেষ বাক্যের মর্ম ইহাই। ইহারই দৃষ্টান্ত পেশ করিতে যাইয়া ইমাম বোখারী (রাঃ) বলিয়াছেন;

হাদীছের মাধ্যমে আমরা দেখিতে পাই—নবী (দঃ) বাইতুল-মালের উক্ত প্রয়োজনে “নবী” নামক মদীনার উপকণ্ঠে এক এলাকাকে নির্দিষ্ট করিয়া নিয়াছিলেন এবং খলীফা ওমর (রাঃ) “শারাক” ও “রাবাজাহ” নামক বিশেষ এলাকাদ্বয়কে নির্দিষ্ট করিয়া নিয়াছিলেন (৩১৯ পৃঃ)।

● উল্লেখিত শ্রেণীর ভূমি যাহার উদ্ভিদ কাহারও জন্ত নির্দিষ্ট নহে উহার ঘাস বা খড়ি কেহ কাটিয়া আনিলে উহা তাহার স্বত্ব হইবে; সে উহা বিক্রি করিতে পারে (৩১৯ পৃঃ)। ● উক্ত আকারেই নদ-নদী, খাল-বিলও সমভাবে জনগণের থাকিবে; যে কোন মানুষ বা জীব উহার পানি পান করিতে পারিবে।

পতিত জমি কাহাকেও দেওয়া

পতিত জমি যদি বস্তুি এলাকার জনসাধারণের সম্পর্ক হইতে বিচ্ছিন্নরূপে থাকে তবে সরকার উহা পাইবার প্রকৃত পাত্র ব্যক্তিদেরকে প্রদান করিতে পারে এবং উহা লিখিতরূপে দেওয়া চাই।

১১৫৮। হাদীছ :— আনাছ (রাঃ) বর্ণনা করিয়াছেন, (বাহুরাইন এলাকা মোসলমানদের অধীনস্থ হইলে পর) নবী ছাল্লাল্লাহু আলাইহে অসাল্লাম মদীনাবাসী মোসলমানগণকে ডাকিলেন; বাহুরাইন এলাকার পতিত জমি তাহাদের নামে লিখিয়া দেওয়ার জন্ত। মদীনাবাসীগণ বলিলেন, ইয়া রসুলুল্লাহ! যদি আপনি আমাদেরকে জমি লিখিয়া দিতে চান তবে প্রথমে আমাদের কোরারশী মোহাজের ভাইদের জন্ত ঐ পরিমাণ জমি লিখিয়া দিয়া তারপরে আমাদেরকে দিবেন। নবী ছাল্লাল্লাহু আলাইহে অসাল্লামের নিকট এই পরিমাণ জমি ছিল না যে, তিনি তাহা করিতে পারেন।

নবী (দঃ) (মদীনাবাসীদের এই উদারতা ও মহামতি প্রতি সন্তুষ্ট হইলেন এবং) বলিলেন, অচিরেই আমার পরে তোমরা নিজেদের উপর অশ্রদের অগ্রবর্তীতা দেখিবে; (তখনও এরূপ উদারতার সহিত) তোমরা ধৈর্যধারণ করিও। ধৈর্যগুণে ভূষিত অবস্থায়ই তোমরা কেয়ামতের দিন আমার সঙ্গে মিলিত হইও।

মছআলাহ :—কাহারও পানি ব্যবহারের আধিকার অথ ব্যক্তির মালিকানা স্বত্বাধিকারভুক্ত কূপ বা পুকুরে থাকিলে; তজ্জপ কাহারও পথ চলিবার অধিকার অথ ব্যক্তির মালিকানা স্বত্বের জমিতে থাকিলে তাহা অক্ষুণ্ণ থাকিবে (৩২০ পৃঃ)। এমনকি উক্ত অধিকারী ব্যক্তি যেই বাড়ী বা জমির দরুন উক্ত অধিকার লাভ করিয়াছে সেই বাড়ী বা জমির সহিত উক্ত অধিকারও সর্বসম্মত-রূপে হস্তান্তর ও উহার মূল্য গ্রহণ করিতে পারে। আর ঐ বাড়ী বা জমি ব্যতিরেকে

শুধু উক্ত অধিকার হস্তান্তর ও উহার বিনিময় গ্রহণও কিছু সংখ্যক আলেমগণের মতে শুদ্ধ ও বৈধ বটে। এতদ্বিত্ত পুকুর বা পথের মূল মালিক এবং উক্ত অধিকারী উভয়ে যদি সম্মত হইয়া সেই পুকুর বা পথ উক্ত অধিকার সহ বিক্রি করে সে ক্ষেত্রে সর্বসম্মতরূপে উক্ত অধিকারী মূল্যের অংশীদার হইবে যদিও পুকুর এবং পথে তাহার মালিকানা স্বত্ব নাই। (ফতহুল কাদীর ৫—২০৫)

ঋণ গ্রহণ ও পরিশোধের ব্যয়ান

আল্লাহ তায়ালা কোরআন শরীফে বলিয়াছেন—

إِنَّ اللَّهَ يَأْمُرُكُمْ أَنْ تُؤَدُّوا الْأَمَانَاتِ إِلَىٰ أَهْلِهَا.....

অর্থ—আল্লাহ তায়ালা তোমাদিগকে আদেশ করিতেছেন, তোমরা আমানত সমূহ তথা অস্ত্রের হক, স্বত্ব ও প্রাপ্যকে প্রাপকের নিকট অর্পণ করিবে এবং যখন লোকদের মধ্যে বিচার-মীমাংসা কর তখন ইনছাফের সহিত বিচার-মীমাংসা করিবে। আল্লাহ তায়ালা তোমাদিগকে যে সব নহীহত করিতেছেন তাহা কতই না উত্তম ও ভাল। আল্লাহ তায়ালা সব কিছু শুনে ও দেখেন। (৫ পাঃ ৫ রঃ)

১১৫৯। হাদীছ :— عَنْ أَبِي هُرَيْرَةَ رَضِيَ اللَّهُ تَعَالَى عَنْهُ

أَنَّ النَّبِيَّ صَلَّى اللَّهُ عَلَيْهِ وَسَلَّمَ قَالَ مَنْ أَخَذَ أَمْوَالَ النَّاسِ يُرِيدُ أَدَاءَهَا أَدَّى اللَّهُ عَنْهُ وَمَنْ أَخَذَ يُرِيدُ تَلْوَيفَهَا تَلَوَّفَهُ اللَّهُ ۝

অর্থ—আবু হুরায়রা (রাঃ) হইতে বর্ণিত আছে, নবী ছালাল্লাহু আলাইহে অসাল্লাম বলিয়াছেন, যে ব্যক্তি পরিশোধ করার দৃঢ় ইচ্ছার সহিত মানুষের ধন ঋণরূপে গ্রহণ করিবে আল্লাহ তায়ালা তাহাকে সেই ঋণ পরিশোধে সাহায্য করিবেন। আর যে ব্যক্তি আত্মসাৎ করার উদ্দেশ্যে ঋণ গ্রহণ করিবে আল্লাহ তাহাকে ধ্বংস করিবেন।

১১৬০। হাদীছ :—আবু জর (রাঃ) বর্ণনা করিয়াছেন, একদা আমি নবী ছালাল্লাহু আলাইহে অসাল্লামের সঙ্গে ছিলাম। তিনি দূর হইতে ওহোদ পাহাড়টি দেখিতে পাইয়া বলিলেন, এই পর্বতটি যদি আমার জন্ত স্বর্ণে পরিণত করিয়া দেওয়া হয় তবে (আমি তিন দিনের মধ্যে ইহা সম্পূর্ণ দান-খয়রাত করিয়া দিব), তিন দিনের অতিরিক্ত একটি মুদ্রা পরিমাণও আমার নিকট অবশিষ্ট থাকাকে আমি পছন্দ করিব না। হাঁ—যদি আমার ঋণ থাকে তবে উহা পরিশোধ বরা পরিমাণ রাখিব বটে। অতঃপর হযরত (দঃ) বলিলেন, যাহারা (হুনিয়াতে) অধিক বিত্তশালী তাহারা (কেয়ামতের দিন) অধিক অভাবগ্রস্ত

হইবে। হাঁ—যে বিত্তশালী আল্লার রাস্তায় সংকাজে চতুর্দিকে ধন-সম্পদ ব্যয় করে (তাহারা ব্যতীত।) কিন্তু একরূপ বিত্তশালীর সংখ্যা অতি নগণ্য।

অতঃপর নবী (দঃ) আমাকে বলিলেন, তুমি এখানেই অবস্থান কর এবং তিনি কিছু দূর অগ্রসর হইয়া অনতি দূরেই আমার দৃষ্টি হইতে লুপ্ত হইয়া গেলেন। হযরত (দঃ) যেই দিকে গিয়েছিলেন সেই দিক হইতে আমি (কথাবার্তার) শব্দ শুনিতে পাইলাম। তাই আমি তাঁহার উপর কোন বিপদের আশঙ্কায় তাঁহার নিকটস্থ আসিতে ইচ্ছা করিলাম, কিন্তু আমার প্রতি তাঁহার আদেশ ছিল যে, আমি প্রত্যাবর্তন না করা পর্যন্ত তুমি এই স্থানে অবস্থান করিবে, এই আদেশ স্মরণ করিয়া আমি নিবৃত্ত রহিলাম। হযরত (দঃ) ফিরিয়া আসিলে আমি জিজ্ঞাসা করিলাম, ইয়া রাসূলুল্লাহ! কিসের শব্দ শুনিতে পাইলাম? তিনি আমাকে জিজ্ঞাসা করিলেন; তুমি শব্দ শুনিয়াছ? আমি আরজ করিলাম, হাঁ। তিনি বলিলেন, জিব্রাঈল (আঃ) আমার নিকট এই সুসংবাদ নিয়া আসিয়াছিলেন যে, আপনার উম্মতের যেই ব্যক্তি আল্লার সঙ্গে কোন বস্তুকে শরীক করা হইতে পবিত্র থাকিয়া মৃত্যু বরণ করিবে সে বেহেশত লাভ করিতে সক্ষম হইবে। আমি আরজ করিলাম (ইয়া রাসূলুল্লাহ!) যদিও সে এই এই গোনাহ করিয়া থাকে? (—যদিও সে যেনা করিয়া থাকে, চুরি করিয়া থাকে?) হযরত (দঃ) বলিলেন, হাঁ—যদিও সে যেনা করিয়াছে, চুরি করিয়াছে।

ব্যাখ্যাঃ—ইহাতে সন্দেহ নাই যে, খাঁচী ঈমানদার ব্যক্তি গোনাহগার হইলেও বেহেশত লাভে সক্ষম হইবে, অবশ্য তাহার গোনাহ ক্ষমা না হইলে সেই গোনাহের শাস্তি ভোগান্তে বেহেশতে প্রবেশ করিবে। পক্ষান্তরে ঈমান না থাকিলে বেহেশত লাভ হইবে না, যদিও বাহ্যিক সংকার্য্য করিয়া থাকে। কারণ, ঈমান না থাকিলে কোন সংকার্য্যই আল্লাহ তায়াল র নিকট গ্রহণীয় নয়।

মহাজন ও প্রাপকের তাগাদায় ক্ষুব্ধ হইবে না

১১৬১। হাদীছঃ— عَنْ أَبِي هُرَيْرَةَ رَضِيَ اللَّهُ تَعَالَى عَنْهُ قَالَ
 أَنَّ رَجُلًا تَقَاَضَى رَسُولَ اللَّهِ صَلَّى اللَّهُ عَلَيْهِ وَسَلَّمَ فَاغْلَظَ لَهُ
 نَهْمٌ بِهِ اصْحَابُهُ فَقَالَ دَعُوهُ فَإِنَّ لِمَا حَبِ الْحَقُّ مَقَالًا وَاشْتَرَوْا لَهُ
 بَعِيرًا وَأَطْوَاهُ أَيَّاهُ قَالُوا لَا نَجِدُ إِلَّا أَنْضَلَ مِنْ سِنِّهِ قَالَ اشْتَرَوْهُ
 فَبَاعُوهُ أَيَّاهُ فَإِنَّ خَيْرَ كُمْ أَحْسَنُكُمْ قَضَاءً

অর্থ—আবু হোরায়রা (রাঃ) বর্ণনা করিয়াছেন, নবী ছালাল্লাহু আলাইহে অসাল্লাম এক ব্যক্তির নিকট হইতে একটি উট (বাইতুল-মালের জন্ত) ধার লইয়াছিলেন। একদা ঐ ব্যক্তি নবী (দঃ)কে তাগাদা করিল এবং অতি কঠোর ভাষায় তাগাদা করিল। ছাহাবীগণ তাহার আচরণে ক্ষুব্ধ হইয়া উঠিলেন নবী (দঃ) ছাহাবীগণকে বলিলেন, তোমরা তাহার প্রতি কোনরূপ কঠোর ব্যবহার করিও না, প্রাপকের অধিকার আছে তাগাদা করার এবং তাহাদিগকে আদেশ করিলেন, একটি উট ক্রয় করিয়া তাহার প্রাপ্য পরিশোধ করিয়া দাও। (এমতাবস্থায় বায়তুল-মালের মধ্যে কয়েকটি উট ওয়াসিল হইয়া আসিল, তখন সেই উট হইতেই পরিশোধের আদেশ করিলেন।) তাঁহারা বলিলেন, এই ব্যক্তির প্রাপ্য উট অপেক্ষা উত্তম ব্যতীত সমপরিমাণ উট পাওয়া যাইতেছে না। নবী (দঃ) বলিলেন, তাহার প্রাপ্য অপেক্ষা উত্তমই তাহাকে প্রদান কর। তোমাদের মধ্যে সর্বোত্তম ঐ ব্যক্তি যে ঋণ পরিশোধে উত্তম হয়।

ব্যাখ্যা :—উল্লেখিত ঘটনায় হযরত (দঃ) উক্ত ধার বা কর্জ নিজের জন্ত করিয়া ছিলেন না, বরং জাতীয় ধন-ভাণ্ডার বাইতুল-মালের জন্ত করিয়াছিলেন। কোন গরীব অসহায়কে বাইতুল-মাল হইতে একটি উট দ্বারা সাহায্য করার উপস্থিত প্রয়োজন হইয়া ছিল, কিন্তু বাইতুল-মালে তখন উট ছিল না, তাই এক ব্যক্তির নিকট হইতে একটি উট আনিয়া অসহায় লোকটিকে দিয়া ছিলেন। পরে বাইতুল-মালে উট আমদানী হইলে যে ব্যক্তির নিকট হইতে উট আনিয়াছিলেন তাহাকে তাহার উট অপেক্ষা বড় একটি উট দিয়া দিলেন। এরূপ ক্ষেত্রে অর্থাৎ বাইতুল-মালের জন্ত লেন-দেনে একটির স্থলে একাধিক দিলেও জায়েয হয়। কারণ, বাইতুল-মাল একক বা গ্রুপ বিশেষের ব্যক্তিগত মালিকানা নহে। উহার ধন-সম্পদ সকল মোসলমানের জন্ত।

সাধারণ ভাবে গরু-বকরি, হাস-মোরগ ইত্যাদি জীব ধার-কর্জরূপে লওয়া বিভিন্ন ইমামগণের নিকট জায়েয আছে, কিন্তু হানাফী মজহাবে ঐ সব বস্তুর ধার কর্জ জায়েয নহে। প্রয়োজন হইলে বাকি মূল্যে ক্রয় করিয়া লইবে।

দেনার কিছু অংশ পরিশোধ করিয়া বাকি অংশ মাফ

লইতে পারিলে রেহাই পাওয়া যাইবে

১১৬২। হাদীছ :— জাবের (রাঃ) বর্ণনা করিয়াছেন, আমার পিতা আবুল্লাহ (রাঃ) ওহাদের জেহাদে শহীদ হইলেন। তিনি (একা আমার উপর) ছয়টি মেয়ে এবং (১৭০ মণ খেজুরের) ঋণ রাখিয়া গেলেন।

আমাদের যে খেজুর বাগান ছিল তাহা ঋণদাতাগণকে দেখাইয়া তাহাদিগকে অনুরোধ করিলাম যে, তাহারা যেন আমার পিতার ঋণের পরিশোধে বাগানের এই মৌসুমের সমুদয় ফল নিয়া নেয় এবং পিতাকে ঋণমুক্ত করিয়া দেয়। কিন্তু তাহারা ইহাতে সম্মত হইল না; তাহারা ভাবিতেছিল, ইহা ঋণের পরিমাণ হইবে না। এমনকি তাহারা কঠোরতা অবলম্বন করিলে পর আমি নবী ছালাল্লাহু আলাইহে অসাল্লামের নিকট উপস্থিত হইয়া তাঁহার দ্বারা সুপারিশ করাইলাম। নবী (দঃ) মহাজনগণকে ঐরূপই বলিলেন যে, বাগানের সমুদয় ফল গ্রহণ করিয়া আমার পিতাকে যেন ঋণ হইতে মুক্তি দান করে, কিন্তু তাহারা সম্মত হইল না। আমি নবী ছালাল্লাহু আলাইহে অসাল্লামের নিকট উপস্থিত হইয়া সমস্ত ঘটনা ব্যক্ত করিলাম। নবী (দঃ) আমাকে বলিয়া দিলেন যে, ফল সমূহ কাটিয়া আনিয়া স্থান বিশেষে স্তপকৃত কর; এক এক শ্রেণীর খেজুর এক এক স্তপে রাখিও। তারপর আমাকে খবর দিও। আমি তাহাই করিলাম। নবী (দঃ) আবু বকর (রাঃ) ও ওমর (রাঃ)কে সঙ্গে লইয়া তথায় তশরীফ আনিলেন। মহাজনগণ হযরত (দঃ)কে দেখিয়া আমার প্রতি যেন বিরক্ত ও উত্তেজিত হইয়া উঠিল। নবী (দঃ) সর্ব বড় বা মধ্যম শ্রেণীর একটি খেজুর স্তপের উপর বসিয়া বরকতের জন্ত দোয়া করিলেন এবং আমাকে বলিলেন, মহাজনগণকে ডাকিয়া তাহাদের প্রত্যেকের প্রাপ্য পূর্ণ মাপিয়া দিতে থাক। আমি তাঁহার নির্দেশ অনুসারে কার্য করিলাম, এমনকি আমার পিতার উপর আর কাহারও ঋণ বাকি থাকিল না। সকলের ঋণ পরিশোধ করিয়া দেওয়ার পরও প্রায় ৪০ মণ উত্তম ও ৩৩ মণ ভাল-মন্দ মিশাল মোট প্রায় ৭৩ মণ খেজুর উদ্বৃত্ত থাকিল। অথচ আমি এই ঋণ পরিশোধের জন্ত বাগানের সমুদয় খেজুর প্রদানে রাজি ছিলাম, কিন্তু ঋণের পরিমাণ অপেক্ষা উহা কম হইবে বলিয়া মহাজনগণ তাহাতে সম্মত হইয়া ছিল না। অতঃপর আমি মগরেবের নামায নবী ছালাল্লাহু আলাইহে অসাল্লামের মসজিদে তাঁহার সঙ্গে পড়িলাম এবং নামাযান্তে সমুদয় ঘটনা তাঁহাকে অবগত করিলাম। হযরত (দঃ) হাস্তমুখে বলিলেন, আবু বকর ও ওমরকে এই ঘটনা জ্ঞাত কর। আমি তাঁহাদিগকে ঘটনা জ্ঞাত করিলাম। তাঁহারা উভয়ে বলিলেন, রসুলুল্লাহ (দঃ) যখন এই বিষয়ে স্বীয় কার্যকলাপ (খেজুর-স্তপের উপর বসিয়া বরকতের দোয়া) করিয়াছিলেন তখনই আমরা একীভূত করিয়াছিলাম যে, কোন অলৌকিক ঘটনা নিশ্চয় ঘটিবে।

ঋণ হইতে আল্লাহর আশ্রয় প্রার্থনা করা

১১৬৩। হাদীছ :- আয়েশা (রাঃ) বর্ণনা করিয়াছেন, রসূলুল্লাহ ছালাল্লাহু আলাইহে অসাল্লাম নামাযের মধ্যে (সালাম কিরাইবার পূর্বক্ষণে দোয়া-মাছুরা স্বরূপ যেই) দোয়া পড়িতেন (উহাতে ইহাও উল্লেখ থাকিত)।

“اللَّهُمَّ إِنِّي أَعُوذُ بِكَ مِنَ الْمَآْئِمِّ وَالْمَغْرَمِ ۝

সর্বপ্রকারের গোনাহ ও ঋণ হইতে আমি তোমার আশ্রয় প্রার্থনা করিতেছি।”*

সামর্থ্য সত্ত্বেও ঋণ পরিশোধে টালবাহানা বড় অত্যাচার

নবী ছালাল্লাহু আলাইহে অসাল্লাম হইতে বর্ণিত আছে, ঋণ পরিশোধে সামর্থ্যবান ব্যক্তি টালবাহানা করিলে তাহার প্রতি কঠোর ভাষা প্রয়োগ করা এবং (বিচার বিভাগ কর্তৃক) তাহাকে শাস্তি দেওয়া হয় সঙ্গত গণ্য হইবে।

মছআলাহ :- শুধু এক-দুই দিনের অবকাশ নেওয়াকে টালবাহানা গণ্য করা হইবে না। অর্থাৎ এরূপ ক্ষেত্রে কঠোরতা অবলম্বন করা সমিচীন নহে।

১১৬৪। হাদীছ :- يَقُولُ أَبُو هُرَيْرَةَ رَضِيَ اللَّهُ تَعَالَى عَنْهُ

قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ مَطْلُ الْغَنِيِّ ظُلْمٌ ۝

অর্থ—আবু হোরাইরা (রাঃ)-এর বর্ণনা, রসূলুল্লাহ ছালাল্লাহু আলাইহে অসাল্লাম বলিয়াছেন, ঋণ পরিশোধে সামর্থ্যবান ব্যক্তির টালবাহানা করা অতি বড় অত্যাচার।

দেউলিয়া ঘোষিত ব্যক্তির নিকট কাহারও মাল থাকিলে ?

১১৬৫। হাদীছ :- আবু হোরাইরা (রাঃ) বর্ণনা করিয়াছেন, রসূলুল্লাহ ছালাল্লাহু আলাইহে অসাল্লাম বলিয়াছেন, দেউলিয়া ব্যক্তির নিকট কেহ স্বীয় মালিকানা স্বত্বের বস্তু নিদ্ধিষ্টরূপে পাইলে ঐ বস্তু একমাত্র সেই মালিকেরই গণ্য হইবে।

ব্যাখ্যা :- বিভিন্ন লোকের ঋণে ঋণগ্রস্ত থাকাবস্থায় ধন-সম্পদের লাঘব ঘটায় দরুন সরকারীভাবে কোন ব্যক্তি দেউলিয়া ঘোষিত হইলে তাহার জীবিকা নির্বাহতিরিক্ত যে পরিমাণ ধন-সম্পদ থাকে সরকার কর্তৃক উহা মহাজনগণের মধ্যে তাহাদের ঋণের পরিমাণ অনুপাতে বন্টনের ব্যবস্থা করার বিধান রহিয়াছে। কিন্তু এমতাবস্থায় সেই দেউলিয়ার নিকট ব্যক্তি-বিশেষের মালিকানা স্বত্বের কোন বস্তু নিদ্ধিষ্টরূপে বিদ্যমান থাকিলে সেই বস্তুটি একমাত্র ঐ মালিকেরই স্বত্ব বলিয়া গণ্য হইবে, অত্যাচার মহাজনগণ এই বস্তু-বিশেষের উপর কোন দাবী

করিতে পারিবে না। আলোচ্য হাদীছের তাৎপর্য ইহাই, কিন্তু ব্যক্তি-বিশেষের মালিকানা স্বত্ব বলিতে কি বুঝায় তাহার প্রতি ইমাম বোখারী (রঃ) ইঙ্গিত করিয়াছেন যে, আমানতরূপে গচ্ছিত বস্তু বা আ'রিয়ত তথা সাময়িক কার্য্য উদ্ধারের জন্ত ফেরত দেওয়ার বাধ্যবাধকতায় কাহারও নিকট হইতে গৃহীত বস্তু ইত্যাদি। তদ্রূপ দেউলিয়া ঘোষিত হইবার পূর্বে তাহার নিকট কাহারও বিক্রিত বস্তু যাহার মূল্য এখনও সে পরিশোধ করে নাই এবং ঐ বস্তুর কোন পরিবর্তনও সে সাধন করে নাই—এই বস্তুটিও ঐ বিক্রেতার ব্যক্তিগত মালিকানা স্বত্বের আওতাভুক্ত পরিগণিত স্মরণ্য ঐ বস্তুটি একমাত্র তাহারই প্রাপ্য হইবে।

হানাফী মজহাব মতে আমানত ও আ'রিয়ত ইত্যাদি রকমের বস্তুসমূহ ব্যক্তিগত মালিকানা স্বত্ব বলিয়া গণ্য হইবে, কিন্তু কাহারও বিক্রিত বস্তু কোন অবস্থাতেই ঐরূপ গণ্য হইবে না। বরং বিক্রিত বস্তু দেউলিয়া ব্যক্তির স্বত্ব গণ্য হইবে এবং বিক্রেতা উহার মূল্যের পাওনাদার হিসাবে অস্বাভাবিক মহাজনগণের স্থায় একজন মহাজন গণ্য হইবে। বস্তুতঃ এই বস্তব্যই যুক্তিযুক্ত, কারণ ক্রয়-বিক্রয় সম্পূর্ণ হইয়া ক্রেতা কর্তৃক বিক্রিত বস্তু গৃহীত হওয়ার পর উহার উপর ক্রেতার স্বত্ব প্রতিষ্ঠিত হইয়া যায়, যদিও ধারে বিক্রি হইয়া থাকে। বিক্রেতার স্বত্ব উহার উপর বাকি থাকে না, বরং সে ঋণ-মূল্যের পাওনাদার থাকে।

মুছআলাহ :—কোন ব্যক্তির উপর ঋণ এই পরিমাণ যে, তাহা আদায় করিতে তাহার ধন-সম্পদের সম্পূর্ণই প্রয়োজন; তাহার ঋণ আদায় করিলে সে নিঃস্ব; তাহার ধন-সম্পদের কিছুই থাকে না। সে ক্ষেত্রে পাওনাদারদের দাবীর পরিপ্রেক্ষিতে কাজী তথা ইসলামী আইনের বিচারক ঐ ব্যক্তির হস্তক্ষেপ তাহার ধন-সম্পদের উপর নিষিদ্ধ ঘোষণা করিতে পারেন। এমনকি ঐ ব্যক্তি নিজে ঋণ পরিশোধার্থে ধন-সম্পদ বিক্রি করায় সম্মত না হইলে কাজী ঐ ব্যক্তির ধন-সম্পদ বিক্রি করিয়া ঋণ পরিশোধ করিবেন। যদি উহা সমুদয় ঋণের জন্ত যথেষ্ট না হয় তবে যে পরিমাণই হয় উহা সকল পাওনাদারদের উপর প্রত্যেকের পাওনা অনুপাতে বন্টন করিয়া দিবেন।

মুছআলাহ :—কোন ব্যক্তি নিতান্তই নির্বোধ; ধন-সম্পদ বিনষ্ট করিয়া নিঃস্ব হওয়ার পথে; ঐরূপ ব্যক্তির উপরও কাজী তাহার ধন-সম্পদে তাহার হস্তক্ষেপ নিষিদ্ধ ঘোষণা করিতে পারেন। সেই ক্ষেত্রে তাহার নিজস্ব তথা তাঁহার নিজের, তাহার স্ত্রীর, তাহার নাবালগ সন্তানাদির ও যে সব লোকের ভরণ-পোষণ শরীয়ত মতে তাহার দায়িত্ব, এই সবেই জীবিকা নির্বাহের ব্যয় বহনে কাজী ঐ ব্যক্তির ধন-সম্পদ বিক্রিও করিতে পারেন। (৩২৩ পৃঃ)

ধন-সম্পদের অনিষ্ট সাধন নিষিদ্ধ

আল্লাহ তায়ালা বলিয়াছেন, **وَاللَّهُ لَا يَهْدِي الْقَوْمَ الْفَاسِقِينَ** “অনিষ্ট সাধন আল্লাহ তায়ালার নিকট অতি ঘণিত ও অপছন্দনীয়।”

ভ্রষ্ট বা বোকা মানুষ অনেক সময় একরূপ ধারণা করে যে, আমার ধন-সম্পদের মালিক আমি, সুতরাং আমি আমার ইচ্ছানুযায়ী সেই ধন-সম্পদের মধ্যে স্বীয় অধিকার খাটাইব; যথায়-তথায়, যত্নপ ইচ্ছা তত্নপ খরচ ও ব্যয় করিব।

এই ধারণা নিতান্তই বোকামি, কারণ ধন-সম্পদ আল্লাহ প্রদত্ত, সুতরাং উহা ব্যয় করিতে আল্লাহ ও আল্লার প্রতিনিধি রসুলের বিধি-নিষেধের শৃঙ্খলাবদ্ধ থাকিতে হইবে, স্বেচ্ছাচারিতা ও স্বৈরাচারিতার অধিকার কাহারও নাই।

হযরত শোয়া'য়েব (আঃ)-এর ভ্রষ্ট উম্মতদের একরূপ একটি কু-উক্তি ও কু-যুক্তির সমালোচনা কোরআন শরীফেও উল্লেখ রহিয়াছে। তাহারা কুফর ও শেরেকের সহিত এই কু-অভ্যাস ও কু-কর্মেও লিপ্ত ছিল যে, পরস্পর লেন-দেনের মধ্যে মাপ ও ওজনে কম দিয়া থাকিত। শোয়া'য়েব (আঃ) তাহাদিগকে বলিলেন—

يَقُومُوا عِبَادُوا اللَّهَ مَا لَكُمْ مِنْ إِلَهٍ غَيْرُهُ وَلَا تَلْقَوْا الْمَكِيلَ.....

অর্থ—হে আমার জাতি! তোমরা আল্লাহর একত্ববাদ ও তাঁহার গোলামীর বন্ধনে আবদ্ধ হও; তিনি ভিন্ন তোমাদের কোন মাবুদ নাই এবং ওজন ও মাপে কম দেওয়ার কু-অভ্যাস বর্জন কর; আমি দেখিতেছি, তোমরা স্বচ্ছল অবস্থায় আছ; (এমতাবস্থায় তোমাদের অসহুপায় অবলম্বন করা দ্বিগুণ দোষণীয়, তাই) আমার আশঙ্কা হয়, কোন দিন সর্বগ্রাসী আজাব তোমাদিগকে গ্রাস করিয়া না লয়।

হে আমার জাতি! মাপ ও ওজন সূক্ষ্মরূপে পূর্ণ করিতে ত্রুটি করিও না এবং মানুষকে তাহার প্রাপ্যে ঠকাইও না এবং দেশের শান্তি ও শৃঙ্খলার ব্যাঘাত ঘটাইও না। আল্লাহর বিধান মতে তথা সহুপায়ে যে লভ্যাংশ হাসিল হয় তাহাই তোমাদেরর জন্ত উত্তম ও মঙ্গলজনক। তোমরা যদি খাঁটি মোমেন হও (তবে নিজেই তোমরা ইহার বাস্তবতা উপলব্ধি করিতে পারিবে।) ১২ পাঃ ৮ রঃ

ভ্রষ্ট উম্মতগণ হযরত শোয়া'য়েব আলাইহেছালামের এই হৃদয়গ্রাহী আহ্বানের প্রতি কর্ণপাত না করিয়া কু-যুক্তি ও কু-উক্তির অবতারণা করিল। আল্লাহর একত্ববাদ অবলম্বনের বিরুদ্ধে এই উক্তি করিল যে, বাপ-দাদা পূর্বপুরুষের রীতি আমরা ত্যাগ করিতে পারি না। মাপ ও ওজনে কম দেওয়ার বিষয় এই যুক্তির উল্লেখ করিল যে, আমাদের মালিকানা স্বত্বের ধন-সম্পদের আয়বর নিষ

ইচ্ছাধীন স্বীয় অধিকার খাটাইব—যাহা ইচ্ছা তাহা করিব, যেরূপ ইচ্ছা সেরূপ করিব, তাহাতে কাহারও বাধা দানের কি অধিকার থাকিতে পারে?

এসব কু-উক্তি ও কু-যুক্তির ধ্বজাধারিরা শোয়া'য়েব (আঃ)কে বলিল—

يَسْعَيْبُ أَصْلُوكَ تَأْمُرُكَ وَأَنْ ذِفْعَلٌ فِي أَمْوَالِنَا مَا نَشَاءُ ۝

“হে শোয়া'য়েব! আপনার সাধুতা—আপনার নামায কি আপনাকে এই শিক্ষা দেয় যে, আমরা স্বীয় পূর্বপুরুষদের মাবুদকে ত্যাগ করি বা আমরা স্বীয় ধন-সম্পদে অধিকার প্রয়োগ ত্যাগ করি? (১২ পাঃ ৮ রূঃ)

শোয়া'য়ের (আঃ) তাহাদিগকে বুঝ-প্রবোধ দানে সতর্ক করিলেন যে—

يَقُومُ لَا يَجِرُ مِنْكُمْ شَيْءٌ أَنْ يُسَيِّبَكُمْ مِثْلُ مَا أَصَابَ قَوْمَ نُوحٍ.....

“হে আমার জাতি! আমার বিরোধীতায় উন্মত্ত হইয়া তোমরা স্বীয় ধ্বংসের পথ অবলম্বন করিও না। সতর্ক থাকিও—পূর্ববর্তী নূহ (আলাইহেছলাম)-এর উন্মত্ত, হুদ (আলাইহেছলাম)-এর উন্মত্ত, ছালেহ (আলাইহেছলাম)-এর উন্মত্তের উপর যেরূপ ধ্বংস নামিয়া আদিয়াছিল তোমাদের উপরও যেন সেইরূপ ধ্বংস নামিয়া না আসে; আর একদল দুষ্কৃতিকারী—লুত (আলাইহেছলাম)-এর উন্মত্তের ঘটনা তোমাদের নিকটবর্তীই ঘটিয়াছে; এই সব লক্ষ্য করিয়া সময় থাকিতে সতর্ক ও সংযত হও। (১২ পাঃ ৮ রূঃ)

এইরূপ হৃদয় বিদারক বক্তৃতাও তাহাদের পাশাণ হৃদয়ের উপর কোন ক্রিয়া করিল না, তাহারা স্বীয় হুর্নীতি ও দুষ্কৃতির উপর অটল রহিল এবং বলিল—

يَسْعَيْبُ مَا نَفَقَهُ كَثِيرًا مِمَّا تَقُولُ وَإِنَّا لَنَرُكَ فِيْنَا ضَعِيفًا

“হে শোয়া'য়েব; তোমার এসব কথা আমাদের যুক্তিতে আসে না এবং আমাদের মধ্যে তুমি ত দুর্বল; আমাদের উপর তোমার কোন প্রভাব নাই।” অতঃপর তাহারা শোয়া'য়েব (আঃ)কে ভীতি প্রদর্শন করিতে লাগিল। পরিণামে তাহাদের ভাগ্যে উহাই ঘটিল যাহার সতর্কবাণী শোয়া'য়েব (আঃ) করিয়াছিলেন—

وَإِذْ أَخَذْنَا مِنَ الَّذِينَ ظَلَمُوا السَّيِّئَةَ فَأَصْبَحُوا فِي دِيَارِهِمْ جِثْمَيْنِ ۝

“দুষ্কৃতিকারীদের উপর ধ্বংসের করাল ছায়া নামিয়া আসিল, তাহারা নিজ নিজ বস্তিতে ধ্বংসস্তম্ভে পরিণত হইয়া রহিল এবং তাহাদের অস্তিত্ব ভূপৃষ্ঠ হইতে একরূপ নিশ্চিহ্ন হইয়া গেল যেন তাহারা এই ধরা-পৃষ্ঠে কখনও

অবস্থান করে নাই। পূর্ববর্তী দুষ্কৃতিকারী ছামুদ বংশের ছুর্ভাগ্যই মদয়ানস্থিত হযরত শোয়া'য়েব আলাইহেছালামের দুষ্কৃতিকারী উম্মতগণও বরণ করিল, এবং ধ্বংসের মুখে পতিত হইয়া নিশ্চিহ্ন হইয়া গেল। (১২ পাঃ ৮ কঃ)

এখানে ইমাম বোখারী (রঃ) উল্লিখিত ঘটনার আয়াতটির প্রতি ইঙ্গিত দানে প্রমাণ করিতে চাহেন যে, ধন-সম্পদের উপর মালিকানা স্বত্বের যুক্তির অবতারণা করিয়া স্বেচ্ছাচারীতার দাবী করা ভ্রষ্টতা ও ধ্বংসের কারণ। যাহারা মালিকানা স্বত্বের গর্ভে অপব্যয় ও ধন-সম্পদের অনিষ্ট করে তাহারা ভ্রষ্ট, ধ্বংসের সম্মুখীন।

আল্লাহু তায়ালা আরও বলিয়াছেন— **وَلَا تُؤْثِرُوا الْمَالَ إِلَىٰ كُفْرٍ**

“যাহারা বুদ্ধিহীন বোকা তাহাদের হাতে ধন-সম্পদ দিও না”। (৪ পাঃ ১২ কঃ)

কোরআন শরীফের এই আদেশেরও তাৎপর্য্য ইহাই যে, ধন-সম্পদকে অনিষ্টতা হইতে রক্ষা করা আবশ্যিক, তাই উল্লিখিত আদেশ বলবৎ করা হইয়াছে। এমনকি ধন-সম্পদকে অনিষ্টতার হাত হইতে রক্ষা করার প্রয়োজন বোধে শরীযতে একটি বিশেষ বিধান রাখা হইয়াছে যে, কোন ব্যক্তি বুদ্ধিহীনতা বা কু-বুদ্ধির দরুন ধন-সম্পদের অপব্যয়ী ও অনিষ্টকারী প্রমাণিত হইলে, সে প্রাপ্ত বয়স্ক হওয়া সত্ত্বেও সরকার কর্তৃক তাহার নিজ ধন-সম্পদের উপর ইচ্ছাধীন ক্ষমতা খর্ব করিয়া তাহার উপর নিষেধাজ্ঞা বলবৎ করা হইবে। এমনকি যদি কোন ব্যক্তি ঐ পর্যায়ে অনিষ্টকারী না হয় বরং ক্রয়-বিক্রয়ে ঠকিয়া যাওয়ার মত জ্ঞান-বুদ্ধির অভাবী হয় তাহার জ্ঞাতও কোন ব্যবস্থা অবলম্বিত হইতে পারে। যেমন নিম্নে বর্ণিত হাদীছের ঘটনা।

১১৬৬। হাদীছ :— আবুল্লাহ ইবনে ওমর (রাঃ) বর্ণনা করিয়াছেন, এক ব্যক্তি রসুলুলাহু ছাল্লাল্লাহু আলাইহে অসাল্লামের নিকট নিজের বিষয়ে এই অভিযোগ করিল যে, সে ক্রয়-বিক্রয়ে ঠকিয়া যায়। (কারণ, তাহার বুদ্ধি-বিবেচনা ও অভিজ্ঞতা খুবই কম, এমনকি তাহার আত্মীয়-স্বজনগণও নবী ছাল্লাল্লাহু আলাইহে অসাল্লামের নিকট তাহার প্রতি ক্রয়-বিক্রয়ের নিষেধাজ্ঞা প্রবর্তনের সুপারিশ জানাইল। নবী (দঃ) তাহাকে ডাকিয়া ক্রয়-বিক্রয় হইতে বিরত থাকার পরামর্শ দিলে সে আরজ করিল, আমি ক্রয়-বিক্রয় হইতে কান্স থাকিতে পারি না।) তখন রসুলুলাহু (দঃ) তাহাকে এই ব্যবস্থা শিক্ষা দিলেন যে, যখনই তুমি কোন ক্রয়-বিক্রয়ের কথাবার্তা বল, তখন ইহাও বলিয়া দিও— “ঠকাইবার কার্য্য করিবেন না” (আমার অধিকার থাকিবে এই ক্রয়-বিক্রয়কে বাতিল করার)। হযরত (দঃ) বলিলেন, তুমি এই বলিয়া দিলে ক্রয়-বিক্রয়

সাব্যস্তের পরও তিন দিন পর্যন্ত তোমার অধিকার বাকি থাকিবে। (তুমি এই ক্রয়-বিক্রয় ভঙ্গ করিতে পারিবে।) সেমতে ঐ ব্যক্তি এইরূপ বলিয়া থাকিত।

ব্যাখ্যা :—নিজের ধনেরও অপচয় বা ক্ষতি সাধন শরীয়তে নিষিদ্ধ। অনিচ্ছাকৃত ঠকের ক্ষতি হইতেও বাঁচিবার ব্যবস্থা করা আবশ্যক। ঠকের ক্ষতি হইতে রক্ষার জন্ত সরকার বুদ্ধিহীন ব্যক্তির ক্রয়-বিক্রয়ের ক্ষমতা রহিত করিতে পারে।

১. ৬৭। হাদীছ :— **عن المغيرة عن النبي صلى الله عليه وسلم** **إِنَّ اللَّهَ حَرَّمَ عَلَيْكُمْ عَقَّ الْأَمْهَاتِ وَأَوْدَ اللَّيْنَاتِ وَمَنْعَ وَهَاتِ وَكَرِهَ لَكُمْ قَيْلَ وَقَالَ وَكَثْرَةَ السُّؤَالِ وَإِضَاعَةَ الْمَالِ ۝**

অর্থ—মুগিরা ইবনে শোবা (রাঃ) হইতে বর্ণিত আছে, নবী ছালাল্লাহু আলাইহে অসাল্লাম বলিয়াছেন, তোমরা ভালরূপে জ্ঞাত থাকিও, আল্লাহ তায়ালা তোমাদের উপর তিনটি কার্য হারাম করিয়া দিয়াছেন—(১) মাতার না-ফরমানি করা, (২) মেয়ে সন্তান হইলে উহাকে জীবিতাবস্থায় মাটিতে পুতিয়া দেওয়া, (৩) (কুপণতা ও লালসার বশে) নিজে (কর্তব্য কাজে ব্যয় করা বা দান করা হইতে) বিরত থাকিয়া অশ্রু লোকদের নিকট হইতে ওয়াসিল করায় তৎপর থাকা। এতদ্বিন্ন তিনটি কার্যকে আল্লাহ তায়ালা তোমাদের পক্ষে ন-পছন্দ করিয়াছেন—(১) অযথা তর্ক বিতর্ক বা ভিত্তিহীন কথায় লিপ্ত হওয়া (২) বিশেষ প্রয়োজন ব্যতিরেকে অশ্রুর নিকট হাত পাতা ও ভিক্ষায় লিপ্ত হওয়া বা অধিক প্রশ্নের অবতারণা করা (৩) ধনের অপচয় করা।

ব্যাখ্যা :—মাতা-পিতা উভয়ের না-ফরমানিই আল্লাহ তায়ালায় ক্রোধ ও অসন্তুষ্টির কারণ। নারী জাতির দুর্বলতা দৃষ্টে মাতা সম্পর্কে সতর্ক করার আবশ্যকতা অধিক। এতদ্বিন্ন মাতা সন্তানের উপর অধিক হকদার। এক হাদীছে বর্ণিত আছে, এক ব্যক্তি হযরত রসুলুল্লাহ ছালাল্লাহু আলাইহে অসাল্লামের নিকট জিজ্ঞাসা করিল, আমার সদ্যবহারের সর্বাধিক হকদার ও অধিকারী কে? হযরত নবী ছালাল্লাহু আলাইহে অসাল্লাম বলিলেন, তোমার মা। প্রশ্নকারী পুনঃ জিজ্ঞাসা করিল, অতঃপর? হযরত নবী ছালাল্লাহু আলাইহে অসাল্লাম এবারও বলিলেন, তোমার মা। প্রশ্নকারী পুনঃ জিজ্ঞাসা করিল, অতঃপর? এইবারও হযরত নবী ছালাল্লাহু আলাইহে অসাল্লাম বলিলেন, তোমার মা। প্রশ্নকারী পুনরায় জিজ্ঞাসা করিল, অতঃপর? এইবার হযরত নবী ছালাল্লাহু আলাইহে অসাল্লাম বলিলেন, অতঃপর তোমার পিতা।

কতিপয় পরিচ্ছেদের বিষয়াবলী

● ক্রেতার নিকট ক্রয়ের মূল্য নাই বা উপস্থিত নাই সে ক্ষেত্রেও (বাকি মূল্যে) ক্রয়-বিক্রয় শুদ্ধ হইবে (৩২১)। অর্থাৎ বিক্রেতার নিকট বিক্রয় বস্তু না থাকিলে তাহার জন্ত উহা বিক্রি করা জায়েয নহে—পূর্বের বলা হইয়াছে; ক্রেতার ক্ষেত্রে সেরূপ নহে। ● খাতককে তাগাদা করিতে শালীনতা ও কোমলতা রক্ষা করিবে (ঐ)। ● ধার বা কর্জ পরিশোধ করিতে ধারে গৃহিত বস্তু অপেক্ষা উত্তম বস্তু দেওয়া জায়েয (৩২২ পৃঃ)। কিন্তু ধার গ্রহণে উত্তমটি দ্বারা পরিশোধ করার শর্ত করা হারাম এবং সেই শর্ত পালনীয় হইবে না। তদ্রূপ, সংখ্যায় বা মাপে ধারের পরিমাণ অপেক্ষা বেশী দেওয়া-লওয়াও জায়েয নহে, যদিও শর্ত ব্যতিরেকে হয়। ধারে গৃহিত বস্তু-জাতীয় বস্তুর দ্বারা ধার পরিশোধ করিতে নির্দ্ধারিত সংখ্যা বা পরিমাপে না দিয়া আন্দাজ ও অসুমানের উপর দেওয়া হইলে তাহাও জায়েয হইবে না; কারণ, সে ক্ষেত্রে বেশী হওয়ার আশঙ্কা আছে এবং এরূপ ক্ষেত্রে কিছুমাত্র পরিমাণ বেশী হইলে পরিশোধকারীর স্বেচ্ছায় হইলেও তাহা সুদরূপে হারাম গণ্য হইবে। অবশ্য যদি পরিশোধীয় বস্তুর পরিমাণ নিশ্চিতরূপে মূল ঋণের পরিমাণ অপেক্ষা কম হয় এবং পাওনাদার ব্যক্তি ঐ পরিমাণ গ্রহণ করিয়া বাকিটা মাফ করিয়া দেওয়ারূপে গ্রহণ করে তবে তাহা জায়েয হইবে (৩২২ পৃঃ ফতহুল বারী, ৫—২৬)। ● ঋণ পরিশোধ বা উহার ব্যবস্থা ব্যতিরেকে মৃত্যু হইলে তাহার জানাযার নামায পড়া কিরূপ? (৩২৩ পৃঃ)। ইসলামী রাষ্ট্র প্রতিষ্ঠিত হইয়া বাইতুল-মালের ব্যবস্থা প্রবর্তনের পূর্বে এরূপ ব্যক্তির জানাযার নামায নবী (দঃ) নিজে পড়িতেন না; অতীত লোকদেরকে পড়ার আদেশ করিতেন। ইসলামী রাষ্ট্র প্রতিষ্ঠার পর এরূপ অভাবী ব্যক্তি যে হস্তহস্ত অবস্থায় ঋণ রাখিয়া মারা যাইবে তাহার ঋণ পরিশোধের দায়িত্ব রাষ্ট্রের উপর হস্ত করা হয় এবং নবী (দঃ) এরূপ ব্যক্তির জানাযা নিজেও পড়েন। উক্ত সূত্রেই বর্তমানে যখন ইসলামী রাষ্ট্রের উক্ত ব্যবস্থা প্রচলিত নাই সে ক্ষেত্রে অপরিশোধীয় ঋণী ব্যক্তির জানাযার নামায গণ্যমাণ বিশিষ্ট আলেম ব্যক্তিকে না পড়ার পরামর্শ দেওয়া হইয়াছে, যেন ঋণের প্রতি লোকের ভয় থাকে। ● বিলম্বিত নির্দিষ্ট তারিখে আদায়ের কথার উপর ধার-কর্জ গ্রহণ করা জায়েয। অর্থাৎ উভয় পক্ষের একই জাতীয় বস্তুর সাধারণ বিনিময় ক্ষেত্রে উভয় দিকে সমপরিমাণ হইয়াও একদিক বাকি থাকিলে সেই বিনিময় অশুদ্ধ হারাম গণ্য হয়। ধার-কর্জের ক্ষেত্রেও এক প্রকার বিনিময়ই হয় এবং উভয় পক্ষে একই জাতীয় বস্তু হইয়া থাকে এতদসত্ত্বেও একদিকে নগদ অপর দিকে বাকি—ইহা জায়েয। ইবনে ওমর (রাঃ) বলিয়াছেন, ধার-কর্জ একই জাতীয়

বস্তুর বিনিময় হয় এবং কর্জ দেওয়ার দিকে নগদ আর পরিশোধের দিকে বিলম্বে দেওয়া সাব্যস্ত হয়—ইহা শুধু ধার-কর্জে জায়েয। এমনকি পরিশোধের পক্ষ হইতে যদি গৃহিত বস্তু অপেক্ষা উত্তম বস্তু দেওয়া হয় তাহাও জায়েয, যদি উত্তম দেওয়ার শর্ত না থাকে। প্রকাশ থাকে যে, সংখ্যায় বা মাপে সমান রাখিয়া শুধু গুণের হিসাবে উত্তম হওয়ায় দোষ নাই, কিন্তু একই জাতীয় বস্তুর দ্বারা বর্জ পরিশোধে সংখ্যায় বা মাপে বেশী দিলে শর্ত ছাড়াও তাহা জায়েয হইবে না।

মছআলাহ :—ধার-কর্জের মধ্যে পরিশোধের নিদ্ধারিত তারিখ অধিকাংশ ইমামগণের মতে উভয়ের জন্য আইনগতভাবে বাধ্যতামূলক। হানাফী মজহাব মতে ধারদাতার স্বীকৃতির সহিত হইলেও পরিশোধের নিদ্ধারিত তারিখ ধারদাতার জন্য বাধ্যতামূলক হয় না। অর্থাৎ ধারদাতা ঐ তারিখের পূর্বেও আইনগতরূপে পরিশোধের দাবী করিতে পারে। অবশ্য তাহার স্বীকৃতিতে তারিখ নিদ্ধারিত হইলে উহা তাহার ওয়াদা ও অঙ্গীকারভুক্ত হইবে এবং ওয়াদা-অঙ্গীকার ভঙ্গ করিলে তাহার গোনাহ হইবে, কিন্তু ওয়াদা-অঙ্গীকার আইনের আওতায় আসে না। যেমন, এক ব্যক্তি কাহারও নিকট অঙ্গীকার করিয়াছে, আমি তোমাকে একশত টাকা দ্বারা সাহায্য করিব; পরে যদি সে তাহার অঙ্গীকার রক্ষা না করে সেই জন্য তাহার বিরুদ্ধে আইনের আশ্রয় নেওয়া চলিবে না। পক্ষান্তরে যদি কেহ কোন বস্তু বাকি ক্রয় করে; ক্রয়-বিক্রয় উভয়ের সম্মতিতে এইরূপ সাব্যস্ত হইয়াছে যে, মূল্য দশ দিন পরে আদায় করা হইবে—সে ক্ষেত্রে নিদ্ধারিত সময় উভয় পক্ষের উপর বাধ্যতামূলক হইবে। অর্থাৎ বিক্রেতা সেই নিদ্ধারিত দিন আসিবার পূর্বে মূল্যের দাবী করিলে তাহার দাবী অগ্রাহ্য হইবে (৩২৩ পৃঃ)। ● ঋণগ্রস্ত ব্যক্তি যদি অসমর্থ হয় সে ক্ষেত্রে ঋণের অংশবিশেষ ছাড়িয়া দেওয়ার জন্য ঋণদাতার নিকট সুপারিশ করা সুন্নত (৩২৪ পৃঃ)।

মামলা-মকদ্দমা সম্পর্কে

কাহারও বিরুদ্ধে অভিযোগ করা হইলে বিচারক তাহার উপস্থিতি-আদেশ জারি করিতে পারেন। কোন অমোসলেম কোন মোসলমানের বিরুদ্ধে অভিযোগ পেশ করিলে সে ক্ষেত্রেও একই রূপে বিচার-ব্যবস্থা গ্রহণ করা হইবে।

১১৬৮। হাদীছ :— আবু হোরায়রা (রাঃ) বর্ণনা করিয়াছেন, একদা একজন মোসলমান ও একজন ইহুদীর মধ্যে বিতর্ক ও বাক-বিতণ্ডায় মোসলমান ব্যক্তি কোন বিষয়ের উপর এইরূপ শপথ করিল, ঐ আল্লার শপথ যিনি মোহাম্মদ (ছাল্লাল্লাহু আলাইহে অসাল্লাম)কে সমস্ত সৃষ্ট জগতের মধ্যে শ্রেষ্ঠত্ব দান করিয়াছেন। ইহুদী ব্যক্তি তত্বতরে বলিয়া উঠিল—“ঐ আল্লার

শপথ যিনি মুছা (আলাইহেছালাম)কে সমগ্র সৃষ্ট জগতের মধ্যে শ্রেষ্ঠত্ব দান করিয়াছেন। এতশ্রবণে মোসলমান ব্যক্তি ক্রোধান্বিত হইয়া ইহুদী ব্যক্তিকে চপেটাঘাত করিলেন। ইহুদী ব্যক্তি নবী ছালাল্লাহু আলাইহে অসাল্লামের নিকট উপস্থিত হইয়া ঘটনা ব্যক্ত করতঃ মোসলমান ব্যক্তির নামে অভিযোগ দায়ের করিল। নবী ছালাল্লাহু আলাইহে অসাল্লাম মোসলমান ব্যক্তিকে ডাকাইয়া আনিলেন এবং তাহাকে ঘটনা জিজ্ঞাসা করিলে সে সত্য ঘটনাই বয়ান করিল।

নবী (দঃ) বলিলেন, তোমরা আমাকে মুছা (আঃ) বা অথ কোন নবীর উপর (এইরূপ) প্রাধাত্য প্রদান করিও না (যাহাতে অথ কোন নবীর প্রতি অবজ্ঞা, অশ্রদ্ধা ও তাচ্ছিল্যের ভাব বা ব্যবহার পরিলক্ষিত হয়। (কোন কোন নবী কোন কোন বিশেষত্বের অধিকারী থাকেন। যেমন ইশ্রাফিল (আঃ) ফেরেশতার সিঙ্গার প্রথম ফুঁকে) সমস্ত (জীবিত মৃত ও সমস্ত মৃতের রুহ—আত্মা) বেহুশ অচৈতন্য হইয়া যাওয়ার পর (দ্বিতীয় ফুঁকের দ্বারা আত্মা সমূহ চৈতন্য লাভ করতঃ আত্মা ও দেহের সংযোগ স্থাপিত হওয়ার ফলে) যখন সকলে চেতনা লাভ করিবে, তখন আমি হইব সর্বপ্রথম সচেতন ব্যক্তি। কিন্তু প্রথম সচেতন হইয়া আমি দেখিতে পাইব, মুছা (আঃ) সচেতন অবস্থায় মহান আরশের কিনারা ও পায়া ধরিয়া রহিয়াছেন। জানি ন', তিনি আমার পূর্বেই সচেতন হইয়াছেন, কিম্বা (সিঙ্গার প্রথম ফুঁকের) অচৈতন্যতা হইতে রক্ষাপ্রাপ্তদের মধ্যে তিনিও একজন ছিলেন।

ব্যাখ্যা :—বিভিন্ন নবীগণের পরস্পর শ্রেষ্ঠত্বের ব্যবধান একটি অবধারিত বিষয়। স্বয়ং আল্লাহ তায়ালা পবিত্র কোরআন শরীফে বর্ণনা করিয়াছেন—
 “ذلِكَ الرَّسُولُ فَمَلْنَا بِهِ صُفُوفَ الْمَلَأِ بَعْضُ”
 “রসূলগণের মধ্যে আমি কাউকে কাকুর উপর শ্রেষ্ঠত্ব দান করিয়াছি।” অতঃপর ইহাও নিশ্চিত ও অবধারিত যে, প্রথম হইতে শেষ পর্যন্ত সমস্ত নবীগণের উপর প্রাধাত্য ও শ্রেষ্ঠত্বের অধিকারী হইলেন, হযরত মোহাম্মদ মোস্তফা ছালাল্লাহু আলাইহে অসাল্লাম। এমনকি সর্বসম্মতরূপে তিনি سَيِّدُ الْأَنْبِيَاءِ—সাইয়ে-তুল আন্বিয়া “সমস্ত নবীগণের সরদার ও প্রধান” سَيِّدُ الْمُرْسَلِينَ—সাইয়ে-তুল মোরসালীন “সমস্ত রসূলগণের সরদার বা প্রধান” উপাধিতে ভূষিত। তাই অত্যাশ্চর্য যে কোন নবীর উপর তাহাকে প্রাধাত্য দান করায় কোনরূপ বাধা বিয়ের অবকাশ থাকিতে পারে না। তবে আলোচ্য হাদীছের নিষেধাজ্ঞার তাৎপর্য এই যে, কোন নবী আলাইহেছালামের প্রতি বিন্দুযাত্র অশ্রদ্ধা ও অবজ্ঞার ভাব প্রদর্শন করাকে শরীয়ত অনুমোদন করে না। উল্লেখিত ঘটনায় রসূলুল্লাহ (দঃ) উক্ত ছাহাবীকে

এই বিষয়ই সতর্ক করিয়াছিলেন যে, তোমার ভাবভঙ্গি ও ব্যবহারে মুহা আলাইহেছালামের প্রতি অশ্রদ্ধা ও অবজ্ঞার ভাব পরিলক্ষিত হয়, ইহা নিষিদ্ধ।

সমুদয় সৃষ্ট জগতের ধ্বংস সাধক ইব্রাহিম (আঃ) ফেরেশতার সিঙ্গার প্রথম ফুঁকে অচৈতন্যতা সম্পর্কে কোরআন শরীফে এইরূপ উল্লেখ আছে—

وَنُفِخَ فِي السُّورِ فَصَبَقَ مَنْ فِي السَّمَوَاتِ وَالْأَرْضِ إِلَّا مَنْ شَاءَ اللَّهُ

“সিঙ্গায় ফুঁক দেওয়া হইবে, যন্দরুন আকাশ সমুহের এবং ভূপৃষ্ঠের সকল প্রাণী অচৈতন্য হইয়া পড়িবে, অবশ্য যাহাদের সম্পর্কে আল্লাহ তায়ালার ইচ্ছা হইবে তাঁহারা ঐ অচৈতন্যতা হইতে রক্ষা পাইবে।” (২৪ পাঃ ৪ রঃ)

এই রক্ষা প্রাপ্তগণ হইলেন মহান আরশের বাহক ফেরেশতাগণ। এতদ্ভিন্ন মুহা আলাইহেছালামও তাঁহাদের আয় রক্ষাপ্রাপ্ত হইয়াছেন না-কি উহার সম্ভাবনা সম্পর্কেই রসুলুল্লাহ ছাল্লাল্লাহু আলাইহে অসাল্লাম এখানে উল্লেখ করিয়াছেন। কোন কোন রেওয়ায়েতে উল্লেখিত সম্ভাবনার কারণও বর্ণিত হইয়াছে যে, মুহা (আঃ) যখন আল্লাহ তায়ালার প্রত্যক্ষ সাক্ষাৎ কামনা করিয়াছিলেন, তখন অল্লাহ তায়ালা ঐরূপ সাক্ষাতকে সম্পূর্ণ অসম্ভব বলিয়া অভিহিত করতঃ মুহা (আঃ)কে নিকটবর্তী একটি পর্বতের প্রতি দৃষ্টিপাত করার আদেশ করিলেন এবং সেই পর্বতের উপর আল্লাহ তায়ালার নূরের জ্যোতি ও বলকের কিকিঃ উদ্ভব হইলে, সঙ্গে সঙ্গে ঐ পর্বত ভস্মীভূত চূর্ণ বিচূর্ণ হইয়া গেল এবং মুহা (আঃ) অচৈতন্য হইয়া ভূপতিত হইয়া গেলেন। এই ঘটনার বিবরণ কোরআন শরীফে বর্ণিত আছে। (৯ পাঃ ৭ রঃ দ্রষ্টব্য)

নবী (দঃ) বলিয়াছেন, উক্ত ঘটনায় মুহা (আঃ)-এর অচৈতন্য হওয়ার বিনিময়ে হয়ত আল্লাহ তায়ালা তাঁহাকে সিঙ্গা ফুঁকের অচৈতন্যতা হইতে অব্যাহতি দিবেন।

১১৯। হাদীছ :—আবু সায়ীদ খুদরী (রাঃ) বর্ণনা করিয়াছেন, একদা রসুলুল্লাহ ছাল্লাল্লাহু আলাইহে অসাল্লাম বসিয়াছিলেন। এমতাবস্থায় এক ইহুদী ব্যক্তি এই অভিযোগ নিয়া উপস্থিত হইল যে, আপনার এক ছাহাবী আমার মুখের উপর চপেটাঘাত করিয়াছে। নবী (দঃ) জিজ্ঞাসা করিলেন, কোন্ ব্যক্তি? সে বলিল, মদীনাবাসী অমুক ছাহাবী। নবী (দঃ) সেই ছাহাবীকে ডাকাইয়া আনিলেন এবং জিজ্ঞাসা করিলেন, তুমি কি তাহাকে মারিয়াছ? ছাহাবী (স্বীকার করিলেন এবং বলিলেন, আমি বাজারের ভিতর দিয়া যাইতে ছিলাম; তখন গুনিতে পাইলাম এই ইহুদী ব্যক্তি কোন বিষয়ের উপর (এইরূপে কসম খাইতেছে “ঐ আল্লাহর সাক্ষ্য যিনি মুহা (আঃ)কে

বিশ্বমানবের উপর শ্রেষ্ঠ দাম করিয়াছেন।" তখন আমি তাহাকে বলিলাম, হে খবীস! মোহাম্মদ ছালাল্লাইহে অসাল্লামের উপরও কি (মুছা (আঃ)কে প্রাধাত্য দেওয়া হইয়াছে)? এবং সঙ্গে সঙ্গে আমি ক্রোধে বেশামাল হইয়া তাহাকে চপেটাঘাত করিয়াছি। এতক্ষণে নবী (দঃ) বলিলেন, নবীগণের মধ্যে কাউর কাউকে উপর (এই ধরণের) প্রাধাত্য দিও না (যাহাতে কোম নবীর প্রতি অশ্রদ্ধার ভাব পরিলক্ষিত হয়)।

স্মরণ রাখিও—কেয়ামত তথা মহা প্রলয়ের সময় (সিদ্ধার প্রথম ফুঁকে সকল প্রাণী মৃত্যুমুখে পতিত হইবে এবং) আত্মাসমূহ অচৈতন্য হইয়া পড়িবে। সিদ্ধার দ্বিতীয় ফুঁকে সকলে সচেতন হওয়াকালে সর্ব্বাঙ্গে আমিই সচেতন হইব, কিন্তু চৈতন্য লাভের সঙ্গে সঙ্গে আমি দেখিতে পাইব, মুছা (আঃ) মহান আরশের একটি খাম জড়াইয়া ধরিয়া রহিয়াছেন। জানি না—তিনি আমার পূর্বেই সচেতন হইয়াছেন, কিম্বা তাহার পূর্বেকার অচৈতন্যতাকে তখনকার অচৈতন্যতার পরিবর্তে গণ্য করিয়া লওয়া হইয়াছে বলিয়া তখন তিনি অচৈতন্য হইবেন না।

বিচারকের নিকট অভিযুক্তের দোষ বলা

১১৭০। হাদীছঃ—عَنْ عَبْدِ اللَّهِ قَالَ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: مَنْ حَلَفَ عَلَى يَمِينٍ وَوَفَّيْهَا ذَا جِرٍّ لِيَقْتَطَعَ بِهَا مَالٌ أَمْ رَيْتُ مُسْلِمًا لَقِيَ اللَّهَ وَهُوَ عَلَيْهِ غَضَبَانِ.....

অর্থ—আবদুল্লাহ ইবনে মসউদ (রাঃ) হইতে বর্ণিত আছে, রসূলুল্লাহ ছালাল্লাইহে অসাল্লাম বলিয়াছেন, যে ব্যক্তি কোন মোসলমানের কোন বস্তু গ্রাস করার জন্ত মিথ্যা কসম খাইবে সে কেয়ামতের দিন আল্লাহ তাযালার সম্মুখে এমন অবস্থায় উপস্থিত হইবে যে, আল্লাহ তাযালা তাহার প্রতি ভয়ানক ক্রুদ্ধ ও রাগাদিত থাকিবেন।

আশয় ছ (রাঃ) ছাহাবী এই হাদীছ-বর্ণনা শুনিয়া বলিলেন, রসূলুল্লাহ ছালাল্লাইহে অসাল্লামের এই সতর্কবাণী আমারই এক ঘটনা উপলক্ষে ছিল।

আমার এবং এক ইহুদী ব্যক্তির মালিকানায় একটি জমিন ছিল। ইহুদী ব্যক্তি পরে আমার স্বত্বের অধীকার করিল। আমি এই বিষয়ে নবী ছালাল্লাইহে অসাল্লামের নিকট অভিযোগ পেশ করিলাম। নবী (দঃ) আমাকে জিজ্ঞাসা করিলেন, তোমার সাক্ষী আছে কি? তোমাকে হুই জন সাক্ষী পেশ করিতে হইবে, নতুবা অপর পক্ষকে কসম খাইতে বলা হইবে। আমি আরজ

করিলাম, আমার সাক্ষী নাই। তখন তিনি ইহুদী ব্যক্তিকে স্বীয় অধীকারকর্তার উপর কসম খাইতে আদেশ করিলেন। আমি বলিলাম, ইয়া রসুল্লাহ। তাহাকে এই সুযোগ দেওয়া হইলে সে নির্ভয়ে (মিথ্যা) কসম খাইয়া বসিবে এবং আমার সম্পত্তি আত্মসাৎ করিবে। আমাদের এই ঘটনা উপলক্ষেই হযরত নবী (দঃ) বসিলেন, যে ব্যক্তি মিথ্যা কসম খাইয়া পরের সম্পত্তি অধিকার করিবে সে কেরামতের দিন আল্লাহ তায়ালা তায়ালা সম্মুখে এমন অবস্থায় উপস্থিত হইবে যে, আল্লাহ তায়ালা তাহার উপর ভয়ঙ্কর রাগান্বিত হইবেন।

হযরতের উক্তির সমর্থনে কোরআন শরীফের এই আয়াতটি নাযেল হইল—

إِنَّ الَّذِينَ يَشْتَرُونَ بِعَهْدِ اللَّهِ وَأَيْمَانِهِمْ ثَمَنًا قَلِيلًا أُولَٰئِكَ.....

অর্থ—যাহারা আল্লাহ নামে মিথ্যা কসম ও অধীকার করিয়া মূল্যহীন ছনিয়ার কোন ধন-সম্পদ হাসিল করিবে পরকালে সুখ-শান্তির লেশমাত্রও তাহাদের ভাগ্যে জুটিবে না। (তাহাদের প্রতি ক্রোধের দরুণ) আল্লাহ তায়ালা কেরামতের দিন তাহাদের সঙ্গে কোন মেহেরবানির কথাই বলিবেন না, তিনি তাহাদের প্রতি নেক দৃষ্টিও করিবেন না, তাহাদের ক্ষমাও করিবেন না। তাহাদের জন্ত ভীষণ কষ্টদায়ক আজাব রহিয়াছে। (৩ পাঃ ১৬ কঃ)

কতিপয় পরিচ্ছেদের বিষয়াবলী

● মৃত্যুর পূর্বে কাহাকেও স্বীয় প্রতিনিধি মনোনীত করিয়া গেলে সেই প্রতিনিধি মৃত ব্যক্তির পক্ষে দাবী-দাওয়া ইত্যাদি করিতে পারে (৩২৬ পৃঃ)। ● কোন অভিযুক্ত বা অপরাধী সম্পর্কে পলায়ন বা ত্রুটি আশঙ্কা করা হইলে তাহাকে আবদ্ধ করার ব্যবস্থা করা যায়। আবহুলাহ ইবনে আব্বাস (রাঃ) তাঁহার শাগেদ এক্রেমাকে কোরআন শরীফ ও শরীয়তের এলম শিক্ষা দানের জন্ত পায়ে বেড়ি লাগাইয়া দিতেন। ● যাহারা কোন গোনাহের কাছে লিপ্ত হয় বা বিবাদ সৃষ্টি করে এরূপ লোককে মুরব্বি ঘর হইতে বহিকার করিতে পারে। আবু বকর রাজিয়াল্লাহু তায়ালা আনহুর মৃত্যুতে তাঁহার ভগ্নি নাছায়েরুপে বিলাপ করিয়া কাঁদিতে আরম্ভ করিলে খলীফা ওমর (রাঃ) তাহাকে ঘর হইতে বাহির করিয়া দিলেন (৩২৬ পৃঃ)। ইমাম বোখারীর উদ্দেশ্য এই ইঙ্গিত করা হইতে পারে যে, কোন এলাকায় কোন ব্যক্তি বা দল দ্বারা শরীয়ত বিরোধী কার্যের তৎপরতা সৃষ্টি হইলে বা বাগড়া-বিবাদের সৃষ্টি হইলে শাসন কর্তৃপক্ষ প্রয়োজন বোধে ঐ ব্যক্তি বা দলের প্রতি ঐ অঞ্চল

হইতে দেশান্তরের আদেশ প্রবর্তন করিতে পারে। ❶ অভিযুক্ত ও অপরাধীকে আবদ্ধ করার জন্ত সরকার হাজতখানা তৈরী করিতে পারে। এমনকি মক্কা শরীফ যেখানে জংলী পশু-পক্ষি পর্যন্ত আবদ্ধ করা জায়েয নহে সেখানেও হাজতখানা তৈয়ার করা যায়। খলীফা ওমরের নির্দেশে মক্কা শরীফে হাজতখানার জন্ত একটি বাড়ী ক্রয় করা হইয়াছিল। আবদুল্লাহ ইবনে যোবায়ের (রাঃ) তাঁহার খেলাফত কালে মক্কা শরীফে হাজতখানা বানাইয়া ছিলেন (৩২৭ পৃঃ)।

স্বীয় প্রাপ্য ওয়াসিলের তাগাদা করা

১১৭১। হাদীছ—খাব্বাব (রাঃ) বর্ণনা করিয়াছেন, ইসলাম ধর্মে দীক্ষিত হওয়ার পূর্বে আমি একজন কর্মকার ছিলাম। আমার সেই পূর্ব ব্যবসায় সূত্রে আছ ইবনে ওয়ায়েল নামক এক ব্যক্তির নিকট আমার কিছু প্রাপ্য ছিল। ইসলাম ধর্মে দীক্ষিত হওয়ার পর আমি ঐ ব্যক্তির নিকট স্বীয় প্রাপ্যের তাগাদা করিতে উপস্থিত হইলাম। ঐ ব্যক্তি আমাকে বলিল, যাবৎ আপনি মোহাম্মদ (ছাল্লাল্লাহু আলাইহে অসাল্লাম)—এর প্রতি স্বীয় স্বীকারোক্তি প্রত্যাহার করতঃ তাঁহার দল ও ধর্ম ত্যাগ না করিবেন আমি আপনার ঋণ পরিশোধ করিব না। আমি ক্রোধভরে বলিয়া উঠিলাম, (কেয়ামত পর্যন্ত তথা) তুমি মৃত্যুর পর পুণঃ জীবিত হইয়া হাশরের মাঠে উপস্থিত হওয়া পর্যন্তও আমি মোহাম্মদ ছাল্লাল্লাহু আলাইহে অসাল্লামের উপর হইতে ঈমান প্রত্যাহার করিব না। এতচ্ছব্বে সে বলিল, আমার পুনঃ জীবিত হওয়া সত্য হইলে আপনি অপেক্ষা করুন—মৃত্যুর পর জীবিত হইয়া আমি ধন-জন লাভ করিয়া আপনার ঋণ পরিশোধ করিব। তাহার এইরূপ দস্ত ও হুয়াশাপূর্ণ উক্তির প্রতি তিরস্কারে এই আয়াত নাযেল হয়—

أَفَرَأَيْتَ الَّذِي كَفَرَ بِآيَاتِنَا.....وَنَرِيئُهُ مَا يَقُولُ وَيَأْتِينَا فَرْدًا

অর্থ—তোমরা ঐ ব্যক্তির হুয়াশা, দস্তোক্তি ও আফালনের প্রতি লক্ষ্য করিয়াছ কি? (তাহার আশা ও উক্তি কি আশ্চর্যজনক।) সে আমার (কোরআনের) আয়াত সমূহকে অস্বীকার করে এবং এই আশা ও আফালন প্রকাশ করে যে, (পুনঃ জীবিত হওয়ার পর কেয়ামতের দিন) আমাকে ধন-জন দান করা হইবে। সে কি এই সব বিষয় অগ্রিম জানিয়া ফেলিয়াছে বা আল্লাহ তায়ালার নিকট হইতে এই বিষয়ের কোন প্রতিশ্রুতি লাভ করিয়াছে? তাহার আশায় ছাই, তাহার দস্তোক্তি ও আফালন সব ভিত্তিহীন। তাহার এইসব দস্তোক্তি আমি লিখিয়া রাখিতেছি এবং তাহার আশার বিপরীত আমি তাহার জন্য আজাব ও শাস্তি বর্ধিত করিব। (পুনঃ জীবনের পর নতুন ধন-জন

লাভ করা ত দূরের কথা, তাহার বর্তমান ধন-জনও তাহার থাকিবে না।) তাহার ধন আমার (বিধি-বিধানের) আওতায় আসিয়া যাইবে এবং সে নিঃসঙ্গ একা আমার দরবারে হাজির হইতে বাধ্য হইবে। (১৬ পাঃ ৮ কঃ)

পাথে পাওয়া বস্তু সম্পর্কে

১১৭২। হাদীছ :- উবাই ইবনে কায়া'ব (রাঃ) বর্ণনা করিয়াছেন, একদা আমি একটি থলিয়া পাইলাম, উহাতে এক শত স্বর্ণ-মুদ্রা ছিল। উহার কর্তব্য সম্পর্কে জ্ঞাত হওয়ার জন্ত আমি নবী ছাল্লাল্লাহু আলাইহে অসাল্লামের নিকট আসিলাম। নবী (দঃ) আমাকে উহার সম্পর্কে এক বৎসর পর্য্যন্ত টোল-শোহরতে প্রচার করার আদেশ করিলেন। আমি তাহা করিলাম, কিন্তু মালিকের কোন খোঁজ-খবর পাওয়া গেল না। আমি পুনরায় নবী ছাল্লাল্লাহু আলাইহে অসাল্লামের নিকট আসিলাম। নবী (দঃ) আমাকে পুনরায় ঐরূপ আদেশ করিলেন। আমি তাহাই করিলাম, কিন্তু প্রকৃত মালিকের কোন খোঁজ পাইলাম না। তৃতীয়বার আমি নবী ছাল্লাল্লাহু আলাইহে অসাল্লামের নিকট আসিলাম। এইবার নবী (দঃ) বলিলেন, স্বর্ণ-মুদ্রাগুলির সংখ্যা ইত্যাদি সঠিকরূপে নির্ধারণ করিয়া রাখ এবং থলিয়াটির সমুদয় গুণাগুণ, এমনকি মুখ বাঁধিবার রজ্জুটি পর্য্যন্ত পূর্ণরূপে স্মরণ রাখ। যদি মালিক উপস্থিত হয় (অর্থাৎ কোন দাবীদার যদি প্রাপ্ত বস্তুর সঠিক বিবরণ দেয়) তবে উহা তাহাকে দিয়া দিবে। নতুবা তুমি উহা খরচ করিতে পার।

ব্যাখ্যা :- প্রাপ্ত বস্তুর গুরুত্ব ও মূল্যমান অনুপাতে কম-বেশী সময় শোহরত করা আবশ্যক এবং শোহরত করার স্থান—হাট-বাজার, সভা-সমিতি, মসজিদের সম্মুখ ইত্যাদি জন সমাবেশের স্থান সমূহ। মালিক সাব্যস্ত হওয়ার জন্ত সাক্ষ্য প্রমাণ আবশ্যক। অবশ্য তাহার বিবরণ দৃষ্টে যদি দৃঢ় বিশ্বাস জন্মে যে, সে-ই প্রকৃত মালিক তবে তাহাকে দেওয়া যাইবে। মালিকের খোঁজ না পাওয়া অবস্থায় যদি প্রাপক স্বয়ং দরিদ্র হয় তবে সে-ই মালিকের পক্ষ হইতে ছদকা স্বরূপ উহা ভোগ করিতে পারে। যদি প্রাপক দরিদ্র না হয় তবে মালিকের পক্ষে ছদকার নিয়ত করিয়া দরিদ্রকে দান করিবে। ধনী প্রাপক উহা নিজেও খরচ করিতে পারে, কিন্তু ধার বা কর্জরূপে এবং তাহা কাজী তথা ইসলামী আইনের জজের অনুমতি গ্রহণে হইতে হইবে (আলমগীরী, ২—৩১৬)। প্রত্যেক অবস্থাতেই ঐ বস্তু খরচ হইয়া যাওয়ার পর মালিক উপস্থিত হইলে ক্ষতিপূরণ দিতে হইবে। এমনকি ছদকা করার ক্ষেত্রে মালিক ছদকায় সম্মত না হইলে নিজে ছদকার ছওয়াব পাইবে এবং মালিককে ক্ষতিপূরণ দিতে হইবে।

১১৭৩। হাদীছ :—যায়েদ ইবনে খালেদ (রাঃ) বর্ণনা করিয়াছেন, এক গ্রাম্য ব্যক্তি নবী ছাল্লাল্লাহু আলাইহে অসাল্লামের নিকট উপস্থিত হইল এবং পথে-ঘাটে প্রাপ্ত বস্তু সম্পর্কে জিজ্ঞাসা করিল। নবী (দঃ) বলিলেন, বৎসর-কাল উহার ঢোল-শোহরত কর, অতঃপর উহার সমুদয় নিদর্শন ভালরূপে স্মরণ রাখ। যদি দাবীদার উপস্থিত হয় (এবং তাহার দাবী প্রমাণিত হয়) তবে তাহাকে উহা প্রদান করিবে। নতুবা তুমি স্বয়ং উহা ভোগ করিতে পারিবে।

এ ব্যক্তি হারানো ছাগল-বকরি সম্পর্কে জিজ্ঞাসা করিলে হযরত (দঃ) বলিলেন, উহাকে তুমি রক্ষা করিবে বা অথ কেহ রক্ষা করিবে, নতুবা বাঘের খোরাক হইবে। (অর্থাৎ উহাকে রক্ষণাবেক্ষণ করা তোমার কর্তব্য। কারণ উহা ছোট জানোয়ার, উহাকে হেফাজত না করিলে ধ্বংস হওয়ার আশঙ্কা আছে।)

অতঃপর এ ব্যক্তি হারানো উট সম্পর্কে জিজ্ঞাসা করিলে নবী ছাল্লাল্লাহু আলাইহে অসাল্লাম অসন্তুষ্ট হইয়া উঠিলেন, এমনকি তাঁহার মুখ মণ্ডলের উপর অসন্তুষ্টির নিদর্শন ফুটিয়া উঠিল। নবী (দঃ) বলিলেন, তোমার সহিত উটের (তায় এত বড় হারানো জন্তুর) সম্পর্ক কি? সে তোমার প্রত্যাশী নহে, সে নিরাপদে হাঁটিয়া বেরাইতে সক্ষম এবং সে নিজেই পানি পান করিতে, এমনকি কতক দিনের পানি স্থায়ী অভ্যন্তরে রক্ষিত রাখিতে ও গাছের লতা-পাতা খাইয়া বেড়াইতে সক্ষম। তুমি উহাকে আবদ্ধ না রাখিলে সে ঘুরিয়া বেড়াইতে থাকিবে এবং তাহার মালিক সহজেই উহার খোঁজ পাইবে।

ব্যাখ্যা :—নবী ছাল্লাল্লাহু আলাইহে অসাল্লামের সোনালী যুগের পরে গরু-ঘোড়া, উট ইত্যাদি বড় জানোয়ারের ব্যাপারেও হুস্রুতি মানুষের দ্বারা ক্ষতির আশঙ্কা বিद्यমান থাকায় ইমাম আবু হানীফার মজহাবে মালিকের নিখোঁজ বড় জানোয়ারকেও হেফাজত করার আদেশ করা হইয়াছে।

১১৭৪। হাদীছ :—আনাছ (রাঃ) এর বর্ণনা, একদা নবী (দঃ) পথ চলাকালীন মাটিতে পতিত একটি খুরমা দেখিতে পাইয়া বলিলেন, যদি এই খুরমাটি ছদকা-খয়রাতের মাল হওয়ার আশঙ্কা না থাকিত তবে আমি নিজেই উহা খাইতাম।

১১৭৫। হাদীছ :—আবু হোরায়রা (রাঃ) হইতে বর্ণিত আছে, নবী ছাল্লাল্লাহু আলাইহে অসাল্লাম বলিয়াছেন, কোন কোন সময় আমি বাড়ী আসিয়া বিছানায় এক-দুইটি খুরমা পতিত দেখি। আমি উহা খাইবার ইচ্ছায় উঠাইয়া লই, কিন্তু পরে উহা ছদকার বস্তু বলিয়া আশঙ্কা হয়, তাই উহা রাখিয়া দেই।

ব্যাখ্যা :—নবী ছাল্লাল্লাহু আলাইহে অসাল্লামের নফল ছদকা-খয়রাতের বস্তু খাওয়াও হারাম ছিল। তাই নবী (দঃ) অধিক সতর্কতা অবলম্বিত করিতেন।

অন্য লোক ধনী হইলেও তাহার জ্ঞান নফল, দান-খয়রাতেশ বস্তু হারাম নহে, তাই সকলের জ্ঞান এই সতর্কতা প্রয়োজনীয় নহে।

প্রতিটি বস্তু উহা যত ছোটই হউক না কেন আল্লাহ তায়ালার নেয়ামত হিসাবে অতি বড় এবং আল্লাহ তায়ালার নেয়ামতের কদর করা আশু কর্তব্য। যে কোন নেয়ামতের বে-কদরী করা হুর্ভাগ্যের কারণ। কোন বস্তু নষ্ট হওয়ার উপক্রম অবস্থায় দেখিলে যাহাতে উহার অপচয় না হয় সেই ব্যবস্থা করা আবশ্যক।

উল্লেখিত হাদীছ দুইটি দ্বারা ইমাম বোখারী (রঃ) এই মহুআলাহ ব্যক্ত করিতে চাহিয়াছেন যে, পথে ঘাটে এক-দুইটি খেজুর ইত্যাদি সামান্য বস্তু পতিতাবস্থায় পাওয়া গেলে উহা কি করা হইবে? বোখারী শরীফের প্রসিদ্ধ শরহ ফতহুল-বারী কিতাবে উল্লেখ আছে যে, এরূপ সামান্য বস্তু পথে-ঘাটে পাওয়া গেলে অপচয় হইতে রক্ষা করার জ্ঞান উহা উঠাইয়া লইবে; স্বয়ং উহা খাইতেও পারিবে। অতঃপর নিয়ে বর্ণিত হাদীছখানাও উল্লেখ করিয়াছেন।

হাদীছ শরীফে আছে—নবী-পত্নি মাইমুনা রাজিয়াল্লাহু তায়ালা আনহা একদা একটি খেজুর পতিতাবস্থায় দেখিতে পাইয়া উহা উঠাইয়া খাইলেন এবং বলিলেন, কোন বস্তুর অপচয়কে আল্লাহ তায়ালা পছন্দ করেন না।

মহুআলাহ ঃ—পথে-ঘাটে যদি এরূপ সামান্য বস্তু পাওয়া যায় যাহার প্রতি সাধারণতঃ মালিকের অপেক্ষা ও দাবী থাকে না—এইরূপ বস্তু পাইলে উহার ঢোল-শহরত করার প্রয়োজন নাই এবং প্রাপক নিজেই উহা ব্যবহার করিতে পারে (হেদায়াহ-ফতহুল-কাদীর)।

মহুআলাহ ঃ—নদী-খালে খড়ি ইত্যাদি নগণ্য মূল্যের কাষ্ঠ শ্রেণীর বস্তু পাওয়া গেলে তাহা প্রত্যেক প্রাপকের জ্ঞানই হালাল গণ্য হইবে, সে উহা বিনা দ্বিধায় ব্যবহার করিতে পরিবে। আর যদি উহা এরূপ মূল্যের হয় যাহার প্রতি মালিকের অপেক্ষা ও দাবী থাকিতে পারে তবে পথে পাওয়া মূল্যমানের বস্তুর মহুআলাহভুক্ত হইবে (শামী, ৩—৪৪৬)। অবশ্য যদি উহা মালিকবিহীন হওয়া সাব্যস্ত হয়—যেমন, প্রবল বতায় ভাসমান পাহাড়ী অঞ্চল বা বন-জঙ্গলের বস্তু বলিয়া সাব্যস্ত হয় তবে অধিক মূল্যমানের হইলেও প্রত্যেক প্রাপকই উহা ব্যবহার করিতে পারিবে (আলমগীরী ২—৩১৫)।

মহুআলাহ ঃ—যে স্থানে সাময়িক জনসমাবেশ হয় এবং দূরদূরান্ত হইতে লোকের সমাগম হয়—যেমন, মক্কা শরীফে হজ্জের মৌসম বা কোন মেলা ইত্যাদি এইরূপ স্থানেও যদি সমাবেশ সমাপ্তির পর কোন বস্তু পাওয়া যায় উহারও পূর্ণ ঢোল-শহরত এবং প্রচার অবশ্যই করিতে হইবে (৩২৯ পৃঃ)।

মছআলাহ :—পূর্ণ টোল-শহরত করার পর দীর্ঘ দিন এমনকি বৎসরেরও অধিক-কাল পর মালিক উপস্থিত হইলে (মূল্যমানের) পাওয়া বস্তু তাহাকে প্রত্যাৰ্পণ করিতে হইবে; ব্যয় করা হইয়া থাকিলে ক্ষতিপূরণ দান করিতে হইবে (৩২৯ পৃঃ)

মছআলাহ :—পাওয়া বস্তু সম্পর্কে যদি দৃঢ় আশঙ্কা হয় যে, উহার হেফাজত না করা হইলে বিনষ্ট হইয়া যাইবে বা আত্মসাতকারীর হাতে পড়িবে সে ক্ষেত্রে উহার হেফাজত করা ফরজ হইবে (৩২৯ পৃঃ, আলমগীরী, ২—৩১৪)।

অনুমতি ব্যতিরেকে অপরের পশুর দুগ্ধ দোহাইবে না

১১৭৬। হাদীছ :—আবদুল্লাহ ইবনে ওমর (রাঃ) হইতে বর্ণিত আছে, রসুলুল্লাহ ছালাল্লাহু আলাইহে অসাম্বাম এরূপ নিষেধাজ্ঞা জারী করিয়াছেন যে, অনুমতি ব্যতিরেকে কেহ কাহারও পশুর দুগ্ধ দোহাইয়া আনিবে না। হযরত (দঃ) (এই নিষেধাজ্ঞার স্বপক্ষে যুক্তি প্রদর্শন করতঃ) বলিয়াছেন, তোমাদের কেহ ইহা ভালবাসিতে পারে কি যে—অথ কেহ তোমার গৃহে রক্ষিত গোলাজাত ধান-চাউল খাওবস্তু গোলা ভাঙ্গিয়া হরণ করিয়া নেয় ? (তাহা কখনও নহে।) তদ্রূপ মানুষ্যের পশুসমূহের স্তন তাহাদের দুগ্ধ-ভাণ্ডার স্বরূপ। তাই তাহাদের অনুমতি ব্যতিরেকে উহা হইতে দুগ্ধ বাহির করিয়া আনিবেন না।

মছআলাহ :—যদি কোন দেশে এরূপ মহানুভবতা প্রচলিত থাকে যে, তাহাদের পশুপাল হইতে পথিকের জন্ত প্রয়োজনে দুগ্ধ দোহাইবার অনুমতি আছে—সে ক্ষেত্রে পথিক সেই সুযোগ গ্রহণ করিতে পারে (৩২৯ পৃঃ)।

অগ্নায় অত্যাচার ও অবিচারের পরিণতি

সর্বাধিক বড় অগ্নায় ও অবিচার হইল স্বীয় প্রভু সৃষ্টিকর্তা পালনকর্তা বা তাঁহার প্রতিনিধি রসুল ও তাঁহার বাণী ও আহ্বানকে অবজ্ঞা করা। তাই উহার পরিণতিও ভয়াভহ। আল্লাহ তায়ালা বলিয়াছেন—

وَلَا تَحْسَبَنَّ اللَّهَ غَافِلًا عَمَّا يَعْمَلُ الظَّالِمُونَ - إِنَّمَا يُؤَخِّرُهُمْ لِيَوْمٍ

تَشْخَصُ فِيهِ الْأَبْصَارُ..... وَلَيَذَّكَّرَ أُولَئِكَ الْأَلْبَابُ -

অর্থ—তোমরা কখনও এই ধারণা করিও না যে, আল্লাহ তায়ালা পাপিষ্ঠ অস্বায়কারীদের কার্যকলাপের প্রতি লক্ষ্য রাখেন না। (তিনি তাহাদের সমুদয় কার্য নিরীক্ষণ করিয়া থাকেন, কিন্তু অনেক ক্ষেত্রে সঙ্গে সঙ্গে শাস্তি বিধান না করিয়া। তাহাদের পূর্ণ শাস্তি একমাত্র ঐ দিন পর্যন্ত মূলতবী রাখিয়া থাকেন যেই দিন (ভয়ঙ্কর অবস্থা দৃষ্টে) সকলের চক্ষু উল্টিয়া যাইবে।

সকলেই (আতঙ্কগ্রস্ত হইয়া) মাথা উচু করিয়া তাকাইয়া থাকিবে; কেহই চোখের পাতা মারিবে না এবং সকলেই ভীত, নিরাশ এবং হুশ-হারা হইবে। (হে আমার রসূল!) আপনি বিশ্ববাসীকে ভীষণ আক্রমণ হইতে সতর্ক করিয়া দিন। যেই দিন ঐ আক্রমণ উপস্থিত হইবে সেই দিন পাপিষ্ঠ অত্যাচারীরা এই বলিয়া আত্ননাদ করিবে, হে পরওয়ারদেগার! আপনি আমাদের পুনঃ কিছু সময়ের সুযোগ দান করুন; এইবার আমরা আপনার আস্থানে সাড়া দিব এবং আপনার প্রেরিত রসূলগণের অনুসারী হইব।

(আল্লাহ তায়ালা তিরস্কার পূর্বক তাহাদিগকে বলিবেন,) তোমরা শপথ করিয়া বলিয়া থাকিতে নয় কি যে, তোমাদের ইহজগৎ ত্যাগ করিতে হইবে না? অথচ তোমরা পূর্ববর্তী পাপিষ্ঠ অত্যাচারীদের পরিত্যক্ত ভগতে বসবাস করিয়াছ এবং ইহাও ভালরূপে জ্ঞাত ছিলে যে, আমি সেই সব অত্যাচারীদের প্রতি কিরূপ ব্যবস্থা অবলম্বন করিয়াছিলাম এবং তোমাদের সম্মুখে দৃষ্টান্তাকারে সেই সব পাপিষ্ঠদের বহু ঘটনার উল্লেখও করা হইয়াছিল। সেই সব পাপিষ্ঠ অত্যাচারীরা (আল্লাহর দীনের বিরুদ্ধে) কত রকমের ষড়যন্ত্র ও ছুরতিসন্ধি করিয়াছিল। বস্তুতঃ তাহাদের ছুরতিসন্ধিগুলি পাহাড় পর্বত নিশ্চিহ্নকারী তুল্য ছিল, (কিন্তু তাহাদের সে সব ছুরতিসন্ধি আল্লাহ তায়ালা জ্ঞাত আছেন; তিনি ঐ সবকে ব্যর্থ করিয়া দিবেন।) তোমরা ভাবিও না, আল্লাহ তায়ালা স্বীয় রসূলগণকে প্রদত্ত অঙ্গীকার রক্ষা করিবেন না, (নিশ্চয় তিনি অঙ্গীকার রক্ষা করিবেন।) আল্লাহ তায়ালা সর্ববলশক্তিমান প্রতিশোধ গ্রহণকারী।

সকলে ঐ দিনকে স্মরণ কর, যেই দিন এই আসমান-জমিন ধ্বংস হইয়া উহার স্থলে ভিন্ন আসমান-জমিন সৃষ্টি হইবে এবং সকলেই হিসাব-নিকাশের জন্য পরাক্রমশালী এক আল্লাহর সম্মুখে উপস্থিত হইবে। সেই দিন পাপিষ্ঠ অপরাধীদের পাপ লোহ বন্ধনীতে আবদ্ধ দেখিতে পাইবে। আলকাতরার ছায় পেট্রোল জাতীয় বস্তু দ্বারা তাহাদের সর্ব শরীর আবৃত করা হইবে এবং তাহাদের আপদমস্তক জাহান্নামের অগ্নিতে বেষ্টিত হইবে। সেই দিনের অনুষ্ঠান এই উদ্দেশ্যেই হইবে যে, আল্লাহ তায়ালা প্রত্যেককে তাহার কর্মফল দান করিবেন। আল্লাহ তায়ালা কর্তৃক হিসাব-নিকাশ সম্পন্ন করিতে বিলম্ব হইবে না।

বিশ্ববাসীর প্রতি আমার এই ঘোষণা—তাহাদিগকে সতর্ক করার উদ্দেশ্যে এবং তাহারা যেন মনে-প্রাণে দৃঢ়তার সহিত বুঝিয়া ও গ্রহণ করিয়া নেয় যে, একমাত্র সৃষ্টিকর্তা আল্লাহ তায়ালাই মাবুদ ও উপাস্য এবং বিবেক-বুদ্ধি সম্পন্ন মানব যেন এই সতর্কবাণীকে উপদেশরূপে গ্রহণ করিয়া নেয়। (১৩ পাঃ ১৯ কঃ)

বোহেশত লাভকারীদের পরস্পর অত্যাচার সমূহের
কর্তন ও পরিশোধের ব্যবস্থা করা হইবে

১১৭৭। হাদীছঃ—আবু সায়ীদ (রাঃ) হইতে বর্ণিত আছে, রসূলুল্লাহ (দঃ) বলিয়াছেন, মোমেনগণ দোষখের (উপরস্থ পুল-ছেরাত অতিক্রম করিয়া) শেষ প্রান্তে পৌঁছিলে পর অবতরণের পূর্বে তাহাদিগকে অপেক্ষমান রাখা হইবে। জাগতিক জীবনে তাহাদের পরস্পরের অত্যাচার-অবিচারগুলি কর্তন ও পরিশোধের ব্যবস্থা করা হইবে। পরস্পর কর্তনের দ্বারা যখন প্রত্যেকেই পরিচ্ছন্ন হইয়া যাইবে তখন তাহাদিকে বোহেশতে প্রবেশের অনুমতি দেওয়া হইবে। রসূলুল্লাহ (দঃ) বলেন, আমি ঐ আল্লাহর শপথ করিয়া বলিতেছি, যাহার হস্তে মোহাম্মদের প্রাণ—মোমেনগণের প্রত্যেকটি ব্যক্তির নিকট বোহেশতস্থিত স্বীয় বাড়ী-ঘর জাগতিক বাড়ী-ঘর অপেক্ষা অধিক পরিচিত হইবে।

মোসলমান পরস্পর জুলুম ও অত্যাচার
করিতে পারে না

১১৭৮। হাদীছঃ—عَنْ عَبْدِ اللَّهِ بْنِ مَرْزُوقٍ رَضِيَ اللَّهُ تَعَالَى عَنْهُ أَخْبَرَ أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ قَالَ أَلْمُسْلِمُ أَخُو الْمُسْلِمِ لَا يَظْلِمُهُ وَلَا يُظْلَمُهُ وَمَنْ كَانَ فِي حَاجَةِ أَخِي كَانَ اللَّهُ فِي حَاجَتِهِ وَمَنْ فَرَّجَ عَنْ مُسْلِمٍ كُرْبَةً فَرَّجَ اللَّهُ عَنْهُ كُرْبَةً مِنْ كُرْبَاتٍ يَوْمَ الْقِيَامَةِ وَمَنْ سَتَرَ مُسْلِمًا سَتَرَهُ اللَّهُ يَوْمَ الْقِيَامَةِ ۝

অর্থ—আবুজুহাফা ইবনে ওমর (রাঃ) বর্ণনা করিয়াছেন, রসূলুল্লাহ ছালাল্লাহু আলাইহে অসাল্লাম বলিয়াছেন, মোসলমানগণ পরস্পর ভাই ভাই। এক মোসলমান অন্য মোসলমানের উপর অত্যাচার অত্যাচার করিতে পারে না, সে তাহাকে শত্রুর দ্বারা আক্রান্ত ও অত্যাচারিত অবস্থায় রক্ষা করার চেষ্টা না করিয়া পারে না। যে ব্যক্তি স্বীয় মোসলমান ভ্রাতার প্রয়োজন মিটানোর চেষ্টায় রত হয় আল্লাহ তায়ালা তাহার প্রয়োজন মিটাইয়া থাকেন। যে ব্যক্তি মোসলমানের সম্মানহানিকর বিষয়বস্তু গোপন রাখিয়া তাহার সম্মান রক্ষা করে আল্লাহ তায়ালা কেয়ামতের দিন তাহার সম্মান রক্ষা করিবেন।

মোসলমান ভ্রাতার সাহায্য করা

১১৭৯। হাদীছ :—আবু হুলাইহ ইবনে ওমর (রাঃ) হইতে বর্ণিত আছে, নবী ছাল্লাল্লাহু আলাইহে অসাল্লাম বলিয়াছেন, স্বীয় মোসলমান ভ্রাতার সাহায্য কর—সে অত্যাচারী হউক বা অত্যাচারিত হউক। ছাহাবীগণ আরজ করিলেন, ইয়া রসুলুল্লাহ! তাহাকে অত্যাচারিত হওয়া অবস্থায় ত সাহায্য করিব, কিন্তু অত্যাচারী হওয়া অবস্থায় কিরূপে সাহায্য করিব? নবী (দঃ) বলিলেন, অত্যাচার করা হইতে বিরত রাখা এবং বাধা দেওয়াই তাহাকে সাহায্য করা।

১১৮০। হাদীছ :—আবু মুছা (রাঃ) হইতে বর্ণিত আছে, নবী (দঃ) বলিয়াছেন, মোমেনগণের পরস্পর সম্পর্ক এইরূপ হওয়া চাই যে রূপ একটি দেয়ালের ইটসমূহ। তাহারা একে অন্নের দ্বারা শক্তিশালী হইবে। অতঃপর নবী (দঃ) এক হাতের অঙ্গুলি সমূহ অপর হাতের অঙ্গুলির ভিতর প্রবেশ করিয়া দেখাইলেন, (মোসলমানগণ এইরূপে একতার সহিত একে অন্নের বলবর্ধক হইয়া থাকিবে।)

অত্যাচারী হইতে প্রতিশোধ গ্রহণ করা

আল্লাহ তায়ালা বলিয়াছেন—لَا يُحِبُّ اللَّهُ الْجَهْرَ بِالسُّوءِ - إِلَّا مَنْ ظَلَمَ

অর্থাৎ খারাব বিষয় (এমনকি কাহারও কোন দোষের কথা যদিও উহা বাস্তব সত্য হয়) প্রকাশ করাতে আল্লাহ তায়ালা নারাজ ও অসন্তুষ্ট হইয়া থাকেন, অবশ্য যদি কেহ কাহারও দ্বারা অত্যাচারিত হয় এমতাবস্থায় অত্যাচারীর অত্যাচারকে প্রকাশ করার অনুমতি আছে। আল্লাহ তায়ালা আরও বলিয়াছেন—

وَالَّذِينَ إِذَا أَصَابَهُمُ الْبَغْيُ هُمْ يَنْتَصِرُونَ ۝

অর্থাৎ—মোসলমানদের স্বভাব এই যে, তাহারা নিষ্পেষিত ও পদদলিত হওয়া অবস্থায় বণিয়া থাকে না; অত্যাচারীকে তাহারা সমুচিত জবাব দিয়া থাকে।

ইব্রাহীম নখরী (রঃ) এই আয়াত সম্পর্কে বলিয়াছেন, মোসলমানগণ অপমান অবলম্বন করিয়া থাকে না; ক্ষমতা, শক্তি ও সামর্থ্যের ক্ষেত্রে ক্ষমাকারী ও বিনয়ী হয়।

অত্যাচারিত হইয়াও ক্ষমা করা

আল্লাহ তায়ালা বলিয়াছেন—

إِنْ تَبَدُّوا خَيْرًا أَوْ لَخِفَّوه أَوْ تَعَفَّوْا عَنْ سُوءٍ فَإِنَّ اللَّهَ كَانَ غَفُورًا قَدِيرًا

অর্থাৎ তোমরা যে কোন নেক কাজ প্রকাশে বা অপ্রকাশে কর (আল্লাহ তায়ালা উহার প্রতিফল দান করিবেন।) কিম্বা (প্রকাশে বা অপ্রকাশে)

কাহারও কোন ক্রটি, অত্যাচার, অপরাধ ক্ষমা কর (উহারও প্রতিদান পাইবে। ক্ষমা করা কর্তব্য, কারণ) আল্লাহ তায়ালা ক্ষমাকারী সর্বশক্তিমান।

এক হাদীছে বর্ণিত আছে—এক ব্যক্তি তাহার ক্রীতদাসকে মারিতেছিল, পেছন হইতে রসুলুল্লাহ ছালাল্লাহু আলাইহে অসাল্লাম তাহাকে ডাকিয়া বলিলেন, **لِلَّهِ أَقْدَرُ عَلَيْكَ مِنْكَ عَلَيْهِ** অরণ রাখিও—ক্রীতদাসের উপর তোমার ক্ষমতা অপেক্ষা তোমার উপর আল্লাহ তায়ালা ক্ষমতা অধিক।

এক হাদীছে আছে—**إِرحموا من في الأرض يرحمكم من في السماء**

“আল্লাহর বন্দাদের প্রতি তুমি দয়ালু হও; আল্লাহ তায়ালা তোমার প্রতি দয়ালু হইবেন।” আল্লাহ তায়ালা আরও বলিয়াছেন—

وَجَزَاءُ سَيِّئَةٍ سَيِّئَةٌ مِّثْلُهَا - مَنْ عَفَا وَأَصْلَحَ فَأَجْرُهُ إِلَى اللَّهِ.....

অর্থ—অত্যাচারের প্রতিশোধ সমপরিমাণ গ্রহণ করা যাইতে পারে বটে, কিন্তু যে ব্যক্তি ক্ষমা প্রদর্শন করিবে এবং তিক্ততা পরিত্যাগ করতঃ উত্তম সম্পর্ক স্থাপ্ত করিবে তাহার এই কার্যের প্রতিদান ও প্রতিফল আল্লাহ তায়ালা নিকট সে অনিবার্যতঃ লাভ করিবে। আল্লাহ তায়ালা অত্যাচারী অত্যাচারীর প্রতি সন্তুষ্ট নহেন। যে ব্যক্তি অত্যাচারিত হইয়া (সমপরিমাণ) প্রতিশোধ গ্রহণ করে তাহার উপর অভিযোগ প্রবর্তিত হইবে না। অভিযুক্ত অপরাধী সাব্যস্ত হইবে ঐরূপ ব্যক্তির যাহারা মানুষের প্রতি অত্যাচার করে এবং জগতের বুকে সীমা অতিক্রম করিয়া বেড়ায়—যাহা করিবার অধিকার তাহার মোটেও নাই; ঐরূপ ব্যক্তিদের জন্ত ভীষণ কষ্টদায়ক আজাব নির্দ্ধারিত রহিয়াছে। যে ব্যক্তি ধৈর্য্য ধারণ করিবে এবং অপরের ক্রটি, অপরাধ মার্জনা ও ক্ষমা করিবে বস্তুতঃ তাহার এই কার্য বিশেষ তাৎপর্যপূর্ণ পরিগণিত হইবে। (২৫ পাঃ ৫ রঃ)

এক হাদীছে বর্ণিত আছে—হযরত নবী ছালাল্লাহু আলাইহে অসাল্লাম বলিয়াছেন, যে কোন ব্যক্তি অত্যাচারিত হইয়া ক্ষমা প্রদর্শন করিবে আল্লাহ তায়ালা তাহাকে সম্মানিত করিবেন ও সাহায্য দান করিবেন। (ফতহুল বারী)

অত্যাচারের বিষময় ফল

১১৮১। হাদীছঃ—**عن عبد الله بن عمر رضى الله تعالى عنه**
عن النبي صلى الله عليه وسلم قال لا تظلم ظلمات يوم القيامة

অর্থ—আবুল্লাহ ইবনে ওমর (রাঃ) হইতে বর্ণিত আছে, নবী (দঃ) বলিয়াছেন, (তোমরা জুলুম অত্যাচার হইতে সংযমী হও ;) জুলুম অত্যাচার কেয়ামতের দিন অত্যাচারী ব্যক্তিকে নানা রকম কঠিন বিপদের অন্ধকারে পতিত করিবে।

মজলুমের বদ-দোয়াকে ভয় করা

১১৮২। হাদীছ :—ইবনে আব্বাস (রাঃ) বর্ণনা করিয়াছেন, নবী ছালাল্লাহ আলাইহে অসাল্লাম মোয়াজ (রাঃ)কে ইয়ামান দেশের শাসনকর্তা নিযুক্ত করিয়া পাঠাইলেন। তাঁহাকে এই আদেশ করিলেন যে, মজলুমের বদ-দোয়া ও অভিশাপকে ভয় ও পরিহার করিয়া চলিবে। (অর্থাৎ কাহারও প্রতি জুলুম করিবে না ; কাহারও প্রতি জুলুম করিলে নিশ্চয় সে বদ-দোয়া ও অভিশাপ করিবে।) মজলুমের বদ-দোয়া সরাসরি আল্লার দরবারে পৌঁছিয়া থাকে। কোন কিছুই উহাকে ঠেকাইয়া রাখিতে পারে না।

তাঁহের হুকুমাফ করাইয়া লওয়া

১১৮৩। হাদীছ :—আবু হোরায়া (রাঃ) হইতে বর্ণিত আছে, রসুলুল্লাহ (দঃ) বলিয়াছেন, যে ব্যক্তির উপর তাহার অন্য মোসলমান ভাইয়ের মানহানি বা অন্য কোন বস্তু সম্পর্কীয় হুকুমাফ থাকে তাহার কর্তব্য হইবে—ইহজীবনেই উহা হইতে মুক্তিলাভের ব্যবস্থা করা। তাহার সম্মুখে এমন এক দিন আসিবে যেই দিন কাহারও নিকট কোন প্রকার ধন-দৌলত থাকিবে না। যদি তাহার নিকট নেক আমল থাকে তবে এই হুকুমাফে তাহার নেক আমল ছিনাইয়া লওয়া হইবে। আর যদি তাহার নিকট নেক আমল না থাকে তবে হুকুমদারের গোনাহের বোঝা তাহার উপর চাপাইয়া দেওয়া হইবে।

ব্যাখ্যা :—মোসলেম শরীফের এক হাদীছে বর্ণিত আছে, নবী (দঃ) প্রকৃত গরীব ও দরিদ্রের ব্যাখ্যা দান করতঃ বলিয়াছেন—আমার উম্মতগণের মধ্যে প্রকৃত গরীব ও দরিদ্র এই ব্যক্তি, যে ব্যক্তি কেয়ামতের দিন নামায, রোযা, যাকাত ইত্যাদি নানারকম এবাদত বন্দেগী লইয়া উপস্থিত হইবে। কিন্তু সে স্বয়ং উহার ফলাফল ভোগ করার সুযোগ মোটেই পাইবে না। বিভিন্ন ব্যক্তি তাহার এবাদৎ ছিনাইয়া লইয়া যাইবে। কাহাকেও সে গালি-গালাজ করিয়াছিল, কাহাকেও অত্যাচারে খুন করিয়াছিল, কাহারও ধন-সম্পদ সে আত্মসাৎ করিয়াছিল ; এইসব লোক কেয়ামতের দিন নিজ নিজ হকের ক্ষতিপূরণ ওয়াসিল করিতে উপস্থিত হইবে, তখন তাহার নেক আমল সমূহ হইতে তাহাদিগকে ক্ষতিপূরণ দান করা হইবে। যদি সকলের ক্ষতিপূরণ পরিশোধের পূর্বেই তাহার নেক আমল সমূহ নিঃশেষ হইয়া যায় তবে অতঃপর হুকুমদারগণের গোনাহের বোঝা

তাহার উপর চাপান হইবে। এইরূপে সে সমুদয় নেক আমল হারাইয়া রিতহস্তে গোনাহের বোঝা লইয়া জাহান্নামে পতিত হইবে।

মছআলাহ :—কাহারও উপর অহের গীবৎ-শেকায়েত বা নিন্দা ও অপবাদ সম্পর্কীয় কোন হুক থাকিলে তাহা মাক্ফ করাইবার জ্ঞান হকদারের নিকট সেই সব অপবাদের বিবরণ দানে কমা প্রার্থনা করা আবশ্যক নহে—বিবরণ ব্যতিরেকে অনিচ্ছিক্রমে সাধারণভাবে কমা চাহিয়া মাক্ফ করা হইতে পারিলেই যথেষ্ট হইবে।

লছআলাহ :—এক ব্যক্তির উপর অপর ব্যক্তির ধন-সম্পদের হুক তথা প্রাপ্য আছে। প্রথম ব্যক্তি দ্বিতীয় ব্যক্তিকে বলিল, আমার উপর আপনার যত রকম হুক বা প্রাপ্য আছে তাহা আমাকে মাক্ফ করিয়া দেন—ছাড়িয়া দেন; দ্বিতীয় ব্যক্তি বলিল, আপনার উপর আমার যত হুক বা প্রাপ্য আছে সব আমি ছাড়িয়া দিলাম। দ্বিতীয় ব্যক্তি যদি তাহার প্রাপ্য ধন-সম্পদ সম্পর্কে জ্ঞাত ও সচেতন থাকিয়া এরূপ বলিয়া থাকে তবে সর্বসম্মতরূপে ছুনিয়া-আথেরাতে প্রথম ব্যক্তি উক্ত হুক হইতে রেহায়ী পাইয়া যাইবে। আর যদি দ্বিতীয় ব্যক্তি উহা সম্পর্কে জ্ঞাত না থাকিয়া এরূপ বলিয়া থাকে, তবে শুধু ছুনিয়ার বিচারে প্রথম ব্যক্তি রেহায়ী পাইবে, আথেরাতে রেহায়ী সম্পর্কে মতভেদ আছে। ইমাম আবু ইউসুফের মতে সে আথেরাতেও রেহায়ী পাইবে—এই মতের উপরই ফতওয়া; কিন্তু ইমাম মোহাম্মদের মতে আথেরাতে রেহায়ী পাইবে না।

(আলমগীরী, ৪—৩৮৬, কাজীখান)।

মছআলাহ :—এক ব্যক্তির উপর অপর ব্যক্তির ধন-দৌলতের হুক বা প্রাপ্য রহিয়াছে দ্বিতীয় ব্যক্তি সে সম্পর্কে মোটামোটি জ্ঞাত আছে, কিন্তু পরিমাণ সম্পর্কে সঠিক তথ্য জ্ঞাত নহে। এমতাবস্থায় প্রথম ব্যক্তি দ্বিতীয় ব্যক্তিকে বলিয়াছে, আমার নিকট আপনার যাহাই প্রাপ্য রহিয়াছে উহা হইতে আমাকে আপনি রেহায়ী দান করুন। দ্বিতীয় ব্যক্তি উত্তরে বলিয়াছে, ছুনিয়া-আথেরাতে তোমাকে রেহায়ী দিয়া দিলাম। এক্ষেত্রে ছুনিয়ার বিচারে সে সম্পূর্ণ ঋণ হইতেই মুক্তি পাইবে, কিন্তু আথেরাতে শুধু ঐ পরিমাণ ঋণ হইতে সে মুক্তি পাইবে যে পরিমাণ রেহায়ীদাতার ধারণায় প্রাপ্য ছিল; প্রকৃত প্রস্তাবে যদি তাহার ধারণা অপেক্ষা প্রাপ্যের পরিমাণ অনেক বেশী হয় তবে উহা প্রকাশ করতঃ মুক্তি লাভ না করিলে ঐ বেশী পরিমাণ হইতে রেহায়ী লাভ হইবে না (আলমগীরী, ৪—৩৮৭)।

মছআলাহ :—এক ব্যক্তির কোন বস্তু জবরদস্তি মূলক বা গোপন ভাবে অগ্রে হস্তগত করিয়াছে; অতঃপর ঐ মালিক ব্যক্তি তাহার সমুদয় হুক বা প্রাপ্য হইতে কিম্বা বিশেষভাবে ঐ বস্তু হইতেই হস্তগতকারীকে রেহায়ী দান করিয়াছে—এক্ষেত্রে যদি ঐ বস্তু পূর্বেই ব্যয় বা বিনষ্ট হইয়া গিয়া থাকে তবে

উহার কতিপয় দান হইতে সে মুক্তি পাইবে। যদি ঐ বস্তু এখনও বিদ্যমান থাকে তবে উহা মালিককে ফেরত দিতে হইবে; ফেরত না দেওয়া পর্য্যন্ত উহা তাহার হাতে আমানত পরিগণিত হইবে (আলমগীরী, ৪, ২৮৭)। অবশ্য যদি বিদ্যমান আছে জানিয়াও মালিক দাবী ছাড়িয়া দেয়, তবে তাহা স্বতন্ত্র কথা।

মছআলাহ :—যে কোন শ্রেণীর পাওনাদার তাহার প্রাপ্য হইতে ঋণী ব্যক্তিকে মুক্তিদান করিলে সেই মুক্তি-দান নাকচ করার ক্ষমতা তাহার থাকে না; সে এ ঋণের আর দাবী করিতে পারিবে না (৩৩১ পৃঃ এবং কাজীখান)।

কেহ তাহার নিজের জিষিষ অপরকে ভোগ করার অনুমতি দিল বা উহা তাহার জন্ত হালাল বলিয়া দিল, কিন্তু পরিমাণ উল্লেখ করিল না—এরূপ ক্ষেত্রে উপস্থিত কথাবার্তা ও আলোচনা ইত্যাদি দৃষ্টে কোন বিবরণ ও পরিমাণ উদ্দেশ্য বলিয়া সাব্যস্ত হইলে তাহাই গৃহিত হইবে। এরূপ কোন কিছু সাব্যস্ত করার সূত্র বিদ্যমান না থাকিলে সচরাচর এরূপ ক্ষেত্রে যাহা উদ্দেশ্য হয় তাহাই গৃহিত হইবে। ফেকার কেতাব হইতে এরূপ কতিপয় নজির—

মছআলাহ :—এক ব্যক্তি বলিল, আমার মাল তোমার জন্ত হালাল। এই ক্ষেত্রে শুধু টাকা-পয়সার ব্যাপারে অনুমতি হইবে; অগ্নি বিষয়-সম্পদ—যেমন, ফল-ফসল ও পশুপাল ইত্যাদির জন্ত অনুমতি হইবে না (ফতওয়া বজ্জায়িয়া)।

মছআলাহ :—এক ব্যক্তি বলিল, তোমার জন্ত আমার মাল হইতে খাওয়া, নেওয়া এবং দান করা হালাল করিয়া দিলাম। এই ক্ষেত্রে তাহার নিজে খাওয়াত সর্বসম্মতরূপে হালাল; আর নেওয়া ও দান করার অনুমতি সম্পর্কে দ্বিমত রহিয়াছে—ফতওয়া বজ্জায়িয়ায় হাঁ এবং কাজীখানে না রহিয়াছে।

মছআলাহ :—এক ব্যক্তি অপর ব্যক্তিকে অনুমতি দিল, তুমি আমার বাগানে যাইয়া আন্দের নিতে পার। এক্ষেত্রে অনুমতি প্রাপ্ত ব্যক্তি তাহার পেট ভরা পরিমাণ নিতে পারিবে। (কাজীখান)

জায়গা-জমি অত্যাশ্রুপে দখল করা

১১৮৪। হাদীছ :—হারীদ ইবনে যাসেদ (রাঃ) বর্ণনা করিয়াছেন, রসূলুল্লাহ ছাল্লাল্লাহু আলাইহে অসাল্লামকে বলিতে শুনিয়াছি, যে ব্যক্তি (অগ্নের) ভূমির কিছু অংশও অত্যাশ্রুপে গ্রাস করিবে (কেয়ামতের দিন) সাত ভবক জমি হইতে সেই পরিমাণ তাহার গলায় ফাঁদরূপে আবদ্ধ করিয়া দেওয়া হইবে।

ব্যাখ্যা :—অত্যাশ্রু হাদীছে আছে, পরকালে শাস্তিভোগী ব্যক্তিদেরকে বিরাট-আকারে গঠিত করা হইবে; তাহাদের এক একটি দাঁত পর্বত সমতুল্য হইবে।

১১৮৫। হাদীছ :—আবদুল্লাহ ইবনে ওমর (রাঃ) হইতে বর্ণিত আছে, নবী ছাল্লাল্লাহু আলাইহে অসাল্লাম বলিয়াছেন, যে ব্যক্তি অত্যাশ্রুপে কাহারও জায়গা-

জমিনের কোন অংশ দখল করিবে তাহাকে কেয়ামতের দিন সাত তবক জমিনের নীচে ধসিত হওয়ার শাস্তি দেওয়া হইবে।

অনুমতি লইয়া আগের হুক ভোগ করা

১১৮৬। হাদীছ :— জাবালা (রাঃ) বর্ণনা করিয়াছেন, এক সময়ে আমরা ইরাকবাসী কয়েকজন লোক মদীনা শরীফে অবস্থানরত ছিলাম। তখন তথায় দুভিক্ষ দেখা দিল। শাসনকর্ত্তা আবদুল্লাহ ইবনে যোবায়ের (রাঃ) আমাদের জন্য সরকারী সাহায্য ভাণ্ডার হইতে খুরমা প্রদান করিয়া থাকিতেন।

তদাবস্থায় আবদুল্লাহ ইবনে ওমর (রাঃ) ছাহাবী যখনই আমাদের নিকটবর্তী যাতায়াত করিতেন তখনই আমাদের নিকট এই হাদীছখানা বর্ণনা করিতেন— রসুলুল্লাহ ছাল্লাল্লাহু আলাইহে অসাল্লাম নিষেধ করিয়াছেন, দুই ব্যক্তি একত্রে খুরমা (ইত্যাদি) খাইতে বসিলে একজন একত্রে দুই দুইটি খুরমার গ্রাস লাইবে না। হাঁ—যদি অপর ব্যক্তি হইতে অনুমতি লয় তবে ঐরূপ করিতে পারিবে।

১১৮৭। হাদীছ :—আবু মনউদ (রাঃ) বর্ণনা করিয়াছেন, মদীনাবাগী এক ছাহাবীর একটি ক্রীতদাস ছিল ; সে খানা পাকাইতে খুব পটু ছিল। একদা তাহার মনিব তাহাকে বলিলেন, তুমি পাঁচজন লোকের উপযোগী খানা তৈয়ার কর। আমি রসুলুল্লাহ ছাল্লাল্লাহু আলাইহে অসাল্লামকে অথ চার জন সঙ্গী সহ দাওয়াত করিতে চাই ; আমি তাঁহার ক্ষুধার্ত-রূপ অনুধাবন করিয়াছি। অতঃপর ঐ ছাহাবী রসুলুল্লাহ ছাল্লাল্লাহু আলাইহে অসাল্লামকে তাঁহার সঙ্গে আরও চার জন সঙ্গী সহ দাওয়াত করিলেন। এমতাবস্থায় অতিরিক্ত একজন তাঁহাদের সঙ্গী হইল—যাহার দাওয়াত ছিল না। নবী (দঃ) দাওয়াতকারীকে বলিলেন, এই ব্যক্তি অতিরিক্ত আমাদের সঙ্গে আসিয়াছে, তাহার জন্য দাওয়াতে শরীক হওয়ার অনুমতি আছে কি ? ঐ ছাহাবী বলিলেন, হাঁ—অনুমতি আছে।

বগড়া-বিবাদকারী ব্যক্তির পরিণতি

আল্লাহ তায়ালা কোরআন শরীফে মোনাফেকদের নিদর্শন উল্লেখ করিয়াছেন যে, তাহারা অধিক বগড়া-বিবাদকারী হইয়া থাকে।

১১৮৮। হাদীছ :—আয়েশা (রাঃ) হইতে বর্ণিত আছে, নবী (দঃ) বলিয়াছেন, আল্লাহ তায়ালা নিকট সর্বোচ্চ ঘৃণিত ঐ ব্যক্তি যে অধিক বগড়া-বিবাদকারী হয়।

মিথ্যা মোকদ্দমা করার পরিণতি

১১৮৯। হাদীছ :—উম্মে-হালমা (রাঃ)-এর বর্ণনা, একদা রসুলুল্লাহ ছাল্লাল্লাহু আলাইহে অসাল্লাম স্বীয় গৃহ-দ্বারের নিকট বাদী-বিবাদীর তর্ক-বিতর্কের শব্দ শুনিতে পাইলেন। তিনি গৃহ হইতে বাহিরে আসিয়া তাহাদের উভয়কে বলিলেন,

স্মরণ রাখিও—আমি একজন মানুষ (আমি আল্লাহ তায়ালায় হায় অন্তর্ধামী বা সর্ববজ্ঞ নহি)। বাদী-বিবাদীর নালিশ আমার নিকট উপস্থিত করা হইয়া থাকে। অনেক ক্ষেত্রে কোন এক পক্ষ (তাহার দাবী মিথ্যা হওয়া সত্ত্বেও সে) বাগ্মী এবং বাক-পটু হওয়ার দরুণ হয় ত আমি তাহার পক্ষেই রায় দান করিতে পারি।

তোমরা জানিয়া রাখিও, আমি ঘোষণা করিতেছি যে, আমি যদি ঐরূপে কাহাকেও অপরের কোন হক ও সত্ত্ব প্রদান করি তবে তাহাকে বুঝিতে হইবে—আমি যেন তাহাকে জাহান্নামের অগ্নিখণ্ড প্রদান করিলাম। এই বিষয় উপলব্ধি করিয়া সে ঐ জাহান্নামের অগ্নিখণ্ড গ্রহণ করিবে বা পরিত্যাগ করিবে।

অন্যায়রূপে আত্মসাত্কারীর ধন হইতে স্বীয় হক ওয়াসিল করার সূচোপ পাইলে ?

১১৯০। হাদীছ :- আয়েশা (রাঃ) বর্ণনা করিয়াছেন, একদা আবু সুফিয়ান রাজিয়ার্লাহ তায়ালা আনহুর জী হেন্দা (রাঃ) রসূলুল্লাহ ছালাল্লাহু আলাইহে অসাল্লামের নিকট উপস্থিত হইয়া আরজ করিলেন, আমি সন্দেহাতীত রূপে বলিতেছি, আমার স্বামী আবু সুফিয়ান কৃপণ স্বভাবের লোক। তিনি উদারতার সহিত পরিবারবর্গের প্রতি খরচ করেন না। এমতাবস্থায় তাঁহার অজ্ঞাতে আমি তাঁহার ধন হইতে ছেলে-মেয়েদের জন্ম ব্যয় করিলে তাহাতে আমার গোনাহ হইবে কি ? রসূলুল্লাহ (দঃ) বলিলেন, তুমি ছেলে-মেয়েদের প্রয়োজন পরিমাণ খরচ করিলে তাহাতে তোমার গোনাহ হইবে না।

১১৯১। হাদীছ :- ওক্বা ইবনে আমের (রাঃ) বর্ণনা করিয়াছেন, আমরা রসূলুল্লাহ ছালাল্লাহু আলাইহে অসাল্লামের নিকট এই অভিযোগ জানাইলাম যে, আপনি আমাদের দূর দেশে পাঠাইয়া থাকেন, আমরা পরদেশে নিরাশ্রয়রূপে স্থানীয় লোকদের অতিথি স্বরূপ তাহাদের নিকট উপস্থিত হই, কিন্তু তাহারা আমাদের আতিথেয়তার কর্তব্য পালন করে না। রসূলুল্লাহ (দঃ) বলিলেন, এমতাবস্থায় স্থানীয় লোকগণ তোমাদের প্রয়োজনীয় সহায়তা করিলে তোমরা তুষ্ট থাক, কিন্তু যদি তাহারা তোমাদের সহায়তা করিতে অস্বীকৃত হয় তবে তাহাদের নিকট হইতে আতিথেয়তার হক আদায় করিতে পার।

ব্যাখ্যা :- উল্লেখিত ব্যবস্থা এই সূত্রে প্রবর্তিত হইত যে, কোন দেশ বা কোন জাতির সঙ্গে চুক্তি বা সন্ধি করাকালীন এইরূপ শর্ত আরোপ করা হইয়া থাকিত যে, মোসলমান মোজাহেদগণকে প্রয়োজন ক্ষেত্রে সহায়তা করিতে হইবে। তাই ইহা একটি আইনগত ও হায় সঙ্গত প্রাপ্য হক ছিল। প্রয়োজন স্থলে উহা প্রদানে সকলকে প্রস্তুত রাখার উদ্দেশ্যে হুমকি স্বরূপ এই অহুমতি

প্রচার করা হইয়াছিল যে, ঐ আইনগত প্রাপ্য প্রদানে গড়িমসি করা হইলে তাহা বাধ্যতামূলক উশুল করিয়া লওয়ার ব্যবস্থা গ্রহণ করা যাইবে।

উল্লেখিত হাদীছে বর্ণিত ব্যবস্থা প্রয়োগের আরও একটি স্থান আছে—কোন ব্যক্তি পরদেশে একরূপ নিঃসহায় ও নিরূপায় হইয়া পড়ে যে, স্থানীয় লোকদের সহায়তা ব্যতিরেকে উপস্থিত তাহার জীবন বাঁচান অসম্ভব হইয়া পড়ে। সাধারণতঃ পার্শ্ববর্তী এলাকার কঠিন পথে বিচ্ছিন্ন বস্তি সমূহে যাতায়াতে এইরূপ অবস্থার সম্মুখীন হইতে হয়।

এতদ্ভিন্ন ইসলামের দৃষ্টিতে আতিথেয়তা বিশেষ একটি জরুরী কার্য্য, এমনকি কোন কোন আলেম উহাকে ওয়াজেব বলিয়াছেন। অত্যাশ্চর্য ইমামগণের মতে সাধারণতঃ উহা ওয়াজেব না হইলেও উহা বিশেষ একটি ছুন্নতে-মোয়াকাদাহ। তাই উহার প্রতি বিশেষ তাকিদ প্রয়োগ উদ্দেশ্যে এইরূপ বলা হইয়াছে।

এক হাদীছে বর্ণিত আছে রশূলুল্লাহ (দঃ) বলিয়াছেন, যে ব্যক্তি আল্লাহ এবং পরকালের প্রতি ঈমান রাখে, তাহার কর্তব্য হইবে অতিথির সেবা করা।

অতঃপর এক হাদীছে বর্ণিত আছে, কোন ব্যক্তির গৃহে তাহার অতিথি অনাহারে রাত্রি যাপন করিলে অতঃপর মোসলমানগণের কর্তব্য হইবে ঐ ব্যক্তির ধন-সম্পদ হইতে অতিথির হক ওয়াসিল করিয়া দেওয়া।

অবশ্য কতিপয় হাদীছ দ্বারা ইহাও প্রমাণিত আছে যে, অতিথির হক—শুধু মাত্র এক দিন এক রাত্র বিশেষরূপে তাহার সেবা করা। আর অতিরিক্ত দুই দিন সাধারণ রূপে আহার যোগান। অতঃপর আতিথেয়তা থাকিবে না, বরং দান-খয়রাত ও ছদকা প্রদান স্বরূপ গণ্য হইবে।

বিশেষ দৃষ্টব্য :—আলোচ্য পরিচ্ছেদের মহআলাহ সম্পর্কে হানাকী মজহাব মতে (বিশেষ সতর্কতাবলম্বন স্বরূপ) সাধারণতঃ শর্ত আরোপ করা হইয়াছে যে, স্বীয় প্রাপ্য বস্তু জাতীয় কোন বস্তু যদি হস্তগত হয় তবেই উহা হইতে স্বীয় হক উশুল করিতে পারিবে। কিন্তু যদি অতঃপর জাতীয় বস্তু হস্তগত হয় তবে সে স্থলে মালিকের সম্মতি ব্যতিরেকে স্বীয় হকের বিনিময় রাখিয়া লওয়া জায়েয হইবে না। কারণ, এই ক্ষেত্রে হস্তগত বস্তুর মূল্য নির্ধারণ আবশ্যক হয়, অথচ প্রাপকের এই অধিকার নাই যে, সে অতঃপর মালিকের বস্তুর মূল্য নিজ ইচ্ছামত নির্ধারণ করে। পক্ষান্তরে হস্তগত বস্তু, প্রাপ্য বস্তু জাতীয় হইলে সেই ক্ষেত্রে মূল্য নির্ধারণের প্রশ্ন আসে না, তাই উহা হইতে স্বীয় প্রাপ্য পরিমাণ রাখিতে পারিবে। অবশ্য অত্যাশ্চর্য ইমামগণ এবং হানাকী মজহাবের পরবর্তী আলেমদের মতে (মূল্য নির্ধারণে বিশেষ সতর্কতা অবলম্বনে) সব রকম হস্তগত বস্তু হইতেই স্বীয় প্রাপ্যের পরিমাণ উশুল করিতে পারিবে। (কয়জুলবারী দ্বিতীয়)

প্রতিবেশীর প্রতি সহানুভূতি প্রদর্শন

১১৯২। হাদীছঃ—আবু হোরাযরা (রাঃ) হইতে বর্ণিত আছে, রসূলুল্লাহ ছালাল্লাহু আলাইহে অসাল্লাম বলিয়াছেন, এক প্রতিবেশী অপর প্রতিবেশীর দেওয়ালের উপর আবশ্যক বোধে আরকাঠ বা কড়িকাঠ ইত্যাদি রাখিতে চাহিলে উহাতে বাধা দেওয়া চাই না।

আবু হোরাযরা (রাঃ) এই হাদীছখানা বর্ণনা করিয়া উপস্থিত শ্রোতাগণের মধ্যে একটু বিরূপভাব লক্ষ্য করিতে পারিয়া তাহাদিগকে তিরস্কার করতঃ বলিলেন, আমি তোমাদের সম্মুখে নিশ্চয় এই হাদীছখানা বর্ণনা করিবই।

রাস্তা-ঘাটে বসা

চলাচল পথের ধারে নিজের জায়গায় বা নিজ বাড়ীর আঙ্গিনায় বসিতেও অনেক দায়িত্ব বহন করিতে হইবে।

১১৯৩। হাদীছঃ— আবু সায়ীদ খুদরী (রাঃ) হইতে বর্ণিত আছে, নবী ছালাল্লাহু আলাইহে অসাল্লাম বলিয়াছেন, তোমরা রাস্তার কিনারায় বসিও না। ছাহাবীগণ আরজ করিলেন (দরিদ্রতার দরুন আমাদের বাড়ী ঘরে কোন সুব্যবস্থা না থাকায়) রাস্তার কিনারায় বসা পরিত্যাগ করিতে আমরা অপরাগ; আমরা পরস্পর প্রয়োজনীয় কথাবার্তা ঐরূপ স্থানে বসিয়াই বলিয়া থাকি। এতজ্ববনে নবী (দঃ) বলিলেন, এমতাবস্থায় যখন তোমরা বস তখন রাস্তা ও পথের হক আদায় করিও। ছাহাবীগণ জিজ্ঞাসা করিলেন, পথের হক কি কি? তত্বত্তরে নবী (দঃ) বলিলেন, পথের হক এই—(১) স্বীয় দৃষ্টি নিম্নমুখী ও সংযত রাখা, (২) অপরের কষ্ট হয় এইরূপ কার্য হইতে বিরত থাকা, (৩) সালামের উত্তর দেওয়া, (৪) সং উপদেশ দান করা ও কু-কার্যে বাধা প্রদান করা।

[এতদ্ভিন্ন (৫) পথিককে পথ প্রদর্শন করা, (৬) হাঁচিদাতার “আল হামজুলিল্লাহ” শুনিলে “ইয়ারহামুকাল্লাহ” বলা, (৭) বিপদগ্রস্তকে সাহায্য করা, (৮) পথহারাকে পথ বাতলাইয়া দেওয়া, (৯) মজলুমের সাহায্য করা, (১০) বোকা বহনকারীর সাহায্য করা, (১১) আল্লার জেকের অধিক পরিমাণে করা। (ফতহুল বারী)]

পথ হইতে কষ্টদায়ক বস্তু অপসারণ করা

আবু হোরাযরা (রাঃ) নবী ছালাল্লাহু আলাইহে অসাল্লাম হইতে বর্ণনা করিয়াছেন, পথ হইতে কষ্টদায়ক বস্তু অপসারণ করা দান-খয়রাত করা সমতুল্য।

১১৯৪। হাদীছ :- من أبى هريرة رضى الله تعالى عنه

أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ قَالَ بَيْنَمَا رَجُلٌ يَمْشِي بِطَرِيقٍ وَجَدَ غُصْنًا شَوْكًا فَاخَذَهُ فَشَكَرَ اللَّهَ لَهُ فَغُفِرَ لَهُ ۝

অর্থ—আবু হোরায়ারা (রাঃ) হইতে বর্ণিত আছে, রসুলুল্লাহ ছালাল্লাহু আলাইহে অসাল্লাম বর্ণনা করিয়াছেন, এক ব্যক্তি পথিমধ্যে চলিতেছিল; সে কাঁটাযুক্ত গাছের ডালা পথিমধ্যে দেখিয়া উহা অপসারণ করিয়া দিল। আল্লাহ তায়ালা তাহার এই কার্যে সন্তুষ্ট হইয়া তাহার গোনাহ মাফ করিয়া দিলেন।

পাথের পরিমাপ

মছআলাহ :- কোথাও একটি প্রশস্ত ভূখণ্ড বসতি বিহীন রহিয়াছে যাহার উপর সর্বসাধারণ লোকদের চলাচলের পথও আছে, কিন্তু সেই পথের চিহ্নিত পরিমাপ বিद्यমান নাই। উক্ত ভূখণ্ডের উপর উহার মালিকগণ ঘর-বাড়ী তৈরী করিতে চায়। সে ক্ষেত্রে সাধারণতঃ সাত হাত প্রশস্ত পথ রাখিতে হইবে।

১১৯৫। হাদীছ :- আবু হোরায়ারা (রাঃ) বলিয়াছেন, (কোন পথের সংস্কার বা আবিষ্কারে বা নূতন বস্তু আবাদ কালে পথ প্রতিষ্ঠায় ঐ পথের পার্শ্বস্থিত লোকদের বিরোধ মীমাংসায় স্মরণ রাখিবে,) নবী ছালাল্লাহু আলাইহে অসাল্লাম যতবিরোধের ক্ষেত্রে পথের পরিমাপ সাত হাত ধার্য করিয়াছেন।

কাহারও মাল লুট করিয়া নেওয়া বা ছিনাইয়া নেওয়া

নবী (দঃ) বিশেষভাবে অঙ্গীকার গ্রহণ করিতেন, লুট না করা সম্পর্কে। এক হাদীছে আছে, যে ব্যক্তি অন্যের মাল লুট করে সে ঈমান শূন্য হইয়া যায়।

১১৯৬। হাদীছ :- আবুল্লাহ ইবনে য়াযীদ (রাঃ) বর্ণনা করিয়াছেন, নবী ছালাল্লাহু আলাইহে অসাল্লাম কঠোরভাবে নিষেধ করিয়াছেন, লুটপাট করা হইতে এবং কোন জীবকে উহার অঙ্গহানী করিয়া শাস্তি দেওয়া হইতে।

মদের পাত্র ইত্যাদি ভাঙ্গিয়া ফেলা

মদের মটকা ভাঙ্গিয়া ফেলা, মদের মশক ছিড়িয়া ফেলা, মূর্তি ভাঙ্গিয়া ফেলা, (শেরেক-বেদআত কার্যের বস্তু যেমন) ক্রোশ ভাঙ্গিয়া ফেলা, (গান বাজের যন্ত্র) দোতার, ছেতার ইত্যাদি ভাঙ্গিয়া ফেলা—এই সব বিষয় ইমাম বোধারী (রঃ) উল্লেখ করিয়া উহার মছআলাহ সম্পর্কে ইঙ্গিত করিয়াছেন—

ছাহাবীগণের যুগের খ্যাতনামা কাজী বা বিচারপতি শোরাযহ রহমতুল্লাহ আলাইহেহর একটি রায় এখানে উল্লেখ হইয়াছে যে, দোতার বা ছেতার ভাঙ্গিয়া

দেওয়ার একটি মোকদ্দমায় তিনি আসামীকে বে-কসুর খালাস দিয়াছিলেন।

বোখারী শরীফের প্রসিদ্ধ শরাহ “ফতুল্লা বারী” নামক কেতাবে লিখিয়াছেন যে, এখানে ইমাম বোখারী (রাঃ) দুইটি হাদীছের প্রতিও ইঙ্গিত করিয়াছেন।

প্রথম হাদীছটি এই—মদ হারাম ঘোষিত হইলে পর আবু তালহা (রাঃ) রসুলুল্লাহ ছালাল্লাহু আলাইহে অসাল্লামের নিকট উপস্থিত হইয়া আরজ করিলেন, আমি কতিপয় এতিমের পক্ষে ব্যবসার উদ্দেশ্যে মদ ক্রয় করিয়াছিলাম। হযরত (দঃ) বলিলেন, মদ ফেলিয়া দাও এবং মদের মটকা ভাঙ্গিয়া ফেল।

দ্বিতীয় হাদীছটি এই—মদ হারাম ঘোষিত হইলে একদা নবী ছালাল্লাহু আলাইহে অসাল্লাম ছুরি হাতে লইয়া বাজারে উপস্থিত হইলেন এবং তথায় সিরিয়া হইতে আমদানীকৃত মদের মশক সমূহ বিদীর্ণ করিয়া দিলেন।

১১৯৭। হাদীছ :— ছালামতুবলুল-আকওয়া (রাঃ) বর্ণনা করিয়াছেন, খয়বরের যুদ্ধের সময় একদা রসুলুল্লাহ ছালাল্লাহু আলাইহে অসাল্লাম প্রজ্জলিত অগ্নি দেখিতে পাইয়া জিজ্ঞাসা করতঃ জানিতে পারিলেন যে, গৃহপালিত গাধার গোশত রান্না করা হইতেছে। তখন হযরত (দঃ) বলিলেন, গোশত ফেলিয়া দাও এবং পাত্র ভাঙ্গিয়া ফেল। এক ব্যক্তি আরজ করিল, পাত্র ধৌত করিয়া লইলে চলিবে কি? হযরত (দঃ) বলিয়াছেন, আচ্ছা—ধৌত করিয়া লও।

১১৯৮। হাদীছ :—আয়েশা (রাঃ) বর্ণন করিয়াছেন, আমি স্বীয় ঘরে মাচাংএর সম্মুখে লটকাইবার একটি পর্দার ব্যবস্থা করিলাম, উহা ছবিযুক্ত ছিল। নবী ছালাল্লাহু আলাইহে অসাল্লাম উহা দেখিয়া উহাকে ফারিয়া ফেলিলেন; উহার খণ্ড সমূহ দ্বারা আয়েশা (রাঃ) দুইটি বসিবার গদী তৈয়ার করিলেন।

স্বীয় ধন রক্ষার্থে মৃত্যু হইলে ?

১১৯৯। হাদীছ :— আবুল্লাহ ইবনে আমর (রাঃ) বর্ণনা করিয়াছেন, নবী (দঃ) বলিয়াছেন, যে ব্যক্তি স্বীয় ধন রক্ষায় খুন হইবে সে শহীদ গণ্য হইবে।

অপরের কোন বর্তন পেয়ালা ভাঙ্গিয়া ফেলিলে

১২০০। হাদীছ :— আনাছ (রাঃ) বর্ণনা করিয়াছেন, নবী ছালাল্লাহু আলাইহে অসাল্লাম একদা কোন এক পত্নীর ঘরে ছিলেন, অপর এক পত্নী তাহার ভৃত্যের হাতে তথায় কিছু খাণ্ডবস্ত্র পাঠাইলেন। যেই পত্নীর ঘরে নবী (দঃ) ছিলেন সেই পত্নী রাগান্বিত হইয়া ভৃত্যের হাতে আঘাত করিলেন; খাণ্ডবস্ত্রের পাত্রটি তাহার হাত হইতে পতিত হইয়া ভাঙ্গিয়া গেল। নবী (দঃ) ভগ্ন পাত্রটির খণ্ডগুলি একত্রিত করিয়া উহার মধ্যে পতিত খাণ্ডবস্ত্র উঠাইলেন এবং উপস্থিত সকলকে খাইতে বলিলেন এবং ভৃত্যকে অপেক্ষা করার আদেশ করিলেন।

পানাহার শেষ করিয়া ভগ্নকারিণী পত্নীর নিকট হইতে একটি ভাল পাত্র লইয়া ভৃত্যের হাতে দিলেন এবং ভগ্ন পাত্রটি সেই ঘরে রাখিয়া দিলেন।

কতিপয় পরিচ্ছেদের বিষয়াবলী

● কাহারও সঙ্গে বিতর্কে কাহেনা কথা ও অশ্লীল ভাষা ব্যবহার করা মোনাফেকের পরিচয় (৩৩২ পৃঃ)। ● ব্যক্তিবিশেষের বা সমাজবিশেষের তৈরী বাংলা, বারান্দা বা চাতাল ইত্যাদি যাহা সাধারণতঃ লোকজনের বৈঠকখানারূপে তৈরী হয় তথায় মালিকের অনুমতি ছাড়া বসা যায় (৩৩৩ পৃঃ)। ● পথে-ঘাটে এমন কোন বস্তু ফেলা যাহাতে পথের কোন ক্ষতি না হয় এবং চলাচলকারীদের জন্য কোন প্রকার কষ্টের বা বিপ্লের কারণ না হয়—তাহা জায়েয (ঐ)। ● সাধারণ পথের পার্শ্বে কুপ তৈরী করা জায়েয যদি যাতায়াতকারীদের কষ্ট ও ক্ষতির কারণ না হয় (ঐ)। ● পথে কষ্টদায়ক জিনিষ থাকিলে উহা যাহারই হউক অপসারণ করা যায় (৩৩৪ পৃঃ)। উচু বা দ্বিতলে, ততলে কক্ষ বা বারান্দা বহিমুখী বা অবহিমুখী তৈরী করা (৩৩৪ পৃঃ)। অর্থাৎ নিজ জমিতে এইরূপ গৃহ তৈরীর অধিকার আছে, কিন্তু পড়শীর সুবিধা-অসুবিধার প্রতি অবশ্যই লক্ষ্য রাখিতে হইবে। ● নিজ বাড়ীর ছাদে চড়িলে যদি পড়শীর আন্দরবাড়ী দৃষ্টিগোচর হয় সে ক্ষেত্রে পড়শীর অধিকার আছে ছাদে চড়িতে নিষেধ করার—যাবৎ না ছাদে পর্দার বেষ্ঠনী দেওয়া হয়। আর যদি ছাদ হইতে অপরের আন্দরবাড়ী দৃষ্টিগোচর না হয়, কিন্তু অপর ছাদে মানুষ উঠিলে তাহা উচু ছাদ হইতে দেখা যায় সে ক্ষেত্রে উচু ছাদে চড়িতে নিষেধ করার অধিকার নাই (আলমগীরী, ৫—৪০৮) ● মসজিদের সম্মুখে মসজিদের সীমার বাহিরে যাতায়াত ও সাধারণ ব্যবহারের জায়গায় মসজিদে আগমনকারী স্বীয় যানবাহন বাধিতে পারে (৩৩৫ পৃঃ)। ● কাহারও দেওয়াল ভাঙ্গিয়া ফেলিলে এরূপ দেওয়াল বানাইয়া দিতে হইবে (৩৩৭ পৃঃ)। অর্থাৎ কাহারও কোন বস্তু বিনষ্ট করিলে সে ক্ষেত্রে অশু বস্তুর দ্বারা ভরতব্য দেওয়া দ্বিতীয় পর্যায়ের কথা; প্রথমতঃ ঐ বস্তুর স্থান পূরণ করার চেষ্টাই করিতে হইবে।

اَلْحَمْدُ لِلّٰهِ وَالسَّلَامُ عَلٰى رَسُوْلِ اللّٰهِ



